

集部第七一冊目次

杜曲集十一卷

〔明〕戴澳撰
明崇禎刻本

一

龔山集十二卷續集四卷再續集五卷

〔清〕方文撰
清康熙二十八年王槩刻本

四一五

杜曲集十一卷

〔明〕戴澳撰

明崇禎刻本

中國科學院圖書館藏

杜曲集序

沈伯子英多授子杜曲集一卷蓋文部載公所著也公生具勝情雅貌登涉八朗四極寄志迢遞奇言吐穎瓊音繁振可謂天秀標韻律呂之圓吹風騷之方軌也公手秉玉尺難進易退南宮眉目安重不遷謝笑而骨自剛頗嗔而肯自恕觀其明雅之度獨振清平之靈詩之爲道本以箋志而設公之依永久叶和鳴矣山巨源有言吏部郎典碎事非但正已貴在正人夫詩道亦有流濫焉今使王李拔幟袁鍾變音嘈襍迭興繁穠遍創要未有銓之歸正者公料簡精嚴冷汰道勁雖身繫白圭振驚之班而神酌金砂野鷗之興煙火盪盡清機自流坎險無關坦步愈出毫端之正始亦卽其朝端之正色者而已至若石屏高夢

翠落南明剡源湍湍波騰漸泝淵源深蓄不言可知要以安道破琴拈不回之勁節仲若携酒舒無競之閒心公之所以騷九霞而直上吐三公共如核良有繇也雖然皇路清夷卷阿待咏絳山棋墅詎能久留子則欲就公杖屨所及靈扃福地一一按而尋之雖謂越絕圖經都爲杜曲寫照其可也

甲戌冬仲西吳友弟韓敬題

評較戴斐君先生杜曲集序

乙亥春斐君先生招入四明雪竇山歷探名蹟既返芳洲出囊中藏草手自裁削屬允交評定焉先生秉尺清曹郊居什八無淪芳洲林嶼幽妍足供筆札凡環洲鉅勝如今來所歷多古佛道場拔飛仙窟衆峭決背巒嵐蕩胸管魄所淹漑口手所霏洒無非靈光灝氣不慧較譬之役盟諸赤水

丹山借山澤之精英境物之動變以印先生之文與詩而卽詩文以印先生之神情與眉宇得敘引傳記碑誌疏跋銘贊牒文若干首奏記書牘若干首賦若干首四五七言古近體排律絕句雜詩若干首詩餘若干首遠不摹古近不隨人象微現前思拙當下習氣一滌景意遂親故鴻簡殊裁濃纖殊度境隨夷峻崢或恬悽而一往蕭

蕭秩秩駢霞飲瀝之天然落筆便見輒倣昔人鑒字鑒詩例合以環洲勝麗不慧別有評言夫作者能自肖其性情於撰述使人人因撰述以覲作者之性情斯固寄志之慧鋒微辭之婉致也雖阮懷之塊壘未澆宋辭之蕭騷時奏似不忘貞士悼時之旨然迴風紫瀾鏡海恬若余寂喜集中無時下名人口角挂瓶拂刀圭氣而偶於物情世局一拈杜機觀幻之微則柱下之精竺乾之隨不假門風益以覘道力矣乃至孤映冰壺不因人熱斟酌羣品中衡設樽其介立坦朗之風操集中其見則峽同朝名彥寫照之筆序而傳之不慧方相從雲巖雪瀑衡泉品石之時姑舉毫間海印之光蕊珠之秀久證洽於名區之霞韻宗風者以質四明雪竇諸山之靈如此

崇禎八年秋孟新安黃允交書於芳杜洲
青始齋

評語

大篇纚纚華整淨貴核而彌悠宕而有檢
如石屏錦峙線峽天通曲壑雲鋪四窗海
照閒題小品雋古幽折澹能設色削不傷
神如片石巧剗崖花自繁疎澗響竹潛蛟
舞谿歷境恰時杜陵詩史警厲峭惋秀爵
生姿如千松繡壑聳幹森翠忽有海鶴飛
來與哀湍併唳寫懷寓適摩詰禪觀覩麗
玉圓新而不說如石簪花雨谷鳴鐘
聖巖栖使魔風自遠花間樣調茶柳漾新
如錦鏡荷舒紅泉柳漾琅璈瑟謝餘響
神露賦則象情體物冰絲獨蕭影震
如風激懸泉裂帛時快時頓蛛網
洲遺實紅梨青檣定是千年雪
大

評較姓氏

潘之恒景升甫歙縣人

薛岡千仞甫鄞縣人

孫朝儀鴻羽甫鄞縣人

黃允交玄龍甫歙縣人

謝應宸伯貞甫奉化人

余紹祿子餘甫婺源人

周伯畊更生甫莆田人

卓爾昌仲期甫仁和人

陸時雍昭仲甫桐鄉人

戴夢龍元震甫婺源人

章載道長興甫鄞縣人

徐遵湯仲昭甫江陰人

戴琳如孔璋甫嘉興人

周立本長卿甫奉化人

丁鳴臯大聲甫奉化人

徐大啓明卿甫奉化人

王夢麟仲開甫慈谿人

周三綱孟彝甫奉化人

潘駒嘉客甫歙縣人

呂元燮君鼎甫奉化人

卓發之左車甫仁和人

鍾天均小天甫仁和人

劉振自我甫宣城人

李國標君龍甫奉化人

戴熙世元亮甫鄞縣人

沈光含英多甫錢塘人

渠葆和太叔甫鄞縣人

王拱壁藻序甫奉化人

鮑蘭曉滋甫歙縣人

杜曲集總目

卷之一

賦

四言古詩

五言古詩

七言古詩

卷之二

長短句

五言律詩

卷之三

七言律詩

五言排律

五言絕句

六言絕句

卷之四

七言絕句



雜體

騷體

詩餘

卷之五

焚餘草

卷之六

啓

書

婚書

卷之七

序

壽序

卷之八

記

紀遊

卷之九

紀遊	贊	銘	卷之十	題	跋	引	墓疏	卷之十一	碑文	祭文	傳	行狀	墓誌銘	塔銘	墓表
----	---	---	-----	---	---	---	----	------	----	----	---	----	-----	----	----

杜曲集卷之一目錄	賦	風雨秋別賦 <small>乙卯年</small>	思賦 <small>有序</small>	客窗春月賦 <small>庚申年</small>	盆梅賦 <small>有序</small>	人影賦 <small>甲戌年</small>	暢中秋賦 <small>有序 乙亥年</small>	文園賦 <small>有序 丁丑年</small>
----------	---	--------------------------	----------------------	--------------------------	-----------------------	------------------------	----------------------------	---------------------------

四言古詩

聞鄉中水災示首

門人正東序以奇被摘賦慰四首

乙亥年

讀孫母韓太君節孝編五首

輓宋泰斗四首

丁丑年

五言古詩

河間道中哀流民

乙卯年

哀路殍

石橋觀瀑

丁巳年

遊石門洞觀瀑

過西天目水竹居

卿雲洞題石

癸卯年

別戴元震兼柬余子餘

讀傅氏雙節傳

己未年

宿兩水河曉來聞鶯

庚申年

再宿兩水河

貧民行

讀陳贈君暨配舒安人行狀

立秋

撥悶二首

宿功德寺

歲暮二首 辛酉年

補陀禮大士二首 癸亥年

贈周更生

栽竹

問竹

宿理安寺聽笠雲彈琴 甲子年

夜坐有桃花墜書上

寄壽余子餘五十 丙寅年

南園上巳

送戴起貞歸新安群從伯起壽徵蓋

其骨肉知已故及之

暢雨

種茶

除夕

春閨四首 丁卯年

宿安巖莊

安巖莊坐雨

郊居守歲

見燕巢難成感賦 戊辰年

上雪坐雨

秋閨四首

送夏海防星槎

同謝伯貞遊富陽天中院 己巳年

謝臯羽墓

胥口夜泊

遊朱延之鹿田別業

招朗照興登堞寺 時住唐昌

送金孟章應召北上

重過四十九盤

寄楊龍友 待父梧州

十月十九夜載酒湖舫候月借黃玄

龍謝伯貞共用萍字

贈祝鶴峰

壽蔣子盛

辛未年

祝彭充宇

壬申年

春夜坐雨

東平道中

過逆瑞竿首處

渡口夜泊

武城南

癸酉年

過任城

遊金山寺值大風雨

送楚客劉孟肩

甲戌年

石人塢訪鍾小天却贈

望江亭

徑山

橫山江氏別業

登莫釐峰

登縹緲峰

夜尋月頭

善卷洞

七星洞

一名天窟

君陽洞

一線天

登大茅峰

重遊靈谷寺有感

達摩洞偈

寄懷包山蔡居士

過萬竹菴尋伏虎石

遊無門洞

遊紫雲洞

甯三尹遷任神電衛叅軍却送

乙亥年

夏日遊香雪塢晏坐竹下正臨清

盛夏邀黃玄龍周長卿入過雲莊

尋幽竊分韻得呬字

登過雲絕頂得頂字

答王覺斯步韻 丁丑年

靈芝引爲許君信賦

寄懷周孟昇

重遊棲霞寺

重登攝山頂

送薛歲星

哭李鹿胎

命役

士全榮卿並以書招德老歸黃山

送

衝雨遊方山 戊寅年

登方山絕頂

七言古詩

題洪茂卿九如圖 己未年

綏城魯使君母夫人壽九十猶子庶

常君索詩寄壽 庚申年

燕市行 楊冷然席上作

登天壇鐘樓 辛酉年

讀王母割股述

寄題洪潭讀書處爲俞徵君壽 壬戌年

壽正伯貞七十 甲子年

碧泉道人六十乞詩

醉歌行壽族叔繼和六十

聞與東民變

黃山高爲李母八十壽

贈笠雲 乙丑年

題王母汪孺人六十壽圖 丙寅年

讀馮楨卿司理撫長紀事

靈雨篇為劉明府賦

題萬竹烟雲圖為趙養葵壽

胡為乎泥中戲贈任遜之有序
丁卯年

咏松戊辰年

贈戴繼椿己巳年

徐紫宿郡伯招遊三巖寺值雨

集續敬承叅戎邏香亭同謝伯貞胡

百敘

何無咎吳子範集孤嶼浩然樓適賞

新霽分韻得花字

壽族叔母竺孺人庚午年

族弟有馨索詩為其母樓壽

還山吟癸酉年

聊城道中阻淺

濟陰

泗水亭懷古

九日泐河阻風

壽沈英多母夫人六十甲戌年

張公祠

尋半山亭

壽族叔季和七十

喜呂君鼎至留邸丙子年

送周長卿東歸丁丑年

朱渤海觴我蛻園賦贈

送嵇斗生之任潯州有序

飲劉自我河亭

杜曲集卷之二目錄

長短句

招鶴篇

有敘

戊午年

慕山兄六十

已未年

題呂光祿小像

贈許君信

庚申年

中秋

十六夜

當湖有仙客贈陸徵君

辛酉年

春別

送劉敬仲還曲周

慰花

丙寅年

館娃宮懷古

甲戌年

白門贈笠雲

三宿巖別鮑在齊

海大魚

寄題吳涪溪先墓

丁丑年

壽徐九寰七十

陽天別館贈宋獻孺

五言律詩

早泰郊遊

甲寅年

雨奇山閣春望

一

送陳季求歸新安

時客苔上

秋夜苦次二首

有序

乙卯年

大雨度初嶺

丁巳年

遊白嶽遇雨

吳正子將縱遊江南却贈

春仲尋西山寺舊遊仲兄偕征南叔

續至

寄懷李君武

京口夜泊

山房雨中

登清涼臺

登雨花臺

瓦官寺懷古

寄懷楚客

吳山登高

冬日登眺封山閣

十月見梅

送曹叔度葬

周長卿招飲封山閣得春字

己未年

再訪十八澗佛石禪師

觀聖安寺法雨泉

五杭道中

阜林夜泊

松陵別友石侄

大柳道中

送仇主簿宿遷管河

送孟玄鉢假歸

送張五圖之任沅陵

送章長輿歸越

送薛千仞 庚申年

登閱武臺

送伯兄都門外

結客

寄懷孫仲孺

露坐

寄懷蔣子相

軍都野署

仲氏歸櫬哭以送之

久無家信

自咲

送王耀南

壽毛誠菴六十

寄答王筠秀才徵毛詩緒言

生日

除夕 泰昌元年即萬曆四十八年

春風二首 辛酉年

遊淨業寺二首

送周自昭

午日獨酌

午日出城沿流觴咏憩極樂寺

寄懷周長卿

署中漫興二首 壬戌年

邸舍夏日

施澹寧觴我淨業寺西亭

久客有懷先壟 有欽

署中坐雨

沙河道中晚行

邯鄲道中曉行

同丁大聲重過張太初幽居

入蛟門 癸亥年

舟晚

蛟川夜泊

送毛孺初北上

甲子年

過曹娥廟

夜步六橋

雨遊三竺

荅湯霍林二首

挽趙星臺業師

芳洲雨後得田字

初秋野望

秋日江行

送徐明卿北上

人日宿崇勝寺

乙丑年

送蔣明府沅水

西湖夕霽

雨中入越

雨遊吼山

夜過姚江

子陵故里

挽吳瀛海

遊嘉禾淨相寺

西湖秋霽

五泄道中

入西龍潭

觀第五泄

宿浣紗谿

遊苧蘿山

宿石佛寺

雪竇觀瀑

重遊仗錫寺二首

再宿棲真寺

丙寅年

夏夜江行四首

挽舒睿亭先生

夏日郊居十首

夜坐

秋暑

秋日遊日嶺二首

九日新霽登雨奇山閣

繇柏坑曉入六詔

王右軍傳隱在剡溪上流有廟

冬日郊居十首

哭周蓼洲二首

佛石禪師訪我雪竇言返澗中却送

杜詩集

卷之十一 目錄

九

丁卯年

卓仲期自雪竇還虎林送之

賞庭前牡丹

三月三日遊香雪塢

初夏八咏

孤蝶

晚花

新陰

餘曠

燒笋

嘗梅

雛鶯

乳燕

題象山延壽寺

挽李白生

寄題李封若長松館

杜詩集

卷之十一 目錄

十

崇禎元年元月立春

戊辰年

正月十二日試燈席上臨王伯貞賦

上巳舟次

初聞子規

哭戴元震

郊居雨挽

中秋得月

挽丁大聲

西湖泛月

挽徐明卿

登桐君山 已巳年

春閨四首

遊雙龍洞

遊朝真洞

雁山贈覺遲道人 有叙

贈臥雲法師

將遊梅潭阻雨能仁寺

重訪雪堂

寄楊冷然

寄懷李任明

芙蓉園秋夜

湖上聽鐘有懷佛石

臘日送劉明府移儋州

壽徐見可先生八十

咏芳艸八首 庚午年

送春七首

挽任遜之

杪春遊法相寺

挽西來禪師 辛未年

新秋雨夕

守歲

看花 壬申年

春仲入過雲莊遇大風雪

谿橋散步

壽虞九齡七十

題陳君美雲在樓

渡江

真州道中

試問

在平公館看月

高唐冬至

長安守歲

病中

癸酉年

病起

予告

潞河道中晚行三首

次津門

德州道中阻雨二首

送吳絢白明府

郊居守歲二首

挽張斗墟

甲戌年

章直行少府遷天目巡司却送

送筠實師還姑蘇

蔣塤和別駕署奉還却贈

寄懷金稠原

寄崔連州虛霞

西湖中秋獨泛二首

聞里中大水

遊古蕩至西谿

宿洞霄宮

夜上徑山

宿梅谷

登凌霄峰

支棚中峰院

趙凡夫別業

遊天平山范氏別業

惠山寺步月

舟次義興與鍾小天留別三首

寄懷吳澹玄廬守

登報恩寺浮圖

重遊瓦官寺

遊牛首登絕頂

潘嘉客招泛秦淮夜得佳月

重登清涼臺

遊真珠泉二首

遊甘露寺

同枚兒遊招隱寺

宋處士戴顒
捨宅爲寺

遊鶴林寺

遊玉泉寺

客寒五首

湖園寒臥三首

月夜自西陵放舟泊蕭山城下二首

除夕二首

遊清水巖菴

乙亥年

送鮑定也之任海門

丙子年

送程聖和學博遷任桐鄉

歸安人

哭韓求仲二首

挽佛石大師

丁丑年

贈戴清之

早春寄懷吳僑太叔

寄懷周伯遠

送孫意白使還潼關

送張顒存之任江州

張北海歸省賦贈

壽呂君平七十

題焦東寧六十壽圖

寄懷孫鴻羽

初聞蟋蟀十首

壽侯廣成

送樊寧宇守德安

丁丑年

送侯廣成督學豫章

送黃象之北上

飲汪含章新居

趙石書以寇警歸省却送

別姜省宇

故侍御史

別楊周士



杜曲集卷之三目錄

七言律詩

夢遊虎林見吉貝二本夢中賦二首

丁巳年

夜入靈巖寺

鴈蕩

夜登孤嶼東塔

泛舟登丁峰塔二首

婺源

訪潘景升兼葭館

杜曲集卷之三目錄

石嶺訪黃玄龍

尋鳳凰臺

戊午年

經金川門

遊靈谷寺

寄和潘景升舟至錢塘贈趙子貞

元旦朝賀

庚申年

喜得家書

九陵

天啓改元元旦朝賀 辛酉年

試新舸 甲子年

夢中午日分韻得杯字 乙丑年

水亭幽泊

春日郊居十首 丙寅年

送何仲升參戎移鎮東粵

郊居秋興十首

寄懷石公

杪秋過爵谿登小蓬萊望海 丁卯年

黃玄龍遠訪郊居喜而步韻 戊辰年

元日試筆答黃玄龍步韻 己巳年

遊劉孝標講堂

遊初陽洞

遊仙都

登白雲山

同謝伯貞宿白雲寺

楊冷然叅知招遊三巖入夜

夏日雨後楊冷然招飲萬象山寺

萬年道中

尋桃花源

湖上荅黃玄龍步韻

荅徐楚白用來韻

虎丘閭中秋 甲戌年

茅山上宮坐雨

月夜偕起貞枚兒拉王于凡戴清之

登雨花臺

遊弘濟寺

登燕子磯

遊棲霞寺

晚登攝山絕頂

寄懷角頭鄭處士

寄懷趙霖宇

聞麻城太宰去國

寄懷汪和介

送玄筏歸天台 乙亥年

寄懷汪生洲二首 丙子年

初陽嶺春日晚步限韻

過雲莊險韻詩成剪燭共酌再限五

韻

壽吳麓臺七十

北山集

卷之三 目錄

四

寄懷黎博菴學憲

留署冬至二首限韻

送汪將軍董師皖上 舉武 丁丑年

壽翁海未五十

贈陳將軍定式

奉荅張太素老師

飲徐清君西園卽席賦

五言排律

潘景升搜得容成臺同賦排律 丁巳年

離合十二時

天啓元年上元立春集米仲詔古雲

山房觀勺園圖燈并奇石鼻鬚時

牡丹盛開出魏仲緒家醞百品觴

客限五言排律二十韻 辛酉年

遊南明山 巳巳年

北山集

卷之三 目錄

五

遊靜海寺三宿巖

俗名真假山

寄懷許雲賓郡伯改任平樂 丁丑年

五言絕句

秋夜二首

甲寅年

黃河月夜四首

乙卯年

登無盡法師松風閣四首

用舊題
丁巳年

清音

松風

爾瞻

米拜

度四十九盤四絕

贈西天日僧本可閉關

宿幻住菴

禮高峰大師塔

春夢四首

戊午年

五月望日別內二首

舟中苦熱二首

江上四首

虎林逢周長卿丁大聲周孟彝徐明

卿喜賦

樓得潛井

有序

春夜醉歸

己未年

過白溝河

除夕四首

北郊

庚申年

昌平道中六絕

兩水河還京道中卽事五絕

軍都紅樹三首

署中四首

辛酉年

湖樓秋晚

乙丑年

湖上中秋

昭君怨四首

丙寅年

采茶口號十首

戊辰年

再登釣臺二絕

己巳年

卓筆峰 俱雁山

龍鼻水

獨秀峰

天柱峰

秋日湖樓晚眺四首

步玄龍韻二絕

戲贈行脚北僧

花塢訪笠雲不遇 甲戌年

北山集 卷之五 目錄

庭前牡丹盛開感賦十絕 乙亥年

周長卿招賞芍藥花周伯遠孟彝暨

叔裕侄同席十首

咏觥石 有敘

子夜歌五十首 有序 丁丑年

題德充齋

六言絕句

雨中訪周長卿徐明卿湖上四首

鳩花谷雜咏十首限韻

江上阻風十二首

北山集 卷之五 目錄

杜曲集卷之四目錄

七言絕句

宮怨

癸丑年

長安秋夜

聞何謙六罷資陽二首

別怨二首

燕中九日二首

乙卯年

斷橋道中

斷橋觀瀑

謝公亭觀遺像

亭在孤嶼

西湖感遊五絕

有敘

宿黃茅

同桂巖諸宗雅登三友亭

別潘士先

先慈生忌

戊午年

桃葉渡

潘景升寄示夢桃花三首次韻

山居歲晏無以遣懷賦瓶梅十首聊

送殘臘

除夕二首

寄懷西來法師

湖上遇剡僧恒安

感事

彭城覽古二絕

反斃二首

燕邸中秋十二絕

土思

燕邸盆梅十絕

有敘

生日四絕

楊花二首

庚申年

七夕二首

遼陽紀聞十絕

辛酉年

答余子疇

癸亥年

元旦二絕

甲子年

燕僧預函索詩却贈

發桃花渡二首

病差移慰親知

有敘

病述

病劇嘲諸姬

病起

杜山集

卷之四

目錄

三

除夕四首

元夕坐雨

乙丑年

芳洲春望十絕

看嘲口號二絕

贈石公侍者玄湛

丁卯年

石公侍者玄澄

采茶歌十首

西湖秋望十絕

有敘

望白雲原二絕

己巳年

枯蒼道中二絕

宿江心寺十絕

宿雨五首
宿月五首

重遊國清寺訪了明

西湖秋夜四絕

送顧少府

贈戴澄凡

石屏齋

咏蓴菜二絕

辛未年

杜山集

卷之四

目錄

四

送劉碩公遷守雅州

病中喜禪者道樞見過

十八洞僧

送鍾少府還豫章

過薛國弔孟嘗君三首

壬申年

春深病起冷對盆梅十首

癸酉年

湖上別鮑元則

喜了明見訪

甲戌年

遊洞霄宮四首

胥門懷古

同孫鴻羽周長卿春日入過雲莊各

賦竹枝詞二十首 丙子年

送林少府歸晉安

送楚客李生青霞 丁丑年

送王仲開

署中秋海棠十絕

贈契玄上人

杜曲集 卷之四 目錄

遊生生菴贈淨修上人

壽戴觀瀾七十

雜體

相思苦四章 丁卯年

苦相思四章

壽夏星槎郡丞 戊辰年

秋夜苦暑率有四問 乙亥年

輓卓珂月 丙子年

弔衡陽寺唐梅 有序 丁丑年

王叔盧遺我中山酒侑之以歌走筆

杜曲集 卷之四 目錄

賦答

騷體

送張廣文漢种遷任公安

有序
乙亥年

哭楊崑岑

秋仲同內遊過雲

丙子年

詩餘

浣溪沙

芙蓉園

乙丑年

湖上送元震歸新安

南鄉子

三月初至湖土遲黃玄龍入夏始得

晤

踏莎行

杜曲集

卷之四

目錄

八

初夏新霽湖間飛鷗共賦踏莎行

瀟湘逢故人慢

訪黃玄龍昭慶寺因共泛湖至芙蓉

園

阮郎歸

湖上別友人

蘇幙遮

張卿子載酒携麗人偕黃玄龍謝伯

貞章映初新堤步月清歌汎湖夜

半未已

阮郎歸

黃玄龍陸昭仲送我江干彼此相望

良遠彌殷

漢宮春

春閨

王申年

霜葉飛

杜曲集

惜春

南柯子

上巳泛舟

蘇軾遮

香雪塢斲笋摘梅佐酒獨酌

醉春風

春夜

漁家傲

興濟道中

感皇恩

舟次中秋

衛河秋

舟中睡起

千秋歲

寄壽徐眉齋四十初度

念奴嬌

杜曲集

除夕

乙亥年

江城梅花引

海棠盛開感賦

丙子年

梅花引

春晚緣流紅澗望錦楓崗坐石品茶

日夕言返

菩薩蠻

春杪別道雲莊二首

小重山

送周長卿客海陵

醉蓬萊

壽浦江戴母苗孺人八十

玉漏遲

金陵除夕

倦尋芳

初夏閨情 丁丑年

杜曲集

卷之四

目錄

十一

江城子

送錢孺初守岳陽

杜曲集卷之五目錄

焚餘草

封司

條議疏頭 辛酉年

題原任南京右都御史海瑞錄廕

題原任吏部右侍郎劉日寧錄廕

題原任禮部右侍郎唐文獻錄廕

題原任鄖陽巡撫李材復職

杜曲集

卷之五

目錄

一

題原任稽勲司主事陳爰詎贈官

題原任兵部侍郎萬恭贈官

題原任南京刑部尚書羅朝國贈廕

題原任應天府尹李堯民贈廕

題原任大學士沈一貫贈廕

題原任詹事府少詹黃輝贈廕

題原任吏部侍郎趙用賢錄廕

題南京戶部侍郎孟養浩錄廕

題原任大學士王錫爵考滿恩典

代覆文選司郎中李待問養病

覆闡幽疏 壬戌年

功司

覆東安縣知縣陳某調簡通州知州

曾某追降

覆蘇州府同知沈某議降句容縣知

縣林某改教

世由集

卷之五

目錄

二

覆原任吏部文選司主事今陞福建

按察司僉事王伉養病

會題太僕寺少卿何某鑄職

覆銅陵縣知縣李某改教

覆順慶府知府楊某改職

覆長沙縣知縣李某重降

覆夔州府知府宋某龍安府推官李

某俱改職

覆通政司添註右通政劉道隆養病

覆遵化兵備副使高捷養病

選司

覆世襲五經博士張文運

九卿公掾刑部尚書王紀疏

題陞山東右叅政錢士晉

題考功司主事徐楠給假

功司

世由集

卷之五

目錄

三

覆韶州知府吳士熙通判翁日揚始

興知縣周之士復級 壬申年

覆獲鹿知縣薛某閒住清豐知縣趙

某降處樂城知縣胡某調簡

覆臨沅道謝士章養病

覆平陽府同知李某降級

覆衡州府通判楊枝新罰俸邳州知

州甘天植調簡

覆登州府知府郭封降級

覆原任河南副使史孔吉免議

覆洱海道副使竇鎧復級嶧峨縣知

縣陳某開仕

覆兗西道丁某調簡

覆賑院題原任工部主事呂某捐濟

請旌疏

覆工部主事馬權奇罰俸

杜曲集

卷之五

目錄

四

覆坊官陳二能降級戴罪

覆濟寧州知州王孫蕃降級吏目白

之賁革職

癸酉年

覆永平道王凝祚復級

覆馬湖府知府沈泰泳致仕

覆河南府通判楊某開仕封丘知縣

任某降調開封府同知喬某調簡

胙城知縣莫某致仕

六年

覆懷慶府知府別某河內知縣楊某

重降

覆原任提學轉光祿少卿曹履吉調

南京衙門

覆博興知縣趙某開仕德平知縣劉

某調簡平度知州李某致仕

覆廣東巡按梁天奇題報羅定情形

分別功罪疏

杜曲集

卷之五

目錄

五

覆廣西按察司副使莊日宣齋捧惠

病

覆荆南府同知蘇鳴瑜開復

覆惠州府通判廖某革職封川知縣

汪某開仕電白知縣劉某降調

覆太足知縣喻某降調

覆潛江知縣文某臨湘知縣朱某俱

革職沅江知縣陳某重降衡州知

府何某調簡

覆任縣知縣梁某革職元氏知縣劉

某調簡

覆爲循例糾劾不肖官員事

覆爲懇恩復咨以敘微勞事

覆爲循例舉劾兵馬官員事

覆爲循例舉劾有司官員以肅吏治

事

杜和集

卷之五

目錄

六

覆爲糾劾不職以肅吏治事

覆爲循例入境糾劾不職有司官員

事

覆爲起解苑馬以濟急需事

覆爲重地需入正急道臣銓可無期

事

覆南京兵部尚書傅某解任

覆爲懇乞 聖明俯准開俸以勵後

效事

覆饒州府推官朱天麟開復

覆爲循例舉劾敘職官員事

覆爲道臣真病勢難供職事

杜曲集卷之六目錄

啓

啓本部左堂

壬申年

啓本部右堂

上茗水太宰啓

答王芳洲父母啓

乙亥年

賀林福愛別駕啓

答許平遠海憲啓

杜曲集

卷之六目錄

答史奕部

丁丑年

答陶宇英啓

啓李映碧司李

候堂翁鄭太宰啓

書

與陸貞吾書

時以仲璫放還
丁卯年

與黃符卿書

與姚鏡初書

許南還

與丁印趨書

與蕭如城海憲書

答李葵孺書

與林桐菴書

杜曲集

卷之六目錄

與友人書

戊辰年

寄弔劉玄受書

己巳年

答潘昭度書

寄王瑞源書

與蕭如城書

答胡東井明府書

爲吳綱白明府乞免親書

庚午年

與蔣澤鼎書

答陳國禮書 辛未年

與陳壺雲兵憲書

答汪禾丘書

答陸鳳臺撫軍書 壬申年

答沈日倪書

與蔡韞先書

答畢東郊書

答韓求仲書

答周柱瀛書

答謝象三書

答朱未孩書三首

與謝象三書 癸酉年

答朱未孩書

答李葵孺總清書二首

謝王非熊惠酒書

次潞謝李太宰書

次潞謝孫魯山書

次潞謝周玄應書

次潞謝都下同鄉書

次潞謝蔡韞先書

次潞謝汪生洲書

次潞謝劉半舫書

次潞謝楊顯宇書

次潞謝陸鳳臺公祖書

次潞謝王非熊書

與陸衷函書

答吳綱白明府書

與楊升之書 甲戌年

寄趙霖宇書

與蔣別駕墳和書 乙亥年

與汪生洲書

寄黃玄龍書

與王裁雲書 乙亥年

與孫豫誠書

與王芳洲父母書

與許雲賓郡尊書 丙子年

與蔣垣和別駕書

與喻惺拙撫軍書

寄黎左嚴學憲書

答許雲賓郡伯書

杜伯集 卷之六 目錄

與葛屺瞻書

寄許平遠海憲

與李映碧司李

答傅野倩

答汪將軍

寄孫鴻羽

答卓去病

東張夢得

婚書

復林太親翁婚書 丙寅年

答吳宅婚書 戊辰年

王宅婚書 乙亥年

陸宅婚書 丙子年

李宅婚啓

杜曲集卷之七目錄

序

新安山水志序

丁巳年

孫子真樂府序

敘許君信愛日齋集

庚申年

閼幽錄序

代涇陽太宰

壬戌年

敘續虞精集

癸亥年

序任松鄉先生集

杜曲集

卷之七目錄

序任希聲制義

奉賀蔣邑侯榮膺撫臺刻薦序

甲子年

敘崇祀錄

甘露庵敘

丙寅年

敘赤霞館詩草

丁卯年

敘黃玄龍嶺上詩

己巳年

張郡侯德政敘

辛未年

兩浙鹽政會勘覆疏序

壬申年

唐宋叢書序

敘孫鴻羽借竹樓詩草

癸酉年

刻布袋大師傳贊序

乙亥年

許郡侯德政錄序

三忠文選序

丁丑年

敘卓左車渡離集

壽序

壽族叔子泰君六十序 丁巳年

壽族母竺孺人六十序 庚申年

壽周光宇太親翁六十序 辛酉年

壽封公孫仁所年伯六十序

壽族叔祖東泉翁八十敘 癸亥年

壽孫太夫人六十敘

壽鄔鎮宇七十敘 巳巳年

杜曲集

卷之八 目錄

壽蔣春寰詩敘 辛未年

壽邑侯吳綱白德政敘 壬申年

壽大司馬邵士葵六十敘

壽族母陳孺人七十敘 甲戌年

壽戴繼椿七十序

壽邑侯李玉臣六十序 乙亥年

壽鄔母汪孺人六十序

杜曲集卷之八目錄

記

星源丁峰塔記 丁巳年

聖祥塔記 巳巳年

邑令劉侯清復資國礮記

天台胡侯德政玄感記 庚午年

了明塔院記 甲戌年

署縣郡別駕蔣公與學記

杜曲集

卷之八 目錄

紀遊

靈巖四洞紀遊

丁巳年

黃山遊紀

鹿源紀事

癸亥年

五洩紀遊

乙丑年

金華三洞紀遊

己巳年

仙都遊乘

枯甌勝述

杜曲集

卷之八

目錄

重遊鴈山記

重遊天台記

壬申北征記

癸酉南還記

名園紀遊

杜曲集卷之九目錄

紀遊

洞霄徑山紀遊

甲戌年

震澤遊記

吳中山行

陽羨潭洞遊紀

茅山遊紀

白下紀遊五首

杜曲集

卷之九

目錄

遊浦口真珠泉

京口遊紀

湖上幽討

吉祥寺觀梅短述

丁丑年

送內雲陽述行

三山采石遊紀

雨遊方山

戊寅年

贊

上塔道人小照 戊午年

題呂門和小像 丙寅年

達摩像贊 丁卯年

戴起貞兩尊人像贊 戊辰年

黃玄龍少時像贊 己巳年

金恭人像贊

戴康侯像贊 乙亥年

田不器像贊 丁丑年

潘嘉客像贊



銘

劒銘二首 庚申年

鐵如意銘

豐燕橋銘 癸亥年

夢蘇齋天然研銘 有叙 丁卯年

銘節杖壽佛石禪師 戊辰年

黃山樛杖銘 己巳年

叩竹杖銘



村曲集卷之十日錄

題

醱葬曹叔度題冊

丁巳年

書元震圖章冊首

己未年

題章長與鷓鴣草

庚申年

題闌幽冊首

壬戌年

題喜雨詩冊

丙寅年

戲題東曙法師心註

杜曲集

卷之十日錄

題鮑在齊尋山像

癸酉年

題袁禮齋像

丙子年

題天然禪師冊首

丁丑年

跋

跋劉敬仲寒林香雪圖

辛酉年

書潘嘉客墨譜後

己巳年

書朱太常墨塌誥命後

跋潘母錢孺人慈節傳後

丁丑年

跋德充寄雷長沙畫卷後

朱日集

卷之十日錄

引

余母七十小引 丁巳年

余子疇山中吟小引 戊午年

引楊冷然塵香集 辛酉年

徐明卿竹咲齋草小引 壬戌年

周長卿小試草引 癸亥年

引余子餘浮海集

引王伯揆兩都遊草 甲子年

引方生稿

峨嵋山僧性空冊引 巳巳年

引靈源詩草 辛未年

引沈定之藿議 癸酉年

引張聖標益睡軒詩草


林工宰江聲草小引 甲戌年

引周長卿四六金莖露 丁丑年

引戴德充雪鴻堂帖

引潘嘉客詩艸

送德充北遊引



募疏

重建省方亭募疏 甲寅年

鼎建方廣寺鐘樓勸緣疏 丁巳年

鼎建上方廣寺法堂募緣疏

募建五雲山大殿疏

募建漢城山浮圖疏 戊午年

募建地藏殿疏 丙寅年

北關橋菴齋僧募疏

理安寺藏閣僧田疏

募建登埭寺疏 丁卯年

虎跑寺募修天王殿疏

重建千佛閣疏

棲真寺募修大殿疏 戊辰年

天台萬年寺募修大殿疏 己巳年

修築十廟磬橋募疏 庚午年

募建紫陽菴疏 甲戌年

普陀簡藏募疏 乙亥年

重建明心寺募疏

重修奉化大橋募疏 丙子年

瓦官寺募修青蓮閣疏 丁丑年

布金菴募造佛龕疏

牛渚磯白衣菴募疏

杜曲集卷之十一目錄

碑文

副總戎何公去思碑 丙寅年

大中丞張公平寇碑 己巳年

象令潘侯平寇碑

越州司理劉公監軍平寇碑

祭文

開弔祭文 先父母同日開靈
丙辰年

先考生忌祭文 十月廿四日

祭叔父春谷先生文 丁巳年

祭五弟文

代兒薦叔文

孚祐侯謝公廟元宵祭文 戊午年

鼎建漢城山浮圖開山祭文

杜曲集卷之十一目錄

仲氏歿燕邸大殮祭文 庚申年

祭鄔齊雲 辛酉年

芳杜洲啓土文 癸酉年

郊居上梁文

奠周明山

葬外父母祭文 己巳年

西郊居上梁文 癸酉年

祭孫豫誠文 乙亥年

傳

籀冠先生傳 己巳年

謝理泉先生小傳 甲戌年

行狀

先考蓋吾府君暨先慈周氏鄢氏兩

宜人行狀

墓誌銘

漢陽別駕黃公墓誌銘

癸亥年

水部孫公暨配何安人墓誌銘

甲戌年

明正議大夫資治尹大理寺卿九瀛

徐公暨沈氏淑人合葬墓誌銘

丁丑年

呂泗濱先生暨配周氏孺人墓誌銘

明故大中大夫江西右叅政齊雲鄔

公墓誌銘

塔銘

虎跑寺三空律禪師塔銘

己巳年

南澗法雨大師塔銘

丁丑年

墓表

潘母王氏墓表

甲子年



杜曲集卷之一

刻上戴渙有斐著

賦

風雨秋別賦

乙卯年

嗟盛年能幾兮長爲君作離妝矧杪秋正
淒兮風挾雨以俱狂慘庭柯之騷屑兮戰
檐溜之淋浪金屏曉兮翳沉霧黼帳垂兮
叩悲商體相熨兮忘煥夢與同兮猶涼別

復別兮此何日去復去兮落誰傍妾家漢
陽君家荆渚自充君帷君無寧處一走商
洛再次穎汝燕市紫騮吳門白苧匪蕩子
之從軍長天涯而結楚忘我實多覲止無
何夕爐新共晨珮初和淺開紅靨微舒綠
蛾未煖合歡之席甫叶由敖之歌共聽絃
窗風雨生憎客路關河爾乃征車旣駕嘶
馬在門雨鳴離劍風醺別樽漸惟裳兮首

路吹僕夫兮屬韃玉趾趣兮手空握金觴
掩兮悲強吞暗平原兮雲幕霾連岫兮樹
昏潭雙輪兮泥阪搖孤檣兮江村江浪飛
兮荻花溼江色冥兮芙蓉泣雁辭沙兮驚
波立燈照水兮寒光澀君此時兮意若何
妾此時兮涕橫集涕橫集兮君不知雨亂
啼兮暗風急吁嗟乎昨宵風雨香籠玉燭
今宵風雨虛房遠天遠天黑今夜迢迢而
夢迷暗蒹葭之長浦隱楊柳之斷堤虛房
冷兮燭幢幢而影低壓鴛鴦之半錦掩鴛
鳳之雙鏡已矣哉風應有時歇雨應有時
絕有時青天月照霜有時遲日花凝雪但
恐君去歸無期月寒花老轉傷別

思賦

有序

乙卯年

風人曰云誰之思曰悠悠我思又曰如
之何勿思思求勿思思之味殫矣若夫

書稱文思記稱儼若思易稱天下何思
則性命之微路聖賢之神境哉余不足
以知之風人之所謂思萬古萬心迴環
於此矣山居多暇綜而賦之其詞曰
思藏無宅思出無緒有觸斯綿靡往可圍
踰山匪高超海匪濶金石匪堅鬼神匪活
甘心首疾恚如調饑干莫不能斷其脉繁
和不能神其機霜宵雪旦野絕人烟幽思
如織凌寒去旋月渚花林羣湛勝賞遠思
若蓬飄然獨往雲羅霧塞咫尺冥迷思從
中逸海北遼西香陣綺城沉牽魂魄匪我
思存鬼坑火宅是以放臣不返宗國長辭
煩冤楚澤酒泣江離嗟善淫之蒙垢羞
美而見疑開閭闔其無日覲美人以何期
靈氛之吉占莫協陞皇之臨睨吞悲若未
嚙指動心結駟流泚遊子思親猶親思子

瞻雲樹於天涯感併疊於泉裏驚罹靈之
易頽痛夜臺之不起去親爲客恨如何有
子不逮亦徒耳魂勞勞於道周風淒淒於
水洙至如雲鬱長門笥捐團扇洞房夜徂
玄宮春變聲沉玉輦影絕翠華君恩不再
妾夢自賒白日嘆移光黃金空買賦侍履
復何時逝梁還抱妒或乃漢家天遠胡庭
月孤塵摧紅頰風鞭玉膚歸今不可得留
今非所娛生憎雁南翔妾身難與俱烏孫
公主歌如哭青塚明如夢未蘇爰有結綬
天末留香帳前遠期難定驚信浪傳時恐
茂陵新病渴還道梁閨長醉眠柳外何人
嘶去驕江頭若个榜歸船耳搖今日亂思
深今恨纒又有魚海路難雁門戍遠秋氣
漸深春光向晚月窺孤帳花謝幽房半床
寒色一度年光霜雪合圓天漢外烟絲同

訊玉人傍心搖裔兮九塞淚洗瀾兮千行
至有一去絕域萬里南雲長違骨肉終遠
丘墳蕭條虜帳持寒節寂莫粧樓掩夕曛
髮漸華兮窮海帶漸緩兮羅裙彼此山頭
似人石一爲妾狀一爲君若乃子卿留胤
青海西文姬遺雛黑山北同天隔地見無
期心往形存飛不得夢中執手喜兼悲覺
後心酸無歡時一身分作胡與漢望兒涕
似望鄉垂至如憶弟妹於殊方念阿于林
萬里聽玄猿之哀嘯望白草之彌迤戰塵
未斷若爲家馬首不回空故壘若爲家兮
天長信沉空故壘兮煙荒磧深又如離友
霜寒思舊結慨兩地夢存九泉劍在神期
邇今夫君遙玉樹埋兮天雲高懷紫芝兮
心切切攀白楊兮風騷騷胡越不可縮兮
安得起蓬蒿他如賒死僞朝絕望天京愛

妾尚在高臺水傾眺首丘以長號求故劍
而無路河北霜乾秋自淒江南草長春空
暮眼底兮懼生風塵天邊兮安問漢津或
至飲瓊漿而生感聞短笛而斷腸哦慧業
而神醉憑妖夢而魂翔琴心之外復有心
山成之外復有成室邇人遐慳羽翼水隔
雲空憶姓名亦有戍客誰親而爲渠添牽
情之絲流水何意而付渠作人間之絲後
生未卜今生老紅葉悠悠紅日偏紫禁門
重心似鹿朱塵晝冷夜如年乃至幽昵方
深忽墮侯門之海宿驩猶熱莫留藤蓆之
春洛渚凌波空往事漢臯解佩向何人只
有夜來天上鏡照他兩地溼羅巾甚至骨
委形銷而鈎心轉痛香沉粉滅而凝淚長
潛浮暗海求潛石窮碧落訪仙山落葉虛
房佇想承霞之半面金釵鈿合空追入月

之芳鬢思不盡於此而有一於此皆足以
盡思驗取月寒霜苦夜憶得草薰風暖時
是以思能令人老復能令人死更能令人
死而生死死生生死思何已

客窗春月賦 庚申年

燕市中春凍消風軟衾裯生溫孤夢悠緬
覺驚帳明謂夜既央寒窗諦視明月在窗
月至春夜光亦麗而冰顏既舒露輝賁而

素紙含絳碧紗暈朱若艷娥之窺幽房華
燈之晃前除淨几生韻銀屏受采若卿雲
之籠玉虛胎珠之迸靈海披衣起坐時夜
始分漏聲帶煖花影弄芬歸雁不作驚寒
嘶空庭不聞木葉下澈照不因雪在檐映
吞不借霜滿瓦牛女情多夢醒隔河月色
如許其奈春何五陵少年花深醉渴不在
客窗安見春月我對春月若來親人忘其

爲客滿房是春斯蓋分青陽之華解玄冥
之屯散獨夜之鬱蘇旅臥之魂者耶月漸
西墮窗亦半陰抱月就睡不待月沉忽引
玉繩躋彼靈窟彼美常儀霞姿雲髮謂無
始來作萬物母遲遲春日是我之耦自然
長生安假靈藥辱以后羿世舌可斷延余
望春廣殿不寒春容自在忽生愁顏喟爾
四顧指爲余言曰若見窗月不見邊月邊
月不春冷照重骨更悲中原空巷破村夜
窗蕭索春月慘昏余亦送目恍見其處愀
然而覺客窗初曙

盆梅賦 有序 庚申年

余淹寒邸再臘已越烏南枝之想無日
忘之復見盆梅去離江鄉稽泊燕土
踏斗室索莫數枝冷然笑人亦似自笑
感可知也去臘曾爲小詩十章取讀之

殊未暢所懷聊復綴之以賦曰

夫梅於高烟寄韻於冷月寄神於疎風深
雪寄格於薛崖氷壑石林竹埼寄根胡爲
乎謝高烟辭冷月避疎風却深雪薛崖氷
壑擲於故山石林竹埼邈爲燕粵爾乃寒
重簾人曲房拂栞案倚書床陶人得量其
深淺烜氏得制其炎涼交連疎之短影逗
瑣尾之寒香作十笏之清供占一撮之勝
場屈勁姿兮若鬱含微萼兮如傷母乃達
其性而易其方乎客有從旁廣之者曰嘻
子作是觀亦不達矣梅於衆花獨饒骨力
孤根任移貞素自得今以子小雪竇爲衆
香國淨照玉壺犀把清浸硯山茗席紛詩
料與酒媒引詞人與膠客月來韓子之禁
風度桓生之笛烟梢茂遠之帷雪慘長卿
之壁覺天機之滿盆何幽趣之不適矣若

夫載以九龍之盆幕以五雲之衣刷幹長
春之禁擢蓋昭陽之扉緊大內之無臘枕
東皇之是依替御傍花以排當美人遶花
以供事曲宴探江南之春額妝闌漢宮之
媚勅勿辱以妖艷之飾戒毋濁以腦麝之
氛辛夷未許破顏海棠不敢揚芬桃吞碧
而慚露杏銷紅而恨雲地遠切興之丘壑
價高曼倩之金門極此花之知遇亦無加
貞素之毫分也惟不易性故不拘方大地
一盆也高天一室也伏火以煖之爲渠作
新豐也鑿氷以灌之爲渠存故劍也苟可
托根知復何求是處庾嶺是處羅浮是處
孤山是處揚州子與盆梅但當稍戲以貞
素而不必相問以羈愁也余聞斯有賀梅
爲開對花與客咲盡一杯

人影賦

甲戌年

人故非實。影亦非虛。生而爲人。影與之俱。人萬態不齊。而影因之以殊。影無骨而能肖人之骨。影無筋而能貌人之筋。影無氣而能御人之氣。影無神而能傳人之神。卽其乘陽而現象。知其抱陰而有真。旣不能沒人之善。亦不能蓋人之惡。人曖昧而影必不肯光明。人醒醒而影必不肯磊落。影惟尚玄。不顧人之文繡。影惟守默。不隨人之唯諾。晝則影日顯而愈出。夜則影月微而不奪。無月影星。披晦中之明。暗室影燈。親繼晷之精。借人而動。借人而靜。人以影爲徵符。影以人爲性命。嘗笑寫影者之未工。眉目逼真而動靜不應。若夫茹毛飲血。衣皮結繩。則有混沌之影。畫卦造書。耕田鑿井。則有開闢之影。咨岳齊政。垂裳舞干。則有文明之影。載旆秉鉞。用介止戈。則有

放伐之影。陰謀攘臂。朝臣暮君。則有篡奪之影。茅茨采椽。卑官惡服。則有恭儉之影。瑤臺瓊室。丘糟池酒。則有驕昏之影。泣罪解網。掩骼埋骸。則有仁覆之影。追奔接飛。斷涉朝爭。則有凶殘之影。朝考夕糾。親賢遠奸。則有勵精之影。裂繒戲烽。咬遊晏樂。則有荒淫之影。至於陳謨賡歌。其影忠愛。鷹揚虎賁。其影忠力。放桐負展。其影忠沉。佯狂剖心。其影忠激。揮倒日之戈。影同。轉繞秦廷之柱。影與柱旋。奮博浪之椎。影同。同椎發。持海西之節。影與節全。號於中野。其影何悲。泝彼舟流。其影何之。鵲鵲在巢。急難影危。鴛鴦在梁。好合影宜。登高能賦。影亦風雅。把臂入林。影亦瀟灑。箕穎洗耳。影薄天下。首陽行歌。影非牧野。是以河漢公影。不欲近萬乘。而人於雲中。漢濱老父。

影不欲輟躬耕而瞻遊幸之容。別有從風弱影。翩翩於掌上。生蓮韻影。盈盈於香裏。臨波艷影。冉冉於洛濱。弄珠嬌影。依依於漢溪。皆令人接影而意消。望影而魂與。至若豺虎不食。避其影毒。河伯不用。惡其影厚。炙手可熱。低影呈身。奇貨可居。換影盜國。是何有覩面目。而甘於爲鬼爲蜮。已矣哉。古人往矣。影猶不灰。奈何欲飾影以相對。且匿影而相猜。誰獨非人乎哉。亂曰。人難自見。可見者影。不察其影。而徒授吹影者。以權。自愧其影。而欲使照影者不醒。是卽逃影者之放智。而搏影者之頑冥也。

楊中秋賦

有序 乙亥年

江南多雨中秋。多與雨值。燕市多月風。沙振秋佳節。不免况朝。參相迫。憂畏兼懷。卽有佳月。安能取暢。旣居江南。

超然人外。又得佳月。適會秋中山水空明。意思蕭遠。暢可知也。因爲之賦曰。今夕何夕。月不思盈。絕無纖雲。滓穢太清。河漢澹沒。遶遶數星。延爽天際。過雁一聲。於時謀室。人釀斗酒。佐以西河之菱。南池之藕。芋滑初熟。栗香新剖。柏葉蟹螯。桂花石首。舉觴醉月。笑顧語婦。自我林居。閱十四秋。每逢此夕。有此月。不非乍寡而猶晦。則積晦而不收。候漏光於雲縫。閣淫靄於眉頭。席屢移而不定。燭欲屏而還留。甚至連江風雨。安想明月高樓。寧如今夕。天地洞朗。家家不夜。人以奇賞。白帝全露。精華素心。偏映草莽。但有光景關人。曾無王事執掌。舉家燕喜。空中一宵。拔宅天上。更携細君。啓玉虛之門。望金明之村。山翠的的。堪把洲嶼。晃晃如瞰。杜曲空烟。淨寫鹿湖。

鮮豔相吞。宛明河之可卽。恍接燭於天孫。
爰理葉舟。夜深孤放。凌芙蓉之沉影。開楊
柳之倒浪。鷗濯露而夢醒。魚弄晴而神王。
勝情不似常時。棹歌自山新唱。至於綠息
鶴。指釣簾拂簷蓋。掠羽濤。虛遊潭天本之
象。灝氣御寒燠之交。照渚小然。犀燭火興
盡。部泛雪輕舳。獨與漁童。登江海亭。覽候
濤之一點遙控。引平蓬瀛。蜃氣不敢橫結。
胎珠誰敢爭明。天吳承華而偃首。娑竭屏
氛而效靈。以此滌入肺腑。笑殺灰水卞餅。
舒嘯直徹扶桑。何有剡溪一曲。島夷止數
聚浮烟。蛟川僅曳練半幅。薄五噫之過於
牢騷。厭四愁之殊苦局蹙。幸閒身之健在。
得昭蘇於太平。不以犯轅愆度。不以珥罪。
損精懸午夜之澄魄。鏡萬里之滄溟。且觀
方喜窮目悲秋。何處生情。反而登舟。且

西墜終無寸靈。暹月而過雪兒之酒尚溫。
樵青笛未入破細君謂余曰。秋月祇令人
傷。今夕此語。吾未敢輒和。余謂細君真堪
倍隱。復對清光。一爲滿引。登埭且起曙鐘。
欲與月別未忍。

文園賦 有序 丁丑年

文園者留都之文部。園俗呼省文耳。我
高皇帝定鼎金陵。文治武功振掩前代。百
辟卿士厥猶翼翼。維職是管。何暇提王。
謝家物流連談讌。沿江左之遺風哉。以
故天子無樂遊芳林之苑。而公卿大
夫亦無檀城湯泉之墅。自爲陪京而宜
於此中者。爲陪署至萬曆末年。職務
簡。部寺臺省皆飭園亭。以時游集。而文
園之部。勒更勝園。係以文覺水樹俱有。
二南之風。軒甍不帶一丘之色。余以選

客得與斯文咸可知也同署者爲劔門
趙次山潼關孫克孝東萊姜爾機張靜
之吳門侯豫瞻而嬰陶高心泰則先以
差行肅肅雖離皆秉文德委蛇嘯對自
足千古中爲遷客者六舊同文部者四
每相視笑曰豈天之未喪斯文耶何令
之奇也眉目如昨聲氣彌廣視長卿之
文園興寄稍暢而撫時對物輒自疊疊
夫亦抒懷園棘敢云焉用文之賦曰
江左天下之一隅也其爲舊都則天下之
江左也二祖之精神長與鍾山石城長
江左以鎮天下而官不失常位不減列張
奉二祖之寵靈以固天下之根本則備
位舊京豈遂爲閒散守官留署豈遂同贅
疣要以累朝之函蓋成全盛之乾坤則
龍蟠虎踞既有與輦之而收佳麗於名園

紆靖共於退食故猶是戮力中原之深意
也况南銓祇以清通簡要之體行於進退
黜陟之外則從容柱笏於風月尤親而消
散入林亦統均勝事原非有錢穀之瑣屑
與鶯花之趣不相接亦非有簿書之執掌
與賞會之情不相領太宰少宰官天兼以
官地主爵主課司封司勳衡物寓其衡材
於是相土城隅闢苑闢東挾朝日而捧黃
屋侍左个而翼青官池塘通波於太液樓
閣披芬於椒風烏路破禁烟而夕紫花光
引陵樹而晨紅文部在前敬爾在公文園
在後素絲雍容來客來茹和而不同一遊
一豫式茲羣工洵斯園之盛軌爲南國之
所宗我來也晚復是遷客覽時事之艱危
增懷抱之偏側甫驚虜薄都城復傳寇逼
江北入援都是空名扼勦竟無長策虜旣

飽掠而出口寇猶整居而薦食誰能以
矢相加遺殆將窺瓜儀而航采石任也誰
信料敵之柳渾議也祇爲罪言之杜牧
韓誰語駕言出遊時維冬仲木落水收鳥
藏魚蛰烟枯草慘參差虛閣蕭瑟寒洲徑
離竹而茱萸欄戴蕪而朱愁凍雲栖於藻
井朔吹激於櫓桴敗簾聞其半捲斷檻翳
然塵浮惟鍾陵之延目瞻王氣以夷猶殆
至春來賊氛逾迫梅萼猶無咲顏辛夷未
忍出色柳眼驚風塵而怯青草心感殺氣
而難碧三太微而冰尚堅九將窮而雪猶
積漫說皇州春蚤還待帝城寒食雖復雅
之以艷歌邀之以綺席而我輩之處堂
自不歡懽懽春暉亦安能達人而暢適
新水將生曲清且動青皇於是攬權載陽
恰當春仲結蕾既深舒葩欲縱有色皆怒

無香不送新鶯揀樹試啼初燕映花歇
都喚飛蓋追遊似惜年華誰共而二三知
已方搯腕於鼓鞀不去耳旗旄不去目震
號不去心又何暇相相焉與蝴蝶同夢爾
乃偶作獨行春情客情幾番風雨惟餘落
英開鏡堂前綠天初晴砌苔猶滑林鳥亂
鳴惟木芍藥對我孤榮花始得王衆香已
零非無蔕窠草本細地綠屏深紅淺白爭
妍鬬馨然皆花王之虞侍不能作東風之
後勅無已則廣陵金帶圍秀出於三十二
種差足爲四相表禎惟時賊退稍爲解嚴
去吳竊楚猶苦耽耽二十四番花信吁嗟
已矣一十八班仙吏憂患方酣芳菲云暮
清和嗣來蓴絲藕葉迴塘之隈新蘆刺激
柔陰覆臺燒玉版而晚食鱸鱖魚而佐杯
行賡江南采蓮之曲聊寫江城落梅之悲

顧何能且以永日、何能終無永懷、聽瑯塘
之雜嘯、覺鷗鷺之驚猜、試拂紅橋而轉青
雀、能無載踟天路地之憂、而溯依蒲在藻
之樂哉、嗚呼、在還言遷、在南言南、使文部
得持其清評、嘉與言路、同志被濯、貪婪司
農、足食司馬、足兵宗伯、示禮司寇、飭法司
空、修備服休服、采文德克咸、則圍棋之墅
皆爲廟戰之場、投鞭之流、番是洗兵之海、
且欲追卷阿之伴、與效配京之媚、茲而豈
徒鋪文於高燕清談、亂日匪林水佳、匪風
日好、座集周楨、裾連楚寶、澄敘閒神、品題
餘藻、半壁清寧、一堂紆綯、樂彼之園、休其
在鎬、文不在茲、麗囑爲小、

四言古詩

聞鄉中水災

天胡不惠、俾空我師、奴酋孔熾、毒時東垂、
卩以量血、谷以量屍、

其二

谷爾支祈、誰斷爾鎖、悉將爾族、爲東南禍、
翼以震風、雨翻河墮、

其三

穴地而出、滂人之屋、塹山而奔、蘋栖于木、
崖堙壑填、舟浮于陸、

其四

我禾我稼、割于湯湯、我疆我理、蛟官屨屨、
越殫爲海、其魚一加、

其五

民雖不魚、無廬曷居、無稼曷食、無田曷鋤、
匪兵而殲、介狄不如、

其六

厥狄維陰厥水咎均小人也戚曰誰構瘠
帝曰警余塋我兆民

天胡不惠六章章六句

門人王東序以奇被摘賦慰 乙亥年

物之希者世鮮不驚錚于合樂誰辨其名
鳴鐸配宮誰辨其聲忽遇知己廟堂和鳴

其二

知已實難况復難知雖日照乘有按劍時
雖曰連城有抱璞悲一日定價千秋寶之

其三

寶之至味在不知寶天地所秘出豈草草
第虞非寶而以匱埋豈含異符虞弗需哉

其四

世無君山誰識揚雄世無中郎誰識王充
既為王揚必有桓蔡一時龍蛇何足芥蒂

驚希四章章八句

讀孫母韓太君節孝編 孫意白選君
曾王母

地勢尊嶽河流讓關百二之會精靈聚焉
篤生偉人莫孫氏先實維韓母濬其長源

其二

母為未亡閱五十霜之灰靡他曰婦之常
垂白在堂抱孤暗傷如子事親就養無友

其三

節孝之極光氣鬱塞河嶽難藏載為世德
爰及藐孤遂宰巖邑烹鮮著聲母訓是式

其四

矯矯諫議實為之孫正直叢忌身退道真
曾孫秉銓為國得人親仇不辟清公是聞

其五

啓事有間叩閣陳情 天子蔡之有詔特
旌天之所旌異于 天子思皇百世陳錫

不已

河嶽精靈五章章八句

輓宋泰斗 丁丑年

維沂之陽實生哲人嬰祿失恃草宿淚痕
繼母回歡逝父返魂恒理莫推孺感自神

其二

孝故異篤忠亦孤騫極言忤時卷懷飄然
環掌封駁文武受鍵批鱗暫出遵鴻臚遷

其三

協秉邦憲簡在帝心風紀方立星芒遽
沉寶悼失鑑寧悲亡琴蒼生胥恨未竟爲

森

其四

忠孝有本德性是尊去支離解開精微
其身雖沒其道自存況有諫議雖啗嗣聞

維沂之陽四章章八句

五言古詩

河間道中哀流民 乙卯年

二東人相食三輔亦大饑北人方逃死東
人來何爲行乞望突烟十家五無炊所至
盡絕路嗷嗷竟依誰賣妻易斗粟得活能
幾時鬻子易一飯再餐已無資僵臥便如
鬼踉蹌卽行屍半死向人啼慘然心骨悲
時見填溝中往往路路岐同行雖骨肉無
計相扶持念已亦垂絕何暇爲攢眉茲地
近輦轂氣象乃若斯鹿死不擇音挺險殊
可危

哀路殍

死兵烈如歸死疫昏如醉饑人無烈腸明
明慈息視肉枯骨髓乾念死猶心悸一
在喉間萬營橫胸次途窮無復之殘魂逐
魑魅烏鳶爲樵積塵沙爲衾裯寒雨時洒

泣陰風每感喟當途肉食者誰抱蒼生志

石橋觀瀑 丁巳年

絕壑跨青虬誰爲鞭石者雙澗奔玉龍併
飛出其下扶開海眼青春山雲根赭何處
覓應真潮音故非假瀑急橋不知兩山翠
堪把

遊石門洞觀瀑

石門夾清谿尖立闢靈峭谿迴再渡橋巖

壑轉窈窕蒼壁漫古苔赭土經新燒飛瀑

春更肥虹影橫初照迴風乍中斷翻向空

中嘯縹緲到潭遲珠琲挾雷跳謝客已千

秋迫遊幾同調洞口往來船長年不停棹

過西天目水竹居

山僧真好事相見卽驩然坐我修竹下簾

我清谿邊山午不知暑心閒渾是禪笑彼

栖栖者渴腸時欲烟

卿雲洞題石 婺源

上幕玲瓏雲下涉潺湲水晝遊秉燭來怪
狀不可紀山骨誰巧斲造物見精理里許
復見日照石白齒齒

別戴元震兼柬余子餘

玉山至黃山崎嶇五百里貧士輕遠行意
只共山水我歸剡蒯緱子歸剡芒履飄然
兩相別不復問行李歸路經沱川一訊子

餘氏分將兩袖雲詫所得如此

讀傅氏雙節傳 己未年

無夫而有子夫死非真死爲子安未亡是
猶人情耳夫旣絕遺息妙齡復如此而能
免靡他曲存莫敖祀如母良獨難有婦能
復爾侍履未中道兩髦忽已矣雖有乳
兒氣筑痛入髓忍死盡姑年塊肉還傅氏
皚皚冰與雪姑媳心相似使其具鬚眉越

國兩男子

宿兩水河曉來聞鶯

庚申年

于役九陵路息跡兩水河孤牀對廣野虛
窗俯暗波夏夜寂偏承客曉愁更多鶯聲
落高柳忽與荒雞和初起兀抱膝疑來故
山阿故山自萬里初日開高蘿

再宿兩水河

又出軍都道還逢舊吏迎薄暮投空館似
有并州情池蓮送新香草蛙添亂聲露坐
負北斗冥心斷諸營忽覺煩暑去明月陪
孤清

貧民行

貧民養寒驢主養不主騎八口仰驢背
鞭奔恐遲酷日炙破臘毒塵慘入皮但愁
驢踣頓遑恤身困罷得錢未到家怒吏忽
已隨索通如索賊倒錢抹榜笞牽驢幸脫

去且復共忍饑

讀陳贈君暨配舒安人行狀

子應元此部

君為太丘裔猶存太丘風卽今服表正乃
在椒丘東縞綦對食貧文籍羅畝宮子堪
步二方身可屣三公何必逮鼎養然後光
遺弓况得奉母訓依然侍阿翁法平見道
廣追孝知無窮

立秋

厭暑恨秋遲秋來始今日漢宮葉欲飛
繞扇歡猶密故國舊梧楸西堂新蟋蟀悠
然起長懷仰見白河出

撥悶二首

四十五年前天地未有吾四十五年後吾
又安知乎榮期樂帶索莊生甘曳塗但聞
世外眼所得良已迂

其二

人患吾有身吾患吾有心心冥身已空所
患何從侵阮籍以醉全屈原以醒沉離醒
復去醉此趣誰能尋

宿功德寺

玉泉三萬斛湧出西山嘴山下泉之上脩
然遠朝市有寺雖已破勝頗據山水窈窕
入精舍正在秋蘿裏老僧談遺事多堪備
野史曾見萬曆初玉輦三幸此虎賁羅行

營龍舟鱗湖渌大僚得陪乘矢音飄風起
巨壺但供事貴嬪莫敢邇師不生荆棘民
不耽勞止聞此知先帝行遊亦可紀今夜
葉羣臣夜雲昏故壘攀髯苦無路嗣服幸
有子

歲暮二首

辛酉年

冉冉歲云暮悠悠多所思北風搖大行凍
雲壓燕支松柏欲改色玉顏能不溜但有

可以老長生非所期四十而無聞勞勞亦
何爲

其二

中原大如掌意見何紛然各據一毛孔營
壘如鐵堅同朝爲敵國舌鋒甚戈鋌遼人
水火中蜀人豺虎遯一以遺孤主玄黃空
沸天

補陀禮大士二首

癸亥年

孤崖卓大海乃見不壞根初日上扶桑慈
光遙映吞鐘動娑竭立梵高天吳奔蓮華
滿洋出香浪搖灌門

其二

龍女青螺髻踏浪時行遊謂我此非海海
乃在閩洋卽履達摩頂可是登岸不大海
忽作地諸佛驂白牛

贈周更生

與君十年前共醉臨川酒見君虞精集嘆
得未曾有杯酒話相思忽焉十年後流光
送青春容易成白首君抱千秋心白首亦
何負

栽竹

秋分寒燠均氣和亦生長刷彼西圃竹種
之東山上根移舊土重枝拂新雲響亭亭
割嵐翠疎疎錯錯松壤雖未足清陰已堪寄

幽賞

問竹

新竹似新知堪作幾日別躡雪屐轉高扶
藜磴屢折目境入清疎神宇忽曠絕寒谷
湛貞姿勁風砥素節移根得許時綠霏森
可結

宿理安寺聽笠雲彈琴

甲子年

一自琴聰去空山斷清響笠公豈後身千

秋接玄賞觀深夜轉澄籟寂聲孤上蕭蕭
七峰立泠泠雙澗往曲終咲謂余勿作聽
琴想

夜坐有桃花墜書上

一片可憐春宛轉度簾隙忽覺字生香乃
知花有格豈因琴心挑夜亡相如宅只恐
浣朱顏不敢墮紫陌

寄壽余子餘五十

丙寅年

五十當富貴有才豈無命但得酬平生老
大亦何病初度當歲除栗烈茲已竟遙知
竹窗下一樽發高詠梅花正欲笑雪色休
太橫明日入春風從頭起韶令

南園上已

田家急農事不知桃李春杖藜入南園花
氣舒幽真對花藉草坐無酒亦無賓一丘
結孤賞風光轉相親何必逐貴遊曲江園

麗人

送戴起貞歸新安群從伯起壽徵蓋
其骨肉知已故及之

孤劍入五嶺高翠開三郭巖前正初秋叢
桂含新香每恨桓元卿笑人苦氣力君於
群季中乃有心相得定知相見初喜君歸
抱書何以慰遙別持示剡中雪

暢雨

山田止待雨夏至猶未耕渴龍忽驅雷天
破河倒傾巖瀑乍生怒谿橋旋欲平雲肥
千嶂暗水壯百川明爲霖適及早滴滴慰
蒼生

種茶

酷有玉川癖雅快桑苧經芳洲兩谿水晶
可當中冷谿上山宜茶霧氣清且靈勝流
遺佳種遠香到巖扃雜草火其士林表長

除夕

煙青臘臘覆霜實粒粒含春馨根荇托地
德風雪辭天刑祇待雷雨發時共螯龍聽
萬事未一了半百忽已過今夕五十一明
朝又較多新曆不忍看舊交竟如何強半
作枯骨春風弔山阿咲我空健在壯心欲
消磨朝市盡巾幘東西稽天戈弘石弄威
福蓋蕭嬰禍羅臺諫半鷹犬公卿敢誰何
貂璫持疆事大帥供詈呵周內甚羅吉搜
搜空山河道路但以目獨寤不敢歌山寒
此日盡皇風幾時和

春閨四首

丁卯年

桃李何無賴閨向空房前遲日入簾黃曉
靄如浮煙歸燕款深戶遊絲沉遠天玉關
仍萬里芳菲又一年

其二

不敢廢膏沐時刻待君歸風歇鳥聲暢雨
餘花豔肥及春無一信當晝掩雙扉豈無
芳草色映到遠大衣

其三

倦只掩閨臥獨眠羞抱春二月忽已過風
光能待人柳暗吳江岸水生楊子津歸舟
落何處逢雨夜相親

其四

斜月入虛牖羅帳逗花影儂邊花自寒天
外月尤冷愁來多奇緒夢去成異境哀鵲
忽叫回魂猶悻絕嶺

宿安巖莊

急雨響深竹幽磬開暗氛石淙堦下聲清
激誰共聞茶試新離焙笋嘗初破雲老袖
頗知禪靜對至夜分

安巖莊坐雨

山雨夜連晝山雲晝如夜谿奔石欲浮瀑
急巖成罅僧稽隔嶺遊酒阻前村貫饑鹿
窺虛檐寒鷗守精舍煙暮溼樹巔窗昏亂
峯下惟有竹爲隣更無書可借坐消一日
春似結九旬夏書空肯學殷折屐閒思謝
剡嗟不到門清孤自長價

郊居守歲

遶洲十數峰峰峰帶餘雪寒色戀草堂歲
盡不肯別餘雪莫欺人明朝卽是春東風
開柳眼又見歲華新

見燕巢難成感賦

戊辰年

梁新不受泥屢黏還屢落經始良獨艱拮
据不少却林塘路自賒風雨時或惡羽溼
不暇啼口瘡還力作牖戶得無虞室家始
有托愧彼在梁鵲空伍乘軒鶴

上雪坐雨

六月走上雪十日栖深雲孤峰秘早秋重
巖巖朝听几案嵐可拂鐘鼓澗不聞幽泉
亂岩響衆壑迷丹紋稍霽望下界村塢猶
未分隱隱見沃洲峨峨銜夕曛

秋閨四首

荒砌積秋草絡緯當畫鳴淒風攪庭樹撼
撼落葉聲孤坐易生感况復寒響并因之
念舜華豈能保長榮

其二

空庭貯明月隔牆高柳疎上有獨栖鳥驚
啼霜落初啼心雖欲碎故雄知何知明月
共天末應能一訊渠

其三

寒雨不肯斷愁聲連曉鐘深帷窈難曙積
雲秋幾重冷壓合歡被帳色昏芙蓉獨有
相思路分明千萬峰

其四

歡近轉難待疑多番自嗟秋氣雖已厲未
銷蕙蘭花鳳凰樓欲熱鴛鴦夢豈賒風雨
驅秋盡行人定到家

送夏海防星槎

隻手番東海倒洗蛟鯨窟捧日還扶桑松
月還娉媧奇捷近所無元功詎可沒浮雲
忽蔽天義士皆驚骨推結多尉佗斷塞多

突厥急當借前籌陽阿暫晞髮

同謝伯貞遊富陽天中院

凌江十餘里入山復半之江帆疾於鳥山
路縈如絲磴絕屢成瀑石穿時作池轉轉
緣空綠飄飄翼輕颺中谷忽開曠攢峰更
參差精舍去人遠深嵐度磬遲開軒受蘿
翠燒笋清詩脾舉杯語謝客茲遊非所期

謝臯羽墓

所知哭不起捲土終無機只有桐江水可
當西山薇六陵况咫尺去此將安歸死便
埋江上釣臺髮可晞點虜無抔土孤塚一
何巍

胥口夜泊

子胥方乞食人多爲之死所至居亡何地
卽以爲氏覆楚必報仇一往氣如此遂令
千載心壯之不能已胥口窮江上至今有

廟祀昏黑維葉舟一爲酹江水

遊朱延之鹿田別業

延之青瑣人乃結白雲想暫乞蒼生身咲
作鹿田長竹房石林茅亭石峰上石浪
懸虛舟石寸秘方丈曲磴穿深花迴谿滌
宿莽位置因自然蒐討得象罔碧篠綠爲
垣綠蘿覆成幌一折一飛觥一目一鼓掌
冥探暢幽寄流囑谿遐賞我本丘壑姿合

主神仙壤還君補天石擲我凌霞杖

招朗照興登埭寺

時住唐昌

古寺剡谿湄開山自彌勒佛地數當興人
天望孔亟師具波若眼應饒夜摩力錫飛
路不賒杯渡期已刻莫只認唐山是樓閣
百億

送金孟章應召北上

白雲巢自深赤霄羽獨刷一舉謝蒼蒼四

卷之一

五言古詩

十七

海看橫絕藩鷄笑未已羈鷹眼空熱扶翻
多賸風機霞倘相挈

重過四十九盤

昔來四十二今來五十四此後得重來健
是何年事白髮不容情青山轉得意太嗟
問山靈還許來幾次

寄楊龍友

侍父柩州

山城如冷村高齋空翠逼父子爲知已琴

尊侍退食時復商千秋古人唾不拾尋常
起青春歌綾費蜀國應念山中人面飽薜
蘿色

十月十九夜載酒湖舫候月偕黃玄

龍謝伯貞共用萍字

以定夜波偃寒鏡涵虛冥海門忽生月流
影窺西冷千里聚一葉重湖雙玉瓶清滌
不能醉玄暢轉得醒孤光見懷抱兩峰向
人青栖栖何爲者天地空中萍

贈祝鶴峰

蔡澤未相秦潦倒一燕客唐舉一見之和
奪應侯席富貴所自有物色豈能益但恨
風塵眼偏向英雄白

壽蔣子盛

辛未年

刻銘第幾曲武嶺揖其流二雪秀堪把遙
峰連沃洲詠宮踞其勝讀書恣幽求逸情

與雲上遠性同風道采芝紅泉曲洗髓紫
海陬咲看七業興快作三徑遊年年春酒
熟花下醉浮丘

挽彭克宇

壬申年

先生古人也恨我不及面蚤棄五斗米閒
著五柳傳廿年醉松菊不一到府縣孤調
北窗知素心南山見海上有遠風應自先
生扇

春夜坐雨

移花正須雨入夜欲畚屋迸落天上春化
作簷間瀑燭影溼幽窗鵲聲洗深竹澄坐
思轉醒新泉響空谷

東平道中

往往杏成林土風有如此時簇清谿瀟或
龍斷山趾花時紅奈何葉落意猶綺何當
三月來走馬香霞裏

過逆瑤竿首處

毒焰炙天地兇威甚豺虎目中無諸王掌
上弄孤主稱頌遍立祠帶礪大啓宇意猶
規廟社禍已滅門戶磔屍無寸棺懸頭惟
一柱空有髮未爛那得氣可吐過者指而
唾向之罵且數昔年一怒目滿朝色如土
今日橫萬矢憫懷不能拒逆案多深文偏
溺東關五爰爰脫兩觀時來道三輔仰視

此何物驚汗定如雨

渡口夜泊

武城南 癸酉年

東岸如赤壁人家冠壁上月光生屋脊便
如出高嶂半河受空明一天入清曠寒犬
樹裏疎悲牆露中壯天涯到杪秋夜深立
孤舫悠然若有期遠與渾無恙

過任城

城隅一荒池曾受少陵賞尋常城上樓謫

仙醉其上池與樓之名遂長在天壤當時
亦羈遊何心寄光響我自能千秋物因之
不往醒齷富貴人誰爲結遐想

遊金山寺值大風雨

風雨滿寒江咫尺迷孤寺破浪擎葉舟寒
雲到金地樹石都欲冥蛟龍一何恚山固
有定根我亦無怖意轉因雨覓奇番借風
扶醉閣俯驚濤迴亭壓遠海出平烟幕廣

陵連岫昏吳會遠足是風波捫天作位置

送楚客劉孟肩

甲戌年

盛暑蒸瓜廬野人倦揮扇聞客輒欲逃非
君不敢見留得風波身一對烟霞面楚越
復臨岐逢迎還幾遍殷勤持贈君芳洲雲
一片

石人塢訪鍾小天却贈

入塢路未半別徑轉幽竹竹盡臨清谿橋

危度獨木石淙正當門梅嶼深藏屋快軒
隔綺窗暢閣通花曲書經世眼少山供案
頭足詩草落人間玄亭在雲腹巖桂晚尤
香園茶秋亦熟怪君凌霄姿胡爲咬空谷
暫將持世心澄以出世局未許石如人長
尼人如玉

望江亭 徑山

東走無高山氣爲江所奪茲亭特閣空一
望千里豁復以越山多逼露江流潤初見
灝氣浮轉疑白雲抹接天秋愈澄浴日曉
沈活龜赭只雙漚蓬瀛可直達

橫山江氏別業

西溪已人外復踰大嶺西六松暢天表應
栽南宋時傍隱百家村林杪浮煙霏園亭
與村接而別開幽蹊窈窕緣樹石出沒迷
所之樓或闕遠江堂有面疎籬寒澗伏秋

水小橋帶斷隄正以澹率勝轉驚曲折奇
橫山少知己神契當在斯

登莫釐峰

涉險問莫釐老興故不淺但苦洞庭高湖
光未全顯東南望越絕目境差得展山下
數千家守錢縛者鮮盡日不逢人相聞只
雞犬

登縹緲峰

地既當湖心峰復壓莫釐身自空頂立目
向天未馳吳王舊宮苑歷歷湖之湄西北
沈壯潤范蠡從此辭夷光非婦人館娃那
得羈一霸謝烏喙偕隱猶恨遲千古興亡
事五湖烟浪知世局空多變孤峰長不移

夜尋角頭

角里洞庭北手自種山茶到今數千載猶
發漢時花聞之疑且慕亟問角頭路日落

至鄭涇蒼然入煙霧更登柯家嶺湖光與
月併轉行轉無人月斜夜已丙山盡得破
菴一僧醉復愁索燈照茶樹果見秋藥舍
古柯飽石髓圍之十未已相傳花寂紅折
多花愈喜明發須諦視欲留無宿處歸路
不知賒還乘月明去

善卷洞

流水番入洞磊砢浸漣漪更有洞在上如
飛閣跨之雲根高下坼鬼斧琢不得間道
宛行空谿流杳難測恐人識谿口水伏巖
中走谿上供高臥石林猶不朽還疑谿盡
處別開桃源路善卷倘在斯飛閣應可度

七星洞 一名天窟

一刻屢昏晚半里幾間開環轉天之體殊
連星之格綺霞掀作幔瑩碧布爲席兩門
合玉虛七路通鳧舄燥溼不能干陰陽各

有適復無蝙蝠精與爭神仙宅此洞今誰
主我願分片石

君陽洞

仙人好樓居安甯秘幽窟所以擘高雲騎
龍集天闕龍起潭自深虛照澄人心天闕
幾時歸洞門開至今

一線天

滄海浮太空相忘兩無際伏流得見天始
覺光景異我來濯其流光動巖之幽天若
有私照人偏快冥揆

登大茅峰

雨中望不見雲中行尚迷盤磴半成瀑登
峰如涉谿次且到絕頂茅君咲相携謂我
來良苦飲我甘露卮自喜胎不濁得與仙
人期朗吟昇天行三峰皆應之

重遊靈谷寺有感

不聽景陽鐘十有七年耳舊遊人罕存舊
識僧亦死况欲尋六朝千秋烟草裏春風
吹草芳秋風吹草黃物固有榮謝人生安
可常幾多弔古人轉眼同消亡惟餘五里
松長飽歲寒風秋濤捲大壑月色冷高空
時作老龍語聞來參誌公

達摩洞偈

佛不住天堂亦不住地獄此無地獄相亦
無天堂目幾葉垂空雲網組擁虛谷江上
青芙蓉秀出承其足而望此亦可葦渡何
其促

寄懷包山蔡居士

家在包山麓懶作包公侶身是佛再來且
無法可舉趺坐空明閣靜對銷夏渚飛帆
自往還定心斷迎拒我來扣大事但令指
頭語香供羅橋栗隨喜窮島嶼別來清夢

懸時在維摩所

過萬竹菴尋伏虎石

爲石尋菴主竹復蔽其菴陰森度密翠窈
窕披深嵐菴主但圍竹未嘗與石叅石去
菴不遠別爲紅樹舍撐桪何落落偃蹇如
耽耽苔蘚文其背草樹垂作甕映帶有情
勢控引非頑慙兩山多綺石難以古意探
茲獨擅雄秀虎林名不慙

遊無門洞

奇雲拔地起兩峰不敢吞一石斜倚之如
凌亦如捫石間丈六相威神柱乾坤就石
作几案積嵐供晨昏石上覆以殿殿高以
石尊元來本無洞又何從有門我欲得其
門摸索無一痕

遊紫雲洞

日入到洞門返照雲益紫佛閣懸雲端禪

床嵌雲裏屏翳入轉深
層發吹不起有路
通西方紫氣扶杖履
雲頂見江湖與吳興
山水却笑洞中人應
未領略此山山且在
天回望雲猶綺

甯三尹遷任神電衛叅軍却送

乙亥年

大吏秉節鉞小吏司微
循總期清寓縣爲
天子力臣君既佐百
里萑苻肅剌水復叅
嶺海軍芙蓉照蠻市
嶺海方多事高涼當
右臂丈夫立功名何
必在高位

夏日遊香雪塢晏坐竹下正臨清谿

清谿徑深竹乃覺谿更
清我來坐谿上冷
泠竹寒生水漱菖蒲
根復與潛石爭激激
清人耳正和寒竹聲
自然無暑氣何因有
然情

盛夏邀黃玄龍周長卿入過雲莊過

尋幽窈分韻得呬字

遙遙入雲中日日與雲
狎雙澗雲頂來千
峰更斗挿世熱無由
親虛清似可呬捺奇
屐欲穿選勝指還招
當行得陰巧暫舍值
雨恰大壑臨危峰奔
泉瀉絕峽黃梅漲赤
水瀑布徐鳬甲

登過雲絕頂得頂字

雲容高更肥峰色近
初醒日脚在徐鳬漸
破四山冥地超真氣
動天近靈光炯衆壑
盡呈曉羣岫皆見頂
石窗定何處陳嵐沒
丹鼎深巖秘人家抱
嶂疊綠町水石相幽
貴竹樹互玄極人世
畔援情雲中君不肯
答王覺斯步韻

丁丑年

人鮮美服祇能示地
文陸沉已半生曾
無當世心忽從大江
游獲邇嵩山岑體氣
攝羣嶽千秋愜高
尋樹石靈光含雲霞
古色深培塿翳淺嵐
何足開遠襟時或發
笑

咬畏佳偶成音下里咲不止采之秦雅人
大雅得主盟振此孤吹心

靈芝引爲許君信賦

余家有玉芝生金雪堂前門戶爲之樊柱
礎爲之田無從領風露而若含雲煙三岐
戴赤葢瑤伎鵲火縣靈氣誰篤之燁燁瑩
且堅物理不可解每載胸臆間比聞許司
農產芝花臺造不與水土親來作琴書緣
紫莖淡黃葉渥如真人顏開且兄之者遠
近驚相傳不知八十翁原是紫芝仙使生
於庭階有開氣必先司農負至行致此理
固然莫只詫神草漫作無根看

寄懷周孟彛

肺附三十年中更幾榮落榮爲杖杜陰落
則同蕭索况復落時多輟鮒不離涸惟君
能諒我相安在林鶴今我滯白門不如守

耕鑿妻子只求歸賓客何所託終然一丈
夫長當作屈蠖不能得雲雨爲世蕩焦灼

一重遊棲霞寺

每美明徵君超然世網外今來叩白雲益
覺心有會松聲長咲人不肯敗前退古霞
尤然腸招隱多靈態悠悠風波子偏驚石
浪大

重登攝山頂

昔來已不堪縱目江南北今望江南北昔
又爲樂國寇逼但畫江江外豈殊域燒掇
屬一水江南高枕得千里浮荒雲只疑賊
氣黑

送薛歲星之任開封 丁丑年

南中白雲司清於石渠閣高人主詞盟風
雅啓玄篇引經笑迂腐爰書亦追琢乞文
謝俗流聽詩許庭鶴侍從佇簪筆時政須

封駁 天子顧中原暫借綏京索英雄無
不可汲韓何必薄飛檄反側消上書利病
鑿懷古弔夷門行部訪桑落既可高治行
亦不妨述作一麾靖淮陽連徵趣長樂臺
閣還文章傲歷轉磊瑩

哭李鹿胎 丁丑年

航憐偉丈夫清通佳吏部與我遂同時別
君渺殊土方喜共南遷積懷冀一吐萬里

北

卷之一

五言古詩

三

會無期九幽路忽阻鬚眉雄若神意氣健

如虎颺然謝賓客不待有兒女幽憤苦其

抒肅恨之帝所得請快平生賢於長壽楚

命役

我命自當塞君復阨於險君爲我命役我

不因君掩於君無小嫌加我何太慘使我

復如君乘間相檢點則我落君阱卽君墮

我坎人當得意時倍宜存曠覽恒思人抱

痛不異身受僭乘權手不毒失勢禍亦澹
我豈圖報復君應自收斂

士全榮鄉並致書招德充歸黃山却

送

聞君結精廬適與蓮峰對嘗偕雨仲容鼎

足結高會士全名價高猶執烟霞志榮卿

與同調時把入林臂君胡獨羈遊從我不

忍實黃山欲移文兩君傳此意特儲萬壑

北

卷之一

五言古詩

三

雲供君詩與繪我亦贊其歸成兩君高義

更憑語黃山舊遊人倘至好馳天都煙逆

我揚干寺

衝雨遊方山

戊寅年

興一何駛雨勢一何疾出門卽衝雨到

山雨未畢線路皆奇滑况復坑坎逼步

無可容足安保勿失望見山半寺片烟含

曠色路暗轉崎嶇力疲愈攀陟破雲燈影

昏度雨鐘聲溼甫知僧舍近已如勞跡息
扶倦登寺樓未暇進酒食開窗急看山惟
見玄霧塞

登方山絕頂

勝情天不遠連雨夜忽斷浪浪巖溜聲與
風聲相亂曉起望山頭如人初出幔石色
潤且鮮樹色淨猶鹽北面峭難登南繚夷
且曼絕頂堪走馬高及鍾山半迴立騁目

五言古詩

五言古詩

五言古詩

寬四馳鬱懷散江光濯新霽陵闕晴雲冠
春入江南花寒深江北岸嚼茗石龍菴猶
作十里觀千里多危形來遊慚伴與

七言古詩

題洪茂卿九如圖

己未年

昔遊靈巖過君里良田清池桃源似復遊
白門識君面神姿疑向花林見我欲從君
話避秦君偏憫問舊谿津雄心擬仗忠宣
節素風不墜寧都貧聞說時艱髮欲立那
問今年已六十未肯老向十畝間何取歌
番九如什

綏城魯使君母夫人壽九十猶子庶

常君索詩寄壽

庚申年

漢家吳公在七閭當途共推魯使君賸有
文章照雲谷爭傳治行凌熙春良二千石
需九列雙引重金竹還闕憶昨藐孤今何
如慈顏爲閒映華髮瑤環瑜珥前致辭寧
復識挽鹿車時母言行年雖近百存不忘
亡心無期秘閣讐書有猶子列女傳中誰

得似應取一二最佳傳一讀一當稱觴耳

燕市行

楊冷然席上作

荆高去後歌不傳燕市寂寞三千年今夜
醉君燕市酒意氣宵落荆高後君自擊筑
我和歌高霜激月月返河悲歌一轉髮一
立相樂誰知是相泣感慨多於昔酒人不
爲辭燕西入秦

登天壇鐘樓

辛酉年

卷之二

七言詩

三

獨上高樓孤思逼江南塞北空春色漢京
冠蓋漢宮花不見風塵接天黑日日三韓
馳羽書揚揚二伍出同車豈爲纖兒惜恩
只愁撞壞好家居

讀王母封股述

王君皎如玉爲樹長安一見論道素風塵
表物今在斯神仙中人何足慕烏衣江左
舊家聲水部梅花香似名一疏陳情動天

子詔下平都旌女士還思沫血奉姑時姑
病良已痛可差何期食報寧馨兒副筭六
卿象服宜

寄題淇潭讀書處爲俞徵君壽

壬戌年

開道精廬踞潭石石上小山亭數椽遠屋
衆峰嵐色古行沙一鶴天機全花竹交簷
苔覆瓦中有焚香讀書者狎客惟邀入幕
雲高僧時結開樽社山水無緣得共遊因
風遙問借眠樓變將金骨憑何術寄得天
門居士不

壽王伯貞七十

甲子年

遠表風神自瀟洒笑負奚囊歸白下手出
新詩三十篇春山裴裴空翠寫壯心不知
齒髮暮遠興還輕秦蜀路終華靈峭巫峨
奇儼收杖底雄詞賦芳杜洲人白髮新留
君暫共鹿源春何以爲君七十壽牀頭新

熟黃柑酒

碧泉道人六十乞詩

去年七月汝六十手持長箋向予揖願乞
一詩挂松堂我欲應之時未及荏苒又是
西風時見汝始覺逋汝詩只今已是六十
一年年一度月逢七百年只一彈指頃肯
使華囊虛送日

醉歌行壽族叔繼和六十

七言古詩

四

每到君家醉君酒高歌起舞耳熱後醉得
君家酒幾回忽道君年六十來兒女成行
頭半白啣杯仰天咲啞啞還到君家索酒
嘗歌呼不改舊時狂咲持君酒爲君壽長
佳時盡五斗

聞粵東民變

天下荒荒多鼓聲嶺南健作令河西何因
忽發潢池嘯擊走大吏搗窮微黃屋左肅

舊割據天遠難呼心易去獸駭鳥散只須
史先叛後服堪長慮東虜西苗類自殊蓮
妖猶曰蔓難除五羊城中皆赤子一事失
調亂有餘天末揭竿驚鼎沸喜亂民爭思
富貴亂繩不解國威輕還恐江南多趙尉

黃山高爲李母八十壽

黃山高三十六峰摩紫霄仙李之根盤其
麓雲蒸霞蔚蕃遠條一枝移植東海上欲

七言古詩

五

壓扶桑柯萬丈亭亭諸李誰竄奇君龍起
舞自舞象有母不作兒女慈手自裁襦口
授詩那問蓬海淺於昔但看天池到有時
四明三郭發祥厚寶婺凝精麋龍光蹊成
下香名走繡遊長侍瑤池酒

贈笠雲

乙丑年

澗中汝之盧石公汝之師獅子窟中無異
獸飲水冷煖汝自知汝猶自說是初機多

聞第一默若癡山雲起處觀心住潭水澄
來解識馳石師爲人方微困拈取布毛吹
向誰

題王母汪孺人六十壽圖

丙寅年

何物老嫗生寧馨髮未覆眉文章成憶從
雪竇初識面怪我眼中從未見心知定是
後來秀無何價出諸生右汗血駸駸驟漢
京爭推禹王蘭筋就成均落筆驚巨公國

七言古詩

卷之六

六

馬之羣爲一空上馳定許龍爲友開遠俄
生虎脊風不知其母視其子母今年已六
十矣蚤慧還憶裁襦時晚娛惟看籬雲起
烏衣巷口轍何深鸞鶴歡迎琪樹陰玉脂
尊和寄雪庭前新翠龍孫列

讀馮楨卿司理撫長紀事

東南天子財賦地妖人持作愚人餌草間
嘯聚動百千潛以名號相樹置何處無我

伏於莽乘間忽起太湖上夜半狂呼動雉
城戕殺命吏空獄帑雉城內外鳥獸散三
吳號號爭思亂誰能一旅探虎穴天遣奇
人負長算神閒氣定被衆疑免起鵲落捷
應機渠魁既縛餘不問驚者始定亡者歸
江左幾爲逾左續咄嗟血海懸清旭英雄
伎倆無不有文采風流豈能束大小馮君
浪得名菰城司理是長城 聖主漫勞思
猛士謝安原是一書生

七言古詩

卷之六

七

靈雨篇爲劉明府賦

漫說江南地低溼黃埃撲人白草立癡龍
久睡驅不起陽侯夜守清華泣片雲遙自
武夷來忽驚剡上馳風雷家世秦龍原有
術况復精誠天可回他邑至今猶赤土離
畢如占獨所部奇應不在步禱時琴風且
甘壺靈雨天門之南雪竇東雨脚畫成百

里封已開長者能渡虎又見君子果爲龍
爲龍行復霖四海蒼生如焚正相待

題萬竹烟雲圖爲趙養葵壽

白鶴山西湖泊裏萬竹蕭森拂湖水主人
好讀未見書茅屋數間竹中起讀書不作
老蠹魚精以爲身推其餘虎杏年來竟成
市神棗歷歷生階除玉顏不淄金骨變燕
馬吳舳眼中電日月空驚壯士心風塵不
壯

卷之二

八

上真人面憶昔倚劒氣如雲每擬上書干
至尊老去惟留丹訣在長造蒼烟護竹門

胡爲乎泥中戲贈任遜之

有序
丁卯年

遜之以人日借謝伯貞訪余杜曲霜滑
徑微踏入吟滌鬚眉巾褐半受露塗因
戲作長歌贈之

君來自霞外胡爲乎泥中東家蹇驢不肯
騎凌晨奮袂扶春風春風初來尚無力春

霜欲消轉相逼偏當狹路解傾人蜿蜒欲

起起不得連呼伯貞急引手此功能不容

卿有衣冠出土古所無鬚眉半污驚奇醜

數載初期一相過經筵便便幾跌破嚙

猶不廢謝鯉心肝還欲嘔李賀君自捧腹

我絕倒崎嶇世路君已老把臂入林誰見

妒平地忽作摧車道胡爲乎泥中莫辭尊

酒空醉未十分須更酌歸路霜乾堪放脚

壯

卷之二

七言古詩

九

咏松

戊辰年

三年前伏茅草底三年後凌草頭起根柯
轉大枝轉高上飽風霜下石髓精神能出
萬里雲氣色疑浮一天水長扶日月蓋蒼
不若不材空不死

贈戴繼椿

己巳年

越王城下西陵道彌望江雲接沙草君家
突起三珠樹高拂樟亭指天路美君有子

復有年丹顏紺髮人中仙
縣官祝哽未足數
遠勝稱觴看縹緲

徐紫宿郡伯招遊三巖寺值雨

雨中山色更清幽
平路到山雨催疾三巖
正藏孤寺裏不出寺門看
可畢巖各爭奇
各入巖中各瀄淪
若泉中巖當中瀑布
落雨新瀑壯春濤
懸東上石亭雨亦快斜
窺瀑布未盡態幽軒
恰向三巖間瀑布恰

杜

卷之二

七言古詩

十

與清樽對雨聲轉急
瀑轉肥歌吹聲雜瀑
聲飛眼根耳根都洗淨
可醒可醉俱忘機
太守之意山水間
分我豐樂半日間
雨餘客散天欲暮
入城猶望三巖路

集續敬承叅戎邏香亭同謝伯貞胡

百敘

將軍雄風震楚粵
解甲歸來未華髮
一丘閒傍好谿烟
七年高臥蒼山月
部勒亭臺

亦出人條然水石不生塵
護花鈴索繚芳樹
調鶴丘樊翼翠筠
花底相逢值初夏
遶亭紅香猶未謝
光景關人興自豪
意氣屬客酒頻貫
半酣各起穿深蘿
洒面霏霏空綠多
幾轉曲廊苔繡地
數尋芳沼柳凌波
還復坐花聽說劒
花神欲舞客容斂
便堪投袂起橫行
淨掃東西意猶欠

何無咎吳子範集孤嶼浩然樓適當

杜

卷之二

七言古詩

十一

新霽分韻得花字

雨脚不斷雲低沙北風吹浪跳怒花鹿城
咫尺不敢渡目斷美人天一涯
須臾風靜雨亦歇中川擎山陽侯家
葉舟高嘯無咎至靈氣翼檣搖頰霞
相見不復相勞苦但言江山晴更佳
子範載酒破江練笑看塔影凌波斜
高樓正圍三萬頃盪曾際目空光
賒豪來各欲盡一石青天在水月復華

占星應紀少微醉勝遊更把郎官誇夜深
別我航月去親見雙乘銀漢槎

壽族叔母竺孺人 庚午年

惠風初來海日華照人幾樹紅梅花玉缸
新浮春酒綠朱簾疎映金翹斜六銖木鐸
霞袖潤雲璈乍鳴鳳笙渴登堂便是蔡經
家洽桑屨變麻姑活母兮能老信如仙母
復能勞不問年言不踰閭今七十居思避

卷之一 七言古詩 七

市已三遷老鷺別鶴每銜恤特喜叢蘭暢
遲日好鳥携春前致詞爲道風雲生遠勝
親賓佐驩觴共舉子因失怙創猶巨而有
母道我獨無逮親之半亦至娛

族弟有馨索詩爲其母樓壽

春風新從臘裏來梅花先傍谿橋開獨自
看梅坐嘆息春風十度谿橋側十度經春
渾草草少者已壯壯者老眼中多少白頭

人回首紅顏隔幾春幾人能不空白頭對
花置酒彈箏篴感茲起立還倚杖忽見有
聲笑相向爲言甕頭熟春酒將上老母六
十壽孤嫠苦辛至今日願乞一言賡蟋蟀
我聞此語爲開顏逮親何必公卿間子孫
燕喜梅花下如母卽非空老者

還山吟 癸酉年

勸君莫采陽羨茶有虎白額方摩牙擇人
而食晝當道毒嵐深護黃金芽勸君莫賞
烏程酒傭保皆能施辣手况復塊壘如九
嶷借他酒杯澆得否歸去來我自種茶雲
之隈鹿泉如雪煮初熟香生秋露心魂隔
去來甕頭桑落新發醅何必老兵堪共
醉谿風山月能追陪

聊城道中阻淺

天復何心妒歸客還使葉舟行不得兩岸

空餘舊水痕中流投篙不盈尺家僮盡遣
佐長年或推或挽總無力何因破浪走萬
里漫想飛帆超七百途窮欲借魯連矢爲
我射書與河伯七十二泉應不枯無妨一
夕俱向北

濟陰

濟陰之魚賤於菜大魚都作小魚賣魚多
不愁得錢少價廉只圖脫手快月生西岸
秋樹疎開蓬對月秋興孤呼酒與魚聊取
醉半生懷抱存江湖

泗水亭懷古

欲厭東南天子氣祖龍親巡至吳會埋金
墓地意何長真人蚤已生豐沛登臨曾上
邙邙臺更乘嶧山望九垓泗亭應只在眼
底不見此中氣佳哉真人自非人可制遵
養且與天地閒豪傑並起誅暴秦卽舉大

名從此逝手斬白帝先入關化秦爲漢指
顧間豁達大度繫羣望不獨隆準與龍顏
當年九鼎沉泗水符瑞已屬亭長矣秦家
泗取不能得故是赤精守之耳

九日泃河阻風

昨日只愁風不轉今日轉風愁忒大帆軟
船側檣欲摧三老失色天晦濫急呼三老
且收帆轉風須作逆風看不妨艤船坐半
日風勢稍馴行自安苦無菊花亦無酒但
有風光似重九去年醉乘南高峰今年嘯
對泃河柳他人善行我善住終作順風順
流去多少揚帆趁飽風正得意時俄失據
壽沈英多母夫人六十

甲戌年

君家文章重江左六朝至今聲不墮尊公
才名動海內國子先生推碩果青箱世業
今在君駒齒未落成龍文蚤掩父書不忍

讀時過慈闈有異聞家學半應承母氏六十纔爲百福始天之所進靡不償不於其父於其子吳山翠迴聖湖清含譽流輝傍少星母欲舉觴觴屢停卽看秘閣振遺經

張公洞

余每乘火入幽洞便作生入地獄想一切絳乳成怪狀凡洞皆然不足賞此洞尤爲人所豔我特扶藜一禿勘突兀坎宮相通來心目手足皆支暗迴折微還入處光肯行忽復落窈茫再前正苦天日遠陡覺陽谷開陰房却疑還踏入處路仰看洞口已非故洞口人如天上窺洞中物似窟中露應接不暇看復坐張公抗手高迎我出洞方作昇天行回視後來猶把火

尋半山亭

當時欲改謝公墩至今墩姓還隨謝浪指

王家半山亭誰家肯爲王家借初公自是讀書者我尋半山有以也不應竟與富貴人大屋高臺沒草野

壽族叔季和七十

少年往往欺人老幾箇少年能壽考聰明富貴正驕盈忽報紅顏沉宿草是以至人只尊生杯酒不換身後名安期美門至今在咲看滄桑坐玉京海濱故是神仙窟君

八卷之一

十七

年七十負金骨晚得多男課一經已見子幹氣蓬勃閒倚西樓岸角巾不知朝市有風塵時邀山色爲知己漫聽谿聲答主人世間惡少空豪舉君到白頭愈偶旅君開

余言爲迎酬滿堂親賓盡歡笑

喜呂君禹至留邸

丙子年

老去幾人臂堪把遷客尤難同患者咲我空欲存古心逢人懶復結新社寒邸歲殘

往來絕小樓獨對鍾山雪刻日望君君忽
來剪燭開樽滿堂熱幼兒六齡何所知不
足煩君爲若師惟念君方不得意正當我
在失路時聊共凌臨大江水好把樽懷時
一洗試看江上落帆船一日得風俱萬里

送周長卿東歸

丁丑年

去年送君客海陵留我東阜守躬耕遭歲
大較無半入代食維好孤遠情今年送君

二八

六

歸刻曲留我青溪看屬玉家口猶餘二十
人可能飽得一囊粟非吏非隱空浮沉祇
賴故人相知心且無布被脫粟飯但借山
水供苦吟佳麗地主故爾爾君方抗手若
私喜喜他葉舟去不輕載得石頭城下水

朱渤海觴我峴園賦贈

石頭城裏山如繡清涼臺下名園闢王孫
選地更幽清石氣林芳俱可嗅江橋歷歷

窺女牆莫愁湖送林隙光側看鍾山兩峰
疊平臨牛首雙闕翔亭館一一當勝處曲
逕周廊邏巖翠不見城中百萬家惟有炊
烟集松際王孫如仙兼好佛爲善之樂故
非一方外時分清靜緣山中別有舒長日
非仙非佛我何人相對山亭盡一樽願借
樽前絲與竹爲余譜出醉王孫

送嵇斗生之任潯州

有序

七

八

七

九

斗生得潯州以爲遠且意山川風俗有
異中土故賦此廣之然亦實錄也

樽林故號雄秀地其民力耕服禮義四方
兵革都不聞但降勾漏通仙氣新年雞骨
告太守云當遠過柳州柳一時舉頭望德
星孤城移照潯江口南湖彷彿玉湖灣白
石豈減道場山使君褰帷閒送目依然吳
興山水間大江以南總塊土桂林吳楚之

門戶蛇黃白越不足珍惟看紫泉瑞召杜

飲劉自我河亭

秦淮水起初可遊又逢新晴五月頭家家
拂拭淮上樓朱簾繡幕珊瑚鈎畫船絡繹
珠翠稠綵霞飛去香風留傾城闌咽興何
適買盡涼篷舴艋舟劉君書室臨淮流三
萬鄴架手較讐四海習生晉陽秋不肯冶
遊逐五侯惟將斗酒話幽求逸氣時欲橫
九州對人不語看蒹葭檐前簫鼓沸不休
燈船十里胎珠浮但笑此輩何悠悠水西
月出烟靄收謂我差堪開醉眸



杜曲集卷之二

刻上戴澳有斐著

長短句

招鶴篇 有敘 戊午年

余八世祖諱德祐偕兄德禮並殉先拾
遺死靖難相傳葬聚寶門外周覽其地
蒿萊極目旅骨安歸水木傷心宿草是
問

本曲集

卷之二 長短句

拾遺只解臣死忠那復顧湯武不爲逆取
王魏可以令終臣旣爲主死弟亦爲兄殲
一家遙在越東偏三魂咲聚城南陌城南
陌山如圍空傳此地兄弟同歸墓田何處
是秋風淒淒秋草腓憶昔骨肉同被收巢
覆卵碎哀屍誰求遊魂相携定安在舊君
海嶽皆山丘嘻山丘不必問五父我知死
兄必隨兄死主必侍主雖復招魂葬屈平

寧思化鶴歸遼土歸來平華表時憑風雨
呼聖明不斬荏弘血鼎鑊猶存宜孟孤
慕山兄六十 客居當湖 己未年

若生鑑湖曲君家當湖濱白髮映碧水奄
驚六十春百年能逢幾開口杖頭有錢甕
有酒金天初高漏初久侍兒吳歌前爲壽
笑擘紫蟹盡一斗湖風頻雪持杯手醉眼
望天顚語婦世事悠悠我何有

題呂光祿小像

張季漢廷尉曾以貲爲郎廷尉能重漢貲
郎豈輕張張季今誰是如君母乃似愧我
非爰絲徒有心期耳不能使拜謁者令不
能使驂天子乘睹君玉貌見古人十年不
調神常定

贈許君信 庚申年

從無千秋人急取償一世漢人重賢良選

固不應賢良制唐人重進士李杜不偕進
士計畢竟漢唐富貴人誰似數公名不敝
乃知有文章自可無科第如以科第而已
矣長安大道車塵蔽車塵蔽車聲礮就中
氣勢誰讓君九卿三事既寂莫始知後世
有子雲

中秋

聖人偏無時賢人偏無時花朝偏無天中

杜山集

卷之二

三

秋偏無月古今所同病月豈不在天浮雲
妒嬋娟我欲揮劍決浮雲引出清輝河漢
邊河漢清輝不可極何難爲我生顏色天
若不爲今夜青月若不爲今夜好他時縱
有青天月尋常看月渾潦草夜深空照長
安道

十六夜

吾鄉異風俗此夜爲中秋摘取豆莢劇新

芳煮得望潮與蟾蜍香開家釀白如雪
妾兒女登南樓相對惜時節坐斜樓上
空憶當年此夜驩月照羈人冷華髮

當湖有仙客贈陸徵君

辛酉年

當湖有仙客家在湖之千湖月開澄鏡湖
風生碧湍幅巾筇杖臨湖嘯月搖風激成
殊調今古都將佐酒杯琴詩未肯輸年少
懶將天放換封侯那問飛輪勝枕流且縱
航船挾風月棹歌時匪弄珠樓

春別

東園花正發南浦水初生花發春未半水
生郎欲行郎欲行可奈何難倩逆風回別
柳惜憑孤月訴滄洲

送劉敬仲還曲周

安歸平安歸乎奴且渡河直窺燕都邯鄲
去燕不千里此地可容高枕無兩河之閒

饒士馬君歸豈戀長林者物色英雄草澤
間部勒賓客粉榆社聞鷄起舞開朔雲昔
爲越石今司勳不學更生挾經術空欲抗
言支漢室壯懷落落無不奇談兵之暇復
談詩余歸倘得及無事問奇叢臺應有時

慰花

丙寅年

花開恣相賞花落誰相弔曉風寒自知夜
月澹回照花落枝仍在花開復可待寂寞

本目集

卷之六 長短句

五

不多時依舊春如海洛陽車馬簇成雷却
道賞花人又來還挾舊時蜂與蝶歛眉低
翅到亭臺

館娃宮懷古

甲戌年

夫差荒日甚西施媚轉工堪供美人咲不
惜吳國空築宮硯山頂臺殿皆凌空捲簾
見五湖檣帆與越通萬人守宮外千人侍
宮中酒炙行若流歌舞攢成叢響屨嬌微

步琴臺轉香風忠諫旋賜死女戎誰敢致
強兵遠圖盡雄心消內訌忽驚越來谿正
近館娃宮太子骨旣折王孫辭復窮趣圍
姑蘇山羞達甬句東君王自伏劒美人那
肯同當時指誓五湖水若負恩情有如此
誰解五湖能誤人番爲鴟夷載西子

白門贈笠雲

遊遍南朝寺何如未遊時笠上幾重雲雲

本目集

卷之六 長短句

六

去笠隨師笠口大如斗長作獅子吼四耳
八十寺祖師聞之皆驚得米有從此蓋天
蓋地去但知笠在雲常住泥牛鼻孔海底
穿木馬牢拴無影樹

三宿巖別鮑在齊

不受米顛拜乃爲鮑顛有日坐臥其玉壘
宿猶云偶恨我未能顛遠性不相取旣捨
石丈去復與君抗手江上一歸人孤帆指

京口回首望君兼望石惟見鍾陵天際碧

海大魚

爭咲海大魚失水制螻螳須臾水復來魚
躍螻螳死一日兩潮有定期落之盡乃長
之始世眼只知看一潮便謂大魚長失水
明日還來咲大魚簸浪如雷已萬里空望
扶桑想曝腮噓氣成雲扶日起

寄題吳涪溪先墓 丁丑年

本曲集

卷之二

七

余嘗過溫陵望其山多奇秀蜿蜒裏飲海
石根時受驚波湫但恨筍輿快於馬山靈
不及拈佳處迎我馳眸疾相授比睹駕部
徵詩引醒我當年看山眼補我輿中所未
透作而曰有是哉誰鞭天馬負磊砢掀舞
簸蕩東走復西回雲骨玲瓏足奇態直豎
爲鋒鏑橫架成樓臺冠其絕頂有寶蓋上
摩日月下含雲雷怪絕驚峰幾時來巨靈

卓不定封十八姨時可推高不失夷與不
失閉靈牖四啓羣峰承曉村郭幾點如浮
埃九仙何因有遺跡秘洞應可通蓬萊石
勢轉刻畫銅鈎建掌誰疏其脈虎崆何意
雉立而雉梅花五瓣時咲空碧石觀欲窮
石髓結鐵竈流丹鶴指穴九十九溪滙入
口清紫鴻漸案頭列聞君先靈故好奇奇
山奇水都會於斯且聞喜詩歌片石皆足
供品題且聞喜客石丈皆足當相知且聞
喜識天下之人物請看石上遍題詩茲山
不朽石不敝幽宮長得暢高寄駕部真充
孝事死亦養志不知者但曰德人福地
曰爲其先人作石供亦一大韻事

壽徐九寰七十

聞君負高義不沒故人金出似歸其孤
藤歲月深金非人所知亦不落孤耳固窮

守片言終能不欺死時經二十年封識尚
宛然但喜重負釋不矜交情全交情至此
古所難君只行其心所安此心便足長不
朽豈徒黃髮祿綏後

鷗天別館贈宋獻孺 丁丑年

嗟乎君豈山水人緣邊蔽腹皆風塵何處
不堪當一面空令長劒防閒身既鑿瀨上
坏還築青谿館開閣延鍾雲興燕雲亦煖
柴桑意正新却熨夢初懶曲翻出入塞歌
叶江湖散千秋自可結心期何必當他國
士知祇恨驕人寧負國不容國士共持危

五言律詩

早春郊遊

甲寅年

野色青初入東風復緊吹寒心猶未散豔
興已相追村屋新舍靄園花怒著枝遙峰
春自淺天際雪參差

雨奇山閣春望

春色滿天地登臨我獨愁山花方破暖壘
麥未成秋村落遙連海風烟併入樓只疑
春山集 卷之二 五言律詩

歸雁急不肯下荒洲

送陳季求歸新安

時客茗上

君向新州路誰分茗上秋疎林出荒堞寒
水送孤舟山欲辭天目風難借石尤布帆
何處落明月滿吳洲

秋夜苦次二首

有敘

乙卯年

兩閱重九再罹稔酷舊創立骨新痛崩
心永夜擅廬目不交睫長號飾痛言不

成文

填恨重泉路驚魂兩度秋破苴新舊淚長
夜死生愁薦芰陪三鼎遺栢隔九幽步兵
原善哭嘔血自難休

其二

懸碎關何事悲吟傍夜臺月痕窺破壁燭
跋醒殘煤癡到思填海情窮耻問壘寒宵
應可曙孤抱幾時開

杜甫集

卷之二十一 五言律詩

二

大雨度初嶺

丁巳年

雨行良已苦鳥道更堪愁雲暗晝疑夜山
寒春似秋石根泉脉迸樹杪瀑花浮漸喜
聞雞犬人家在嶺頭

遊白嶽遇雨

白嶽厭遊躅玄雲盡日封鶴迷曾宿樹山
隱可捫峰靜檢燒丹訣微聞翳雨鐘夜來
巖瀑壯分響入寒松

吳正子將縱遊江南却贈

問爾遊何處遊將何所資乾坤難受客時
俗厭稱詩落葉縻寒雨孤舟送朔吹江南
行可盡誰許定心期

春仲尋西山寺舊遊仲兄偕征南叔

續至

古寺臨谿出今來幾度過春風入樹淺山
鳥見儂多白石新松徑青嵐舊竹阿前朝

北日集

卷之二十一 五言律詩

三

碑未沒遺蹟認元和

其二

一縛塵纓去長愆松桂期雲迎重到客僧
索久通詩春色浮池草嵐光入墅棋臨風
舒一嘯遠水動寒漪

寄懷李君武

春明門外路一別幾經春君厭爲郎久余
愁抱病新谿雲孤伴隱山月共居貧喜得

長安信清名屬故人

京口夜泊

自識南徐路曾無得意遊
夜深孤載月城下寂維舟
甘露邊江寺芙蓉送客樓
知人今夕恨蕭瑟樹聲秋

山房雨中

風雨催秋早淒涼到客偏
苔深畱鶴跡礎潤上蝸涎
載酒誰相過關雲只獨眠
夢呼

李自集

卷之二 五律詩

四

狂李白高嘯石城巔

登清涼臺

羈愁何處散送目上荒臺
山勢尊吳轉江聲捲楚來
聖朝開日月六代掩蒿萊
東北方多事秋高首重回

登雨花臺

荒臺秋雨後蕭爽正堪登
石散寶華色茗供高座僧
江山趨建業城闕護鍾陵
却悟

埋金久翻令王氣增

瓦官寺懷古

禪宮隱深巷秋色冷娑羅
三絕風流遠六朝遺事多
猶餘江抱寺無復閣凌波
壁上看殘碣昇元自不磨

寄懷楚客

今代無真俠古人應是君
不妨交似水自有氣如雲
遠樹疎秋色初霜肅雁羣
懷人

杜自集

卷之二

五

正遇夜清夢到江濱

吳山登高

載酒凌丹壑開襟濯素秋
江湖孤客淚吳越兩鄉愁
雲色疎山郭林聲冷石樓
落暉無限意醅酣自難酬

冬日登眺封山閣

木落樓逾迥林空望更賒
海連三島霧山逗四窗霞
破寺臨荒渚危橋帶斷沙
村墟

烟火寂怒吏到誰家

十月見梅

憶在閩南路曾探十月梅誰移炎徼種來
傷剗谿開萼是玄霜結香非凍雪催應憐
花骨冷春向臘前回

送曹叔度葬

蕭索城西路轎車隱白楊人琴杯土盡業
尚九原長短草吞寒吹空山黯夕陽定知
未由集

宜遠骨不共壑舟亡

周長卿招飲封山閣得春字 巳未年

寒留山閣外桃李未全春酒嘆催花雨風
扶著屐人平蕪連郡郭遠樹帶江津共放
登臨眼無多世外身

再訪十八澗佛石禪師

龍象何年別重尋識翠微薛深埋石骨藤
陷長松圍雲竇香分乳巖窗翠滴水忽醒

塵海夢相對澹忘歸

觀理安寺法雨泉

法雲凝作石法雨澍爲泉日白雲根溼天
青雨脚懸寒聲疎梵唄遠味醉詩禪願借
松巔閣晴宵聽雨眠

五杭道中

平野雨初歇溼雲浮樹巔人家新漲抱村
路小橋連桑禿蠶銷假菰香婦饌田慙余
未由集

閒十畝舟背夕陽牽

阜林夜泊

密樹翳纖月澄灣搖亂葭港分歸艇散烟
冥隔橋賒魚蚌供銷夜琴書伴憶家十年
遊未達空梅出山差

松陵別友石侄

積水松陵路孤舟曉霧間方爲嗣宗哭復
送仲容還世載剡中雪門陵越絕山後來

應有待休使鬢空斑

大柳道中

馬踏石崖碎無風亦起塵誰爲受塵者還是騎馬人浪說朝市隱長辭松桂春但隨馬塵沒何用空苦辛

送仇主簿宿遷管河

河橋鍾吾急非君莫佐籌馬辭燕市暮帆拂楚山秋湛玉羞填浪潰林笑築愁行看

本目集

卷之二 五言律詩

八

成異政應只導常流

送孟玄鉢假歸

天地此何日如君堪復行秋殘大梁驛人近外黃城離抱兼憂國歸途半散兵應提萬里袂早晚慰蒼生

送張五圖之任沅陵

開尊風雪夜孤燭寒更明燕市數巡酒荆門千里情山凌銅柱出谿抱酉陽清此地

多古意供君暫隱名

送章長輿歸越

嗟君檢歸橐惟受朔風多客路寒如此孤征意若何馬遲思薊北春早入江沱想到家山日桃花水欲波

送薛千仞

庚申年

君言別我意甲子周今春思一對妻子開尊浣風塵千秋西閣社再世鹿門身莫便

壯日集

卷之二 五言律詩

九

謀偕隱長安多故人

登閔武臺

天子不閱武春風空上臺草侵輦路出雁向管門來陵闕三垂通山河百戰開卽今逋虜動誰是受降才

送伯兄都門外

越路四千里歸人六十餘獨行兼老別背郭更停車江海心同遠關山信莫疎到家

侵夏杪猶及食黃魚

結客

休廣絕交論。須管結客金。嘗疑貨殖傳。今見子長心。命啖清成癖。官慚墨未深。悞拚遠世調。難恨少知音。

寄懷孫仲孺

時使金陵

吳會三千里。懷人望使星。江搖石城白。山遠鳳臺青。秋興與誰同。醉羈心我獨醒。菰蓴原有約。蚤晚欲揚舲。

露坐

露坐至深夜。無從知是秋。赤霞守河漢。長炤烘女牛。此地涼應早。非時熱可憂。搔頭望大火。豈爲駐西流。

寄懷蔣子相

聞道石城長之官。未一年吏無豪邑屋。民得治山田。花靜尊開月。庭虛鶴破烟。隱之

踰嶺後君定雪食泉

軍都野署

風雨送遄秋。虛堂閉客愁。憚消薊丘馬。盟斷海門鷗。落木雙蓬鬢。寒雲一蒯緱。祗慚非李蔡。豈恨未封侯。

仲氏歸櫬哭以送之

萬里走微名。孤輜出帝城。死生何處別。兄弟此時情。殘照催魂返。寒波載骨行。淚飛俱是血。林葉半含頻。

久無家信

遠客兼久客。思家却恨家。春初書一到。秋杪信猶賒。妻子謀元拙。身名計亦差。祇留貧賤在。誰問老天涯。

自咲

自咲真迂拙。望人皆古人。寸心縣示日。四海引爲隣。未解鄴賣呂。豈疑張負陳。憑他

起霜霰吾不改松筠

送王耀南

明時淹薄宦久客美歸人
懷抱兼悲老書題只報貧
一官君亦冷九折我方新
何似臨滄海秋風理釣緝

壽毛誠菴六十

碧落澄秋色仙姿映玉觴
庭移彭澤月鬢帶柏臺霜
吳語羅親舊燕歌集省郎
王孫

龍自集

卷之二 五言律詩

十三

有奇骨爭道似馮唐

寄答王燦秀才徵毛詩緒言

正以十年別難禁千里思
書來天末夜寒對雪晴時
交道能存古郵筒亦問詩
慙無匡鼎舌遇解故人頤

生日

今夕復何夕盆梅笑向予
一尊聊自醉三窟竟何如
垂老癡還劇綠貧性益疎
草堂

園竹雪蚤欲賦山居

除夕

泰昌元年即萬曆四十八年

又守長安歲低回異昔情
兩朝除一夕孤燭對三更
松柏寒應盡玄黃戰未平
和風初啓籥先願到公卿

春風二首

辛酉年

春睡曉難覺好風窗外鳴
喚還滄海夢吹斷薜蘿情
黍律空勞轉灰心只自驚
惟看

北山集

卷之二 五言律詩

十三

拂庭樹催向社前榮

其二

已覺宜吹面何妨暢卷簾
微傳花氣暖遙送鳥聲甜
山黛嗟疑動空煙颺轉添
因思踏青路低拂酒家帘

遊淨業寺二首

城中有湖水便可清塵襟
復入湖邊寺更詣人外心
斷雲拂古殿殘雪明空林
方丈

磬聲出悠悠破春陰

其二

市朝殊不遠湖墅一何幽凍薄水紋動日
遲林靄浮春扶出塞雁寒戀辭冬裘繫馬
寺門樹徘徊成獨遊

送周自昭

時事方如此君堪又拂衣
筇留新諫草帆指舊巖扉
風采寧充隱雲泉偶息機
未應

北山集

卷之二十一

十四

耽獨寤長使風音希

午日獨酌

天涯又佳節初日濯榴花
獨鶴親如友長安久似家
公卿安食肉豺虎恣磨牙
且吸清尊盡休將照鬢華

午日出城沿流鴈咏憩極樂寺

自是江南客偏憐谿上行
吳歌隨藉草燕筑佐班荆
柳隱尋僧路鶯傳喜客聲
三年

天末意一對覺花傾

寄懷周長卿

書室坐攬鏡應將舌自看
蘇君時且至韓子說何難
翻壑松濤急春雲石浪寒
山靈方謝客豹隱豈能安

署中漫興二首

壬戌年

樹影搖窗淨鶯聲入院虛
適當新睡起到故園初抱
牘來無吏焚香坐有書臣
心

北山集

卷之二十一

十五

原似水隨地得蕭疎

其二

茗盡還添茗詩成更改詩
散吟巾半著清坐扇全辭
遊蟻時窺研啼鶯故戀投
風塵門外道車馬正誼時

邸舍夏日

解帶倚庭樹清風生晝閒
懶投觸熱刺擬賜散人環
養石添盆水開圖看雪山
嶠然

已江海不待倦知還

施澹寧鵬我淨業寺西亭

古寺平湖上幽亭古寺邊
鳬鷺能狎客烟水正當筵
雨外聞歌管蘆中翳酒船
晚晴山入鏡遠影黛螺鮮

久客有懷先壘

有敘

澳自已未春北上馬鬣初封
鷗首旋發凄然辭壘有似絕
裾歲籥四更知青山

北山集

卷之一

七

之無恙松門萬里掃白雲以何人感極

而悲情深無韻

五鼎方遺恨一丘心復違
青楓應漸長白雀竟誰依
塚沒深陳草山空逗落暉
凄魂時北望遊子幾時歸

署中坐雨

署寂兼園雨官閒復寡營
古牆苔半繡虛砌草新平
清靜存郎吏迂疎答聖明
孤

懷難坐遣羣盜噉蒼生

沙河道中晚行

秋老樹猶綠天陰晚覺寒
歸鴻低遠岸嘶騎近前灘
水落知津易沙虛行路難
客愁何處劇涼吹動林端

邯鄲道中曉行

秋陰曉更密野色近猶昏
深樹隱荒店殘鷄連隔村
空存三晉路莫問九京魂
沙草

北山集

卷之一

七

烟深處當時趙北門

同丁大聲重過張太初幽居

無辭三嶺遠有約廿年前
橋畔松疑老齋頭墨尚鮮
素交存里社情話及桑田
莫惜俱沉醉重來又幾年

入蛟門

癸亥年

老蛟敢負險終日作風波
峭壁迎船立側帆衝浪過
雷收離急港電轉出漩渦
怪爾

空橫海窺關事越多

舟晚

月上潮猶落扁舟且自行連峰天際濤近
浦樹邊明村店連燈火漁家共水聲隱心
隨處愜江海識平生

蛟川夜泊

潮推明月上先照海西城客聚雜吳越船
多亂鼓鉦連橋波上影迴浪浦邊聲月午

潮初落誼聞出汛兵

送毛孺初北上

甲子年

遶烽日苦急朝議更相攻洒盡玄黃血難
銷洛蜀鋒直聲原避馬道力自猶龍砥柱
今誰望方隅莫到胸

過曹娥廟

兩行孝女淚千載作驚濤遺廟猶存漢空
江亦氏曹樹昏烟色古碑斷蘚痕高莫唱

迎神曲悲魂尚欲號

夜步六橋

歸盡笙歌舫飛殘羅綺塵明湖眞面目清
夜更精神山淨惟籠月鐘寒欲近人前堤
聞嘯咏老衲得詩新

雨遊三竺

雲藏入竺路泉戰出谿聲眼耳番一洗湖
山更遠情竹低嵐色重苔起石痕平香閣

聽深雨三生第幾生

答湯霍林二首

時事不堪問時情更可憂胸中高朔壘紙
上割鴻溝孤嘯陵陽月高澄宛上秋豈能
違素尚阿世取封侯

其二

遠寄佳山水深藏獨樂園世人從虎視吾
道自龍門文在身非隱名眞毀益尊兒童

識司馬誰信老江村

挽趙星臺業師

髻亂蒙奇賞浮沉負夙知紅塵南復北白
水所居夢兼思牆牖堪存道兒孫解學詩

吾師原不死空抱世人悲

芳洲雨後得田字

豁光深更潔山色潤猶鮮紅淨蓮初浴黃
肥稻欲眠澄畝三伏杪迎爽九秋前鶴羽

未由集

卷之二十一

二十

晴堪刷安能戀渚田

初秋野望

秋來能幾日野色半含蒼天淨遠峰出風
疎蚤稻香輕陰交北渚新漲上南塘客至
楓林午鷄聲草屋涼

秋日江行

咫尺晴兼雨滄江無定秋興隨葭菼遠心
共水雲幽到處堪漁隱中原幾釣舟西風

應咲我浪擬五湖遊

送徐明卿北上

正當秋色好馬首向承明登石何須夢棄
繡看此行策應早表餌志豈獨科名臨別
無長語心期已半生

人日宿崇勝寺

乙丑年

深竹藏孤寺斜陽靜掩關客從梅嶺至僧
自鮎埼還青菜修春供黃柑對晚山海聲

北山集

卷之二十一

二十一

堪臥聽分取一宵閒

送蔣明府沅水

懷却峨眉雪來清剡上山浮雲生意外直
道在民間浦可沉香去舟惟載石還卽看
朝論定蚤出濟時艱

西湖夕霽

積雨沉湖色客懷殊不開雨峰忽然出一
片夕陽來紅湧霞浮棹青搖天入杯晚來

遊正快明月復追陪

雨中入越

凌潮渡羅剎衝雨發西陵新水入江駛宿
雲連海凝影昏稽嶺樹光澀鏡湖燈待得
千巖霽雲門尋舊僧

雨遊吼山

壑石深無底危崖盡欲欹小舸穿雨入魂
動不能持翻以怖成快因知險是奇潭窮

社白集

卷之八 五言律詩

三

始得岸回咤未窮時

夜過姚江

子陵故里

宿雨添江漲衝潮亦順流雲山夾雙槳烟
海信孤舟有客談新局無人問故侯未能
成虎嘯因想著羊裘

挽吳瀛海

高栖甘白首強起爲蒼生聖主尊遺直時
流厭老成祇知存道素豈恨不公卿千里

魂歸處青天鶴一聲

遊嘉禾淨相寺

古寺平波外扁舟載暑尋柏留前代臘竹
帶蚤秋陰孤翠來秦嶼餘清引漢潯更開
蓮社酒分石坐香林

西湖秋霽

憑將十日雨洗出兩湖秋遠照明紅樹寒
沙醒白鷗霞深木末路嵐淨竹邊樓一棹

社白集

卷之八 五言律詩

三

青天澗芙蓉對莫愁

五泄道中

路折入清口羣峰忽闢奇疊成雲翠鋒削
出玉參差嵐色俱浮繪谿聲盡吹詩茶烟
青嶂裏深寺近還疑

入西龍潭

龍臥知何處谿山盡帶靈危崖妨鳥度絕
壑怪人經選石投微步捫蘿逸斷汀潭開

寒瀑急烟霧晝猶冥

觀第五泄

未能窮紫閬已咤瀉青天險盡流相迫奇
并瀑更懸藏源雲石迴奔壑雪濤鮮從此
人間去平波萬里船

宿浣紗谿

浣紗溪上宿不見浣紗人月出流清影波
縈帶素纈沼吳猶負色霸越不容身漫逐

李白集

卷之八

五言律詩

扁舟去羞逢湖畔春

遊苧蘿山

誰復住村西空山瞰碧谿草荒嵐意淡石
古蘚紋齊豈料憑培塿畚能雪會稽蘇臺
空百尺幾度醉烏栖

宿石佛寺

近郭轉窈窕看山更嶙峋寺憑巖作殿佛
借石爲身不壞原非相依空亦是塵松堂

秋夜靜自勘是何人

雪竇觀瀑

谿斷崖初削秋深瀑轉驕山雲三度過竇
雪幾會消作觀應同壁聞音或認潮懸流
俯千丈始覺在青霄

重遊仗錫寺二首

寺路交樵徑重尋記不真忽逢曾過處始
悟再來身遠翠還相識高霞更覺親廿年

杜田集

卷之八

五言律詩

通客意原不墮風塵

其二

曉上層巔望周遭但見雲漸看通海色微
得辨峰紋風勁立偏久天低語定聞回尋
石窗路窈窕籬蘿分

再宿棲真寺

丙寅年

一爲江海客屢得扣雲房山色酣初夏潮
聲壯夕陽清談僧亦韻晚食笋尤香明月

窺窗少松陰視昔長

夏夜江行四首

江天如過雨江月似含秋高亮君山笛空
明采石舟帆隨清漢轉潮帶亂星流定是
乘槎客重來犯斗牛

其二

江上原無暑夜來風更鮮冰壺三十里白
舫二更天釣國懶投餌濯纓頻扣舷魚龍
聽清嘯時近舵樓邊

杜曲集

卷之二

五言律詩

其三

誰解澄江曲平分此夜涼風塵都病渴朝
市總如狂散朗天爲鏡孤清月滿航咲他
銅穴裏餓死濯船郎

其四

澤畔吟何苦江頭哀太多但堪遺世事便
是少風波浦漱玄真宅雲霞廷尉羅夜深

聞鼓柁漁父或來過

挽舒齋亭先生

三郡祝庚桑一鄉推彥方雲高悲劍去風
斷恨琴亡留砌多書帶傳家富墨莊廣平
湖上月千載見清光

夏日郊居十首

遠性宜林水籬門對芰荷池清合暑薄風
直受香多但檢花開謝無聞客殿呵青天
自搔首意得欲如何

杜曲集

卷之二

五言律詩

其二

孤樹積濃翠短檐分午陰衣冠省拘束圖
史恣耽尋俗事不到耳清風時在心故人
遠書至遺我蘇門琴

其三

平野偏多稊風來青浪香梅殘蛙吹寂伏
淺竹聲涼小艇破谿月疎鐘清草堂夢魂

何所繫應只在滄浪

其四

橋迎風當路槐高日避炎嵐光紫短鬢波
影動長髯曠與閒情會懶將無事兼潮來
河渚濶又見數鷗添

其五

東西山過雨前後谿有聲畦蔬出新潤堤
樹來餘清撥刺魚迎漲差池燕弄晴水車

北日集

卷之二十一 五言律詩

庚

閒屋側代食慰深情

其六

不用借春暉紅榴映紫薇蟬聲隔水樹蒼
色後園扉曳杖雲爲蓋綠汀石作碕悠然
寄孤興一往欲忘歸

其七

睡起日過午香清經一函神情初解縛思
理忽開緘白石添新供丹臺掛舊銜隱鱗

非我意微尚在松杉

其八

芋葉欲蔽壘稻華知有秋自堪全性命何
必問公侯萬竹藏深館千峰護小樓無人
共佳思檐隙斷霞留

其九

懶蔽茂弘扇時同彌勒龕住依俱不觀人
景總忘叅世眼十分慧吾心一味憨開襟

北日集

卷之二十一 五言律詩

元

受風月猶是未除貪

其十

人無身似石乃有汗如瀧赤日方酣戰雄
心未肯降浪思填東海番咲臥北窗吾亦
遣安者鹿門寧讓龐

夜坐

殘夏夜過半空庭獨坐時星河七夕近風
露九秋疑王椽癡原在顏彪狂自知未良

吾喪我合與世相遺

秋暑

酷吏驅不去秋山屯火雲林池俱帶渴亭
榭總如焚蒸月重朱暈熏天暗紫雲掃除
應指日白帝已成軍

秋日遊日嶺二首

不見夫人石于今已十年樹秋花勝收霜
曉鏡奩鮮遙拾曾城月孤撐震旦天未曾
水日集

移一步滄海幾成田

其二

番憐丈夫骨偃僂向風塵誇示折腰米交
驩唾面人違心空萬態炙手豈千春長使
山頭石蛾眉爲世嘔

九日新霽登雨奇山閣

風雨攪秋林柴門閉野心新晴當九日高
閣俯千岑黃葉江村淨青霞海樹陰隨陽

萬里雁片影入山深

繇柏坑曉入六詔

王右軍舊隱在
剡溪上流有廟

海紅雞未歇山黑虎猶狂路指遠峰霧馬
行危磴霜溪亭猶憶戴村社尚祠王聖代
誰充隱巖阿草樹荒

冬日郊居十首

十月冬猶淺江南正似秋紅留夕陽樹綠
半小春洲潭冷魚偕隱林荒虎共遊還愁
本日集

踪跡異不在著羊裘

其二

夜半雨鳴屋山寒天借春三餘兼此夕六
息王吾神掩卷聽幽瀑澄懷見至人諸道
都不到玄冥自相親

其三

荒野人來少玄冬更寂然徑霜深可掃山
翠冷猶鮮草短牛歸晚蘆空鴈下便素交

今日盡應斷子猷船

其四

何用朔風怒山中原自寒閣臨冰壑起窗
向雪峰安世事梅同咲年華鏡獨看熱心
俱已盡頭上把茅寬

其五

能作焦先臥何須范叔袍樹交枯雪影泉
引凍雲膏謝豹燒冰火螭蟬佐酒螯擁爐

杜曲集

卷之十一

五言律詩

三

傾一斗野興自然豪

其六

日色寒偏淨籬根獨負暄幽愁悲屈子曲
學咲公孫雪盡鹿源路梅深箐蓋園都堪
容蠟屐猿鳥候柴門

其七

自負冰霜骨偏宜栗烈時家無南粵案案
有北風詩孤憤吾何敢遠心人不知開門

望寥廓獨鳥度雲遲

其八

黍谷原甘冷何勞煖律吹從他手可炙怪
我性難移志士羞天幸勞臣分數奇一枝
荆棘外卒歲有蹲鴟

其九

夜寒潮欲冰鮮艫隔村歸風定谷烟盡月
明山燒微磬聲登埭寺塔影釣鰲磯棹緩

杜曲集

卷之十一

五言律詩

三

冰初合谿橋近竹扉

其十

寒甚知春近年衰惜歲殘忘貧堪出世適
志可無官不作秦聲怨何須趙瑟彈長鏡
斲黃獨山雪喜初乾

哭周蓼洲二首

清自尊孤性剛尤抱熱腸偏乘人所避喜
示我能當天地淮容膽奸諛只咲狂騎箕

役雷電定欲殄天狼

其二

獄中無白日慘狀有難知但有收屍詔誰
問絕命詞臨凶應極罵垂死肯低眉埋碧
江山憤年來舊變奇

佛石禪師訪我雪竇言返澗中却送

丁卯年

吾師不行脚爲雪到寒巖登受孤藤印薛

北日集

卷之二

五言律詩

三首

開千歲緘聽詩龍欲醒味法虎猶饒宗鏡
歸何處湖南月一函

卓仲期自雪竇還虎林送之

窮海難爲客空山易憶家囊携千丈雪水
涖四窗霞趣棹辭芳杜飛帆過若耶西湖
春正好歸欲及桃花

賞庭前牡丹

石丈清陪嘯花王艷動魂盛開春欲老孤

賞品逾尊標榜多新本栽培得異根天青
醉眼濶遲日掩重門

三月三日遊香雪塢

澗水清堪襖山花香款人開尊松下石醉
客竹邊春江海身無繫雲霞意自親長嫌
避秦者容易得尋津

初夏八咏

孤蝶

北曲集

卷之二

五言律詩

三首

芳且歇金谷夢猶牽漆園花空林更靜柳
醉日尤暄覓伴穿深綠追春過短垣薰風
乍相識對影一高齋

晚花

不肯隨春盡春來占夏初衆芳俱寂莫孤
韻自蕭疎風日偏憐晚榮華併屬渠東園
盛桃李時去竟何如

新陰

朱日初當路綠雲新覆林樹交谿店隱蘿
暗草堂深映戶添高翠開簾失遠岑無勞
悲秋杜道左亦生陰

餘嘒

東皇關右个啼鳥戀南枝花落偏愁汝春
還欲問誰芳菲無限意鼓吹有餘思未近
鳴蜩月猶渠舌在時

燒笋

山厨選清供燒笋竹爲薪水汲雲中液烟
浮石上春節靈香自遠味淡意逾親不許
林間鳥閒傳食肉人

嘗梅

入夏蚤得實未春先作花飽含風雪意冷
傍野人家祇可清心骨難將媚齒牙從來
負高格不學棗如瓜

雜鶯

羽翼喜初成嬌啼帶晚聲雙柑重吹耳斗
酒更關情拂露新黃溼颺風暗綠晴將雛
諳舊事頻說百花明

乳燕

未識長楊陌猶餘遲日暉開簾新得路刷
羽乍追飛風雨驚心少雲霄綴影微高峰
欣創獲銜向畫堂歸

題象山延壽寺

去城無十里匝寺有千山谿轉虛亭出松
深古殿闢高嵐通海氣陰壑變秋顏閭夜
聞根寂巖風答磬還

挽李白生

海內稱知已如君能幾人九原心未隔千
里夢猶新草宿蒼生恨雲沉玉樹春淚碑
存兩郡不負宰官身

寄題李封若長松館

聞道長松下高人小結廬窗含空靄重庭
貯冷陰疎招得雲中鶴蒐來方外書吟餘
還倚嘯壽翠激寒虛

崇禎元年元日立春 戊辰年

玉曆開英主金衡正首辰威申無展臘道
泰得元春左个垂衣始中興受命新惠風
從此蘇江海醒孤臣

正月十二日試燈席上同王伯貞賦

杜山集

卷之二

五言律詩

三

月淨千峰裏燈新五夜前嘗春花下酒傲
醉雪餘天吾老農兼圃君閒佛共仙草堂
終夕話不到利名邊

上巳舟次

曉趁桃花水扁舟江上還疑行武陵路勝
入會稽山心淨何須禊時疎更覺閒金人
休捧劍幻我碧波間

初聞子規

不知春欲去聞爾忽驚心花約多相負詩
盟總未尋青山三徑遠明月五湖深已賦
歸來久無勞喚入林

哭戴元震

詩畫纔生價妻孥正食貧何堪遂長往况
復有衰親墳樹誰留劒牀琴已貫人猿聲
郭嶺急孤月亦傷神

郊居雨後

杜山集

卷之二

五言律詩

三

洲雨夜來急山雲曉未乾千峰新洗出五
月欲生寒虎跡交桐巷蝸涎上石欄平嘯
遙入望青靄映林巒

中秋得月

山中逢此夕長苦雨園村數載幽愁客一
開明月尊天澄秋鏡澗露濯夜珠繁似得
道虹杖清虛手自捫

援

曾得幾回醉從茲遂不醒二親留淺土一
子抱遺經落葉窗風黑窺林海月青大招
聲欲斷幽石可能聽

西湖泛月

山雲歸去盡湖月出來初光景天合水風
流客對余嘯孤憑欄遠秋澗度鐘疎燈影
澹林際何人夜讀書

挽徐明卿

本由集

卷之二 五言律詩

四

寶劍作龍鳴雄心正未平趣驚天上召滿
忌世間名殉孝身同盡留貧現代耕論心
三十載夢見只如生

登桐君山

已巳年

桐樹無可指桐君安在哉松風似長嘯時
帶江聲來水急石不動峰孤天更開仙翁
眞面目千古駐雲隈

春閨四首

隴草曾青未園花已欲飛將軍久橫塞虜
陣長合圍龍額方懸賞虎頭安得歸水開
蒲類海一度換春衣

其二

枕上因何路分明到遠邊還疑花底月移
向噴中天烽急傳前部兵孤接左賢驚回
聞禁漏猶道在居延

其三

本由集

卷之二 五言律詩

四

天千重首虜丈夫急邊功不知關柳怨只
願塞塵空馬立青眉月營邀白石風春寒
能不惡萬里翠樓中

其四

昨有金城使傳來信不眞屯田將比漢帶
甲未歸秦帳下徵妖舞軍中貯麗人咸陽
舊桃李寂寞爲誰春

遊雙龍洞

流水發何處常年迸雲根通舟似無路入
洞疑有村谿斷看龍伏石攢驚虎蹲深深
聽鐘鼓剪燭一關樽

遊朝真洞

微徑嵌懸壁側行支短筇雲稜掀作戶石
乳倒成峰窈窕聞瀑布崎嶇透芙蓉忽關
天一線混沌不能封

鴈山贈覺遲道人

有敘

七自集

卷之二 五言律詩

四

覺遲故是五陵貴遊三吳大俠愛妾尚
在高臺未傾乃能蓋頭把茅盤膝片石
咲世夢之不醒悵我覺之猶遲真大丈夫
聊賦短章用堅長往

君應曾受記住處鳥名山海月陪跌坐
雲代掩關春蘇金谷酒花醉玉人顏一
覺俱堪咲孤峰去不還

贈臥雲法師

名山更有僧泉石價逾增鉢冷龍湫雪瓶
深鴈蕩冰香新蓮在舌光異葉分燈明月
芙蓉頂何人許共乘

將遊梅潭阻雨能仁寺

聞說梅潭勝年來幾夢遊破山雷挾雨藏
壑寺如舟篠徑深雲斷松泉半嶺浮遙知
潭上瀑春得石成漚

重訪雪堂

七自集

卷之二 五言律詩

四

別來逾一紀相憶似三生客到寺方午雲
掀山乍晴高樓重捲幔舊壁尚題名靜對
不能去風泉頻送聲

寄楊泠然

每至絕勝處必携驚人詩千峰發顏色孤
興憑鼓吹鴈宕奇全拾天台奧盡窺歸來
詫妻子空翠滿鬚眉

寄懷李任明

一作仙都別千尋想獨峰青霄軒骨相白
日示心胸豁惡無能嚙雲深豈得封蒼生
遲霖雨絕頂有蟠龍

芙蓉園秋夜

一片閒園夜全驅秋到儼陰疎當月樹寒
送隔湖鐘遠吹霜邊斷空光池上重不愁
花事晚清艷積芙蓉

湖上聽鐘有懷佛石

杜詩集

卷之二

五言律詩

四

許久湖邊住聞鐘得幾宵霜乾聲路澗風
定耳根遙度水清如浣縈林冷未消靜聽
諸想盡玄對憶參寥

臘日送劉明府移僑州

番嫌春有脚不肯駐窮山煖欲隨琴去寒
疑赴雪還竹迎瓊海路花別刺谿灣東壁
胡牀在雙旌恨莫攀

壽徐見可先生八十

東海文章伯南州八十翁心玄過叔夜才
盡笑文通厭踏金門月酣披珠樹風怪他
疏太傅頭白待青宮

咏芳草八首

庚午年

偏是江南岸春來蚤著青鶯聲新共軟柳
色遠相冥深雨連長浦平烟帶短亭幾年
天末恨忽向望中醒

其二

杜詩集

卷之二

五言律詩

四

天涯望不斷幽徑更萋萋屐齒印來淺杖
痕留處迷碧憐春水合紅妒落花栖不作
西堂夢蒐詩遍曲隄

其三

美人竟何許對此憶羅裙遠道自春色平
蕪空暮雲玉驄原霜破香軫陌痕分拾翠
遊如夢王孫淚暗紛

其四

寂恨長門寂春深輦路微宜男渾未帶黃
英又將稀色欲欺青采光偏映綠衣多情
只蝴蝶仍傍玉階飛

其五

且莫思河畔獨憐生澗邊霜根不改湛
露澤應偏桃葉低相昵蒲牙短共鮮春暉
何以報幽意自年年

其六

杜由集

卷之二

五言律詩

四六

鬪處看春聚嘗時應帝求就中誰指佞畢
竟孰忘憂解作迴風勁寧甘附木柔寸心
遲日遠青眼幾登樓

其七

青陽無缺陷散入野人家天趣含堦葉風
情繡地花閒行諧未薜醉臥傲宣麻茆舍
圍空綠琴書色自華

其八

但在東風裏無勞著意吹自能分地力豈
敢負天時消息窗前逗精神池上滋瑤華
誰可贈采采漫凝思

送春七首

紅雨無聊陣白頭多恨人忍看花事了轉
覺酒杯親熱夢惟餘醉閒情只戀春忽將
烟鳥去四壁共誰貧

其二

杜由集

卷之二

五言律詩

四六

東臯猶未種容易擲芳時風雨消應半胸
懷惡問之柳纔藏燕子花又到酴醾猶喜
餘寒在還疑春未辭

其三

春風吹一度一度損朱顏却老雖無藥藏
春幸有山不妨將鳥駐何事趣花還消息
猶堪問千峰紫翠間

其四

春亦不肯去楊花飛復旋似歸深綠裏還
出晚紅前水色涵餘綺山容帶遠妍流鶯
頻語客猶勝待明年

其五

幾處羈遊子春深未到家經年獨宿婦思
及共看花只恐芳菲歇豈疑物候差欲留
三月鴈一待五陵騶

其六

芳洲春欲盡沙塞草猶黃東虜無戎索中
原有戰場地還存賦額人竟沒刀創何日
春風到重聞麥穗香

其七

今日陽春少殊傷明主心兵多需餉急役
苦結愁深搜括窮青草逋逃盡綠林蚤期
返耕鑿靈雨苑穠陰

輓任遜之

官冷飯不足飄然返松林雲霞寫素尚琴
史存遠心懶受雁門謁惟容羊仲尋挾貧
忽仙去書帶籠庭深

杪春遊法相寺

湖曲恣幽探山春晚更酣雜花疏暗綠新
鳥吹晴嵐磬出僧初近松高寺尚含泉香
兼竹影都與定光參

輓西來禪師 辛未年

誰似師能醉諸緣總不醒無妨立文字正
復見空靈時聽花叅句閒看鳥轉經曉風
楊柳岸醒醉意俱冥

新秋雨夕

秋入二更雨涼知半臂親忽如金變骨全
覺水爲神燈暈深開卷蛩清絮近人竹林
今夜夢應露白雲身

守歲

十守郊居歲孤斟劇病餘牢騷存氣骨
髣髴稱樵漁隔世人間事新知品外書
明朝滄海上又是一年初

看花 壬申年

乍得胸無事忽知花耐看香光含曉霽
神檢帶春寒微借烟相護初憐露欲乾
柴門休便啓恣我獨憑欄

春仲入過雲莊遇大風雪

北山集 卷之二 五言律詩 五

幾重踰險峭一徑入丘阿地迴風偏聚天
低雪較多凍留花事晚春待主人過明日
千峰霽扶筇問薜蘿

谿橋散步

雨後少人跡谿橋趁午晴關心花一事到
耳鳥三聲碧靄煖顏色紅波春性情欲窮
桃柳窻更向北灣行

壽虞九齡七十

風流著江左文憲盛句餘素業君能嗣玄
心古不如竹酣高士里桃醉化人居笑看
趨庭者當今行秘書

題陳君美雲在樓

虛空原不住靜對覺相親庭樹籠高曉檐
花幕上春孤光疑蜃結靈氣與龍降飛去
終扶日層霄五色新

渡江

北山集 卷之二 五言律詩 五

不問南徐路奄踰十一年江山還意氣風
日更澄鮮雙槩能開浪孤帆欲拂天自堪
成獨往肯上要人船

真州道中

北風忽已厲客思轉悲涼平嶂橫衰草疎
林出斷岡鴈連霜氣白烟帶馬塵黃還春
江南意竹園谿外莊

試問

試問圍登將何時歎賊俘師眠窮海雪餉
借隔年租遠勢方連島深謀更結奴除兇
須及蚤莫恃斗城孤

荏平公館看月

重丘今夜月應識遠人愁冷洗煙霏盡清
含霜氣道偏來照孤嘯似欲伴羈遊小立
開幽抱殘鐘古驛樓

高唐冬至

客舍逢長至荒雞破曙寒起來梳短髮拜
舞望長安天道將辭殺君心自厭殘堅冰
與深雪都作一陽看

長安守歲

只合住芳洲何因暢遠遊壯心空視舌陳
事獨搔頭不解管三窟偏能唾五侯野人
龍性在時世可容不

病中

癸酉年

年多憎歲改病作恨家遙春轉寒難轉肌
消熱未消一句幾辟穀竟月不趨朝半炊
誰相問宵風撼寂寥

病起

公事催人出欲行還自疑脚酸門懶度頭
暈馬難騎親友驚消滅家僮喜脫離蹢躅
忙人署移疾已多時

予告

執政惟將順小臣矢孤忠深心水濟火直
道罪衡功迂拙行一意聖明達四聰雖
逢丞相怒猶許臥江東

潞河道中晚行三首

初聽雁聲肅始知秋在天長安夢忽醒空
谷意逾堅暗樹迎前浦涼漪送夜船獨行
無所畏任乞綠林篇

其二

海上方多事歸心亦不安
戈船供一炬甲士盡三單
懼躡孫恩路誰登劉裕壇
南來無的耗連夜下西灘

其三

漕使近逾趣漕船到已遲
逆流牽月上勞夢趁風馳
旅順方窺運津門未益師
戒心思過險敢問夜何其

次津門

杜由集

卷之二

五言律詩

五

津門此何日猶不急綢繆
共醉魚鹽市都忘燕雀憂
五方奸細襍一水賊氛遁
坐待窺陵闕誰操帷幄謀

德州道中阻雨二首

客舟雨中澀愁緒曉來親
不道陰霾重祗疑天地噴
自甘窮阮籍豈亦怨章惇
咫尺迷安德真成失路人

其二

半月入齊地孤舟橫衛河
逆流寒愈急牽雨滑如何
夢想依雲士生涯在釣竿
積陰休更妒長遣滯風波

送吳綱白明府

三年理荒邑一味任清真
不暇征逋賦何能奉要人
孤踪憑虎視遠性與雲親
且作荆門臥還愁羣隱鱗

郊居守歲二首

杜由集

卷之二

五言律詩

五

立朝能幾日守歲復郊居
耳熱田家酒心閒道士書
出山原失著衣薜喜還初
南畝春將及猶能身荷鋤

其二

老不待官大閒惟趁數奇
千峰照屋雪一卷咏梅詩
療拙無如退消貧只有癡
安能效子伯番自負心期

輓張斗墟

甲戌年

遠心全未了一病遂長歸雨色凄寒食星
光掩少微江花春竟老湖水夜空肥華表
方齋恨何年返令威

章直行少府遷天目巡司却送

官卑能自立節苦竟忘貧此是真良吏誰
能實用人雲泉分作部樹石結爲隣刺可
存經濟何辭領微循

送筠實師還姑蘇

杜白集

卷之二 五言律詩

五

如師抱清悟自足歷諸方每笑談宗者
爲入道妨虎丘當竹戶龍鉢隱茆堂世想
微難斷前身是藥王

蔣塤和別駕署奉還郡却贈

疲邑復經寇負租兼負創半年勞撫字百
里斷逃亡傳舍還興學藥弓更徹桑卽令
歸佐郡猶喜近王祥

寄懷金稠原

從來無宦豎可與共功名况復行孤意尤
多忌獨清孫膚安赤舄捉鼻重蒼生旦晚
應求舊天王自聖明

寄崔連州虛霞

連州新刺史千載映劉郎風格將存漢才
情豈讓唐勝遊山指鶴清嘯水臨湓海內
多兵革炎垂政自康

西湖中秋獨泛二首

杜白集

卷之二 五言律詩

五

連日大風雨積雲抱湖山巧當中秋夕忽
破明月顏岸滅水光濶嵐掀峰影還徐沿
舊堤轉人靜意逾閒

其二

人道必無月誰爲今夜遊天偏開異爽我
獨占中秋孤嘯羣山峇重湖一艇收滿城
眠幾覺還泊斷橋頭

聞里中大水

陽侯長作祟東國又滔天蛙麤樓炊竈魚
龍據稻田舊機方待稔新穀更無年何術
留殘骨還供怒吏鞭

遊古蕩至西路

湖山自无物到處愜幽襟梅竹村村暗茶
桑塢塢深人家抱清澗僧舍罨香林幽絕
尋難盡雲中雞犬音

宿洞霄宮

杜曲集
卷之二
五言律詩

五

原不改丘壑其如過草萊空餘半間閣猶
爲九峰開窗破澗雲入夢孤松月陪衣襟
有靈氣終是近丹臺

夜上徑山

月黑不見路惟知曲折多竹聲時夾耳松
吹暗相和靜室燈邊認殘鐘雲上過五峰
知肅客深夜亦森羅

宿梅谷

入谷始逢僧山樓共一燈僧疑相見熟樓
似到來曾應以夢先過却疑身再登臥看
奇樹曉又覺夢遊增

登凌霄峰

山纔名作徑峰豈得凌霄直以傍無偶遂
因孤自驕湖函兩點翠江出一痕潮回首
瞻大日遙知地更超

支硎中峰院

杜白集
卷之二
五言律詩

五

道林昔東邁住錫在茲山嶺自寒泉上峰
隨老衲攀氣疏秋欲露目遠樹經刪放鶴
人何在魚聲空翠間

趙凡夫別業

山勢巧廻合忘其入不深清池巖自竅瘦
樹石同林點綴師元氣蕭疎映遠心我來
適有會不肯度前岑

遊天平山范氏別業

滿山立奇石結構發天緘於此著亭館自然簇巉巖太湖繞其麓靈沼不須剗更坎白雲波雕甍俱倒函

惠山寺步月

本爲山泉入却因山月留鐘聲濯露冷塔影拂河秋疎樹陰醺路空池靄動樓僧歸聞剝啄驚起竹禽幽

舟次義興與鍾小天留別二首

杜曲集

卷之二

五言律詩

六

壯遊涉千里共載經三句本以勝情合兼之詩脉親寒汀一揮手明月各懷人念此能無醉西風撼棹頻

其二

君停陽羨屐我放白門舟星散俱孤客天涯各杪秋看山心欲冷掛席與空道只待西湖上開尊浣別愁

寄懷吳澹玄廬守

遙知桑土暇秋夜獨開尊寒拆嚴金斗清吟俯稻孫荏消霜四部雁集月千村可念嶽嵒客孤琴滯白門

登報恩寺浮圖

秋澄消碧霽塔迴入青天放眼江山上安身日月遶空垠寒隱樹色際滄窮烟世界原無極么麼說大千

重遊瓦官寺

杜曲集

卷之二

五言律詩

空

入寺秋如昨尋僧意似歸徑深迷積葉竹淨濯幽暉不覺遊人老惟驚庭樹肥虛堂新氣色砌蘚映垣衣

遊牛首登絕頂

六朝表天闕五祖接心燈古洞皆藏佛懸崖盡住僧秋疎延眺遠寒澗度鐘澄莫只悲蕭瑟徒令紅樹憎

潘嘉客招泛秦淮夜得佳月

秋盡水未落秦淮尚可遊
笛聲聞古步桃葉在高樓
醉倒含霜樹還停載月舟
兩崖廉盡捲笑我爲誰留

重登清涼臺

盤磴還穿寺荒臺舊歷城
看山寒較近弔古老多情
世想江聲浣閒身秋色擎
未容人位置天地一書生

遊真珠泉二首

肯因大江脅遂不敢爲泉
時迸珠無數應山性自圓
白沙擎出淨碧藻映來鮮
功德浮於八道元疏未全

其二

泉品到佳絕原非一味清
旣呈珠色相別異水光明
星渚誰移此月胎長自傾
羞充游女佩顆顆爲蒼生

遊甘露寺

北固只卷石吳宮舊枕之
江流不敢齧霸氣暗相持
一片雲擎寺千秋薜蘿碑
中原遙送目應異赤烏時

同枚兒遊招隱寺

宋處士戴顒捨宅爲寺

徵君何以隱遺跡到于今
北固聽鶻意東籬采菊心
本因悲改玉只說抱遺琴
笑我尊家法明時也入林

遊鶴林寺

寺在招隱北徵君舊是隣
入山雖較淺於我已相親
世路多違性林風喜接人
幸因方外至不帶利名塵

遊玉泉寺

平林經幾折便似入深山
紅葉寺全隱清谿僧獨還
鳥情寒欲聚魚意定來閒
祖法無消息都留水樹間

客寒五首

客寒不可忍破屋况多風性不因人熱途
宜到處窮乾坤多缺陷坎壈見英雄世眼
看文繡無勞示德充

其二

此地曾奇熱吾心只似寒故能寒不覺番
作熱時看臥雪夢偏永濯水神愈安梅花
含淺笑來結客窗歡

其三

杜白集
八卷之二
五言律詩
空五

長卿雖壁立還有鷓鴣裘笑我青衫破惟
同皁帽留骨堅厭耐冷意廣不知愁觸熱
當年客應無雪夜舟

其四

范叔寒如此猶關須買心遂令得除疾不
竟詰誣金報復雖非厚交情亦自深谷風
思小怨豈願見于今

其五

天道故多變人情自不常但應當栗烈先
解伏春陽花豔敷遲日恨菱固履霜癡蜂
無遠見只趨樹頭香

湖園寒臥三首

旅臥自難穩况當寒漏淹枝梧成短夢展
轉見疎蟾以我醒爲苦僧人耐太甜過湖
誰鼓柁驚起醉霜鶻

其二

杜白集
八卷之二
五言律詩
空五

月落風初緊驚波連樹鳴都來捺客枕併
集作寒聲洗得閒情盡拈將愁緒清迴環
不可斷一夜竟三生

其三

曙色微窺帳湖邊人已喧漸因耳根亂得
至想頭昏朝氣審成夢夜愁空斷魂起來
竟何事七尺在乾坤

月夜自西陵放舟泊蕭山城下二首

小艇西陵路孤牽趁月明江湖兩岸白河
漢一痕青枯樹如擎雪浮陰似聚萍夜鴻
寒陣斷未肯駐南征

其二

今夜城頭月多曾見古人骨銷文字在事
冷品題新古寺文通宅青山玄度隣維舟
待清夢千載一交神

除夕二首

本自集

卷之二 五言律詩

六

入春十二日今夕始云除天獨知人冷春
先替臘餘河水猶藉寇關雪懼乘虛聽碎
思其外何年定鑄錄

其二

未能管富貴且喜對兒孫東海宅三畝中
原酒一尊閒看新枕秘靜掩舊柴門又改
郊居歲荒雞前後村

遊清水巖菴 乙亥年

江逼山多骨石含泉更寒鑿雲開靜室面
竹放蒲團僧以真爲行禪能澹乃安臨池
閒洗鉢不許毒龍蟠

送鮑定也之任海門 丙子年

淮南戎馬後強半受焚杆此地烽烟隔孤
城烏嶼扶日高開蜃氣風靜戕天吳更喜
逢三異中牟在海隅

送程聖和學博遷任桐鄉 歸安人

本自集

卷之二 五言律詩

七

故園臨雪水新帳傍爰山數舍阜林路三
吳榜社間移官不出里之任只言還咫尺
春風座差開惜別顏

哭韓求仲二首

海內少同志茗中仍異心方隅何所着桑
梓轉無陰莫問誰當國惟應我入林三尸
渾是鬼不待外魔侵

其二

文章能冠代風氣足遠時何必公卿座始
能富貴之閒操野史筆孤詠頌人詩一往
終無恨千秋正在斯

懷佛石大師 丁丑年

閒師臨寂時作偈手書之書法如常勁偈
言不可思對人尚微笑絕筆遂長辭非但
已無苦兼令人不悲

贈戴清之

吾家晉高士誰得嗣風流偶一行吳市尋
常謝剡舟王門琴不到僧舍畫偏留君負
先人骨仍能做五侯

早春寄懷吳僧太叔

白下亭邊路青谿埭上樓三分春色到六
代艷塵浮覽古誰同典懷時祇獨愁吳舫
容易買蚤晚遲來遊

寄懷周伯遠

老友還存幾於君遠更親青山多勝處白
首少閒人世逐無妨減幽尋莫厭頻秦淮
有羈客空憶故園春

送孫意白使還潼關

未曾交半面已足熱千秋乍得同遷署都
忘是故侯乾坤帶甲路家國遇風舟帝夢
懸秦樹應難戀畫遊

送張顧存之任江州

杜曲集 卷之一 五言律詩

狡寇思南渡江州扼要津治兵虞缺餉飽
士恐疲民撫字成天險綢繆表吏循惟君
能辦此不負七旂新

張北海歸省賦贈

識得君歸路白雲連五雲鴻飛遵北渚鷺
振別南羣咲我書空客將爲誓墓文惟憑
燕市夢時當遠逢君

壽呂君平七十

今日偏宜隱如君便合仙呼雲歸竹戶引
水入山田度世方惟酒長生藥是眠鹿車
隨所適頭白不須縣

題焦東寧六十壽圖

盟府河山舊丹臺日月新壯猷方許國長
劔不離身高寄雲中瀑幽尋松下人自能
出塵海瀟灑見天真

寄懷孫鴻羽

杜由集

卷之二

五言律詩

七

故人今略盡唱和更同誰應對長林月時
吟懷舊詩剝膚紛告急東濕共攢眉冷入
蘇門嘯惟容雲霧知

初聞蟋蟀十首

白門聽蟋蟀忽復再經秋荒署涼生早遲
年火共流廟堂文墨急邊腹羽書愁莫報
寒消息寒心正未休

其二

金律纔應變商聲早已吹居早偏有口迎
氣忒知時月落吟難斷庭空語更悲勞人
無好緒入耳恰相宜

其三

微質僥能聞先鳴更若狂聞因何事動鳴
只斷入腸似道天如水還驚夜未央明朝
聽庭樹猶自亂蜩蟬

其四

杜由集

卷之二

五言律詩

七

若當歌舞席頻聒有誰聞寂處場居勝冷
人聽不分詩腸添鼓吹艷夢謝綢繆著體
初單被蒹葭露欲紛

其五

盆荷開未了砌草又生音豈有撩人意其
如感物心淒挑出塞曲清逼搗衣砧最惋
長沙傳湘潭獨夜深

其六

此時應在野何故急依人只爲風塵迫早
知墻壁親絮如懷寫舊咽似怨從新慣抱
蕭寥意無妨汝作隣

其七

幾年初蟋蟀杜曲草堂前杯酒歌秋興西
風拭暮天不聞洞庭葉那憶潯陽船今夕
滯何地徒慙得氣先

其八

杜曲集

卷之二 五言律詩

七

蟋蟀復蟋蟀相呼重自呼姓名恐難記踪
跡喜不孤附熱欲媚與陳情輒向隅可聞
不可見還詫隱爲徒

其九

河漢清且淺三分爽氣橫陽來托聲氣陰
自奔性情商政還未肅幽愁何不乎驅之
歸宇下白帝亦好生

其十

秋九數方兆陰三氣尚微物情已如此天
意故難違旋見霜堪履寧辭卉具腓貞時
須有骨寒暑總無威

壽侯廣成

清光自如月初度復中秋爽挾金飈寫澹
看銀漢流身爲龍鳥鏡家是鳳麟洲半醉
鷗逾登吳歌月滿樓

送樊寧宇守德安

丁丑年

杜曲集

卷之二

五言律詩

七

楚塞頻嬰寇孤危湏上城備才守兼將寄
令戶爲兵鶴唳清宵柝鴻歸肅曉旌共驚
新刺史治郡有威聲

送侯廣成督學豫章

東南珍異宅急佇發光明望斗知豐劔凌
江辨楚萍文章原世業清執自平生遙想
廬峰月時將慰別情

送黃象之北上

長途盛風雪匹馬欲何之餘肋寧堪戀雄
心未肯衰縣郭方示渴前席正蒐奇不學
襄陽腐空懷松月詩

飲汪舍章新居

買宅青谿上鍾陵恰對門花深藏鶴子竹
茂翥龍孫供客雲來閣看山酒盡樽橋亭
新得主氣色一時掀

趙石書以寇警歸省却送

南北共浮沉交情冷更深江東方震寇劍
外復驚心投袂家兼國同仇鶴與琴還愁
剛拜母卿月趣辭林

別姜省宇 故侍御史

三載共南遷青谿醉碧烟祇餘龍性在不
厭雀羅縣孤立寧爲我澄觀竟是禪君猶
稽夢卜我自合林泉

別楊周士

披襟方恨晚把袂又臨岐銓署因君重山
文爲我移澗阿原未冷猿鳥尚相知逋客
歸應急惟牽病紵思

杜曲集卷之三

剡上戴渙有斐著

七言律詩

夢遊虎林見吉貝二本夢中賦二首

丁巳年

相傳吉貝日南珍誰爲移栽浙水濱不染
蠻烟玄幹老似經瘴雨白華新驚看鵝毳
栖雙樹疑度羊城入九真他日吳鄉紀風

壯日集

卷之三

物應添殊種詫千春

其二

昔聞蠻女五色布今見吳山兩樹花地氣
若非通嶺嶠物華安得到天涯虎林傳種
風霜古象郡連根雨露賒從此東南增貢
品應同竹箭重王家

夜入靈巖寺

馬蕩

幾曲清谿十里程照谿白石夜猶明暗看

絕壁還停屐細認攢峰不解名似入武陵
迷處路疑從天姥夢中行龍從捧出禪宮
古怪賞眠遲過二更

夜登孤嶼東塔

月色初高塔影偏醉窮磴道欲捫天海門
直望杯堪渡山勢東奔石受鞭夾岸樓臺
疑蜃結絲江燈火吃犀然片帆隱隱侵孤
嶼知是乘潮第一船

不日集

卷之三

二

泛舟登丁峰塔二首

葵源

城瞰清谿谿傍山看山十里棹潺湲石淙
不作人間調雲壑堪供世外閒細出茶烟
脩竹裏淨藏茅屋古松間季真若是三郭
客定乞星源一曲還

其二

灘轉峰迴漸近人薰風早爲掃松門客來
雪竇山情遠塔俯星江地勢尊幾曲路從

嵐上轉一樽心向日邊論醉來欲踏紅雲
去好爲蒼生叩帝關

訪潘景升蒹葭館

幾年夢到蒹葭館今日經過似舊遊玄契
蚤因詞賦合澹懷更爲水雲留風疎竹里
清樽夕月滿花谿白石秋仙籙許編吾典
爾好同黃海訪浮丘

石嶺訪黃玄龍

緣山十里到黃羅石路谿橋古意多峰迴
不因疎樹隔嶺陰時有斷雲過幽居氣色
浮嵐翠詞客風流寄薜蘿暢對林秋還未
厭更憑高處數青螺

尋鳳凰臺

戊午年

鳳去臺空昔已悲空臺更委草離離高城
隱日遊鼙嘯深寺藏秋落木知吳晉欲憑
何處弔江山似逐古人移千秋不復埋荒

址爲有青蓮一首詩

經金川門

誰放真龍向北飛皇天蚤欲造燕畿朔風
吹落半邊月江浪奔迎靖難旂代邸入宮
原嗣漢商臣行志自歌薇金川一慟監門
事那借神戈倒日揮

遊靈谷寺

尋幽路出 孝陵東紫氣霏微映梵宮數

名山集

卷之三

四

里長松塵海隔一池定水智源通珠旛寶
地藩鍾阜石塔花臺禮誌公 聖祖更懸
殷鑒在景陽鐘和寢園風

寄和潘景升舟至錢塘贈趙子貞

柳隱粧樓翠入幃桃花孤笑映羅衣却嫌
山色圍人寂漫逐江波覓路微練水月寒
潮自落黃山雲斷夢應稀巫陽只在春蕪
外尋遍江南歸未歸

元旦朝賀 庚申年

天轉青陽破禁寒紅雲影裏集千官光浮
左个知春曙聲入東風聽珮珊貫索喜看
空午夜 是日釋
崇臣 髦頭笑指落三韓太平還
道無真象急欲垂衣問治安

喜得家書

思家正苦久無書忽得家書喜莫如未及
開械先問客來從何日別吾廬見兒封識
知無恙說母平安一似初還道姊歸新抱
女懷中學笑解憐渠

九陵

六年四度九陵遊松柏年年不帶秋日轉
寶城臨禹貢雲連香殿應箕疇羣峰虎拜
嵩呼隱列聖龍眠鼎氣浮山後王庭俱度
殯長修遺事獻琪球

天啓改元元旦朝賀 辛酉年

鼓鐘天上動春聲光破扶桑禁籞明紫極
飛龍開夏曆彤墀振鷺拜周成朝儀喜見
新綿最聖治思還舊太平黃閣卽今承八
柱可能効力佐中興

試新舸 甲子年

春到芳洲雪作波鳴榔疊鼓出東河卜居
漫笑同漁父泛宅原將學志和雙櫓乍生
回浦浪一尊聊試扣舷歌長年莫便乘流
去更理高帆製短策

夢中午日分韻得杯字 乙丑年

古木千章蔽俗埃奇雲一朵帶輕雷當軒
正落南山翠對客頻飛北海杯新葛乍宜
新入暑舊遊空憶舊登臺時艱到處難開
口莫向煙霞亦浪猜

水亭幽泊

水上茅亭亭下船船頭閒坐午涼偏參差

山色靜逾翠、遠近谿光幽更鮮、渚外魚行
生細浪、沙邊鶴夢到長天、相過只有寒山
子、盡日清談不到禪

春日郊居十首 丙寅年

嵐外紅橋谿上村、松秧竹母翠平分、籬疎
暫借青山補、徑僻時同白鶴羣、古岸春光
先著柳、平波曉色半停雲、葉舟正可通江
海、消息惟應世外聞

其二

遠得城閨亦不多、便無朝市客經過、閒心
剩可管耕釣、幽韻都將付薜蘿、風暖花深
半里徑、月明潮上萬家河、谿橋漸欲成魚
市、茅店新開面綠波

其三

海上何從訪十洲、紫烟聚處獨凭樓、隱形
未得壺公訣、送目騷翁宗炳遊、春及西疇

催種秫、草長南浦欲藏鷗、眼前事事宜幽
抱、肯爲浮雲動遠愁

其四

閣依烟渚才依峰、隨分安排半化工、謝客
池塘春草後、許家雞犬白雲中、猶驚舊日
驅塵海、只合餘生老桂叢、方外有人新結
社、往還惟不斷詩筒

其五

一混樵漁氣、便忘世界有風塵、名花
猶發當年夢、快事閒對古人蔬、園果圓
勞位置、鳬磯鹿柴著精神、前山空翠窺簾
入、較與幽栖意倍親

其六

移家不出刻谿坵、谿上家聲帶六朝、高士
餘波猶自潤、幽崖古雪未曾消、扁舟幸可
逃入境、乘興無煩鼓客橈、千載風流巖壑

舊少微應守鹿門橋

其七

壯年營隱到於今、杜曲風烟識我心、野老
山翁分品日、道人詞客問招尋、擬開小苑
憑深谷、待講虛亭冠古岑、叔夜絕交書蚤
就、肯將揖拜換行吟、

其八

且可無存處士名、何須更號大夫城、長林
喜見初交蔭、時鳥欣聞已變聲、竹下班荆
商稼穡、村邊倚杖說陰晴、逍遙計得休相
妬、辛苦人間已半生、

其九

洲遠清谿谿遶山、渾疑無路到人間、林聲
惟許鶯傳出、世態不容雲帶還、河渚先生
身蚤息、竹中高士意長閒、有時興發隨芳
草、幾箇烟峰恣獨攀、

其十

聖世何妨有外臣、屋梁仰看竟忘貧、雖無
桃簡能容我、且學畦疇不傍人、今古一窩
原富貴、巖泉四壁自清真、安期海上來相
過、笑道三山是比隣、

送何仲升參戎移鎮東粵

直使天吳避灌門、魚波萬里稻千村、清風
高拂將軍樹、明月閒開玉女樽、海上威聲
先度嶺、炎邊逋寇敢游魂、河山指誓渾常
事、莫道功成漢少恩、

郊居秋興十首

瀟灑尋秋密竹西、孤筇雙鶴共緣堤、晚蓮
紅白開猶盛、蚤稻青黃熟未齊、山氣半收
初歇雨、林光欲放更吞霓、新澄天色原如
水、恰映空明遠屋谿、

其二

抱石閒雲去復生入林風氣尚多情滄桑
易變難爲局鈎瓦俱藏總是羸洗耳已甘
流作枕澆胸漫以酒爲名吟中醉後誰相
問蟋蟀初交落葉聲

其三

槐葉疎疎梧葉黃番憐五柳老能狂心期
奈已同張翰姓字偏宜類暢當高領烟霞
爲地主細蒐水石破天荒胸中原自多丘

壑何必藍田買舊莊

其四

衡門正向碧山開山色時携秋色來豈少
張家五里霧更饒王子沒階苔懶迎俗客
澗堪渡閒過隣村鹿自陪線路入洲新漲
斷笑看弱水限蓬萊

其五

浮海於今亦畏途山中片地當乘桴人家

相近皆漁父租稅無多半木奴種樹已欣
秋得實著書聊與古爲徒清風明月時同
社酒曰茶鐺自不孤

其六

明主何嘗棄不才羽毛懶受世人猜客星
犯座猶多事金馬全身豈易哉青桂遶齋
香國隱黃花引徑醉鄉回山中未免還同
俗分得江南水旱災

其七

榆關風勁虜塵高遼海霜乾立戰袍制勝
至今無上策受降何日有成勞老兵橫塞
驕爲餌浪子持權笑是刀只恐中原近豺
虎巖扉磻戶不能牢

其八

經霜松檜獨留青衆壑秋歸一草亭怪石
古林疎處見幽泉清夢覺時聽虎行黃葉

淺合跡龍臥丹崖深隱形半世勞人萬峰
裏惟餘阜帽對黃庭

其九

蘭旣當門自合鋤定知深谷是吾廬涼颺
原不生團扇明月何須怨姣好鴈鴛有心
皆澹遠丘樊無處不蕭疎玉川破屋洛城
裏猶覺囂譁碍讀書

其十

山深谿遠恣幽求木落烟空思獨愁延壽
自無南史筆明妃空怨北宮秋長林已分
安鴻桶平地從他起蜃樓綠竹一尊新釀
黍紅霜數樹醉莧裘

寄懷石公

澗中紅樹半應殘寒色猶多在理安人定
不知瓶水凍放叅初見石霜乾都忘刻上
杯堪渡只把湖南山自看居士饒能營十

笏莫愁無地可盤桓

杪秋過爵谿登小蓬萊望海

丁卯年

成壘孤懸號鐵關高秋躡屐一躋攀神仙
浪說栖三島盜賊驚看踞九山橫海只疑
妖陣出乘潮不見艚商還莫誇溟渤天爲
岸歷歷諸夷指顧間

黃玄龍遠訪郊居喜而步韻

戊辰年

囊有新詩得未曾十年磨劍價逾增古人
不見我爲恨此道於今誰更勝杜曲寒深
分雪夢剡峰清絕供雲稜談微時漏松喬
訣鶴輩飄然欲共乘

元日試筆答黃玄龍步韻

己巳年

勞君千里挾春來分得條風到濁杯山意
迎陽青欲轉谿容辭凍綠初開消除殘九
惟應醉寫出微三始見才多少相思能對
面未須便憶漸江梅

遊劉孝標講堂

千秋江左重劉郎三洞樵人識講堂雲物
不隨先輩去風流直與此山長巖扉春老
含新翠石坐光深受夕陽文選樓荒玄暢
收一龕苔蘚自齊梁

遊初陽洞

我來洞口正初陽陰壑猶將線路藏度得
小橋遵渚通梯從危磴御風長玲瓏誰鑿
山三窟映帶俱臨水一方自是神仙貪吸
景特開丹室向扶桑

遊仙都

玉虛宮破禹湖乾只有孤峰削玉寒獨立
自驚風骨峭高撐偏覺性情安惡谿三面
憑爲柱仙榜千尋護作欄欲使峰頭蹲脚
底會須直上步虛看

登白雲山

白雲一片向空流孤寺還藏雲上頭山入
晚春微帶暑徑盤深綠不知脩溪光淨抱
州城出海氣高連島嶼浮欲向中原遙放
眼上方何處更登樓

同謝伯貞宿白雲寺

何日能追五嶽踪相看予汝欲成翁八年
孤憤雙心映千里羈遊萬緒同鄉夢不離
滄海上客愁暫貯白雲中曉來更上峰頭
望芳艸王孫路不窮

楊冷然叅知招遊三巖入夜

主人愛客兼愛山拂石高賞夜未還巖隙
天開星數畝洞中燈現月三間瀑花照席
蓮龕靜雲葉擎樽磻戶關塵土自應從此
盡况聆霏屑和潺湲

夏日雨後楊冷然招飲萬象山寺

山入胥庭氣自淳雨餘得象更清真水肥

忽放谿光潤雲瘦初還峰色新臺殿涼深
燈葉醒笙歌地迴女華親滿城烟靄休催
暮幾度登臨對故人

萬年道中

天上行來兩腋風高寒五月似初冬山田
欲種秧猶短嶺路微明草半封嵐帶黃梅
峰影溼水醜白石耳根鬆松杉百匝藏孤
寺迎客惟聞深翠鐘

木目集

卷之三

七

尋桃花源

奇麗千峰面面殊留連何必遇仙姝芙蓉
石骨姿偏異眉黛無嘔韻更孤流水時通
花信活春風長住藥苗蘇歸遲已分同劉
阮桃實還能餉客無

湖上答黃玄龍步韻

長天飛夢赴秋澄羅穎樓中到屢曾久住
湖邊非作客祇須君至共尋僧紅霜淅樹

寒初醉青雀浮霞艷可憑木落已開通頂
路兩高濤出正堪乘

答徐楚白用來韻

籬門霜葉午猶封問水人多刺罕通忽枉
新詩靈氣溼一番時格綺塵空家風不欲
沿江左祖脉還思邇鄴中浪說湖山少知
已白公去後只蘇公

虎丘閨中秋

甲戌年

杜山集

卷之三

六

已從湖上過中秋復帶清光到虎丘佳節
重逢非隔歲勝情不厭遠維舟綺羅競醉
三吳月竹肉都淹午夜遊便是當年點頭
石也將起舞按梁州

茅山上官坐雨

茅君兄弟太多情雨勢如圍曉更增喜客
有泉崩岸阻華陽無洞溼雲凝我輕千里
來何意天秘三峰到未曾急倩西風開磴

道筍與直上卽飛昇

月夜偕起貞枚兒拉王于凡戴清之

登雨花臺

月照長干孤興催喚醒客夢共登臺城中
燈火秋螢亂江上波光晚鏡開藉得露珠
疑寶坐分爲淡柄只茶杯一時遊躅堪千
古多自風塵局外來

遊弘濟寺

杜詩集

卷之三

七律詩

十九

一峰峭立掛頰霞逼瞰驚波走白沙路絕
只疑妨蠟屐寺懸一似駕浮槎空中閣現
鰲承柱巖隙經幡鹿獻花動地北風江倒
湧窗中葉葉楚帆斜

登燕子磯

三過磯頭始一登江天爲我放新晴北風
捲浪全翻海南紀攢山總護京疎樹遙連
楊子渡孤霞高映石頭城橫江燕子時能

語猶作烏衣王謝聲

遊棲霞寺

寒深樹色半成霞迥舍多峰到寺賒疊浪
崖邊皆佛國長松窟裏盡僧家徵君舊隱
雲留額江令殘碑蘚聚花石麗泉清羅法
供山神受戒亦豪奢

晚登攝山絕頂

到得峰頭晚亦奇江光猶自漾金漪地因
孤峻風來遠天爲登臨日入遲鐵甕驪山
歸建業蕪城引海障鍾離霞巔漫道堪遺
世一望中原無限思

寄懷角頭鄭處士

秣陵歸路過松陵湖口迢迢望洞庭雪浪
于重春日白烟峰一抹接天青爲君佇立
停吳舫送我相思到鄭涇宛扣巖扉驚鶴
夢滿除秋月帶寒星

寄懷趙霖宇

正人無路莫如今當事諸君各有心縱負
半千年間氣難爲十二面觀音 聖明定
與時情異物色偏因獨寤深卽下徵書猶
恨晚肯令遺直真江濤

聞麻城太宰去國

聖主應能鑒老臣就中挑激定誰嗔虛平
自信堪持世權近偏嫌不著人慣借九重
杜曲集 卷之三 七言律詩 三
綜核意肯容孤立統均身丈夫只問千秋
史蒼狗憑他變態新

寄懷汪和丘

笑將冷眼看文犧高臥三郭久息機裁得
雲崖爲藥圃接將澗石作漁磯不隨人關
羶場捷且使吾舍空谷輝 聖主方思
選格豈容裴馬戀初衣

送玄後歸天台

乙亥年

寧拜翟臺不拜瑤儵然一笠十經霜殿頭
供奉因君重華頂陵臨笑世狂黃面惟留
鬚可認紅塵無復意難忘相逢方外知能
幾又趣幽谿破衲裝

寄懷汪生洲二首

丙子年

已恨中原是戰場朝端更見血玄黃但聞
翻倒都非苟祇幸方隅偶得當入谷自堅
遺世骨匡時應熱樹人腸偏鋒畢竟難持
國急遲鈞衡借主張

其二

會因世道對攢眉只恐瀾翻抹藥遲李杜
名成東漢感任文酸撲晚唐隨忍將黨禍
終移國誰輟身謀急療時不得親疎如藥
令猶嫌無策制艱危

初陽嶺春日晚步限韻

霽色閒情日暮兼狎人麋鹿不相嫌石泉

花映顏疑酒笋才烟生氣帶鹽獨鳥歸時
青靄破諸峰缺處紫霞黏山春三月還同
臘襟袖寒生晚更嚴

過雲莊險韻詩成剪燭共酌再限五

韻

積雨留人當石尤宿雲如海屋如舟喜逢
晚霽春初活未暢清吟興尚鈞燒燭應添
花谷史令杯擬拜酒泉侯何妨爛醉還拈
朱山集卷之三

韻筆筆開山不慣偷

壽吳麓臺七十

懶應銷聲幽藪科惟看琪樹簇新柯由來
東海三山近豈獨安期千歲多天上神仙
原識字世間藥術總成魔刀圭別得真人
訣不守庚申氣自和

寄懷黎博菴學憲

幾人安隱享才名名重從來謗不輕世眼

自應憎法眼孤情蚤已斷時情惟今磨竭
能爲難正是文章得主盟長孺門多天下
士灰然佇壓漢公卿

留署冬至二首限韻

坐換初陽十六年無因拜舞聖人前一
官閒似衡門隱五斗奢於辟穀仙疎索正
堪醺冷性離奇雅可稱陪銓梅花先得江
南煖自有文園尺五天

杜山集

卷之三

五

其二

看山正欲理芒屨忽報徵書到鹿柴御府
還求故時劔臣冠重掛美人釵已將心近
紅雲座何必身体白玉階從此陽亨春浩
蕩孤臣萬里自舒懷

送汪將軍董師皖上

舉武

丁丑年

皖上今爲受賊衝非君誰可壯師中曾經
血戰威名遠能使聲援信義通風鶴驚消

營照月鵲魚陣結氣成虹此行便是封侯
路那得閒殺十石弓

壽翁海未五十

南顧方勞 聖主心法星遙傷壽星臨九
嶸石骨含霜勁兩邑花根沃露深江介澄
清開曉色吳天肅爽淨秋陰試聽遍地輿
人頌絕勝玄雲鶴背音

贈陳將軍定式

聞君匹馬破重圍拔得圍中千騎歸電起
劍頭妖陣解雲開管頂將星輝一呼轉敗
誰同愼萬死全軍獨決機身負奇功休太
樹雄心猶逐寇塵飛

奉荅張太素老師

日南有氣紫如霞天際真人望不賒祗恨
浮沉莊負陸還驚合射鬼盈車乾坤難著
違時客面目惟添入鬢華遙爲吾師開一

笑湘羅賦草擬長沙

其二

說到桐鄉九列輕况兼兩邑著循聲樟公
爲結千秋戀令建昌誌載前更傳劍浦長含百里清
由令龍泉民甚懷之刺有謳思存父老勝無災難到
公卿何如玉笋全無色南北迴翔祇自驚
飲徐清君西園卽席賦

五侯俠氣自翩翩時見西園幕綺烟島嶼
北日雲

別開人外路笙歌深擁飲中仙黃柑樹杪
孤亭出紫閣峰頭小閣縣客醉欲扶雙鶴
起移樽又向早梅邊

五言排律

潘景升搜得窰成臺同賦排律

丁巳年

奇蹟久已沒空名今尚存土人能識處搜
勝暫停蹲徑滿鹿行跡崖重水落痕忽看
孤嶼山正扼兩谿門下載遊初到一丘雲
乍掀草深餘藥植石潤見丹元靈液縈爲
帶神砂甃作根松杉通海路烟火隔橋村
仙島終難問荒臺喜共捫境沉山實淺秘

雜詩

卷之三

五言排律

割地逾尊欲盡天都奧先須此叩關

離合十二時

幽事未一了遠期何日申柳疎驚落木酒
盡怯辭津情結無絲紐心多錯忤人舟行
駭奔馬日落憶離晨江靜眠初戌愁多醒
到寅欲勾難自己淚竭獨傷神

天啓元年上元立春集米仲詔古雲
山房觀勺園圖燈并奇石彝鼎時杜

丹盛閒出魏仲緒家醞百品鴈客限

五言排律二十韻

辛酉年

四明仙里客三載帝城隈曆見冲皇改
春逢元旦回倦遊應似馮俳譴耻如枚生
意憐枯樹寒心托凍梅雅交文字合勝引
物華催燭影籠池閣林光照酒壘何期玉
泉止乃在絳霞堆野意層綃疊高人五嶽
陪坐尋元亮壑咲置季鷹杯具使吾堪拜

雜詩

卷之三

五言排律

二

非從衆浪推夔龍紋錯虎饕餮象成雷神
物因君合靈緘爲我開古雲連寶氣新艷
花胎不藉青陽力寧沾紫陌埃爾當傾
國色誰負謫仙才嬌簇名姝立香携歡伯
來千秋懷苦鬱諸趣酒能該天地亦大矣
英雄安在哉良宵忍虛度痛飲莫相猜

任山窗曙難將幽興裁

遊南明山

己巳年

爲覓城南勝屋舟晚渡谿幾盤飛蓋路數
折建霞梯界道雙懸瀑看泉獨杖藜危梁
通側景高閣瞰橫霓殿冷苔新長井深龍
舊栖群輩前代物蔭映古雲低誰合巖如
掌中通竇似圭層崖轉幽峭仄徑費攀躋
亭俯千峰出春浮萬綠齊顛書留薛蹟仙
篆秘天倪松老猶憑鬼嵐寒尚欲啼談奇
追夢鹿窮怪逼然犀丹嶂清尊滿黃柑洞

壑携好山不盡醉何處浪聽鸛

遊靜海寺三宿巖

俗名真假山

寺只在江上巖誰置寺中玲瓏想不到宛
轉匠難工亭踞危峰出橋隨斷壑通一庭
海嶽具半畝開闢窮咲彼費部勒何如自
結融米顛不解拜三宿歸虞公

寄懷許雲賓郡伯改任平樂

丁丑年

始安在天末喜不近中原烽火遐方隔林

峒太古存菁深知漢法花盛似秦源銅鼓
喧歌社匏笙佐臘罇蠻馴風勝夏猺狎洞
連村白蠟堪充賦紅蕉可代殭大都惟正
薄不假索逋煩使木巢掀德教新灘水陽
卽看椎結改漸使木巢掀德教新灘水陽
春遠灌門疏留恨無路鋒召佇還轅

五言絕句

秋夜二首 甲寅年

西風攪敗梧，滅滅響深夜。愁絕獨眠人，虛

窗月初射。

其二

寒聲頻到枕，窗外有芭蕉。莫只增淒斷，還將破寂寥。

黃河月夜四首 乙卯年

杜曲集

卷之三

五言絕句

一

明月照大河，黃流亦如練。古岸無人烟，迎

舟浪花濺。

其二

汴河舟苦滯，得月水偏明。欲傍前灣住，還須乘月行。

其三

我本東海客，遠行棹河水。愁心天一涯，送目月千里。

其四

鄉月清谿上，遙知浸草堂。堂前雙鶴髮，誰

共對清光。

登無盡法師松風閣四首 用舊題 丁巳年

清音

虛閣幽谿上，時聽幽谿水。真與聞性宜，泠泠無滅起。

松風

杜曲集

卷之三

五言絕句

二

風從松下來，吹我塵夢醒。對師寂無言，清

香散新茗。

爾瞻

奇石臨虛空，仰之如欲墮。師嘗捫其巔，閒藉白雲坐。

米拜

米拜緣何事，問爾亦不知。試聽師說法，應有點頭時。

度四十九盤四絕

嶺頭卽見海大地俱若浮茲山何奇突莫
是海上瀨

其二

已背能仁寺却瞰芙蓉村盤盤近人境看
山眼欲昏

其三

四十二年身四十九盤路百年幾經過一

北山集

卷之三

五言絕句

三

盤一回顧

其四

身從好山來猶帶烟霞氣却笑出山心已

隨車馬沸

贈西天目僧本可閉關

不作住山觀寧作出山想坐看飛雲盡山

頭孤月上

宿幻住菴

雲臥臨危崖五月氣猶肅到枕夜來聲松
風與巖瀑

禮高峰大師塔

師來從何來師去從何去莫將千丈崖認
作師歸處

春夢四首 戊午年

身臥楚江雲夢渡吳江水江上小樓間美
人初睡起

北山集

卷之三

五言絕句

四

其二

睡起抱孤恨膏沐未能施驚郎天上墮恰
當腸斷時

其三

低聲問美人別來愁幾許美人喜且喚含
情終不語

其四

不語正相偎驚魂忽中斷美人竟何所月

沉夜方半

五月望日別內二首

老去難爲別況當衝火雲客涼堪受暑夢
遠怯離君

其二

漫道夏方半別情淒似秋今宵看滿月愁
汝獨登樓

舟中苦熱二首

朱自集

卷之三

五言絕句

五

畫行菱芡稟不聞菱芡香鏡湖千頃水難

借一船涼

其二

路非銷夏灣夜行猶苦熱却想子猷船蕩
入剡谿雪

江上四首

逆水兼逆風今日歇船蚤緣江望雲濤不
行船亦好

其二

江上日欲暮猶見隔江山帆歸瓜步盡潮
自小孤還

其三

江上人家少柳邊酒幔孤江船集浦口客
多無酒沽

其四

聞道長江水半是我眉雪澄取煮松蘿聊

朱自集

卷之三

五言絕句

六

滌羈腸熱

虎林逢周長卿丁大聲周孟彝徐明
卿喜賦

客路逢親友堪當一度歸耳交鄉曲話手
把故人衣

按得潛井

有敘

封山之巔有峭壁焉壁半一穴外如倚
鑑中如仰玉豬水斗許冬夏不涸俯窺

之不見側穴仰矚之不見含瀦因字之

曰潛井賦一絕紀之

捫壁得潛井莓苔秘千秋驚誰移海眼側

嵌封山頭

春夜醉歸 已未年

春月已如醉我復醉扶月醉與春月宜坐
月到明發

過白溝河

壯曲集

卷之三 五言絕句

七

不逐前朝去鴻溝與白溝千秋餘落日寂

寞弔寒流

除夕四首

未夕已掩門邸舍清如水四鄰爆竹聲來

熱羈人耳

其二

一杯分歲酒聊復記時節非如少年時喜

與舊年別

其三

故山亦今日梅花冷自破妻兒憶遠人剪

燭深夜坐

其四

還似太平時爭擲太平鼓祇惜一歲除坐

聽夜至午

北郊

庚申年

北郊已綠草西山猶白雪春陽故有情忍

春曲集

卷之三 五言絕句

八

與歲寒別

昌平道中六絕

出郭見山色悠然生遠心祇疑嵐氣黑爲

染塞塵深

其二

土屋蔭槐柳村家饒古風只愁索租吏來

咤飯牛翁

其三

平原麥初熟經旱多空橐流淚婦語姑勝
鞠戰場草

其四

此忝居庸道誰當虎豹關到邊無百里莫
說有重山

其五

客兵挿荒城饑賣弓與刀畏死不畏法已
聞全伍逃

杜曲集

卷之三 五言絕句

九

其六

大道連陵闕顧瞻多所思無能固三輔安
在守四夷

兩水河還京道中卽事五絕

赤日焦野草輪蹄不絕乃知利名心入
火亦不熱

其二

騎馬村家女衫裁茜羅鮮微行入禾黍出

沒雙紅肩

其三

塵頭有橫氣知是中官來不哀母后歿但
喜陵工開

其四

有僧從北來笠破瓢亦故想忝長安心欲
識火宅路

其五

杜曲集

卷之三 五言絕句

十

傳城多庄園水樹互糾結幾更豪主人林
鳥應能說

軍都紅樹三首

山行見紅樹始知秋已深葉葉明寒火來
燒孤客心

其二

聖主廣恩賚秋山亦賜排松柏不改色蒼
蒼令夕暉

其三

疑入江南山秋色園古寺正憶訪遠公林
外逢中使

署中四首 辛酉年

署寂睡初起槐陰清滿庭冷然發深想乃
到太玄經

其二

不信吏兼隱茲堪當入山藤花骨屋角幽

壯曲集

卷之三

五言絕句

十一

鳥時往還

其三

憂時亦有心胡爲只靜坐欲草安邊書下

筆防殘唾

其四

老兵祇食肉憑誰借遠謀虎符分衛霍自

解取封侯

湖樓秋晚 乙丑年

寒臥西湖上半床秋自知起看湖水黑風
雨正相持

湖上中秋

山暝看來遠湖昏望去愁一尊孤閣上風
雨過中秋

昭君怨四首 丙寅年

莫寫深宮恨番憐上馬粧不因將出塞安
得見君王

壯曲集

卷之三

五言絕句

十二

其二

傾國原難盡非遮延壽金入辭光彩動始
悔按圖心

其三

那堪負殊色去作虜閼氏猶喜風沙惡顏
非在漢時

其四

重信因輕妾心懷天子恩兩行胡地淚萬

里漢宮門

禾茶口號十首 戊辰年

建渚限五嶺頽渚亦千里芳洲自有春只
隔兩谿水

其二

東山受西風西山受東日東山寒未茅西
山煖先苗

其三

沙石擁其根梅竹蓋其枝那得不清香巖
瀑復酒之

其四

山色招新霽林芳受晚春逶迤入深谷不
異采芝人

其五

鳥聲青嶂深屐跡白雲斷七盤未曾嘗五
頃已消散

其六

微雨洗浮嵐輕風疏濁霧葉葉含太真枝
枝極靈素

其七

世人徒啖名何曾具賞鑑茶經文字魔空
爲陸羽賺

其八

汝有色香味我有眼鼻舌肝膈總相知醒
壯由集 八采之二 五言絕句
醉俱難別

其九

不受人間渴蚤澄方外心何因有茶癖正
欲佐書淫

其十

采采不能真翛然謝塵坐一丘長可安吾
當以茶隱

再登釣臺二絕 己巳年

豈有投竿分容吾兩上臺扁舟江海意還
似昔年來

其二

已知星是客豈復帝能臣江上雙臺迥千
秋有故人

卓筆峰

世雁山

傾得墨爲海舒將紙作天草成閒卓筆笑
彼夢如椽

杜曲集

卷之二十二
五言絕句

十五

龍鼻水

蜿蜒鱗甲動滴滴欲爲霖豈聽人穿鼻蒼
生一片心

獨秀峰

羣峰立似林爭欲高於汝誰能絕攀援似
汝獨軒舉

天柱峰

女媧五色石補天應有餘分作東南柱

尋削太虛

秋日湖樓晚眺四首

門外斷車馬空庭木葉秋寒聲初過雁殘
照獨登樓

其二

遠水晚逾明倒影見堤樹小艇載秋多棹
閒鏡痕素

其三

杜曲集

卷之二十二
五言絕句

十六

山閣清冷出林烟乾淨飛過湖雙槳急三
竺幾僧歸

其四

歌吹逼秋城遊人漸欲散明月滿澄湖獨
向夜深看

步玄龍韻二絕

豈以半年別而忘千里思扁舟話烟海猶
似夢尋時

其二

愧無新著書可秘中郎帳只有剡谿雲待
君醉相向

戲贈行脚北僧

餅笠走萬里脚底何所得飽受南海風面
似眉毛黑

花塢訪笠雲不遇

甲戌年

千松蓋一十晏坐人何處高翠迎客來空

杜曲集

卷之三 五言絕句

七

送客去

庭前牡丹盛開感賦十絕

乙亥年

衆卉得氣先多與人憔悴爾獨具孤根不
嫌發冷地

其二

既不解栽培兼多摧折者安得恣榮華天
之所開也

其三

其本似稿木其花偏艷絕乃知文章人不
必顏如雪

其四

正以不解語乃覺花多態以我懷抱孤特
來咲相對

其五

門前無客來細著看花眼看到韻與神徘徊
意何限

杜曲集

卷之三

五言絕句

十八

其六

連日凝薄陰花氣轉清芬不得承春暉翻
似喜浮雲

其七

白髮方自厭汝偏爲我香尤物鍾情異經
句不改粧

其八

春風吹欲倦始得此花好却咲么麼姿浪

誇得春早

其九

所以號花王豈但盛繁華
遲開明有讓孤
映自成家

其十

天地十分春非此莫爲殿
羞澁芍藥花後
來學嬌面

周長卿招賞芍藥花周伯遠孟彛暨

杜曲集

卷之三

五言絕句

九

叔裕侄同席

別業倚封山日與芙蓉對
藥欄春更穠新
粧出幾隊

其二

春歸貯何處都貯城之隅
光亂看不定嗅
來香亦殊

其三

主人愛晚香厚培霜雪根
能紅復能白桃

李何足論

其四

花神特有情子規喚不去
併集嬌樽前欲
醉未忍遽

其五

紅藥當階翻六朝人艷傳
若見此多種應
驚賞過偏

其六

杜曲集

卷之三

五言絕句

二十

但有花可看那知春欲盡
只怕洗芳菲東
風吹雨緊

其七

分得金帶圍廣陵侈遺事
却咲看花眼亦
復牽勢利

其八

以我薜荔衣照爾錦綺姿
春暉昵野老忘
道不相宜

其九

結束一年春枝枝暢艷陽位置此時花自
令爾作王

其十

留春兼餞春相謔盡樽酒明年芍藥時何
處逢開口

咏觴石 有敘

桃華坑俗謂之西華坑山半有石撐柱

杜曲集

卷之三

五言絕句

王

凌空似立似偃黃玄龍命曰觴石分韻

得怪字

幽探到絕巘始見石可拜石不喜人知番
以賞爲怪

子夜歌五十首

有敘

丁丑年

偶見卓左車沈離集有子夜歌五十首
因逐首步韻以南朝之靡聲寫南國之
麗情窮艷銷艷翻注池注亦鄭衛之音

也

春風多意緒閒來動羅裙羅裙不肯開故
使春風喚

其二

鴉兒啄蟬珠啞啞啼不住莫只念舊惡打
教含喜去

其三

春園多冶情風烟亦相偶風常逐烟飛烟

杜曲集

卷之三

五言絕句

王

瘦風知不

其回

歡辭儂出門匆匆何處去登樓映長楊見
歡頻回覷

其五

照歡別處行恨他無情月便欲抱月眠分
明孤冷殺

其六

郎願爲地衣承儂微步襪儂願貼天心長
作隨郎月

其七

雙眸作胡覷故不著歡面歡將心相迎不
用而相見

其八

但與歡相對容鬢皆生光不耐歡眼逼低
頭整羅裳

杜曲集

卷之三
五言絕句

五

其九

夜半月滿池照見雙屬玉儂有歡在懷也

應非獨宿

其十

舉簾偷眼看半面赤如火鑿胸種芙蓉心
知蓮殺我

其十一

不用添宮餅閒夜薰衣裳但沾歡氣息永

裳自然香

其十二

分明抱郎睡因何淚痕溼夢郎欲遠行牽
衣不住泣

其十三

郎行何所思通不一回顧只思貼儂身作
守宮窮袴

其十四

杜曲集

卷之三

五言絕句

五

便欲就郎抱小玉方剪燭却思相見難流
盼心已足

其十五

空閨一夜啼曉下千層浪乘浪榜葉舟直
望郎邊放

其十六

漫說隔千里心只在郎側是儂妄想頭是
郎真消息

其十七

儂心郎不知
簾外漠然過
惟應入郎夢
使郎抱花臥

其十八

胸窩都貯愁
對鏡還含咲
咲我顏如華
祇與愁相抱

其十九

石人入春園
對花淚如霰
縱負石心腸
難

東山集

卷之二

五言絕句

七

禁春一片

其二十

黃鸝惜落花
枝上坐長嘆
花郎不肯落
總

是獨自看

其二十一

與歡到來晚
故作不婉嬾
歡既到儂前
怕不相戀

其二十二

微風鳥縱啼
初日花收汗
春重眼難鬆
臉

紅勾不散

其二十三

幽窗映竹閒
窗紙菜如竹
竹上有嬌鳥
時來訊獨宿

其二十四

燕壘疊花泥
將雛又伏卵
如何長獨居
夢與思爲伴

東山集

卷之三

五言絕句

十六

其二十五

懶見憔悴顏
不復臨青鏡
祇懷一種愁
似有十月孕

其二十六

夜深強就臥
孤燈未忍吹
照我不成夢
也是一相知

其二十七

願作隨風葉
半夜落空庭
適當歡醒時
拭

撼通殷勤

其二十八

儂能以眉語欲能以目領只恐樹頭鳥能
噪花間影

其二十九

把鏡照鴛鴦鴛鴦對鏡咲咲人空有情不
得成雙照

其三十

杜曲集

卷之三

五言絕句

注

纔得下庭階便有月來抱爲歡長問月月
也道儂好

其三十一

常夜雞鳴遲今夜雞鳴早不是雞鳴早只
緣今夜好

其三十二

怪他新柳枝學得儂窈窕郎喜凭樓看儂
只背地惱

其三十三

小郎年十三經得春風少但見尋常花向
儂便道好

其三十四

知郎無路來相思徒自苦願郎透重關
脈如壁虎

其三十五

心窩幾許寬日安郎在裏郎心知有誰
杜曲集

卷之三

五言絕句

天

心只有兩

其三十六

相去三千里急切難近前何以慰饑渴閒
理別時言

其三十七

狂來看天地只當屋一間吳蜀渾同枕那
知獨自眠

其三十八

春光亦無奈花與鳥相煎一度當盛春
度減少年

其三十九

不堪獨上樓把郎去路眺此路三變春遲
郎猶未了

其四十

不見郎來船恨殺長江水只解載郎去戀
住潯陽嘴

杜曲集 卷之三 五言絕句 五九

其四十一

閒凭小姑肩暗地嗅其髮不作膏沐香別
挽相思結

其四十二

寒雨滴夢醒寒蟬語窗外石闕天上墮碑
到便歡碎

其四十三

知歡能賺儂悔儂與歡有藕花連根掇還

能見遲否

其四十四

癡是戀歡心不爲歡年少難禁儂百頃只
望歡一咲

其四十五

郎心在何處郎身作相逐萬丈青絲繩難
將郎心束

其四十六

杜曲集 卷之三 五言絕句 五九

不道歡情薄有如蟬翼紗蟬翼還有絲映
出交枝花

其四十七

郎口念新詞莫是三婦艷請看庭際花枝
多色便陷

其四十八

少小相逢時對花發雙雙儂大郎不小那
便不相念

其四十九

庭前雙輕燕，夫妻相向舞。其妻翼頻低，爲
沾杏花雨。

其五十

偶爲采蓮出，相將鄰家女。怪人當胸看見，
懷新着乳。

題德充畫

大壑秋未深，古木葉脫早。幽窗爲誰開，隔

畫

五言絕句

其

水山山好

其二

數峰雲表青，一室雲中鎖。不隨雲去來，此
中應著我。

六言絕句

雨中訪周長卿徐明卿湖上四首

湖雲半昏堤樹，山路微響石淙。何處清吟
相和小樓孤倚芙蓉。

其二

時對好峰當客閒，令獨樹應門我來有妨。
清課衣帶城市雨痕。

其三

杜曲集

卷之三

六言絕句

一

壓戶茶煙溼雨，隔湖山影含秋。遊人強作
韻事，簑笠笙歌放舟。

其四

坐久未收雨脚，杯行再滌詩腸。三分半日
清福，山閣石林水鄉。

鵝花谷雜詠十首限韻

那問頭顱欲老，但教懷抱能嬰。咲殺令威
化鶴，空說前身姓丁。

其二

且喜林鶯初出、只愁山雨還仍、香茗乳花
凝雪、幽閣玉壺貯冰

其三

菜遲戴花迎夏麥、短翹芒未秋、豁女也嫌
蓬鬢、不惜賣茶買油

其四

花氣時時帶潤春、光半借雲淫、流紅澗響
春由集 宋之 卷之二 二

新水山靜原來不瘖

其五

當午絮衣猶薄、都忘春月經三、嶺上草黃
未變茶煙爲抹新藍

其六

意在菟泉品石崎嶇、嘗盡皆酣倦來翳花
清坐還恐窮山近炎

其七

莫道積雲難破羣峰、一一如錐、刺出幾重
新翠、天際飛來撲簷

其八

流紅欲到何處、廿里便入大侖、下瀨須防
漂散、近人用戒不虞

其九

井蛙智不出井、醯雞意只沉醢、嘗笑子伯
無子而美、儒仲有妻

春由集 宋之 卷之二 三

其十

吹律已應姑洗山、深春到未、皆齊道入間
春早是他氣候、全平

江上阻風十二首

京口上至石頭路、纔百八十里、順風半日
數舍、逆風寸陰丈水

其二

初開自午至酉、回首猶近金山、瓜州疎樹

可數沙上漁舟暮還

其三

咫尺不得入港下篙扯緯相兼臨泊猶被風撇夜午始與岸黏

其四

難泊又苦難開日高風色未定微見洲蘆西靡忙開風又不應

其五

杜白集

卷之二

古詩絕句

四

入烟江霧相亂天寧洲在眼前橫風括船高閑馮夷竟別長年

其六

船閑既不可下換船猶不得行去崖離淺拋釘四面風聲浪聲

其七

稍得轉港依洲候風安坐兩日江上破菴草園其如一覽可畢

其八

隔江便是真州隱隱可辨城郭浮圖遙出烟中時來對我半落

其九

華山五日未過攝山七日未來笑他順風順水絕無曲折徘徊

其十

石帆不肯去眼九日纔迎燕磯逆流未能

杜白集

卷之二

古詩絕句

五

輒上綠磯窮探入微

其十一

迂遲是我本性之官兼當勝遊嘗盡江行滋味賴他幾日石尤

其十二

原爲秣陵山水不辭來作遷客滯我山水之間正與遷客相適

杜曲集卷之四

刻上戴漢有斐

七言絕句

宮怨 癸丑年

秋來團扇未堪憐、中道恩情甘棄捐、爭似
空裁明月樣、從來無路到君前、

長安秋夜

獨夜思家夢亦愁、蛩聲切切到牀頭、三千

七言絕句

里外經年客、時節何堪更九秋、

聞何謙六罷資陽二首

棘栖未定忽驚九、爲爾重番蜀道難、遙憶

巴山今夜雨、猿啼不住一燈寒、

其二

西風自足憶尊鱸、三峽何妨換五湖、閒理

扁舟弄雲月、折腰能得似君無、

別怨二首

聞道明朝郎欲去、手牽郎袂淚千行、今宵
還得牽郎袂、愁絕來宵夢見郎、

其二

愁聞車馬催行急、溼盡羅巾淚尚傾、欲說
前途須保重、向郎嗚咽不成聲、

燕中九日二首 乙卯年

秋老庭槐葉半疎、雁催霜到帝城初、登高
舊侶皆天末、空坐寒齋作遠書、

其二

幾人高會醉茱萸、遊子天涯恨未蘇、強壓
羈心就佳節、一尊明月共清孤、

斷橋道中 丁巳年

斷橋路出石橋西、十里杉松覆碧谿、幽絕
不容車馬跡、春風相引自扶藜、

斷橋觀瀑

巨壺故是好奇者、既有石橋復斷橋、欲渡

慙無驂鶴法坐看飛雪不曾消

謝公亭觀遺像

亭在孤嶼

猶睹衣冠晉代遺風流一似看山時何年
再醒西堂夢消息惟應春草知

西湖感遊五絕

有叙

乙卯仲春北上侍先君西湖杖履連旬
堤橋疊跡忽焉南北遂岐生歎高堂已
矣舊遊依然破涕濡毫聊以飾痛

湖上風光二月多仙翁載酒拂花過記得
西泠橋外路酡顏白髮映紅波

其二

時能不杖踏花堤笑看遊船集未齊但說
一年春可惜月明猶滯段橋西

其三

兩峰留客霽初深祇覺新鶯異舊音遊俠
少年春不足羣魚別有此時心

其四

南屏高翠又浮春春色因何不著人若使
從遊還似昔東風今日更相親

其五

三生石上雨冥冥破寺無門雲自扃白首
青山何處問只疑還在夢兒亭

宿黃茅

山店無門月滿房夜深孤臥擁寒光更無

人語破岑寂深響猿聲共一牀

同桂巖諸宗雅登三友亭

羣山廻合抱孤亭亭下清谿瀉玉聲鄉國
不須頻送目相將已是剡中行

別潘士先

涼雨疎疎溼劇猴偏當離別是清秋今宵
夢醒重山外殘月虛窗古驛樓

先慈生忌

戊午年

死後生辰只可傷兒孫猶進舊時鴈班麟
一去無消息空遲玄瓊下影堂

桃葉渡

卽今桃葉知何處津人尚稱桃葉渡桃葉
不嫁王家郎誰知來往秦淮路

潘景升寄示夢桃花三首次韻

夢向西湖訪麗人一枝紅暎淥波春閒雲
別作綢繆使縱近桃花不是津

上抽集

卷二

七言絕句

五

其二

解珮江皋夢亦奇明珠在手別靈妃靈妃
一去無消息留得明珠只自疑

其三

天台夢醒失仙遊風賺桃花別處流萬疊
青山一谿水阮郎無路再同舟

山居歲晏無以遣懷賦瓶梅十首聊

送殘臘

初來猶自帶烟霏半拆瓊香付雪兒素手
正同花一色火封水樹巧扶持

其二

古瓶出土得坤元更注名山上品泉泉作
靈根瓶作地養花方是羽人傳

其三

石眼谿潺是故林曾無桃李競時心主人
自領孤清韻移傍銀牀佐苦吟

上抽集

卷二

七言絕句

六

其四

不借全枝到碧霄疎疎幾點具寒芳精神
絕勝開東閣祇爲從前飽雪霜

其五

如嗅似咲倚屏時體自含香骨自羸莫使
白家雙婢近櫻桃楊柳不相宜

其六

艷舞妖歌不許前恐渠疑入富人園一棧

崑崙陪孤影凡是天然古樹根

其七

藏春深院竹扉關一勺居然水石間閒讀
道書花下坐似雙鶴背玉清還

其八

風格清真意氣殊越無根柢越蕭疎作如
是觀誰同我結歲寒交莫若渠

其九

棹穿十里自風光入室空懷水一方爭似
據梧偏得近半枝便可傲張郎

其十

花意瓶心似有期爾堅我白合相依生憎
花謝瓶空後更揮楊州金帶圍

除夕二首

餅無儲粟篋無錢獨有梅花照眼鮮落托
對花吟更咲任他明日是新年

其二

到今四十三除夕不見窮愁與歲除把酒
送窮兼送歲歲除窮在復何如

寄懷西來法師

湖水深涵映雪齋讀殘貝葉月當堦此時
可念孤征客梅雨圍舟夜渡淮

湖上遇刻僧恒安

逢僧何事眼偏青自笑前身定是僧衲子

更同彌勒里雲林夜話數挑燈

感事

爭途盡是南還客乘傳曾無北上人不信
男兒空許國十年磨劒只防身

彭城覽古二絕

范增瑋售沛公死霸圖到今亦已矣魂
應臨戲馬臺笑看幾度大風起

其二

楚漢雌雄一夢醒江東久不屬西京空有
行人指荒岸含糊說是古茶城

反艷二首

折脚鑄安古石牀舊甕罐注沸松湯手分
玉英評香色不對豪華公子嘗

其二

懶入珠圍與肉城竹軒木榻紙圍屏倦來
熟睡醒來起撫鶴還幡相鶴經

七言絕句

九

燕邸中秋十二絕

片月長安似昔無也開尊酒破羈孤滿城
絃管通深殿豈爲時清賜大酺

其二

虜入檀州逼帝京不知誰是漢長城將軍
此夜仍歌舞明月空臨十二營

其三

遼陽日夜羽書馳行路皆知左臂危天子

祇應聞鼠竊肯因望月念東垂

其四

月應不忍照沙場千里沙場骨似霜鬼哭
夜深都有淚化爲清露洒昭陽

其五

緣邊精卒盡援遼嘯月狂酋處處驕忠孝
五侯還獻舞七香夜進鬬纖腰

其六

灰事塗肝失事囚平津不改舊時侯夜來
開閤延何客好共商量萬里秋

其七

調兵不應募兵難尺籍渾將鬼籍看漫說
陳秋秋已半賊來豈待集材官

其八

郡圍驚傳戶索兵丁男逃匿老羸耕兼
水旱江南北靜夜秋山盡哭聲

其九

民間接括已無餘更索陳通趣詔書試問
中原幾村落良時斗酒話籌車

其十

聞說山東運道枯指雲爲粟雨爲芻生憎
今夜青天月偏共明河照軸轡

其十一

從來金轡咎維兵明月何堪照大盈戊卒

連年陣亡盡長安已斷擣衣聲

其十二

嵩祝佳辰只隔宵千官佇集紫宸朝好圖
方略前爲壽莫使微風四海搖

土思

新熟香杭水碓春蠟蚬肥滑望湖鬆故
對此應相憶淚落秋雲溼幾重

燕邸盆梅十絕 有敘

邸中寒寂顧影無侶覓得盆梅數種處

之幕室溫以地爐次第作臘前之花參

差環座側而笑托根雖淺結賞偏深追

孤興於江南散羈情於薊北率哦十絕

少寄四愁

江潭寒影自風流何事移根到帝州還似

江潭舊相賞欲看深雪壓枝頭

其二

火正偷司子月春孤根得煖著花新若非

燕市風塵急高韻何因肯近人

其三

不因吏俗廢清緣几閣圍春雪艷鮮深貯

還憐金屋冷正如初得阿嬌年

其四

六街車馬自喧塵且坐梅邊醉茗杯倦臥

併携香入夢覺來又見一花開

其五

尚白何妨俗客嘲玄亭新結素心交莫教
譜入關山笛吹落天涯冷故稍

其六

高齋入夜較書閒細探寒香靜掩關呼得
燭來清影翥忽如乘月到孤山

其七

花應有夢出窗簾暗領疎霜與勁風處熱
自饒寒意在香飛不墮綺羅叢

其八

消落羣芳冷薊門誰知杯土自乾坤罇前
能破三冬萼盆底應蟠萬里根

其九

接羅鶴氅野人踪醉擁瑤華香幾重癡倒
絕時盆可碎低枝欲使盡成龍

其十

詞客揚州日對哦盆花猶似舊時柯千秋
作爾真知已水部寧須再姓何

生日四絕

丈夫志業竟何如顏色頻移攬鏡餘四十
四年愁裏過生涯惟有半牀書

其二

老去還同粉署遊青衫廣袖學時流未能
換却嶠崎骨畢竟無堪媚五侯

其三

不仙不佚不公卿何處安身了一生先就
囊中燒煉法黃金若就事俱成

其四

年少心情半欲消獨留枯管氣偏驕各山
檢點藏書穴也爲英雄破寂寥

楊花二首

庚申年

漫說隨風亦有心將飛將墜似沉吟怕將

世眼無端白願映幽窗篠色深

其二

海棠紅歇牡丹薦舞恹餘春態亦妍却憶
平波春草外亂飄晴雪暗遊船

七夕二首

黃姑漫恨別離多到得今宵又渡河爭似
羈人家萬里兩年七夕薊門過

其二

京國偏多乞巧人蛛絲鍼眼各稱神怪子
不巧復不乞一任迂癡老更新

遼陽紀聞十絕 辛酉年

恨殺書生誤受降瀋陽陷却復遼陽鴻毛
空自殉殘壘龍劒何由返尚方

其二

十三萬衆可橫行血戰惟聞川浙兵力竭
盡甘爲厲鬼量屍忍見渾河平

其三

誰似遼陽百姓愚迎降遍戶飾諸于狡奴
不受迷魂餌玉帛歸巢子女屠

其四

罵賊惟聞張直指投繯能見幾監軍城亡
合與城俱盡浮河航海忒紛紛

其五

虜騎未曾徇四衛髡頭蚤已向千山廢開

贊畫倡忠義結隊田橫舊島間

其六

誰言土著無精卒今日空驚藉寇兵遼水
遼山如可問應嗟徵調壞長城

其七

行過空意氣抱頭只恐逼狂奴

其八

遙聞屬國懷忠憤號召流人登漢旌
江西皆賊境崎嶇間道遠輸誠

其九

天外空多募義人中朝誰任掃胡塵龍圖
正酣非爲國免羅遠謝只謀身

其十

投鞭可斷三岔河還憂出沒揚海波喜峰
須防虜突入一片石外將如何

答余子嘯

癸亥年

聞君書劒向毘陵誰共吳洲對月明我有
名山堪供客可能一入剡中行

元旦二絕

甲子年

乞閒三載臥山村弄水看雲總聖恩
整當年舊袍笏紅梅花下自朝元

其二

國恩未報老將侵十畝烟霞養壯心惟願

太平今日始長將甲子紀幽尋

燕僧預函索詩却贈

師從何處曾相識眉端萬里風塵色爲道
南來訪石橋錫飛遙指山雲黑

發桃花渡二首

江城七月暑如蒸一上扁舟爽氣生無恙
布帆遙入剡秋風兩岸夾潮聲

其二

卸得紅塵心自涼天青江濁雨茫茫載歸
一路蒹葭色正及汀洲未著霜

病差移慰親知

有敘

患火絕粒背秋涉冬百戰病魔三分起
色聊作擒生之露布用慰憂死之親知
丈夫不似荀家婦下策何爲出火攻東風
反燒赤魔燼夷却祝融千里封

病述

初六沉沉入鑊湯廿三始覺臥匡牀已過
四日清涼地漸近百年風月場

病劇嘲諸姬

平時漫自說相思此後相思付阿誰應咲
銅臺諸妓拙望陵那得死人知

病起

青山不耐飽經霜松柏寒深亦帶黃獨有
谿梅春在骨枝頭蚤欲破新香

除夕四首

春近圍爐煖氣深樽前還似少年心年年
除夕除年少今夕應除老病侵

其二

年來添病復添貧貧到無添貧更新幾
花前今夕醉忽消四十九回春

其三

戎馬東西戰骨高破村殘壘積蓬蒿山

爆竹聲無恙喜作閒人送二毛

其四

聞道長安似奕棋一丘一壑總便宜春來
不用看新曆消息先從草木知

元夕坐雨 乙丑年

山中三度逢元夕強半春燈對雨然祇待
東園桃李夜香風吹月上青天

芳洲春望十絕

春還先到野人家青靄浮檐草樹芽陰嶺
未消窮九雪猶餘寒色在梅花

其二

紅白辛夷鬪蚤春東風半冷扇清芬不隨
玄冥收殘局直爲青陽作冠軍

其三

佳水佳山更耐看綠波青黛戰春寒閒中
誰解同消受息鶴磯頭一釣竿

其四

雙谿水長欲平洲送目閒凭谿上樓樓上
便如天上坐不須青雀放中流

其五

活色歷歷碧巖根桃李園交橘柚園不似
東陵近人隱種瓜猶自傍青門

其六

燕子初來掠水飛門前芳草正萋萋天涯
都是王孫路肯對東風滯馬蹄

其七

鶯啼深樹只聞聲人外相呼似有情還笑
鶯聲落人耳藏身雖密未藏名

其八

山村花事不能多十畝桑芽綻綺羅
樓中應逗眼籠鉤籠係欲如何

其九

泥乾小徑乍晴時帶醉看山倒接羅忽怪
鹿源高過昔松心又長拂雲枝

其十

牛背饑鳥不受驅山田未種索官租卽今
猶是春三月新穀民間有價無

看潮口號二絕

偏我看潮潮不來潮頭如山欺我哉目光
應勝錢家弩未到海門先射回

其二

數載幽棲滄海邊雲濤無日不春天眼中
自是難爲水只道江湖不似前

贈石公侍者玄湛

石公心印定誰傳親到龍潭已十年領
堦前沒腰雪不從人覓口頭禪

石公侍者玄澄

湖南山裏最高峰三十年懸佛石宗不向

諸方浪行脚長持瓶挑侍雲松

采茶歌十首

春來無事不關人、鶯語初調雀舌新、移樹種花剛欲了、心情又注鹿源春、

其二

箬蓋山頭初種茶、尺枝也發雨前茅、含春正在當心辦、莫負東風逗歲華、

其三

雪霜不損隔年枝、又是驚雷破笑時、黏指新香挑眼綠、茂陵消渴正相思、

其四

天色新晴宿霧乾、春經浣出帶餘寒、喜他姑洗存真氣、別作靈芽一種看、

其五

謝豹花開梅子熟、農時蠶月併相驅、忙中博得春多少、宜與人間喚酪奴、

其六

子規相應兩山青、一掬盈來意未盈、手自種茶還自采、幽人經濟亦分明、

其七

微日溫風趁好天、頭茶采盡二茶連、春光向盡春方飽、何必清明穀雨前、

其八

少女風深茶味雌、更防臨采溼嵐窺、海雲

一片壓林黑、合是傾筐暫實時、

其九

茶因再摘已驚稀、按索空枝下手遲、莫似官租科到骨、民間無地可存皮、

其十

懿曲江南重采蓮、艷情不到白雲邊、春來不谷時成韻、譜作茶歌當管絃、

西湖秋望十絕

有敘

何物壯麗忽點湖山望輒刺眼遊輒
步憤氣雲湧恨難假手於赤燦孤興霜
高聊用寄情於紅樹然終不能作蘊藉
語且浸轉而爲怒罵聲茲何時乎其以
舌端自刃亦可畏也祇應臥內深歿時
天啓丁卯八月廿六日

雨脚初乾宿靄收分明洗出兩湖秋西冷
南畔山尤淨認得紅欄是酒樓

其二

湖清上下鳥黏天微動波紋遠過船歌舞
年來漸蕭瑟非關秋色不如前

其三

孤山樹影接長堤處士風流秋更宜
閒心誰會得只應嶺上白雲知

其四

久住湖頭便是家空烟冷月共生涯興

欲擢晴艇去看取芙蓉入鏡花

其五

遊人多集岳墳前近日因何竟寂然願借
南枝驅瘴霧笙歌得傍一橋邊

其六

鏡沉細影佩沉聲不沒佳人千載名何處
的爲蘇小墓荒烟古月漫牽情

其七

陸公祠接岳王祠弘石何人得問之繁榮
漫誇能計日滄宮應解不多時

其八

一官况味豈千春甘作稱功頌德人兩道
磨碑磨不得只知且護眼前身

其九

湖千數里匝塵埃冠虎南山擁醉回直
相逢過避馬知渠曾殺七賢來

其十

秋滿湖山樹樹紅爭教桃柳傲西風只餘
松柏寒能翠別有孤根自化工

望白雲原二絕

己巳年

說著玄英地亦香白雲曾識舊山房舟人
指點非無據原上人家尚姓方

其二

長存江色似詩清何自能銷處士名攬得

白雲無可贈還留原上伴先生

枯蒼道中二絕

筍輿步步夾桐花度嶺緣谿不覺賒春破
白雲聞水碓亂蜂深處宿人家

其二

山行萬轉見平田細雨初生遠樹寒漸
烟霏人境近清谿抱郭是章安

宿江心寺十絕

宿雨五首

滿江風雨臥中川是在松齋是在船聽得
鐘聲烟裏澁始知身共寺樓懸

其二

驚濤挾雨夜相呼四面寒聲喚益孤客思
不須清夢洗條然到枕盡冰壺

其三

人在江中復雨中兩崖應只見空濛聽潮

聽雨醒孤寺知己千秋有謝公

其四

只疑江漲欲浮山起看雙螺積靄間海若
自狂龍自怒孤根不動夜潮還

其五

一江殘雨曉凭樓烟火相隣只釣舟待得
雨乾江似練鹿城依舊對羅浮

宿月五首

雨滌江天五月秋清光萬疊動虛樓笙歌
閉戶饒能醉冰雪圍人誰解遊

其二

池上樓孤水月偏周遭湧練只中川大郎
魂魄應長住古月何如今夜圓

其三

金山正插利名津來往都非無事人強看
妙高臺上月寧如此地澹而親

北山集

卷二 七言絕句

三

其四

兩岸人家望欲冥相聞應只有鐘聲空明
片月誰收拾渴睡山僧總不爭

其五

江流風塵月浣江江心正是月中央今宵
豈作人間夢萬頃空光貯一牀

重遊國清寺訪了明

十年不聽國清鐘飛夢長曾到五峰重即

寒山方丈夕一燈燒雨坐深松

西湖秋夜四絕

秋老西湖徹底清碧天如洗月孤明閒
一葉浮空去不載人間烟水情

其二

兩峰先受一天霜吹落明湖總月光隔水
有燈高出樹若非僧舍是書房

其三

近日何人解夜遊舫船尚在浦西頭閉門
依舊高燒燭那放清光入舵樓

其四

十年未字恨蛾眉孤思惟應秋水知時世
艷妝渾不慣空憐斜月到深帷

送顧少府

芙蓉淥水照人明出幕琴風百里清小吏
偏能高馬骨去官只載曉霜行

贈戴澄凡 石屏齋

吾家詩派重南塘
皮陸風流遠更香
幾葉到君神韻在
蕭然吏隱臥扶桑

咏蓴菜二絕

辛未年

春風漾出碧湖坳
采入幽人品外庖
清瑩還他神是水
高寒何用煮成肴

其二

縷雪縹冰齒石淙
甘香外味孰能雙
生憎

社鮑

卷之四 七言絕句

三

菰菜猶無格不許
兼收濁玉缸

送劉碩公遷守雅州

秋初江色變西風
路指平羌過渚宮
豈作

使星空入井應看
蜀郡有文翁

病中喜禪者道樞見過

十八洞僧

寒色千峰對抱疴
知交一月斷經過
獨得禪味爲生活
喜挾湖雲到薜蘿

送鍾少府還豫章

麥穗含華杏子垂
山村處處飽春暉
君還

滿載惟清白不負
章江春水肥

過薛國弔孟嘗君三首

壬申年

合用雞鳴狗盜時
尾生孝已亦安施
但能應劫爭先著
便是當場國手棋

其二

餌強無術虎狼嗔
祇仗區區結客人
若使三千去門下
么麼公子不謀身

其三

孟嘗意氣自千秋
偏喜寒生挾剗縱
六國貴人誰得士
竊符亦似盜秦裘

春深病起吟對盆梅十首

癸酉年

透骨寒病未蘇
梅花忍笑意何如
西山猶有千峰雪
二月應爲破夢初

其二

江南山裏十餘年
看得梅花不值錢
都道

春深纔到眼一花相見一相憐

其三

靈根迢遞別南陔不向侯門煖地栽春半
始通江嶺氣素心還對故人開

其四

親知若个扣虛房入幕之賓爾可當林下
美人消息杳月明緘恨自昏黃

其五

半生心事只花知忍或相依花亦癡喜不
近他歌舞席媚人強作歲寒姿

其六

琴書應得伴瓊魂鼎足齊頭心共論欲使
梅花發清響斷操殘卷未能溫

其七

已看桃李欲開緘誰道梅花意尚謙天自
靈陽花自冷晚香遲日不相嫌

其八

小苑斜障碧水頭四圍玉照一亭幽無因
消得江南夢對此聊當越絕遊

其九

晚香不是好違時春到孤根自較遲別有
乾坤開黍谷東風無路問寒枝

其十

香以蹉跎及盛春海棠含妒杏花嗔自然
身分高潔甚不與紅芳艷俗人

湖上別鮑元則

共君一月住湖干意氣都忘客況寒別去
不慙無所贈盡留紅樹與君看

喜了明見訪

甲戌年

只有孤藤不世情崎嶇十舍訊歸耕更能
持得雲相贈一似尋師到國清

遊洞霄宮四首

桑陰欲斷竹陰交行盡南湖近洞霄湖水
不深山不遠鳥聲何用急相招

其二

山田晚稻正含華茅屋藏雲幾十家數里
谿流俱作碓更無閒水泛胡麻

其三

不道仙宮亦黍離玉壇金竈竟何之惟聞
枯井龍猶在破屋三間事禱祠

其四

幾人提舉洞霄宮只說朱公與李公
但在世間能不朽何須拔宅入雲中

胥門懷古

幾度興亡不可論吳城猶自號胥門卽今
日月行秋漢便是雙懸目未昏

同孫鴻羽周長卿春日入過雲莊各

賦竹枝詞二十首 丙子年

山爲雲窟少晴天幾日東風水石掀竹裏
鳥聲非一族巖花鬪發盛於園

其二

間在雲湄誰問津東西兩路過雲人欲望
雲湄都隔嶺只疑別有一家春

其三

落花流出澗中春水碓時聞搗白雲經燒
山頭草先綠牛羊高放各成羣

其四

明月湖邊細草齊春泉飲鹿有新蹊涵天
一鏡懸峰頂不許人間烟霧栖

其五

山上寒深未撒秋兼愁無計可完糧欲使
稻田都種竹多輸山稅也難當

其六

山家山便是良田鳥笋今年是大年路

挑鹽歸路峻喜聞燒竹近門前

其七

別開東嶺號初陽夾路松杉新翠香還望
西華嶺西路驚從雲脅掛羊腸

其八

送客東探仗錫霞先愁厭客是僧家山心
片石應生眼莫道都來索笋茶

其九

注山集 卷之四 七言絕句 三
窠是平頭茶出遲直過穀雨怒寒枝山童
山女分頭采正值人趨笋才時

其十

自做新茶自煮嘗蘭花色帶末羅香更令
天下泉無品石罅當軒迸玉漿

其十一

偶因行藥換春衫澗谷幽寒氣尚尖百合
初抽青甲短黃精半出綠筠纖

其十二

茶焙東峰瞰板坑金輿頂上聚鶯聲春流
十里迎人轉蕩入胸懷大有情

其十三

橫山菴裏佛長閒長叩長靈性不怪指點
人行嶮巖路讓人一步是儂儂

其十四

北谿笋簍擔相連飽飯爭趨沙地船只恐
趕新人更早頭風頭水讓唐田

其十五

桃花流盡冷徐鳧下雪僧還索舊租別有
桃花作僧供門前赤水得知無

其十六

皮陸遺踪何處尋鞠侯巖上蘚痕深瀑
不謝春尤綻山水風流直到今

其十七

激湍怒石兩難降只欲奔流到甬江
筍簍
梨洲來更急大俞合處脈猶雙

其十八

石窗曾到事猶疑焚榭何人識舊基
芳樹
參差春自遠千峰都作有情癡

其十九

聞道珠林與隱潭春穠惹得虎耽耽
磨牙
更度越超嶺怪見南谿起毒嵐

其二十

過雲山長一籃輿雲北雲南縱所如
我不
礙雲雲戀我春來半月與雲居

送林少府歸晉安

門地由來冠七閩才情亦自不猶人
三
窮海風塵意歸問桃谿月一輪

送楚客李生青霞

丁丑年

長干風物更宜春刀鱗河鮑次第新
客自

無魚歸去急孤琴添得秣陵塵

送王仲開

却掃惟令鶴應門寂中剛喜得逢君
吳舫
梅雨旋相趣載去鍾陵一片雲

署中秋海棠十絕

冷韻偏宜對冷人却來荒署亦相親
花心
不似山中暢爲憶寒巖風露新

其二

只期谿谷自幽鮮不結王孫芳草緣
漫道
鶴廳清似水可堪紗帽近花前

其三

喜得遷人熱焰消已看官舍似僧寮
寒花
正合同蕭瑟香不淫人色不妖

其四

疑無勁骨可支秋傲得西風意不柔
懶作
繁華媚時相應陪吏隱破齋頭

其五

小山叢桂頗相宜

上有桂樹

猶恨終非巖穴姿

砌蘚垣衣知本性都將人外眼相窺

其六

銅駝巷陌暝塵深小院惟聞絡緯吟日色

罕通花越喜不爭衆卉向陽心

其七

爲誰含咲臉微紅咲我三番作考功一十

六秋官一換春爲主事昔郎中

其八

應是紅雲和白雲雲英散落正秋分憐他

發屑鋪寒色愧我羈栖厭地文

其九

此中亦自號天官那得花將野意看祇爲

天官去天遠剛存野意舊長安

其十

弱本偏能占晚芳半紅枝葉似經霜秋深
轉覺花神王搖落多時春海棠

贈契玄上人

如師神觀古無多應是江南陸法和忍坐
長千萬松下閒鑽故紙學鳩摩

遊生生菴贈淨修上人

結茅近傍帝城隅竹樹陰森一徑紆不
是深山有空翠籬風吹出磬聲孤

壽戴觀瀾七十

晉人吹劍示天倪高士栖玄重剡谿自是
吾家有仙脈丹梯又接紫陽西

雜體

相思苦四章 丁卯年

相思苦玉人知不知夢殘秋半枕魂斷夜何其

其二

相思苦對面亦天涯借酒聊支恨憑眉一問花

其三

相思苦半世未曾嘗已識章臺遠只聞羅袂香

其四

相思苦一夕似千年但願天長曙免令人獨眠

苦相思四章

苦相思天地何太窄倚遍竹西樓片愁無處擲

其二

苦相思知郎不負妾安得遠隨郎身同雲一葉

其三

苦相思舊事多堪悔不合近郎時賺郎花下待

其四

苦相思寒月照孤淚深閉柳邊門知郎天

末意

壽夏星槎郡丞

戊辰年

一片鐔津月澄光開八閩千里灌門風並海清妖塵蚤晚携將風與月高拂彤墀照丹闕倩風送歌月送酒懸魚堦下爲君壽

秋夜苦暑率有四問

乙亥年

問秋河何不澄白水浸得星芒寒虛清酒萬里番使牛女臨津隔沸湯南斗挹之紅

霧起

其二

問秋月、何不濯清輝、令人入遙夜、如向水
壺歸、番使瓊樓欽然七寶燦、素娥赤汗蒸
羽衣

其三

問秋露、何不乘白雲、寫出金天液、一爲洗
炎氣、番使繁鶴無聲豐草赤、玄蟬抱葉苦

如焚

其四

問秋風、何不起蘋末、蕭然入亭皋、坐看木
葉脫、番使飛廉鼓鞙流火還、封家阿嬈化
旱魃

輓卓珂月 丙子年

李長吉、王子安、並是千秋人、當時皆惜其
不年、正惟不年、文采風流、想望未竟、所以

聲氣長縣天地間、假令兩公得老死、遇酬

其才或反別、生缺陷、未必才名激露、若孤

振之哀絃、珂月今之王李也、才名方噪、江

左忽挾、五色管歸、主第九洞天、何處深山

香撲鼻、令人齋想結、戀往從無路、空餘一

片綺影、與三萬六千頃相澄鮮、此乃珂月

所以爲王李、三十年實激千秋之響、豈同

雨墜烟滅霞薦、嗚呼、名場不在科目、不朽

不在公卿、從古已然、奇慧文人、定知人間

可哀事、正是千秋度心珠牽、夢綆芬舌青

蓮

。弔衡陽寺唐梅 有序 丁丑年

衡陽寺在栖霞之南三里有古梅一本

樹合抱自唐迄今歲長孫枝著花欲爲

唐以上人者覽斯梅究有遇也萬曆末

年寺廢栖霞僧來寓其中厭遊人之以

梅集也而忍肆其酷不知高人韻士轉以嗟惋時來憑弔視其托根之處不異著花之時遊人未嘗減而反多燒琴煮鶴一罵柄余亦其人弔之以詩

衡陽寺前有古梅自唐以來千餘年年年花發歲寒枝花時傾都走相賞宛似唐人猶未死風流可望見於斯那堪一旦飽毒手竟斬千餘年之遺嗚呼江南片地幾度

興亡長留孤影表佳麗不殊蟠木與扶桑斧柯但絕遊人回不道無梅遂無唐我來不得見惋恨想像空結一段意中之遠香雖然物無不盡真自有常卽是唐時不朽人阿誰了得三萬六千場使汝爲唐之文人詞客則三變體四改音而與之俱變俱改者轉眼歇滅如電光使汝爲唐之名將美人則馬嵬坡下旋掩羽衣霓裳纔有西

平北平已無臨淮汾陽使汝爲唐之方外高流一行萬迴得幾十臘靖能公遠無不死方後唐而老以至飲我明二祖八宗之雨露惟看鐵幹長合抱則汝之精神亦自與唐時不朽人長留於天地而不必其形之不天梅乎梅乎安知非卽攝山之霞鍾山之雲乎而噉噉焉從而弔之吾猶淺之乎爲丈夫

杜曲集

八卷之目


雜體

六

王叔盧遺我中山酒侑之以歌走筆賦答

未嘗君酒先讀君歌竊怪名下無虛品色味如此可奈何定是君之眼太峻舌太苛既讀君歌急嘗君酒果然濃濁拒目蜜甜拒口千萬自勸一呷之外決不能受擬其品目當與六安茶爲死友乃知鑑物有定裁一切不以虛名取至云酒貴始和漸見

辣不然寧使酸與鹹伯倫酒德頌此意未
曾拈我既醉君歌自不須更醉君酒魚與
熊掌那得兼



騷體

送張廣文漢卿遷任公安

有存
乙亥年

先生迢迢澧蘭來濯刺雪芳華映物道
素作人加以留意宮牆營綜盡制乞靈
賢聖位置匠心色笑方銳忽報楚材還
楚藻芹知戀其奈南金遂南雁寫別悰
聊抽騷思

秋風波兮洞庭佳人歸兮澧浦將弭節兮

北自集

八采之目 騷體

屏陵爰橫經兮江潯惟楚有材今孰與左
公所居師楚材之藪兮又不出其里閭棹
潺湲兮西征指故鄉兮蘭畹采杜若兮芳
洲恨佳人兮漸遠幸堂壇兮長存時與予
今日成何荆越兮能隔曼臨岐兮攬情

哭楊崑岑

君之家兮湘濱君之死兮燕市驚魂歸兮
九秋悲風號兮千里過淮浦兮齋恨臨鍾

離兮自傷、涉陵寢兮穴狹、猗隔濠泗兮望
機槍、衆有口兮持法、臣何辭兮折首、招三
閭兮論心、睠九陽兮攜手、冀報主兮扶國、
嘆死異兮心同、願得請兮上帝、畢剽賊兮
孤忠、

秋仲同內遊過雲 丙子年

余慕劉真君之棲逸、君抱樊夫人之玄真、
爰乘金商之騰御、羌辭芳杜而舉白雲、俯

壯日集

卷二 登臨

二

竇雪之千丈、睠隱潭之一泓、徐鳧瀑丹水
以爲布鞠、侯秘赤嶺之深松、徑西華兮危
磴、縹余馬兮雲之湄、涉虛閣兮孤迴、壓千
峰兮參差、王侯將相之經營、青門紫陌之
驅馳、總不到三萬八千丈之上、笑彼折腰
句漏、萬里與鮑氏而相携、度初陽之遙遙、
率南谿之清榮、眺梨洲於木末、思遠寄之
興公、想石窗之彪豁、恨烟霞之深局、背北

谿而西入、道茶焙兮轉幽、望雲湄兮猶在、
天上、遵流紅兮欄路、紆且悠、繫神仙之靈
宅兮、信豐樂之與鄉、蓐收斂寶、林菁待霜、
青檣垂兮果腹、紫栗迸兮破房、百合肥兮
葉萎、黃精老兮根香、園茗再芽兮露飽、籬
笋復出兮春小、山查紅兮樹十圍、隴豆青
兮連黍稻、雉兔膾麋、蘆葦蹲鴟、石班冷聚、
竹雞秋腴、山史有不能盡、山民有不能知、

壯日集

卷二 登臨

登臨

三

無不歷秋雲之液兮、皆可以佐幽人之厨、
想儒仲之借隱、未應有此隱資、便欲棄家
而長留、使樊劉之丹竈、接千秋兮紫霏、

詩餘

浣溪沙

芙蓉園

乙丑年

樓瞰寒塘古木橫。幽禽時對小窗鳴。柳外
何人停短棹。理魚簖。俗客不來門晝掩。
疎籬新剪竹枝平。茶鼎虎跑泉乍熟。作松
聲。

湖上送元震歸新安

社日集

朱二日 詩餘

西望千峰翠欲無。短長亭外片雲孤。桃葉
柳花春尚好。別西湖。但有流鶯語芳樹。
村醪一斗便須沽。歸到家山詩幾許。問奚
奴。

南鄉子

三月初至湖上遲黃玄龍入夏始得

晤

寒壓兩湖春。欲駐飛紅待遠人。叫渴鶯喉

花雨盡。轉轉還有鈿車續。艷塵。荷葉又
如尊。幾點含漪出未勻。蘇小眉深烟醉劇。
津津。望得君來始放顰。

路莎行

初夏新霽湖閣飛觴共賦路莎行

高綠颺風斜。紅破霧湖山出。意重相晤。溼
嵐幾片半成霞。黃金鎔裏觥船渡。乳燕

聲尖雛鶯舌。趣枝頭別有新詞賦。莫賒一

社日集

朱二日 詩餘

二

醉負登樓。風流舊事餘烟樹。

滿湘逢故人慢

訪黃玄龍昭慶寺因共泛湖至芙蓉

園

人藏深寺。方留雲共席。招水連牀。曲廊響
蒼苔。破幽閣初啓。茗椀新香。詩通酒債。作
閒中。喫緊商量。引多少。曠懷清緒。小舸滿
載湖光。波紋動。山翠浣。更陰陰。樹搖綠。

影生涼、徑數里瀟湘、看圓枕清漪、樓俯橫塘、離門柳隱、又誰問江海疎狂、陪高嘯兩山分座、一杯且話滄桑、

阮郎歸

湖上別友人

堤橋相對惜春歸、纔當相見時、楊花飛盡未曾知、颺驚人別離、遙樹隱、亂峰圍、孤舟牽落暉、回頭還似共臨漪、魂留羅剎西

蘇幙遮

張卿子載酒携麗人、偕黃玄龍謝伯貞、章叟初新堤步月、清歌汎湖夜半未已

月初高、湖欲靜、烟靄籠波、纖縠函青鏡、臨鏡憐他微步影、調笑妍新、熨貼人心性、廣堤空、高柳映、踏破清陰、一棹還乘興、夜久烟消山翠醒、扇底歌風、澹拂玻璃淨

阮郎歸

黃玄龍陸昭仲送我江干彼此相望良遠彌殷

湖頭難別送江頭、江波重疊愁情非、兒如硬絨、昨潮平、催放舟、沙岸杳、窮帆收、相望還未休、吳山樹影固陵樓、都從烟際浮、漢宮春

春閨

壬申年

杜曲集

卷之四

詩餘

四

怕到花天對好風、遲日、獨自花前東君也、不理會、我越他、燕偏多、景色殢人家、空館閒圍、更忍見、平蕪一帶、遙連征路、三千、潦草昔時驀笑、幾曾思、今日郎處、儂邊、傷心海棠、寂莫開謝、年年、遠書幽夢、總無憑、天末相憐、惟聽取、春波歸棹、消他、綺月芳烟

霜葉飛

惜春

鳳樓春老飛紅亂。年華狼籍多少。妒花風
定。怕還來共流鶯懊惱。看脉脉烟絲倦裊。
枯春一繖嬌林沼。更颺入簾櫳似識得東
君欲返。特寄消耗。凝望一度韶光幾番。
水雪。指破纖指難到。日來剛得試登臨。奈
未鈿幽抱。又紫陌。車漸悄。含香歸燕春
猶閑。念故歡。紫新恨。遊冶王孫。忍辜芳草。

東山集

卷之四

詩餘

五

南柯子

上巳泛舟

花事雖難待。花期不厭遲。流波猶自帶紅
漪。一葉擎春孤嘯。轉橫陂。細雨新蕪外。
輕風苑柳西。堤痕沒盡午潮肥。不解夜除
何物。但銜杯。

蘇幙遮

香雪塢。斲笋摘梅佐酒獨酌。

避烟峰。醜石溜。人外繁華。容我閒消受。笑
對山童謀佐酒。紫笋青梅。格與雙柑鬪。
占雲根。香雪竇。斲破苔深。摘取春堪嗅。清
供誰同杯在手。藉草留連。頭上新陰覆。
醉春風

春夜

深院關春住。黃鸝眠杏樹。斷雲閣雨月還
來。趣趣。趣。凭煖欄杆坐。移花影。故人何處
去。東山集 卷之四 詩餘 六
芳艸迷南浦。幽夢多辛苦。年年寒食是
歸期。誤誤。誤。不合當初三星指。誓放伊輕
去。

漁家傲

興濟道中

嫋嫋秋風淒衛水。歸舟一葉秋風裏。短髮
未梳眠乍起。三十里。快帆亦會歸人意。
漫說東方餓欲死。白糧連舫趨燕市。三老

相逢作吳語空索米長安半是侏儒耳

感皇恩

舟次中秋

波路又中秋、去年今夕鏡湖初作辭家客、
風雪還朝、木煖曹郎一席、忽從楊柳岸、望
京國、戎馬東西、羽書南北、長安片月渾
無色、聖明肝食、入對有何上策、江海一
孤臣杞憂積

杜山集

卷之四 詩餘

七

衛河秋

舟中睡起

獨臥畫船初醒、千里夢還香、冷聽款乃和
西風秋意一江人靜、壓枕惟餘歸興度
恨難傾似病、漫追省、轉魂消、側帆斜日寒
波影

千秋歲

寄壽徐眉齋四十初度

噪名香署、人洛年猶暮、春色蚤、花光漾、清
郎、燕市馬、明月金臺路、人似玉、平津舊邸
東頭住、不受雙旂趣、歸與三高伍、河渚
傳、山居賦、九峰踰一紀、四十逢初度、頭正
黑、豈容長作烟蘿主、

念奴嬌

除夕 乙亥年

杜山集

卷之四 詩餘

八

只堪江海、又三年山館、看梅送臘、寂寞開
樽還自付、身在乾坤一合、焉用浮沉消他
歲月、長作漁樵問荅、祇緣孤性、不能隨世
開闢、暗想今日中原幾人、高臥穩、烟塵
環匝、小屋深林、風鶴遠客得青箱、烏匿、便
撥寒爐、蕭然清詠也、勝公孫閣、春回心事、
鳥情花意勾搭

江城梅花引

海棠盛開感賦 丙子年

年年長對故園春。怕花噀。耐花噀。獨有溪
棠爲我越精神。雨又不來風又軟。掀輕雷。
一枝枝醒麗人。麗人麗人澹粧勻。雪是
魂。霞是身。香到無香。香聖品。誰領清芬。雖
甚繁華。不染韶陽塵。薄日浣花花淚盡。花
暢也。比前春暢幾分。

梅花引

春晚綠流紅。澗望錦楓崗。坐石品茶

杜山集

卷之四

詩餘

九

日夕言返

野心閒。水聲邊。一派紅香三月天。屐痕連。
屐痕連。霞被斷崗。還疑楓錦鮮。茶鐙安。
向磯頭石。茶甌分得春潭碧。隔谿烟。隔谿
烟。催暝入樓。醉茶人未還。

菩薩蠻

春杪別過雲莊二首

雲中晚得春消息。移花種竹春相迫。正欲

了躋攀。又將春共還。山情猶自熱。不許
春先別。花已發青極。啼鵲未有聲。

其二

東君著意鳩花谷。新描一段多情綠。忍倩
嶺頭雲。作高樓主人。流紅還少住。爲惜
儂歸去。半擔出山裝。猶餘烟翠香。

小重山

送周長卿客海陵

杜山集

卷之四

詩餘

十

杜若洲。迢十四春。栖遲無一日不同君。從
今孤興伴閒身。征棹遠。門掩兩谿雲。書
劔涉江新。借他淮海月。濯羈神。男兒休便
嘆風塵。牂柯路。還待倦遊人。

醉蓬萊

壽浦江戴母苗孺人八十

初度適當冬
至前一日

正葭灰將起。梅萼猶含。恰迎長至。南嶽夫
人。坐紅雲深處。觴疊瓊蘇。咲開霞靨。問滄

桑何事彈指三遷。去燕辭越。又胥吳市。
回首孤殘。許多酸緒。桃熟桃開。歲華迅速。
喜見鍾陵。送薛惹佳氣。子直金門。孫羅玉
樹。朱雀新門地。競叶清歌。雲林細譜。瓊沙
移吹。

玉漏遲

金陵除夕

剝寒縈破邸。何知此夕。青陽來近。舊華人

未歸集

朱子句

詩餘

十二

情。但習昇平風景。浪說長江天險。任隔水
流氛聲緊。春氣引送年酒煖。歌鐘闌殷。
咲我老去猶癡爲。陵闕擔憂。懶迎花信。
門掩青溪。恨他一年空盡。江左長城誰是。
歲星可正。躍吳分。難自忍。孤臣一腔幽憤。
倦尋芳

初夏閨情

丁丑年

一春去也。嘗盡春思。孤另依舊。乍轉薰風。

又是關人時候。芳草天涯。青未老。雛鶯枝
上黃。猶瘦。記當時共登臨。取暢盡樓攜手。
竟何處。鈎歡難斷。無數。結。期。空。闌。人。口。
萬疊雲山。都倩眉峰消受。已。到。陽。花。飛。倦。
後小窗還自閒。清晝。試掀簾。看新荷雙鴛
堪覆。

江城子

送錢孺初守岳陽

朱子句

朱子句

詩餘

十二

楚江南北暗風烟。洞庭船。客高眠。翠積湖
心。無恙見君山。湖上高樓堪縱目。千里碧
一凭欄。使君桑土不曾閒。水連山。盡雄
關。外寇難來。內治又相安。冬日春暘時在
握。調賦役。寢戈鋌。



杜曲集卷之五

刻上戴澳有斐著

焚餘草

封司

條議疏頭

辛酉年

稿惟 覃慶加恩固 朝廷勸忠之典希

思無節又名器濫觴之端 浩蕩宜宣涯

分當率竊見近日內外諸臣緣 恩陳乞

杜曲集

卷之五

焚餘草

枉例紛紜豈 詔諭固可游移葢情私罔

可底極耳職亦人子敢以臆裁夫亦參酌

情私還遵 詔諭庶繁縷不假而惟葢知

榮也乞賜酌題案呈到部爲照恩不虞廣

虞其窮推恩不期奢期於當正惟解澤旁

沛之秋宜存名器濫假之戒臚列諸款不

過申嚴 詔諭而所以暢 皇仁防越志

者皆於是乎在庶幾哉湛恩徧滿總適於

當而不至於窮也既經云云

題原任南京右都御史海瑞錄廢

廿九

爲照本官百世清風五嶺間氣廉頑立懦

頑國匡人學士大夫異世轉欽其烈兒童

走卒至今能舉其名嘉隆以來一人忠介

之聲獨著謂宜世延其賞以砥頽俗豈應

殺替其嗣以曠彝章

朱甘集

卷之五

題原任吏部右侍郎劉日寧錄廢

十九

爲照本官望隆公輔勞著講筵骨雖化於

騎箕績尚存於捧日勤事之卹典旣被錄

廢之明例宜覃

題原任禮部右侍郎唐文獻錄廢

爲照本官立 朝不媿科名 出閣首資

啓沃年深躬瘁遽吞溘露之悲數短志長

未竟補天之業等因

題原任郎陽巡撫李材復職

爲照本官仁爲已甚道與時違方謂功著
開疆反以浮言論死雖獲恩寬遣成竟以
負累沒身跡其所至景從豪傑滿扶風之
帳到處尸祝羶薌集畏壘之祠則縲紲之
非其罪固可知矣鄉國同冤忍令地下作
南冠之泣雷雨忽解庶幾身後還廣武之
封

題原任稽勳司主事陳爰誼贈官

初二

爲照本官扳髯慕篤延息情輕力疾追號
血與淚而俱迸竭忠奄逝魂與路以相依
老母方八旬倚閭而遊子已爲異物少婦
方萬里脂轄而夫偕已作修文筑筑藐孤
遙遙徒跣百慘俱集死忠者固已不知一

命示優勵世者豈能忘報

題原任兵部侍郎萬恭贈官

十一日

爲照本官著勞先朝歷歷有據蓋棺雖
久遺簪可忘威虜追漕故老猶傳遺事闡
幽澤骨聖主豈愜餘恩

題原任南京刑部尚書羅朝國贈廕

二十三日

爲照本官花封循譽銓署清風授鉞凌江

壯勳集

卷之三

四

靖蛟鯨於千里若工赴關攀弓劔於兩
朝方以顧命元臣重陪京之邦禁忽報忠
勤遺老赴香國之仙期僉惜未竟其施允
宜厚恤其歿

題原任應天府尹李堯民贈廕

二十四日

爲照本官立朝審諤按部澄清抗疏建
儲功存宗社力疾啣命勞著畿封願不
遂於首丘身竟隕於報國應有半遺生泉

下之色能無寸祿覃身後之人

題原任大學士沈一貫贈廕

十一月
初六日

爲照本官畢議講筵殫忠揆席屢襄廟畧
坐剪兇渠深抱國憂密抒丹悃功成浴日
入告之草不傳力竭補天避賢之疏疊上
乃至雲臥十載邑里不知有相公卽今草
宿一丘子孫幾若無門地何愛贈廕之常
典以成 聖明之曠恩

杜南集

卷之五

吳淦草

五

題原任詹事府少詹黃輝贈廕

十八日

爲照本官學期致君文足經世家實南充
之真蹟人傳東觀之清徽聲重官僚明效
臯夔啓沃之益心枯講席陰存園綺羽翼
之功震宮之風雨旣除午谷之梁木旋萎
爭惜齋忠以入地豈令及子而負薪

題原任吏部侍郎趙用賢錄廕

爲照本官忠懷性篤宗社慮長笑他結舌

而避權門不如指佞之草懼我諱言而搖

國本難見采芝之人用是受杖殘軀報

主之心愈切賜環餘日翼儲之力彌堅三

疏可無媿於周昌一官豈有愛於趙武

題南京戶部侍郎孟養浩錄廕

爲照原任南京戶部右侍郎孟養浩衡峴
挺骨瀟湘蕩襟震位可安卽霆摧其奚怵
前星旣朗廿天放以長終追捧求舊之綸

杜南集

卷之五

吳淦草

六

李倡盡瘁之義開府雖止數月而陪京之
壁壘一新地卿甫閱半旬而遺老之風徽
益盡以死勤事共嘆藐孤之失怙惟帝念
功當示廉吏之可爲

題原任大學士王錫爵考滿恩典

二十

月廿
六日

爲照本官純忠天植丹悃上孚遵陸之歸
主眷彌渥納牖之約獨志彌申光躍虞淵

功不尸其夾日波澄少海人不覺其回天
屢搗辭秩之謙用倍再滿之典首揆自甘
於處鐸榮施可缺於及泉

代覆文選司郎中李待問養病

爲照本官澄心定力朗識精操蒐幽仄於
三朝渾方隅於一軌當明聖泰征之會
正東西震號之秋用人之格幾窮典劇之
心獨苦方需啓事其如頰尾成勞正倚持

壯白集

卷之五 庚餘草

七

危暫許長林息影

覆闍幽疏 正戌年

爲照各官五嶽挺骨三光誓心少海之瀾
可迴遙知滅頂前星之色既正甘自埋
光至力折虎冠而身沉園土血傾螭陸而
影落長林一事嬰麟各夢之人併案一官
忤 吉連株之坐無遺方俟河清已集坐
隅之鵬漫憂天墜祇從地下之龍幾人黃

髮登朝強半白楊覆瓿闍幽屢疏憑弔

賴有老臣悼往同心幽冥忍負良友是用
承疏奏於撫按衷遺事於子孫叅以公評
分爲先後計受禍深淺爲覺報重輕馬鬣
烟深藻繪忽施白骨鳳毛塵黯光華載映
青箱是固也一人之麗洪實亦繼兩

朝之志事也除將咨訪未備陳乞尚稽者

容臣等陸續酌題外謹將原任湖廣按察

壯白集

卷之五 庚餘草

八

司僉事等官馮應京等分別等第廕子贈

官庶泉路九重感白日之深照君恩十

世結玄壤之長春於以勸爲善而作願忠

所裨風教非淺鮮矣

功司

覆東安縣知縣陳某調簡通州知州

曾某追降

五月初三日

爲照知縣陳某惠綬無術脫削是聞大

計已有煩言小懲猶爲漏網姑念偏才可
策另容一割圖新原任知州今聽調曾某
巨蠹兒因長懸三獄坐滿盡諾總匪一人
委審已難復收方州豈容再濫

覆蘇州府同知沈某議澤勺容縣知
縣林某改敘

爲照同知沈某倖郡未踰半年露章遂至
多款代庖劇邑俄聞狼籍之聲授柄衙官
任張狐假之焰特以履任猶淺三視可寬
雖其得賊未多一鐫奚免知縣林某性近
恬淡事少剴裁案積糧逋已露五窮之狀
叢移阿倒終非百里之才製錦總難見長
司鐸暫堪藏用

覆原任吏部文選司主事今陞福建
按察司僉事王仇養病

爲照本官風規雄發識鑑孤明鶴廳尚想

遺徽鯨海正資秉憲頃因骨肉多變遂至
哀楚傷神未能負藥裹而之官暫許嘯雲
窩以養望

會題太僕寺少卿何某鐫職 十五日

爲照本官勁草風聞泰茅再拔乃以募兵
居奇貨致煩糾彈復以贊畫殫清卿貽譏
虛目逢人狂噬謬擬豪氣未除拜表輒行
還望死灰再熱總是倒行於日暮應已自
奪其天秉甘受維鵜之嘲全非爲 國先
鐫趣馬之秩姑戒營私

覆銅陵縣知縣李某改敘

爲照本官病廢殘軀耳目手足已不能自
主臥臨巖邑錢糧獄訟豈復能躬親是以
提線索者不必公庭而穢簞簋者卽於牀
簣雖賊私未必盡入其橐而地方固已實
剝其膏幾以病魔爲錢神遑恤其綰綬未

久難以花封當樂籠計惟有寒瓊可還

覆順慶府知府楊某革職

廿一日

爲照本官當賊勢初狂似能坐鎮及省圍既解反急行休徑去敢爲銅墨倡不問代題予告疾歸猶恐刀兵及安取畫壤分符始特少忍以避逃死之名繼遂乘機以蹈全軀之實置此不問共患何人念曾拮据許時姑免其逮訊顧甘奔迸窮日寧齒於

北日集

卷之五 奏餘草

十二

冠紳

覆長沙縣知縣李某重降

廿九日

爲照知縣李某倚賦攫金鬻獄填壑托腹心於巨蠹通姻婭於小民情有偏鍾惟是眼中阿堵體已全棄何知頭上進賢當正嚴守令之時似難容堯舜之世姑以年力線路稍寬罷斥深文

覆夔州府知府宋某能安府推官李

某俱革職

爲照知府宋某居官不能離垢臨難偏解脫身圍中方倚重夔門馬首已直趨燕路雖托言入覲而蚤脫已近於逃卽業經察處而閒住未彰其罰推官李某司刑不肖懷刑聞變惟恐催變豈獨無守土之責乃敢冒望風之奔病卽適會其時猶當忍死以親鞭弭歸實潛行其意安得匿影以

北日集

卷之五 奏餘草

十三

竊簪紳

覆通政司添註右通政劉道隆養病

六月初五日

爲照本官司耳目於梧掖懋著直聲扼喉舌於銀臺彌彰亮節十五年家食隱淪之色方開四十載國恩報稱之心正亟徒以沉絲嬰疾遽援止足乞骸刀圭倘效於青囊束帛更期於白髮

覆遵化兵備副使高捷養病

爲照本官留心黃石不徒以文字名家投
袂黑山直欲以韜鈴報國書生乃能料
敵正借箸於危軀志士不忘枕戈忽搯腕
於奇疾合詞代籲知陰陽之患已深一七
自扶豈輦鼓之思遂絕

選司

覆世襲五經博士張文運

十四日

杜曲集

卷之五

笑餘草

十三

看得先賢張載並周程朱稱四大儒合濂
額間成一正統西銘共華嶽不朽正蒙與
金天爲昭傳家空有五經延世獨無一命
同德殊報卽三賢亦恫於厥心異世均褒
庶千秋不泯其遺業幸轉徙猶存華胄豈
文明尚鬱熙朝固宜錄以世官於以彰
夫往詰

九卿公掾刑部尚書王紀疏

七月十六日

題爲 國法宜明 國體宜惜共效愚悃

以祈 聖鑒事臣等處切封疆計圖保障
凡可以飭戎振武釐奸正罪示鼓舞而明
創懲通國之人無不奮厲而況於羣臣又
況於大臣若刑部尚書王紀敫歷中外素
著清貞三尺不撓羣望攸屬而一旦以前
籍去說者謂其近與閣臣沈淮相攻章疏
大過不無失大臣共事之體卽臣等亦以

杜曲集

卷之五

笑餘草

十四

爲失體我 皇上以大臣之體責之亦應
以大臣之體議之今乃以佟卜年劉一燾
之獄而遽有革職爲民之旨通國之人
無不驚懼夫紀掌邦禁雅稱虛執凡遇大
獄審之無一不詳慎罪之無一不按律絕
不敢以狐兔之私而失犴狴之公何有於
佟卜年又何有於劉一燾輩而曲庇之耶
果令曲庇奸細將清議不直公論不容而

臣等義切同仇猶敢合詞申抹以取扶同欺誤之罪耶伏思紀於此獄迹似稽延而心實詳慎如不俟證佐而立加擊斷恐無以昭至公正大法而服人心又何以肅主上之威而永垂懲奸之令法司問結之遲意或出於此乎我皇上但罪之以遲亦自無辭如以少遲而輒蒙削籍之譴在紀策蹇出都門既釋重負且有高名南山之南北山之北復何不自適但當東西交訐之時奸細未得情而都官先褫秩寇賊未大創而老成先遠斥誰敢復爲皇上持法之平以飭三典而服四方者昔李道裕議張亮云反形未具唐太宗始不即從後乃追悔竟遷道裕爲刑部侍郎張亮成在刑部法寺以成案上大辟閱首未得其情因請覆實囚果誣服者遂奏山之時

法寺抵罰而朝論欲以爲賞今王紀固未嘗言反形未具亦未嘗言大辟可寬卽果從平反亦或不失道裕九成之意而祇以問結不蚤遂蒙嚴譴不將悔深於唐宗而美遜於宋主乎臣等知皇上英明天縱不過偶激於封疆之多事奸細之屢乘而特以嚴旨震之俾寇賊明知奸細之必不容併責及於詳慎緩問之大臣耳非故爲苛求也蓋皇上之所飭者法也今法司見在會審爰書不日具奏國法自明臣等之所計慮者體也老臣之一身似禁天朝之九列如毛國體亦所當惜我皇上之威雷霆也我皇上之量則又天地也伏望聖慈顧念國體特垂弘仁將王紀俯賜召還加以罰治舉朝臣工自無不惕皇上之威靈并

戴 皇上之慈惠矢心殫力輸赤竭忠以
報 皇上於以共襄 國事靖奴氛而奏
底定之勛皆我 皇上之恩威所致非渺
也

題陞山東右叅政錢士晉

廿四日

爲照本官時值艱危心勞輸輓舟車鱗集
芻粟山齊海不委於颶漂陸不號於雨窘
雖司閫者不免齎盜而督餉者已竭邊籌

壯由集

卷之五 焚餘草

七

况前勞未甦而後責綦重任兼南北事併
淮津將百萬石之軍儲復載其辛苦而數
千里之舟楫重播其夢魂何愛序轉之常
銜用作勞臣之特寵

題考功司主事徐楠給假

廿五日

爲照本官流清譽於水曹贊英猷於樞署
迨分銓鏡彌瑩冰壺妙握人倫之平一澄
吏道之雜領袖堪當裴秀風流不數徐寧

正需佐劇以匡時忽思培塿而投牒忍因
王事靡盬辭其明發有懷暫許歸訊其松
楸旋佇晉康夫梧鳳

功司

覆韶州知府吳士熙通判翁日揚始

典知縣周之士復級

壬申年十二月初九日

看得失事降級固以警其前疎平賊責成
原以策其後振吳某翁某能不以偶折自

壯由集

卷之五

焚餘草

六

沮鼓勵鄉勇犄角官兵戰守百方俘馘千
計而深已飽士冒刀轉輸尤有足多者周
某初入殘邑遽逼狂氛然賊竟不敢窺城
而訓練益勵間左皆兵肅堞保境捐資犒
士魚釜大捷實克佐之吳某翁某功足準
過周某功更浮於過復其原級固激勸之
術亦 聖政之平也

覆獲鹿知縣薛某閑住清豐知縣趙

某降處樂城知縣胡某調簡

看得薛某志在侵漁人皆縣令公輸方苦竭蹶而微解科罰又出何名失入固非祥刑而人命盜情豈容亡法處以閑住始足蔽辜趙某已欲無染而借叢已多下實藪奸而倒阿罔覺不能精明以飭吏治合示降處以肅官常胡某邑當孔道智不周身既乏料理之才兼多旁竊之實緣索客人提弄乖張難自解免姑以俸淺量調徐令小試見長

覆臨沅道謝士章養病

初十日

爲照謝士章抱病粵西已經乞休者三非因轉官而後稱病其爲真病可知况臨沅何地夷氛初息善後宜周卽在事猶難臥理且復沉緜原籍安望投袂天末以壯長城乎雖才品未忍遽捐而精神必難強起

應准致仕庶免曠官

覆平陽府同知李某降級

十一日

看得李某擅改已成之招爲懦弁出脫卽意主矜全而不知寬一弁則競思退怯自完誰肯勇決殲賊封疆事大奈何不能持法至徇一弁而忘國恤乎合行降級示懲俟有治狀可紀另行奏薦開復亦足以警失刑而飭軍政矣

社曲集

卷之五

笑餘草

二十

覆衡州府通判楊枝新罰俸邳州知州甘天植調簡

看得楊某以署篆之官墮衙役之局宜其起解不前屢催靡應也念係代庖且經陞任姑就新任罰俸示懲使知有誤漕政者卽離地方亦必追論也甘某身處災地復重之以慈柔卽一時勉副檄催而浸久必多違擾將令姑不成催科究不成撫字地

方滋累有不可言合行量調以全器使

覆登州府知府郭封降級 十二日

看得郭封督運草束至違限八日戰馬可
一日不秣乎卽運弁不能戮力而有誤軍
需豈能以文吏卸責况身爲登守當急思
恢復如去負體之疴顧作隔膜之視耶合
令降級管事庶知竭蹶急公

覆原任河南副使史孔吉免議

北山集 卷之五 於除草 王

爲照史孔吉敷歷著聲兼以忤璫得雪奉
有挨次授補之 旨品行可知祇因伊弟
贖產啓釁致狂生誣嚙屢瀆 宸聰然單
款皆屬虛無疵癥從何吹索且伊弟既經
擬配已足謝叫 闕之狂心倘本官復加
深文恐益長豪矜之囂習未嘗庇弟旣法
以申在原之私應免爲弟受愆以解株連
之網於以閑士習而全縉紳想亦 聖明

恩威互濟之盛心也

覆洱海道副使竇鎰復級嶠峨縣知

縣陳某閑住 十九日

看得竇鎰前有守臨之功且總兵晝戰火
營夜攻殺賊全城具見方畧及其辭歸洱
海未至楚雄而狡賊乘機分身無術比到
楚之後飭兵措餉兇渠就擒逋穴盡掃廣
通南安次第恢復咄嗟應變懋著成勞而

北山集 卷之五 於除草 王

姚安駐劄之地賊向不敢窺境尤見綢繆
之素有此力臣而終令以道屬先事降級
戴罪將無灰圖功自贖之心乎陳某始旣
失事後復潦倒以邑奉賊但藉口於無城
而縣治旣復之後不聞繕甲礪兵惟解嗜
財砥憤飛鴻無集澤之日接軫有伏戎之
虞何以甦殘邑而保其不復顛覆也處以
罷軟自不爲苛

覆覓西道丁某調簡

十二月十九日

看得丁某分巡覓西實當曹濮賊藪東平素號無事猶不免竊發又何以坐制曹濮乎卽曰鞭長不及馬腹而旣爲屬境復當借誰綢繆故不得以遠爲解也地重望輕且伎倆已爲伏戎所窺似應降級調用而不得以缺人議留至於違才長亂者也

覆賑院題原任工部主事呂某捐濟

杜白集

卷之三

文餘草

三

請旌疏

看得呂某以貪華職誠負風愆獨其能以悖入爲厚施猶愈於歛怨自封而不顧鄉里之啼饑者且三千金所全活不少而旌勵明旨亦不可以不信民人捐助荷旌榮某雖革職獨不得從民人之例乎況業借其貲爲饑民續命而念舊惡以背新旨後有急呼誰肯復應但恩典

出自朝廷或准冠帶或令建坊未敢擅便伏候聖裁

覆工部主事馬權奇罰俸

二十一日

看得馬某以外監督與內提督共管河博岸工程頃以水令停工將堆貯木植盡責管守之人外固未嘗委之於內內亦未嘗委之於外也而看守不確倩代非人以致失火延燒石忠等罪不容追固內之所不及防亦外之所不及料也但權奇旣爲監督雖看守有應罪之人內外無互委之咎而曲突徙薪爲慮不遠自當分任其過量示罰治以警意外之疎應難以停工無干禁內有隔而竟置不問也

覆坊官陳二能降級戴罪

二十七日

看得陳二能失事近郊已無辭於溺職告警輦下更疊見其疎防雖兼管不能分

身而受委總其信地向令巡警倍密何至偏犯該坊且至申報久稽猶若不聞有盜應令降級載罪以俟盡獲益愆者也

覆濟寧州知州王孫蕃降級吏目白之責革職 癸酉年正月初六日

看得王某實握州符應嚴獄禁矧當勦叛之日可令嘯衆而逃雖多陸續就擒尚未一千盡獲合加重降庶警疎防白某職端求盜乃至縱囚圍扉竟若無局州境幾於釀釁大費追掩之力猶遺通煽之魁業至決防何辭革職

覆永平道王凝祚復級 初十日

看得王某扼險建臺俸薪可割殫心設備車砲皆新善調主客將卒之情屢收執訊獲醜之効洒盡熱血克鞏危疆策勵固有殊猷開復應昭特寵

覆馬湖府知府沈泰沐致仕

看得沈某不墜家聲克舉郡職徒以二豎爲祟急思三徑歸休雖巖邊正倚綢繆而真病委無假托似難責以臥理應卽遂其生還合准休致病痊另議者也

覆河南府通判楊某開住封丘知縣任某降調開封府同知喬某調簡昨城知縣某某致仕 六年正月初六日

看得楊某識昏而好強項才疎而恣深指催運發兵因爲乾沒鋪行爐戶咸盡錙銖至濫入贖鍰苛扣工食總以署縣爲奇貨者處之閒住庶警代庖任某賦性疎庸當機關塞授阿左右衆得侵漁不能明作收權應以降調明罰喬某嘖笑俱爲人用耳目不能自持徒恃我能潔已不知下解爲奸政拙催科心安廢閣佐劇自難游刃調

簡庶克操刀莫某年近懸車神疎袞錦庶
務豈能臥理積逋誰爲催徵旣難發響於
絃歌應卽尋盟於松菊

覆懷慶知府別某河內知縣楊某重

降 正月初九日

看得懷慶知府別某河內知縣楊某當流
寇冲斥之際雖和民修備使郡城無取威
賊却攻稱門庭克固然修武則懷慶屬邑

卷之三

卷之三

卷之三

卷之三

也血流市井誰膺保障之司清化則河內
巨鎮也慘極焚杆安取牛羊之牧總是地
方失事加之重降奚辭

覆原任提學轉光祿少卿曹履吉調

南京衙門

初九日

爲照曹履吉文行兼優士林雅重至督學
中州如撫按所覆文聞得雋者案首十九
遺材止一冷面精心允稱學臣之任此卽

部咨科薦之確據也借竇原無風影京堂
自非佯推徒以交多譽廣取忌招議合調
南京衙門以信覈實剖雪之 旨一

覆博興知縣趙某閑住德平知縣劉

某調簡平度知州李某致仕 二月初一日

看得博興知縣趙某意存腹削柄委吏胥
滯獄經年閤堂如市車錢大價任積猾之
科侵買馬募兵供多奸之尅索指無微而

卷之三

卷之三

卷之三

卷之三

不染形雖具而不靈罷軟如斯閑住宜亟
德平知縣劉某神情不能自用線索多爲
人操用致比較而完欠不分浸使罰贖而
曲直無辨至於各項有所指索皆因羣小
爲之欺蒙踰閑似非出其本心調用或當
更其故轍平度知州李某原任定陶已盈
廳鼠之腹量移平度全無精衛之心新復
殘城難堪潦倒之故智半死餘息安望整

頓之雄圖急以老疾勒回庶使子遺蒙福

覆廣東巡按梁天奇題報羅定情形
分別功罪疏

看得羅定當遣兵追勦之時流寇遂乘虛
煽結而起顧賊衆初僅滿百而州官急不
能殲用致殞將損兵自取革職提問黃通
理無容復議矣該道張卬翼羅定雖其信
地履任尚未到州然能策應多方不致敗

春曲集

卷之三

奏稿

元

初踵至向令藉口初任誰爲援枹疾趨以
此思功自足贖過陽春知縣柳鍾華新興
知縣謝國柱賊雖犯界力能峻防且俘賊
振聲使披猖奪氣不致爲羅定之續自應
寬失事之辜所當與道臣張邦翼均微免
議者也至於嶺西道王道元投袂抒籌纓
冠赴急捐金鼓血戰之士扼要施覆掩之
奇用是羅定道得以協應著勞陽春新興

得以乘勢保境不致養寇狂突遂得夷難

網繆允應紀錄以爲實心勦禦者勸至李
應蛟雖受事方新然職捕誰誘倘能設奇
應卒何必觀變多時姑以未熟情形稍爲
奪依懲處

覆廣西按察司副使莊日宣齋捧惠
病 初二日

春曲集

卷之五

奏稿

三

看得莊某敗歷著聲清方佐憲瞻 天有
日方竭屨於中途衛足無方乃褻瘡於邸
舍雖表文無誤於類進而 嵩祝實苦於
隨班心則何安竊思違 顏於咫尺情非
假托實因疾痛而長呼所當照有疾例
准令致仕者也

覆荊州府同知蘇鳴瑜開復 二月初

看得蘇鳴瑜廿以前官之那借任爲署篆
之愆尤極力追償無虧原數精心幹濟竟

濟急需應還俸級以爲任事之勸

覆惠州府通判廖某革職封川知縣

汪某開住電白知縣劉某降調

初七

看得惠州府通判廖某以衙役爲鷹犬攫取無遺以百姓爲肥甘刀俎靡廢鄉官可以嚇詐何況閭閻主簿亦能橫吞安問氓隸至於指爐商爲盜賊斃多命於桁楊倒索金以歸囊分子女而爲婢情尤奇慘事

朱某

朱某

朱某

朱某

最駭聞一橈未足蔽辜貪處所當盡法封川知縣汪某鬻獄加耗大開可踰稅契修船小節奚飭過送手授惟知愛我家兄較兩秤鉢寧復顧茲赤子不謹閒住夫復何辭電白知縣劉某醉鄉之夢不醒訟庭之線誰提兌支勒軍祇果吏書之腹濫委枉訊總彰過付之權銀匠之賄可通刺囚之逃不問縣事若無關於我官評將委責於

誰

覆大足知縣喻某降調

看得喻某性既不靈膽又無決亂生堂下若罔聞知縣結年餘全無消弭使怨叛不免於狂逞而勢豪竟至於慘夷明係厝火而待其然誰爲室穴而防其潰釀變如此溺職當懲

覆潛江知縣文某臨湘知縣朱某俱

朱某

朱某

朱某

朱某

革職沅江知縣陳某重降衡州知府

何某調簡

初九日

看得潛江知縣文某阿堵薰心廉耻掃地扣剋佐其科罰濫獄滿於空舍切盜換以平民良家奪爲霸妾編審之買簽抑末田產之賄斷猶織破臉不能爲夫剗肉豈堪作吏自應革職用以懲貪臨湘知縣朱某操提不飭志氣多昏轉兌解糧一任吏書

科派合封簽點專從里甲搜求因比未完
漁及苦役私剋。觀費殃及窮僧亦以貪
懲並行禱片沅江知縣陳某以徵解爲利
藪借喂養爲羶囿倒曲直而濫罰是聞恨
條陳而鼓譟罔恤高閣上司之禁約恣行
一已之乖張雖任未期年而答應重降者
也衡州知府何某身寄醉鄉惟知濫准可
以多罰心擅權解不思添耗乃以累民寄

杜由集

卷之五

焚餘草

三

耳目於小人而獄無一直資票取爲活計
而價止半償至以生辰爲漁尤覺郡體不
肅應移簡僻用策桑榆

覆任縣知縣梁某革職元氏知縣劉

某調簡

看得任縣知縣梁某身爲谿壑心競刀錐
修城濬河借以開騙局轎夫庫吏剝以充
私囊御馬取之寒生京債填以富戶罰磚

罰穀攫金曾不見人償命償奸漆指何知
有法初政盡已掃地舊薦難以蓋貪元氏
知縣劉某正以壯年偶嬰沉疴數日一視
事積牘誰消衆手雜操權多門莫杜捕官
之狐假日甚書辦之叢借時間孰使聲冤
宅門奚自私攤俵馬總以病魔未去不知
民怨何來應示息機合從調用

覆爲循例糾劾不肖官員事

十七日

杜由集

卷之五

焚餘草

三

看得河間府通判喬某心腹全寄書門指
詐不分皁白訪犯恣爲出入運官一任苞
苴是何衙門也而濫收聽用么膺賭博耳
而亦肆誅求不謹如斯允宜閒住滿城知
縣鄧某羨餘何名而甘於漆指皁快何德
而聽其橫行懸坐庫吏之賍監追共駭衆
派守宅之卒幫貼爭譁填壑已深革職非
過靜海知縣張某公堂非臥治之所耽閣

滋多錢糧乃假手於人欺瞞罔報修築不
俟農隙守城派及富民明作之効罕聞簡
僻之移應亟完縣知縣趙某自許不讓古
人官評似私寮友簿尉共事耳目豈其難
周賢否倒施意見何以獨異品題已誤才
具可知調簡示以薄懲率屬庶知嚴察

覆爲懇恩復咨以敘微勞事

十七日

看得武邦達先以緣事劣轉後又奉 旨

北由集

卷之五

文餘

三五

復官部寺疏有可憑城院議皆稱屈雖微
職之再然似創而歷案之公道難磨復准
院咨難稽部覆合遵前 旨准復原官

覆爲循例舉劾兵馬官員事

十七日

看得孫某揆門科斂縱賊攀通賄囑錢神
有靈誣指盆冤莫雪八家被嚇而投杼五
城共笑其攫金已經留憲再懲合示考功

一疏

覆爲循例舉劾有司官員以肅吏治
事

看得廣信府通判賈某識既髦昏柄多旁
竊署縣而不清出納督捕而靡戢荏苒妄
希縱囚之風酷受索連之擾代 覲而憤
形於色聽斷而叢借於人自應引年勒令
致仕九江府推官張某伎倆深於寮友威
福借於吏胥科糧之添搭何名罰穀之禁

北由集

卷之五

文餘

三五

約罔顧饗新生之代幣戀去任之餘殖率
以日暮倒行應照不謹聞住崇義知縣董
某逸生影弄於入幕衙役指索於貸金懸
示而開告找之門編審而創履畝之罰青
衿以棟宇爲祟富戶以冠帶增科負穢已
深聞住宜亟瑞昌知縣裴某以空批誤
國計以浮案追贖緩做睨招謗於逃生凌
侮不容共屬佐驛夫借餉酒而媒騙 大

祀因酣飲以失期事每任其疎狂法當繩以浮躁

覆爲糾劾不職以肅吏治事 十九日

看得陝西鎮安縣知縣高某行戶與里役兼漁詞訟與錢糧並尅賣積惡而縱私礦鬻富橫而扣流移獄情困苦多冤越訴又加重責但愁慙整之難滯不顧民命之莫支處之以貪法乃稱允山西孟縣知縣王

杜曲集

卷之五

六餘草

七

某抱癰疾而寄手足於人沒商緝而獵僉報之利里長誰查而受罰倉穀私放而侵除詭寄反以爲私奸占可以不問總憑楊借於猾吏兼托城社於醫生念因二豎奪靈姑以一罷塞答河南懷慶府通判李某料價何以不償房產詎容徑霸餽遺雜進扣勒屢彰妒張同知則云職掌而濫收詞訟豈職掌宜然赴清化鎮則云捕務而坐

視摧殘則捕務安在欲謝一方之命應從三禡之條陝西麟遊知縣藍某身已失其聰明人盡行其騙嚇改戶改罪錢神呼吸可通微課徵糧國計侵留不問景已迫於昧谷神益昏於夜行老疾何辭餘肋難總

覆爲循例入境糾劾不職有司官員事 二十日

杜曲集

卷之五

六餘草

七

看得慶元縣知縣陳某與吏民通交際鈞取偏神借編審作生涯誅求殆遍折夫而公出亦居奇貨折席而查點不作空行囊四十金則謀嫡殺女可以不問進五十兩則童生第一得之如携雖繇羣小亂管難解本官不謹武義縣知縣高某聽主簿之撥置而丁口濫加致生員之聚譁而徵收無藝銀匠何辜任猾胥之蠶食富民多累

供腹蠹之蠅管刁悍原自難馴沸騰不爲
無據自應重降以示創懲嚴州府知府吉
某素有能聲亦無穢跡過以明作自任而
令監追者以囑托行私欲以稽察爲能而
致查船者以乘機恣詐總之負氣似有餘
於才而失調乃自速其謗應移簡僻徐試
後圖

覆爲起解苑馬以濟急需事 二十日

杜由集

卷之五

文公集

五

看得萬安監正張某京馬何事漫不經心
驗解臨期僅得盈半定因率牧無術以致
虧額偏多合示兩鐫以警六牧

覆爲重地需人正急道臣痊可無期
事

爲照王則古備兵危塞抱病逾年當東奴
西挿之衝兼軍餒餉絀之際豈能以呻吟
當策畫更難以偃臥代馳驅覆 請旣無

異辭控陳實出真病曠廢已久 尤去難
稽

覆南京兵部尚書傅某解任

爲照傅某淳著風裁夙隆猷望留樞重任
方期益殫忠勤 睿慮殷憂乃至屢加詰
責誠望振弛實伍用稱腹心干城而且補
練無閒徒以開糧爲解靡慰 聖明之遠
計誰抒根本之深謀旣已乞身應卽 俞
杜由集 卷之五 文公集 五

請用昭臣義亦示 主恩

覆爲懇乞 聖明俯准開俸以勵後
效事 二十一日

看得密雲知縣荆祚永典史高應祥因久
雨不戒致強賊越逃幸天網不疎已照數
盡獲追緝不遺餘力印捕各矢深心旣能
竭蹶以補且合示 寬恩爲激勸

覆饒州府推官朱天麟開復 二十二日

看得朱天麟向以試事降級今已策勵三年一片精心兩院確報如覈侵那而清出錢糧以數萬計督運賦而完解銀米以數十萬計兌漕奉紀錄之 旨積穀著逾額之功疏一百餘犯之滯冤擒三十餘名之夥盜治行頗有實蹟臚列定非輕徇可與註誤相當合先開復原級獲奉 俞旨方准給繇者也

杜曲集

卷之五

奏稿

聖

覆爲循例舉劾教職官員事

二十二

看得興寧縣儒學訓導藍基全用市心濫汚師席以官墻爲阱而民苦近聖之居以局博搜金而門有孤注之姪勉及屠戶肉食可慙責及新生師模安在處以貪例滌彼泮宮四會縣儒學訓導李某既爲人師應顧名教家降賊穴罔其不幸之遭身入賊營豈非得已之事雖議撫爲地方起見

而稽誅非士論所容清範盡際閒住非過

覆爲道臣真病勢難供職事

二十三

爲照徐如翰能以文臣懸著武畧方在查敘亟請歸休自非實迫沉痾肯不少須臾實且其盡瘁於身臨矢石之日而 請病於事平論敘之時決無規避別情何堪久臥妨治

杜曲集

卷之五

奏稿

杜曲集卷之六

刻上戴渙有斐著

啓

啓本部左堂

壬申年

恭惟老先生台臺文起代衰道援世溺蚤
虛公輔之席暫貳統均之堂以不得禹臯
爲已憂知人則哲以天下饑溺爲已任得
人謂仁爰至梗斷溝中青黃亦及遂令夢

安世外 綸綍重驚職某性植迂愚心甘

退寂通籍二十載歷官未滿四年予假十

一春守拙久安三徑猥承蒐擢不遺欲深

欲密之人重藉主持潛奪衆响衆鑠之柄

冥鴻返翮感聲氣之有宗振鸞歸行喜典

型之可率肅清銓路敢員知已雲霄座溫

屬員肯沒孤懷風月爰自秋仲出祖擬近

冬杪還曹

云

啓本部右堂

壬申年

恭惟老先生台臺直道持世正色立朝
蚤貳風紀之堂佇正統均之席矢公忠以
定國是玄黃自消蒐正人以襄廟謨
方隅不局爰至久沉幽草亦荷籠收遂令
積鋼陳人竟塵吹送職某迂拙無似淪落
有年十一春息影雲林已斷清華遠夢二
十載通籍天府僅存郎署空銜非藉乘

杜曲集

卷之六

二

高之招能復備員銓屬幾勞回黍之律寧
甘戀棧衡門浪說裴王畢竟清通安在漫
誇顏謝那能嗔咲俱靈自山中來祇熟品
題花鳥栖人外久寧知倫類妍媸闇昧填
胸恃懸衡之如日孤愚躋俗賴覆頂之多
天

云

上茗水太宰啓

壬申年

恭惟老先生台臺道光夢賚哲秉帝難統

均功著而不居 明聖魯深而勇退海內
之想望未竟 朝端之欽佇轉殷矣職某
十年斷梗一壑枯踪同鄉之冢宰入 朝
不通半字隔世之銓郎在野誰弔孤貞嬾
習稽生自分終身空谷癖同趙壹爭傳無
意出山猥荷曲提獲免長綢惟幸銖裁有
恃都忘迂昧難瘳顧小草尚淹而价藩已
撤憂心惓惓行道遲遲日望台星入吳時
杜山集 卷之六 三

看卿月迎棹乃以呂城夜半驚聞仙鷁南
飛既不敢僭挽蒸徒又不便還隨鼓枻滿
腔快靄徹曉躊躇卽一望見無因益嘆嘆
孤有數粉榆堂屬盛事偏新於畸人道路
逢迎長懷亦度爲虛願何人瓜葛還留晦
室之燈滿眼風波誰授迷津之楫需力代
叩敬瀝愚誠伏惟俯賜鑒原兼望遠垂提
命

答王芳洲父母啓 乙亥年

恭惟老父母台臺揆天鳳藻扶日龍光烹
鮮之最久騰特養和羹之望馴雉之聲蚤
著更培納麓之基翠積金峩聳巖瞻於四
海風高樊榭起仙舄於九天已遍視草之
班曾結種花之局某自甘閒退誰訊丘阿
俗眼望氣而青獨荷破羣之異矚世齋隨
春而轉偏承呵凍之高吹顧夢鶴齡鑑魂
杜山集 卷之六 四

不離於赤壁月松風草賞已結於雕山惟
看筆繪五雲一洗詞頭故套天承八柱具
瞻鼎耳新猷檐下負暄靡獻野人之曝梅
前途使忽生黍谷之春 云

賀林福愛別駕啓 乙亥年

恭惟祖臺才鍾間氣品不猶人作令惟知
字民不以漁獵爲援結之地居官但言任
運不以管護爲華膺之謀河北一麾方轉

三臺之生氣而東再駕更發四窗之光明
朝廷綜核之權屢爲要人所借丈夫堅定
之骨豈因失路而移顧自昔鄙無災難公
卿而從來稱有缺陷世界途或偶舛可不
問章惇所爲時有必逢終不效公孫曲學
槐棘原來無恙祇增仕路波瀾鼎衡固自
有真但咲世情番覆某幸依德宇蓋亦畸
人特喜收苦尋聲偏屬退位菩薩都忘信
本日集 卷之六 五

答許平遠海憲啓

伏以鄒風却東蚤開灌海之水趨日噓陽
倏轉明山之翠三區輻浪扶桑漾出三微
六島銷氛太簇吹還六琯花皆有信草盡
含芳恭惟祖臺心調玉曆手正金衡臘未
獻歲而殘送寒偏有急律春先除夕而到

迎喧預得遲暉鈴閣威聲不借辟妖爆竹
和門氣色寧須翦綵催花村巷大醕有異
尋常蕭菽軍民相賀別成快活年時某欣
覩太平已分梅柳之淑氣更饗春渥有踰
椒柏之清馨窮山知道春來不用釵頭集
燕寒壑看他梅咲豈因盤裏傳辛 云

答史奕部

丁丑年

恭惟台臺道存三代峻添石屋之峰氣協
北日集 卷之六 六

八風平濬中江之脈親疎不得一以正色
孤行番覆無端直任時情百出顧遵養之
極偏欲盡掩三光而純熙之來正在全靈
五嶽真人究還天際清議豈落霧中某端
愚自性不解逢時執拙從心何知避繳卽
今遍地是賊豈皆勢宦爲驅但令塞霧有
人安用父兄濫及况半而不識彼此皆四
海九州之人片紙不通始終因世道人心

起見爲 朝廷持法肯令善訐有權爲縉
紳防微敢於無罪加等政府游移其語祇
爲網盡之謀 主恩昭鑒其心幸無終錮
之意方喜生平有以自對私謂議論原不
相阿故非借風波而納交何圖推茶蘖而
致感姜素老已示倦雅佳公子復布高情
開緘恍得識荆辱詆豈在將幣惟接寵光
於紙上已拜稠疊於意先幸毋督其不恭
杜牧集 卷之六 七
卽是信於知已

答陶宇英啓

恭惟某台臺具區剖秘英巨發矧蜚駿詞
場江筆儲鳳池之彩烹鮮巖邑宓弦含虎
觀之風喜粉社之蔭映方來羨 綸扉之
調變伊始某方枘觿世斷梗甘心枳我未
休復塵留署對人無味悔脫初衣徒以經
時既有名流沉陸無殊長往踴踪寒卽任

梅花之咲人遠翼高雲傳黍律而烘雪捧
瑤函其如覲更從波斯船見玉笋之班拜
瓊甌以何安况疊天孫錦爲朱題之藉謝
惠謝放心醉心銘

啓李映碧司李

恭惟台臺寰中間氣天上文星石渠之席
久虛 綸閣之武佇接祥刑旣著前水遁
通鳳池嘉肺無寃瀛洲卽在蛟海 天方
加惠幸桑梓之更生 帝實旌良忽鋒車
之夙駕賁弼符夢端在此行攀轅借郇共
苦無路某五年芘厦時覺夢寐有依三台
望星從此輝光漸遠况越在留卽無緣旅
進領加惟遙矚仙塵以當千里膝造

候堂翁鄭太宰啓

恭惟某台臺翼猶楨國憲德宜人績奏陪
銓尚爵帝難之哲簡隆公輔方香甌覆之

名百世可風而清不絕俗四方爲則而善
與人同如蒼生何中外之想望正亟維君
子命 廟堂之虛待方殷朝士舉欲有所
依歸屬員蚤喜得私稟仰某違時成性遺
世爲心惟幸獲侍正人實慰半生之欽渴
是用急圖利見自矜曠代之遭逢倖伍暫
離祗謂龍光可覩泉育雖破猶然泰仰未
酬望堂階而拜覲無期依郎署而覆持安
社和集 卷之六 啓 九

托顧未容司馬在洛考慎應有深心共佇
李綱入朝疏逃咸棲大厦豈以坐隔春風
爲恨正以身沾霖雨爲期職任所羈馳謁
未便肅裁短啓用布愚誠

書

與陸貞吾書

時以作增放還
丁卯年

頃見越中諸君能作此時勁草心甚難之
正恐吾明不能載半今得年臺始知雪竇
金我之乏巖巖正骨諒年臺亦必自以爲
賀嗟乎白衣蒼狗轉盼易形今日得意之
著正在不與時流同富貴耳

與黃符卿書

丁卯年

北山集

卷之六 書

去歲秋初曾托起貞便郵一訊道履竟以
不值持還千里相思度於鴻臚又一年矣
如何翁臺無端牽蟻竟不知當事者作何
處分是非卽不大明定不大謬雖邸報掛
漏知翁臺必從原雪矣弟之落落自以人
不得而親疎推入風波祇堪一笑起貞發
之名士波斯一見當知其寶國士遇之正
不因人作合也小築竟未能成然蘿月松

風儘勾閒人受用但恨相知離索無緣作
把臂嘯歌耳

與姚鏡初書 作瑤還

浙人何罪必不使一人得安於 朝正惟
不安於 朝乃見浙人此時此局顧可以
優游富貴令天下笑鏡水泰山不能浣落
索情發揚勁骨乎今日寂得意事當是幾
个寂寞人占斷半臺正亦獨寐寤歌以
和相集 卷之六 書 二
得脫風塵爲樂至於富貴不但未始不在
故不以弔而以賀弟亦背時之人正不作
慰唁套語也

與丁印趨書 丁卯冬

日曾一介修候適值台駕山行竟未徹覽
以爲度臂天定勝人雪已見睨虎且失屨
此時生氣都在澗阿失意之極者當爲得
意之首翁臺能煖東山之席乎且徵半載

落莫番是一生便宜也有謂局猶未變事
不可知其猶未變者將必變者也陣脚一
離百萬波潰所自詫爲蔽天斷流者祇足
送人封拜耳已是蘇君之時當無先士雅
著鞭者想恨枯木朽株不能隨萬里風耳
如何如何

與蕭如城海憲書

獲坐春風又當一度正恐花信來時東海
甘棠已作上林瓊樹卽仰邀披拂應不多
時三陽何歲不來此番別一光景台臺對
時浮柏應怪江梅猶作尋常笑口也

答李葵孺書

夏杪一介修候弗獲寸申徒捧瑤函以當
晤對歲聿云莫寒谷雪封隣里交知俱斷
存訊而翰錫遠辱慰誨勤惓難角凍梅遂
作江南春色感躍可知恭惟台臺澄襟月

湛正骨天高坐鎮三吳維新百度卽不入
逆祠一事凜凜風節羣屬皆得恃以不屈
彼疏請建祠趨像投拜者眞足愧死海內
快傳千秋佳話 新皇御極渴佇正人冠
冕初澄之世師表再造之 朝舍台臺其
誰

與林樹菴書

昨接喜報甚爲世道手額太親翁朝陽之
聲未去人耳而親翁鳳鳴復振忠純世濟
家國並光非特才繡聯翩作門閥佳話也

與友人書 戊辰年

以台兄深心熱腸所全方大而好持異論
者必欲驅除人望以自爲功使世波失砥
浙水無聲噫何太毒也雖然今日持論之
刻卽他日得路之寬番倒轆轤從來如此
以台兄品格蒼生想望百未一申刻銘鏡

湖決不許久作主人也

寄弔劉玄受書 己巳年

自乙卯之冬與尊公作燕市別至壬戌秋
杪相遇邯鄲道中始得班荆數語尋作背
飛之鳧荏苒八年時苦春樹牽腸詎料夜
臺隔面行至括蒼始知凶聞天乎何篤生
之而遽速奪之也哲人云亡蒼生均痛况
素同肝膽者乎咫尺故人已知宿草深埋
玉樹婉倬何言緣不便人城箴力持瓣香
代叩惟叱致總帷前令知落莫故人惟有
東望繫樹也

答潘昭度書

恭惟宗匠海內品藻天中昔時巧媒捷進
詫爲侍從仙班者率以媚璫廢錮而台兄
孫膚一時展足萬里明珠夜光久而彌耀
始知品望有眞耳某方拙成性遇合無時

瑤焰燼餘苟全爲幸長安不禿一介當路
不通片紙何人腸熱念我蹤孤只有翁臺
諄諄問舊昔捧台鴈之飛函今辱京索之
遠使迴環手教感次五衷故不敢自外故
人之遺又不能勉效山中之報惟滋頰汗
靡喻心鏤

寄王瑤源書

憶得追隨署中披襟墮肝都捐形域一別

杜曲集

卷之六

六

萬里消息罕通兩地八年夢思空切想老
長官之念弟正猶弟之怔忡不置也世局
輾轢浮沉不定如弟淺拙亦饜吹求所不
至爲周爲蘇者特幸天蚤厭禍酷未及嬰
耳一時同事惟老長官千仞高翔矰弋不
及顧陰痛山陽之笛慘睹崑岡之焚踴
躍厚情景可知老長官遵養於瑤酸薰灼
之秋自宜趣裝於世道清明之日樊我老

旣以假還故知還 闕定在杪秋弟卽燼
餘當以知已出山作時清目明之想矣

與蕭如城書

節屆天中正當 帝見乎離榴火槐風別
有氣色定知扶桑片影不能多借台光矣
不肖弟一味孤拙長安知舊不達片紙有
力者旣能下鋤蘭之手復能借扶蠱之足
台臺冷眼覷破捧腹可知

七

答胡東井明府書

三金錢雖有宋故物然沉之龍藏已數百
年自非爲 聖主發祥何以倒番重淵騰
凌飛瀑而特出於 龍飛兩月之前且適
以立秋之日哉漢得寶鼎亦係人間故物
第出之不偶卽是天苞地符耳台臺當今
循卓罕有共倚感召靈承適與間值七級
銅標傳 聖祥不朽則傳台臺德政不朽

第愧無五色毫足以藻繪盛事聊畧詮次
惟附青雲不朽耳

爲吳綱白明府乞免覲書 庚午年

以台臺察吏之明惠顧地方之切敝邑雖
福定辱留神顧奉之急務在清錢糧而糧
之積逋在多更代逝梁發苟不能禁署事
之人剝肉醫瘡益以犯後來之手鏡臺之
所洞也茲吳父母清刷有緒奸胥破膽會
出山集 卷之六 書 八

見侵逋積弊從茲一掃脫或旋以 覲行
則依稀似曲又成別調將遂爲不可抹藥
之奉而於兩臺鰓鰓奉逋之意亦甚不相
副矣伏惟九鼎堅持決免入 覲以慰父
老激切之請想亦台臺所以自爲地方計
也

與蔣澤鼎書

昔年遠拜關西之貺感劇至今中間彼此

俱摧踣踣高厚惟有神契相慰而已此聞
環召之報則喜又見掌察之報則更喜第
疎拙之人止能天外彈冠而一切相知郵
問俱斷蓋廢棄餘生動苦艱澁卽遣一使
如走天上萬有此念不能一有此事而世
遂以此忘弟且有轉增飛語以相中者是
以沉淪之色無所不開而泉石之癖獨留
於弟也台臺偏不以形跡見疎時借齒牙
生其毛羽此亦多生宿緣非關今世締結
矣台光咫尺望見有心而半千之程動輒
有絆蓋戒行而止者數矣

答陳國禮書 辛未年

向以迂愚致開嫌忌知翁兄之不釋然於
弟及在踣高踣厚時風鶴皆驚魂夢抱持
一聞飛語不覺五內如刺且心口自語曰
吾未嘗以下石開罪何至以關弓報怨瀕

危擠人亦太毒矣翁兄試設身處此能無
怨乎當此際而惓然作違心之好則機更
深而伏更遠弟所不忍爲也然則不卽釋
然者猶是一段赤子之心可以對翁兄可
以質鬼神者也比見李某細求其端爲極
口稱冤始憬然有省自今以後卽翁兄或
不釋然而弟斷無不釋然者愚不可及所
自矢矣

北山集

卷之六

十

與陳壺雲兵憲書

自真定一別違濶九載中間彼此風波幾
於不見天日未幾而逆燄消歇公道一申
祖臺領袖正人主持清議竊謂貞下之元
方起詎意復中之剝轉甚祖臺且破格而
出弟復焉能循例而入乎旣而還慰曰天
所以開豪傑故不必無災無難則弟所以
爲祖臺賀而因以自賀者也

答汪禾丘書

一別十年雖新安江水無日不與東海相
通而雲山參差隔人色笑此爲悵結彼此
同之年來世路崎嶇日虞顛踣回想署中
相視捧腹直是太古渾穆氣象不復可追
顧老長官品足持世所向自夷然而人情
厭舊猶使瑞世鳳麟與辟人鹿豕同滯藪
澤大可異耳以弟拙疎輩下相知久已目

北山集

卷之六

十一

爲怪物倘天假之緣得旦晚尾旌復從
署中續取昔年剩笑快當何如則日以木
犀集紫陽爲雪竇黍回之候矣玄龍丈不
作世腸意氣人弟之欽折寧獨兄事蕭穎
士今來湖上聲氣喜親惟是山水相餉自
負地主多情爲可笑耳

答陸鳳臺撫軍書

壬申年

浙自十餘年來中間幾經危蹙而旋獲安

堵者皆仰藉台臺前以秉憲決籌而今以
建牙弭釁東南半壁第以力田輸賦爲事
而不至爲亂兵流賊之績凡有心知皆能
感頌至大役大兵使天吳戢暴神京借
援拮据幾至枯心神應絕不犯手令人若
不知有大役大兵者此中外所共嗟異
天子所以亟簡至廷推者再而必欲爲
戎政得人嘻根本有托矣奈兩浙蒼生何

杜山集

卷之六

十二

答沈日倪書

台臺推講末之誼弘扮社之陰雖久在沉
淪而時承拯掖正以神氣相徹不在形跡
長親也第一往癩習十載餘愁祇解白雲
可依無復青門入夢啓事忽及蘿桂相疑
且日不辨當世品流胸不了時情蹊徑猥
抱陳誠安塞新恩惟日俟老年臺詔
起東山光生後勁宗社收樹人之福縞

紵分得輿之輝耳

與蔡韞先書

當今非選君老長官一片古人心不足以
成某之迂拙非某之迂拙不足以成老長
官爲當今一古人台指謂必用舊某卽信
爲必用舊謂不必作長安書某卽信爲不
必作長安書年來多少浪傳多少猜阻某
只知季布一諾雖遠不遺雖久必踐決不
敢復走長安一字以溷記曹以干功令以
自貳於金石之言至於畢竟用舊畢竟無
假長安一書而後旁相疑揣者始知當今
真有古人而某之迂拙果不爲無用也

答畢東郊書

不肖某謫愚無似敢問代興之統過辱明
公獎借是文蛙鳴以鼓吹進坳堂於江海
也大江以南寔有典型應咲北地之骨未

堅歷下諸子之神未王者舍明公其誰某
卽希愚稔知暇往况明德亮節 天子葵
之光輔 中興豈異人任固將以勳業蓋
代文章抑末也

答韓求仲書

今年兩至湖上不得一望見台顏可勝鬱
快台翁品望伊臯踪跡園綺苟念蒼生無
不悅歎顧世局無一成不破之理人心有

杜曲集

卷之六

鬱極必舒之日天生台翁豈終令參贊湖
山平章花鳥已哉不肖弟十載沉淪百念
灰冷過承弘獎復還故曹惟是獲隨主爵
之後親見名鉅出秉鈞衡始泰運可回小
草有托耳

答周杜瀛書

頃晤柴延老談及老年翁久滯外藩且以
題留強爲羈紲相與搢脫久之近來惟容

容者偏能據善地亦惟據善地者偏能得
速遷年臺所處之地既人所不爭而人所
不爭之地卽人所不能爲之地此所以日
借才而日繁英雄之足也可嘆可嘆故非
一日不肖某尤天下之滯品也敢忘同病
之憐乎途次率復不盡憤惋

答謝象三書

天道最神趨安反危趨危反安原無定局
若使人情可以控揣則機械有權自古勞
臣志士定不與吉祥會矣夫吉祥又安往
哉二東多事天所以啓英雄也薄福淺才
自然驚阻台翁異抱問世原非常人豈落
常調逆賊送死有所東人更生有數決不
使台翁生容容之想與世俗伶俐人爭一
穩席也鳴劍向賊日無寧畧猶不忘羈旅
故人遣偵馳餉動數千里賜不敢拜感其

可忘且將指日讀平淮碑迎晉公凱旋之
幟尋當與宗社拜賜歡喜無量感謝亦無
量

答朱未孩書三首

憶獲隨台臺杖履品石三洞聽雨鹿田數
日流連千里割袂舊遊如昨忽焉五霜沉
躍趣殊聞問久闊沂水一牘猶荷記存感
可知也十年梗斷猥荷青黃孤踪入都舊
莊山集 卷之六 六

知罕接一二遺老半欲孫膚顧影索居惟
增浩歎其何以入世何以匡時灰冷寸心
了無半著惟日翹首東望冀聞殄寇之音
一壯陳人之色耳頃殲逆首舉 朝加額
指日踏平登壘盡馘遺酋 天子御門受
俘彤弓覺報喜暢 九廟都人大酺索米
故人榮被無量卽高謝雲臺歸臥剡曲亦
覺休光襲人便是身膺三錫矣故自有以

拜台賜不敢無端分兩健見一年之餉也
其二

解萊復黃海內初聞皆出意外喜極番疑
近來報捷稱大稱奇者舉不足以快人意
獨此真爲大捷奇捷令人意存餘賞耳
皇上於他報捷多有餘賸之猜於他敘功
亦多刈印之悵破格信賞 睿斷沛然文
武麗洪夷漢周渥僅見此舉山左諸公有
謂一二守萊鄉紳宜見敘及偶遺之耶抑
別有說耶 皇上特旌前勞以激後效平
登滅賊事不宜遲感奮之餘勝氣雲湧想
亦不逾旦夕捷書入未央矣

其三

敘功一疏似有待捷總敘之意弟特走趣
再四謂燈節後可上又遲遲至今蓋敘述
詳而款項備亦非旦夕可了者解萊復黃

天下快傳謂近來異捷而二東口角似不
謂然到頭一著萬一失手則功次番爲罪
案擲掄將不可言惟蚤縛孔賊淨掃登城
還我 皇上則謗譏皆化爲頌揚而過爲
猜忖者不得不隨天下心服矣有謂賊之
輜重已去者有謂賊之揚帆在即者長圍
守株必無幾倖此皆出自土人之口可不
立雪此言乎至江淮水犀以爲遠不及事

杜曲集

卷之六

十六

方計日待雪夜入蔡之報誰肯贊樓船橫
海之謀乎弟日夜抱杞憂更有甚於身臨
行陣者惟台翁咄嗟神應必有以弭忌者
之口而成不世之功 宗社幸甚粉榆幸
甚

與謝象三書

癸酉年

頃聞克登之捷舉國歡呼謂 聖明東顧
之憂從此可釋獻功 九廟延賞千秋自

應今代無兩然大丈夫事鍾鼎期於不磨
爵邑可以無問王益州傳此際當一留神
況功高而賞自不能薄乎鄙人過慮亦有
見於假王鎮齊爲英雄千載失著耳幸寄
聲未未老濟南別駕李廷者敝堂翁嫡弟
也此君自佐濟郡卽委運糧効用軍前與
賊終始茲幸奏捷論功必祈併加錄敘庶
不沒其兩年勞苦而弟得藉手以復敝堂
翁又不啻華袞身被矣

杜曲集

卷之六

十九

答朱未孩書

頃見辭 恩一疏大示撝謙足令忌者心
折而功益以彰至渠逆尚逋 聖衷頗有
未憚忌者猶爲有辭惟立靖鯨波使樓船
水犀必馘魁虜歸獻 闕廷則 王楸頓
消而羣情震服矣腆餉惟有心拜勒謝不
任詹馳

答李葵孺總漕書二首

自入都門沒沒馬塵間殊無善狀卽署中
光景大非疇昔回思得侍台臺二三同曹
皆肅然清振各思不墜步趨可勝俯仰之
感不肖碌碌驚步逢時更疎機要之間每
多梗概正未知稅駕何所愒愒此中未能
一二披瀝於知己之前也

其二

以台臺久暴露於外使年來輓輸轉運爲
速勞苦功高固宜不獨聖明知之而時
情時論偏有不然甚至踰五之年而目之
爲衰髦精練之力而目之爲龍鍾聞之殊
可驚嘆稍一置辨反有阿私之疑其立論
窳公者則曰聖意決不肯放擬代必難
其人耳雖然台臺品望如紅日白月究竟
難掩惟帝念功亦必不久稽衡保之

命又况區區一冷席哉

謝王非熊惠酒書

坐斗室中忽忽送日決無可留又不卽去
便似玄石未醒旁觀者不知作何猜忖矣
每捧手教何異灌頂醍醐重之以珍釀當
令季膺一杯時時在手太常如泥應不得
做我耳

次潞謝李太宰書

某以勦撫一疏爲天下萬世持平遂至開
罪去輔借題處分實從來各衙門所不經
見已墜千仞之壑過蒙百計之援大疏三
上溫綸叠承用得遂其初衣實爲當今
異數鑲主恩不朽卽鑲台恩不朽計某
得侍老先生不滿百日而國士之遇直蓋
千秋頂踵有限啣結何已忽當解維轉切
依戀歸掩巖扉惟仰台星天上時若流照

山中耳

次潞謝孫魯山書

某疎拙無似三月曹郎絕不及奉教君子
而天雲不遺華哀曲逮卽今獲奉 俞旨
俾還初服秋毫皆鼎造比以病行又不及
踵叩爲別虔感入山十二年之舊隱猿鶴
可尋千萬峰之幽人環草安效惟日望台
臺回 天多力有震且業實維阿衡某卽
本由集 卷之六 三
獨寤澗阿亦覺穩托高厚矣秋風回首感
邇何諼

次潞謝周玄應書

某在山中時卽欽渴風軌幾勞神侍比入
都門方圖荆議而病 譴旋集遂齋積仰
乃台臺高誼不啻薄雲一面未交引手更
計平時意氣相結形骸相親頗謂有伯可
將竟至無肝可墮而垂援千仞者偏出之

動心無情之菩薩嗟乎一人知已可以不

恨雖沒齒窮山亦自覺肝膽不落莫矣每

托李沛老致謝終以弗及躬叩爲一缺事

抱病解維不禁馳戀寸楮當別局罄悽悽

次潞謝都下同鄉書

里中相卯翼故自恒分獨弟事出想外而
高誼篤摯亦出格外至今微 明主不數

之恩返敗人木冷之壑非藉曲造何以得

本由集

卷之六

三

此從茲聽水看雲長作太平樵牧靜思所

自其何敢諼以移疾行不獲踵別爲謝齋

歎良多秋風回首五雲漸遙惟日聽朝陽

之鳴用卜 中興之業千里倚權可任依

依

次潞謝蔡輶先書

弟某逢時無術動忤要人還 闕亡何投
林轉迫一身似葉夫復何言獨煩台臺力

破羣闕出之久沉一似北海入朝皆以古
人相目曾無玄都之咏遽犯紫陌之塵際
此奇也復煩曲引綆雖難及手不言窮用
得微 聖明破格之俞遂迂愚初服之志
主恩不朽實台恩不朽入山之人它無所
覬惟幸 堯舜在上貞良並庸台翁領袖
叔虎寧濟邊腹使中林之鹿無維谷之憂
雖長沈烟霧有餘適矣

杜詩集

卷之六

五

次潞謝汪生洲書

某栖遲空谷十有二年原已絕意逢時猥
藉鼎引得還故畧日淺罪深投林恨晚惟
是 堯舜在上師濟在列而畸人蹇步偏
錮雲霞不獲與 天上故人作百日同
朝似爲奇爵顧惟清論不棄雖當顛隕猶
費拯提且時荷慰存忘其落莫道義骨肉
千秋無兩又爲奇快載德還山秋風甚利

長安易遠回首難堪

次潞謝劉半舫書

十三年之別得覲台光已如隔世而旋復
置之山阿水濱從此睽携良覲何日廻環
高咏能不黯然惟幸台望正隆 夢卜伊
始某雖伏處海濱時覺分貢雲霄且喜絳
十猶新坐石未冷逋客趣返馳烟失嘆息
機此中當不落莫

杜詩集

卷之六

五

次潞謝楊顯宇書

二三兄弟星散十餘年乍得追隨正如隔
世握手未幾旋驚剖袂飄然去國無非
主恩然而世眼見爲不祥舊交鮮相存訊
獨荷老年臺意氣轉親肝膈愈浹時相披
對覺蔭映無涯不特敘誨飲食之而已也
還山之人惟幸知己鵲起大拯時艱聿成
泰道某卽屏伏沒齒亦得沐浴昇平慰快

可知

次路謝陸鳳臺公祖書

某借台庇六載於茲山栖卽荷嘘植都門
更煩眷軫每一左顧披對移晷其在落莫
轉辱過存分雖部民遇實國士頂勒世世
其何可設某今行矣第念昔遊宇下覺長
林豐草都是長城茲且海氛蔽天舟師盡
沒當事者但倡堅壁清野之說某實野處
何壁可堅百萬生靈豈皆入壁回思至治
苦不可追惟幸台臺不忘并州惠中綏外
定有全局耳

次路謝王非熊書

愚者巧排使浮雲有靈啓事無色天乎不
可問矣顧品局有定世局無定靜觀塞馬
番覆甚奇安知開閣翹才不正在牧豕海
上又况身厭承明主眷素渥尤不煩懸

胥靡之夢視獵渭之繇者乎陽羨若水皆
不與會推之人蒲州南昌偏得不與會推
之力老年翁方不屑屑於此而正恐不免
故當捉鼻自咲矣獨不肖以十二年之淹
速三月之罪秋風渭水落葉長安失路之
人能不驚骨雖然執政方持法明君無
此心卽落莫還山亦覺聖明臨鑒晤對
舊社差無厚顏惟日望老年臺煦容羣類
光輔太平俾得姓姓中林平分休祉故不
知人間別有鳳凰池矣

與陸東函書

舟抵吳門亟欲走晤如已用扞幽抱緣自
來不敢見一客客亦自來不肯賜一見疎
率自外至如老長官亦不敢一通漫刺昨
山行還乃知親趣玉趾兼辱寵招大破世
格感次心隨定當樞叩以謝勤倦顧不祥

面目高情能弗鄙夷而世眼未免怪詫再
四踟躇終不能一入吳門以圖望見諒老
長官必不以疎野見罪

答吳綱白明府書

三年宇下數日湖邊遂作楚越之別赤子
拳乳不足爲喻又况浮雲橫起白日匿輝
李代桃僵虎從市出全非意想測度所可
到乎部民有口共知呼冤但恨不能守

杜白集

卷之六

天

闕代控以報仁君百里潘花都合露作淚
耳雖然我輩當官處世祇求余影自安至
於意外風波原是空中衣狗何足殺至人
之靈府哉且天道未始無知不於其身必
於其子孫必有以報廉吏今日浮雲能長
有權哉

與楊升之書

甲戌年

頃偶過長干羈栖深寺自放人外人亦罕

存獨台臺過而禮之丘阿倦羽聲氣俱振
歲寒之誼泐骨可朽野性疎率竟不敢一
圖樞謝齋感放棹雲濤渺然回首台光棟
總交劇

寄趙霖宇書

一遠色笑遂隔三霜收仰之私故非蒼江
白雲所能問也忤瑞一案彌天頓網幾無
逸翮獨令孤鳳絕雲覽輝未下悠悠當事

杜白集

卷之六

天

竟以何辭謝老年翁弟某迂拙違時自甘
廢退惟是出山一度不及推轂一二正人
無以自對卽無以對老年翁雖然人各有
心亦各有人心偏鋒文字定與正大題目
相依而立况老年翁更不借題目爲重哉
去秋過瓜步今秋過京口台光咫尺實擬
造膝一倒胸府竟以相對無味遂如弱水
難航湖上得逢季方把臂道故便似與老

年翁作良覩顧屏逸之人他無善况惟急
望知已當路令世道有主耳惡詩一箋聊
抒鬱懷朔風初嚴萬惟爲道珍攝

與蔣別駕墳和書 乙亥年

自祖臺累篆時卽已私愛及此蓋從來無
疎率之小人亦無彌縫之君子不肖彌縫
者人偏覺其痕痕不敢疎率者人自落其
烟霧廉吏而可爲也卽墨大夫當無毀言

日至于古世態一眼覷破君子故有以自
安矣獨恨刻中片地無美酒肥肉可以啖
人令一意孤行遂成罪案我有田疇誰其
殖之我有子弟誰其誨之一筆抹殺不問
此邑中父老所仰天椎心於白日晝晦者
也雖然士民揮淚可泛三湘歸棹世論風
波又何足奪桐鄉之尸祝哉

與汪生洲書

民有肅心并云不逮惟此時爲然台翁飄
然去國進退在時局之外於軍國似忽於
身名甚安綢彼梁魚逡巡倒尾沉吟不決
忽焉失水始嘆決雲歸翻非虞羅可施俾
增繳之心番化爲想望尤絕快耳昔人謂
急流勇退骨相可仙始吾不信乃今知之
不肖故無仙骨然天子我以退是亦欲以
仙我也萬峰深處藥爐可守又何敢妄憶
人間使屠儉之流得以刀俎相向哉至於
發夢 明主礪戶難扇惟伏聽台翁盛事
而台翁正亦不問也春間承手教甚感勤
倦無奈十四年似醒似寐之夢總不肖離
巖阿一步則亦巖阿而已矣彼一登樞要
者何足復問哉

寄黃玄龍書

接兩手教知近况大有不堪然尊恙初愈

尤宜節勞節愁弟近作暢中秋賦蓋風人
簡兮之意也不知可併菑梨否幸覽裁之
三上湖船之後又得幾度明湖故可遊此
時芙蓉之盛定不能敵杜曲弟時與細君
載酒作綠洲麗囑亦遂不知人間樂事有
以易此也近苦少雨豆麥不能下種東臯
老農方以爲憂至湖莊竹樹猶未暇關情
惟幸匠心位置俾不失野意而已

杜曲集

卷之六

三

與王崑雲書

乙亥年

大計後出缺甚多久爲蒼生幾幾竟遲年
翁半年啓事旁熱者已幾爲當事發慨矣
然必待枚卜缺出而後借重年翁知當事
遇年翁不薄雖暫滯少司寇一席而綸屏
舊徑故覺地望有殊矣今天下事當更始
者甚多而平刑尤亟年臺執法素號虛平
使太史奏貫索空而祥刑復見於今日端

惟年臺是賴則又不徒以司寇之堂爲綸
扉寄徑已也弟某於時落落滿朝新貴人
卽在梓桑亦同行路惟是年臺出山覺王
貞意氣不無關切爲蒼生賀還爲落落之
踪自賀

與孫像誠書

杜曲集

卷之六

三

當此木落水消面目盡露且寒煥方平天
氣恰好苟與徑達計往返登臨三日可了
山水有靈當自驅嵐出峰屏烟開鏡以供
真人鑑賞也

與王芳洲父母書

敝庠欽革生員王拱璧止負好奇之累原
無永錮之條劉幾被擯終掇上第近日楚
中如何如譚皆經暫斥旋復高騫聖意

故無成心世格亦有活路第藉當道憐才一向雲端引手耳方今憐才引手非台臺瞻望且聞天雲垂軫每曾齒及本生本生感激私衷已深生死肉骨茲蒙學道臨試郡邑皆不與考祇望殊恩特引不問諸各邑不綴諸童班徑借送上之嚙一伸知己之薦或直謂奇擯可惜或托以素在門牆但幸留意不患無辭若云邑自有君或更

杜山集

卷之六

五

借嚙他邑則人心不同有如其面一瓢衆輿必不濟矣且金臂一輪無畏四射何資旁借以爲光明不肖於郡邑童試不曾刻薦一名而特爲此生力求奇造自非向至人不敢望至恩耳然某亦有私關切焉此生向在門下且與小犬爲兒女姻又日夕同業倘微國士之遇亦逐臣之氣色也

與許雲賓郡尊書

丙子年

別駕蔣公祖之署篆敝邑也時僅半載謗遂盈篋賴祖臺與刑廳公祖曲存直道使錢糧不至粘身侵盜俱有的犯敝邑士民實深焚頂茲奉 旨推鞠惟求終始鼎持稍以疎縱平反使有生還之路此敝邑士民所政望亦台臺正直忠厚之素心也當逮訊之時爲德政之頌故自不倫但署奉半年克新久廢之學宮瑣珣有紀而庭無

杜山集

卷之六

五

滯訟罪無濫科士安於庠民安於畝執途之人而問之皆不能沒其德惟是筦鑰稍疎鼠雀似壯斯民直道亦惟咎鼠雀而不怨其疎但惟以疎督之而不爲鼠雀分過此祖臺所以矜註誤而慰斯民之直道也窮途桂玉虞其不繼且有八旬老母投淚倚閭此尤台臺之所隱而不肖之粘出爲贅耳良心不死饒舌難禁絕非內交要譽

之套萬惟台紹憑穎惺悚

與蔣填和別駕

丙子年

丈夫七尺無恙何憂不富貴韓淮陰張北平皆脫斧鑕爲王侯况本無韓張之罪卽乏昭平安國具眼無患不解網者乎台臺富於春秋後來正未可量惟幸安神養和不爲小拂所動長孺然灰正當經溺時伏燭耳萬惟自寬與遐福會

本日集

卷之六

三

與喻惺拙撫軍

澳自入山已三年不問西陵之渡是用不得時時踵候台居抄春曾肅械代叩槩爲閣禁所格齋爵至今想台慈正不以形疎見督耳端有啓者敝郡儲餉一事屢煩憲檄徹底清查此正欲使錢糧確有歸銷屬郡確明心跡甚盛心也但道路悠悠似謂必求錢糧有餘必欲督過敝郡非特祖臺

所不肯受亦令屬士紳所不敢信也蓋儲餉必通筭借支抵補以覈有無贏欠存留必歷訂交盤查盤以覈有無混蒙此固不易之理而台慈之所洞徹也許公祖潔已平政纖細必期寧壹錢糧尤切兢凜至以截筭一年之儲餉不論先借應補待支未銷而遽謂有數萬金之餘則舊贏何著後欠誰抵其縷縷置辨亦正與祖臺切切行查同一清理盛心蓋所慮者遠所全者大矣以某私計惟使開拳見掌立結此局以明祖臺原無吹求郡君原無蒙混以一塞道路悠悠之口非惟良二千石有以自安矣江海之人不宜與聞世事但高枕台臺之宇宙且日習郡君之清嚴而不一抒其管蠡以上負神明下負良守義之所不敢

出也倘疑部民阿私則自來止有初任一面卽兩度童試亦絕不敢以片紙隨例陳乞且某之硜踞亦台慈所素鑒也

寄黎左巖學憲

自湖頭一觀台顏遂四更淒秋惟是退伏之人不敢時托郵筒細抒肝膈而忉忉之勞故有衣帶靡禦者恭惟祖臺才名冠代清德絕羣徒以不肯逢世反謂波斯失價

北山集

卷之六

天

明月受滓其誰信之事出於人之所不信正有已可自信人可共信者災難公卿適以相發古人已事多有可覆按者從來文人厚福無過歐陽公猶自謂唇不着齒無事得謗則得謗反以振文人之聲定正人之品也歐公珂里先輩台臺既嗣其名當嗣其福又何妨有其謗不肖某出沒風波殆踰一紀未必同明公之福而稔與同病

頭顧如許亦遂不敢自外天地况洛陽之年正少衡山之隱方新宣室蓬萊佇膺特召有如日在扶桑者乎自還故山不曾渡羅剎咫尺台光惟深皈依

答許雲賓郡伯書

諸餉一事經營非一手支銷有確據且台臺甫任卽經屢查接管原無不清發難欲歸誰咎再捧台揚非獨自明兼爲前任後

北山集

卷之六

天

來一蕩疑府此閩郡所共避也撫臺果無成心正見鐵案原無纖混耳大抵議與任原不相蒙是與非到底難掩况以橫臆之俗情作矢口之險論風波舌底劍戟筆頭世豈遂無明眼人任其倒植乾坤黑沉日月哉沈漢老憤世之談誠爲快論然血性男子有寧爲彼勿爲此者正以不陰不陽從來無此英雄位置耳

與葛吧瞻

憶當席藁杜門正值台旌西指猶屢辱過
存疊荷賸餞不以試差引嫌感念隆軫何
能去抱某善違時偏當浙風正競負罪以
行猶恃正人當路骨肉知己隱然作孤臣
之援乃俄作南轅俄中蜚語何人當國必
欲反射浙潮使龕楮吞響哉彼譖人者夫
有所受第台臺所至振飭如光弼入軍壁
杜曲集 卷之六 書 四

壘旌旗無不改色中外有識欽嚮同聲而
偏謂之不事事何相反至此然不相反不
成其爲諧局不足以見台臺受諧之奇無
端作逐臣正爲鼎衡作推官耳豈爲台翁
不豫遷客之行懶與世接卽知愛如台臺
亦不復造膝慷慨作片刻出口入耳之談
快爵可言

寄許平遠海憲

東海得歲是用獲依台光俾陽侯斂氛燒
撥亡警且曲求民莫巨細必經獨裁興釐
無不歸當卽如敝邑海運准折一年旣省
風濤之苦又得紓民間數月之食俾忘其
大較恩莫篤焉但敝邑催徵積弊時爲猾
胥所持聞鄞邑去臘預徵僅盈一分五釐
而敝邑有徵至五分者然以通邑較之則
猶不及鄞額此其故何哉蓋猾胥胥專以
附郭近里沓比立威而以遠鄉巨戶恣捺
招賄所以重複比責只在近里而終年賄
掩不及遠鄉近里遠盈四五分而遠鄉止
糜猾胥婪差之腹夫近鄉之四五分何能
滿通邑之二分五釐卽此推之近鄉之全
完又何能蓋通邑之全欠者哉從來奉邑
多通職此之故而當事者皆落此輩雲霧
於八鄉之中止取一二鄉之盈可痛也爲

今之計必祈台慈嚴飭必使通縣各里周而復始以所欠多寡爲比責重輕則開口都畝不至以欠分欠毫時供敲朴而遠鄉里甲不得以欠十欠百只買差胥奉糧始不偏通而蠹窟始可一掃此敝邑積弊偶因去臘預徵而發之亦惟以台臺至明至斷必能一刷積疴俾近里得以全活通邑下里亦不至填蠹壑而誦公輸使長爲負

壯由集

卷之六

理

通之民而實不有其利也

與李映碧司李

側聞文宗公祖嚴汰僞庠而併汰鄉賢奉祠之濫冒者此甚盛舉不肖最所心服第鄉賢衆自不同而奉祠之去留差當分別如先祖戴德彝以探花官侍講兼左拾遺同方正學死靖難節憲章錄吾學編紀載甚明業奉屢旨表忠京省郡邑俱有

特祠列於祀典各家俱有奉祠榮及赤餘寒家自隆慶間初表章卽有一生奉祠奉祠者自蔡宗師詳允奉祠已二十年固非與近日諸僞庠倖冒混批亦非與諸名色奉祠可有可無者同一冒濫茲槩蒙汰革實緣舍侄隨任不蚤自呈明雖小兒昆枚曾代爲陳請而猶未醒徹自取混革固其宜也顧先拾遺之鄉賢實有不同特爲

壯由集

卷之六

書

聖

先拾遺留一奉祠亦屬公典且六學止一靖難鄉賢別無可以援例混濫者伏祈台臺始終主持特賜申復則先拾遺之忠魂當圖結草而生受覆持者可知也不肖某素辱異知而水木關情呼籲尤切轉眼台旌此指則恩雪無路矣

答傅野情

恭惟某台臺處最擅而無其實受衆觀而

難於調嘗爲台翁設身。酬物而不得所安。
顧風斤所運不啻庖刃恢游一惟以啖索
遊收物望之心反而實劑其所部之瘵痾
以爲摩搔而萊蕪之甌公儀之魚皆歷歷
可暴於天下民用以和而浮煽之鋒自不
得間友人自新安來者如黃玄龍輩皆鑿
鑿能道之不肯是用心服大慶當今真有
卓魯至人近出扮榆逢人說項葬好自然
杜山集 卷之六 書 四
且亦隨口碑之聲聊備道路一月旦耳而
且循異上騰而且簡注殊數皆台翁
所能自有也

答汪將軍

當事者果能知將軍當卽有以大用之恨
相見晚何至今未受事耶豈軍興方急友
不暇命將耶然須一靜觀勿遽介意遇合
不易從古嘆之淮陰登壇亦嘗從亡將之

後大丈夫惟恃我必可用耳傳聞賊已入
山尾賊者遂已解去若可入也亦可出也
況此山原在腹地非若奴歸東棹歸西在
邊牆千百里之外何得遂以寇退解嚴也
禦夷者且欲搗巢掃穴治之荒墳之外而
此顧容之腹心之中是真屠火而意其不
然養癰而意其不潰矣寇本無智無奈以
我之大愚成其智寇本無勇必欲以我之
杜山集 卷之六 書 四
大怯成其勇天下事尚忍言哉將軍必有
概於中輒敢私布及之然不可令人知也
率裁附復

寄孫鴻羽

老去居鄉居官總是不堪嘗想翁兄城中
舊交畧盡弟復遠別近來相對當是何人
遙知倚杖村邊散步河上幾許停雲之感
弟老作遷客舊時儕輩皆爲大老其所呼

兄稱弟爲同輩人者半是朽人登科後始墮地此爲光景快暢可知至雀羅金塵脩然受之俱是清供不敢言落莫也聞杖履入城絕少竟無從偵起居定知珍攝得力品題滿囊祇恨餘肋牽人不及追隨唱和耳然了此一年亦圖望見芝顏於山水間矣一芹佈械未還初衣先是初況一咲

答卓去病

杜詩集

卷之六

哭

弟某自甲戌秋載德言別遂歷四霜感念之私無日可置頃過毘陵不敢以不祥面孔向人亦遂不得與老長官一把臂回首故人可任馳悵比聞借重雲中甚以爲咤然丈夫七尺墮地便擬孤矢四方安地非安危地非危英雄自見往往偏因危地大樹功名暫佐邊郡何足爲老長官不豫此後一帆順風卽借開府雲中亦是常事惟

老長官好爲之弟分潦倒勉作遷客又將及期仕無中人不加歸田然亦必以歸田爲轉境也拙稿無可示人且此中佳玉不給安從得剗剗資徒度妄想耳旣得舊梨定當請教張北老已假還至衙門舊例一切難言當今之世誰復有心作前後關切之想哉惟應天不棄人或當不使泥塗滅頂耳至老長官政聲苑起薦剡交騰正自隆隆逼人不得衙門手援也羽旋率復不盡縷私遘草西風可任翹翹

柬張夢得

杜詩集

卷之六

哭

恭惟老親臺鳳毛振彩鵲印懸符祥那一方其寄徑也致身三事實始基之析楊理而槐棘已聯貫索空而綸扉不隔故知新安江水便是鳳池紫陽山樓竟爲天祿矣屬在枌社可勝額手顧台光所照士爭一

顧之榮而福照顧親人趨盈尺之地云云

杜曲集

卷之六

四

婚書

復林太親翁婚書

丙寅年

天下惟素心人可以持世可以轉世可以長世故品人之曰曰道素曰風素高自標遇曰素流欽佇清微曰素望從來盛德大業無加於素顧人心之去素久矣言競浮誕行競恢詭治競塗飾俗競驕奢非我輩有以力持之共飲狂泉不知所底矣恭惟

杜曲集

卷之六

婚書

一

高門彩筆傳家清班接武輟警秘閣振響都亭未絕鳳喈旋聞鶴和則華甚也立朝端亮行已清方詩禮過庭動堪表正忠孝垂緒世顯翼猶則素甚也至寒門僅守一經佐以良邦當居寒素之目寒素之門非接以道素拂以風素將無望齊大而反走乎葢不肖時得晤太親翁於粉社之末兼得與親翁三上公車而素心相映已二十

餘年用敢以小女師韞葭倚令孫作合寧
自今矣且素之樹基宏素之詒穀遠將世
世藉以大吾門則尤仰附高門之奢望焉
珍麗充庭以視吾家練象竹筥之風殊不
相當循分逾涯拜嘉增悚輶儀匪報伏冀
台涵

答吳宅婚書

戊辰年

剡上距赤堇之麓三舍而遙耕不接畔釣
杜由集 卷之六 婚書 二

不耦磯絃誦不連塾非若朱陳之比村而
居絲繆互牽於門巷相望之便也弱息倚
玉每翹見女子遠腸而小孫女復敢尋盟
者以地則遠而以吾子之女歸吾女之子
祇覺肺附之爲親都忘衣帶之有隔耳且
光祿公清德映世亮節逼古有芭燕子有
穀詒孫以視時輩矜竊華靡倚煽邪焰作
鄉里之阱爲子孫之羞者何啻虎之視鼠

不佞亦惟是守先人之貞介嶽峙歷落作
可笑人以期不爲王門伶人光祿公必且
笑而避之則兩世之盟實千秋之印也拜
貺過侈惟借剡雪以當報瓊定知堇嶺之
梅笑人簡率矣臨書可任愧悚

王宅婚書

乙亥年

家剡源先生嘗曰縣南軒蓋惟吾族及王
趙二家常相往來則王之與戴其世爲朱
杜由集 卷之六 婚書 三

陳可知也至於今傳城居者趙姓罕著而
王戴猶不失軒蓋之舊亦不替婚姻之好
蓋皆有以濟慶源而振遺緒也然里中科
名之盛無過華閥而宦裔之盛無過鯉湖
先生其振繩登仕版者無論卽方以諸生
長價無不足爲侍御後勁而令侄親翁其
尤翹異者昔蔡中郎倒屣仲宣曰此王公
孫有異才吾家書籍文章當盡與之僕非

中郎而有以知仲宣正從一坐盡驚知必
七子推冠轉盼至建安顯融固無所庸吾
知矣恨無書籍文章可以相與而必欲有
以爲吾倒屣之意用敢以小孫葉煜問姻
於王公孫一見心期遂圖百世肺附竟蒙
俯僉不以長史之拒何進者拒我則又中
郎所不得於仲宣者也特在夙知不敢以
世俗浮文掩道義真契幸進而告之侍御
北自集 卷之六 婚書 四
公當亦惠顧軒蓋舊好而听然於道義漸
盟耳

陸宅婚書 丙子年

譚內德者必本所自蓋璧韞荆巖珠含隋
岸天地鍾毓之靈固有所獨萃焉是以商
祥長發遠邇有城周祚克昌遙追渭涘雅
頌可歌正不於壹職克修之日耳恭惟華
閨自冠冕四姓以來世爲江左鼎族卽王

謝蔚起猶屬後塵昔震三吳之聲今峻四
明之望蟬聯名碩不數入洛兩生而世德
可知也太親翁弘厚韞奇丹穴旣深鳳毛
自異親翁弱冠拔幟行發洛陽之策猶下
廣川之帷公才公望正以孝廉儲之昔敬
興以少年學士從容風議竟夷興元之難
大著平章之勳今世多艱不減唐季敬興
年少復值其時而世德之丕振更可知也

杜由集 卷之六 婚書 五

子孫爲托欽嚮素心不虞蹇修氏得請俾
小孫葉焯獲望月湖之濱爲其城渭賓藉
世德餘波以大吾門又何敢踵鄭忽之辭
孫延明之席哉爽氣初高旭日始旦肅修
鴈幣少展葭私伏惟親慈莞鑒臨楮可勝
跂禱

李宅婚啓

伏以風高鴻汭長發莫京之祥化肇河洲

適昌則百之運漫曰借齊援而定晉列猶
未光內則而樹坤儀惟以一線道義爲赤
繩實培百世螽麟之素脈慚非韓樂狼望
文嘉匪抱古心誰審世格老親翁台臺孝
友篤慶忠亮承家世顯翼猷稱其爲名父
之子邦推司直不愧爲英主之臣所至
澄清不動聲色當今宇宙共想風裁然而
真氣攝人無不引爲骨肉熱腸援世舉欲
杜曲集 卷之六 婚書 六
置之雲霄是以如澳迂愚亦辱收之肺附
單寒自分敢興御李之思眷軫特隆曲存
訪戴之意老親翁旣以道素爲盟主中丞
公乃以聲氣作寒脩施及後人謬云逸少
子不惡目之快婿輒爲郭公女相攸顧弱
息昆樞未解瑯琊之稻方有童心遠謝渥
注之駒安稱汗血祇憑玄賞主宰於天人
之間兼恃達觀超立於盛衰之外不因兒

女起流俗想正於婚媾見青松心蓋五年
始得載書僅副金臺夙約千里愧難成享
聊從建業寺盟惟幸親慈鑒於形域之外
敢言禮意存於幣帛之先統冀汪涵曷任
悚禱



杜曲集卷之七

剡上戴澳有斐著

序

新安山水志序 丁巳年

志山水與志郡邑異志郡邑則山水爲郡邑中山水故志郡首郡志邑首邑而山水特因郡邑以見志山水則郡邑乃山水中郡邑故志山按山志水按水而郡邑特因山水以見然古未有志山水者求古所謂山水志則山海經是已後有因之者爲桑欽水經而酈道元互發明之他無著者嘗觀禹貢其中未始不及山水然紀貢土必首京師故由冀而兗而青而徐以次遍九州今之志郡邑者祖禹貢者也至山海經則出於禹行水之後而成於伯益諸人之手因其山之宗支海之內外與夫疏濬隨

刊之成勢以爲經之甲乙故山經不始於冀州而始於南鵠山次西北次東中而後及於海內荒外彼直就山海經山海以明虞官之掌故耳所由與禹貢殊局也景升志新安山水徵祖羅鄂州郡志而經緯敘置全祖山海經謂新安山脈從婺率山來故志山不首歙而首婺而水因之其志三天子郭以爲首率脊駝而尻雙峰合數百本曰全山脈從婺率山來故志山不首歙而首婺而水因之其志三里爲一山非直足以破隅見息衆譁也實足以盡山之情以十千次諸山水及夫山水之所附麗郡城適當戊巳則又不失居中扼要之意焉其以新安江諸水盡之壬癸則以水還水也顧率山爲廬浙兩江之源斯志於浙之源委獨詳而廬江不一二見蓋景升於山水非獨憑筆楮漫疏也率皆足巡而目訂之其自浙嶺以下習所窮

探故承爲率口衍爲漸江滙爲新安注爲
錢塘與夫豐水之所趨文溪之所入揚之
水之所歸無不悉毫髮焉真有雞犬放之
皆能識處者余嘗由錢唐泝新安度浙嶺
問平山之奇又嘗過豐千乘天都之頂覽
斯志也身涉之而未領者圖按之而倍躍
景升真新安山水一大知己矣近聞景升
且將過按郡史邑乘以志天下山水則又
當補山海經所未備發桑鄒諸家所未發
爲天下山水作知己矣

孫子真樂府敘 丁巳年

李龍眠善畫馬秀閣黎謂其必墮馬腹中
遂更畫大士像黃魯直喜作艷詞秀師謂
其結情業受報有同畫馬余謂魯直善畫
便當法龍眠畫大士意爲書金剛經百部
以消之然而魯直弗之信也說者謂魯直

南遷卒歿瘴海倘亦綺語業致然耶余曰
是不然魯直第作綺語關人何事而必欲
擠之歿地耶魯直之受禍以與正不阿致
邪黨側目耳則魯直雖作綺語綺語不沒
魯直也其歿南荒正以明其不墮馬腹耳
海陽孫子真工書善畫又雅以詩名時抽
其餘巧以爲艷曲清真宛至不減勝國大
家然而調笑蝶褻之語似亦不可令秀閣
黎見則子真當遂墮馬腹中耶嘗見渠嘉
貌諸名公韻人積之成帙且將付剞劂氏
以傳海內是不可敵龍眠大士相乎則固
有以銷之矣又况愛根卽是佛根至如歸
文娟於垂歿而曰原爲共歿不爲其生俱
是菩薩心行以姪慾超三界者也根器自
堅遊戲皆道秀閣黎苦不能除分別想故
多作馬腹觀耳

敘許君信愛日齋集

庚申年

余與君信共江左而未嘗見其人顧嘗意
摹一君信謂必風華標令類輕俠少年不
則嶠崎歷落有不可一世之色以此結形
外交且三十年及見其面則澹率真素絕
不類吾意之所摹昔范蔚宗耻作文士文
君信亦耻作文士而孔始知君信自有所
以爲君信者君信少以時人義名世旣乃
以古文詞雄於時至其所爲詩則於茲集
始嘗一嚮大都澹率真素符其爲人而氣
格深道處不減渠家洞庭君其在京師往
往執東諸侯牛耳君信故不必以詩名卽
以詩不足名君信哉性至孝以余所聞齧
臂事則又不欲以孝名者諸名輩多述之
矣且清志高世有鄭次都之風吏隱寒暑
計資可轉郡別駕人或羶之答曰余旣無

意當世聊復息影此中但得以京銜馳先
人且更添幾卷詩題曰許光祿集足矣安
能復向風塵作折腰吏耶此皆君信之詩
品所以高也故併次之以爲敘

闡幽錄序

代涇陽太宰
壬戌年

神廟於廢沒諸賢原未嘗有意錮之其大
者亡如爭國本忤礦稅然而國本竟
定矣礦稅使竟撤矣其人雖棄其言已行
所不卽用其人者特恐議論愈紛摧折愈
衆以愛惜之意成擯棄之形耳至遺詔
酌量起用而皇祖初心斷可知已然則
今日闡幽之舉於皇上祇爲繼述於臣
等祇爲將順於諸賢祇爲拜皇祖之賜
而取生前之逋也顧諸賢岸獄是宜猿鳥
爲伍大書孟博之傳高咏顏遠之詩試鍊
石於人鮮甕中路荆棘於鬼門關外九域

不恨重泉何求闢幽固非諸賢意也第玉樹長埋蒿里無色將使奸諛之鬼笑其同盡而忠臣義士灰心於前詰之湮沉司世者能無念乎蓋今天下尤不可灰忠臣義士之心矣闢幽非獨爲幽者也孟氏之於古人且曰不知其人論其世况並世之人可付之不知存而不論耶則尚論者何心耶此議發於總憲鄒公前太宰周加意蒐采未及竟事去余與同官往復評酌時逾半載司更數人始能分別條上以贈廕得請亦庶幾盡闢之義哉然頓網彌天不無逸翮施罟竟澤不無隱鱗則周爰咨諏以明無漏之德意當更有待耳

敘續虞精集

癸亥年

往余於湯臨川座上識莆田周更生因得睹其所著虞精集余私謂臨川曰有士如

此徒使仰看屋梁著書不得獻賦視草一綴時貴武末寃矣可復令張伯松輩輕大玄法言不肖一觀耶先生當爲更生君山矣臨川深以余言爲然遂爲之敘旣而李本寧先生亦大嗟賞并爲序行之於是乎海內諸名家知世有周更生知更有虞精集矣別更生十餘年余方子假里居忽悉千里謁余謬於余有知己之感因出其近著可十餘種乃得復睹其續虞精集大都著書最難於續善刀者虞其非折必缺善射者虞其弓撥矢鉤讀其續集不復知前集之據其勝而後知其精有餘於續也本寧先生已與正集並稱之今臨川復得一披茲集不將益嘆其取精之多而信窮者之能虞乎

序任松鄉先生集

嘗讀元史第云四明任某以文章知名嗟乎先生豈獨以文章名者耶先生宋之遺民也元初物色隱淪以薦起家者不可勝數與先生同時同里號爲名儒如永康胡汲仲則仕元至集賢修撰矣括蒼鄭景歐屢官至集賢學士臨海陳剛中不羞以布衣上大一統賦驟遷國史院編修杭之楊仲弘且首應科目登延祐進士宋家尊賢敬士之報至此不可復問甚哉利祿之浸人也先生名重東南所與遊如趙吳興輩皆力能薦達而卒不肯一出與胡陳諸子雁行新朝對人搖動不如烹肯入五雲清暑殿此志蚤定矣部使者完顏公苦虞羅莫施題之爲松鄉人先生亦以松鄉人自命蓋曰撫孤松而盤桓是吾師也心不忍忘宋而外托守故書樂釣遊於某水某丘

之下觀共和唐王潛詩語及冬青幽憤直欲聲淚俱下至暮阜羽善哭一似自寫其沉恨隱痛不啻漸離擊筑荆卿和歌者嗟乎先生豈獨以文章名者耶先生同志如牟伯成戴帥初許益之諸君子皆謝徵辟以晉處士自從而載宋史隱逸傳如陶元亮故事元史泛列於儒學而不一明其心此所以爲宋元之史也先生大節蓋以文章掩實不欲以節顯故托之文章以自晦則節益苦耳先生詩文道麗逼古絕無宋元諸家習氣讀其集者盡能知之吾友希聲之刻是集故不徒慮其先人之文章不傳也

序任希聲制義

余與希聲結文字交三十年於茲矣同爲諸生垂十年諸生之苦我兩人嘗之且盡

然每一相逢無不把臂大噱絕不肯以落
莫自苦我兩人之不以落莫終或正以不
自苦耳大凡遠體遠神俱生於遠識識一
不遠則窮愁驅人約結失性又惡從發文
章之高韻而證成不朽之業哉知此可以
知希聲之文與其人矣往者松鄉先生爲
東南文章大家而吾家剡源公實與同里
唱和號江南夫子兩家臭味故不啻北海
之於元禮也希聲以文章名世松鄉先生
爲不往而余之得與希聲交倘猶乞前人
之靈乎士生盛代當不徒以文章顯則希
聲之世其家應更有以廣松鄉之志矣
奉賀蔣邑侯榮膺撫臺剡薦序
甲子年
冷甲百里之長秩滿有賢聲者高等人爲
臺諫其次亦不失曹郎故人之視邑長至
貴居也邑長亦無不臺諫自視而薄曹郎

不足爲者顧賢者蜚聲其未必賢者亦飾
聲下以聲榮上上亦以聲采下昔漢宣之
世稱綜覈吏治而膠東相王成猶以僞增
人戶賞至封侯俗吏多爲虛名自古已然
矣吏務虛名察吏者復以虛名鼓而驅之
此豈國家重長吏之意與長吏之所以自
爲重者乎長吏君一邑其一邑之沉痾隱
疹撫按不及問監司不及察二千石亦不
及周知惟長吏得目屬手摩戶詆而人字
之以仰副 天子設官親民至意故縣異
擢以爲長吏爭射之鵠而竟至聲實混殺
吏治墮壞則亦察吏不精者之過矣開府
蘇公素負人倫鑑不輕許可方其官同寺
時司衡者往往咨其月旦察吏之不以虛
聲可知也蔣公之令吾奉以廉白爲質而
沉深內敏治敢往有溫籍邑瀕海瘠悍民

間多以斷訟破產公第取訊其百之一率
多平反不收贖民皆愧却不復以兩造入
縣門異時勾卒遍村落負租者不輸官而
輸差犯法者不灰法而灰捕公第懸片紙
期會否則稍屬里甲招呼終無追捕之擾
而豪猾脅息民無逋賦時進邑諸生以德
藝相課嘖咲不假至事關身家靡不曲爲
之地吏胥屏氣供事不得竊意指操弄威

卷之七

卷之七

十三

福其宸虛平厭衆心者亡如編審一事父
老爭欲立石視不朽時行視邑中水泉務
爲開通提閱以廣灌溉顧性獨不喜逢上
官以博虛聲落落自遠而覈實者益賞之
卽撫聲者亦不得終杌之吏治如公庭之
雀羅慨之塵釜之魚皆可引爲知己不必
借譽當道況有真吏治自不乏真知己則
刻薦當不獨蘇公且指日入爲侍從以課

實之治驅轉天下彼飾聲而捷趨者視公
所得竟何如

敘崇祀錄

魯泉詹公之令吾奉蓋遷客也凡遷客之
視作令爲淪落天涯視所令之地爲菩薩
退位非如起家百里規器業始基者比故
多不以民社屑意幾見書空恨深烹鮮興
淺而能以約結起絃歌牢騷流惠愛者矣

卷之七

卷之七

十四

公起家新建新建民尸祝之其在吾奉猶
其在新建也謫居之日雖短鳩民之計甚
長公去奉且四十年奉民至今思之不去
心頌之不去口蓋其爲治一規民便苟便
於民艱可任纖可親睨胥之窟可空上官
之鋒可折沉心勁骨在謫彌堅至入士
經甄賞卽爲定價性篤故舊而不可交以
私比爲風憲大臣肅然中立爲衆正表不

借臺網供意所左右卒以耻投時好飄然
拂衣人皆服其勇退之高而惜其大用未
竟然則公之盛德大業馨香在國史尸祝
在海內且公有令子方解渤海之繩爲
天子紆南顧憂則蠲烝在宗祏奚取下邑
之俎豆其以微公盼蟹哉雖然朱仲卿以
桐鄉耆夫入爲九列及病且歿屬其子曰
我故爲桐鄉吏其民愛我必葬我桐鄉其

杜山集

卷之七

五

民必能奉嘗我仲卿不能忘桐鄉公能遂
忘吾奉哉奉之父老子弟用敢隨邑大夫
後招公箕尾之間而酌之

甘露卮敘

丙寅年

王伯貞甘露卮大抵類王子年拾遺記其
事多世人眼耳所不習然皆的有證據非
圖鬼魅者比鉢足廣人眼耳佐正史之所
不及滿卮甘露任人嘗取沾其一滴齒牙

皆香是以通儒宿老嗟賞同聲不必藏副
本於名山俟知己於後世而洛陽紙價已
高矣大凡事不異不傳異而不覈不傳事
異而摹以常手事覈而緯以蔓詞亦不傳
伯貞於書無所不覈足跡幾遍天下采摭
極博研覈極精而心手俱靈時以筆墨供
其遊戲汲冢之古齊諧之怪博物志之隱
山海經之奇直欲無不有之其家子年倘
得洙指此中當如陸士衡見三都賦便銑
輟筆耳此甘露卮之所以可傳也而不足
以盡伯貞也伯貞善貧而著書特富尤長
於騷兼工樂府則甘露卮故其巨海之一
滴耳

敘赤霞館詩草

丁卯年

侍從應制從來無好詩寶馬驟絕景錦衣
入新豐何如長空去鳥沒落日孤雲還蒼

漠自得神境俱遠卽清平三調醉墨淋漓
至尊嗟賞妃子動色而評者猶謂神檢未
舒終落應制窠臼蓋深於詩者情外有情
味外有味是以陶元亮厭作折腰之吏而
歸掃三徑爲松菊主人王無功棄官耕東
臯與仲長子光相依卒歲彼誠別有高寄
不欲令主組縛人也語云高才無貴仕余
謂正惟高才能無貴仕耳林槐門先生以
名進士兩宰巖邑嶺南北謳思至今人司
計儲出守劇郡所至稱職識者方以大用
期之非其好也寤歌初志急流轉堅脫屣
二千石高臥陳岳之陽冷檢蘭蘇散神鶴
暢過從惟許二仲夢魂不到五侯登山臨
水必携謝朓驚人詩來清嘯放歌偏多叔
夜絕交書後讀其詩恍見其人逍遙霞際
嘗咲襄陽無官料輞川無隱心彼直強以

一丘爲寄未堪作赤霞臭味矣齊門使君
能以佐四明者世三衢之業而視篆吾邑
尤見其霞外之志則槐門先生猶不沒耳
敘黃玄龍嶺上詩

己巳年

詩派至今日不可問矣寄入籬下者妄標
印記而真契不傳卽自命開山而天然野
狐白日轉魅稱詩滋多去詩滋遠耳新安
一派自汪司馬建幢始覺紫陽黃海間有
大乘氣象潘景升親入司馬之室又能自
出提唱聲氣動天下客走公超成市一時
襲司馬衣冠者所不能夢見至玄龍孤騫
嶺上不借景升薪火而景升獨心折之蓋
其詩典刑三百篇而籠鑄漢魏以下旣盡
窠臼兼洗聲光正如天際孤峰鬱然高秀
而金堂玉室紫芝瑤草俱秘其中又如澄
湖浸月一望空明而星斗下浴河漢倒瀉

令人神魄俱濯盡詩之異觀矣蓋渠嘗受
異人術體道會真似不欲以詩著而於詩
益深沉寂閒遠絕不斷斷與人爭壇坫而
人自不可及且於廿一史有史疑於十三
經有經問皆前輩所未發其他游戲小品
不減謝家碎金知其文益知其詩耳崔信
明以楓落吳江冷五字出色名噪江左玄
龍刻詩至五六續直是片片皆香故海內
名輩爭推玄龍不獨執耳三鄣作袁術之
在淮南也而玄龍方欲返於無名名凡再
更亦異人之指也今名允交

張郡侯德政敘

辛未年

今 天子愈綜核而吏治愈斡舉貢異途
猶曰心長路短而甲科亦然銅墨冗散猶
曰地遠聽疎而大吏亦然宦成官殆猶曰
百里九十而初政亦然此其說有二一則

曰天下浸多事矣項領靡騁苗藿安縻但
營索裝爲代食計是喜亂之首也一則曰
清議浸不明矣津要有壑玉雪安投但累
金穴爲結接計是攫市之魁也究竟索裝
不免撲滿而金穴無從布置天下未必有
事祇以自爲禍始清議未嘗不明祇以自
呈穢質則綜核之實不見於下而綜核之
名還歸於上也顧孰有急副綜核之名大
修綜核之實如我張侯者乎侯之風神高
亮器識凝遠其爲當今良二子石一見已
決居一月而所傳有異三月而所傳大異
踰半期而頌聲溢境內不啻與歌來莫者
種種異政何能殫臚其大者如不受請屬
而訟庭自清不厲聲色而衡行自戢不事
苛碎而屬城自肅不任鞭朴而惠化自行
總之澄心玉壺一意爲 天子子養元元

以期不媿古良二千石耳吾明瀕海多故
且當窮搜罄括之日微侯以嶮然之身細
按脉而疾投劑幾不聊生矣考績之法諸
侯月試其國州伯時試其部夫民欲微一
日之寬政不可得澡沐新政已及月試之
七而時試之三何知其未久也况化國之
日舒以長痛去若換世福覃若隔生又何
知其非久也 聖明望治以日爲歲循良
本由集 卷之六 字
爲治積歲一日詩曰令終有倬知侯之終
於其倬而重侯之倬正以其終耳當今而
厚塞課實之 主首膺尤異之徵舍明守
其誰

兩浙鹽政會勘覆疏序

壬申年

兩浙行鹽之地視它處最窄海隅窟私鹽
又什之三歲銷引四十四萬有奇輸課二
十二萬有奇卽地盡行引猶虞引不及銷

而課因以縮况復侵季而額跳引而票乎
名爲增課實以蠹課名爲疏引實以壅引
惟是以增課爲名而繩以蠹課不受以疏
引爲名而繩以壅引亦不受此非定識足
以抉其妄定力足以鎮其囂委曲深心足
以撥其機而轉其轄蒞以濟矣直指李公
奉 特簡按嵯兩浙慨然以清釐自任季
商所叩 闕而疾呼者公直痛無不摩又
不以臆投刼刻第曰 祖制照地行引照
引輸課至直截也行鹽止有邊引行引止
有季商至畫一也小票以通引之窮已多
一孔實至割餘引爲增額化小票爲大票
又化餉票爲籙票季之輸課如故額之裂
地已多引之滯掣方艱票之超獵彌橫不
引而還於 祖制不相釋也於是攤增課
而存其急公之名追包補而覈其代銷之

實大票仍爲小票不得占則而巧漁籬票
仍爲餉票姑俟事平而盡華影漏有償且
爲剗肉乎詭搜有罰何非解網乎其揆剔
必到若垂絲而出纖鱗於淵羣魚不亂其
處置得宜若移樹而體造物之意全枝不
知蓋理財之術君子不得已而用之者也
管子煮海強齊而曰利出於一孔者其國
無敵出二孔者其兵不詘出三孔者不可

朱子集

卷之六

三

以舉兵出四孔者其國必亡明乎行鹽之
利忌其多孰矣桓寬欲罷鹽鐵而曰天地
不能兩盈利於彼者必耗於此至云開利
孔爲民罪梯而甚以兼利盡物爲戒明乎
行鹽之法忌其專利矣公之此舉特以塞
多孔懲專利而勅法之中寓鳩商之意揀
末之敗益昭前之光詩云不愆不忘率由
舊章易曰通其變使民不倦公固兩得之

矣疏上 天子報可額化爲季而忘其相
仇票化爲引而適以相佐異時血比轉逋
而今遂樂輸恐後何鼓舞之神也唐李令
叔領鹽鐵蒞職之年較所入如劉晏最多
之年明年過之又明年增百八十萬緡公
蓋有家法耶司理楊滌玉雪以調羣商破
情面以行孤意而鹽道薛虛公集思能趨
其議使不上格遲長楊清立有識能究其

朱子集

卷之六

三

唐宋叢書序

壬申年

夫叢書未可少也史遷敘事每與左傳不
合蓋亦有所自來卽二十一家豈皆身立
前朝目見當世要皆秉遺言采遺事成一
家著述耳春秋不經孔子筆削則十二公

故府與夫齊桓晉文之餘烈能並二帝三王不朽哉桓弓諸篇不入禮記猶之桓釘小品邱鄒諸什不載國風視諸軼詩何異漫置之皆叢書精收之皆經史夫叢書未可少也而求叢書於唐宋又患其太多唐人尚辭好繪烏有之事一往浮寄自寫胸中所結妄想而情境歷歷似可覆按令讀之奇逸不可復制甚而伏深險藏遠鋒以

杜白集

卷之二

五

聖所未發諸儒所未解往往不盡列之學宮而家標秘指人擅勝宗赤水玄珠片紙擎出豈得以老生常談置之有草野開竅之董狐有時宰所不及制之孫盛有通德所不及述之伶玄有山海經所不及載之奇有齊諧所不及志之怪以至文酒遠情茶里趣事花石麗囑劔鼓玄提書畫珠船詩騷璧府皆有實錄皆具品題安在零篇

杜白集

卷之二

五

故統之唐宋亦猶漢魏之統先秦六朝也
友人張卿子緝是書而梓之余偉其意而
爲之序

敘孫鴻羽借竹樓詩草 癸酉年

鴻羽嘗與余論詩曰詩不必三百篇自不
得不以三百篇爲法脉四言如魏武自存
古意無魏初祖陳思領袖建安若素雪云
飛絕與風雅不肖康樂初日芙蓉差存色

北山集

卷之六

七

韻至園柳變鳴禽大似學究屬對徐庾一
往靡曼徒欲與妖姬變童鬪口齒耳初唐
採之以方重而氣未和陳伯玉風氣道上
不失爲盛唐開山少陵深心獨匠渾鑄千
古使生漢魏當與孟德比肩輞川已膚青
蓮已率驅天下而爲中唐者元白也驅天
下而爲晚唐者溫李也名盛而風習隨之
恨其無隄耳宋元之佳者僅祖中唐然已

爲宋元矣大蘇亦復不免他更可知我明
初欲脫宋元而腐氣難洗北地摹古而氣
猶薄歷下逼古而神未蘇獨以布衣踞壇
坫歷下諸子亦虛壇坫奉之如孫沈盧謝
諸家商周法物共在斯乎近乃有不長吉
而鬼欲番風雅之案徒作風雅之魔畫水
鏤空吾不知其可矣鴻羽之論詩如此而
鴻羽之詩格可知鴻羽實沈嘉則高足吾
里之有嘉則猶襄陽耆舊之有少陵也嘉
則意不可一世獨謂鴻羽曰君定古人君
之詩定非今人之詩則居今而位置鴻羽
姑當割四布衣之席與嘉則並驅中原與
太初作北地歷下而未足以盡鴻羽也渠
嘗四入燕市再遊七閩客吳楚最久所至
必有詩而杖履未經之處正復磨碑待紀
遊則詩故未盡於此耳

北山集

卷之六

七

刻布袋大師傳贊序 乙亥年

大慈氏爲未來佛此釋氏之言也夫旣謂之佛有何現在有何未來如曰未來則已來而爲傳大士又來而爲布袋和尚且曰化身千百億則其不爲傳大士不爲布袋和尚而原爲彌勒者恒沙衆中又不知其幾故曰時時示時人時人俱不識其曰未來者是其補處正位其無時不來者是其

卷之二

序

三

大慈熱腸蓋慈之一念無刻能與衆生相忘無刻不與衆生相接誰無佛性忍其沉迷誰非佛身忍其流浪則誰非彌勒行化之時忍委之未來而徒以百億樓閣自秘其咲口布袋之爲彌勒時人原未嘗識彌勒之不必爲布袋時人更未之識彌勒旣欲時時示人又欲人時時必識則慈化亦不厚矣布袋已是彌勒影子又從而爲之

傳贊傳布袋耳贊布袋耳百億化身局一布袋時人眼根終是不圓祇能識布袋師終未能識彌勒則彌勒原在不動寂場卽謂之未來亦可

許郡侯德政錄序

吏治至今日尤難言之矣上日程才而麤曠負氣命曰邊才刻覈多事命曰吏才纖細偏下命曰綜理才囁諾委辦命曰坐鎮

卷之二

序

三

才占風望氣投間抵巇命曰圓應才以是爲才弊更甚於亡才耳上日程守而細介巨鑒命曰有分辨陽吐陰茹命曰遠苞苴恣取豐結命曰與衆分羶深情善沒命曰藏珠敗積積穢垂裂借題驟張命曰奪胎養名以是爲守弊更甚於亡守耳蓋才不問偏全期於實有可用守不問微著期於實有不染吾郡許侯人爭推以名余更微

以實侯之蒞明且將滿考余無日不與部
氓耳目其政教則無日不與部氓出入其
肝脰也旗隼飛丹如水之心自白羔絲綰
素解繩之手自靈獄無受情而擊斷泯相
民無皮隱而興釐去痕不屑屑問錢穀而
鼠雀滌藪不斷斷繩豪右而蕞芥戢毒抱
牘之吏惟虞瞻暴於庭鉤人之符不使趾
重於里飭軍實而佐籌海酌賦役而急鳩
民讞牒公移無非實錄至清查儲餉充足
與憲檄相發明而一洗前後經管之謗窩
才御守而出何事不可對琴鶴守翼才以
行何念不可鼓風霆至強立品題妄相標
榜天下方以疾足相鬪而侯不知也今
天子亟欲課實而下惟應以名冠紳鬼域
且疑古循吏傳爲魏晉舜禹之事矣按侯
之實而始知循卓之名果有不虛傳者耳

三忠文選序

丁丑年

魏鄭公曰願爲良臣勿爲忠臣夫良臣非
不忠所遭者順得以直行其忠不必以忠
著耳廬陵先輩如歐陽公不謚曰文忠乎
然天下後世祇重歐陽之文而忘其忠蓋
當北宋盛時猶得以出入風議畢良臣之
忠而溫厚立言存臺閣體其所遭然也三
忠與歐公同里豈不亦願爲良臣無使國
衰而忠盛國亡而忠存哉然自南渡以後
跼蹐行在以至盡祚厓山原無一日非小
朝廷也忠簡一疏萬里展轉坑阱卒不能
申魯連之志故其文激憤而高亮益公剛
正獨持隨事補抹不敢以藁爾粗安忘勦
力中原之志故其文沉雅而紆迴至信公
而天下事已全去併無小朝廷可寄一腔
熱血猶崎嶇起蹶於萬死一生之間卒至

途窮柴市從容齒劒以還天地之正氣故
其文痛而不摧鬱而愈壯三忠所遭皆非
時而又各自爲風會顧其文價蚤定矣虜
購忠簡封事千金史稱益公制命溫雅周
盡事情爲一時詞臣之冠信公廷對卽賀
得人稱其古誼若龜鑑忠肝如鐵石三忠
之不朽不必以文而文自不可朽卽與歐
公稱廬陵四大家奚媿焉殷有三仁萃於
一家宋有三忠挺於一地殷之子孫故應
聚族抒忠誰非宋臣而廬陵之三忠特盛
蓋同里聲氣易漸奇節後先相逼耳向使
殷無三仁則殷季乾坤亦太落莫宋無三
忠則宋季生氣遂至銷沉三忠不幸而生
宋季宋季猶幸而得三忠爲之震動於昭
也三仁之文洪範勒於周書微子行遜敷
語亦爲商書之殿獨比于諫辭不少概見

靈心七竅豈獨無文蓋亦表章有漏耳侍
御胡公之選刻茲集非僅爲其鄉存文獻
也蓋將使比干不獨有封墓之文而長煥
箕疇微誥於日月實爲有宋一代存文字
與商周書共垂千古耳三忠之文不盡於
此而此亦足以盡三忠詩書不妨有軼則
其選之之意云

敘卓左車漉籬集

壯伯集

卷之二序

三五

蓋漉籬之義大矣以天地爲籬漉出河圖
洛書而人間始有文字以列聖爲籬漉出
卦爻彖象而人間始有易理十二國之掌
記尼父漉之而爲春秋丘明又漉之而爲
左傳典謨制誥亦漉之於唐虞三代散見
之紀載十五國之風暨二雅三頌僅存三
百篇亦漉餘也禮樂記雜采周禮儀禮及
檀弓諸子以著爲經所漉更多龍門家世

太史漉秦火未炎之故府以及秦餘漢初
之見聞而成史記兩漢書皆成於異代之
手茂陵遺稿東觀殘編家擅青箱人懷金
櫃者靡不受漉於孟堅蔚宗之籬其他不
能具論然亦可以盡漉籬之義矣左車詩
文於名公問業有定價蓋其賦才既高取
精更遠胸中籠罩千古而別具大手眼以
漉之詩漉三百篇漢魏以及六朝三唐文

注疏

卷之二

三

漉經史百家以及釋典道藏出沒其籬直
令聖賢仙佛不得安其位置而又自漉其
笥中之積以成一家言卽明月之餘琲荆
山之陪壁不免漏其籬下蓋漏其籬下者
亦皆波斯所望而亟寶者也而存其籬上
者之必皆照乘連城可知也頃嘗以是集
屬余選余復以何爲籬能漉其照乘連城
者哉故不敢任選而祇發其漉籬之義以

爲序

杜曲集

剡上戴渙有斐著

壽序

丁巳年

壽族叔子泰君六十序

夫士貴全吾真耳全真者素索謂適而銀黃謂拘澗阿謂寬而廟朝謂迫故與其顯也寧隱與其身隱也寧名隱嘗讀高士傳

本自

卷之二

壽序

率以其隱高之而最高者自晨門荷簣外亡如東海隱者隱者當建武盛時潛鱗海濱其姓字不落人間其事蹟亦不掛人耳目所傳者止其讓友人王良數語耳令王良終與同志不以一司直往來屑屑則隱者竟無言可傳而隱者之名竟亦不立則列一東海隱者於高士傳中猶非其意也隱名以全真莫踰之人矣吾鄉亦東海也

顧孰爲當今隱者有人於此室有萊婦門辭車跡而不必織落毛食遺粒身爲儒仲借賢親隱而子伯之貴可期於後人未嘗以蓬髮歷齒至於情深自失名之萊子不可名之儒仲不可悠然乘化闇然全真則亦名之東海隱者而已其人爲誰則吾族父某也某少習其高茲且六十老矣真全者不可窮以年歲昔海濱有安期生者人號千歲公相傳不死曩所謂東海隱者豈卽安期生耶何名之秘也而今日隱東海者之卽爲安期亦未可知也

壽族母竺孺人六十敘

庚申年

漆園氏曰水之積也不厚則其負大舟也無力考工記曰凡察車之道必自載於地者始也歸尾間王百谷而水之厚可知也則何負大舟之非漂芥非浮杯也可規可

萬可水可縣可量可權而載於地者可知也則何行澤而虞塗之附行山而虞鑿之甌也積水非舟而舟不得則不方羊載於地者非車而車不得則不咸速夫人故亦有所爲積而載之者矣易曰地勢坤君子以厚德載物明乎非積不厚非厚不載非厚而能載不成其爲坤道也吾八世祖母項太君忍萬死柔國威卒能以厚力載九族及千億千孫而史稱爲義婦今之有竺母倘所謂稱其家婦者乎母奉孀姑孝謹以敬順承其夫叔氏疋視之宛翔紫齊酒食以供祖宗奉賓客子姓亡疏戚皆屬以和且晚寢蚤作勿憚夙夜不辭劇易益嘗推某君爲吾族長者而母更善佐之幾不復知世有休其蠶織而箕帚聞諄語床第開蝶漬輶釜階內貳葦食煤外携者其積

之也厚矣所以載之者亦既樸屬而微至矣詩曰君子有穀詒孫子又曰俾爾熾而昌俾爾壽而臧母能詒穀母之所以壽母之所以臧也昔宛渠國之民乘螺舟而歷軒轅之丘以觀於黑風之野穆天子駕八駿觴王母於瑤池之上而答白雲之謠神矣哉其負於水而載於地者乎通乎此而知母之壽實母之德有神於負而載焉者

六十初度觴祝方始余方滯燕弗獲走爲壽敬次數言遺有經幸有經以余言觴若母而併質之若翁

壽周光宇太親翁六十序

辛酉年

失士當未遇時望見駟馬高蓋則不覺自失夢暉長安之道齒芬承明之廬計得殿仕版勝弁列仙傳嗟乎此世人之所以不仙也紫芝老人有言富貴之畏人不如貧

賤之肆志夫仙豈非人但能不畏人耳况
未嘗富貴又不免畏人秉敝策羸俛眉抑
首背芒橫集面唾不乾倒元龍之樓縮子
陵之足噤士龍之咲忍嗣宗之哭誰無血
性能憐憫久嘗此哉然則奔走長安之道
出入承明之廬祇足夭其天年耳達非曼
倩而曰避世金馬將誰欺乎嘗試思脫塵
鞅而入谷指雲松而息機沈耳觸石之淙

放眼涵天之壑身卽未到心先自遠况於
飽雲嶺上醉烟河許良田清池地盡花源
蹲鴟木奴產皆杏穀有甘可分窮交待以
舉火無物堪競盛氣望而息爭咲仲長之
樂志猶爲虛論薄莊生之逍遙終是幻遊
者乎此於人趣獨適於生趣獨全求之當
世蓋吾光宇翁真其人焉翁余族姑偕余
少習翁之爲人三年不見翁通知遠心益

暢澄觀愈深時咲塵海勞人一日可老而
高寄人外忘其年已六十者顧翁雖自處
古逸民之間而天將厚萃於其子若孫自
今伊始寢羅圭組上翁七八十壽翁且與
垂白少君環顧而咲曰余生不必貧賤亦
不必畏人今若輩竟不免矣斯時且益信
余言之不妄也翁子伯氏與余爲兒女姻
伯氏當首上觴請以余言伴玉卮進

壽封公孫仁所年伯六十序

辛酉

夫志有所寄不必自身也道有必還未始
不自身也史遷嘗致疑於天之報施幾於
厭夷而慕跖然跡其所稱于公治獄有陰
德而廷尉以興石奮恭謹無比而以上大
夫祿老於家諸子有至丞相侯者則史遷
之指斷可識矣余行天下見諸賢士大夫
名位赫奕於時者靡不自其世德篤之

吾所見里中長者數十年間亡如仰山孫公而僅以寒癯老夫固有以儲之已仁所翁實克世其家都富厚繁葉不敢以侈逸聞身慕鮑宣梁鴻之高主中壺者亦請從少君孟光之事嘗咲閭巷兒得一飽飯遂農夫釋耒紅女下機者孝友自其天性尤欲以家學大其門宵燈然雨曉帳圍霜噉噉之聲時與絃誦相和以故併肩爲童者

壯年集

卷之六

七

或之無不辨而翁諸子卽駒齒未落已龍文至與族里處可以我爲銘可以我爲谷他人所豎髮裂眦相向夷然不以屑意特好振施親故有待以屬息者易曰家人有嚴君焉翁之正家以之又曰巽而順剛中而應翁之居鄉以之今茲三錫肇膺適當六十初度蓋翁諸子將人奉貍章爲祝而水部君爲之始將歲奉春酒更觴而六

十初度爲之始詩曰不剛不柔百祿是道非德足以適之孰能當此百祿者乎善夫蘇常侍之謂庾子山曰君家兄弟俊茂皆祖父積德之所由也然則取諸世德而還以顯揚故知水部昆季其未有艾矣余與水部居同里業同社舉於鄉同籍仕復同官習翁家世正與他人不同故敢詮次其事而以頌爲祝且明天之報施不爽也

壯年集

卷之六

壽族叔祖東泉翁八十敘

癸亥年

某方舞象時長吾族者爲曾叔祖龍溪翁方嚴踔厲子姓稟繩伏臘歲時肅然燕集微有越履呵責峻加無敢意衡者某於斯時以爲長之率族族之事長禮法固然不以爲異比某與成人齒追隨諸長老杖履之末則有大非曩時規檢者人浸長傲介不能坊禮豈爲我設之意竟欲移而用之

族黨脛如腰指如股旣病屈伸又苦踈盤
故家流風幾不可復識矣此故繇子姓不
以禮法自繩亦或長之者過以優游相習
寢失某翁方嚴蹕厲意耳東泉翁卽某翁
長子也去某翁三十年而復長吾族族人
習優游久遽以方嚴蹕厲之家法長之必
駭且怪而踈盤將愈甚翁以質行素心順
流更始族人不怵其嚴未嘗不服其長者
先祠就圯翁克新之先祀幾廢翁克舉之
則又未嘗無方嚴蹕厲之實至其忘機以
遊城市爲寄昔桃花源避秦人不知有漢
順昌山人惟知有熙寧紀年翁之脩然閒
遠正復類此翁其有隱君子之德而不必
以隱君子自標榜者乎翁今八十矣試省
平生有幾攢眉事曾與人有幾目攝色忤
時此可知翁之所以壽矣則長吾族而扇

和風以消踈盤者正未有涯也

壽孫太夫人六十敘

祿能逮親人子之至樂也鄭莊之感千古
同情幸有母遺則累茵列鼎之日亦可無
枯魚銜索之悲矣是以崔邠娛志於導輿
毛義勛色於捧檄彼非以榮遇爲樂樂其
逮母之存耳余年母孫太君受子水部君
封止再閱歲壽始六十夫六十爲初壽而
水部君德業方新伯若季皆宿彥諸孫又
皆瑤環瑜珥倘所謂叔慈應門慈明行酒
六龍下食文若坐膝前者乎初度又當首
春寒綠生絲暗黃著柳韶景隱映與萊階
繡綵相涵太君對之能不輟然雖存不忘
亡或抱桓夫人之感然惟有共挽鹿車時
乃能有今日惟有今日而共挽鹿車之人
爲不沒矣况太公已前太君二年登六十

壽且已並拜水部封則拮据啓後之効已
嘗享之太君亦何爲不豫哉至水部君所
未得盡懽於太公者故可併盡於太君彼
修導與捧檄之事者夫獨非快然於有母
乎太君令德成於家訓婦道母道均不愧
古列女第其慈海靡懈祥已徵於集鶴心
彌切於九熊子若孫羞之以甘太君還嚙
之以苦知異日繡綵充庭奉觴遞進當更
壯日集 八卷之二 壽序

有甘焉者矣余亦人子每誦詩至焉得謾
草言樹之背不覺掩卷而嘆余以是知水
部君之有母樂不可言水部君或不自知
其樂試以毛崔兩公之心合於余之不得
爲毛崔者而樂可知也

壽鄔鎮宇七十敘

己巳年

夫士負奇而不遇者何可勝數士卽遇而
名湮滅不稱者亦何可勝數士故無間遇

不遇也僕問其有可不朽與否耳范蔚宗
特爲獨行立傳其人卽絕不得志於時而
一節孤異卽絕贊許之使生氣千秋不可
磨滅則士固有申於勢位之外者鎮宇君
今之獨行人也說者惜其少負翹秀與渠
家兩進士齊聲諸生間而獨以逢掖老余
謂此正不足爲君惜藉令遇合富貴而行
能不足表見轉眼草頭露盡矣卽如於越
東偏自漢以來不知多少富貴人蔓草寒
烟姓字俱沒殘碑斷碣豪艷安尋而藐孤
孱女偏以異行貞立聲施至今至以字其
邑而氏其江則所以不朽者可知已君之
雅量熱腸諸難殫述其事繼母孝已爲人
情所難其所尤難者尊人晚有虞侍垂歿
舉一子而所生尋去呱呱脫乳此際設存
俗腸未有不利用其折殤者卽知容先人之

孤母亦委諸室人付之保嫗以塞吾責乎
而君則曰孳而孤且在嬰葆以屬他人與
歿隣耳乃躬自母之推燥居濕淚爲湏血
爲餌眠食在抱者數年懼諸孫或難與羣
則分塾教之而且婚必名族張之以外家
分必膏腴振之以豐產嘗試求之古人計
武自穢以成弟之名用心良苦而無其勞
朱明傾儲以饜弟之欲推分良奢而無其
北門集 卷之七 詩序 主
篤尊人魂魄宛轉亡若葆中之孤何而君
能以孝爲友不啻尊人之身自顧復此誼
直掩千古以視遇合富貴第爲子孫作牛
馬而箕豆相煎蓬蒿同盡者奚翅彭殤况
復童子方青靈髓初洗令今日如漢詔郡
國徵異行一人足以消災伏異者則君必
爲帝傍歲星卽不然而他時 國史傳獨
行必以君爲冠冕且將咲許武諸人空負

不朽名耳詩云湛湛露斯在彼豐草易曰
其初難知其上易知君之修德立行已當
易知之時草豐露湛天道原非夢夢遁於
身必償於後故不徒以難老盡純嘏矣七
十初度適當長至之後其對玄天黃露烝
余言作王公之觴

壽蔣春寰詩敘

辛未年

崇禎四年歲在辛未中春二十有二日爲

杜拙集

卷之七

詩序

主

春寰蔣君六十初度親賓咸集爲壽亦知
君所以壽乎君性率素不習巧令投世至
其所共肝膈彌久益親市廛以貲相雄伯
君獨厭持籌惟羅名輩結清谿社辛苦堂
構出孔虞奢而折券好推時爲親故外府
此皆松和之性其所以壽者靈根旣沃有
樹皆寶參差玉階浸升雲霞上稱耄耋觴
快更可知余兩世肺附半生心期聊賡絢

棟之篇用附保艾之義殊覺忤忤者有鬱於中也

壽邑侯吳綱白德政敘

壬申年

四垂方當多事郡國稱寧宇者無幾問所以致之皆緣無良有司蚤爲綏靖且以益深益熱日夕驅之使挺走不顧耳天子用是屢旨振飭責成令長尤峻蓋以去民最近搔捫瘵疴最親切也顧令長至今日

壯由集

卷之二

詩序

五

跋竟極矣課吏首廉而動勒設處考成急賦而動繩苛迫趨承之役紛於職掌要索之竇夥於公輸欲塞譙呵旋滋怨譟勉調瘡肉番叢疾疢撫按司府之意指與其功令原不相蒙懼于功令轉伺意指夫且姑膏血修瘡孔借情面爲疾足於是吏治奇壞而道子計無復之矣吾奉西絡重山東連巨海土毛甚儉而走險多途稍一失調

綠林滄波饒供阻嘯桀黠好訕者尤能蜚語惜中鉅筭天下自下發愚不解事者又多不畏長吏而畏胥吏胥吏因緣爲奸負租多者爲爰免犯法重者爲颺鷹青趺不入黑犴不出甚且指官爲壑以壓其奸邑爲孔道裁減什六供應百倍車轍馬跡往往爲開罪之路最犯手者以前官之積逋衡見徵之完欠趣舊則新開趣新則舊壅兼趣則縣門空有雙懸之條間左必無兩儲之橐且謂令實苦我而不知奉實苦令也吳侯治奉且再期無日不動色於奉之難治而竟不難於治奉城社憑煽必徹其膽時置之法或陰以事屏之孟賊內訌必摧其根主藏洗手保解無從乾沒兩造至矜察并用庭無留牒圉無滯囚其以誣命通竊爲奇貨者尤必痛雪之郵傳如織不能

壯由集

卷之二

詩序

六

啖肥取暢駢駢征夫亦不頓於靡及額征
帶征加派疊派部院狠督司府守催曲紆
其力而雷洊可安妙濟其虛而慈筆併撤
編審開十年利病既能盡下復不乏獨裁
孤嫠醵役逃亡浣丁卽至桀黠者亦且轉
訕爲頌其他修廢舉墜間視其力之所羸
如新冀造士繕堞鳩民政不使教訓緩於
生聚保障後於繭絲矣蓋宅心廉平惟知

杜曲集

卷之二

書序

七

曲赴功令至徑實捷聞機警巧逢皆所不
屑卽疎節梯尤刻意買戾亦所不問奉之
不卽爲甌脫奉民之不卽至轉散恃有侯
在侯之壽吾奉者至矣侯之德施不朽而
侯之以奉壽者亦至矣素鷗入琴實侯初
度敬以是颺言佐觴浸且以循卓聞止
則今日之所颺言者故應具載之 璽書
以明綜核之 朝自不乏振淖以應者

壽大司馬邵上蔡六十敘

壬申年

候濤之山鎖鑰東南控壓溟渤千尋挺骨
萬里建標非特吳越之望實以振天柱而
持地維焉負茲山者率以氣骨著而嶠崎
歷落亡如邵公公甫弱冠舉進士司理毘
陵風操肅然吳中要人多目攝之秩滿僅
遷比部良久猶滯水衡不奉要人之效也
公能薄臺省不爲又能爲臺省所不敢爲

杜曲集

卷之二

書序

六

首推重入 天子震動中外虞不測公夷
然鎮之竟抒孤憤於是 朝論翕然謂當
借公重銓署公復薄銓郎不爲尋移疾去
時乘候濤之巔望扶桑日出浩然將終焉
而忌公者益深謀所以剗刃於公之腹者
無不至而公之名益嶽嶽然卒以是迴翔
郎署幾二十年始改光祿丞又四年始分
京兆一席忌者懼且大用借矢慘中幾無

完膚公以直聲素著 天子卒直公然竟
不得安於 朝掉頭欣然曰從茲長往玄
黃之血能復滅人薜荔衣耶居數年超原
官非公意也欲辭不拜或勸之曰大瑞方
用事正須名德舊臣折其譏申屠超然終
爲負漢郭令公居程魚之間而唐祚以安
忍見滄海橫流不一爲之砥耶公避其言
乃出踰年不一面瑞見瑞之用事者輒以

杜內集

卷之七

九

大義相休司空觀政府職方規憲地皆公
與同志者陰持之瑞知不爲用諸用事者
深銜之恨未得間公復薄大司馬不爲急
借扈封南出非第以脫虎口也令瑞知天
下有不可脅致之大臣且令諸用事者知
天下有不可塞裳之津要也徒以封事未
竣兢兢者不卽發亡何瑞敗諸用事者皆
燼公始真脫虎口然不歿於瑞一髮耳議

者猶以前忌必欲附公深文而公之勁節
遠識故非深文所能沒矣公故嶮崎歷落
人也公正發憤動罹禍舊文武深畧徒度
胸府雖然時方多事四垂皆警中樞數斥
如傳舍夢夢有定舍公其誰哉公定不能
薄太傅不爲終作東山安石也公今六十
顏髮愈鮮說者曰公得異人術金骨可變
玉顏不湣而非也蓋其出入危疑之間而

杜內集

卷之七

十

震風怒潮終莫摧候濤之骨有以獨全其
真矣余友何君謙六公年友且姻家也屬
余文爲壽余雅受公知不敢以不文辭聊
次公嶮崎歷落之槩以爲公壽

壽族母陳孺人七十敘

甲戌年

余甫學數日則見孺人之歸吾族父也性
端重身能職勞事所後舅姑問衣燠寒敬
進醴醢酒醴惟所欲箴管線續不弛於佩

抑搔扶持燁潘具沐唯謹有事大小必請
於舅姑事舅姑所虞侍盡敬至舅姑沒不
衰相夫黽勉佐拮据鷄鳴昧旦不輟於警
內言不出外言不入惟績緼羹載是營視
娣盡愛視娣子如已出適爲諸生朝夕課
讀毋令與閨外事卽今七十老矣曾孫且
羅立猶蚤起晏臥躬苦勞不置余嘗謂內
則兩卷其精意多存於士庶之家由無貴

卷之二

卷之二

卷之二

卷之二

富以溺之也而貴富實從茲起蓋士庶之
家未必皆習內則唯是氣儉神嗇事朴精
真翁媼敦率於上子婦凜承於下日從后
區凡杖之間釀成公卿大夫之脉而士庶
不知也比爲公卿大夫單寒跡遠華膺情
深一往驕奢纓綬不免自沒繫絲無骨安
能不波至此而強以內則繩之且曰施泰
奉榮僕御之職視具佐餽庖宰之司儼忽

壯日集

卷之二

卷之二

爲常奚翅德色許語怠廢日甚寧止棄織
休蠶士庶之意盡亡而公卿大夫之脉亦
遂斬絕然則光氣莫盛於士庶而體勢莫
危於公卿大夫令公卿大夫能長存士庶
之意則安不忘危存不忘亡庶不以貴富
爲敗亡之祟而公卿大夫亦不知也夫士
庶家風旣可以釀貴富又可以保貴富安
得薄孝敬爲尋常之行鄙問視淑潯爲幸
苦不足循之陳格哉若陳孺人尤士庶家
所不數見其得內則之精意實多子若孫
能守是意而不失故公卿大夫之脉也而
子若孫不可不知也余因是而有感焉吾
母鄔宜人母前母之孤踰於前母之自爲
母推甘割肥遺我以無所私而壽止六十
有九吾八世祖母項義婦抗雷截電全孤
及宗能壽戴氏千萬年之脉而壽止五十

有二德如二母皆不能七十而孺人獨得之且往未有艾則所以爲子若孫培公卿大夫之脉者亦未有艾何孺人之微於天特厚耶詩云樂只君子福履將之夫曰將之則猶在日升月恒之候也金天初朗麋膳肅戒其以樂只之歌浮瑤池白雲而觴之

壽戴繼椿七十序

北山集

卷之七

壽序

五

吾宗之著於越者有西陵戴氏戴自安道先生入剡爲江左鼻祖子孫散處江左里門相望剡故越境環越數百里內葛藟依根地望清樹尤多與雪裏谿亭相掩映越之諸戴大抵皆剡脉也吾奉故剡割西陵徙自桃源去剡更近以故宗人往來吳越間者至西陵則猶至家顧西陵之裔實繁負江鱗次絃誦聲相聞簪組升朝者武

相接余及睹記如侍御公正色獨立風望特峻憲副公敞屣外臺勇退明高真吾宗之典刑矣崑崙玉英無時不長瑤琳瑯玕後來更秀至如某昆季雖尚淹承售而靈輝韞含識者知必以珪瓚薦夫羣玉之華有以開之則繼椿君實爲之父君以道素市隱杖履翛然日借羅剎雨潮濯其肝襟人世荆棘不設於胸而於世無不可入天

北山集

卷之七

壽序

五

下士大夫布帆入越及越中諸君子問齊津而西靡不以君爲歸靡不傾君之開率而驩然把袂不忍去其在族里尤以六行相敦洽柔亦不苟剛亦不吐雖三尺之童皆知敬愛君莫或貳以故邑大夫禮賓之正齒於西序記善於惇史而君且翛然如昨益全其市隱之素禮七十養於學燕衣憲老茲復其時由此而常珍月告存寢遊

日有秩庶老國老君當兼之禮七十不與
賓客之事君意氣猶傾海內日與賢豪長
者作白首良覲無倦容賢豪長者獲接江
上髯翁不啻遇丈人於漢陰洒玄風於河
上也鵠火方中是其初度競爲歌詩觴君
余托宗祊於君尤暱安得不次其道素而
系之以詩詩曰吾宗之秀萃於江潯篤培
駿發是子是父天錫眉壽以永燕詒大斗
北自集

卷之七

五

迭進階前玉齊旣賓於鄉當秩於國貳膳
介祉三閭綏祿朱天赫曦象其光氣麋脯
麋軒忠養勿替

壽邑侯李玉臣六十敘

乙亥年

乙亥之春二月初吉遲日破靄惠風拂林
余方藉草鹿源課山童種竹忽兒枝偕族
孫庭芝輩來請曰是月之望爲李侯六十
初度計吾宗於侯有世誼侯之推世誼於

吾宗特深可無一家之言以廢十有之咏
乎余曰是吾心也微獨吾心亦先司成之
心也侯之尊公令羅源時先司成不及見
侯以羅源之適來牧吾邑是卽羅源之惠
化親被剡上而先司成得親見門下士之
卓魯維桑也喜可知也余安得不以先司
成之心抒諸子弟躋稱之惻哉大凡司牧
之壽與衆人異牧一邑者卽以一邑爲身
社勸集

卷之七

六

所牧者無天閼而牧之者可知也則何
邑之草木蟲魚皆得昭蘇保合而宰一邑
者不還以自正其性命也侯外寬內敏不
喜淵察而遇事了然不習谿刻而遇人肅
然積猾巧嘗至以小忠小信鈎迎百方而
侯不爲動尋因事逆之不少需侯甫下車
余卽以嚴門內爲請而後乃今知不以余
言爲瑱也奉之最犯手者亡過催徵異時

追呼禁楚繩逋甚於繩盜侯惟片紙期會
亡不竭蹶輸問苦輸之塗壅而逋之隙遂
開則擴其收之途而輸之途自無壅且時
痛雪收解孔實不令換馬倒批沒輸之實
而補瘡剝肉受逋之名奉民好訟甲諸邑
其尤桀黠者往往視邑庭爲不足質成侯
能翔宛誘化至輒平反敲朴可置贖緩可
捐浸至聞如其庭而越志衡行者絕跡矣

杜由集

卷之二

壽

毛

邑城積圯咄嗟立百雉當海寇縱橫民始
不憂囂入敦明庠序務存 天子疊疊飭
教至意百姓知有德禮不知有誅罰龍谿
東瀉非故也旣妨灌溉風氣復疎侯欲以
王仲通塢流法隄其奔醜還之故道營綜
甚力每筭輿行部從一二胥史村落不知
是縣官止舍離鄉亭絕不煩窮鄙供張居
恒與家人飯脫粟不知奉有山海之珍蒞

奉幾一年篋中所需猶其家物也史稱建
武永平間吏事深刻爲未盡中興之美今
上銳意中興而守長多務爲峻政以塗塞
上指甚非所以共成 中興之美也侯獨
以潁川四長爲師仁信篤誠使人不欺而
職事自理病害自去彼鷹擊毛摯一切收
濁之源哉 明主方恨吏急使民不得安

杜由集

卷之二

壽

太

田里當亟 褒異廉平爲天下瘳復元氣
且羅源公治行冠七閩而遇不配德合閭
山剡水麗洪之積而厚萃於侯豈直以德
政壽蒼生以功名壽史冊已哉余不能以
一家言私侯還取一邑所怵舞而尸祝者
率諸子弟颺言爲壽先司成實挾羅源公
以聽於封山之巔定不以余言爲謾耳

壽鄔母汪孺人六十序

蓋義方著聲母與父各載半焉永有內無
賢母而父能獨成其教者故嚴君不獨父
道而止慈實兼母儀禮稱六年教之數典
方名以至惇行博學方物服官所以教子
者備矣而皆係於內則明教子卽相夫之
事母道收父道之全也吾邑稱能教子者
必曰鳳磐翁孝廉明經鴈行絕雲東觀石
渠鳳翥指日而叔季並挺英翹不肖自減
北日集 八卷之七 元

千里應咲封胡羯末猶非同胞龍駒鳳雛
僅稱二陸矣翁之所以教子可知也而母
汪實克相之翁事親孝母以勤儉承舅姑
歡稱其爲子翁奉嫂氏盡敬字猶子盡恩
母以宛順慊孤嫠志稱其爲叔翁俠腸援
急至反戈不衰母匍匐應之不以南昌幕
食使爲德不竟翁銳意拾名至生產不問
母黽勉佐之不以北門交謫使修業不堅

翁心長遇短至屢戰不俟母義命相慰靜
好愈間不以猿臂數奇使執策無色麻泉
篝燈惟日夜從翁課諸子讀九熊意苦養
豹霧深必期有以成翁之志且以崇谿玉
泓爲其渭涘而秀淑所會有吞月之祥內
則夙嫻故其天性又不徒隨俗操箠無當
起家楨國者卽至兄草弟麻弟當兄制次
第迎養重疊地封總教子之完局克昌之
北日集 八卷之七 元

定理耳余嘗獲交其家兩進士羣從雙璧
盛事猶未去眼茲復得交孝廉諸昆季羣
玉同根如四窗日月分光映人昔唐夫人
以乳姑一事克大崔門至卿相屢葉以母
之賢故應食報如崔女史千秋復勒汪夫
人不朽矣詩云令德壽豈蓋德靡不貫壽
與之俱屢葉顯揚莫非壽豈卽今六十上
觴猶其啖蔗一節耳鳳磐翁已前五年登

六十躋雙仙之堂效罄宜之祝余惟本之
令德

上目

卷之二

五

杜曲集卷之八

刻上戴澳有斐著

記

星源丁峰塔記 丁巳年

新安自宋季來雅以婺重蓋自紫陽倡道名儒蔚起數百年間鄒魯不在河濟之間而在星江之上豈非風氣特完故鍾毓之厚有異他郡邑耶而說者乃曰婺卽朱夫子闕里然夫子卒老於閩似猶薄故土多缺陷而輕去其鄉卽後先多名巨或不盡擧上第而年來兩聞或視昔稍厄意山抵而水駛猶未收形家之全焉耳於是相邑下流議起丁峰以鎮之此丁峰塔所爲築也余謂婺產有一紫陽人物已甲天下且稱人於宋季至有謂考亭榜進士者則考亭雖不居上第而當時之居上第者竟不

得與爭名是科名亦未有先之者也婺產而人人紫陽也又何求多於地脈焉顧魯無兩仲尼鄒無兩子輿鄒魯而必求人皆孔孟則鄒魯窮矣婺而必求人皆紫陽則婺亦窮矣然鄒魯匪第孔孟不世出而近且不得以科名雄長天下婺自紫陽以來代多據其壇坫者慮無不人人紫陽而天下後世或未必卽以紫陽許之則婺亦竟無兩紫陽而且慮科名之衰或亦如近世之鄒魯此所以求多於地脉而逆制其所必敝也則丁峰塔之所爲築也塔議創自邑紳程公克顯經始之者邑大夫朱公一桂昌江人其間如洪都徐公良彥嘉禾譚公昌言澱水鄭公弘道當湖金公汝諧後先同心期底厥績而竣事於句章趙公昌期鄭以司理署篆塔成太學程君亨嘉捐

賢建天柱菴兼創書院併爲諸公立生祠而清源馮公時來爲置田十畝資守菴者余偶客婺程太學招遊天柱菴泛舟清溪登峇嘯咏騁目吳楚羈心爲開遂日程君之請綜其事而系之以銘銘曰婺於方輿埒鄒與魯三天子都爲闕里祖惟升出虹惟江應星斯文在茲川嶽長靈士也却顧復起天柱掀卑使高砥頽使注丁峰言言

木山集

卷之八

與區重閭豈從地湧阿育王塔厥惟數公是始是終惟程居士割施鳩工以方便力成宰官德拔地造天勝因靡極

聖祥塔記

己巳年

真主之典必應符瑞蓋天之所授不問其創與守也自非繼序之常卽受維新之命况功侔撥亂運際中興守卽爲創者乎頃逆璫竊柄中外煽搖威焰赫於窮昇稱頌

多於新莽所不卽如夏漢之中葉者天蓋急開聖主以折逆鋒而振頽緒耳六七年間河清璽出鳳至麟生知皆爲今上發祥矣其最奇者今上以兄終弟及乘御天之龍在天啓七年秋八月二十五日而天台三金錢之現卽以是年六月立秋日天特以剪逆之權授今上故乘秋金以正位而金錢之現亦正以立秋之日况

木山集

卷之八

四

台山上應三台卽天子之三階也故錢數三泰階平則陰陽和風雨時故其文適爲太平通寶三階平則六符正故其價周園六寸是台山明以太平爲真主非第借有宋故事僅作兄終弟及之符也語有之君乘金而王則黃銀紫玉見漢道全盛昆田泰山皆出黃金晉室中興永和得金勝建興得金鐸夫黃銀之祥亦屢徵矣且

錢爲泉貨則 今上奪幾危之天下於兒
豎之手申久遁之天討於盜弄之奸非卽
白水真人起四七之際乎說者曰是故宋
所賜天台道者詢之物詢實沉之石橋龍
窟以鎮此山宿藏偶出未可遂言地不愛
寶也余曰否否金錢沉不測之淵且七百
餘年而忽然躍出適當兄終弟及之日除
兇殄逆之秋是明示台階之平天與地應
而浸復遼疆浸清黔土浸撲方垂之伏莽
皆乘金之餘烈矣自天祐之吉無不利神
已告之誰曰著短夫銅亦金屬也銅塔之
建適以其時安塔取沙錢隨現行相
感龍藏仰輪潛者欲飛故沉者忽浮耳雖
然剖胎毀卵則麟鳳不至伐天槎孽則芝
草不生台令胡君以朱邑之廉平行陽城
之撫字寓縣如殷台獨有天水族山靈知

其循吏且龍窟浮金巧當禱雨奇應之後
則其爲 聖主發祥者卽其爲循吏表異
者也是宜上 聞宣付史館以明有君有
臣爲 中興一段盛事當道不欲艷稱符
瑞踵稱頌之武但令貯錢郡庫恐非天地
獻奇意耳胡君卽銅塔顏之曰 聖祥而
捐俸置田爲護塔計則台山不朽茲塔亦
不朽而 聖祥昭垂長與六符並麗矣胡
君名接輝江西廬陵人金錢各重一兩錢
陰道擁佛像精彩如新銅塔爲九十老婦
募建所置護塔田計十畝
邑令劉侯清復資國觀記
八書有河渠十志有溝洫國之利害莫太
於水史起曰漳水在鄴傍西門豹不知用
是不知也知而不興是不仁也然而知用
水者亦鮮矣鄭國能用之於秦開渠三百

里畝收一鐘於是關中爲沃野白公能用
之於漢引涇注渭民得其饒興池陽之歌
故談水利者皆祖鄭白顧有開必有塞能
決其塞功卽與開等自九河失故道遂爲
天下大患議者至欲徙冀州決黎陽放河
還故道使北流入海雖壞城郭田廬塚墓
以萬數猶謂遵古聖之法定山川之位河
定民安千載亡患策無善於此者况乎有
利無害一導故流而舉重爲雲決渠爲雨
者乎吾奉山疏水迅龍谿自鎮亭直瀉
隨高下作堰則並谿皆麥牧地耳通溝
溉曷齒稻梁前詰之功德不可改也元莫
著於資國堰邑之爲鄉者八而瀕龍谿者
四鄉各有堰而資國承松林之餘沫踞奉
化之上游奉化一鄉田皆受溉誌載溉田
三萬八千有奇惟堰在上游故能建瓴而

下走龍麓注市河瀦萬壽湖歷三山斗門
抵司馬橋廣平硯鄭家陰紆行踰二舍而
宗於江故他堰非稱地則稱氏茲獨以資
國名有以也堰創於唐元和陸公明允建
天祐而鄭公準建土埭以束其流元季馬
公稱德李公樞修堰濬溝益章前蹟咸報
釐於社庾桑弗替矣然往往苦狂濤壞堰
閘溝甫曠烈卽虞漉潤不及客秋水夷大
堤堰益潰溝益爲沙石所侵田其鄉者
父老子弟以疏淪放道請之邑大夫劉侯
侯報可其居松林者既不取溉資國獨
谿菴新砌在資國下以形家言欲徙堰遠
菴成腰帶勢遂乘寘淤爲塌搖然而故道
自在也夫徙堰下流則田反居上其能逆
排而仰灌乎毋論非此堰故址且亦失砌
堰本意矣父老走余曰堰脫徙自唐以來

血脉斬矣奈一鄉性命何且征輸又安出
耶余曰侯神明必不捐一鄉之性命供一
鄉之矯誣也第靜默以聽侯一再行視其
地正色矢衆曰半邑征輸數萬家膏血浮
此本帶使謝故道隄下流將以乳爲目以
臍爲口乎苟利於民不難爲李冰白綬之
戰其敢殘吾農誦吾賦以詢人不急之爭
哉立決之如其初用水之道侯不任德亦
不任怨曰吾祇知踵陸鄭諸公之遺蹟耳
若可改也時更千載事經四賢變通當不
待今日矣通邑皆服神斷卽松林之賢者
亦自不爲一方之言而好惡是非臧牙
斷斷必欲申子虛烏有之說訟之郡伯陳
公而府憲建侯議浸質成於水利袁公而
憲讞亦建侯議由是水走故明不與地爭
田承故流不與水爭且甃且灌不與天爭

遞滿遞分不與人爭千載不斷之脉侯實
留之一鄉幾失之饒侯實還之因而不鑿
是其智也知而必興是其仁也仁智西門
豹未之盡而侯兼之 新天子綜核吏治
尤加意令長侯適化翔報宸璽褒循異當
併建此舉然龍山片石不磨四公之澤始
不斬又非特因之而已也侯諱道生閩之
甌寧人客有引詩而頌者附勒以俟采風
詩云茲彼泉水其流湯湯帝命率育南
之陽北流活活惟其深矣振古如茲寧
今矣泉之竭矣不云自頻悠悠我里獨
匪民豈弟君子邦之司直啓之建之莫非
爾極我田既臧廼積廼倉以洽百禮邦家
之光烝我髦士式歌且舞於萬斯年亦其
福汝

天台胡侯德政玄感記

庚午年

謂天道邇疾呼之未必應謂天道遠輒呼之未必不輒應蓋天非一時一念之誠所能動也叩心霜飛有通於未叩者含冤風震有鑒於未冤者人情痛極呼天未有不誠而天未嘗一一挾風霜應之則呼天之誠同而呼天之人異也七年之旱非六事所召故桑林一禱而千里頓蘇豈剪髮斷爪之文能假天若斯之捷哉太史之占曰當以人禱正謂非其人無所禱也始豐衝瘠逾它邑異時一瓢衆與人盡爲令而重事者俛眉徇之以自濟其漁剋之私用是力盡而役不竣財盡而逋不清刑獄日煩桀黠轉逞幾於南陽不可問矣自侯下車正身絜已爲惠化樞金如粟不以易甕塵馬如羊不以易釜魚民所患苦輒爲鋤去積猾宿蠹爲之一空而後乃賦役清定影

冒衰止春風襍禳夜月絃歌桁楊無冤械樸有造侯之所以禱於天者久矣用是有呼必應若始豐獨與天暱者丁卯歲六月大旱侯能鞭起睡龍畚石梁之淵於華頂之上而靈澍遍敷表金錢之異歲庚午六月復大旱郡境皆赤始豐偏得急雨檐谿之石皆飛作燕蘊隆竟不爲災說者曰侯之齊心步禱而圻不蓋足繭不舛捫壁而叩神湫投體而修叢祀精誠之極以至是夫以此爲精誠則何人不解陳辭何人不解薦璧何人不解辛苦暴露而豐隆列於飛廉屏翳專伺人一時一念之誠以供驅使威神不重褻乎則此何足以知侯乎天之求莫不以百里或遺治之燕天豈以一隅獨格卽天行之數不可圉而一捫素心以問天天自悔禍不暇蓋以爲民立命者

執天之經而以爲民請命者啓天之籥也
行春雨隨天獨以寵鄭洪行部雨降天獨
以神百里嵩向令身實不職而厚自矯誣
卽積薪自焚正抱蝸虎之冤耳安能竊天
之權而和女風於陰鳥起蛇醫於石甕哉
象化卽人爲龍百姓視王爲雨通於此而
侯之所以輒呼輒應者可知矣侯將不自
有歸之 天子旦暮璽徵陞對 天子復

卷之八

卷之八

卷之八

不有歸之於侯則侯直曰偶然耳然而通
路碑之史冊書之何啻渡虎反風之足
異哉余素知侯邑父老丐余文紀其
不得辭願其異自可傳不必然也
余嘗爲侯作 聖祥塔記起家名貴其
中茲不再述

了明塔院記

甲戌年

了明師住持國清垂三十年苦行領衆

等建幢道俗相逢皆大歡喜且謂寒拾再
世夫寒拾故示現國清比豐干饒舌終不
能混迹自秘則去而之寒明兩巖兩巖實
寒拾終隱處余遊寒岩見有寒山磚塔則
拾得與宅當在明岩而神其說者謂閭丘
追寒拾至明巖皆化爲石明巖故與寒巖
相表裏歸化此巖故二子實錄但指石附
會爲寒拾添蛇足耳了明有爲功德旣與

卷之八

卷之八

卷之八

國清不朽晚厭有爲以寒拾歸兩巖意
諸宰官諸宰官嘉其意爭出買山錢小
拾得嶺南之陽杜原生爲建塔旁立精舍
更買遶舍田若干畝作香供資師退處其
中以待卽化踪跡可晦光明難隱諸宰官
還當時時追師於陽杜如閭丘故事又作
台山一段佳話法裔嗣而守之長與兩巖
禹足未必不指陽杜片石爲了明化身也

署縣郡別駕蔣公興學記

周禮辨五物九等制天下之地征以作民職以斂財賦卽因九物施十有二教以聯師儒以保息萬民蓋民必知教而後知地貢之爲民職也今郡國吏第知急賦斂以便考成夫征及逢掖揆括窮豆登進問黨有庠術有序爲化民易俗之地乎進知教有業息有居爲建國君民之本乎用是民之觀聽不習於環橋而士之精神不聚於鼓篋挺而走險囂而亡上皆教化不先而專急賦斂以驅之也今上故重邦計本重邦教頃特諭部院咨嗟於董率乖方培養無術至欲遵祖制興社學以養蒙育德敷教儲材夫且欲興社學而郡邑之學奈何令官墻不完芹藻失色此甚非明主意也而悠悠者徒委於經費不載額

征右文無當考課則先河後海之意豈至今日遂不可問乎郡別駕蔣公之署吾奉也其初視學遍囑廢狀卽慨然以重新自任不謂代庖可卸也舊述新征牒催如雨不謂功令靡及也歲額加派祗塞怒呼不謂勑支無抵也亟出俸錢力肩經始而且請漏儲於撫軍而且搜積負於公產而且胥度必悉而且省督必親不踰月啓聖宮成基增高制增廣鞠草十餘年而後乃今瞻展有地矣翼官左右者名宦鄉賢兩祠皆不因故址也至門堂廊廡無處不載瓦礫則無處不煩橐鼓雖未卽觀成有待後來之同志而謀所以妥先賢之靈使色笑不辱於荒榛踰濟不爽於委巷者制皆蚤定而工已併管矣蓋奉學自開元肇建以來幾廢幾興未有廢等於墟修倖於初如

今日者况叅罰上迫絲穀下窮憐憫焉虞
以官殉乃能不恡於需費最鉅不窘於哀
費最纖寧損已毋腹下寧緩征毋稽工偏
當瘡肉驅煎之日持存薪栢追琢之心

天子遵 祖興學一論不至詔書掛壁獨
公耳令郡國吏盡若而人社塾之教比屋
可存劒犢之風指顧可變何至壁水無靈
潢池有浪所在見告重煩廟堂之憂哉然

社訓集

卷之八

記

則急催科而後化導甚非所以奉揚
意而養賢及民以保息爲賦斂公真仰
聖明之盛心矣先是吳江張公源初
莆田林公士雅重建明倫堂皆以郡別駕
署篆公初佐郡卽檄署吾奉學之廢壞什
倍疇昔公之拮据亦什倍兩公吾庠偏微
署篆之賜且皆出題輿之選而公尤後勁
耳是舉也學博張君拱翼程君其惠實夫

公贊決署學孝廉鮑君經濟以計偕後至
實畢議佐成諸生周如金等協勤清幹共
襄盛美例得紀之碑陰以明從公于邁之
意公諱中超粵西全州人廉平之政種種
俾古循吏茲特記其興學一事余於公爲
年家而不敢以年家有阿也

社訓集

卷之八

記

紀遊

靈巖四洞紀遊

丁巳年

靈巖四洞僻在婺源萬山中人多不知其奇卽雅好問奇者多不能至余君子餘嘗與若兄無且業糧扶筇精蒐其勝或炬而入或揭而從或梯而升或縋而下一草一石皆詫殊觀至奧極幽具標靈跡如勝遊編所述余甚咤其奇而疑其誕曰當飛展

未出集

卷之八 紀遊

試之已而子餘輩挾余往遊首入卿雲洞驚不從人間來向之所咤且疑者猶未足盡其面目也因題口號石上曰上羅玲瓏雲下涉潺湲水畫遊乘燭來怪狀不可紀山骨誰巧斲造物見精理里許復見日照石白齒齒後入蓮華涵虛二洞先是無且寄詩有窮探驗鼓鐘之句至是果信二洞故多奇然皆卿雲之亞也蓋蓮華一往深

闕如行隧中而炬燼所積多於昆明劫灰涵虛幽險多汙渚且猱攀鼠緣不能作二步人行瓊芝洞聞更阻深余興已爲涵虛所索因曰食肉不食馬肝無妨知味遂止勿往返宿涵虛道院更出勝遊編讀之覺三洞俱響荅余嘗讀山海經多志耳目所不習每謂是紙上幻觀但供荒唐臥遊耳余以三洞律之乃知耳目著人面上所受幾何其不足以窮天地之奇亦明矣洞中題石者多宋元名公如岳武穆朱考亭其最著者吾宗翀峰公爲山靈第一知已詩若記猶存道士敗笥中

黃山遊紀

余入新安登白嶽恨其峰理皆橫累不能刺空峭出且去人境近望中直逼村市少幽竒之致蓋余從台雁兩日來難爲山矣

比從天門望黃山亂峯葉葉立雲際覺靈
靜之氣從石竇飛來咤賞久之心目俱往
忽不知身在天門也嘗讀黃海矣猶謂是
筆端丘壑耳嘗耳之方外矣猶謂是舌端
丘壑耳至是峰峰俱活適潘君景升移書
招會一見輒商黃山之遊景升以事羈先
命其少子爾肩偕行時戴賓賓從浙嶺來
戴元震從玉山來遂與俱發蓋萬曆丁巳

九月

卷之八

記遊

三

九月初二日也行皆緣溪溪上皆好山山
合溪環則徑以嶺度嶺復緣溪凡三度嶺
至山口暝烟起矣止石礎菴明發度嶺初
日與宿靄相蕩再踰嶺雲門諸峰屢出沒
抵湯口羣峰簇迎反不見雲門溪勢漸瀉
潺潺作迸玉聲至湯寺少憩乃浴湯泉泉
脉絲絲從沙底起沙軟如茵泉迸合溪兩
指間分炎涼以次出浴跌溪石上賓賓曰

驪山溫泉說者謂爲太真所辱此泉隱蕩
山間差得全其清淨耳余曰樵夫牧豎未
必便爲此泉榮倘令分得華清遺粉終是
山史一段佳話也因大笑上慈光寺百折
至山門梁一清池寺正倚天都峰至則反
照射峰頂便似放金色光耳諸峰或當天
都肩或當臂參差若侍蓋天都爲此山第
一峰瓏璫峭絕峰勢甚整而峰理甚亂橫

九月

卷之八

記遊

四

支側亞總欲凌空屑架互黏皆堪漏日
家皴法至此而窮寺右里許有釣臺突竄
溪中俯瞰白龍潭澄碧照膽毛髮爲豎有
石方坎如鑿仰受上流名藥銚銚欹作縣
溜承溜一石如甕深不見底名丹井或曰
龍寶棲此折而右登蓮華菴仰見蓮華峰
嵐骨雲稜蒼麗匝漢覺慈光所見猶爲偏
局耳出菴右折行亂石襍樹間石或覆或

夾或累或歆樹多桃想華泛時當更勝雨
浴湯泉道羅漢級返凌晨出寺左折行可
三里有蟹螯峰便欲右手持酒杯就之作
千日大嚼數十折至石人峰地不踰丈而
下臨百仞右折二里一峰斗絕有松平頂
可跌坐草生松杪如亂絲名雲霧草嶺頭
望天都更覺奇秀橫出非日境可摹下尋
蓮華洞徑溪石間還上嶺則霧作且大風

名山集

卷之八

紀遊

五

右折上股慄坡徒以意在足先憑陵而度
稍入夾崖如墻再入度天門有崖壁立路
僅容武崖斷梁一枯株復躡懸磴穴石徑
升乃始得路至文殊院衣裳盡溼鬚鬢皆
貫珠以衝霧也因知古松長崖石間而蒼
苑反倍他山霧之滲漉深矣是夜大雨晝
猶晦秉燭作詩以消剩晷至夜半北風送
寒始斷雨聲侵晨躍起羣峰忽現登臺象

臺望旭日光含雲海而天都東而先已開
青瑣受之次及蓮華諸峰宛若紅苞漸放
各大叫絕倒院後捫壁上得方文地古松
爲蓋樛枝可憑天都蓮華片石皆顯下瞰
諸峰如几案間物扼要綜奇無踰於此飯
畢復道股慄坡至百步雲梯直是作空中
行有蓮華峰誘其前遂忘其險登蓮華峰
步步踞華瓣生路或行鰲背或穿蜂房

名山集

卷之八

紀遊

六

或陟鼠梯或凌雲脅小菴卓華心如蓮在
房一衲出胡餅飯客遂已飽蓮之實耶
一線天猶在蓮華瓣底一菴奉大悲像
顏其菴曰瓣蓮居出菴數折有海螺峰時
且饑倦恨無螺中神女爲我具饌踰嶺
前海當海下流者爲煉丹臺由是登光
頂可昇而上獨東北臨絕壑豁然開朗
鄒九華匡廬天目及城邑村塢皆歷歷可

指折而下飯招隱菴俯後海踰一崗宿獅子林次早登十信峰梁淨土門遙觀石筍林立參差透雲花石綱接磬東南能有此一莖否黃山全體皆石至其斷骨鬬奇必欲現他山水有之相木以石爲母離奇古勁亦類之古人命名皆有深意十月純陰嫌於無陽故名陽月此山純石嫌於無土故名黃山說者必欲傳之黃帝山靈不受黃帝亦不受也由獅子林左折曉石深蒼路僅如縷忽見懸澗清奔白石磊磊自登山不聞水聲至此耳根始活一白猿坐崖頂疑其積雪俄而擲果戲客始知其猿至白沙砦嚙茗僧舍度白沙嶺入丞相原回視岡巒萬疊不借文蕭之騎而杖履飛度豈真容成浮丘羽翼之耶原頗開天亦較澗榔鉢禪院淨臨雙溪夜月印之朗滌相

對覺水衿嵐翠亦爲靈動次日過九龍潭繫繫崖壑時成瀑流圓坎鑑澄連池珠綴爲水春出爲石鑿成令人神遠過芳村景升且至把袂相勞欲重入山窮所未盡余曰已得黃山之髓何必復窮其貌遂相與接兩崖勝處而返掃葉覓路問水晶庵奉蘿尋薜石知是蓮峰一葉飛墮於此度石磴見嶺下溪澗園亭翛然故汪司馬銍中別業也近已不爲司馬有而人之識猶以司馬也宋武陵歊臺已不可問而移木亭凌風閣猶歷歷可遊東山自謝蘭亭自王滄系至此而無權矣至容溪度容成橋橋西北麓卽容成臺相傳爲容成燒丹處又因黃帝而附會及之者也顧宇內名山多屬仙真管領黃帝神無不之或與羣仙作天都高會亦未可知但不必屑屑

附耳去容溪數里爲楊千寺過佛子嶺出
潛川未至巖鎮三里爲清泉寺總在黃山
之麓是處可與諸峰兩海作神遇抵蒹葭
館適當重九共醉茱萸夜來飛夢猶在天
都絕頂

鹿源紀事 癸亥年

余以五月七日種竹芳杜洲侯彊侯以指
殆溢百午刻事遂竣洲之東山故名茅洞
杜山集 卷之八 紀遊 九

有泉源焉欲遂闢其榛莽加以疏導時友
人王伯貞杖藜與俱謂故名近俗謀更之
再更而意不適伯貞以事先去余藉草獨
坐忽聞蒼翳中有蔌蔌聲衆皆驚顧則文
鹿步於翠微若素與人狎者衆譁逐之不
遽逸去余竊念之遊茲山婁矣未嘗與茲
族遇何獨見於今日且跂跂若有關人意
色豈山靈故以起予哉因思辟支佛住處

常有野鹿棲宿遂名其地爲鹿野苑余卽
以名茲山爲鹿源倘亦不減波羅柰城一
片勝地乎便擬承澗栽壑緣崖結茅而力
未能及然心不能一日舍去越旬餘爲五
月廿二日偕張彥明載酒往時則雨甚山
泉有聲蒸霧四出藉瓊趺坐併數葢覆之
茶鐺酒壚破雨作醺復命吹笛發空山未
有之響且以戰傾山雨聲村農皆叩笠挂
杜山集 卷之八 紀遊 十

五洩紀遊 乙丑年

王梅溪云五洩爭奇於雁蕩余嘗探奇雁
蕩謂寓內當少雙東浙片地又有五洩與
離而歸

之爭奇何奇之偏聚於東浙耶且與吾廬
相距皆不過數百里好奇者足跡不難遍
天下顧肯遺之數百里內乎天啓乙丑九
月十三日時在虎林偕友人謝伯貞買舟
溯羅刹而西道經林浦長蘭以達於浣江
江上爲諸暨城城南里許爲苧羅山偕伯
貞尋西子遺蹟則苧羅僅一崕巉絕無草
樹可寄野花蔓草之思西村今爲周氏且

本由集

卷之八

十一

去江遠山南里許有范大夫廟甚早陋
江有片石平廣可丈許人指爲浣紗石
渺茫品目也獨江潭澄碧有異他水微風
聚穀宛對嬌嚶令人有錦江滑膩之想次
早舍舟登筍輿行二十里至平澗飯於野
店此地有廟祠韓侯楊司馬韓楊皆越臣
嘗追范大夫至此不及而戚夫范以泛湖
去而追者出此非其途也然則泛湖亦當

時人所不知矣由平澗過陳唐舍楊家樓
至上朱塢蕎麥正華寒豆初實白綠相襍
被野連畦村落多在溪心山足高林深竹
間途中甚不落莫至清口則五洩之門戶
矣兩崖忽斗削玄壁千層稜稜可片數且
霜樹正紅襟亞石縫間大類赤城霞起凡
十餘折溪綠之雲峰迴合蕭蕭如迎比見
烟山林杪知近寺矣猶數盤始達寺僧一

本由集

卷之八

十二

清出迎時且近暝七十二峰已於筍輿
得其半夜有小雨比曉稍霽先尋西龍潭
一清導之兩壁夾澗上開線天猿猴坐峰
頂睨人色甚倨澗石磊砢武不得展時阻
斷崖作守宮緣壁如是數折度一石門選
石水中始投一步又數折見畝許一潭上
承懸瀑重嵐映射作五色光恍見靈物蛻
蛻骨肅神悚懸瀑之上應復有殊觀但恐

屏然逼渚靈族莫遁不敢作太真已甚相
顧迴策空翠在本歸訖寺僧曰今日德山
親到龍潭矣次早尋五洩顧五洩從紫閭
平流至第一洩陡作飛瀑峭崖數轉一轉
爲一洩懸溜穴石深不可底溢出復懸忽
如天墜各自現相來源俱隱若洩自穴中
故謂之洩蓋他山瀑布以足練直下爲奇
此特以奔而能宛峭而能秘爲奇卽作鼠
緣蟻巡遍窮五洩此舍彼露目不能紆石
換泉移境仍成隔善紆故靈善隔故貴觀
其一直可謂瀑窮其五始覺爲洩乃有恨
不能作霄漢觀使迴伏隱現了無匿形者
至無匿形而靈貴之意索然盡矣是惡知
五洩之所以奇哉瀑似鴈宕龍湫而水更
壯其源遠也分之視龍湫微短合之則龍
湫且駭而不敢望爭奇鴈宕非虛語耳每

轉一洩止有蒼壁夾肩青天覆頂而噴玉
殷雷時許猿聲相亂盤桓殊不能去俄有
浮雲一片從巖竇起僧言當雨遂於是日
出山蓋九月十九日也

金華三洞紀遊

己巳年

余曾以萬曆丁巳過長山時西湖花信趣
人第凭玄暢北欄一望遙翠而去私謂三
洞故靈境豈真雲霞能秘之距四明雖千
里誓必施杖履其地崇禎己巳以春杪偕
謝伯貞再過長山訪金孟章大理朱延之
叅知孟章遠在繡川書招未至延之別業
在鹿田真三洞主人也一見便招遊三洞
時方積雨以逋願獲償興殊勃勃不謂淫
霧萬重能妨我兩人蠟屐也比就道天有
霽意羣峰歷歷初去冠雲新翠堪把行十
餘里至羅店率盤竄谷破輕嵐去忽見人

家在山嘴谿頭便覺塵囂一改緣谿數折
兩山轉峭望見幾家參差俯壑則雙龍洞
前也延之遲我精舍酒樽茗椀坐水聲中
飯罷至洞口鉉谿西向可受千人雙龍首
爪若擎蹠雲際洞有流水必小舸冥度時
新漲奮湧曾不容刀延之命聚鋏決壅刻
景待度余與伯貞俱謂曰水如建瓴越宿
自減毋徒急與之爭乃舍而尋劉孝標講
北山集 卷之八 紀遊 五
堂從洞前北折踰一小嶺微徑仄削幾難
布武至講堂可三里方舍夕暉五彩相射
蓋巨靈所繪寸石皆綺矣探賞久之比還
洞前暝色已合延之置酒山夜忘寂及石
泉淙淙到枕颯若風雨圍屋伯貞曰卽此
便非人境余曰盡船聽雨正復無此暢滌
晨起趨洞洞僅容舟舟深尺許廣三之以
次入仰而臥石去鼻寸入可數丈起顧入

處隱映有光四更山吐月殘夜水明樓似
此景色列火入有如門者三木柱作細波
紋石罅有如呖呌者曰仙田左傾瀉瀉水
聲出石底折而右仰視多奇狀一穴如蓋
懸石作鍾聲臥石如鼓扣之不必以蜀桐
也再入亂石參差虎蹲鼉舉不可殫狀過
此益嶽崎率僕而入延之曰必欲窮之當
乘十日糧直透天台四明若猶未也不如
北山集 卷之八 紀遊 六
畱作想頭餘雋遂咲而返再一聽鐘鼓引
滿者三以次出伯貞曰入洞牽舟臥舟面
壁此爲最奇桃源不可復尋其路想當如
此余曰漁郎豈遂迷路正恐此路一通漁
郎長作鄉導漁舟長供客遊耳茲洞負舟
候客者恨昔入不作漁郎迷津也問水壺
之路延之曰此洞須縋而下傍無可援向
怖所聞未嘗一至竊恐退之上天柱峰不

得下有斐下水壺洞不得上不如止也余
咲日退之此舉敗人許多佳思由是徑上
朝真洞左折度嶺望見鹿田別業在深篁
亂柯中心眼俱赴至定風巖少憩自此線
路緣崖俯瞰千仞延之危阻余咲止之曰
毋更煩華陰令分取退之一段奇怖然竟
不肯却掖一僮至洞口煮茗休杖良久乃
入百餘步稍窪垂乳如蜂房如蓮瓣左開
一泓懸流暗落窈窕不可窮復數十步
磊砢頗費躋攀望見日光界壁是爲
天欲逼視之塹絕難到仰視飛梁如斷
切漢下多奇石如累崑崙絕品洞口左折
有別穴轉入轉峻右峙兩柱若門內若曲
房益上不可極出洞徑走鹿田飯於草亭
微雨浣花奇石作供出兩蒼頭吹筒擊劒
勝情愈鼓飯已登垂雲巖見雙谿如練旣

而遍探諸勝如石浪雲林離臺響石負峭
結十凌危作亭幽討忘羈昇眺取暢余謂
延之曰自孝標去後烟沉草蘼千有餘載
得公洗發面目復開但延之非空谷可貯
恐秋桂春蘿旋當移文相讓耳入鹿田寺
一僧病酒不能迎客寺亦無復可遊雨霏
遂與延之別從東嶺出山過闢難巖破石
作谿時成烟瀑伯貞曰千尋峻瀉令嵐翠
北山集 卷之八 記遊
俱溼絕類雪竇西坑將尋赤松宮看初平
叱石成羊處逼暝無及急抵寓則知孟
已至翼日觴我雙谿上以不得同遊爲恨
余曰事忌舉全猶有赤松未了緣天似爲
我留一主人四十年後當共叱石使起
仙都遊乘
緡雲縣治邏以連峰清谿曲抱嶺樹苑繡
青入春潭是卽仙都矣筍輿出東門岸谿

皆山漸露奇骨行數里望見姑婦巖宛然
始坐而立其婦於前也復數折長壁瞰谿
紆迴千丈縹霞橫抹歷劫愈新是爲仙榜
隔水引睇似見司馬子微姓字隱然榜尾
豈子微以後浪傳得仙者皆爲藥誤竟落
榜外耶榜盡獨峰迎囑矣然猶隔谿則上
初陽洞小橋截鏡危磴割霞轉入窈梯爰
出陽谷凡洞穴深此獨則闢古雲敞竇澄
雪浴根宛轉開通光景曲暢聞昔有臨壑
作屋者是眼中著砂也良久乃下回視絕
壁便詫身是飛仙矣方舟渡谿登忘歸洞
洞殊不佳徒以謝客一憇遂使山靈擅聲
耳漸近獨峰望所爲鼎湖者止見古松森
頂獨峰故自奇正不必假荆山神蹟爲此
峰葛藤也先至玉虛宮宮已廢僅存一亭
置酒亭中引滿者再徑趣獨峰峰拔地迴

立高可百餘丈圍三之一如志所載太倭
矣一面柱谿傍有童子峰遠望似及勝近
乃齊腰亦拔地起後有步虛峰峭石林立
若此峰可登當俯視獨峰之頂溪對有獨
峰書院朱紫陽建獨峰信奇第恨其能獨
而不能出又恨其能出而不能藏則以東
掩於步虛使高嵐滅頂而遊客西來入壑
太蚤苦無重帷襲幕令人步步可思耳
杜曲集 卷之八 紀遊 三

而緣谿有石名仙船弱水能沉羽故當溪
石令解維指三山定知不似徐福委巨鯨
也道仙榜下追視不如遙睇此中故多品
題皆好事強設仙都不必以此重獨巖陳
書屋類仙人居正不免于春噫噫未能於
此守藥壚耳已復渡谿而返

栢甌勝述

栢州在萬山中巷連桐竹人住烟雲郡郭

居然邁軸以處爲名非必上應少微也城中諸山萬象最高郊圍川阜羅列几案羈客舒眺勞人散愁冠膠序於擇山郭侯遺蹟尚在中原有土青田無祠富山祇宮悲其與瓦礫爭所矣南明山去郭最近松泉藤壁幽洞飛梁有足探者危亭送目還笑松鬼千秋解護米書葛篆也三岩不出百武飛瀑界洞快壁卓亭方池飲虹橫河截沐丘壑偏小開闢偏靈矣白雲山絕頂偃寺結翠成阿良田清池迴藏天半顧無從起白雲老禪一相參對覺與絕境不親耳山下有麗陽廟其神卽以麗陽作姓字寢殿二像活樟所鐫根柯千秋不榮不槁而枝葉時萌殿外此理之不可推者住括一月多在續氏邏香亭而楊冷然使君徐紫宿郡伯時作人外之遊王石門太僕張希

房孝廉胡伯敘文學酒尊茶臼數狎招尋幾不能別解維指甌冷然方舟送我至佛巖曰借君青雀載我白雲持示甌人亦一韻事別抵石門則康樂遺武宛在空山瀑遙龍湫頗亦高壯大郎回小郎回俱近谿路而舟駛不能復尋中川弭櫂孤嶼題詩明月浮螺虛樓挿鏡間與何無咎吳子範共之理棹城南棹歌十里使君燈火併作湖光則叅知王晦生猶存先輩風流也西堂故郡齋謝公樓在城上池上樓今爲張比部別業俱落人境有妨遊涉陳永嘉遮予舟不得發七宿孤嶼載酒相過者日不一人帆指玉甌回首謝公亭又在烟際矣白玉洞天雙臨滄海黃金丹竈深秘高霞簾垂歷歷白榆而石林與明月共臥咲謂謝伯貞曰誰爲擲杖成虹引我輩入清虛

府哉晨起携白雲至樂清遂謀入鴈山矣

重遊鴈山記 己巳年

余以丁巳過鴈山一宿靈巖寺翼日卽踰四十九盤而南此山面目如夢中一接轉憶已非至是以己巳閏四月廿一日自樂清北指凡五度嶺徑大小芙蓉村卽梵志所謂以花名村者上四十九盤俯大海恍躡蓬瀛臨弱水矣盤盡則擁出諸峰肅然迎客冠雲被霞望之神舉昔去不及作回首觀今來始面面相覷里許左折卽能仁寺溪橋不改鐘聲似舊寺後多方竹可杖寺左有燕尾泉石瀨分醜作兩短瀑次日遊羅漢寺在窈谷中尋趨大龍湫遙見剪刀峰便似故人招我矣峭壁深轉至剪刀峰變爲天柱變爲石帆而龍湫猶不可見幽貴不欲近人窮探如索象罔懸瀑忽下

青漢爲根高翠周遭一泓倒雪削崖偃立

孤景連霓墜空無依素絲自捲到地不及

玉霧迴飛我卽重來有如創獲掀髯絕叫

歌吹繼之颯然逼人不因風舉壘塊已盡

酒不暇澆矣亡何雨師促去步步回睇忽

復峰移瀑隱恨不能如諾巨那長作此中

主人也覺遲道人余舊知也棄家栖道松

洞洞近龍湫背渠常登之極詫其異比至

杜山集 己巳年

洞望龍湫背猶在天上已苦重疊還過天

柱寺落照荒榛與瑞鹿華嚴相望復宿龍

仁雨大作擬遊梅潭不果乃衝雨走靈巖

三犯狂波僅乃得濟過馬鞍嶺溼雲始破

見茶叢與石林相錯折而入兩壁間驚非

人世再折則天柱展旂兩峰與霞屏鼎峙

知是靈巖矣出迎非復舊僧尋先司成碑

刻白蘚合矣覺遲尾雨脚來夜話山樓明

日看龍鼻水出寺右折而上巖開龍見爪
甲宛然有鼻通雲靈澍不絕謝伯貞曰龍
故神化時作湫瀑千丈時作鼻水一滴余
曰以入巨那水觀原無有二望小龍湫亦
異他瀑但爲大巫氣索耳羣峰俱能出色
然不免爲霞屏所蓋午飯後走靈峰過響
巖上有聽詩叟與靈巖禮拜僧俱爲逼肖
經淨名寺止餘石窟耳俄對五老如逢夙
暉靈芝自烟中出倒影照膽潭轉入碧潭
院洞壑故奇真際寺無水石可賞梵宇
潔返上靈峰洞大斗數巡爲問羅漢無恙
是夕宿靈峰寺明日與覺遲別過謝公嶺
謝公故未嘗踰此嶺而強存其名鴈山應
不肯受至石梁洞酌酒別山靈曰余兩至
鴈山不得上龍湫背一睹所謂鴈蕩者豈
容復作後緣耶嘗咲謝客自永嘉搜勝至

重遊天台記

臨海而企道鴈蕩一山則余所得已多矣
往余自台之鴈茲自鴈而台行至惡谿嘆
曰溪水自惡遊人自多中有可賞巨靈不
能秘也始豐邑屋有塵外之致首問奇桐
柏宮昔所未至也以己巳閏四月廿八日
出城西行上桐柏嶺嶺盡平田彌望貫以
清谿瀑布飛流卽此溪所瀉道宮廢甚禮
斗臺夷爲煙草司馬子微不能銷其名雖
出山輒悔已恐爲子晉稚川所笑然入山
山覺有一段靈氣映人則猶以子微所稱
也宮有伯夷叔齊石像衣冠甚古生不飽
西山之薇歟乃食天台之采豈天台向時
未入周版耶右折數里望瓊臺墳起如蓋
雙闕夾豎稜稜刺霄皆盡巖矚之麗返尋
桃源仄峻棘野久乃得路至惆悵溪經會

仙石一往幽異玄雲疏骨青霞圖姿嶢起
嵐扶壁開樹繡鏡潭簾瀑映帶其間宛有
麗人可呼而出崖斷欲返送昧彌深雁山
以石奇對此不免形截出至溪口我亦憫
悵秉燭行二十里宿長塘范氏明日走明
巖過八寸關臨通海池巖竅四達相傳間
丘太守追寒拾至此化爲二石北至寒巖
則有寒山磚塔在焉夫寒山旣化石矣惡
復有塔耶巖口有晏坐峰右折爲鵲橋爲
小石梁皆見巨靈追琢之奇宿寺西樓明
發還過龍鬚洞次禪林寺抵赤城山霞標
孤秀再見猶新時值微雨山半精舍一拾
斷雲而下玉京諸洞趾不及重更念洗腸
井爲曇猷所腥誰復洗井令韭葉變爲蓮
花尋度連岡出拾得嶺漸聞國清寺鐘聲
禮一行墓一行寂長安豈迎骨歸此耶僧

了明出迎亦不復識雨中再宿仙竈無恙
蘇栖拾得巖愈厚矣高閣指眺三絕舊踪
多有存者豈遂無昔時火頭應待雨華道
人拈出耳五月初三日上大慈寺道寒風
闕泠然如空際行水聲隨嶺路紆轉古杉
夾徑平翠數盤乃至萬年寺訪老衲雪堂
相見雖甚舊詩猶在壁間複問周廊曲池
陰竹虛空點綴詩昧禪鋒獨不見至蘭數
本高出林際云爲颶風所折恨失異觀夜
宿虛樓風泉入聽晨興趨石橋過萬松巖
至下方廣仰睇飛梁透以壯瀑層委如混
重激皆華與大小龍湫各一局勢上曇華
亭見有銅塔顏曰聖祥其事甚神別爲作
記亭中望兩澗各爲飛瀑奔會石橋更覺
靈絕定知五百應真不能去此淙鐸石泉
長作鍾鼓聲矣飯上方廣尋自蓋竹洞天

緣谿指華頂踰數峰至興善寺將宿此觀
旭日而天有雨意遂徑登頂舊有靜室相
望僧解煮茶今無一存者太白堂廢址在
深莽中右軍舉池智者降魔塔俱不識處
昔來氛霧四廓望羅刹如練四明會稽峰
峰可數茲獨幕頂無雲而羣山多晦余戲
觀坐磐石欲屏雲氣一收故覽俄而日射
山足昏曉爲開則有五色圓光如日麗采
如月放華從山足湧上及身而隱者
呼伯貞來視則已隱矣悵恨久之忽復
上如前轉近轉著食頃乃滅一行二十餘
人無不驚異夫華頂上應台星故宜能作
光怪然向絕不見何耶下至興善已及脯
時急望天封崎嶇澁步至則暝矣是夕果
雨明晨稍霽衝霧返國清令君胡觴我寺
中晚乃入城蓋五月五日也明日遙發令

君饒我城東醉古松而別是夕宿崇法寺
初七日過王愛山下松門嶺皆昔遊入山
所經也此遊不復至斷橋以爲遺恨當俟
世緣盡了偕方外三數人接絕境訪異僧
遍入雲烟作無漏觀定光尚能招手乎

壬申北征記

天啓壬戌九月以司勳子假歸里至崇禎
壬申四月始以司封召還八月初十日

乙亥

辭祠墓北上安郊居久忽作遠別

壬

枚兄暫侍行次郡城留連親舊十五日晚
辰乃西陸貞吾周求玄載酒爲別壬午至
姚江會沈日倪明日呂君鼎徐習生釀酒
娥江上甲申泊鏡湖尋蘭亭舊遊城中知
舊皆留別戊子始得發翼日次柯亭中
去後枯竹遂無發響者庚寅渡錢塘假館
湖上蔡輶先李梅公錢孺愿數作青雀之

會梅公假還道虎林因得把臂當道多置
酒湖上親知間相招尋九月十一日丙午
乃北吳太叔辭還丁未道栖水是夕集卓
仲期家庚戌抵嘉禾金雙南小舫逆我朱
廣原岳石鐘曹石倉處乾陽皆會於西津
宗家散處長水間者皆集談燕累日丁巳
解維是日韓求仲寄一詩有曰匡時覓出
楸枰手儲吏能深藥籠心噫縱令藥籠有
北自集 卷之八 紀遊 三
心可許楸枰出手否已未次吳門陸東浦
出餞庚申弔周忠介悲感兼懷辛酉徐君
齋觴我楓橋畫船祭亥江陰徐仲昭招遊
惠山鄒園幅裂不可同迥暝引燭一照惠
泉汲泉滿載而返十月朔乙丑泊呂城丁
卯次京口已巳渡江望金焦北固如見故
人江防陳郡丞年家也開尊望江樓星漢
上下浩淼萬里辛未趙霖宇張飲于氏園

壬申達廣陵淮南片地半瀦爲水田租鹽
課皆當問諸水濱饑民嘯荏苒間道路爲
梗天下方多事可令此地復深隱疹耶柴
延禧自海陵來會黃黃石醉我平山堂獲
與司李君宋江都君吳接縞紵歡十八日
壬午就陸始與枚兒別起貞元亮皆東臺
興日已曠渡河正面北風烟沙相亂候人
供具野館時偕行者止孫鴻羽謝伯貞相
與引滿嘆曰昔人云老去與親故別輒
數日惡始吾不信乃今知之索火載馳
半呼真州門得入無從貰酒相對弄酒
作陶令素琴想徑抱霜月就枕祭朱離
指高亦若觴我汪氏園是日得考功之報
乙酉晨發黃玄龍潘嘉客送之郊過胥浦
路人猶知說壺漿事午飯樸樹灣村市無
好米差免向蘆中人索食丙戌稅滁陽從

周徐兩太僕醉山水間丁酉徑大柳緣塵
盤山極目西睇似荊豫可了次池河夕陽
猶在林杪此地據京陵咽喉既設屯衛又
宿重兵良有深意但恐以故事靡金錢緩
急不足備左右顧耳戊子道鍾離已丑徑
白藕園至固鎮一望帝鄉陳蕪蔽野村
落幾點炊烟不交乃有中都督餉官與余
爭館舍嗟夫土之不毛餉于何出乎庚寅
北別集 卷之八 紀遊 三十五
菱畦陽思張許遺烈覺陣雲邊月千載猶
寒方今羣盜訐東西脫不卽靖必規南
則睢陽復爲賊衝寧復借張許幽靈作
淮保障哉二十九日癸巳出苻離集宿來
溝臥思天下強半作戰場中州腹心亦復
殘破倘山左復阻則南北遂斷可爲寒心
蚤起趨桃山謁岳武穆祠流氛方逼唐鄧
得聞朱仙呼聲豈憂中原突豕哉入彭城

異時間巷多陷爲沮洳獨項王戲馬臺屹
然與河伯爭所誰謂意氣已盡耶十一月
朔乙未渡河大風入柳泉館苦無酒但圍
爐噉胡餅宿利國驛近山故多鐵冶唐宋
皆擅以爲利我明鹽鐵不並重地遂愛其
寶丙申越韓莊見流民南徙相屬於途江
淮間亦復苦饑去將安適丁酉至藤陽遇
屋人烟頗不落莫妖賊殘掠後有此光景
北別集 卷之八 紀遊 三十六
司牧可知驛壁有方孩未詩曰品兒一月
零三日懷裏呱呱訣乃翁若使長成能
父阿兄向北指悲風爲之嗟咽不能竟讀
趨界河嶧山奇鬱遙迎馬首三過其下猶
未及捫孤嶂讀秦碑山靈咲人不韻耳戊
戌入鄒謁孟夫子廟觀所遺石像真覺巖
巖在望晚次瑕丘望嶽雲樓知是少陵縱
目處但今日海岱浮雲半與賊氛相襟倚

復臨眺更費躊躇已亥至新嘉驛尋會稽
女子詩其自敘曰嗟林下之風致事負腹
之將軍尤足令抱奇屈辱者痛絕宿汶上
荒館寒月曾照孔子宰中都呼酒對之覺
古意不遠夜來於杜兒有噩夢明日次須
句上垣不能禦跛羊新經焚掠城中半焦
土辛丑趨東阿山路紆仄復遡疾風過檀
江州量沙處恨今之齋盜糧者壬寅涉重
丘道路除治兵衛整嚴百餘里間如入堅
壁問誰爲令則扶風孫澄以明經起家詣
而捕尉倪守科實佐之癸卯宿高唐甲辰
日南至作一詩曰客舍逢長至荒雞破曙
寒起來梳短髮拜舞望長安天道將辭殺
君心自厭殘堅冰與深雪都作一陽看丙
午亂衛河至廣川會曹吏部寫十年燕越
丁未道漢阜戊申逗武垣三輔重地惟憐

惴虞豪客橫馬首已酉行三十里路左有
漢儒毛萇祠祠後卽其墓俗傳爲毛精壘
自漢迄今卽陵寢亦多失處而博士抔土
獨能巋然不朽故非勢位也庚戌鄭州北
去夾水爲堤翼以榆柳令無塵沙撲面何
異江鄉夕舍歸義因想李允則守雄州以
權畧游戲而鎖鑰自堅求之今時豈可復
得辛亥渡白溝河驅車望督亢昔荆卿七
轅車集
卷之八
紀遊
三
首不效徒到田先生函樊將軍首竟速燕
之亡惟倚柱一咲至死目無虎狼秦其氣
有足尚耳壬子次涿鹿此黃帝斬蚩尤地
也奴孽匪茹乃敢踐蹂飽颺殊稽天罰癸
丑次良鄉署中史胥來逆二十日甲寅度
桑乾入彰義門息野外邸二十六日庚申
入城辛酉 陛見滿朝新貴皆訝李邕爲
古人舊時比肩者多在津要三殿煥然

新天子肅穆小臣從山間來惟有朴忠仰對而已

癸酉南還記

余以壬申臘月三日抵考功任旬餘始一面陽羨見其意色驕盈已心遠之談次卽及山東勦撫一案必欲甘心王直指且囑併撫黑鈴別案余答以誰勦誰撫自有公論至異案併覆恐情事不倫渠意色甚拂蓋一面已種逐根矣烏程爲同里僅與九蓮旅進一面絕不及粉榆情話向聞人言陽羨疑我爲烏程之人烏程又有疑焉而烏程之私人規我一席者又引入幕臺省日夜內訌惟恐不得當此具勦撫疏稿堂官語以關切政府余但應曰決不敢徇時宰喜怒違天下萬世是非太宰咲曰君真古人猶以少宰之言削去原稿迺半然

終不及黑鈴一案蓋初稿祇謂王直指雖不成勦然首開勦議者直指也比屈宜揚大壞撫事則咎直指實遣之然首主撫議者執政也及皇上赫然決勦調關寧兵解萊復黃執政欲歸功押調之臣以隱然自爲功而不知勦之議非自執政勦之決全自宸斷也稿雖屢削大意故在疏上陽羨甚銜之徒以部院會覆不署司官職名但票嚴旨趣改覆而齎怒於毒手無所施及覆史奕部疏遂票回話淡案深必欲逐之三月初八日奉降調之旨朝駭且譁謂是里居十二年還闕僅三月之銓卽何遽蒙譴至此豈猶爲何廷樞輩護敗局耶陽羨不自安令少宰謂余曰此烏程毘陵爲某修郅也余曰如可修郅則首輔郅尤新余實意皇上怒耳乃丞相

怒耶斯時也臺諫發憤雖隱語伏案然皆
存泣血相明之意冢宰力揀至三舉朝皆
謂賜環有機然烏程與其私人自以爲
得當矣但票溫旨直絕賜環之路而名爲
元輔護法時上饒同直出語人曰戴考功
不能調同鄉執政雖屢揀何益最可咲者
不曰譴逐出自主上而陽羨委之烏程
毘陵烏程毘陵復委之陽羨然陽羨且先
在日集 卷之八 紀遊
我一月負矢出都門烏程姻婭之規銓鹿
者亦竟以羣譁不安先我請告去安能堅
登面甲漫曰天下非之不顧哉壬申守歲
嘗有詩曰不解管三窟偏能唾五侯野人
龍性在時世可容不則立逐故已蚤決矣
惟聖明洞鑒終始溫綸竟得予告破
年來未有之格乃以八月初六日乙丑出
都門先一夕王九蓮携尊爲別渠亦苦橫

蟻相對歔歔直欲擊碎漸離之筑於時饒
送疊跡猶似何彥德出白門忘其以逐行
也登路舟作詩曰執政惟將順小臣矢孤
忠深心水濟火直道罪衡功迂拙行一意
聖明達四聰雖逢丞相怒猶許臥江東相
知間以詩贈行王非熊曰最是長安泣路
岐十年龍劍又差池劇思鱸膾如張翰耽
適琴書自戴逵人物不勞犀浦照烟塵好
北相集 卷之八 紀遊
看燕堂嬉巴山舊隱歸栖急白露蒼葭萬
里思渠方有拂衣之想故聚散之感獨深
劉半舫有曰猶有名場推白雪益從歸路
識浮雲吾所以歸隱然拈出又曰出處明
時觀物幻風波定後見吾真正以吾真故
有彼幻傷風波之與吾俱也張聖標馳一
小詞有曰考功執拙聖主暫時賜珥天
地一歸舟更怡悅惟執者拙可謂知己之

言諸不殫載丙寅乘月放舟至潯縣泊與
押漕使者連舫而不相聞然異時書問宸
密戊辰運弁丁啓宗以里人迎餉忘其爲
故將軍也已已過津門猶未見所以橫海
折虜者丁丑次安德倉部夏國山衝雨款
吾舟壬申抵清源晤備兵使者李虹西憐
慨世務知非傳舍監司者乙酉過東昌獲
接程畸人七旒東昌方苦震隣郡境延袤

杜山集

卷之八

紀遊

四

數百里一處示瑕則全齊失蔽難乎爲
矣九月四日癸巳濟守王生洲遮棹作
覲閱符樓備兵於此方在告力疾見過
中有南池以杜著有酒樓以李名李杜
當時宸失意人然遊涉所經動勒千載則
鄉里小兒所謂失意原非失意也乙未次
酒亭趙水部南屏逆余舟禹鼎沒此水定
在何處應是神物化去劍入延津已爲龍

耳豈與凡物同沉哉辛丑入淮浦翼日泊
淮陰李漕撫方候代杜門獲一把臂抒十
三年之積郡伯汪如愚司李王宜新禮以
過客之禮試問淮陰少年猶有昔時好帶
刀劍不能自食者乎南北咽嗟方當多事
當道宜亟儲之癸卯過高郵遇淮海君故
嘗肝膽相向者而鷁首相接如行路甲辰
度邗關泊瓜步明日次京口朗照師鷁首

杜山集

卷之八

紀遊

五

迎咲次日枚兒與王東序自白門來云
面視去時較肥省却半年騎馬聽朝雞
其肥也載酒遊金山風雨如晦登妙高臺
惟聞怒濤如雷似恨孤根難動耳截浪而
還一石猶醒庚戌至許墅權使許平遠驢
若平生過齊秦之郊始知曹鄭無禮次日
過吳門撫軍莊心銘遣人相存艤舟別渚
選吳歌壓部者與客復醉江南酒陸東涵

走訊余舟吳門逆歸客獨此君耳縱遊諸
名園作數日流連別有記青浦朱令猶以
同里相聞十月初二日辛酉抵嘉禾明日
郡伯李應侯晤余三塔寺朱廣原金雙南
青雀相追談讌移日族子以介輩聯舫至
武林乙丑屏居吳氏莊起貞與吳太叔以
是日至親知多集者丁卯錢孺愿舫船
我始與湖山相覩戊辰復選吳歌壓部者
杜伯集

卷之八 紀遊

與親知共載尋西泠斷橋之躅幸得爲閒
人擬卜一區與孤山處士結千秋隣因遣
兒還貸買山錢往返羈遊至十一月十三
日辛丑始得抵杜曲携幼入室執簣陽陽
惡知身之爲逐臣矣

名園紀遊

癸酉年

余雅慕王元美弁園頃爲逐人故山水之
人也爰自吳門問津東望夷曠惟見蒼螺

孤起則崑山逆予目焉至太倉詢之士人
皆曰弁園已墟且非王氏有則先遊王遜
之樂郊園園新成傅州東郭山池率率樹
石被焉踞峭出亭嵌虛作館幽徑盤竹曲
廊翳花檻面魚波軒當藥圃映帶澹遠出
沒幽鮮若不欲爲園者而園之習氣乃洗
信可樂也然終不能忘弁園步入西郭委
巷幾折望見鬱林識其處矣至則敗垣斷

杜伯集

卷之八 紀遊

四

梁與深草相接登弁山堂猶有海棠半圍
玉蘭百尺曾見當時文酒勝流曲池未涸
連峰入鑑虛閣半圯古蘚繡階凭高一嘆
似有答響而至者其不可遊處正多可思
余自有遇且不問其園今誰屬也返而登
舟遂趨雲間顧氏園舟徑青浦至松江水
甚清魚行藻荇間可頭數右望燒香山冠
以兩浮圖益覺聳峭左望佘山陳仲醇隱


處也雲松鬱然如接仲醇眉宇至顧園園
可百畝水居三之一富於池沼環水起山
富於林石餘地皆實以屋富於亭館花間
之陌可以方軌廣廊四周正同馳道直嘆
其富而已晚入朱太常園參差數峰軒檻
湊扼縈以帶水橋步間之視顧園纔十之
一而幽致自足夕出女伎氍毹按舞聲態
俱非眼耳所接漏下四鼓扶醉而別卽解

杜目集

卷之八 紀遊

四

維何吳門



杜曲集卷之九

剡上戴澳有斐著

紀遊

洞霄徑山紀遊

甲戌年

余與鍾小天期以八月十六日會於禹杭
次第入洞霄陟雙徑適大雨六日夜浸稽
天昇挽路斷遲至廿二日偕族子起貞暨
兒校挾僧朗照與小天修舊約買小舸緣

杜曲集

卷之九

一

西谿行水猶盛遇一橋輒什而過晚至賢
林頭日岑岑矣是夕觴呂仲生家明發指
洞霄筍輿道南湖盤廻桑竹間湖水已盡
落惟蕪草彌望湖竟道兩山間率澗水西
夾澗居者皆引水爲碓舂白土聲連數里
白土之用佐民浮僞妨民衣食而比中實
衣食於此遂不可禁雖然賣刀買犢在善
移之耳比入宮玉虛金闕皆爲桑畦豆隴

惟宮左存一破殿以奉玉皇宮後址稍高
僅留數楹祠故提舉李文定公紫陽微兩
公德望足不朽則數楹亦桑畦豆隴矣一
道人病不能導游強之使前出祠右折可
半里至大滌洞洞口片石如雲葉平懸色
復蒼瑩可愛洞深十餘丈高廣參之盡處
漸滂云水向此入下醺於谿洞中石色皆
晶潤還尋煉丹池棘深不可入稍前有青
壁數十尋橫亘如城暝靄籠之蒼秀欲隱
反宿破閣上與烟月共臥次蚤開逕覓丹
池巖窟無水兩口中通什而穿之可布數
武池上舊有禮斗臺今惟蓁莽耳撫掌泉
與龍井隣井禱雨每應泉上撫掌水輒涌
沸蓋山氣靈也棲真洞在宮之西北踰一
山洞在山頂高廣過大滌深倍之石色亦
佳白雲洞在宮之北樵樹翳之洞口衡以

杜曲集

卷之九

二

虹梁中透天日玲瓏可賞惜迫隘不容杖
履倘能作壺公之觀此中宇宙或復不小
耳其他數洞絕小不足探環宮九峰惟凌
霄最秀聳泉源汨汨出其下惜不用以洗
藥浴丹而徒爲人作方粉蠹世也旋出山
望雙徑踰荇水道雙谿經化城多行高堤
上此鄉山水迅決田又甚低或堤潰水漫
則田殫爲河至直嶺已昏黑夜登山幸徑

杜曲集

卷之九

紀遊

三

廣不礙輿馬十餘盤至半山亭寺迎以燈
微見松篁夾路遙望掩瞞中定火數點皆
靜室禪燈也又十餘盤至寺前則鍾小天
初以事羈不得偕遊洞霄而是日自禹杭
先至息趺相勞甚驩宿梅谷樓上蚤起開
窗見老杉林立竹翠交之以爲異境飯已
禮佛紺殿整峻與五峰相輝齋厨前一杉
甚大可四抱旁有龍井卽當時聽法讓地

留此井以通風雲者出寺右折爲觀音閣
山行數轉至喝石菴一石如屏相傳神僧
喝之使立顧立石往往有之以余所見猶
有奇於此者折而上有雞兔二塚國一師
不肖貯龍鉢中而好與雞兔爲侶豈猶存
螺髻梵志之愛哉由放生池至日照菴菴
故紫柏師所嘗卓錫登菩薩頂一騁遠目
下禮大悲塔塔前一杏樹甚大可五六抱

杜曲集

卷之九

紀遊

四

紫柏塔在其右日且午還飯梅谷遂登凌
霄峰由梅谷右折經數靜室始至峰賞不
甚高而江湖入望臨安禹杭諸山皆羣然
爲之下獨兩目西峙正猶祖之臨孫近峰
產茶皆謂之雲霧茶恐此中雲霧正亦不
能多有也還尋蘇公墨池爲千指菴籬落
中物至望江亭惟見天際一痕如白雲橫
抹龕楮兩點都爲魚龍之氣所吞反梅谷

出所携酒剪燭細嚼丙夜就枕詰朝下山
嶂昔之夜盤迴於暗中者始得覩其面目
矣至禹杭城南遂與小天別余四人以夜
半抵芙蓉莊微雨溼衣覺空翠更鮮也洞
霄宮盛時孫郭諸真人之靈未泯天子且
臨幸其地掃花之帚相燭於道今遂無羽
衣一人可問玄都遺事徑山盛時國一大
慧使王侯將相投地皈禮今但食其餘報

牛山集

卷之七 紀遊

五

腹果十方而頓漸無門宗教並隱無一僧
可與談箇中事惟大滌片石猶足千古而
雙徑杉竹視昔更增貞翠耳

震澤遊記

余自去冬北還卽與黃玄龍約遊秣陵及
其還新安復馳書訂行期余以七月廿八
日如期至湖上又遲之月餘而竟不至始
與起貞校兒招鍾小天暨朗照笠雲二師

先作震澤之遊且以待玄龍也以閏八月
初四日連三舫而西初六日登舍山山突
起平野山半虛中踔之有聲頂有浮圖四
望豁然洞庭莫釐卽已在眼山下有寺寺
僧供茶能話吳中近事是夕泊山下次日
至南潯欲自此由湖口土人謂橋低不便
通舟乃徑走吳門道莫釐以初九日辰出
湖得順風午至莫釐山俗所謂東洞庭也
舟中望東南迤邐與老岸接似不在湖中
者登莫釐峰望之始知松陵一面水更空
濶莫釐山翠峰寺上寺不甚飭而僧舍頗
幽清寺右折而上爲雪竇禪師悟道泉泉
亦甘白小院連閣楚楚松間自泉所出右
折而上可二里許至莫釐峰自吳門並海
及雲間嘉禾歷歷可指獨晉陵吳興一帶
爲洞庭及緣諸湖山所蔽湖水亦望至洞

牛山集

卷之七

紀遊

六

庭而止然東山風氣頗完正爲其有以蔽之也山下灣灣樓閣家家稻蟹而東南一面尤覺人烟鬱然王文恪施殿撰故宅在焉法海寺在塢中如入花源深處而不知其與鱗屋鮫房相影現也有巡司一夜郎幾不知漢大本臨太湖又界以小港漁船集則鳴鼓巷陌周遭如在城市特耳畔不離水聲小樓凭欄必與漾漾相覲入翁氏

杜拙集

卷之九 記遊

七

園湖石甚多故其地產也此中多以貴相雄長蓋由王施諸公率徙居吳門遂令銅穴擅塲耳反而登舟買魚沽酒以消烟月五鼓卽鳴榔向洞庭亦以風便未午抵鎮下卽尋林屋洞行數里皆委巷忘其在山麓湖涖忽見玄雲瑩骨青黛疏稜巨靈所安巧匠難琢洞口僅可俛入入數丈益低而狹余顧返見枚將數人入膝行渚中又

蝙蝠亂撲人火不能入遂返安得七十日行風浪聲中掠石燕持素書出金庭玉柱來顧形往有礙神至無方合眼作觀幽秘已了覺靈威丈人猶崎嶇多事耳丙洞雨洞皆僅有其名由此入包山寺可三里許門殿深古人烟遼絕登閣茗坐日且遷兒枚曰乘好風日急登縹緲峰餘可徐及也遂行至銷夏灣則望見縹緲矣緣灣數百

杜拙集

卷之九 記遊

八

家多蔡姓豈卽蔡仙鄉耶徑登峰近頂頗峻東望莫釐僅及此峰之腰北望夫椒渺然烟際陽羨吳興盡於越吳門晉陵北盡於江秣陵千峰雲間三泖皆與此湖映帶時日且下春金光滿湖目奪異色風起浪動耳受異聲四顧無地身立異境宛似成連引伯牙登蓬萊但見海水汨沒山林宵冥真有以移我之情矣將下更返者三

一破菴不可止還就峰頭啖胡餅而下笠
雲朗照遲我蔡居士家居士特爲彭澤開
酒還宿鎮下次日晨起走石公山山石多
奇如歸雲洞連雲嶂皆天設雲梯則剝石
之痕也水際有平石可數畝石公石母對
立其上曾見范少伯載西施北去此山尤
近水佳峰多爲人取去其存者率無峰而
吳下名園卒不能有其一卷蓋一經人手

杜曲集

卷之九 記遊

九

便不秀活睹此山與林屋洞故難爲石觀
矣有石公菴頗據水石之勝僧三雲亦韻
臨別與之約曰毋聽人鑿石亦毋自鑿石
使失石公面目道明月灣水獨空淨無洲
嶼點萍灣形亦似抱月踰一崗至銷夏山
水澄映林木陰森九里蕩胸數峰橫口湖
中另一開闢也登蔡居士空明閣復偕諸
文學載酒遊龍渚觀小洞庭一石峰壑皆

具此中石以浪漱多空若水落可委蛇曲
透至石罅迴浪萬竅亂醺此爲異觀正不
必水落身透矣已而登岬席地鳥沙泉側
引滿數杯時已中刻遂與居士諸文學別
而登輿尋角頭道圻村過綺里徑華山長
松夾道皆數百年物乘金家嶺至鄭涇暝
烟浮屋及柯家嶺湖水浸月萬頃通明惟
一行十餘人緣絕岬與湖月相引至菴僧

杜曲集

卷之九

記遊

十

已閉門寢連扣之良久出迎殊醉與語不
醒索燈照古茶樹已含蕊柯可合抱花性
喜折異時僧或短垣護之明年遂無花然
細察之不過數百年物未必角里先生手
植也從人饑且倦解青袂與僧作餅炊飯
獨無從貰酒飯已猶欲返鎮下至鄭涇與
夫疲甚從者亦苦足蠶將扣村店沽酒壯
之適有項弘宇者嘉禾人其子世勳嘗德

予而隱人鄭和宇則項內弟也知遊躅經
此謂角頭必無宿處偵候良久聞余且至
項君驩然山迎入鄭別墅時月且午鄭君
一見驩若平生明發猶固留不得發則遊
前山看平鋪一石頗類虎丘千人座已而
入長壽寺林徑頗幽窈僧棲破院猶能供
茶返而就席劇飲至午乃別夫余於世動
亦萍水之遭無心市德而竟若預爲窮鳥
羈遊地亦奇矣入華山寺嘗其三泉皆無
佳味或俗僧作湯無法耳出至綺里入一
菴禮四皓像按誌角里先生姓周名術泰
伯之後則角里自爲吳人而東園公輩聲
氣相期或未隱商山時既定漢儲後曾聚
其地故遺蹟歷歷可指耳比至鎮下登舟
日已晡明日五鼓舟指吳門又得順風午
飯竟入胥口申刻泊楓橋矣自香山以五

杜曲集

卷之九

紀遊

十一

宿澄波皓月中誇示李湖州余六宿湖中
皆浸皓月且正當橙橘熟時筍輿所經色
香俱飽復往來皆得利風皆巧與行會真
與山水有緣故宜其爲山水之人也

吳中山行

自楓橋僦籃輿西行至觀音山有觀音寺
寺倚山土人多於此進香門外以香楮爲
市寺僧分日迎香客頗類天竺寺左右樓
曲折下瞰寺僧引看寒泉一石罅也秋深
水枯石平如砥有寒泉二大字頗蒼道右
折登石嶺至中峰院此峰蓋支硎分隴支
公實初院於此院頗整麗誌有放鶴亭馬
路石又未知遺蹟在何處蓋支公自建業
來駐錫此山時猶未人刻耳出院西南行
山脊踰一二小嶺至趙凡夫別業山谷盤
複磊砢錯之巖開爲池洲嶼相綴疎疎亭

杜曲集

卷之九

紀遊

十二

館接以堤橋凡夫之子靈均出供茶相對
洒然良久而別望華山寺云卽天池後山
嶺路紆折目爲飛棧岩上刻字皆非近代
筆小澗夾路云春夏來則潺潺清人耳根
圍寺皆峭壁望之蒼然左有法堂經案香
牀足供清觀右有依巖僧舍參差趾石自
然疎洒下嶺右折望見天平山萬笏叢立
令人神舉先走靈巖寺山椒見攢石中有
片石稍高題曰琴臺云西子嘗鼓琴於此
又有題曰吳中第一山水者臺傍地微平
爲響屨廊遺址前百餘丈卽靈巖寺蓋館
娃宮舊基也有八角井猶吳時故物寺前
左折多巨巖巖麓有西施洞積蘚數點綠
映當時舞裙此山不甚高大而頂平如掌
可數十畝非故宮無此形域下瞰五湖且
窮吳越想西子與吳王臨眺時蚤知越可

杜山集

卷之九

記遊

十三

從此來身可從此去能館娃而不能館其
心嘆吳王之愚返從寺後右折至天平之
麓存白雲寺范魏公祖塋在焉其旁爲范
長白園正倚萬笏自然森聳雖奇章千峰
艮嶽百疊定不能過樓臺欄檻俱極藻繪
環以清池橋亭麗之脩竹萬个冷然臨水
山有白雲泉及卓筆諸峰照湖諸石巔可
望太湖城郭了然在眼疲不能登大都石
間峰頂猶少點綴覺園自園山自山雨不
相領耳昔司馬子長一登姑蘇山望五湖
遂結吳門遊局余得從五湖望姑蘇又從
姑蘇望五湖視子長所得爲奢矣飯於池
上亭而返度山閣出平野西山日含映至
舟月出觥船簫鼓紛指虎丘是夕蓋閨中
秋也余亦急解維赴之至則舟集已數里
蟹螯佐酒微曛登山燈火夾巷統綺疊武

杜山集

卷之九

記遊

十四

生公講臺不足供歌吹幾簇妖姝分石坐
月少年圍之露輝濯人清興轉永余獨乘
人未散負月歸舟更盡一尊而寢覺夢魂
不寂莫五鼓解維夕至惠山月色不減虎
丘古寺寂然名園皆閉松陰疎徑竹影過
牆止余三數人清吟徐步時見鷺禽遷樹
小艇歸僧而已取泉數罍載而指陽羨時
閏八月十七日也

陽羨潭洞遊紀

閏八月十八日申刻至義興城下不泊徑
趨東九可數里得一浜上有數家遂宿此
明發開船風甚利蚤飯畢已抵蜀山更行
十餘里落帆遂問張公洞洞下一菴卽洞
郵也覓竹爲燎佐以燭出菴左折遂登山
可半里卽洞口火而入仰視不見巔旁亦
開廣右若坑坎甚深怖或失足俄而左

漸下則轉人向所謂坑坎處回視洞門有
微光更折轉黑但不落塹亦不見巔兩旁
大都多乳滴怪狀而石色蒼瑩則一致也
又折忽通天光一隙更進豁然仰見洞口
幕以青天却驚身在井中也四壁乳峰歷
歷可指皆有名曰洞口有張公像甚飭所
傳張公或云張道陵或云張果老按二公
仙蹟皆於此地無涉但賞其洞不必以張
公重也梯石可百餘級盤旋上昇洞口甃
方臺以便俯眺出洞行里許始過入時洞
口更西行數里至玉女祠祠前半里乃玉
女潭潭在山中四壁皆峭古木覆之澄深
不測投以巨石則礫然聲在巖底源委皆
不可見稍前爲熙春堂有曲水迴廊今皆
廢沒右折三里爲七星洞俗名天窟洞在
巖窪下而入一窟如天井兩門相對宛轉

關通中更七窟屢明屢晦上下兩旁皆碧
石縷玉瑩潔寬平不礙杖履凡洞率多飛
鼠倒懸積矢觸鼻此洞絕影亦無滴乳伏
流蒸爲溼氣蓋陰陽相參幽沴不結真仙
宅也出洞東行半里爲君陽洞俛而入白
沙停泓擘巖透日石濬坎入宛有神物穴
其中但一目可了耳再東爲一線天幽巖
自開下有清溪一曲天水相偵泉石皆醒
杜曲集 卷之九 記遊 十七
溪流汨汨而去來皆伏有足探者比登舟
暝烟動矣卽放舟未至湯埠而泊小飲各
檢意中所得莫不咤張公之宏奧而奇七
星之玲瓏明晨過九方舟縱帆已刻至義
興東水門獨小天舟未至有頃始來遂窅
城出西水門指善卷洞余舟舵樓高不得
出聚人壓舟尾僅乃得行出門卽西小九
縱橫可十里乃出大九一望渺然幾謂復

趨笠澤矣風駛甚三舟聯帆須臾過大九
折入小港風稍不正然有路可緯已望見
善卷在雲霧中時有微雨緯行少緩日且
入始得近洞而泊皆曰洞中必以火入何
妨夕遊秉燭里許至善卷寺洞尚隔山且
雨餘頗濤雲黑不辨路則復返次蚤天大
霽遂入寺看雷書偃柏一僧一道引至寺
傍一洞軒敞石如翥雲水出其下洞不甚
杜曲集 卷之九 記遊 十八
深云此卽善卷水洞之所從出也由洞由
寺傍左折徑一小嶺可二里見澗水皆趨
洞洞口二其上爲乾洞乳結獅象形踞門
兩旁右折有仙林仙竈等物石色大抵類
張公洞可半里銳末而注水洞適在其下
如閣道盤空此爲甚奇出而左折行澗中
入水洞洞口有仙田疆界井然水澆澆流
亂石間趾石而入視上洞稍深亦銳末而

止度其體勢此水正通寺傍水洞但伏流
巖罅耳善卷仙者不以觀而以寺何哉蓋
以洞體上下連卷故以爲名非必善卷子
曾隱此也出洞返寺望銅官諸山黛螺千
疊登舟踰九帆勢如箭抵東水門纔申刻
復北走里許而泊是夕與鍾小天浮白留
別蓋小天欲留陽羨訪所知也自往還具
區與東西諸九若不得風牽挽無路而去

北山遊紀

卷之九 紀遊

十九

來颺忽皆風伯曲爲鄉導其以天遊者耶
是夕爲閏八月二十一日

茅山遊紀

閏八月二十二日自陽羨還泊晉陵次日
至雲陽以二舟付笠雲朗照涉江趨長干
而余與起貞枚兒以廿四日陸指句曲午
飯延陵九里則季子廟與墓在焉中庭樹
穹碑云是孔子十字碑唐人摹刻然考之

別記季子墓當不在此夕抵上官宿觀妙
堂是夜大風雨山樓欲動次日雨更甚稍
至常住觀印劔印蓋宋時賜物玉雖舊非
張正一比也路傍一杏樹奇大至上宮禮
三清還次蚤稍霽遂撥雲上大茅峰路左
有蓬壺玉柱華陽三洞皆爲積潦所據卽
無水亦不得入徒有洞名耳嶺頗峻奔瀑
迎筍輿霧雨又霏霏不止至頂咫尺不辨

北山遊紀

卷之九 紀遊

二十

人馬惟一禮茅君遙望兩峰皆以意接耳
轉至下宮益荒寂道院視上官五之一十
里至玉晨觀殿皆碑甃以雨迫不及觀殿
前古碑此觀於茅山最古云是高辛氏時
某某修煉處乾元觀去此五里行亂山間
時認鶴跡得不迷路觀甚飭蓋 神廟時
所復建也頗多靜室有煉師數人粗知玄
理解攝養全真法席海內亡盛於此者朱

觀妙碑云是既碎而合好事者頗神其說
但稱仙蹟則神亦其常也午飯於此還上
宮天大霽至巧石亭鎔落嵌空石瑩如玉
大抵此山以骨勝但石皆埋土不甚顯峭
睹此則茅山亦不妨以石雄矣二茅三茅
所據僅存其峰遊者多不至蓋自曲阿行
十餘里仰望見三峰翠靄欲滴及至則惟
見枯茅滿山而已不若遠望之惟恐足不

北山集

卷之九

紀遊

三

追目也廿七日出山望鍾陵行矣

白下紀遊五首

閏八月廿八日至長干宿報恩寺晏寂軒
先是起貞枚兒原擬茅山別歸余以一旦
獨行似難爲緒且方抱微疴起貞枚兒亦
不忍去遂同至長干而舟行者以阻風雨
廿九日始到次日登琉璃塔金陵佳麗俯
拾幾了九月朔登雨花臺幔亭遊榼競試

茱萸之會矣次日遊鷄鳴寺寺址僅數畝
而盤徑甚紆登憑虛閣望六朝陵闕指點
烟草若或遇之登觀星臺觀元時所遺銅
渾儀及璿璣玉衡製甚精巧於此望玄武
湖甚著湖水落但彌望黃草耳飯張五圖
邸中走清涼臺望三山白鷺洲視昔較顯
江遠石頭城下臺如浮空孤杖迴臨覺與
秋色俱遠入清涼寺見法眼像如舊識景
陽辱井偏自不磨然正與廣陵迷樓隔江
相望胭脂之辱已爲好脰頸輩半去矣清
涼山西麓舊爲呂孝先園亭戊午秋館此
再旬今孝先已卽世園亭亦非其有過此
殊深懷舊之感次日至瓦官寺余所度僧
慈仙已蚤寂寺猶莊嚴但僧舍落莫耳更
一至上瓦官登鳳凰臺望杏花村萬竹園
幾換主人西風如昨初十日遊天界寺寺

北山集

卷之九

紀遊

三

甚宏奧然規制整麗終不及報恩一登毘
盧閣而出報恩住持所藏貫休十六羅漢
筆意甚古定非畫家蹊徑然貫休真蹟實
藏栢州唐山寺是豈臨本耶抑神物自能
別現也

其二

余從雨華望牛首兩峰蒼峙正出城南宜
王茂弘指爲天關以九月十一日往遊出

九日集

卷之九 紀遊

三

鳳臺門徑韓王山後轉入黔國墓韓墓與
此皆滿山古松蟠頂傘葦擎空攫雲不暇
賞其他也黔墓盡則望見兜率崖臺閣層
懸便有畫意數里至山門上白雲梯凡三
殿始至佛閣右折躡重磴止勝因閣飯罷
遊東峰緣石級登觀音閣再轉上覺生臺
觀辟支佛跡著懸崖上閣與臺新成甚嚴
麗皆峭立雲根如空中捧山轉至文殊洞

蓋因誌公嘗言文殊領萬菩薩住此山故
以文殊名洞又以佛窟名寺登山巔江山
陵闕若專供環眺片石振衣雄麗滿眼西
下至辟支洞視文殊洞差廣前有石浮圖
藏舍利亦不知誰之舍利也下徑禪堂梵
唄甚盛旁室觀塔影倒現嘆出世間法非
世想可推也入殿禮佛已迫暝遂還勝因
閣是夜月色佳甚登閣前月臺嘯咏良久
乃就睡次蚤觀白龜虎跑二泉而下出山
門右折觀古藤壅藤二俱圍數尺夭矯盤
繚想葉未落時可當幔亭緣山六七里至
獻花巖乃祖融未見信大師時晏坐處巖
洞深廣數丈洞前望牛首山臺殿浮圖嵌
懸壁間紺碧相輝石樹交映直是一幅小
李將軍畫障洞旁穿一穴直達芙蓉閣間
正倚芙蓉峰亦可望牛首登拱北峰目境

九日集

卷之九 紀遊

五

如牛首絕頂下入寺高下因山竹樹舍屋
故從牛首望花巖惟見竹樹而已還下嶺
至幽栖寺蓋懶祖幽栖處寺亦鮮整飯於
方丈寺左有祖堂堂後小石窟信大師嘗
書佛字石上今所存亦非故蹟矣牛首禪
堂有僧一夢法林香樹也恨不得多與語
去幽棲數里有王氏園因丘因澤頗不猶
人歸道韓王山前入城日已夕

九月十三日

卷之九 紀遊

三五

其三

九月十三日至靈谷此亦舊遊喜五里松
無恙八功德水祇餘齊梁歌舞塵耳禮誌
公塔登塔望 孝陵惟見紫翠層疊而已
遐想梁武能以二十萬金買獨龍岡造誌
公塔而於身於國舉不知所措迄今獨龍
岡爲我 太祖藏弓劍地而誌公塔寺視
昔益莊嚴梁家天子人不知其葬處梁武

十月十三日

卷之九 紀遊

三六

故爲佛家奴自應不及誌公耳方飯潘嘉
客自真州趣至遂共尋王介甫半山亭入
朝陽門而南有小山倚城濶以水近爲焦
氏別業然遊人多爲半山亭來也次日嘉
客招遊秦淮桃葉渡往來如織猶覺桃根
不朽與流波縈映邀笛步不復可尋但千
秋神往如聞野王三弄耳夜來月甚清停
舟青谿口惟見鍾山隱隱與畫船相舍忘
其在都城塵海也漏近二鼓戴月出城入
報恩步月松園夜分乃散

其四

余寓長干日放遊山水間不與城中諸貴
人相聞忽報楊諫議胡道長過余邸中時
方遊靈谷差免鑿坏且南昌老師又令人
持書踪跡懼知者浸多終難遂其孤往急
作書謝楊胡二君以野服一謁南昌師遂

遷寓龍江之許寔九月十五日次日遊靜海寺見三宿巖突起寺中賞其孤拔虞允文方圖破虜不忘寄興功名人何嘗無丘壑十七日遊嘉善寺故爲石佛閣據蒼雲崖焦太史移閣崖左崖之面目始顯崖石森怪可賞崖石裂處爲一線天崖前有石方廣數尋高半之舊壓於閣今爲遊陟勝處其北爲崇化寺寺廢僅存僧舍巖下一

壯遊集

卷之九

紀遊

小池方數尺名梅花水以山多梅花故名亦以泉自下起潏潏出冰面如花也梯山北度爲幕府山先至達摩洞達摩於此度江洞廣數丈上如垂亂雲右方頗幽有石窗斜照洞前有夾蘿峰望五馬渡不知的在何處惟見大江與真州瓜步相接至幕府寺因想王茂弘流離度江卒能相元帝號令東南半壁處全盛握重權而徒以

兗蹙國豈堪與茂弘作奴相傳宋明帝陵及王茂弘溫太真墓皆在此山一望荒榛土人不能指其處所不朽者惟名耳其非茂弘太真而濫竊威柄者又不待憑弔手載矣坐雨六日廿四日自三台洞至弘濟寺一帶山巖如削往往以江水漱剔成洞與達摩洞正相映帶弘濟寺一峰壁立江復嶙之殿閣皆立懸崖基址半填空水吳楚千帆正掠檻外江北平野與烟螺幾點蒼然望中秋色無際去寺登燕子磯還望弘濟丹碧凌波空色相蕩不謂水石逼臨中間復容幾許臺殿也磯以石山負土不如弘濟迴絕登大觀亭亦不如凭寺欄之震蕩軒踔也磯形似燕或謂遠磯磊砢如羣燕凌波總應識得王謝家舊事浪動石鳴猶是烏衣絮語

壯遊集

卷之九

紀遊

天

其五

攝山頂孤出如繖舊名繖山其勝在頂右
望大江直囑徐泗左望羣峰趨建業若波
濤層委江南北俱此峰收之故名攝山誌
稱有藥草可攝生山因以名則何山無藥
草邪余自龍江走攝山入寺已申刻未及
覽諸勝亟登峰返照射江送目牛渚正如
犀然金焦兩點隱隱烟際大江不能吞沙
上人家如黑子在月益北惟見海氣浮天
耳還愁凌雲亭登明月臺忘其暝也宿方
丈晨起尋白雲菴云卽明僧紹宅址踰澗
緣崖想隱居不妨迫窄天開巖在西嶺當
以徐鉉諸君題名石上爲重耳千佛嶺巖
壑頗奇無端放光遂爲此巖之穴花臺影
窟煙霞失真山靈方抱千載之痛而江總
持盛稱述之渠所謂山情率易野製疎朴

者已自倍其語矣獨是僧房高下長松翳
之甚有幽意舍利石塔已非隋時故物復
經兀术一炬面目罕完矣江碑亦經改樹
唐高宗碑猶存明僧紹一隱人耳在嶗山
則嶗山重在介榆則介榆重晚入攝山清
貞遠逸之氣與山靈映發故至岩岫放光
隱故可重當僧紹之時倫榮販國風節如
掃則隱尤可重一時高僧如度禪師輩皆
厭六朝之濁流指孤峰以出世者故一見
印契恨相遇晚靳尚守此山七百年衛以
神力使物不得干需留一片清靜地以待
兩公有以也

遊浦口真珠泉

余行天下見瀑布以百數而雁山大龍湫
爲最勝見珠泉以十數而浦口爲最勝今
觀瀑布不至大龍湫觀珠泉不至浦口則

以爲天下高相標許者皆浪得名耳余遊秣陵名勝殆遍客有盛稱浦口珠泉者余正恐其浪得名且以渡江爲艱與殊不動至九月廿九日且將問京口之津適與野人期不得發遂以小舳絕江至浦口余以筍輿先行見枚偕起貞朗照笠雲策蹇後至緣谿行數里卽珠泉之派數里間往往引水作磨屑枯木爲香谿上來以山望見

不如所見茲獨恨浪傳者皆悠悠絕無可作此泉知已而後乃今知天下亦有所見逾於所聞者泉上點綴都是宦遊主人勉爲塗澤與泉品不肖而岸泉之山併無枯草一莖可助曠覽間有峭石幾片亦復不使與泉意相親真珠萬斛長傾於荒落之境番覺其孤而可貴憑賞不厭至日晡乃去復登浦口城一望陵闕返而登舟更餘

始得抵岸

京口遊紀

余過京口數矣曾一登焦山再登北固三上金山至招隱鶴林諸勝每留後緣亦不知其去人若此之近余偕見枚以十月初三日離白門衝雨至龍潭宿野店初四日黃昏抵京口連日北風起貞偕二禪者泛江爲石尤所阻初五蚤始泊金山下未能

卽買武林之棹與兒攸一登北固望金焦
凭覽鐵甕懷古多感下尋試劒石已非故
物鐵柱峰正捧多景樓有潭洞皆在巖根
相去不百武躍馬澗指點依稀猶爲英雄
色動入一僧舍云是海嶽菴遺趾顛老千
秋若可延而出一卷屹立直是江流石不
轉低恨江中沙嶼如流烟一痕覺金陵肩
背單寒倘得廣袤千餘里中可著六七大
杜詩集 卷之十一 紀遊 三

岸所據虎跑泉湛滿可鏡泉上顏曰宋處
士戴顓高臥處處士父子高隱名傾六朝
踪跡所經不啻留香三日况其雅所栖遲
山中草木拂共高風自足生色千古正不
以寺之廢興爲顯晦也寺無一僧第倒榼
清嘯一弔處士而去出山里許卽鶴林寺
寺負黃鶴山卽宋武帝見黃鶴飛舞處旁
有磨筭山處士顓女磨筭於此誓不適人
杜詩集 卷之十一 紀遊 三

湖上幽討

甲戌冬孟十有六日與黃玄龍程雲浦

朗照筠實二師過湖尋靈芝塢寄徑玉泉
寺余不過玉泉且二十餘年泉清依舊巖
時大魚已果羅刹之腹細雨泉絲絲倒酒
猶似神龍聽法時萍踪老禪駐錫於此一
與晤對而去山玉泉入靈芝塢幽徑數盤
暮秋林底時有流水與鼓齒關聲靈峰寺
在塢中高處與古蕩西谿烟樹相繡而人
跡更遠午飯而出左折尋萬竹巷冷翠藏
社柏集
卷之九 紀遊
三
屋落葉覆瓦但有茶烟一縷從竹杪出蒼
主楚僧問以伏虎石亦不知處去而冥蒐
菴左數百武乃得之落落雄踞若起若蹲
風度如蛟薜紋欲動且古樹深鬱令人神
悚杭名虎林豈謂是耶日且欲入玄龍雲
甫以入城遠先去余與二師尋無門洞北
山之北懸巖瞰途古根絡壁一殿峯立無
門祖師所鐫石像在焉極威神石自拔地

若片雲上騰旁撐一石環作几案亦巨靈
所設也有菴數椽頗饒人外之致急上紫
雲洞故採石窟也返照映之宛似紫雲掀
動躍雲之巔南望湖光暮烟不能隱北望
吳興與長水雲間蒼然千里曠引吾目亦
一暢觀也月且放明徐下嶺徑岳墳至第
一橋呼小舸載月以歸
吉祥寺觀梅短述 丁丑年
北日集
卷之九 紀遊
三
余酷嗜梅往在燕中不可得見則寄興盆
梅曾爲作詩與賦江南故梅國也梅無處
無之而吉祥寺之梅名甚噪余以夢思坐
臥其下者蓋兩月於茲然以寺稍遠不得
便去至二月望意香雪已空卽坐臥其下
亦徒對疎影一庭耳有客語我此梅猶未
作花則馳而往與周長卿呂君鼎林工宰
偕杜兒亦欲去則抱載舉中道靈應觀携

杜兒一眺烏龍潭登清涼臺指白鷺洲三
山因咏青蓮詩示杜兒自清涼北折經委
巷入吉祥寺梅在寺後可半里盤竹樹間
以觀梅來者武相接因有列鬻路左布几
竹間賣漿及餅餌者至梅所則圍以朱欄
有一菴可坐而觀梅一本五枝枝各扶疎
糾矯直者拂雲樛者拂地然體勢周圍不
以偏枯怪拙爲奇花已開到九分着花亦
壯
入卷之九
三十七
勻雖在春仲不減雪中香東君故多冷韻
豈當定以繁華遇之梅所去古林菴僅百
餘步菴極莊嚴而觀梅者必從破寺紆徑
入亦足以佐梅之幽貴江南故多梅且不
乏名園奇本茲梅未顯時荒谷斷崖人跡
罕及應終與荆榛同朽或時有鳥雀狐狸
相弔耳然而挺幹旣殊霏香自遠轉以僻
寄偏多冥蒐公侯將相醪客詞人以至里

見村叟無不跡疊而目聚者石有可拜梅
亦宜然苧蘿不能沒夷光穉歸不能沒王
嬙物之尤者幽遐不能秘况此梅故產佳
麗地一段荒谷斷崖適足長清價耳酹酒
分韻歸復登清涼臺入寺禮法眼由寺看
景陽井惟杜兒同之寺僧指蓮花井呂氏
別業今已再更主人昔時亭館皆夷爲梅
竹塢因憶假館於此纔踰二十年而滄桑
不可復認爲之太息杜兒不知惟折梅花
盈把而歸

送內雲陽述行

自筮仕來鮮以家行老作遷客且偕隱山
中久獨行踽踽遂有不堪挈家至白門原
以同患也顧俸入不足果一家之腹其取
諸家則鍾致三之二視家食倍艱老妻竊
念曰遷客良苦又以索米無策重其苦乎

當思有以紓之遂挈家之半以行賓丁丑
二月朔辛未以衣帶質錢具舁馬枚兒侍
行余送之雲陽出通濟門天漸陰寒午飯
淳化館有雪意至土橋且暮又微雨舁人
苦漚漏下二鼓始傳句容城呼門良久始
得入路益黑一步一滑入一空館四壁皆
破良久得一燈老稚自輿中出皆凍餓無
人色一官既冷動與冷俱有部史家此中

杜拙集

卷之九 紀遊

五

者爲具酒食作冷中點綴遂已逆旅如歸
夜來雪甚壬申度不能抵雲陽徐卽路雪
甚滑至白兔鎮日已下春遂止宿公館句
容館無壁白兔館竟無牆路人舉頭皆得
見坐臥處覓一屏障了不可得乃環輿爲
牆連帷爲壁從者輪更邏其外僅得假寐
蚤起遂趨雲陽路猶漚顧從輿傍望見三
茅峰嘆曰昔遊出此遇大雨今出此途復

值雨雪豈茅君於我有夙對耶入雲陽城
館一破署司理署邑不知我爲誰時聞呵
殿聲過我門凡二宿初五日乙亥買得二
小舟始移宿舟中行李從江路來者自己
已登舟是夕始達丹徒爛亦爲風雪所滯
也丙子與妻子別獨西行登津樓望見舟
中日送未已爲佇立久之因念余與宜人
皆垂老此別得會與否皆不可知登車悵
悵愈遠愈難爲心比望見白兔鎮憶昨舉
家宿此今獨偕影來柔腸如攪比入荒館
諦視環輿連帷處一一如昨終無一人可
呼而出不覺墮見女子淚老懷易作惡遷
客又多感慨惟求物不我觸得如甚楚無
知則天地較寬矣謂僕人曰前途勿復宿
曩處疾馳至句容則宿青元觀前史仍來
供具剪燭獨酌因想此觀爲葛仙翁故居

窗含青靄覺丹氣可接則神境差爲一換
未刻至邸中入室猶欲呼細君說途中事
諦思之而後知雲陽之舟此時應已在晉
陵梁谿間矣杜兒牽衣問母何在答以且
隔數百里則又爲銷魂

三山采石遊紀

嘗自清涼臺望三山復出江渚視燕磯尤
傑時一遙睇神輒一往又嘗思自昔渡師
杜曲集

卷之九

紀遊

四

者多緣采石則采石實扼江南北咽喉復
當金陵上游所關形勢尤重秋老氣澄忽
動遠興先以三山爲郵顧都人鮮遊三山
者昇人多不識路且有言山在水中非溯
洄莫到者余第筍輿往三山實實在眼決
不至如海上神山反在水下以八月廿三
日戊午偕族子德充出安德門道山下水
上雖驛路有幽意已而徑村術漸見三山

杜曲集

卷之九

紀遊

四

紆迴抵護國寺亂帆千葉爭上水風先於
寺右之層閣收之急呼酒挾雲濤蕩吾胃
有神開者登山自西嶺至中峰北望燕磯
似與此山作鍾陵左右翼俱飲江而盡鍾
山紫翠與華山兩峰特相映動然城闕人
家俱入碧烟一抹絕無從指辨也儀楊渺
然直與海氣相渾天際孤眉橫江澹出金
焦俱隱其下不知何山江北連峰繡錯自
和陽至六合皆可名指而烏江短岑尤凡
案清供還自西嶺下躡磯頭岬砥奔濤盤
盪成窟魁磊深激芻芻相厯獨不見曩時
遊奕將爲余一定升沉耳晚宿閣上江聲
滿閣如坐舫中微醺就枕德充曰今夜真
是枕流矣余曰非但洗耳兼當洗夢灑灑
聲中定不墮邯鄲枕穴也晨起趨采石率
水許西亦岸山過江寧鎮趨慈湖午飯公

館行六七里卽望見碧螺山松翠撲人又
十餘里至采石鱗比萬家一雄鎮也環碧
螺皆水索船得渡徑上然犀亭蓋牛渚磯
也磯立瞰江高二十餘丈說者謂

高皇帝於此奪磯得渡磯旣危峻水復湍
流俯禦仰攻皆無憑藉卽已得磯於老岸
尚阻一水非兵筭也登裴眉亭一望天門
東梁西梁果若一山中斷暝色已動返宿

李白集卷之八

四

白衣菴鎮帥李允升江左名將也初不識
面是夜獲作良覲明日具舟爲環磯之遊
適蜀中劉念先泊舟驛前邀與共載入犀
渚沖融沆漾覺此中怪族猶忌太真再逼
仰視磯轉峭雖飛將不能上也緩棹信流
盡此磯之勝壁起巖駁崩浪相疊上繡古
松蒼潤如染吳道子圖嘉陵山水一寫而
就恐至此不免踟躕至寶積山下平田里

許上阻碧螺下阻望夫山此自可守亦所
必攻於此得上則姑孰金陵直走無碍念
先曰太祖實爭此磯故設驛其上事
蹟旣真形勢亦合益信牛渚磯之爲東坡
赤壁也相與登寶積巔復望天門楚江中
來直入懷抱姑孰西峙爲謝家青山相傳
太白歸骨於此江山不改謫仙入豈遂無
精爽可接耶反而登舟一醉謫仙復登太

杜牧集

卷之九

七

四

白樓畫李將軍斗酒而別念先卽以五鼓
解維余亦晨發是夕宿江寧鎮海會寺明
發道板橋憩道邊一菴更望三山遂如故
人謂德充曰茲遊頗暢試爲我圖一長卷
使三山采石時時在眼自天門至燕磯厓
隙潭渚一波如親吾復爲之記書卷尾庶
吾與子之遊不作俛仰陳迹耳

雨遊方山

戊寅年

泰自丙午冬上公車道秣陵望見方山即
奇之丁巳入石城間有遊涉未至方山阻
戊秋累糧尋秣陵山水幾遍偏遺一天印
丙子改南考功似此山有靈招我補漏因
也然猶至戊寅正月初六日始決意六往
蚤與德充約屆期雨甚德充意沮余曰無
賴風雨遂得制吾此行則勝情竟無權乎
叱馭前繇通濟門度上方橋觀秦淮繞方
山來雨生新水流暮入城出望方門路奇
狹龜背夾澗雨淅淫淫不可布武輿中焉
上步步皆九折坂且寒雨切肌甚於灞橋
風雪近山已夕望定林寺暝烟猶在天
路愈險滑更爲樵蹊所亂我非再入花源
何因遂至迷路耶僧以燈迎始得入寺
望村雲便喜身在天半小樓呼酒聽雨聽
鐘忽不知勞瘁已去體矣曉起巖巒有露

也高舉濯濯來遊人然極峻削筍與不能
作梯升則自山南盤數里到頂頂砥平從
衡可二里就頂逼視隴脈離披殊不覺方
然其體故方也方故孤峙無耦可縱四眺
陵京襟帶雄秀滿眼顧江北流氛如織桐
汭金嶺間亦覺兢兢震來果可恃江山爲
鎖鑰乎沉江鐵鎖竟爲益州樓船所斷隋
家兩軍一度采石一度瓜步曹潘下江南
亦不爲天塹所阻江在也不得倚江爲固
自隸然矣地險何常惟視守險何人耳近
紬江浦計城力孤援絕死賊數萬重圍急
攻卒奮魄去此賊再至竟不暇犯江浦第
敗戈徑破六合此非浦城實堅徒以守浦
者李天機耳令人入天機則在在江浦矣
事愚未足爲鎖鑰哉西偏有石龍池雖
在山頭乃成海眼石龍菴亦莊嚴可遊菴

僧體空供茶小坐云去此有東霞寺但下
嶺殊陡且宿雨猶渾乃不果往徑至定林
午飯趣出山路以晴乾遂不爲厄乃得憩
祠山謁張大帝廟從容望土山想見謝公
風流猶有屐齒可接至大教場一登
高皇帝閱武臺九天九地威神所蟠覺對
越不遠抵中和橋與德克別至邸家人相
勞苦余惟示以杖履間雨餘山色

北山集

卷之九

紀遊

聖



贊

上塔道人小照

戊午年

買山衆隱結廬衆嬉而獨勤瘁面癯以鰲
癯以鰲非汝面孤雲亂峰法身遍現

題呂鼎和小像

丙寅年

星江雪竇相去千里不知汝死昨猶夢汝
陶汝彌留云登我堂今以像來魂應相將
猶志而訣吞恨應多獨遠念我我心如何

北山集

卷之九

贊

頰毛飛動似喜見我汝顏喜我悲較可

達摩像贊

丁卯年

自汝西來掃却文字合眼開豁卽祖師意
多却渡蘆面壁道汝還欠平易相傳止一
架梁空賺神光斷臂

戴起貞兩尊人像贊

戊辰年

簪冠野服愚公之谷縞衣綦巾鹿車共貧
惜隱借老太朴在抱麟趾麟定長發靡竟

黃玄龍少時像贊 己巳年

余得初晤玄龍時已四十餘正如中散鳳
姿于秋在目此復誰家璧人倘令乘白羊
車入洛陽市定是叔寶再世而真氣陰映
更爲過之則又逼似許叔玄初謁鮑南海
未入縣雷山時矣顧玄龍不朽別有寫照
風華映人當長如十五二十時耳

金恭人像贊 己巳年

癸星之精嬪於繡川夙嫺內則克相高賢
識鑑朗照書記有秩藉甚裴王良友在室
割奉羣季曲慰二人區區滫瀡何難必親
既贊燕詒亦調釐酒樛木之風載歌南有
浮雲蔽日赤舄孫膚羊腸共載千里相扶
木鳳斯來鸞驂忽舉垂訣合咲勉事明
主遺像有翼副筭六珈乃如之人何福不
遐

戴康侯像贊 乙亥年

吳中高士東漢逸民猶有妻子絆其閒身
子獨超然玄寄遊於未始有人道堯舜於
其前猶一映也吾於斯接吹劒之遠神

田不器像贊 丁丑年

子靜者耶而氣實俠子詆者耶而神實攝
季心金心叔寶玉頰風塵之表乃得復與
子接

潘嘉客像贊

吾之索嘉客也不以面嘉客之與人相向
亦不以面然而叔則之光照玉叔寶之神
映珠逸少之氣如雲濬冲之眼若電人故
不沒於面則嘉客亦於此可見

銘

劍銘二首 庚申年

霜在匣、電在空、人驚光怪、爾泯機鋒、

其二

以我鈍、師汝快、沉潛剛克、道不下帶、

鐵如意銘

利非魚腸、韻非塵尾、愛其堅癡、類戴有斐、

豐燕橋銘 癸亥年

木日集 卷之二

峰環水縈佳城鬱鬱王父而上三世歸骨

惟水東注積石砥之鍵以飛梁層巒映窺

邇厥慶源寶惟世德豐水有芑長歌燕翼

夢蘇齋天然研銘 有敘 丁卯年

許芳谷使君得研事甚奇宛令蘇公據

案作字光景復活有不徒夢見之者爲

之銘 研陰有東坡像先一夕 兆夢次日鑽圖得之

越守芳谷杭守東坡風流映結千秋不磨

網鵲得印事常格理片石何來政復爾爾

公事之暇含毫相向意中得人筆外得象

恍復悟曰何必蘇子文殊自文殊文喜自

文喜

銘筇杖壽佛石禪師 戊辰年

咲木上座未能虛中奇節嶽嶽不許人騎

作龍

黃山樛杖銘 己巳年

木日集 卷之九

帝鑲黃玉爲飛吼三十六峰光氣收雷電

扶出從子遊

印竹杖銘

邵已萬里遍五嶽從茲起

杜曲集卷之十

刻上戴澳有斐著

題

醢莖曹叔度題冊 丁巳年

叔度兄結髮蜚英同盟執耳凡遊雉社俱
沐蘭薰未剃脩翎奄從短運菰孤弗克襄
事淺上可爲酸心茲擇某月日卜塋三溪
擬穿雙穴偕伊亡配同歸夜臺玉樹之埋
可悲衣薪之費猶詘敢期同調惠顧齊盟
割篋底之消塵全交情於生死

書元震圖章冊首 己未年

嘗與元震談世事十不解一同遊京師不
解何人是貴官亦不解何官是貴人疎率
不解飭衣冠對客無高下不解作款曲一
語與之錢隨手散去亦不解何以散及至
援琴動操聲情俱遠形素欲移令人有子

春之想畫格在大小米間寫照毛髮颯動
小楷迫鍾尤工篆籀秦漢法物出沒心手
皆俗工所不解也雖能不解人之所解故
能解人之所不解蓋其精神寂寞偏有所
聚矣至青衿家常調正不足爲元震道耳
偶閱其圖書率弁數言處冲不礙睹此當
有知者元震故不解以此求知於世也

題章長與鷓鴣草 庚申年

長與之客燕也鷓鴣首所至輒有詩蓋皆物
與興遭情與事會不必刻齒而自然傳神
故其率處偏整樸處偏韻懶處偏適枯處
偏傳一再讀過吞吐淮楚之風烟攪結
齊之雲月吾身遂已飄然鷓鴣首耶何心
俱移也乃長與殊意不自得喟然謂余且
彼買符棄繻者何人哉鷓鴣首驢背去來無
名牢落苦吟正恐桓元卿咲盡氣力耳余

應之曰陳正字胡琴未破之先故是臧陽
一羈客高常侍詩滿人口猶潦倒長安吏
一日未遇千古同慨君第爲其不朽者有
不以正字還陳常侍還高者乎世卽多桓
元卿固將憮然驚謝曰我安能知此哉

題闡幽冊首 壬戌年

頃奉 旨闡幽擬分等類覆顧北海久辭
都下時且意爲古人東坡遠在海南人竟
杜齋集 卷之十 題
傳其已死或姓字影響幾謂漢無子雲或
族里渺茫空使世爭李白計同鄉之憑弔
必悉而虛鑒之劉覽無遺伏乞明注存亡
微參月旦錄所未備覈所無稽庶九京無
終薨之魂而二等爲覃敷之典矣謹啓

題喜雨詩冊 丙寅年

天啓丙寅夏六月吳越皆以旱告吾奉頌
海負山渴澍旣不可灌谿谷又無厚儲觀

他水鄉待澍尤渴顧郡國長吏爭修禱祠
之文圭壁旣卒寧莫我聽明府劉公蓋古
之遺愛也體上帝求莫之心去俗吏干和
之政自下車來民不見吏戶無負租聚聲
鶴影替牒訴之誼草色苔痕沒園扉之跡
公之精神時時徹民心隨天之精神時時
徹公左右故雖不能却流行之災而呼應
獨靈曄枯立起聞且見者直嘆其奇而不
杜齋集 卷之十 題
知其所以奇也詩之咏靈雨旣零也必推
本於秉心塞淵是可以知公禱祠之精意
矣至崎嶇潭壑跟跲叢社猶似禱祠之文
公特無所不昭假耳昔卓子康令密天下
大蝗河南二十餘縣皆被其灾獨不入密
縣界太守上其事至太傅封侯魯仲康爲
中牟令郡國蝗傷稼犬牙緣界不入中牟
河南尹言狀拜侍御史至再爲司徒吾奉

之獨不苦旱政猶密之獨不苦蝗中牟之
獨不苦瘼也今 天子方加意吏治公當
以尤異受卓魯重賞而奉之士紳喜奉獨
有天爭爲歌詩以附於靈雨之咏當亦采
風者所樂聞而傳循吏者所必考信焉

戲題東曙法師心註

心不可註註心者誰本無一點名象安施
遇明眼人此爲贅語以示愚癡鴨背澆雨
不如無註令各抱心耳自不聾口自不瘡

題鮑在齊尋山像

癸酉年

余有別業在四明之過雲雲南雲北可數
百里其間清谿窈谷平田菟林雞犬雲中
人家天上處處可尋不獨石窗樊榭諸勝
堪容屐齒也自昔尋之者有孫興公謝遺
塵及皮陸諸名輩千載而後君真其人倘
可分五嶽餘興一印風流遺躅乎余日待

君於雲湄閣上矣

題袁禮齋像

丙子年

別君且十年容顏不改神氣轉道何耶聞
君接得靈巖絕頂瞰海斗立撐雲砥平茶
藥皆宜洞壑兼有空巖結無隣之寸石鉅
軒不啻之泉棧卓懸崖惟編活樹門臨絕
壁直望扶桑時與方外數人高發臨滄一
嘯風自三山來應響傍九霄答還不知復
有人寢真堪洗盡塵土遠寄如此難老可
知

題天然禪師冊首

丁丑年

天然師自楚麻來因得太宰李公書胸中
壘塊與世路風波不及隻字第言天然和
尚於宗乘最深爲少林嫡骨至命我爲楊
大年張無垢則太宰自道也師言麻城每
嬰寇則太宰身督家丁與諸紳畫雉分提

以故城得全且言寇素欽公盛德聞公坐
城上卽不忍攻祇掠城外凡遇公莊園及
供僧精舍輒相戒勿犯公之盛德足以懷
橫行之寇而獨不能懷伐異之人乃知人
心猶有險於寇者師別余遊武林新安且
將遍叅諸方瓢笠到處定有金湯蓋李公
不妄着眼者而具眼者之能爲李公槩可
知也

跋

跋劉敬仲寒林香雪圖

辛酉年

長安道上車馬如沸維塵冥冥雙眼不得
輒開嘗思入公超五里霧中一濯吾魄或
挾摩詰攀月華子岡聽寒夜犬聲如豹使
心骨俱遠了不可得試披是卷忽忘身在
長安道上乃知胸中丘壑尚無恙也與余
同趣無如敬仲敬仲今且暫還故山寒林
香雪是處堪把應復咲此卷非真而目耳
書潘嘉客墨譜後 巳巳年

淵才客京師數年擔囊以歸意色殊暢家
人意其囊中必異寶也爲擇良日集親賓
開之則惟歐陽公五代史草及文與可竹
一幅李廷珪墨一笏而已淵才正以爲非
此不足寶也而意色自若夫廷珪之墨至
與歐史文竹並詫爲寶則墨之長價已極

矣然世患無珪不患無墨潘嘉客新安
偶人不肯以墨名家而高韻所寄自成異
寶余旅臥湖干得其所作墨如紫極龍光
寶幢瑤函諸種選料想外取精空表諸以
墨名家者皆未曾有以示廷珪能復夜郎
自大耶又遺我天都膠杖黃螭天矯自然
玉瑩文家畫竹無以當之物苟足寶二已
為多携墨與杖脩然東歸正恐淵才遇我
士由集 卷之十 跋 二
猶覺意色未暢耳

書朱太常墨塌詰命後

范忠宣入相麻為蘇文忠公筆忠宣之品
重以文忠之文寶之至今宋起居舍人詹
仲儀告辭及獎諭各一通為趙文敏書舍
人名蹟不甚著而以趙書為世珍秘睹河
思禹太常之功自足不朽思綸數通復皆
董宗伯得意筆宇宙千秋增一秘寶當不

如詹舍人告徒以趙書重今 天子嚴核
河漕行有以竟太常之用宗伯老筆尚健
尋當為酒四世詰俾世世寶之不啻忠宣
麻也

跋潘母錢孺人慈節傳後 丁丑年

夫人入宮見妒正恐色升寵移子抱母愛耳
誰肯選姬勸進故開虞侍之門特弘繩鰥
之路哉妒者必不慈麟振無望燕啄有心

士由集 卷之十 跋 三

不摘黃臺之瓜而力綿漆沮之甍今古不
數見也既不能慈又安問節身為禍水而
竊竊焉以朱亾自文亦無以謝兩髦於九
幽矣錢母方盛年即多方分愛遂氏必令
睚眦清丘何用暗盟必期有以幕孟氏之
廟而後已蘭徵甫協瓊夢頓驚乳下藐孤
原即母之遺也但幸潘氏有子何知子非
已出委曲造孤之心正其更迭飾勝之心

耳夫生爲飾媵死爲全孤不難奉塊肉以還潘氏而顧難奉寸心以還重泉哉無忘共伯之儀不踰敬姜之閨固其所也而總原於不妒故一不妒可以盡女德子玉有文德能亟章其母之慈節母真有子矣

跋德充寄雷長沙畫卷後

余與德充遊再度臘矣未嘗見其泚筆作畫不肯誦於不知已也宋獻孺極知之謂

半山集

八卷之三

跋

四

其率率幾筆輒足掩古人竟亦不能多得其畫且云不得多見其面鄒臣虎嘗入海陽謂董宗伯高足惟德充青於藍海陽人爭欲得其畫猶謂徒啖名非真知我者多方購之不肯落一筆長沙雷使君故是曠氣斗間知豐城秘寶者北來道秣陵遇德充甚驩臨別謂曰極欲得君一畫卷載與俱西江行千里長在異寶光中當是此生

奇快德充心許之猶未卽應然心念使君知我不在鄒宋兩公後既不及以幅紙伴其江行然使鳩民剪寇之暇一開卷作案頭山水遊知使君瀟灑遠神故不爲羽書牒訴所沒則郡境雖在三湘十洞間猶未若此卷之時存眉睫耳特作此卷寄之報知已也余喜使君之能知德充又喜德充能爲使君所知且喜其不終自秘書以負知已故爲率識卷後併以遺使君

引

余母七十小引 丁巳年

余看山過天鄣有余子貞復持其母戴七十壽冊相示且乞一言爲引余語曰戴吾宗也先世節烈頗不闕聞蓋自大小戴治禮世知以禮自坊而桂巖之宗尤著近如猗峰公名德直節爲昭代冠冕而母其從孫女也故能以早孀矢節且師劉薦截髮

杜白集

卷之二

一

余子疇山中吟小引

戊午年

從來得山中趣者無如李青蓮行且出山矣猶曰翠崖丹壑不敢寒盟故其視長安市上猶山中片石也其視天子之尊妃子

之貴猶山中乞詩常侶也其視震赫中外之權璫猶山中故所狎賤平頭奴也其視五侯七貴猶山中數經白眼之樵子牧兒也其視應制禁中選韻詞苑猶山中藉草之品題倚杖之唱和也隨風咳唾大都俊逸清新僊僊不失烟霞味雖通謂之山中吟可也子疇神體俱遠故非山中骨相其所爲山中吟則固已深領山中之趣矣但

杜白集

卷之十

二

引楊泠然塵香集

辛酉年

泠然從衆香國來其體自香至與會絡繹舌底一一作青蓮華回風送香卽長安馬塵皆如百和矧其監作殿門時遇雄風颯

然徘徊於桂椒之間翱翔於激水之上有
塵葉人皆獵蕙草離秦衡槩新夷被薨楊
而至塵故香也而非泠然不知也他人語
監門之役靡不變色却步泠然初入署卽
慨然任之至手口卒瘠面目黧黑乃不作
塵勞想而作塵香觀噫此亦可以窺泠然
矣今且奉命摧虎林視監門較逸且白蘇
舊遊塵香滿路更當時時以紫騮青雀收
壯動集 卷之十一 三

徐明卿竹笑齋草小引 壬戌年

記余與明卿讀書雪竇時懸瀑千丈浮嵐
數峰時時授我兩人玄鑰我兩人笑而領
之嘗厭夫豎指者之標解滯而合眼者之

取象粗也顧余與雪竇別將二十年向時
心眼爲風塵蕪沒且盡而明卿日嘯咏其
中終不令世想奪其文趣幾於神魄俱澄
骨髓盡換矣以故每拈一義率不從人間
來蓋清貴自其品地而興寄更復脩遠耳
余於燕邸顏其齋曰小雪竇志不忘故山
也然而故山神境不可復尋矣孰使我忽
到石窗樊榭間見飛瀑散落輕嵐撲人不
覺心眼風塵一時浣去者非以嘯對是編
也耶嗟乎余從黃金臺上望明卿計偕之
塵者不知其幾矣而後乃今得把臂燕市
擊碎漸離之筑倒盡荆卿之尊不足以喻
我兩人心期聊當託是編以問之天下耳
周長卿小試草引 癸亥年

余與長卿共處斗大城中除遠出或臥疴
斷無一日不相過每相過斷無一言及餌

訂小儒籬下事落落千古幾不知誰爲後
起矣明卿居白巖去城三十里而遇不能
日相過然予得拂石青山唱予和女者且
再閱歲此後十餘年非長卿入山就竹笑
齋作寒拾對喋則明卿入城茗戰替庾樓
而余亦時時得鼎足其間顧余小試宸怯
如郭舍人射覆不得一當而兩君若以主
司之日爲其手試輒互爲甲乙無不奇中

北山集

卷之二 引

五

者余每戲之曰君輩何遇小敵勇耶茲明
卿且已脫野戰寢建中原旗鼓矣則長卿
亦尋當冠軍兩闌而明卿其前茅也哀諸
甲乙草得如干首大都神理自流骨清韻
遠而氣色更淵然深秀乃知東方生自有
至數守宮窠蔽故非朔狂幸中耳

引余子餘浮海集

子餘去臘以書約余同爲朝海之行余私

謂天吳驕非氣如子餘不足以降之正欲
爲定光招手而郵筒忽至喜可知也遲之
半春猶未有來耗余始鼓柁獨往出候濤
過灌門每至幽奇險絕處恨不得同子餘
品題且恨其書之不信興之不勇夫却子
餘本色也比還剡上閉關紀遊未及脫稿
又以招尋螺峰礁嶺趣去杖屨一往便至
經旬歸則有以漫刺暮入者知子餘果來

北山集

卷之二 引

六

驚喜曰子餘真信人孤興汗漫忘其航海
真勇人西窗翦燭劇話相思消新團數片
乃出浮海集示余夫余方紀遊未成而寓
目茲集復能別爲娑竭寫照如大士十二
而面而妙麗哉直嘆君已得珠不禁廢草
耳

引王伯揆兩都遊草

甲子年

夫遊皆足以發人詩趣然其與詩趣合者

多是山水之遊今人但言五嶽三山暨諸
幽奇勝絕之地卽不必送目其際已覺松
翠雲嵐石林巖瀑悠然來與詩思會至兩
都故是風塵之海遊其中者眎不得豁武
不得展胸府不得蕭疎安得借瓢笠之清
緣引烟霞之高賞作吾濯腸灰水而收召
吾之詩魂也哉然而秋風渭水落葉長安
拈句人外致寧過此至灞橋風雪驢背奚
杜曲集 卷之十 七

囊直與問水烟舫攀霞曦展同一遠寄此
則靈曠之襟不爲風塵所沒而反借風塵
以寫其羈孤牢落之思者也伯揆兩都之
遊其能寄興風塵之表殆亦類此故其詩
亦不帶風塵之色金臺石城故應別作領
畧矣

引方生稿

吾郡司理汪君往分校浙闈稱最得士士

乎以得君品題爲定價一日過余剡上亟
稱汝南方生爲當今藝林英翹因出其書
義若干篇示余大都清心獨映孤韻自遠
而靈掉刻洗不欲半字墮時人喉吻讀竟
神襟開滌益信趙州眼光燦破四天下雖
然余不奇理君能知方生而奇方生能受
理君之知蓋名父之子每若不類積書多
奪嗜亦不少稟才厚伐性亦不薄少翁嗣
長孺孟堅承叔皮寥寥宇宙能幾人哉方
生以大叅公爲父毛裏淵源故有所自然
其所以奪嗜伐性者亦宜不缺於前偏能
伸其孤嗜毋滑其性靈而獨使青箱有權
具不魏名父之子矣汝穎故多奇士當不
能蓋方生指日聲動天下海內人士當益
服理君之玄鑒而豔稱家學者寧使韋班
遂絕千古哉

峨嵋山僧性空冊引 己巳年

炯白離峨眉時纔二十餘叅印諸方瓢笠
萬里何其壯也顧時以遊戲筆墨作佛事
詩格書法動不循人然每咲貫休以詩名
懷素以書著尤工篆章鐵筆纔落漢魏都
掩名流多重之炯白亦直以此調心卽謂
指頭三昧轉一機鋒亦可余嘗作峨嵋雪
觀便覺心骨俱清恨不能身至其地而炯

杜山集

卷之二 引

九

白偏欲離之吳楚甌越且十九年蓋其性
本清涼不必借境得印正令日溷喧塵眼
耳鼻舌身意原在千丈雪中若定以沐浴
飲食半是峨眉雪水而後足齊去住觀則
猶是凡情未脫耳

引靈源詩草

辛未年

詩不能重僧而僧能重詩蓋真僧必有真
詩正從句裏拈空非從空中著轍也余於

兩山高衲特服墮安理安不肯以詩名而
詩不得不以理安名幾令推敲小乘無處
生活顧獨稱靈源不置嘗曰僧品詩格原
自相醒試睹其人定知其詩頃過法相陰
勃色之見一衲神韻有異私曰此必靈源
而靈源亦以色逆比得睹其詩則覺花自
開玄露孤映不墮湖山烟月而湖山烟月
受其印可翛然神韻正如其人理安之法

杜山集

卷之二 引

十

鑒不爽理安之宗風不孤矣率題數語質
之具正眼者

引沈定之藿議

癸酉年

定之居家吾知其爲孝友人讀其詞賦知
其爲騷雅人及見屯鹽諸疏利病指掌安
攘列眉乃知其爲大經濟人肉食弗謀而
存之藿議夫定之故非長藿食者孝廉詞
賦皆可起家佇射平津之策藻敵 中興

決不作紙上經濟亦決不作布衣上書代肉食者謀耳

引張聖標益睡軒詩草

讀聖標詩則睡者醒矣益睡云何聖標雅負雄略垂老不復少展視天夢夢雙眼自令且當天啓祭甲間舉世皆睡何堪獨醒還以獨醒番思益睡然而竟有十月晦日之事悲夫志士甘苦辛烏睹其以睡全哉

杜山集

卷之一 引

十一

雖然聖標之噩夢未蘇而羣凶之穢魄已磔則聖標還以醒全也讀其詩論其世領取一語可醒千秋故不徒與彼時昏昏者同林各夢耳

林工宰江聲草小引

甲戌年

吾明風雅壇坫寓內然執耳者往往在逢掖間工宰瑤瑜挺出自當珥筆鳳池作燕許唱和故不可以逢掖定價而價已籍甚

余讀江聲草悲其志顧從古高流偏向牢落中發響索臨汝郎舫中孤詠踪跡方沉正復借江聲散愁而風情所激忽已動謝仁祖之聽此道推索名壓江左牛渚片月實爲之媒工宰勉之世不乏仁祖豈長使彥伯無知己哉江聲草不足盡工宰而工宰已見於此請與天下共聽之

引周長卿四六金莖露

丁丑年

漢武胎濁思嘗雲表之露挹其清氣以與神仙接金莖露故神仙之臭味也蓋露則已清而金莖之露直接太清不啻雄風之拂桂椒激積水而至者計嘗一滴便足令五臟換府百節換脈漢武卒至長年而輪臺一悔盡洗其好大喜功之肺腸倘亦雲表清露有以換其胎而不媿東方小兒爲之侍從乎至四六俳諧多是通尊臚走聲

利之漣牘且相視爲套括從不肯注目一
觀此中安得金莖露令人舌音神濯而意
飄飄雲表哉我長卿之作四六也先貯其
心於凌扶荔歷明光之玉盤而後引九霞
之液瀝五雲之脂以洒出隣虛不到之空
表令讀之者但覺若木之墜露猶有草木
菁華氣而此更非人意舌可品目也則直
謂之金莖露而已豈復落竿牘套括徒作
杜曲集 卷之十 三

世眼塵砂哉漢武之金莖露不出漢宮惟
一二親近方士或得竊嘗一滴令天下後
世徒結虛想於雲表今以是編公海內當
令寓目者無不淋漓滿志將人人自謂得
舐漢官承露盤而五濁躁肝俱浸三清玄
髓矣

引戴德充雪鴻堂帖

余家以書著者無過安道先生蓋其人品

高絕不欲以書著而世人高其品益高其
書卽欲不以書著亦不可得後來頗有聞
者率爲安道所掩故繇品遜亦爲畫家蹊
徑所沒耳德充之書亟爲董宗伯所賞願
其意初不欲以書著偶然落筆直以寫其
性靈而人不得以書索之惟人不得索之
以書始得自寫其性靈倘亦安道破琴而
始成其爲善琴者乎則其畫品乃吾家風
尋常筆墨之內故無以窺德充矣

引潘嘉客詩艸

方今詩道大熾幾於里有謠巷有吟矣黃
玄龍嘗嘆曰十五國之風不勝陳建安大
曆不足當無數名家姍駁我輩自當焚筆
硯避時俊路余曰詩教雖廣出各有源流
各有派雖喙各爭鳴要自不離源派者近
是未必人能樹幟家自變音也嘉客爲景

升猶子風雅故其家世近更出入諸名社
爲執耳者所賞夫亦賞其源派故別且時
能出其新裁爲紫陽黃海增水石之麗非
徒服先人故衣帶者令景升見之當亦曰
阿咸已與吾此流而天下之知景升者睹
嘉客詩復覺一開生面矣

送德充北遊引

丁丑冬杪余將還刻上德充亦趣黃山之

杜由集

卷之二

五

裝且謂我曰吾家幾人渺焉天末旣幸得
侍翁文園暢南國之遊然戶部在薊水部
在燕時邇北風有懷如織暫一尋盟黃海
便當直走燕薊與兩叔氏把袂歌北風翁
可無一言生角弓之色乎顧余與水部嘗
以郵筒相聞而未得睹其面於戶部旣未
一面亦未通郵筒片紙德充輕數千里走
訪當爲余併歌南風雖南風不競使與二

君聲氣相接便如遇我於鍾陵紫翠間則
德充此行不可謂非余實與俱也獨念今
日薊門稱危邊又逼陵京且苦餉詘能
消庾癸乎卽所以壯鎖鑰也兵興繕城修
備一切倚辦水衡稍不稱旨譴訶併集
其克濟軍興功實分帷幄半戶部饒心計
不難聚米籌虜或量沙岬萬里城水部以
清幹佐將作茂著成勞業荷璽書褒異
杜由集 卷之二 五
天子每虛銓諫之席酬望郎焉有望郎如
兩君而不亟晉銓諫爲諸曹勸者乎德充
北轅故當與兩君把袂鶴廳梧掖間則慷
慨歌北風聲更雄暢耳

募疏

重建省方亭募疏 甲寅年

封山邑沿負馬形勝甲吾奉山半爲布袋
師蛻骨地故與天台寶陀並稱東南靈境
山巔舊有亭每一登眺便覺頂可摩青穹
手可弄白日海上三山分明眼底而洪崖
浮丘挾我肩背間蓋茲山據一邑之勝而
茲亭又據茲山之勝且舊顏曰省方則幽
杜由集 卷之十一 募疏 一

人韻士固可以指顧烟雲清滌襟抱而牧
守行部時一登覽何處若石壕之吏何處
殘阿谷之虎何處挺走險之鹿何處哀征
野之鴻殆一目可盡當不作尋常遊囑者
獨恨嵐封敗址蘚積斷碑薜蘿侵捫漢之
梯瓦礫掩盤雲之磴勝地久晦勝躅久塵
突然計其資得青銅三十千當復舊觀昔
謝客按奇剔隱直欲窮山水未闢之勝况

茲遺蹟可尋忍令終蕪沒耶凡我同心定
無愴色

鼎建方廣寺鐘樓勸緣疏 丁巳年

石橋爲五百大阿羅漢應真之境舊傳有
方廣寺隱其中夜良山靜每有鐘鼓之聲
從巖瀑間出聞者以得接靈響爲三生勝
緣余習其說未至石橋先作聞鐘之想迨
至其地而鐘卒不可得聞也豈余聞根獨
杜由集 卷之十 募疏 二

迷阿羅漢獨爲余秘靈響哉蓋其寺隱則
其鐘隱隱者原未始顯而信心之人強於
隱中造顯鐘故不從耳入從心出也是心
也豈終窈渺恍惚聽鐘亡何有之鄉以爲
真實相乎茲梵宇瞰橋而出方廣寺已不
在石中寺旣顯矣鐘豈得隱顧寺僧嘗鑄
一鐘而猶不聞和白雲度山翠則以有鐘
無樓耳有鐘而臥之殿壁之下猶之無鐘

耳莊嚴樓閣故是佛事倘聞鐘而得妙音
圓通便足證無漏大阿羅漢果是於施薄
而於獲奢也且聞羅漢常住世間或爲宰
官或爲居士現身非一行法平等則是五
百應真亦未嘗隱也一夜摩天王能以百
萬種善根了百萬種誓願嚴淨寶殿供佛
如來五百應真如果住世吾豈憂神力不
如夜摩天王哉

杜仙集

卷之十

募疏

三

募建上方廣寺法堂募緣疏

上方廣寺故未有法堂寺僧海慈思危材
建之顧方廣處萬山中寺傍皆亂石雜樹
不足材也一木一石必取資他山財所憂
在物直且道路險艱必經旬朔羣手足而
後致則所費又什倍於直寺舊無產惟倚
十方檀那爲五百應真修香水清供其必
不能繼座燈經請飯香土以觀厥成明矣

然則此堂可遂廢乎萬佛一法無法無佛
矧天台講教原以綜法爲門而石橋爲五
百應真靈棲之境則由聲聞以證無漏故
是大阿羅漢真實了義法不可滅而法之
所乘者可知矣昔佛在摩竭提國演一切
法金剛爲地摩尼爲臺菩提爲蓋寶華莊
校以爲宮殿樓閣流光如雲從宮殿間華
影爲幢凡諸物象備體莊嚴於此境界選

杜仙集

卷之十

募疏

四

暢妙音十方國土等無障礙此固如來自
在神通之力然亦足以明法堂之不可無
矣無佛無衆生各具自在神通力但傾一
切願海便能雨無盡寶及衆妙華雖使摩
竭蘭若再見方廣行林何難哉何難哉

募建五雲山大殿疏

湖上諸山稱孤迥秀絕者亡如五雲蓋去
湖稍遠林巒水石不帶繁華媚人之意高

踰兩峰又不與兩峰爭遊人矜睠至使烟霞不得藏其面目俯瞰大江迴折如帶時從攢峰隙處送目明湖正如均堂杯水而不敢受茲山之倒影蓋遊躅至五雲始知湖山之奧也昔有聖僧真際於此高建法幢種種靈跡與茲山不朽迄今象法雖替而都護法神猶濯濯厥靈遠近操盂蹄祝請無虛日夫護法者顯則爲所護者自不壯由集 二八 卷之十 藝疏 五

未經登眺末由瞻禮當亦有耳名勝而心飛仰慈光而投體者矣肯使金題珠網長埋劫灰哉爰書冊首用告大千
募建漢城山浮圖疏 戊午年
吾郡東北負巨海羣山率東北奔作飲海勢而諸溪隨以迅瀉迴峰截流培塿幾點如蛟門候濤猶郡邑几席下物耳西南巖嶮而來者似盡爲陽侯所吞無從得奧衍儲納地故公卿不再世富厚不累葉而吾奉居郡上流山如頽波溪如縣瀑涉數仞之崗便可極目海天盡收三韓六島襟帶間無纖塵格塞其爲缺陷可知也其爲缺陷之害更可知也所藉砥東北下流者止漢城一抹耳以是當縣瀑之溪頽波之山氣奪而不敢爲砥矣說者曰漢城高於大小孤而大於金焦金焦足以柱吳會大小

孤足以鎗荆楚漢城獨不足當吾邑捍門
乎是不然荆吳雖長江奔驪而地勢寬紆
江復廣永足相映涵且金焦諸山俱屹立
大江中孤聳秀特正不在多而京口諸峰
又逆奔向秣陵與大小孤會其肩捍固已
殊矣况凌津扼要亦往往建塔寺鎮之則
亦有補缺拔陷之意焉通乎此而漢城之
不足以當金焦大小孤明矣補缺拔陷翻
杜曲集 卷之十 墓疏 七
可無術乎蓋一國有一國之形勝一邑亦
有一邑之形勝局勢彌隘缺陷彌顯居是
邦者多不甘爲一邑之人而一邑之形勝
猶復不完豈能制地脉於山水之外哉茲
議累浮圖漢城山上業得請當道矣顧無
能乞女媧五色石移以補地亦無能倩巨
靈提鰲足使天柱百尺忽然幻出雲表則
不肖爲一邑之人者當愈爲一邑形勝計

矣

募建地藏殿疏 丙寅年

磐陀師自天竺來行六載而入中國又六
載而止海上跌坐一室垂四十年朝海至
者必過而禮之無不謂是肉身菩薩也所
得檀施悉以建普同塔闢海上所未有費
累千金塔且報竣闢維而藏者共有寧宇
矣復念婆羅門女夙設弘誓度脫衆生使
杜曲集 卷之十 墓疏 八
不墮惡趣爰將構殿塔傍供養地藏作重
泉寶筏嗟乎修行人但能成佛作祖舍利
一粒可鎮十方國土何必借地藏力始拔
惡趣哉顧甘作地獄業者毋論往往自謂
成佛作祖偏不免入地獄如箭非藉菩薩
慈悲鐵圍萬仞業海三重正恐度脫無路
耳師之誓願卽同婆羅門女有成師誓願
者乎是亦婆羅門行願也

北關橋巷齊僧募疏

今天下莫盛於僧郵斷谷荒津俱開叢席
孤雲野鶴共赴香厨夫亦以諸方各有因
緣上根不廢行脚疎山三千里豈待暴糧
趙州八十春誰爲續食石頭不免尋思去
幾從雲水聽鐘雲居曾爲蹋山來會向維
那擲鉢不許天神送食定與檀信作緣飯
僧豈曰小因結願還同法施果大衆腹一

本目集

卷之二

募疏

九

粒何曾落空發初地心十方應時皆飽大
道不言福報普施自獲吉祥書與北關橋
菴主僧永作南瞻部洲佛事

理安寺藏閣僧田疏

理安寺廢久矣佛石大師趺坐蘿篲中與
猛獸爭所者十餘年始有感其異而爲之
立精舍者三十年來憑林起棟卽石成基
堂殿厨廊畧已完葺顧獨缺一藏經閣師

故可以無祖何必有經師故可以正法眼

藏作法王行秘書何必有藏經閣然今之
勝流高衲至湖上而尋放杖落屐之處則
必首理安寺且不無夢聽南澗之午鐘覓
洗松巖之法雨者知皈嚮師耳知有師因
知有理安寺有理安寺自不可無藏經閣
至法侶雲集寧當借飯香土古有捨身爲
法者各隨願力使藏經有閣飯僧有田其

杜曲集

卷之二

募疏

十

於功德亦遠矣

募建登球寺疏

丁卯年

彌勒之行化吾奉也爲布袋和尚聞之故
老神跡甚多其最異者嘗浴萬家河忽裂
其背中有臺殿竄然重深弟子怖甚則咲
曰此彌勒內院也第入毋恐卒怖不敢入
背忽以合河之北有樹如蓋出浴跌樹下
咲曰是足當吾一笠因名其樹爲笠庵後

人遂結菴樹所以存其勝比真身塔於茲
山天下人得禮其塔卽如入彌勒內院香
船鱗次先禮笠菴萬里通津於茲舍筏宋
崇寧間賜額登埭寺南宋時堰河阻船鱗
屋爲蹊寺遂以廢今萬家河復通自當以
登埭爲彼岸顧香林寶地化爲荒艸野田
者已三百餘年故址不入國版故額不存
邑乘里人僅能舉其名指其處而伽藍夜
杜詩集 卷之十 募疏 十一

號不能與黍麥爭所東曙西來法中龍象
慨任興復弘誓同心故有無著天親佐行
內院慈化二師當其應身矣嘗聞布袋師
募一袈裟地爲岳林寺址袈裟不欠寺址
有餘又募寺材納布袋中布袋不盈寺材
無缺登埭遺址余已捐金購之一袈裟地
敢爲檀信倡至提起布袋慈氏宗風宛然
可見滿眼龍華會上人當不使二師徒抱

虛願耳

虎跑寺募修天王殿疏 丁卯年

帝釋武臣卽法王干振也嚴淨道場衛護
國土繫威神是賴虎跑之有天王殿舊矣
定慧荒之於前幻居振之於後宗風大扇
佛日長華元和迄今千有餘載得嘗虎跑
之一滴者知曹谿線脈直接湖南母亦持
國殿其法界增長壽共別傳而廣日懸性
杜詩集 卷之十 募疏 十二
海之珠多聞扶真如之藏乎幻居寂後弘
道無人三寶見鼯鼠來遊四王與風雨爭
處三空師以燕山隻箭建湖上高幢禪侶
雲臻佛宮再煥獨天王殿未及重新其子
慧菴密印家珍增修法事直欲擱碎須彌
移取黃金白銀之域瑠璃水晶之宮作太
慈勝果凡抱佛心當有同志異日入虎跑
之門宛上八萬四千由旬與日月相對便

當由此親見如來

重建千佛閣疏

岳林之有千佛閣蓋創於布袋和尚卽以
示千億化身也自梁迄今殆將千載瞻禮
此閣如瞻禮布袋崇寧賜額正亦重布袋
以重此閣耳殿且再燬而閣乃獨存亦足
明至人造蹟切火不能燼矣至萬曆乙卯
始爲颶風所傾豈其不燬於火而竟摧於

杜曲集

卷之七

募疏

十三

風乎千佛一佛萬心一心閣有壞而皈依
布袋之心不壞但一發心瓦礫之場卽爲
金地檀施之橐已樹珠幢切火所不能侵
竟亦業風所不能轉耳布袋許大包無量
切裹大千界天興寺裏侯官署中線縫假
開踪跡便異世有王令自能具眼顧彌勒
千億身衆生當體是誰復不識請示時人

棲真寺募修大殿疏

戊辰年

吾奉名藍七十有二年來廢壞十不存三

棲真僻在海隅去人甚遠向來卓錫此中
者便擬孤峰絕頂目視雲漢作世外之人
比塵軌稍通膚剝日甚僧不得安其舍佛
亦不得保其宮恨余力綿末由作佛長城
何繇還佛金地一再經遊徒增嘆慨鹿莊
結夏清晝掩關募僧照誠普靈剝啄巖屏
謁余請疏便似玄顛復出永密再來當倩

杜曲集

卷之七

募疏

十四

天風海濤作廣長舌喚醒癡貪世夢各佐
香林一枝也石窗恭禪師提唱宗風弘法
海內雖奪席曹洞實受具栖真則栖真故
賢聖之藪又不徒借旃檀面作功德海矣
天台萬年寺募修大殿疏
已巳年
台山諸寺惟萬年踞絕勝處入台山不至
萬年幾謂台山浪得名雪堂老衲又所以
重萬年使台山不落莫者也余初入萬年

驚曰台山諸峰之精神茲寺領之比晤雪公又驚曰台山諸祖之精神茲僧領之余愛雪公益愛萬年十餘年來夢未嘗不在五峰雙澗間茲得尋舊遊與雪公復相對覺余與雪公之精神諸峰諸祖復領之台山廢興台宗絕續總雪公是賴寺殿小因何足了雪公然求雪公而不得者不妨借小乘因與之相見

壯曲集

卷之二

募疏

五

修築十廟磬橋募疏

庚午年

十廟諸谿之水滙於一磬谿漲波狂每欲決磬而出外逼大海風駛潮怒每欲決磬而入一磬而內鍵諸谿外拒大海爲力固已大矣况梁磬以行丹山一邑車徒必騷而防海官兵率取斯道頃海氛未靖利書旁午飛騎絡繹設戎機誤於陷澤警報阻於無梁害有不可言者則此磬此橋亦一

方之宣房瓠子矣如僅調蓄洩爲一成非鎖鑰其利害亦止一成故不足嘵嘵將伯也磬壞則橋壞磬安則橋安當大潰之後而欲使仍作諸谿之砥柱大海之捍門以通軍國之孔道其不能空手而問諸水濱明矣其不能謀之一里一社以觀厥成亦明矣凡身出其途與夫憂海徼之咽喉疏汛防之血脈者倡助勸輸當不待疾呼之

壯曲集

卷之二

募疏

十六

畢耳募僧思修其持余言通告長者亦足

當汝之刺臂曳鎖不

募建紫陽菴疏

甲戌年

二氏與吾儒並存蓋亦以佐世教也顧菴宇櫛比而道宮如晨星豈青牛西度紫氣漸遠耶雖然釋迦戴冠亦有末法玄風卽鬱猶不至有會昌之厄何至羽人無棲靈真鶴駕稅於瓦礫竟無過而問焉者乎吳

山之有紫陽菴張紫陽實初之丁野鶴遺
說在焉曩余嘗過之覺玄風襲人宛有諸
真來會自足消塵濁而鏡太清正不必專
向祇陀林乞出世法也祝融爲苗已三閱
歲臺殿故履猶沒陳蕪夫人各有正靈時
與神仙默相映發而獨與紫陽野鶴靈脈
不通吾所未信菴據吳山最勝處攬其片
石足壓兩山佳麗卽鮮道念豈無勝情況

杜曲集

卷之十

七

在通國大都之中遊者跡疊曾不得丹室
半楹爲息塵安履地亦甚不韻矣人可不
仙不可不韻卽以韻事作仙事亦無不可
今人語及方丈蓬萊且色飛神動恨不卽
踰弱水禮瑤闕直欲高寄仙蹤耳仙蹤近
在目前無弱水之隔徒自裹於一粒粟中
半升鐺裏而不少割減以還其臺殿是助
祝融爲虐也何高寄之爲道人盧冲志原

住泰和山紫陽菴今復作此菴化主信與
紫陽有緣且堅苦足感上真安知吳山不
泰和具道根者其必有以翼之矣

普陀簡藏募疏

乙亥年

非法而乞世尊所訶昔摩尼健大目以身
遶螺髻梵志以頭覆其頂及索其頸下環
珞卽沒水不敢復出給孤林鳥悲鳴相呼
亂人定意及夜半語鳥索其兩翅鳥卽驚

杜曲集

卷之十

七

飛不復還宿賴吒婆羅出家爲道乃至父
母家終不乞求時父問其故婆羅爲父說
偈曰多求人不愛不得懷恚恨是故我不
乞恐生增減故此皆佛所宣說卽至父家
猶不許乞而况其他乎雖然佛所訶責亦
止爲乞求非法者耳饑當乞食寒當乞衣
諸佛爲法不能無乞居士宰官安能無施
惟以法乞以法施潛龍當不難解殊栖鴟

當不難捐翹而況於人乎海谷上人簡藏
普陀尤爲勝舉以此往乞檀信尤非爲饑
寒乞施者比昔盧景裕繫晉陽獄至心誦
經枷鎖自脫又有人負罪當死夢沙門教
誦經默誦千遍臨刑刀折三年簡藏非徒
至心一經嘿誦千遍而已既可脫奇禍自
可致奇福昔黃頭爲耶若達守末羅園心
常愁憂難脫婢使祇持乾飯一施如來遂

壯由集

卷之二

募疏

七

遇波斯匿王蒞爲末利夫人寵冠宮掖非
第得脫婢使而已夫簡藏因緣何止一飯
五千卷中字字皆見如來卽至人不言福
報而姑以福言亦非黃頭可望矣以簡藏
乞施還書藏中語質諸居士宰官

重建明心寺募疏

踞鄞邑之南有厲山焉平野百里一點孤
秀大類吳興之合山踔其巔嵒然有聲蓋

其中空亦與合山相似明心寺正倚厲山
寺西十餘步有井名龍洞相傳此洞蜿蜒
透山則其所繇嵒然者也山之靈秀寺盡
收之殊異立刹委巷令鐘鼓與市聲相雜
者且昔有名僧能却潮積日以成輿梁土
人至今詫其神蹟則又非僅以僧郵延香
火者寺久廢汰光師立願新之垂成而復
燬於火余咲謂師曰性水真空水旣可却

壯由集

卷之二

募疏

七

火亦空性何難却火師荅曰火能燬之吾
能新之火竟歸空與却火等余宥其言復
爲轉一語曰空故無外性自相通試令衆
願力同作却火觀將使劫餘舍利一時湧
出牛方而入海浮圖于手擎還初地矣師
亦咲肯余言

重修奉化大橋募疏

丙子年

凡橋以地名者必據此地要津吳江長橋

以邑名者也惠州東西新橋以州名者也
長橋爲吳江大襟帶不得不以吳江名東
西新橋實扼惠州之衝不得不以惠州名
史稱定州橋壞覆民租車王周方蒞是州
瞿然曰橋梁不修刺史過也乃償民粟爲
治其橋亦以此橋當定州咽喉也吾邑有
大橋而以奉化名蓋龍谿奔流藉此一砥
邑境中斷藉此四通且東西市亦以奉化
壯曲集 卷之十 墓疏 三
名而大橋實爲駢湊之路則關紐一邑正
猶吳江之有長橋惠州之有東西新橋也
王周歷四鎮皆有善政史特書其治橋一
事明利涉平政故司牧之所先也邑侯李
公業知此橋據吾奉要津業囑壞狀爲修
廢第一急著恨不能於踵决肘露之相爲
徒枉輿梁之謀則謀如坡翁所謂妙割無
牛鷄者爰以募事屬僧福田曰橋梁爲公

福田之一爾名福田合於此橋有大因緣
其勇肩之母忽福田復引同志數輩共肩
若事蓋昔布袋大師嘗盤桓此橋或曳高
齒木屐豎股臥橋上或繫草履疾走過橋
市人恒以此驗晴雨則此橋故佛氏舊遊
佛氏弟子自當爲佛裝嚴凡生佛地誰無
佛心特假廣長舌一爲鼓吹將使負石如
負子輸木如輸芥千古神蹟免於冰折雷
杜曲集 卷之十 墓疏 三
解而且鰲足柱波鱗屋橫空百賈有棲千
軌不窮薄朱蒙之渡未奇咲神人之驅無
功集衆願力爲大福利總不失王周償粟
治橋之意則君子之利涉平政故多術矣
瓦官寺募修青蓮閣疏 丁丑年
李青蓮之詩曰白浪高於瓦官閣則瓦官
之有閣舊矣今以供 慈聖皇太后所頒
藏經龍天擁呵不第收遊矚之麗而顏曰

青蓮則以存高人舊遊之踪跡也閣建未
久年來苦爲颶風所漂焚燎欲摧藻井倒
茄半就零落倘不卽葺將龍藏無以奉安
而青蓮千載之詩魂當亦有愀然者余熟
遊此能無念乎况余家於瓦官世有因緣
晉高士安道先生年十四卽留畫寺中至
與虎頭金粟影稱雙絕宋處士仲若先生
則有減膊佛爲茲寺最妙勝相與安道畫
杜拙集 卷之十 藝苑 三
並竇然則余之獲遊瓦官倘亦兩先生未
盡之緣乎顧余不能畫何能開佛生面使
人見之五體投地亦不解作增減相何能
還佛相好使人讚嘆瞻禮惟是以疏代畫
以喚世語作減膊佛斯亦兩先生之精神
不泯而人天豈有厭焉况青蓮遺蹟所在
皆沉靈光巋然獨有此閣忍使金碧復掩
徒與鳳凰臺存虛名於烟草乎斯亦非憑

弔千秋之意矣

布金菴募造佛龕疏 丁丑年

菴名布金而佛擁土座漏因之中又有漏
焉佛故不作金土觀莊嚴佛事者豈得借
佛之圓通成我之缺陷况佛國城郭宮室
皆雕文刻鏤維摩十笏地亦布經王獅子
座供養諸佛則諸佛受用原無缺陷奈何
使離梅檀海坐塵垢龕有爲本無功德有
杜拙集 卷之十 藝苑 三
漏翻成罪過住僧雪林力不能莊嚴又不
能募德充發願以居士作募僧卽維摩借
座意也故知踰石出水定有神通且募者
居士受募者亦居士善願平等法性無二
同調立應勝果遂圓卽謂承趺寶華從地
湧出覆頂珠葉自天飛來可也
牛渚磯白衣菴募疏 丁丑年
白衣菴之在牛渚磯其址狹其制亦不宏

而楚楚有塵外之致一二衲子皆淨持清
出有可與言余嘗登然犀亭恍接太真光
響從峨眉亭望天門萬里雪濤破山而出
小舠環磯見水深石峭相傲爭奇尋從來
五渡師處覺山靈水怪猶林戈船使馬晚
登太白樓望江上酹酒三風旋浪迴似有
鯨背高吟向人索和者顧欲覓一蒲團地
收召勝情與太真諸賢千秋同夢非白衣
杜由集 卷之二 集 三五
菴不可息歿者然而成虧相倚修創互待
求其可以長作遊人化城而不至以破窗
敗壁作逐客標修之功故與創等况客所
不至亦大士所不栖莊嚴精舍非徒供客
也衲子精進雖不在徒鑽故紙然而從門
得入無妨自現家珍募購諸經亦以稱其
爲精舍佳衲耳伯愚持此告十方雖謂余
以勝情作佛事亦可

杜曲集卷之十一

刻上戴澳有斐

碑文

副總戎何公去思碑 丙寅年

防倭與防虜異虜阻地爲邊關入有口堵
截有隘堡皆可保亭障可乘賢王殊苦仰
關鐵騎不能飛渡卽不生事開邊其於扼
險守塞故實實有可憑恃矣倭阻水爲邊

杜曲集

卷之十一

碑文

一

鱗屋無閭屢樓不局碇海立營橫波作陣
風水主客爭利帆檣彼已稱神曰港曰門
皆堪直走爲磯爲島孰是堅城且多內地
姦人結聚出沒又二汛所不及防而海上
將士率謂耳目絕遠濛濛誰偵徒以欺蔽
之工掩備禦之拙櫻攫之密代徼循之疎
用是並海村落膏賊毒鋒航海商民饑
饒吻而吳越腹境亦時抱履腸涉血之

矣浙郡多瀕海而寧紹爲重地寧紹又
舟山爲咽喉叅戎扼舟山當盜賊衝非若
他境可坐糜軍需者比何公仲升家本姑
蘇海上情形其所稔悉而天性廉素不染
債帥習氣謂制寇亡先飭防飭防亡先實
伍士不果腹則伍不實將不割嗜則士不
飽異時隱佔什之二科扣什之一謁有贊
汛有程解驗有例薪燭竹木蠅魚麋鹿有

杜曲集

卷之十一

碑文

二

供諸種種指索率又沒什之三公一切洗
革毫髮不得嘗以私清抱孤映鈴間如水
日惟嚴簡汰精選補通精神肅法令策無
不集事無不舉將無不願効士無不樂死
驚波沸浪轉成天險狂鯨怒蛟番作機肉
嘗踣張一老掩其衆覆林洪近洋感林淑
舟潭殲之踰黃漢撼王恭化餘黨無一人
得逸撲洪宇石浦盡馘以徇曾如他境酷

剽橫質委之海若不可問乎國家方東若
遼西苦黔脫扶桑復搖天下必不支海上
既連以捷聞令草澤狂人知不得跳漠渤
爲窟廟堂之上遂得併力圖遼及黔而緣
海郡國惟晏然貢賦佐東西之急以此思
功則須彌之牽虜爲虛名而寧遠之退虜
猶藉力矣公於舳艫器甲無不精繕而軍
府故陋不蔽風雨威聲所暨通寇破膽而
意安閒風度簡率有杜征南羊太傅之
風蓋數萬甲兵政從數百卷書醞釀而出
故不可以介冑家遇之耳易曰師貞丈人
吉將軍之廉丈人之貞也史稱吳起善用
兵惟曰廉平能得士心則公之所以清海
氛與嗣今所以清嶺瘴者具可知矣先是
瓜期當遷兩臺特疏乞留業加副總戎亡
何有鎮粵之命 天子方急借以紓南顧

憂公遂不可復挽則謀所以不朽公者
祠普陀故諸將士意亦諸衲子意也將以
峴首片石長爲娑竭垣墻而住持如曜走
一輩徵余文余自拂枕海上安公衽席最
久習公威德最深用敢稍詮次其事他日
刑白馬而盟當必采擇及之

大中丞張公平寇碑 已巳年

方今東患遼西患黔頓兵糜餉縣官已苦

壯袖集 卷之十一 碑文

不支恃有東南一隅鳴鏑不驚襁褓無恙
從容貢賦以紓東西之急而海氛復狂所
在告警焚蕩走死遠近俱震微獨不得安
農畝貢賦無所出且大徵兵索餉得足遼
黔以爲國患大中丞張公淵猶克諱初視
師海上卽檄守令實厝庾繕城郭嚴保緘
肅檄循申令下瀨諸將治戰艦修火器汰
老弱飭烽堡期實實足供呼應不徒襲張

皇之聲居亡何閩寇鄭芝龍大犯漳泉
船具燼吳越甌嶺間無不號動公料賊尤
耽耽吾浙惡氛且旦晚逼境遂親履瀕海
諸郡相扼塞察堅瑕布置務周偵邏務密
不啻身扼天吳之衝者明年芝龍稱受撫
而叛黨周三老等竟颺入浙窟大陳山時
時出掠並海諸村戍衆數萬帆檣蔽天犯
石浦及昌國轉攻爵谿迫窺象山赤白羽
杜曲集

公方且觸暑凌江督省會兵至越越司理
劉慷慨監軍不徒持文墨議論睨人後於
是參謀鈴閫者乃得共恢聚米之略不作
啜汁之人矣分兵爲兩翼一軍定海扼其
咽喉巡海使者臨督之一軍象山昌國防
其侵軼越司理航海監之監軍隨宜指授
將士皆有奮心寇屢衄遂逸保大陳適颶
風作浪稽天緣海諸樓船多漂溺公料寇
必乘虛密檄諸將備非常寇果再犯石浦
於是諸將奉公秘略監軍親援袍寇至伏
發火其舟斬溺無算急竄金齒門外如霧
散波委公猶以不大創終貽肘腋憂與巡
海使者往復商訂疏請令勦益選將勵士
一切軍需悉倚辦郡守陳用夏郡丞策募
改商船增戰艦期三郡兵會海門直搗大
陳魚麗陳滄溟百年來所未見賊驚從天

而下不知所戰併不知所走一鼓覆之僅數十舸南逸我兵追至閩界返公宴賚諸官將有差浙海遂清而象尤視福最切用是象之縉紳士民徵余言紀其事余惟閩言撫如奉驕子浸致不可收拾公能獨任勦又能以羣策羣力收必勦之功爲

天子留貢賦片土不至貽憂南顧與遼黔並急於都偉矣顧閩仍撫局適孽得藪息

壯曲集

卷之十一 碑文

七

其中將何以終斷犯浙之路又知廟算必出萬全非野人所得窺揣矣公諱延登山東鄉平人海道蕭公基江西泰和人郡守陳君之美福建邵武人郡丞夏君以賓江西南昌人司理劉君光斗南直武進人象令潘君起鵬廣東新會人法得並書他郡各有紀茲特紀象之親見而額手者

象令潘侯平寇碑

寧區於並海諸郡爲最扼要象邑又於寧區爲最扼要象蓋孤懸溟渤中四周皆趾絕岸瀕大洋而爵谿尤象南蔽當長鯨震簸之衝東南一望直以諸島夷爲邊去邑郭僅二十里巨浪嚙爵城賊艘可徑逼無礁淺阻令茲邑者行部至此萬里長眺與犁隤突竄共飲滄波靡不失色潘侯未至象海氛已狂燒掇焚杆日不一報侯叱馭前無阻色且曰余實疆吏邑方震寇將以遣誰比視事妖鋒面面逼彈丸而爵谿之圍更急先是以爵軍勁抽捍邑俾侯悉遣還之曰爵谿距邑莽蒼耳刁斗聲接旃旆影交爵破象無完理象殘則腹地可直闢入卽破關無可守割肉充腹當不若是之愚於是爵軍畢扞爵氣百倍時賊艦集爵壩以百數賊衆圍爵城以萬數檣柁

壯曲集

卷之十一 碑文

八

時復登山俯而大譟我軍稟密算終不示
瑕以砲石擊傷賊甚衆間殲其兇渠賊不
得逞於是海防夏公率把總蔡維周等將
兵八百援昌國侯迎謂曰賊方轉攻爵谿
呼聲震邑屋爵卽善守虞其且衰脫爵陷
昌無可援願先解爵圍爲昌先聲夏然之
卽枚馳伏爵三里外陰諭守弁謝君佩等
俾圖夾擊先搜間道禽賊黃保初林一勝
壯節集 卷之十一 碑文 九
曾伯仁等始傳砲迅掩內外雷應而賊掃
跡遯卽青門旦門無敢匿一艘窺爵於是
爵之弁若軍驚定而喜曰微侯還故伍爵
必以力分破微侯移銳援爵必以力盡破
微侯才足應卒識足經微而徒以柔委趙
嫁則爵必以力孤破全爵全衆瞭情形於
指掌轉機振於咄嗟天所以哀東南而首
試之爵也用是走丐余文將以爲龍編之

柱余惟文弱吏多恇怯方遼蜀初發難時
監司郡邑往往望風逃至煩逮訊下考功
者不可勝數選人避遼蜀若湯火其已銓
補未任者次且觀變寧至奪官決不肯蹈
難象方藪寇全浙俱播商旅斷路侯能單
騎疾驅開血路至至輒庀儲需修守備驛
騷之供應靡不給撲滅之機畧靡不參蓋
其目中故無寇非徒夢夢焉以身殉也侯
壯節集 卷之十一 碑文 十
鄉海忠介以浙令起且亦當東南嬰寇時
文武爲憲聲施不朽嶺海間氣百年復開
侯真其人矣侯之累已平政綏土鳩民不
具述第爲爵人旌侯伐夫侯伐故不獨在
爵人片石也侯諱起鵬廣東新會人鄉進
士
越州司理劉公監軍平寇碑
文臣用謀武臣用力顧武臣之力微文臣

之謀則不知所用微文臣之謀有以攝武
臣之力則不肯爲用文人之武乃真武也
拔山蓋世而卒無成功正苦不文耳秦號
虎狼之國不聞任鄙孟說能以力收諸侯
晉以四路平吳而歸功於輕裘緩帶之羊
祜此今日海寇之平所以不敢謂師武臣
力而亟推監軍之機畧也監軍劉公司李
越州少年雄發每咲孟監不敢度私渠海
北庭慕義而長卿以幣通邛笮諸夷空
煩縣令負弩矢當大中丞督師過越文武
吏縮舌不敢吐一籌公獨慷慨借箸海外
情形如瞭眉睫中丞洒然異之曰是天所
以資我也卽命監軍公奮袂任之疾馳至
海上前此賊犯金齒門哨總劉孟經以援
絕死及寇石浦把總孫如激一軍皆覆於
是連犯昌國爵谿浸曉象邑風鶴之驚

北帖集

卷之十一 碑文

十二

於江左公曰此無統浪戰故賊得屢乘年
急請大中丞移鎮甬上海道蕭公扼蛟關
以裨將賈鉉長鄭翔督千兵援昌國故將
成大用爲叅謀郡守陳公給軍需象令潘
君爲近應叅遊王一麟趙應科帥舟師橫
旦門水陸輻輳聲勢橫連公親走石浦杆
昌國旂旛所指梟擒失光謀知賊保大陳
山馳羽書撫軍請三郡會勦傾其巢以絕
窺犯計戰艦有爲賊燼者則謀之夏海防
募商舶充數且爲致賊囹方圖大舉適颶
風所治戈船委崩浪於是趣謀更繕待賊
乘虛而賊果復犯昌國矣毒鋒狂焰視前
益張公立定計某衝其前某搗其脇某伏
弩砲扼其隘某嚴城守固其本且厲衆曰
賊已落吾掌中定當滅此朝食乃坐而麾
之賈鉉長逆前鋒鄭翔繼之葉奕等擗陣

北帖集

卷之十一 碑文

十三

死戰吳善道伏發弩砲齊向颺攢電飛斃
一巨目禽斬及溺死甚衆焚其船三十餘
隻獲甲仗有差不獨完城且更宜凱於是
假息遊魂不敢復窺象界矣然必欲結會
勦之局時異議紛撓公陰持益力海道與
撫軍審計竟從公請於是夏海防繕堅舟
成叅謀爲帥趙遊擊佐之備倭黃裳施英
爲左右翼間商嚴宏駕商舶實以甲士悞
而誘之公坐山亭一一督發驚鶴蔽海與
台師合賊聞風宵遁避吾全鋒追截之羊
岐迅掩餘醜向以三伯餘艘穴大陳者僅
五六十船逸閩界蓋自海寇縱橫幾倖不
大折或卽引去相蒙苟安無敢言勦者公
以書生料敵發必勦之謀贊當事決卒使
將士用命鯨鯢翦鬚馘截波腥俘獲艦溢
吳越之驚立定廟堂之憂頓紓非徒博

壯烈集

卷之十一 碑文

十三

戰之勝解一城之危也公家越石登樓清
嘯而胡騎拔圍然竟無補於中原之陸沉
明興佐命實首文成談笑決機而中山開
平受其指縱此文人之武自周公把大鉞
畢公把小鉞之後不數見公蓋以越石之
據慨師文成之沉雄者也中興秘圖當不
在青田而在蘭陵故非象士民所得私公
併非東南一面所得私公矣爲之頌曰司
理之責高坐援筆誰罪誰功恣其甲乙公
獨決策仗劍危關毒氣如霧惡波如山昌
城孤絕禹虢環齧援桴吳雷吹浪馳血猶
以通孽喙於大陳饑則思啞終必釋人全
勦之謀惟公力贊大陳旣掀羊岐鳥散浙
海鏡清東南砥平公曰何有聊試新礪

壯烈集

卷之十一 碑文

十四

祭文

開弔祭文

先父母同日開靈
丙辰年

於呼我父、待母泉路、霜降及瓜、香國同赴、
於呼我母、尾父恐後、稔酷再離、厥月仍九、
天寒木落、日冷風淒、黃泉相見、爲喜爲悲、
追惟父德、古人是率、孝友爲基、薛繼在卹、
母也天只、前子吾子、凡民有喪、不啻在已、
雙高鶴馭、並掩總帷、帖肥兼痛、親黨長辭、
素車疊軌、咸相惋絕、絮酒炙雞、加武帶經、
弔者在戶、靈寢載啓、匪子致客、先德爾耳、
靈金鬱楚、悽管凝傷、敬以弔告、崩淚無行、
尚饗、

先考生忌祭文

十月廿四日

昔年此日、稱觴繞膝、玄冬失寒、脩夜猶辛、
父兮偕母、酡顏華首、尺說年年、介此春酒、
此日仍來、父安在哉、且併携母、同歸夜臺、

百年是客、不沒者德、神爽如生、陟降可卽、
酌酒爲壽、何必及泉、保明勿替、岡陵長堅、
日度影堂、顏色如喜、破菹代班、深墨淚洗、
尚饗、

祭叔父春谷先生文

丁巳年

嗚呼吾叔、才高當世、行出古人、故宜顯融、
於時昌大、其後乃卒、以博士弟子、老且但、
有二女、祖青山之櫬、嗚呼天道如何哉、然、
北山集 八卷之二 祭文

遇雖不酬、其才天難終沒、其德抱疾連月、
問者交路、侍者與室、比屬續啓、手足視冷、
殮不期會而集、且無不淒斷者、卽素不相、
識、亦有奪我典刑之嘆、此卽有百子孫能、
得如此情景哉、矧某輩後先三世淵源、
冷而負笈、問奇者更多、俊人其畢、吾叔之、
志而顯融於時者、且不知其幾、則吾叔之、
才竟亦未可謂不酬也、顧叔性奇介、已則

好施不難剝肉以赴親知之急而決不
妄受人一錢已則新客不難貰酒以洽遇
存之歡而決不肖特受人一飯頃當緣
已極聊進數金爲藥餌資猶峻却之曰吾
尚有知安得以此敗吾素則今日酌杯酒
亦非叔意然叔之生平故綺筵難致而時
或無意相遭如王弘要元亮於栗里輒欣
然盡醉曾不怍情則今日之將正可當栗
里之酌幸無峻却之仍云敗吾素也

祭五弟文

嗚呼痛哉惟子與弟少丁奇窮子勉任讀
弟勉任耕以佐讀山窗月冷子夜伊吾興
嘆息相和念吾弟之躬耕而予坐食其勤
也斯時吾父垂老吾母老且病惟是兩
子弗卽成立是憂暨稍得榮進予日奔走
南北無有寧晷弟以孱軀支不贍之家

夜愁迫筋力已消尋復連襄大事焚焚集
夢毀瘁踰常然猶謂茂年足恃也方子遠
出新州雖屢發妖夢而眠日看雲不謂遂
至於此且聞弟日俟我還訣至屬續不休
此尤千古莫喻之痛也舍殮不親人琴俱
絕身後寂莫而魂何依然定當不拂而心
不乏而祀莫敖餒鬼定非吾弟所慮也絮
炙之將聊以飾痛吾弟亦憑而鑒之否

代見薦叔文

伏念叔某才慮過人剛介絕俗性遺榮利
止矜第五之名趣合林泉陰植生三之義
孝友爲政宗黨渾無間言質直下人家邦
可期必達年甫踰立病遽不起蓋傷王父
母之辭世毀瘠旣已踰常復代吾父子以
營家拮据不遺餘力是用酷纏二豎痛萎
柏之難春奄卽九冥嘆夢蘭之無兆某深

沐猶子之愛莫酬叔父之恩敬效吉蠲祇
申追薦

孚祐侯謝公廟元宵祭文 戊午年

周官九式九貢皆先祭祀而祀典六祈六
祝率首王正蓋所以逆孟陽饒司寒肇福
祥順豐年義至宏也穆穆我侯蘭苗瑤階
棘栖花縣當典午之季著中牟之聲堰水
驅蝗生樹厥伐粒饑篳寇沒赫厥靈固宜
壯壯集 八卷之十一 祭文 五

鴻號紀於秩宗精禋嗣於來許者矣惟茲
運轉三微令新左个試鼓相樂傳坐爲歡
金勝傳荆彩人起晉風流映結神庥不磨
某等眡牲眡濯孔惠孔時百芳實庭五音
繁會歌發青陽舞按雲翹火城燒春燈輪
蒸宵璧月承葢香風翼鑣殷闐安福之路
容與廣陵之橋虬駟鷺乘雲衣霓旌左扶
望舒右挾歲精撰轡封山之麓弭節龍溪

之汀連蜺璆璠翺遊周章欣欣樂康穰穰
未央顧靈瑣之莫卽心排側以難降尚饗

鼎建漢城山浮圖開山祭文

某年月日某等縈陳牲醴敬告漢城山之
神曰連山東走茲峰獨尊橫壓鱗屋爲邑
捍門邑郭建瓴捍門匪峻爲高是因乘巔
發軔辛夷爲車玄工載輪結柱爲旗毒厲
載驅旣翼厥始亦相厥終振河起嶽萬福
壯壯集 八卷之十一 祭文 六
攸同尚饗

仲氏沒燕邸大殮祭文 庚申年

維萬曆庚申夏六月五日辛亥不肖弟某
敬以牢醴菓蔬致奠于故兄有孝徵君之
靈曰嗚呼吾兄謂不壽耶世更有天者謂
不遇耶世更有厄者謂苦衣食耶世更有
貧者謂苦疾疢耶世更有酷者皆可爲兄
解也惟是拮据一生而身爲伯道崎嶇寸

祿而魂依壘祖垂死崩痛妻妾之手無路
來摩待盡昏迷首丘之思有聲更楚此所
爲纏恨於山樞結酸於芳草者乎然而猶
子固非它人客死等爲一死况進藥進粥
皆經汝弟之心視殮視含皆經汝弟之目
率由治命勉副篤終亦可便如頓於家絕
於妻子之手否魄旣就殮魂無不之早晚
計歸憑還寢廟受家人之哭臨對親知之

北白集

卷之二十一 祭文

七

弔輓應信生前之悲皆有形之見耳獨弟
雨泣天涯雲昏鄉路骨肉永割童僕對悽
惟幸精爽有臨以示幽玄可問嗚呼哀哉
尚饗

祭鄒齊雲

辛酉年

維天啓改元之正月上旬齊雲先生以起
復入都門需補叅知至二月十一日癸丑
卒於邸舍閏二月初一日祭酉某始得以

絮酒炙雞叩素帷而奠之嗚呼先生之英
風亮節卓識雄才用而未盡與鬱而未用
者中朝士大夫及豫章之父老子弟皆能
知而言之某可無述也惟是粉榆骨肉投
分素深羈旅親知關情更切乃一旦舍我
仙去返真三天應不作世間想亦何所悲
而我輩有情正復不能已已憶自己未脩
禋時與先生別輒期今春當會燕市中間

杜曲集

卷之二十一 祭文

八

幾書問幾屈指幾引領比聞在道則喜近
春明則甚喜甫脫裝卽走晤相勞苦把臂
倒數年積澗則喜不可言顧獨私訝神觀
不恒猶以爲脩途風雪實能消滅人耳踰
旬日無瘳色則已憂之復旬日且益甚尚
偃僂酬應而身實不任煩苦則大憂之於
是與令倩杜君交進危詞始稍伏枕理藥
餌然未嘗一日廢盥櫛每走問榻前至屏

人談心風氣道上如平時初十之夕且擬
晨出報謁而是夜遂劇比曉遂爲大期則
出不料耳嗚呼人之云亡邦國殄瘁某不
暇悲獨念同里幾何人里中同肝膽幾何
人方喜其來旋憂其病竟哭其死何以爲
心焉何以爲心哉至屬續天涯子姓不及
環泣視令殮此里巷兒女子淒酸非先生
孤矢初志也某亦不爲之悲向使此變在
數年之前將望八老親生無以送殘日沒
無以瞑重泉情景有不可言者今日惟應
子哭父孫哭王父先生垂陞皇之聽正當
含笑某悲先生甚還以慰先生先生倘以
爲然當以此語作大招也嗚呼尚饗

芳杜洲啓土文

癸亥年

山由天作秀色旁羅十二峰地喜水歸元
氣中含五百畝令祭丁而定位生旺俱朝

壯由集

卷之十一 祭文

九

叅子午而分金龍砂悉會踏節受氣氣以
逆結而完增土成基基以厚培而國敬
某月日時具畚鍤陳牲酒敬告芳杜洲土
地之神將斷土於河以益之洲幸助一家
之開闢爰築室於洲以蕃吾嗣長憑四塞
之山川靈秀待人而開迺里以至迺密富
壽因地而篤多男更祝多賢氣節文章載
之以忠厚爵祿名位基之以溫恭忠孝勿

壯由集

卷之十一 祭文

十

替家聲恤睦長延世澤則氣脈培而益遠
堂構久而彌新端肇於今日之啓土矣他
如水火盜賊之憂爪牙毒螫之害惟仗神
力永爲消屏又不啻如周雅所稱風雨除
烏鼠去者至鹿源別業工將嗣興併告山
靈並垂昭鑒曷任虔肅禱祈之至

郊居上梁文

山水情深久欲伸其微尚風塵擔卸始得

問吾遠心都忘贅客之屢空竊慕狂生之
樂志睠茲片地捧出金峩雪竇之心環以
清谿正據鎮亭剡曲之腹遠近峰爭欲抱
宅深翠幾重前後村都可爲隣長烟數抹
偏宜魚稻澤國乃在硤中饒有松杉霞城
卽起川上潮來有信堤橋時見倒流帆去
無遮磯步遙通巨海旣可供吾消散兼足
寄吾燕詒以矢其音昭茲來許祇叶鋤茅

壯白集

卷之十一

十一

之下用賡乘屋之歌

兒郎偉拋梁東光動扶桑萬里紅杜曲鹿
源開曙蚤芳洲從此破鴻濛
兒郎偉拋梁西銅柱峰高壓會稽積翠千
重靈氣合峰頭澗底盡龍池
兒郎偉拋梁南蓬島天門手可探豐燕橋
邊叢桂窟時看五色起高嵐
兒郎偉拋梁北句章作枕烟峰塞近帶魚

山江上青棹歌夜芙蓉國

兒郎偉拋梁上吉人之宅不可相入風吹
不動靈臺何用形家安好向

兒郎偉拋梁下孝友爲基節風雅縱令名
位冠當時不失生平是長者

奠周明山

憶初與伯氏定交時翁年未艾而家嚴已
望七甚羨伯氏有未老之親縱其所至青

壯白集

卷之十一

祭文

十一

紫可立取鼎養所逮當無窮期比屢戰不
侯嘗寄詩慰之有書室坐攬鏡應將舌自
看之句夫亦以伯氏才載翁厚德必且及
翁方康取兩闌久逝之物且晚捧紫誥上
觴乃年未望七而一疾颺逝寧獨伯氏痛
不天知伯氏者靡不與伯氏分巨創矣至
如某者臯魚之血未乾而設身處伯氏地
尤覺隱隱投其失怙舊痛焉矧予與伯氏

遊在今人臭味之外翁推其愛伯氏者愛予真有痒癢相切曲成伯氏鮑叔之知者感舊捫心悲來可知第翁歿之日識與不識皆惋其年不配德且惜伯氏又以三年草土鬱其顯揚之急腸顧人皆惜翁之歿則猶不沒也伯氏顯揚之業故在滯極且大迴轉眼惟牛上墮責天子之恩命翁靈定不泯何必泉臺遂非親見哉又况蘭

北日集

卷之二 祭文

三

以爲然

墓外父母祭文

巳巳年

嗚呼岳父折自壯齡幼子弱女黃口咿嚶嗟哉岳母半生茹檠玉樹方高鸞輶奄陟某不見父面特受母知俗艷靡奪偏賞崑愚母歿之日余在燕市淺土侵尋又逾二

紀子侍夜臺孫復藐孤襄厥大事更誰待乎爰卜上原用歸雙楸惟偕與女親爲執紼仙靈窟宅神必安之玄室將闔酹土一卮

西郊居上梁文

癸酉年

頃以一紀投閒纔得數楹就緒茲復歸來急賦詩作栖遲別謀蓋十畝之間十畝之外無非桑者之適而考槃在澗考槃在阿

北日集

卷之二 祭文

十四

竊效碩人之寬既作芳洲主人寧使西偏獨剩不遠郊居舊業總遺後人以安兩水不得而親疎濯纓俱可諸峰何分於濃澹排闥都來制視東而倍廉興視東而倍勇匪棘其欲聊以畢吾遐思通求厥寧正以明吾野逸檀羅夢遠咲得志之驕人鵲巢成結倦還之公案上梁亦何足侈結習不能無文韻采雅南聲和耶許

兒郎偉拋梁東我生只令是愚公還願兒
孫愚似我郊居長有上皇風

兒郎偉拋梁西初日烘山潮滿谿谿上梅
花有龍性寒香不肯傍人低

兒郎偉拋梁南莫咲畸人老更愁只有青
箱傳世業何妨多作讀書龕

兒郎偉拋梁北孝弟力田求世德士出於
農本業香閨中那可休蠶織

雜詩集

卷之十一 祭文

五

兒郎偉拋梁上刻老文章留榜樣更兼節

義照丹青是箇男兒肯相讓

兒郎偉拋梁下窮巷時時積車馬閉門聲
氣自然通不作遊閒獵名者

祭孫豫誠文 乙卯年

嗚呼先生少與仲氏同才名晚與仲氏同
勇退仲氏年甫近艾輒棄水部如脫屣先
生亦當顏色鮮好飄然拂衣竟不屑以弦

歌爲三徑之資嗟乎龍不隱鱗鳳不藏羽
卒櫻網羅爲世指咲者其視先生寧啻在
雲漢之上哉然澹於榮利篤於孝友疎於
纖趨密於敦說行獨而道廣身窶而德充
疏七業爲家珍儲三振爲國寶取暢於世
甚薄而結契於天甚深故不獨爲枯冥之
高尚迂癖之風檢者也某獲托德隣彌投
素分時一晤對便足千古項已抱疾猶許
北山集 卷之十一 祭文 六

同遊山水通緣信宿一了苟與甫別祖載
奄驚談緒猶牽淒腸忽攪此段惋痛又不
徒爲王武子死耳瓣香藉積分以進且把
臂猶熱其遂不一顧我哉嗚呼尚饗

傳

籀冠先生傳 已巳年

籀冠先生者、誰吾友王伯貞也、好冠籀冠、故稱爲籀冠先生、海內名輩、無不重先生、而鄉里小兒、無不咲先生、李青蓮自謂可咲人、不咲不足爲先生、重腹有笥而餅無儲、口無藿而唾有珠、年垂八十、而意氣邁逸、少年所不如、先生亦直爲可咲而已、

謝理泉先生小傳

甲戌年

余生髮未燥、輒聞里中有謝理泉先生、恨未之見也、比得交其季子伯貞、始悉先生生平、余每嘆伯貞澹遠孤寂、非時世人、而後乃今知有所受也、又得交孫一之水部、昆季文行皆孤詣、且並扇高風、覺賀監刻曲不蚤、陶令辭彭澤已遲者、而皆出生之門、抑又可以知先生矣、先生少攻苦、

不肯以家人業自錮、聲籍籍諸生間、又不

染文人豪軼習氣、母張臥病三年、舌耕爲

醫藥資、而未嘗以此失待平、代操七身代

蠲溷、母不知其在病也、族有不得於母者、

謂母實難調、先生曰、正惟難調、故貴能調、

孝而擇其所易、誰非孝者、其人竟感悟有

兄弟爭財者、將鬻田、先生以訟宛論之曰、

骨肉可念、況棄財爭財、愚者不爲、若田故

腴、且傳吾產、終不敢利、若田害若兄弟爭

者、愧悔竟得相安、嘗與麗人同舟、自西陵

達甬上、數反挑、不爲動、至令麗人竊嘆曰、

不圖數百里、與石人共載、儲粟枵駱、屬所

親主藏、歲侵人饑、主藏者不請而盡、散之

先生竟不問、亦竟不責償、但曰、推八口之

贏、正吾志也、與人交、開而不率、宛而不隨、

故一時譽髦皆樂從之、遊比易簣、猶折衝

以示平不敢教子孫欺惟是雅負遠大僅以餽庠齋志士論惜之先生亦不屑屑於此也臨卒語不及私但浩然歌浮雲過太虛聲絕而逝時年六十有四配戴余族姑也賢明守內則事姑盡禮相夫盡瘁視隣媪盡恩嘗自誅先生曰文章無靈志不誦今孝友爲政道不鬱今以素尚終其不沒今以詒孫子亦不齎今後先生十四年肅

杜曲集

卷之十一

傳

三

本整容而卒壽七十四先生諱鈴字世鳴理泉其別號也其家世具其家乘

行狀

先考盡吾府君暨先慈周氏鄔氏兩
宜人行狀

花園始祖諱昇自小方門遷居縣東郭性喜種花自號花園拙叟因謂之花園戴氏花園支有名位者自雲臺公後有六八府君諱鑫用毛詩登甲辰進士弟九七府君諱嘉太學特奏名廸功郎計時常在南宋見剡源先生居葬記縣宋末迄勝國百餘年間世系名位皆失傳近世可考者佳二府君官提舉於澳爲十世祖生益謙府君官都目生廷吉府君諱德祐往省從兄拾遺公德彝於京師同死靖難配項孺人諱孟和聞拾遺死知禍必及宗匿二子外家毀戴氏族譜使者至欲行族急索譜孺人獨挺身出曰諸戴悉非拾遺宗氏夫某已

由集

卷之十一

行狀

與難京師家居者獨妾宜坐於是備極刑
慘刺擊之外用湯瓶煮兩乳或熾鐵逼烙
之身無寸膚完者竟不肯承使者深憐之
還報會赦族既得全二子亦脫族里高其
義稱為義婦司成公洵爲作傳曰少時每
聞長老謂余曰若得生亦婦之遺也義婦
長子諱允珏以文行徵不就生四子叔子
序十一府君諱文穰生三子仲卽素屏府
君諱標以文學徵承仕郎生四子季卽竹
谿府君諱松於澳爲曾王父性弘憫族有
毆人幾始者府君懼爲族人禍扶至家善
調之踰月竟死屍親竟仇府君乃至破家
賄塞卒不及族人王父東隅府君其長子
也諱謹性淳茂嘗傾貲代戶衆輸糧竟不
索償且曰彼若能償何須我代或叢室譴
則飲醇擁被而已生三子長卽先考諱存

山集

卷之二

行狀

二

貴字繼臣別號蓋吾甫十餘歲王父母皆
見背旣任家事兼撫二弟度已不能專制
舉業則厚督課其仲卒不售亦無悔心季
以疴殤極恨無以慰二人地下與仲析產
推撫處確一切征輸皆身任之仲不與知
比諸子長有欲一清代輸之適者則曰余
不知代安知其逋若等無兄弟耶遂止仲
復中折遺孤惻然又曲撫之如撫其弟此
猶曰同父也叔之遺孤甫十齡負厚產他
人鮮不居奇貨而一切出入皆手爲持籌
無毫髮私嘗有爭佃牛者一啖以賄斥曰
而欲我以孤嫠之物爲市耶乃與不賄者
叔孤稍長携之收租舟還夜經倪家硤時
有虎暴舟欲過硤則人穀俱起乃疊穀成
房處弟其中而身督舟過硤弟私跳而它
及來視之不見弟驚號欲自投死亡何自

山集

卷之二

行狀

三

他所來始驚喜收淚此後惟一身任之不
使俱直至成立始歸所任孤貲轉豐此猶
曰同王父也族人亡踈暱有急必殉或至
中夜起坐輟食太息必獲濟而後卽安一
族子賣酒市肆夜有病狂者從隣肆狂至
其門自到死曉啓門始知之里中大譁當
事窮竟甚急百口莫辯府君聞之頓蹙謂
澳曰有子汝在忍令義婦子孫死覆盆下
平因爲挺身剖雪當事寔之旁啁亦塞族
子不費一錢免殺身絕無德色且與其祖
父素不協絕不計也此猶曰同宗祊也至
鄉隣有急熱腸正復爾爾嘗有販繒者其
族人羶之指爲通番悉沒其貨極爲不平
曰誣指旣冤又出伊族成何世道我輩正
當爲世間存天日澳感斯言爲力請當道
事竟白聞而甚快又聞得白者來酬以金

莊田集

卷之十一 行狀

四

而謝不受則尤快曰故應爾爾有苦饑者
過責穀無應府君曰人以汝不能償耳我
故疑期能活汝不責汝償也割數斛予之
且饌以酒食其人感甚秋成有入爲債家
迫索已盡府君未嘗過而問焉其人謂其
妻曰某實活我雖不責償我能自己乎連
夜惋嘆計無復之竟雉經死事聞府君驚
曰誰迫其償而至於此其妻曰正惟不迫
其償所以至此其妻必欲終夫之志明年
竟償之府君不却其償而特別振其妻子
舊姻遠戚入城者必以爲歸雖就食彌歲
亦無南昌不卒之意身處邑屋白頭不識
縣門卽遭奇衡亦必曲示恕遣決不至蒲
伏質成暇卽與古人相對尤好律曆工琴
與簫良月佳夜必拂絃動操屬成連子春
之響或嶰竹鳴鳴風與之細霜與之高而

莊田集

卷之十一 行狀

五

一切世人躁濁之想決不得入其胷中至連山歸藏宜髀周夜往往得其精意但不肯著書曰其粗者習天文家皆能言其故其精者雖羲暨和不能傳也性方嚴門內肅然時對賓客容接無倦尤虔庀祀事自十世祖以下丘墓可尋祭掃必恪歲時蠲蒸洞屬有加而時爲料祀費修祀具不敢以非私事委獨課子甚寬嘗曰此中自有機候誰能強之或聞攻苦聲則曰須有身在太苦何爲至人世必責以淳和入官必責以清白嘗曰古來炳耀史冊者不過好人好官耳以此爲父母榮絕勝誥命十道也晚歲家甚落終不以貧故齒及阿堵乙卯春澳將謁選送至武林臨別揮淚曰吾老矣汝亟以廉吏聲慰我卽死無憾甫任水部而訃已至竟不聞澳受何官也一妹

再適無子家復窶甚周之終身渭陽無依養之如母直以殯葬終禮家浸食貧而親故待以舉火者不輟施所素與遊者卽至微賤禮接不改或謂太過荅曰我自行野人之意勿以世態繩我晚尤注屬澳最切偶他出雖夜分必待面面必問對何客談何事惟恐交非有功徒以譁浪送日也比舉於鄉至成進士凡得在侍靡日不然澳實不能作絕裾之行則復趣之曰汝欲坐而待吾盡乎不虞此行遂爲長訣比沉綿嚔語只以遊子爲念而遊子之痛可知也距生嘉靖癸巳十月二十四日亥時卒於萬曆乙卯九月二十八日丑時屢贈工部虞衡司員外吏部稽勳司郎中崇禎壬申督學使者黃以士民之請崇祀郡邑鄉賢其詞曰秀毓四明心遊太古蓼莪與棣鄂

交咏曾孔家風城市以泉石爲心龐劉業
尚讀書窮天人之蘊過庭垂忠孝之規汝
南之月旦爭推賢宗之尸祝無忝則所謂
沒爲鄉祭酒者也前母周氏邑之周村里
人勤儉克相有雞鳴葛覃之風蚤世遺三
孤皆幼生於嘉靖乙未十月初一日酉時
以隆慶己巳九月初一日未時卒母鄔氏
少孤甫數歲不肯隨母他適育於祖母包

曲集

卷之二

行狀

八

笄年歸吾父遺孤尚有在襁褓者撫之曲
至不啻推燥就濕也生澳與浙衣食軫視
每後於諸孤然猶以異母多猜間旁嘖者
時佐以深文母惟順受之曰天定知我不
爲減慈併不爲動色澳猶記孩時侍食或
欲得所欲則母必手示或毆譴令避諸兄
而泯其迹凡事類然比三孤皆成立各豐
私產澳方娶三月浙猶未聘輒析爨時距

秋成尚半年僅分黏穀數斗母曰汝幸已
娶脫簪珥可活毋憂也澳嘗欲自奉母母
曰汝後來不可知倘不克終奉我又不止
德色許語難堪矣至舉於鄉始得而奉二
人然母已久奉佛不得逮雞豚矣母嘗曰
前子吾子決無異視惟必欲薄吾子而厚
前子此則不免有異耳生平佳味不人口
佳衣不傳身晚雖可給猶補敝衣如衲服

曲集

卷之二

行狀

九

之無敦曰我惟得煖足矣餘福留子孫耳
雖曲奉必却之性慈明吾父得以惠宗黨
鳩親故母實佐之而黽勉有亡親操勞作
篝火夜織鑿冰晨炊前孤之婦皆坐而事
之母不以爲辱雖平頭小鬟從無一人
絡使者是以老而病風筋骨作楚寒月
刺雖見兒輩稍向榮然不得一日祿養
逝之明年澳徒跣還泣曰吾忍死待汝

面今便安心從汝父九原矣亡何病遂篤
沉綿月餘絕食十餘日日飲清湯一杯垂
逝則曰吾行矣慎毋哭但各稱佛號送我
西歸語終起坐而絕嘉靖戊申四月初五
日午時生以萬曆丙辰九月初四日丑時
卒後父一期壽六十有九遺命祭奠皆以
素與前母周皆屢贈宜人並與先考合葬
坊門孔家山之陽先考享年八十有三前
母壽三十有五葬以萬曆己未正月十三
日酉時長子淮娶沈氏再娶鄔氏次洪歲
貢生娶陳氏再娶鄔氏陳氏施氏次漳娶
童氏皆周母出次澳娶丁氏屢封宜人次
浙娶舒氏皆鄔母出孫男九人淮出二迅
耕庠生娶沈氏鳳耕奉祠生娶施氏洪無
出淮次子鳳耕嗣漳出二思誠娶張氏益
耕庠生娶施氏澳出五昆枚太學生娶周

由集

卷之十一

十

文學三綱女昆想聘侍御李公鵬鰥昆
楮昆搖昆搏俱未聘浙無出澳次子昆
嗣女孫二俱澳出思翺適光祿卿吳公
嘉仲子太學生葆和思韞適大理丞林公
棟隆冢子太學生弘琛曾孫十五人應運
娶陳氏開運未聘思誠山商運周運翼運
俱幼未聘迅耕出清運娶徐氏玄運聘呂
氏亨運貞運俱幼未聘鳳耕出脩運益耕
出未聘葉煜聘侍御王公杏曾孫文學
拱壁女葉煒聘陸孝廉大任女葉煒葉
葉寔俱幼未聘昆枚出鳴呼墓沐已拱
石赤具用敢效其畧以徵不朽於鉅公

由集

卷之十一

十一

墓誌銘

漢陽別駕黃公墓誌銘

癸亥年

渙爲諸生時自負豪上顧試輒詘於有司
減頂藻芹中壹鬱欲死獨黃師一見嗟賞
謂寓目少雙渙始信下澤猶可令轍而長
門織室尚得揚蛾眉也國士遇我何日忘
之比渙成進士嘗寄一詩有明珠在寸心
之句亡何師已下世寸心未寫吞恨如何

出集

卷之二

墓誌銘

一

師沒且八年渙以司勳郎 予告里居一
日報有客從嶺南來至則師仲子有章手
師狀請曰惟先子知君惟君知先子非君
孰與承先子之藏且先子遺志也用是輕
嶺海走君渙泫然曰渙何能銘吾師顧當
聊以寫吾寸心耳公諱應明字公兆別號
復亭粵之東莞人始祖某宋南渡時以奉
議大夫繇固始遷莞歷十一世諱某者爲

公王大父王父諱某父諱某代有隱德而
某尤慷慨能急人之難某生二子長卽公
也公幼聰敏欲無所不窺嘗冬夜讀書故
凍其足以皸楚敵昏睡萬曆己卯以詩舉
於鄉屢蹶公車乞恩爲新喻諭轉大竹令
甚有聲未幾丁外艱補奉化令大得民和
甲辰大計調平和令三年遷通安州守未
任復離計網教授南安五載始轉漢陽別
駕抵漢陽未數月旋罷歸萬曆丁巳某月
某日卒於家壽六十六其年某月日塋龍
骨坑之原公之令大竹也時采木之役甚
急緣嶮衝瘴役夫多死他邑往往見告公
親履絕谷犯毒嵐視民亡恐且隨以醫藥
徧診周療又令更番出山傭食以紓淫涿
故全活視他邑獨多甫至奉化諭俗十五
章俾曉然知所鄉村無怒吏戶無負租訟

至立折史胥抑首屏立無從說索一錢惟持半日糧卽得平反去時有黃半升之譟隣邑權貴間欲以請屬醜法必峻却之用是爲所陰中竟以調去巷有哭聲其在平和不以抑頓改其強項勢家橫甚民羸一畝穀稼卽爲禍本私雄禁楚必脅得爲快前令率噤不敢發公廉得狀必痛繩之勢家吐舌斂手民得延旦夕之息南安之謫

山集

卷之十一

教諭誌銘

三

猶尚以失驪勢家之過也嘗攝大庾南康篆民至今思之治兵使者開囊青衿通學大譟公心竊避之不力訶止以故爲所追扶卒不煖漢陽之席公以直道三黜然所至玉雪孤澄摩搔宛中以故令奉化時甘露降庭竹平和去任父老攀號至不得發代者已至猶守司府泣留公父夢庭前植巨松而生公顧公挺直不阿真森森如千

丈松獨以坎壈終未配其德語云位不稱德者必有後且覲首桐鄉所在而是德不沒矣公配洗穉人賢明能佐公清白今七十餘猶能晨起課諸孫讀三子一女皆孺人出長子煥章娶衛鎮撫張朝棟女蚤卒無子次有章娶鍾方伯某曾孫女次成章縣學生娶敘州郡丞蔡聖詔女女適國子生尹朝欽孫男四人俱有章出長昌祺後煥章聘某郡守戴某孫女次昌禎聘太學陳壯行女次昌祐昌祥俱未聘女孫七人二煥章出長適張文學子履初次許林文學上榷四有章出俱幼未聘一成章出亦幼成章以能文名天將昌公後其始是矣

銘曰

於吾師乎性欲必亢問數奇乎天惠三邑俾逢百罹乎不於其身當以誰施乎

水部孫公暨配何安人墓誌銘

甲戌年

刻中山水清疎世染差遠士大夫率多以人品自負至如水部昆季名德相砥尤非近世所有余於季氏柳城君最暱當水部公勇退里居亦時得捧袂請益私喜得見古人壬子秋別公北上不謂遂與公訣公竟以其年閏十一月十四日告終距生嘉靖丁巳享年纔五十有六季氏謂余實稔

自

卷之二

墓誌銘

五

公以狀屬余誌余心摹典刑不能置且素所欽佩猶有狀所不及者因詮而誌之公諱能傳字一之自稱心魯生先世有原甫者唐末令奉化因家湖瀾傳至公六世祖惟堯始稍東徙再傳至曾祖勝起家進士卒刑部尚書郎歷官著清白聲公所生祖珩九十四翁邑賓也父錮以明經丞萍鄉不失先世清白出後仲父瑄實爲公祖公

於鴈行爲叔氏萍鄉公課讀甚嚴公與季

氏尤銳意弓冶性沉敏不隨時工輦悅腹

笥貯古皆密訂精解一切世好不以奪其

書淫弱冠受知邑令王試再冠軍補邑諸

生壬午舉於鄉甲午丁內艱時遊平南當

太安人病亟心動馳歸猶得侍湯餌數日

始訣至戊戌凡五上春官不第泣下曰吾

母旣不逮養父且眊脫復不得嘗東方一

曲集

卷之二

墓誌銘

六

囊粟卽終博上第何爲遂謁選乞一瓊不可得亡何有選試中書之命是舉多爲有力者捷徑公獨以文章受知太宰李得首與選蓋盛事云凡制敕辦事之臣雖日侍綸扉不得與聞機政公以文章德望特爲當國者所知時與擘畫成敗評商今古及遘腹厄塞夷險中外機密處置性復秘慎不得叩以溫室之樹至市重政府以自

張且以自潤充唾去不屑故彌爲政府器
重而卒不離黨議著勞省中視他員特異
而安於平進辛丑加大理寺副乙巳量移
水部郎公曰吾得以是貶兩尊人足矣先
是國本未定言者猜激百端政府深心
扶翼卒正青宮公實陰雍樹之稅使橫楚
以急變聞上震怒欲盡奪撫按以下官
執政亡如何公曰璫實召變法取傳情奪
多官快璫視陋且搖天下心非所以昭
聖德杜亂萌也執政聽之屬公草密牘事
竟得解故薛大司馬恭敏公時方總楚臬
素與公莫逆因入覲詣謝公曰密勿秘議
豈容省郎有功雖至親暱不肯漏語市德
如此比年東西交訐災沴薦至公私捉露
中外恫疑其間委蛇補抹用心甚苦而絕
口不一引暴然掖垣視草故在也當翼

儲定播後政府勲業目隆公擬賀監黃冠
詩十五章諷以蜚遞保名語甚切至當事
者未能卽如其言亡何忌者蠶起交刃攢
鏃始悔用公言不蚤水部多富商因緣巧
嘗希得當爲奸利公正色絕之奸竇遂塞
丙午奉命權荆關廉白之聲在羶益起
驗有定法徵有定數已不爲壑亦不使旁
竊者衆爲壑會牒取上供材上游截筏
糾侍課幾不登然終不肯苛獵取盈商尤
感說視事未及瓜聞封公訃號曰徒以親
老急升斗安能忍巨創復羈未竣之役哉
奔歸守苦次哭臨盡禮未及窆隣火逼棺
公抱棺號絕棺忽應手躍出若有神掖之
者及畢塋事服且闕竟不欲去丘墓有福
及出山者集杜荀鶴韓退之句答曰舉世
盡從愁裏過誰人肯向死前休又作續勞

生論脩然自喻公故嗜古比官中秘他人
棋酒之嗜公皆用以蒐虎觀石室之藏居
恒扃戶著書不徒埋故紙爲書肆所行有
謚法纂益智編刻繁漫筆他如掖垣祝草
閣試詩賦論檄及諸疏札遺命慎藏於家
世以清白食貧自孝廉至林居絕不因請
寄置一喙削一牘悉力襄兩尊人塋事不
及伯季構畝宮與伯季共之不以湫隘私

曲集

卷之十一

九

一楹推所授產爲仲氏立後先祀缺供或
婚娶不給每割產及俸資之爲外大父邵
營祀田著籍其宗俾若放無餒鄉里有饑
寒及死不能殮者解推脫賻亡厭人或告
急至出圖書爲質不少吝止一女心許社
友項某子未締盟友忽奇疾無起色竟掛
延陵之劍封公晚苦視矇有召公必在側
或行還必拱立於前備述行所見聞命之

去乃敢入私室以爲常配屢封安人何氏
邑日嶺人克相公貧嘗脫簪珥佐讀及之
官舍安澹泊如平時公得肆力於書卒全
羔素之節安人有力焉夢忝日不應陰置
媵王若陳公性方執皆曲進之匪第無人
宮之妒子季氏子如已出使亡其蚤失恃
先公一年卒實萬曆辛亥六月三日距生
嘉靖癸亥四月七日嗣子如蒞娶邑長寧

曲集

卷之十一

墓誌銘

令陳維陞女女如洪適邑廩生項斯猷孫
女某係男啓私俱幼以泰昌改元十月辛
亥日同塋三江口公所自營也公與安人
並茂德法宜壽多男僅望者且無後天何
心哉願公所自爲後與天所以後公者亦
已多矣因系以銘銘曰

清白自其家世淵然其文而質行彌著佐
調黃耳無居德之忌知遯尾之厲而身行

其意是皆可以千古惡名德之弗嗣

明正議大夫資治尹大理寺卿九瀛

徐公暨沈氏淑人合葬墓誌銘

丁丑年

從來文人多不矜名節或不聞吏治余行天下獨服公不可僅以文人推冠余亦受公賞遇最深蓋其意所不可不能隨俗作態交晚於里中所甚驩獨余與薛大宗伯兩人耳計以尺石不朽公者非宗伯疇任而無何亦下世嗣子兆東以余實習公乃持其家侍御君所爲狀徵銘於余余何能銘公顧余習公有出狀外者輒敢補而誌之公諱時進字見可別號九瀛先生遠系詳其家乘不具述高祖瑛瑛生鉦鉦生瀚瀚生有悅皆儒隱有悅生公公生而奇慧家奇貧性嗜古童年輒不屑章句業嘗發憤忘饑至感水仙送食之異公益喜自負

曲集

卷之二 墓誌銘

十一

腹果經史百家而朝夕不繼晏如也弱冠

補弟子員三十餼於庠已卯登賢書南宮

屢蹶日惟杜門畢嗜古之志不肯以孝廉

改貧乙未成進士向來聞中牘多不循人

難具眼者茲則偏以不循人賞之始知異

寶自有波斯燦破循資授南水部樵蕪關

人所宸廛也公復不肯以權使改貧溢緡

萬餘具輪上還筦節慎庫廩亦亞蕪關比

曲集

卷之二 墓誌銘

十二

晉職方正郎畱署亡廛此者公復不肯以扼利孔攬兵柄改貧援天津兵還奉符索煥不得則噪而脅之公挺身填撫噪遂戢亦素廉有以服之也庚子秋出守岳陽岳境半割洞庭之浸所司苟且補罅不能與魚龍爭窟宅潞邸日趣閣履祗索賦又以魚龍之宅爲籌車海公通行視爲急堤膝疏窪陷祗始有入屬潞租有司虎冠始不

得酷歛乘農力完移兌糧廳水次歲省無
排水脚數百金時稅璫橫甚武昌民欲得
而甘心焉齋醮走荆寄徑岳丞倖多托故
不與通公獨駟呵與相見不少貶璫亦色
沮諸憤憤獻議爭欲簿錄其資上之公持
不可璫得無恙去民亦脫湯火無貽事後
不可知之禍亡何有吉安之調臺使者特
題移荆楚弓還楚從民望也沙市稅額驟
增商不堪命謁當事為請 詔減七萬之
六璫不得恣啖又酌其榷法無瑣漉之擾
宗祿多詭冒郡吏稍持之則大譁公為定
賦地痛雪奸人之藪諸空名影占以漸削
之不使驚尾間為少塞郵夫之直襍征於
厘鋪久之皆有所援以免所不得獨無
援單戶耳夫何從出公核沙市諸駟僧歲
令輸緡抵募直門稅槩報罷榷使徵發無

虛日馬戶苦橫索皆竄去公為求其程勒
禁毋徇過索者館人稍有藉與抵滇沐國
使郵荆異時侈郵符狼索無制公峻裁之
郵符亦漸格築馬長夾堤梁之以洩洪洞
而松安二邑息賀首之讐又甕龍改窪路
二十里行者不苦淖且免竄蹂農畝計二
費須萬餘金絕不哀之民而饑民反仰食
於役自荆城展陴薄當川門水漲則塞門
為桿岌岌其魚荆人迫思復故址以費不
貲亡敢任者公奮然營庀物力悉充雖以
艱去終得藉其物料還城故址則公實手
造耳比服闋補惠州前此嘗推監司以聞
憂不竟請復庵瘴鄉非其格也然不敢以
約結傳舍惠粵俗法弛偏署多受詞至
散候缺皆與白徒為市憑空告攝惟賄入
則解戴盆莫伸則去而為盜粵之多盜

實驅之公至則與丞倅約毋受詞有詞於
佐領者大創之并訪窮白徒置之法於是
單戶素門得遠刀俎粵俗始一變公所在
少選卽務興除清漏哀餘毫釐皆供經費
而使君之橐到處可垂則復不肯以三郡
改貧比拜 命守惠潮仍駐惠惠人驩呼
動地惠故有仲威署設兵五哨備山賊事
平第輪一哨團練郡中餘悉留長樂一白
弁領之尺伍實虛莫稽者而惠屬沿海要
害缺兵處甚多公留一哨守長樂分劄三
哨要害處莫敢以非故事爭故有備倭兵
橫海道遙轉爲盜藪時阻商舶使買水得
渡或劫質村市索厚贖始歸之官兵脆縮
莫敢當公結心腹將密治堅舟出不意衝
逼賊礮礮環匝立碎其船又密約虎頭鎮
道以巨舟俟其逸舫犁之賊始崩散海路

大通又令他鎮小船皆更如虎頭俾必堪
逐浪排風之用舊例畢汛則汰兵兵見汰
則投賊公曰兵日憂汰則兵盡以賊爲窟
是無兵也汰兵祇以節餉餉果不充寧減
兵使受餉者人有固志毋寧汰兵使憂汰
者人盡糜餉諸軍吏始與賊離又時爲攜
賊之黨使自相攻且間收之使爲我攻賊
而賊益不能相結摘各邑掩沒得數千金
由集 卷之十一 墓誌銘 十六
供兵餉兵益超距惟恐不得當公之爲監
司不徒以拱手受成爲虛名地方便宜必
舉而橐中必無南粵裝則復不肯以監司
改貧是時顏髮未變經濟方發緘而勇退
已切庚戌入 賀還遂決杜祁公退老之
志辛亥春陳情得請改葬兩尊人兼自營
幽宮築茅亭後圃顏曰好懷開惟幸得保
清素以貧終天年無復長安夢矣天啓改

元接揚恬逸起公南光祿少卿無出意
戊復以南岡貳勸駕會沈恭人喪又連有
室中之戚出意愈不決至癸亥秋勉治行
至上虞早涸舟膠且苦甚暑輒曰吾既遲
年久倦行役首丘是戀吾隱東也竟還棹
所親或勉之則引范蜀公謝箋答曰六十
三而致仕自處已審七十餘而復來豈爲
知止吾決已晚可再前耶以親故敦勉不
卽乞骸至甲子秋竟辭疾篤奉 旨加廷
尉卿致仕且贈祖父如其官蓋獎恬異數
也以公經濟巨手脫出而當路必能力拯
時艱如其監司治郡決不徒博大官以富
貴了出山公案而心知時不可爲必不欲
使天下有不我容之迹故不改其勇退
大用未竟留人一段餘想先是嘗購地葬
族人十九喪又構祠祀始祖以下及族

有名位而匱祀者厚振施其族尤篤同
令貲甲於邑察泉脉鑿井供里中數百家
綆汲清俸之贏復推以利人及鬼而家僅
私其貧與時宰爲肺附親絕不援以得應
仕而蜚遞之思反因此決故四明黨議吹
求甚苛而公獨以肺附超然居官一如寒
士所至皆亮其廉白故得一意興除莫之
猜阻暇輒著述自娛爲東南文章大家時
好獎引人士士多宗師之行世有鳩茲集
啜墨亭逸我堂諸稿公生嘉靖己酉十月
二十二日申時以崇禎壬申六月十二日
申時卒享年八十有四遺戒勿請祠鄉賢
而輿論自不能鬱郡邑皆崇祀所在祠名
宦而荆祠尤多配沈淑人克相公貧廉
可爲淑人力也膠木無應咸嗟惜之生於
嘉靖辛酉十月初一日亥時卒於天啓

戊八月初二日寅時享年六十有二從公
合葬孫家漕之陽嗣子兆東邑庠生文行
克世娶叅知鄔公鳴雷女女一兆岳側室
都氏出適符卿沈泰藩爲文恭公季子孫
六長師仲娶大京兆黃公景章冢子嘉瑜
女次師曾聘朱文學隆女實朱郡丞勲女
孫次師孟聘趙端簡公曾孫久徵女次師
益聘余文敏公孫比部郎維訓女次師夔
聘聞文學守寧女實莊簡公曾孫女次師
尹聘董孝廉德倩女孫女二長師雍字憲
副項公良梓子燁然次師齊字方孝廉挺
芳子岳禎公負名德且所至楸樹非止葉
冲沒而其言立也是可以銘銘曰
維真文章載實經濟熱血幾枯素風轉
不藉與援平進超然勞靖方園思結雲泉
一往善息六詔不起長開好懷雄玄習

呂泗濱先生暨配周氏孺人墓誌銘
往余垂髫時受知里中周鳳麓先生謂
翫必蚤比壯猶滯諸生幾謂君眼失價余
亦牢騷不飭小儒風檢時皆咲其狂獨泗
濱先生與其叔氏方塘翁一見奇之人所
咲爲狂者偏賞其神駿始覺鳳麓翁神契
不孤時蓋丙午春與先生仲子君鼎讀書
嶸望精舍文會之暇先生輒醉我南樓上
若惟恐余不狂余亦忘其與長者遊狂自
若也是秋果得上公車先生私喜子將月
旦不爽無何與方塘翁相繼仙去而鳳麓
翁亦以司訓定遠捐客舍知己幾入淹至
隕落車過腹痛豈敢忘心丁丑君鼎潯留
邸相與悼往歔歔因出先生狀請銘余曰
是吾心也但慮不足寫知已道素耳按狀
先生姓呂氏諱文訓更名一新字朝正

號泗濱先生系出新昌南宋時繇緱城徙居奉之方門里世業耕讀代有聞人其王
大父尚珏性至孝感盲母復明勸誘里中
至冤對都解大父永直益光遺緒望炊推
食母德色尤喜與學行士遊父公湛率作
彌勤實佐乃翁施振而弘厚更過之娶周
氏生先生蓋世求所篤也先生風神蕭遠
鬚眉秀異若神仙中人童年授章句不假

由集

卷之十一

墓誌銘

王

再讀此爲諸生益下帷攻苦嘗恨家學中
衰必欲振起之族有志羸力詘或力羸志
詘者必多方引翼俾有成呂氏文聲日著
先生實造之居恒抗志塵外不屑阿堵在
意舌間至季心一諾無問夜半扣門以故
桀黠者爭以先生爲外府至反眼相負亦
不問惟急課讀尤以器識相先桀精舍祖
塋側用示作求慎簡師友每當文史餘閒

流連觴咏以開洽其器識屏跡城市介性
超然然不以谿刻自處庇其宇下如坐春
風方塘翁剛介絕俗獨服先生時作古人
相對尤切捫舌之戒嘗謂諸子曰妄言損
德亦以階厲舍章可貞汝曹念之亡至身
家不足償口過也每讀史至文正公義田
記咲曰丈夫得志於時故應爾爾晚益博
涉玉髓黃庭諸家而岐黃素問尤多秘授

由集

卷之十一

墓誌銘

王

時以鍼石藥餌濟遠近構畝官藥欄石供
盆沼木山位置翳然時奉兩尊人婆娑其
下極就養歡尤注意仲嘗謂曰吾家世聽
應有興者將在若矣若必勉之君鼎數難
奇以今視平津得意時猶蚤工十年毋遽
不侯孤遠望也以嘉靖癸卯四月初五日
生以萬曆丁未正月二十四日卒壽六
十有五娶陳氏蚤卒繼娶張氏亦夭乃

周孺人佐孝養備至撫遺孤最有恩勤倫
相內而酒肴佐結客不缺供溫惠逮下有
樛木風子不問誰出凡可佐絃誦禮師友
無不至老不輟勞性尤明恕至橫加忤嗽
亦必戒無躁應曰試上舍元殿基望秋風
秋草正離離故可咲遣若至紛紜是重折
也此尤士君子所難以哭伯氏致疾遂不
起預知死期臨卒執仲手訣曰爲我善視

墓誌銘

卷之十一

墓誌銘

三

昆季子若孫是爲崇禎辛未七月初四日
距生嘉靖庚戌九月初四日享年八十有
二甲戌仲春合葬墓塘山之陽子五長元
勳邑諸生陳出娶江氏繼任氏次元變邑
廩生娶曹氏次元熙娶周氏俱周出次元
烈娶周氏次元燁娶王氏俱側室開出女
一元美適王守經周出孫男十六人勳出
三鳴陞鳴圻鳴垵變出四鳴堦鳴堦鳴垵

鳴堦堦爲邑諸生堦亦負俊才熙出四鳴
陞鳴垣鳴垵鳴垵堦烈出一鳴城堦出四鳴
堦鳴堦鳴垵鳴垵堦孫女四鳴媛勳出適繆
應期鳴垵變出字胡氏鳴璋烈出適石氏
鳴垵堦出米字會孫男二初鉉鳴階出初
鏞鳴陞出曾孫女一初鏞鳴陞出再世單
傳至先生而椒遠無用且皆文行克世天
固有以厚萃之矣爲之銘曰

墓誌銘

卷之十一

墓誌銘

三

先生情睦人又節俠人三緘其口國士遇
人有志無遭不爲孤憤壘塊人內德克孝
稱其室人前子孽子若出一人蠲忿平物
勉其子爲至人是父是母豈其不駿發於
後之人

明故大中文夫江西右叅政齊雲

公墓誌銘 丁丑年

余辱叅知公道素相期往往披襟晤對作

出口入耳語蓋公骯髒負氣骨未嘗輕信
許人顧嘗謂余可共肝膈當其病臥燕邸
猶屏人榻前語輒移日忘其體之負病也
語未去耳忽已歿十七年余左遷留銓公
孫振之寄公友人孫鴻羽所爲狀徵銘於
余嗟乎公之子不及爲先人尺石計而屬
之孫已晚矣余復謝不敏更奚待乎輒敢
受而誌之公諱鳴雷字長豫號齊雲其先
晉大夫司馬彌牟以邑爲氏至宋有扈暉
南渡任明州錄事參軍者占籍奉化鎮寶
橋迄勝國興伯文伯兄弟以甲第顯數傳
至必達遘家難仲子良琮抱祭器而逃贅
居何橋馬氏更名復宗是爲何橋鄒復宗
生不相公六相公生禪禪生僑以淳厚世
其家而僑尤好行其德嘗返遺金脫鹽賈
於苑爰有金甲神送予之祥是生封大夫

文旦性麗茂以孝友聞少業儒不就棄而
治生娶楊恭人琴瑟靜好家日益豐而好
行其德亦益甚年三十始生公公生而紹
舉穎邁攻苦文價日高年十八補邑弟子
員越歲餼於庠試輒第一丁酉冠三試舉
於鄉甲辰成進士 廷試卷擬鼎甲已置
二甲第六人不艱不遭也以公博雅宏達
宜讀書中秘珥視草筆藻黼太平願甘平
進期於實有展樹主西曹事諸所讞決皆
曲當情法爰書尤典覈逼古極爲大司寇
所引重滿考得推恩兩尊人亡何以副郎
出守盱江盱故江右劇地益藩在焉俗敝
而靡民貧而善訟朱邱諸役虎而冠白晝
攫人莫敢問公壑峻風裁杜請託貞憲
俗拯弱鋤強而大指主於清淨不擾耶役
或不逞痛以法繩之不少假曰諸王食租

永稅秋毫皆小民膏血復縱汝曹魚肉小民必非賢王意王慚謝始釋之王嘗疏請修府第報可兩臺屬公佑公念盱民困於藩府極矣吾一行估而復靡盱民數十萬金其能堪乎爲遷延久之一日王盛宴公強之估公具道所以不可狀語侃侃不少撓王卒怏怏罷郡故有太平橋稅歲榷三千餘金解稅璫轉輸內帑嚮爲市井狙獍

墓誌銘

王

及豪有力者攬侵穴窟其中公廉得之悉置諸法時有溢額輒遞減免商民鼓舞稱便而稅璫謂是中奇羨可利忽馳檄欲親權盱商舖囂然闔郡騷動公立出一示第爲諭安地方也者而實陰諷阻璫辭甚嚴正璫見示氣已奪從公乞廩給公辭無額王欲宴璫正殿公又爭之謂正殿者所以居尊肅度豈中官可得衍食其中王不得

已改宴別殿璫知不可久居徘徊六日而返竟不敢及稅事諸如停里甲酌官解策郵政改鹽法清屯田汰操軍禁僉報馬戶請改造糧船議建倉水次皇皇然與民更始尤加意造士捐置六學贍田朔育英堂麻姑山錄多士高等者弦誦其中等鹿鷺兩院治盱再期迺至庭無兩造門無私謁時得閉閣讀書間與僚友遊麻姑訪從姑表章近谿潛谷之學纂郡誌及丹霞洞天誌時弄柔翰自適兩臺並以卓異聞止壬子以績最得再馳封是冬轉憲副守湖西盱士民守闕無路相與建生祠甚有私爲位禮祝者公至湖西一意簡靜持水體不復以治郡法奪賢有司權至彈盜民又不敢仍悠忽故習所部隣楚粵盜賊出沒時攻剽梗章江公切責郡邑懸賞格

墓誌銘

墓誌銘

墓誌銘

王

嚴偵候務在必獲盜遂不敢入袁吉界
饑令悉發常平預備等倉民得不轉徙
是臨江有郭應龍之獄應龍雄於貴適
勢要橫里中睚眦殺人道路以目事發
紳有力者百方居間當事依違獄久不決
公曰三尺凜凜貴主不能庇其奴應龍賣
菜傭乃得草菅民命安用我輩爲卽檄五
郡司理盟神會鞠囚亦暢公明威畢吐實
獄遂成諸中貽者疾公如讐屢中公蜚語
公不爲動安成舊有屯田贍運軍積久爲
貪弁黠甲滅沒貧軍不能有尺寸前此嘗
有均田之議而法終不得行公令各以情
吐且免罪不爾必盡法無赦期易田畝盡
清照戶分給因以推之吉安永新無不清
復遂消不均之患四山鄒公亟稱之謂非
智仁勇兼備未易辦此甲寅入賀還旋有

叅知之 命分巡南昌省會繁劇倍他道
宗室錯處彈壓尤難公旣受事思所以振
紀剔蠹嚼齒入齟而兩臺亦倚之若左右
手宗室賢有行者不難時相過從厚爲款
遇有淫佚奸軌者雖破柱排壁莫敢枝梧
蓋賢者旣通意氣而不肖者自受條籠耳
嘗身兼數篆地轄千里四馳分應若有餘
閒且時時造請諸名公博訪地方賢才與
民間疾苦身在一室而神常流於所部之
外稅璫以公守盱時嘗禮禦已雅敬且憚
之至公官南昌益知欽折公亦稍示霽接
會湖關稅使李道敗 上以併屬璫所司
權數頗浮而止解原額璫從容過公曰道
在事時種種鋪墊孝順之費再倍正額今
欲我以徒手往得乎先生真人也敢以情
告公亟以語撫軍曰湖關之事璫知之審

矣脫以一疏乞自稅夫且取旨如寄一自稅焉有不十倍今額者乎今堅執不與名能與稅瑞相左而實無補於民生國計惟公圖之撫軍甚然公言而爲共事者所格卒至決裂始服公先識它如躬相度以塞豐城之增授方略以擒瑞州之寇人所犯手無不捷效無何聞太恭人病卽日投牒歸獲奉湯藥八日而太恭人逝又一歲封公逝雖五十不毀而孺慕彌切服闋嘆曰翩離之痛已苦某伸結駟之榮何裨不逮便欲廬墓沒世親友多方敦譬始復回思顯揚庚申冬北上謁補知公者皆快公之出至有特疏推轂者未及鈐補遽以易聞知與不知皆惜其大用未竟計至建生民掩泣開靈罷市亟請當道祀名宦里人素服公表正得請學使者祀郡邑鄉賢

公性開決治敢往籌畫既定膽志畢驅故謀無不就功無不舉然素尚簡澹一切聲色玩好絕不屑意與周恭人處相敬如賓終身不畜妾媵與人哂笑不假取予嚴介獨喜傾橐恣封公行其德如建輿梁耒祖祠置祀田修譜牒費皆百千計無吝色尤好獎引人士凡經品題皆以次取科第嘗上下古今名世多所不滿獨服韓魏公有識有膽應變之際機權莫測蓋以自喻也於書無所不窺尤注意理學嘗舉鄧文潔公三念以自檢併以質之人不作口頭學問所著有肝事槩雙蓉日抄併文集若干卷行於世生嘉靖丙寅二月十五日卒天啓辛酉二月十一日享年五十有六配周恭人少公二歲鄴望族女德禮相內壺政肅然公莊遇之先公一年卒男弘可邑

庠生娶同邑漳州郡丞舒公九思弟九里女女二長適鄞邑憲副杜公思孫徵士岡益次適鄞邑大廷尉徐公時進男庠生兆東孫男一振之娶家大司成洵曾孫女孫女一適鄞邑少司空董公光宏孫庠生德鑑癸亥臘月葬吳山之原公素所營也葬公十五年而余爲之銘曰

公生磊砢有正骨英名嶽嶽起束髮治安

第一猶一映筮仕鳩司矢慎罰面著霜稜

心湛月刑期無刑法不法治郡一意捐豪

猾害馬皆令俛受獄小民安耒歌相師監

司所至澄積滯巨奸劇盜踣魁桀江湖爾

清膏澤潤良知爲體機悟絕神應迅雷走

列缺若令剪寇掃奴孽何至邊腹日流

惜哉皇天好萎哲空使幽光燭參伐

塔銘

虎跑寺三空律禪師塔銘 己巳年

昔人有言德山棒臨濟喝亂世英雄今之號爲宗師者德山臨濟未嘗夢見用棒用喝妄峻家風直是白晝魍魎耳真爲宗派者腳踏實地眼具頂門正不與口頭禪爭鬼窟活計也則今世如三空師得不謂之曹谿嫡骨乎師諱明律順天宛平龔氏子母張氏師生時俱見一僧入室童年卽不茹葷比喪二親卽裂世網禮延壽寺德山爲師圓頂受具走伏牛山叅翠峰老人結茅玉皇塚中修惟心念佛三昧已復建龍興寺煉魔飯僧鑛賊之巢化爲金地皇太后歲齋供施嘗禪寂秘魔蠟數日不令猛獸侍其傍經龍池大嶠厲聲梵呪娑竭羅龍爲現細身由是名動諸方然益勤參

印過少室遇巖眉通天和尚師問曰誰
苦李味如何天云舌生刺師脫然有省
遊抵錢塘住持龍華寺重新傳大士道
法衆各參無虛自終不習野狐魔套瞞
下瞎漢也東溟管公嘗語人曰佛法垂
正宗衰薄如師真實足起玄風力請過姑
蘇住天池山三年還錫虎林諸縉紳素
禮師者以寰中燈焰非師莫傳遂請住
跑莊嚴冠諸喇嘛法幢愈高其憲何公同
師觀泉問曰泉從何來師曰從南嶽虎跑
來公曰山水遙過曾官從南嶽來師曰龍
到冰到方伯吳公問曰既來禪何假念
師曰如手塗磚打悶悶諸君便見此
本至問即不關塗磚不亦有何得道如來
問曰何方來如云看水能清能濁師曰
以苗稼如云繩索在持繩此曰持繩持

死不解活師方率衆運土首座辭以諄經
師曰諄何經座云諄華嚴經師云遍地
嚴恣汝諄取絕不浪掉舌頭妄通消息而
冷然應機諸佛點首居恒隨衆分供一子
一孫大家團圓頭共說無生話臨終示疾
召衆入室曰忙時用閒時辦免得臨行手
荒脚亂莫疑惑念佛好言訖端坐而逝時
蓋萬曆乙卯八月二日也壽七十三臘四
十四塔全身於本山爲之銘曰
今人說禪正如說肉祇快人耳曷果人腹
師不說禪如獅子吼直叩玄關金磚在手
偶一提唱栗棘都消咲彼棒喝漆桶爲妖
燕市吳山虛空着極虎跑一泓曹谿片月
南洞法雨大師塔銘
余與法雨大師結交久矣顧未嘗
語及法如俗物中頭動拈公案然無

非法正不墮唐突龍天野狐影子每一相
對第覺骨孔都開而不知其棒喝何從也
自甲戌秋別方丈三年不聞南澗鐘不謂
終遠吾師而師忽捨我去比有白門之行
自西陵徑度遂不得作禮塔前第以一偈
伴瓣香遙禮雲中磬聲而去然每憶師語
余曰知我惟君末後一著須君證明當不
辭銘吾塔余咲曰誰定後敢當茲委邪
比高足鹿崖齋翁菴所爲狀請余銘余曰
師蚤見屬語猶新又何敢忘按狀大師諱
如嵩更名仲光號佛石別號法雨老人錢
塘戴氏子父邦賢母陳氏夢僧以伽黎覆
體於隆慶己巳十一月十六日卯時生師
襁褓惡聞腥羶甫四齡卽投禮淨明禪師
年四剃染十八受戒蓮池大師十九歷遊
講肆習天台教觀及聞雪浪師弘揚賢道

宗相依最久一日讀圓覺至以思惟心斷
度如來大圓覺海如以螢火燒須彌山
嘆曰尋名取義皆思惟心也遂掩關竟
日自尋究竟疑終未破會易菴師提唱少
林宗就座累月復嘆云古人臨機覲而語
若只恁麼疏通與講何異仍別去依雪浪
至甲午謁紫柏大師於金陵靜海寺柏問
云喫飯也未師云未柏呼取糕餅至師以
一餅進柏柏接餅曰得恁伶俐復問汝在
金陵作何事師云聽雪浪講柏云講甚麼
經師云楞嚴柏云經中說當處法生隨處
滅盡幻妄稱相其性真爲妙覺明體如何
是妙覺明體師云生滅盡處是妙覺明體
柏痛呵斥師惘然少頃從容進問云畢竟
如何是妙覺明體柏震聲一喝師便禮拜
自後始知宗門下事非學解所到來日

威儀皈依因爲更名仲光實授記也盤桓
信宿一切經論疑義莫不微細決擇臨行
囑師云後生可畏良賈深藏師受囑遂還
武林携一傘肩一蒲團獨入重山爲深藏
計因得十八澗林壑幽異師自惟曰若得
甘泉當投錫耳乃撥榛莽矚懸崖有泉從
石突兀處零亂滴注如法雨飛洒味尤清
冽師快甚遂縛傘短松蒲團趺坐掬水作
供聽雨調心抵暮二虎咆哮遶師不去師
囑曰此地若與我有緣汝須速去若我緣
不在此汝大吼三聲余卽他往言訖虎便
點頭曳尾去次早視之故一虎窟耳於是
誅茆壘石構一小蓬囂雪餐風鋤雲種雨
簾棲八載後漸管閑方丈留一道者共棲
雪積雪絕糧居士宋化卿感夢走訊爨烟
久冷而師猶蕭然自若也時馮開之祭酒

集

八卷之十一

塔銘

六

吳伯霖黃貞父胡休仲卓去病仲期顧長
源諸公仰其高風與結澹社每月一集
法雨聆塵頭大意繇是名流縉侶相繼踵
至一日掘地得殘碑斷礎基址儼然考諸
舊誌方知爲古理安寺卽伏虎逢禪師道
場弘治大水與雲棲俱廢者師初入山有
二虎之異至是皆謂逢禪師再來一時喧
傳無不驚異司禮孫特躬叩師欲爲鼎建
師不許甚有移茆更入一重山之語識者
以是更高師辛亥方伯吳本如臬長寶淮
南入山踪跡之因悉理安始末力從史師
曰古刹不可久湮師能以瓊樓玉宇攝入
一莖草何妨以一莖草復現瓊樓玉宇耶
師咲唯之始廣禪室五楹以安四方叅請
之士又數年拓齋厨又十餘年余與楊水
部霞標謂名山不可無藏供藏不可無閣

集

八卷之十一

塔銘

七

因爲作募疏以成茲閣前後數十年藉藉
信樂輸規模始少就師性孤卓晏坐一室
經年掩扉客至無將迎或并不爲禮遂多
觸忤甚至誹駁交至師怡然常之家風淡
漠霜雪半生嘗有叩師者曰師何不開大
剎廣容衆乎師曰此亦吾願第念古之學
者爲道德今之學者爲名利名盛附名利
多趨利一旦主者名利稍劣便棄而他之
余薄德渺福何能建名利幢爲趨附海又
曰師何不弘揚經論乃以泉石自封乎師
曰如來五時設教無非開權顯實導引羣
迷若夫依文解義數寶筭沙鼓弄業識於
道轉遠吾不爲也又曰若然師何不拈拄
鐺拂登曲几床以說法利人乎師曰惡也
何言與夫宗乘稟受各有師承余自見
相先師後雖知有此事未敢自謂徹證

雲栖大師名蓋宇宙亦未曾輕易漏洩
普咲彼未曾夢見而以癡棒頑喝自瞎
人者又何敢以說法自任乎惟是與一二
箇中人本色住山坐臥雲根竹縫領略青
山白雲不爲流俗阿師吾所願耳時好吟
咏有山居微咲諸篇行於世偏向寒拾指
點不盡處閒拋冷擲師蓋以詩說法也已
復咲曰山僧二十年前口吧吧地二十年
後一字也說不出矢口歌云一泓清可沁
詩脾冷煖年來只自知卽其自知者可以
知師矣晚歲厭客避居峰頂構一菴開一
牖曰吾生可遊歿可塋四十餘年受用過
分住得一日是一日因顏其菴曰且住
上俯谿蘿懸徑絕雖弟子輩亦罕接見
曠畢忽示微疾就寢席者月餘惟以天
方暑若有所待適秋至謂弟子曰今

夾逼人吾欲遠去弟子不喻謂師方病欲
何往耶師曰汝將謂吾病耶從容扶杖起
出寢室盥沐趺坐集衆囑付後事惟誠勿
妄求勿多事安分守已遵佛遺訓仍戒勿
戴孝勿舉哀勿久停龕勿盛設祭供旋命
分邀諸檀囑以禁客携觴嚴淨伽藍時惟
蒸居士在法相山房應聲而至師一見撫
掌笑曰有居士證明吾道存矣餘不及待
也弟子戒慧請留遺偈師走筆書曰一句
彌陀五十年分明掘地討青天而今好箇
真消息夜半鐘聲到客船書訖顧視左右
擲筆而逝時崇禎九年七月十日也壽六
十有八臘五十有四噫一生行履不露形
迹爲馬爲牛任人卜度臨行撒手杲日
空夜半鐘聲阿誰委悉師嘗曰死當知
至是始信遵遺命以一七日入塔道俗

集
卷之十一 塔銘
十

赴具恨多生鈍根不能於影踪外蚤著眼
也爲之銘曰
流俗阿師說法自任可說非法開口作恁
師嘗說法如雷震空一字不着三日耳聾
衆生不聞謂不說法說者自圓聞者自瞎
得真消息守鍼頭邊夜半鐘聲載歸滿船

集
卷之十一 塔銘
十一

墓表

潘母王氏墓表 甲子年

余以丁巳之秋扁舟窮浙源遂入三天子
鄣發之名士多作把臂遊因得交太學潘
聖文楚文楚叅知泰符公叔子與余別八
年所生母王氏年甫四十而歿叅知公哀
之甚手爲行述而文楚洒血作書馳屬余
表其墓余於太學爲舊知且王母故有可
表者母廣陵人系出太原性慧而靜甫十
四歸叅知公爲側室卽從公偕計吏北上
風雪篝燈飽嘗鞍瘕公竟以是行登第侍
太君暨張孺人之任潛江旦夕躬脩澹不
以官署清苦膏太君驢張孺人亦安之
中雖離太君益用快慰字公弟女令女
所自出爲親織紵脫簪珥嫁之嘗有惡
侮公母曰此不足較第謹避之耳遂

卜居邑城中公有女弟寡而貧母引居
傍衣食皆資之且爲其子娶恩意甚篤至
貧德反囑無怨言公之潛江住時未至母
八十里遘疾危甚母含藥乳之如是者十
日始甦母之善承公猶其善承太君與張
孺人也公爲名縣令又爲名御史卽今尋
紫陽老壇圯寄白社之風流望重 中朝
續補主爵知恩滿海內公初不以屑意而
獨於母之歿也每對客嘆曰晚歲失一知
已殊難爲心蓋母與公偕出偕處共安共
患內贊之功實載半以去公故不以尋常
虞侍養之耳居恒嚴以督子聞其所與遊
得名豪則不啻范逵之過士行也大抵母
之遇公猶絡秀之於周安東望其子之必
立以不負屈節爲罔族計者正猶周母之
於伯仁昆弟故當屬續時尤諄諄以教

屬公文楚方有聲太學銳意顯揚故知非
此母不生此子矣母生於萬曆癸未六月
十九日歿於天啓癸亥八月初五日一子
文楚歷娶許氏張氏及胡氏一女適邑庠
生江國觀文楚將以某月某日葬母某處
而余爲表之系以詞曰

鍾夫人禮郝夫人法太原流風廣陵嗣烈
得侍名公稱爲知己亦既有子龍文駒齒

村曲集

卷之十一

墓表

三

是可不朽胡嗟不年遺徽長歎曰楊朝烟

此葉北圖配補

龔山集十二卷續集四卷再續集五卷

〔清〕方文撰

清康熙二十八年王槩刻本

中國科學院圖書館藏

桐城方子爾止之詩凡若干卷諸體咸具河濱序之曰夫論詩而好議論人者此其人不足與言詩也其意以爲不排人無以自見故於古人亦及焉辭此推之必律天下之人皆歸於已一軌凡古人之不合於我者輒訾其瑕類使聞者無不驚而畏之曰夫夫也且出古人上其誰敢與之爭嗟乎古人何易言也古之人先得我心亦猶我之先得乎天下後世之心也與我同者我趣之與彼同者彼趣之古今一揆是非無定必引彼以就我與適我以適彼皆不然之事也或彼或我自成一乃世所援以爲口實者元輕白俗郊寒島瘦

不然夫後之樂天東野間仙豈復有堪爲憐笑之資後之學者不得其精神之所存而皮相之耳食之羣而吠之以輕俗寒瘦槩古人之一生古之人其心折乎若四公者皆自成一家者也夫家者異於遊歷與寄寓者也跋涉之途不足以當一宿一宿之旅不足以當流寓流寓之所不足以當故廬以是知岐出岐入泛泛然而無所歸者皆失其家而家他人之家不能以自立我之亞旅我之苗裔將安歸乎古人爲人之所歸而或以其異已則曰非我家也然不謂之汝家乃遂營之曰此未足以爲家噫其甚哉方子於詩無所不學而歸宗無二其言必自成一家故其言曰樸老真至詩之則也予觀其之華香艷沁人結而爲果堅確可舉方

子之詩一舉也樸老真至則果之熟時也方子以金
山名集本於離騷天問何娶彼金而通之於台桑
金山卽尚書之塗山也其地或云在會稽以在鍾離
爲正予之意遠矣方子名文字爾止又名一未字明
農

謂詩文必窮而後工者大約取證汨羅杜陵諸君子
楚之爲國唐之爲天下當其時皆何如其窮豈獨一人
哉夫必窮其人而後工其詩文詩文可不設矣乃至窮
天下之人以工一人之詩文司命者之需於詩文又何
爲也世言不讀萬卷書不行萬里路讀不得杜詩政恐
讀萬卷書行萬里路而非身經一時之變者亦讀不得
杜詩自予經變以來舉頭向天不復知日月所居乃
讀爾止詩老眼頓明蓋今之爾止昔之汨羅杜陵也非
三君子此三代者遂成黑脂地獄矣乃知窮天下之人
以工一人之詩文者爲一人之詩文成而天下始有所
此司命者之微意也夫天下之內天下之外有大物
焉以持之者理也而詩之需於此者獨少焉過不在理
也如五穀之取精元化者不過一歲之滋而住世者賴
之至五金八石之壽皆萬歲而或至殺入其德乃不逮
一歲之穀過亦不在金石也砒霜之爲物也人食之死
龍食之肥則砒亦不死之藥而食之死者其脾胃不龍
若耳生民以來忠臣孝子之心何一不出於理忠臣孝
子之言何一不歸於理愈理愈奇愈理愈韻理者詩家
之大藥特非其人不得而用之忠臣孝子之制作固龍
之脾胃也與嗟乎惟理之窮亦久矣有爾止詩而理得
所托天下與托焉此天下甘爲爾止窮不怨也長沙之
吊汨羅曰逐九州而相君今何必懷此都也蓋自傷所

遭不逮汨羅顧使以賈生而當永嘉靖康時頗得作此
想否故非司命之大仁大忍以窮一人而因大窮天下
人尚足誤我賈生未可與讀騷矣况他人乎然則所謂
一財之變今用之者兩人可也作詩者用之爾止是也
讀詩者用之休那是也

念山全集編年目次

前集

自戊寅至丙申

卷一至卷二

五言古

卷三

七言古

卷四至卷五

五言律

卷六至卷九

七言律

卷十

五七言排律

卷十一

五言絕

卷十二

七言絕

續集

北游草

自丁酉至辛丑

徐杭游草

己亥

魯游草

庚子

西江游草

辛丑

再續集

自壬寅至己酉

卷一

五言古

卷二

七言古

卷三

五言律

卷四

七言律

卷五

五言排律五七言絕



金山集卷之一

集自丙子迄丁酉是冬北土諸詩義主游年復俱編入續集

院桐方

文爾止著

增補水王

集安節較

黃州王澤弘吳廬定

五言古體

秋夜飲顧與治齋中

丙子

英英天上雲皎皎雲間月清輝在山川流光及城闕南
舉有芳逕秋蘭應未敗今一尊酒相與坐林樾主賢
賓亦嘉高言防風發白露變為雨夜久濕羅襪不惜霜
露令所思餅鼎竭哀鴻從東來神思共飛越嗟予懷昔
遊逸氣凌溟渤歲月曾幾何劉蘇已奄忽劉同人弊篋
似遺篇荒丘掩枯骨感此淚霑臆憂來不能抗朝為美
少年暮已垂白髮權樂須及時沽酒市肴核仰視明河

恒星曙將沒織女不成章牽牛不服曉萬象均虛名
何為自勉錄願與同心人西山采薇薇

李臨淮古素招集松筠閣

北

大經生秋雲流陰被方句之子蓄奇懷中宵肆良譙升
階秉華燭四座萃羣彥行酒一以渚嘉魚一以薦琴箏
非昔饗商羽因時變運閣有餘址貝葉存遺卷緬懷古
哲人芳徽幸未遠起步梧竹間微巖冷然善有以集會
青蓮閣諸集行世

石橋懷與治

昔年居南邨卜隣近君子春秋多晏閒朝暮承音旨三
日不相見形神罔依止風人咏采芣誰能別離此今年
居北門相去八九里君子抱冲素往來艱步履我行遭

冠亂憂患在遷徙經旬市一過言笑無片譽都門復戒
嚴黃昏斷行客所以夏徂秋夕酒未嘗醺衙門石橋畔
屋瓦蔓瓜藟橋上見明月橋下聞流水南村路何許聯
孤情尚爾況乃隔中州伊人渺江汜回首念昔游感嘆
不能已願為雙鴻鵠比翼凌風起

雲間五子詩

謝李愛一首

陳臥子子龍

大雅隕霜露周行蔽秦蕪浩浩穹壤間誰秉達士模
海產羣彥斯地才不殊陳子特英勇揚鑣奮前驅惠心
獨千仞雄風扇八區仰視秋鷹翔俛振春華敷左顧金
瑯耳石粉貂襍瑜珠詞凌謝鮑吐畧師孫吳所願樹弘
業豈為榮一軀盛年構仁主布武游天衢從政白雲曹

衍恩日南隅恩賜未及鳴護艸歛已枯旬旬返中阿聲
詩播上都名與五賢齊千載信不渝臥子龍政刑部作
十五子各官刑部也

彭燕又寶

時俗何工巧改錯背絕墨文區既波詭辭府亦雲應彭
子懷古權春言崇令德馳情抗三代弘覽包九域倡言
發新聲標義遵往式衆星光離離共指勾陳側長樂既
軒翥時更集仲惠州亦遐陟陳臥子授傷彼寒泉井遇
時人不食行路或咨嗟達士乃恬默南方有奇鳥丹丘
欲羽翼朝飲澧水泉暮食梧桐實應運翔中天將以輝
王國當其未遇時凡鳥豈能測

徐闇公孚遠

閣公青雲器盤伏東海濱神理何淵浩標持亦嶙峋博
覽崇漢魏纖辭鄙梁陳作賦擬三都著論作過秦所務
在秋實不獨春華新俯仰千載間王綱頽復振祿食逾
千億誰是英雄人君懷經世畧自比管樂倫挾策不見
收壯志猶未申垂竿涉澗水長與鱖魚親六翮豈終斂
行矣凌秋昊

朱宗遠灝

曉日游湖山輕烟動微吹黃浦湛清華機山誇蒼翠須
臾雷雨作天水相虧蔽上疑虎豹鳴下見蛟龍戲山川
富變化鍾靈詎一致雲間數君子文質頗相似宗遠何
獨奇流韻迥孤異杼柚象天工五采互交織厥文信奇
險厥人迥溫謐辭榮慕王霸干祿笑毛義家園蒔藥荷
在戶封薛荔有時拂絹素忘言寫高寄彷彿龍眠圖不
數輞川記內美何紛吾令余發長吟

單質生見訪僧舍并惠三忠集畚此

高樹引秋蟬空梁逝春燕昨宵微雨集重陰滿僧院之
子一來過羈人共談謠秀采本淪漪腹詞復舊荷內乘
金石姿匪直情婉變稽古式芳躅懷忠耿遐眷下上漢
宋書獨怡武侯傳煩免痛鵬舉軾軻欽履善流覽未及
終風嶽宛可見汨余有同心參差淚如霰三忠集諸葛武侯岳鄂王
文信公忠顯事發王字履善信公字

留別楊愛生兄弟

新秋游雲間載啟楊子闕時專人說友楊子逸何之白
下仍未歸琴書雖寂寞舍館含清暉仲子出迎客芬馨

襲人衣徜徉梧竹下魚鳥皆忘機伯子從吳來停機卽
開屏金鼎貯名酒玉軫揚高輝一杯彈一曲所願無乖
違如何舍茲去刷羽西南飛江南雜秋樹遠望帆影微
相送徒悠悠相思乃依依安得費長房以解長渴饑

送萬茂先應徵北上

之子遊白門僦居近長干臥病罕酬酢戶外秋陰寒我
來自吳會芳艸露已溥一揖未及終沃若平生懽同心
指松柏高言洽芝蘭惠我瑤華篇佐以青琅玕感茲意
纏綿盛之雙玉盤所恨舊京廣敞虛偏西安子居西道
里何阻修來往往徒步難揚鞭日一過話言傾肺腑其
催歸去中宵起浩歎雞籠山崢嶸秦淮水瀟灑商巖降
園囿柔條坐催殘燕鴻相背飛各自振羽翰我行歸故
金止集

鄉扁舟發江湍君行應明詔驅車渡桑乾報平莫能別
含情多悲酸仰視天宇空客星光桓桓聖人勞瘁張
羅五雲端華野釋耕未穡溪揮釣竿之子起南州善類
鮮不歎陳君既叱馭劉子亦彈冠劉子亦彈冠劉子亦彈冠
生三上書至言道不可執政雖未收高風激頻瀾劉子亦彈冠
劉子亦彈冠我親今日勢危殆如累九寇盜盈中州戎
馬騷三韓早汾復頓仍民力業已殫子成萬言策炯炯
一心丹須臾奏承明崇班入鵷鷺單歌嘉魚坎坎咏
伐檀錫爾一命榮慎勿早小官丈夫志功名尺寸亦可
親何爲守章句盛年柄考槃行矣促蒲輪前途願加餐

病中東錢吉士已期

風齡抱微尚思君良有年吳門罕觴詠白下曠舟旋山

川修且阻中懷鬱不宜三復兼葭詩怡悵誰爲傳
伯宗游虎丘尺書因風發君復游嘉禾雙魚冷秋月思
情日已深音問日已闕三年不相見微衷詎能竭
憶昔城南寺道體方遒和杜門謝車馬不敢頻相過今
茲來長干我病且奈何撫枕長歎息仰天發浩歌

送王幼公之毘陵

商巖振林薄脫葉盈江溜眾艸既衰歇鵲鳴復鳴悲東
家娶新婦西家守空帷物候本不殊苦樂各異宜憶昔
故鄉日與君讀書時共秉珪璋器各挺龍鳳姿同堂屬
高文連牀和新詩疑義每交質懽情兩不疑有時涉江
湘軍所長用隨雨花秋月冷九子春雲垂蹉跎十四年
出處何曾離今年齊射策言論爭現奇爾獨奮六翻高

書日集

卷一五言古

五

雲翔雲遠風好二三子鱗蜚亦參差我命何坎珂微羽
歸山披席門掩窮巷殘花綻疎籬飲酒不成醉仰天長
嗟谷達人慕功名富貴安爾爲所恨歲月逝懷抱不得
施今爾揚輕舟毘陵省其師不忘攜手好殷勤就我辭
何以贈君言古道永相持君家喪亂後寄食稅水涯上
有白髮親下有無母兒行矣勿久淹繁華是歸期

獨酌東戴敬夫

秋陰三五日積雨連荒苦我既不得出故人亦不來午
餘少明霽悵望登高臺楊柳亦已萎梧桐亦已摧雲天
杳漫漫漸聞鴻雁哀感此蕭瑟情懷抱爲誰開呼兒貰
村酒頽然進一杯痛惜少年時去者不復迴海宇近多
故君相求異材天地本無私何獨窮我哉

容城答鄭魯若兼寄沈詹生

庚辰

春陰亘宵旦雨霰盈荒城歲次冥良仇中懷闕歡情出
門邁之子攬衣道平生煦氣蟬林柯好鳥時復鳴
清谿昔遊燕歲星今幾度驚馬既偃蹇美人亦遲暮修
名恐不立壯顏未能駐願盼二三子比翼翔天路
夙興思蘭若惠我金石辭英義揚古華密情麗繁枝撫
賤足承嘆告勞益深悲獻歲征途問役役何所爲
卓爾敬亭友盛年樂高蹈軒服脫若遺丘園從厥好風
規本遐舉學積更淵浩何以寄相思因君寫懷抱

送姜如農明府擢儀部

門有車馬客駕言還帝鄉逸翮順天風迢遙東北翔昔
爲真州宰墨綬垂芬芳報政逾十年今聞昭四方群公

金剛集

卷一五言古

六

極推轂官幣爭相將側耳聲離離高唱格桐岡如何循
階序始拜春官郎聞者或歎息行道亦慨慷達人迺冲
恬謙讓猶未遠此意亦何深此器安可量客豪備禮樂
萬古生輝光我有姊氏吳苦節禦冰霜幽居四十載郡
邑多褒揚直指采其風將以告明堂聖朝重廉節閭幽
無遐荒所賴大君子惻然沛天章匪直爲匹婦實乃扶
頽綱恩波潤金石沒齒無相忘

秋浦感懷呈劉伯宗

辛巳

桐山罷江北江南卽池陽相去不百里一葦輕可航憶
我昔遊此覆額髮始長雖抱固陋質才思殊清揚執鞭
事君子日月分餘光器我以瑚璉贈我以珠璫自許天
路近逸足當騰驤奈何命不尤臂力忽已剛蹉跎至三

十尚困諸生場形容就枯槁意氣亦頽唐况乃逢世亂
流離客他鄉蝦蟇笑蛟龍斥鷃欺鳳凰俯首對少年側
側心暗傷君子懷古義縱絕情弗忘中夜聞我至叩門
訊行裝佇立風露下屏營訴穹蒼佳會卜良辰衆嬋升
高堂華筵具珍膳桂酒泛金觴吳姬兼楚女臨軒奏笙
簧始歌猶艷曲曲終發清商悲聲四野起寒風薄衣裳
秉燭歸館舍悵然著斯章

留別吳尚乾

君自湘東來我向淮西去停舟立柴門垂楊亂春絮我
自淮西歸君復向江北駐馬入空齋楓林變秋色孟冬
江北還我又歸桐山相思日以篤相見何其艱當代論
交情如君能有幾安能久別離蹀躞溝頭水丈夫本貧
貧口集 卷一五言古 七

賤况值凶荒年謀食走四方同病交相憐今朝始傾蓋
驚嘆顏色改白門且暫休勿遽歸東海况乃春氣至梅
花過江南雙排大小婦醉臥烏龍潭

題韓孟小母氏卷

我友韓伯子天懷本淵懿事親以孝聞宗黨稱其義一
日編衣冠向予發長嘯爲言母氏賢士女德皆備可以
式宗國匪獨表中饋厥考君孺公少有鴻鵠志讀書讀
兵法多勇復多智慨慷思奮身提戈出邊地欲繫單口
頭或箝中行背勲名著竹帛通侯取如寄可憐數不偶
蹉跎老將至困頓丘壑中霜刃不得試母氏結同心匪
勉襄所事授書教令嗣蔚爲圭璋器祿養方有期一朝
先兄棄飲恨終昊天徽音畧可記惟牛勿復言懷橘將

安遺感此傷中情潸潸涕霑袂

秋日與蔡芹谿同舟作 壬午

穀旦屬元巳春雲澹天宇揚舲自石頭須臾達牛渚好
風雖云樂未若同心侶提壺向江市年荒乏清醕歸來
掩衾臥切切共私語中宵四鄰靜北風灑微雨借問敬
亭山相去復幾許良朋咸在茲先期命鷄黍山川尚靈
異交情貴爾汝苟能偕所歡焉知困羈旅

梅朗三招同劉長倩集孟章集天選閣

故人有高閣乃在宛水東逶迤三重階四眺環菁葱厥
名曰天逸弗與人情同借問誰構此前賢禹金公一室
抱還尚萬里揚清風文孫紹丕業束髮居其中讀書三
十乘篇翰靡不通藕藻發春華流光奮秋鴻制作日以
富 卷一五言古 八

富塞望日以隆有客南都來執契求良工握手道古歡
嘉言愜深衷置酒此高閣羣花發幽蕙微醺立池上仰
視天宇空烈士下盛年焉能守困窮努力樹修名千載
要所終

王抑之招集齋中有贈

東風扇繁圃羣芳粲朱紫豈無桃李花所佩在蘭芷宛
陵富英彥我愛王叔子秀質本天人孤標特清峙觀書
式前哲高文蘊遙指神交歷三歲把臂自今始艸堂招
我入酌酒多且旨翠幙出未顏清謳發皓齒中宵風雨
集痛飲弗能止振衣起長嘆慷慨寧在此世路旣波靡
文區亦雲詭多君懷古歎出門還知己我雖長賤貧未
敢愆素履勉勉崇令德相期麗青史

湯君謨讀書敬亭亭寄此

美人抱幽質，素居敬亭隈。瑞琴向雲展，錦字臨花裁。十日不一出，盤戶封蒼苔。昔前久與我約，月明登茲臺。蟾兔忽已缺，軒車猶未來。相思盼雲鳥，悵望心悠哉。絢扇動涼颼，絳衣生浮埃。何時就清盥，一洗煩襟開。

送劉孔安北上

萊蕪飯中塵，栗里花下辭。古道諒匪遙，高風在今茲。劉公挺奇節，矯矯松栢姿。出宰兩巖邑，弘譽東西馳。傲吏忽解綬，家無百金貲。妻子不能飽，脫粟手自治。散步衡宇下，逍遙詠新詩。大雲起幽壑，微車來何遲。主聖相且賢，名繹降茅茨。貞士本懷恩，微官詎能辭。天路翔羽儀，華歟及良時。

送三兄仁植先生應召北上

東方天未明，仰首盼辰極。燭燭三能光，左右勾陳側。行人夜中飯，宵征自努力。豈不憚遠途，將以匡王國。昔擁湘南節，敷伐垂峴山。讒人交問之，天路罹百艱。荃始察中情，錫以雙玉環。歷陞散弘謨，穆穆開府顏。朝發瓜步渚，暮宿維揚城。舍舟命車馬，遙遙抗前旌。公孤虛左席，焉能緩王程。可憐人異雁，不及同飛鳴。衆芳競春華，寒菊晚始秀。受氣本不殊，華滋有先後。良人苟寧采，雖晚亦何咎。但恐隨秋艸，寂寞委園圃。

送侯赤社北歸

赤社家商丘是年冠而遊地于越

有鳥東南飛千里，以遨遊。因風止江介，毛羽何修。修顧念一生，巢糈類黍丘。三日不得食，能無稻粱謀。延頸

望八方，鳴鳳居上頭。行行與之會，逸轡聞中州。我欲從此鳥，惜哉非匹儔。徬徨岐路側，日暮生煩憂。

吳靜肅招同黎美周侯赤社康小范邵思遠胡豹生諸子燕集

昨令附舉于鄉

古鶴在九皋，弗與雞鶩羣。有子相和之，厥聲天下聞。毛羽煥輝澤，逸翮升層雲。後先雖不齊，顯晦終詎分。憶昔上君堂，江華歲方早。別去十二年，相逢顏色稿。門巷許重過，森森秀瑤草。榮名何足侈，介福以為寶。

嚴子餐招同王宇安暨令嗣茂遠朱岷左吳岱觀夜集有懷亡友子岸

稟稟歲云暮，北風淒淒以陰。萬物各有歸，而我獨滯淫。美人懷古處，嘉招入中林。舉觴命親串，有酒當酌斟。同堂

卷一五言古

七

皆素懷良會，匪自今遐。賜為幽抱，高言流好音。君家令兄弟，川岳齊高深。梁木早見摧，惻焉傷我心。思欲追遺響，托之于瑤琴。琴與人俱亡，涕下誰能禁。

贈張長仁職方

卷一五言古

君產南海濱，我家在東吳。山川阻修，嚴望望天一隅。何期飄蕩間，所願與會俱。片言當心曲，金石良不渝。采風志明盛雅音，來八區。顧我本弱質，焉能窺哲符。石亦可為錯，姪亦可為姝。未懷知己恩，慙然中自虞。

贈姚有僕進士

轟彼秦望山，乃在東海邊。山勢鬱且奇，文木托其顛。上枝拂垂雲，下根入重泉。本為明堂用，一室寧足賢。匠石貢其材，直至君相前。巍巍巨麗觀，可支大廈顛。古人懷

所思欣慕爲執鞭汨予幸同時馳情麗雲天願君察識
此中道勿棄捐何以致殷勤布茲文木篇

宿何轉亦齋頭兼贈令嗣以燕

君家南山下門外江水平清南山動微和江水湛虛明我
來就君宿不厭雞黍情登樓恣遐眺梅柳抽羣英五子
皆鳳雛長者六嗣成臨流鑒毛羽文采列星晶延頸望
天風將飛遊上京亦有脩脩翼願盼失平生

贈顧匠先兄弟

矯矯雙黃鵠萬里翔雲達當其戲沙渚難驚亦見欺願
生年二十盼睐多光儀束髮受三禮文辭何瑰奇令弟
亦懷瑜出入肩相隨偶然度湖水羣梟肆猖披毛羽雖
見摧昭質焉能虧爲我語顧生富貴各有期努力及明
春山集

時高門益華棟丈夫志四海間井安爾爲

無題

夾巷何遠迤層樓亦嵯峨樓上有好女自名爲女蘿女
蘿本柔條托根松栢柯其性喜纏綿斯意良足多有客
江上來停車此經過目挑復心與徘徊立城阿要我入
曲房臨軒寫雙蛾中廚辦珍膳一飲朱顏酡問客何時
歸陽春待微和悵然惜分手歎聲變悲歌感此未別情
別後將如何

宋遺民詠

程篁墩先生作宋遺民錄於萬曆初年是時海
內全盛人爭趨朝而先生卽興懷遺民亦奇矣
崇禎甲申之變從古所無士生其時者悲痛欲

絕甘心隱遯不復萌仕進之念因取宋遺民而
詠之第先生所錄僅十一人以予所聞則有趙
子固吳子昭劉會孟黃東發其他尚不止此姑
就所知十五人各系一章亦可以知予志之所
在矣

唐王潛莊

宋祖受周禪仁厚世相承國亡非失德運去良可矜胡
天降酷罰妖髡掘諸陵玉柙委荆棘珠襦棄溝塍唐生
一寒士感此痛不勝傾家結少年忠憤人人能夜竊其
骨歸石函抵金滕葬之蘭亭山種樹表升恒義聲日漸
著遂爲神祖憑假手袁治中家道勃焉興買田與娶婦
亂繁壽亦增斯人何所求天道庶有徵

張毅父千載

毅父山澤隱文公同邑友當公貴顯時屢辟辭弗受及
其被拘繫扁舟過江口慨然請偕行捍衛如兩手就舍
近囚所時時進脯糗三年如一日勞瘁不言久先期製
木槨臨難而公首已又收公骸肩荷向南走歸葬父母
邦此心始無負友道今凌厓盛事垂不朽

王鼎翁炎午

文公忠宋心皜皜如白日鼎翁者誰子猶未信其實彼
非不信公愛之惟恐失創爲生祭文辭義何慙栗異公
一見之奮迅就斧鑕公實未嘗見任運閉幽室百鍊終
不柔三年願始畢生死豈由人祭者覺無術梅道人自
豪雄文亦罕匹尚有吾汶藥恨未見全帙

謝皋羽翔 建寧人

皋羽故素封破家爲勤王曾參文相軍合力奮戎行皇天不我祐文報謝竄亡流離閩越間久乃至浦陽浦陽方詔卿言潔而行芳皋羽依之居倡和多篇章各各至嚴瀨上有西臺荒設位臺東隅慟哭裂中腸擊石爲楚歌竹石俱損傷作記多隱語祇欲名山藏豈知聯髮集日月爭光芒

方詔卿鳳 浦江人

浦江有著姓實爲古英孫高風被髮陸復有詔卿存在宋本未仕切切懷宋恩隱居仙華山讀書蒼松根交游有吳謝節義相與敦謝死無所歸痛如親弟見葬之乃祖側歲時薦蘋蘩行年八十二此志不少緩存雅以有

集遺詩數千言惜子未及睹他年訪其門

吳子善思齊 永康人

贊府雖小官仇直作時貴性復好施子其家日窮既飢餓常經旬絕無仕進意晚乃得整疾甘爲人所棄結交惟方鳳謝卿亦同志三人遊山澤歌哭有奇致仙華古石巖隱隱見題字及觀侯命錄壽天果不二

鄭所南思肖 浦江人

憶翁客吳門年齒未衰暮極因傷故墟終身遂不娶有田施諸僧梵剎悉吾寓坐且不寄北北人焉肯晤寄興或寫蘭耻作泉石具吐詞惟痛快忌諱所不顧當時文網審肝胆向誰訴其書曰心史銘鐵以爲錮沉之枯井中三百年始露出世曾幾時朝風又如故願者思其言

高入益欽慕金石有銷沉此書終不蠹

梁公宋進士隱居大茅峯感時好吟詠秀拔如貞松曾

作茅峯詩中有雙飛龍醉題僧屏展宵小妒弗容指其誹謗罪將以血釀鐘捕逮至燕獄穴屏而相從縲繼凡數年幸脫歸爲農晚歲寓金陵嬉游信孤筇詩律益悲壯逾爲人所宗死葬石城南至今仰高蹤

樊聖予開 山陽人

文陸二先生忠烈震華夏當時賣國人尚有嘗之者樊生奮直筆作傳告天下序事最分明况復文詞雅往來吳越間傷心舊宗社其詩凄以悲繪事亦瀟灑同時有樊璠其名與君亞人比漢兩樊尤珍聖予馬

金山集

汪大有元量 義興人

大有一琴士曾被宋主知三宮既北遷侍衛同驅馳丞相在獄日抱琴一訪之文山感其義爲題水雲詩幸不死沙漠惆悵南歸時尚餘舊宮人相送出城來援琴一再鼓胡馬皆鳴悲所以謝皋羽譜作江南詞

林景職德賜 溫州人

拾骨玉潛事或傳爲霽山當時有同心未必遽相關辟身爲丐者持篋故陵間遇物即掇取俗人豈防閑猶恐蹤跡露鎗金賂諸奸遂得高孝骨昏夜負之還蘭亭種冬青其事凡兩見夢中詩四首亦載唐君傳莫知誰作者大抵皆奇彥我觀白石集風雅窮正變其中贈唐作冬青在所羨前詩似景職特爲玉潛撰

趙子固孟堅

吳人

子固與子昂俱爲趙氏孤才智亦相若品格何其殊厥兄隱水國從不履閭閻縣令往見之飛棹入菰蒲可望不可卽展矣朱鳳雖令弟吳興來拒之鏡門樞阿嫂啟後戶一揖坐須臾開口問蒼溪勿使溪水滂子昂慙而退呼童洗坐隅惟恐有腥穢辱我青氍毹嗟彼承旨者失身亦何愚

吳子昭雯

吳人

子昭生元初宋亡二十載秉性不肯仕甘心蹈東海是時草莽間尚有遺黎在君從問往事記述若有待錢塘宋故都每歲遊者再徘徊舊宮闕歎發長慨尤喜詩與歌聲出似天籟時人罕得聞所狎機牧輩天運苟不

金山集

卷一五言古

十五

回老死復何悔

劉會孟辰翁

廬陵人

涇溪以諸生廷對作似道羣薦不人官丘園從所好讀書深山中詩史靡不較酷嗜九種書丹鉛得其要當時富貴人落落罕同調惟有文與江二相通懷抱厥子曰尚友文筆亦奇與父子擅作述砥礪在忠孝宋史逸其名何以圖高蹈

黃東發震

彭人

幼讀諸儒書黃氏有日抄經史頗淹貫事理能并包傷哉孔孟徒生於宋元交釋褐爲循吏掛冠隱山均紀年曰咸淳弗以至正滑同時吳許輩其器豈斗筭儒術各有得祿位誰能拋如楊子雲終難解客嘲

石臼湖訪邢孟貞

鼎湖雷電合龍馭奄上賓率土皆怨痛况乃忠孝臣之子乘至性間變號蒼旻胡天降百殃覆用亡其親君親理則一孺慕情尤真我來唁君喪直至湖水濱生芻聊以薦薤露不敢陳上壽逾七十有子賢且仁屬下獲考終易爲苦悲辛大孝不毀性所願珍爾身

邢韓並巨室累世湖上居聚族各千百比屋成村墟風俗既淳美山川亦蕭疎永無兵寇患尚有唐宋廬我昔與君約隱茲結機漁矧今逢世亂出門行趨徙徒它傷故人嘉水陸有餘餽田種禾豆乞圃蒔瓜蔬可以長子孫還能教詩書晨夕樂相過知君無棄子

送馮濟仲歸慈谿

金山集

卷一五言古

十五

世亂如洪波濟川在舟楫苟非風雲會敬身勿輕涉譬如窈窕女鸞桑本素業寧爲貧人妻勿作富人妾爲妾易捐棄中情常慙怯不如待六禮糟糠永相協感此寶幽貞無爲傷井渫

湖州訪楊龍友兵憲

乙酉

南部富佳麗東風扇和柔萬物各有適吾生獨懷憂撫牀不能寐振衣起行游行游欲何之美人在芳洲浩浩長江水三山峙中流持節整王師恩威播遐陬夙昔渥君澤頂踵亦已周所媿細微質弘施詎能副太湖有笠澤兼葭廣以脩其中隱君子招我爲匹儔野性本麋鹿樂此將歸休揚舠入京口徘徊一停舟丈夫感知已干祿道所羞勿謂隨陽鳥區區稻粱謀

三月十九日作

時在京口與郭助史古潘陸鏡

烈風吹黃沙白日黯無光江水聲震蕩草木零芳莫
春景物佳何爲慘悲涼痛哉今日月我後從厥殃天人
有同心終古猶靈傷一從神京沒河北非我疆龍種陷
荆棘未審存與亡羣盜匿函谷頃復奔湖湘王師豈不
多時能奮我行小臣本微細憤懣結中腸陟彼西山顛
涕泗磨北荒奄忽歲已周哀情若新喪寄言百君子舊
恩安可忘茲辰易文繡縞冠白衣裳北向一稽首臣庶
義所當易忍處華屋對酒鳴笙簧

從吳錦雯讀宋王叔詩喜而有寄

有客新亭來示我白紵扇其上放歌行高文一何絢借
問誰作者江南罕茲彥山東宋叔子稽古破萬卷英聲
震山集

卷一五言古

七

震金石雄風走雷電厥昆並人傑義旗舉鄉縣孤軍克
羣盜一身經百戰斯世求異才伊人尚微賤惆悵掩尊
酒何時共催燕

丹陽道中懷古

范公古豪賢曾涉丹陽路停舟一登岸偶與石生遇爲
言身困窮衣食罕所措二親在淺土欲葬乃無具執手
聞斯言惻然動情懷有麥五百斛可以爲君贖子身還
東雅趨庭道其故父子復同心輕施諒不誤斯人悵已
矣千秋耿遐慕

贈趙止安先生

丙戌

毘陵昔多賢近代有其二一爲孫文介一爲張清惠高
風扇區宇頽波激標季我生雖同時幼小不及事今年

過仁里二公皆已逝九原不可作臨河發長嘯繼起有
誰子褻躬亦純粹遵路步前哲嘉脩果無愧釋褐將十
載蕭然類寒士僦居城東隅疎林面荒寺葵菴常弗飽
焉能免懷悴有客上君堂心言不遐棄共秉松栢姿各
懷金石義舉世雖沉冥斯人無改易勉勉崇令德白首
應不替他時吊古者張孫同傳記

白下移居

丁亥

城南有荒寺云是古瓦官傑閣雖凌已香林未凋殘我
性本孤癖憩此中心歡山僧敬愛客假寓良非難一室
容偃臥三時恣盤桓讀書有真樂不畏飢與寒隣人售
餘屋移家此偷安風雲苟未會且作龍蛇蟠
隣園有嘉樹密葉何青青厥名女貞實移植吾中庭春
露山集

卷一五言古

七

夏既滋茂秋冬亦不零結實貫米霜繁繁若繁星采之
蕪清酒可以延頽齡

方池竹籬外我欲種芙蓉家人不好潔往往畜鷄豬白
水徒涸濁芳園少糞除人生同逆旅天地亦遽虛室家
何足道且還玩詩書今夕爲我室明日他人居易不歸
湖山徜徉任樓漁

久不得子雷消息

戊子

仲夏湖上別相期晤秋初豈知去海東滯淫一載餘嘉
會既已艱好音亦復疎引領望雲樹安能免欷歔嗟爾
有頑父所志在簪裾千秋萬歲名棄之如敝苴用此爾
失歡不得歸里閭自昔與秋約南山可結廬乘耒學躬
耕願爲榮與沮獨小買山錢此意竟趨起游魚懷舊淵

飛鳥戀故墟終當諸所願白首壯舊金

麻城贈枯木大師四十八韻

富貴人所欲今人亦何偏自少至於老無時無糾纏聲
色好美麗飲食求甘鮮宮室喜丹雘車馬爭肥堅獲什
必覲伯獲伯必覲千獲千必覲萬百萬猶歌然所以終
其身困憊無息肩名節亦可毀軀命亦可捐廉耻道盡
喪所嗜惟憂憂未俗有通病虛扁難以痊達人非猶龍
烏能拔重泉吁嗟腐大師所謂真豪賢師本貴公子家
世甲湘川蜀冠富文采風流復翩翩才名馳海內震動
三十年注官執金吾出入禁掖前居然不屑顧逸氣凌
蒼古平生好遊俠賓客嘗滿筵摘詞進吳越擊劍來幽
燕一贈輒千金一飲動萬錢有時涉江湖桂楫沙棠船

金山集

卷一五言古

九

有時歸里舍寶馬珊瑚鞭良時被原野廣廈通市廛歌
舞竟後房諸姬闕芳妍及時共娛樂寧復知憂悔一朝
邁世變陵谷倏以遷師乃抱大痛祝髮逃諸禪他人迷
禪者尚不屏世緣師於一切累曠然無拘牽有子纔五
齡秀惠誕自天厥母年始笄嬌弱尤可憐繼室亦蘭茂
嗣君復珠圓師悉不介意棄之如浮烟有田八百頃百
頃遺乃傳其餘散宗族以半爲佛田世間慳吝者視此
奚天淵師晤懺悔理自陳昔多愆從此習苦作不令體
柔便一笠一蒲團行脚荒江邊盡則倚樹立夜則枕石
眠肘見知衲破踵决知非穿飢時向孤村持鉢乞粥餽
啍爾色不忤呵之貌益虔我問師名字師默不肯宣浮
雲翔野雀高樹鳴秋蟬吾從出家後名字遂忘焉傍有

識之者此是梅惠連

小孤山詩

高皇造區夏大寶遺家嗣成視本燕王智勇奪神器四
海義不服爭欲殉所事方黃及齊練皎皎著天地我祖
山澤民嗣君舉鄉試厥師即正學風節夙相勵不敢卑
小官攜家走荒裔干職何重輕矢心必無二是時盛誅
戮忠臣無噍類我祖不動心恬然就拘繫舟行至望江
左徒入夢寐乞拜先人龍少展游子意衣冠立船首拜

金山集

卷一五言古

下

罷發長嘯舉身躍洪波竟逐彭咸逝有司隣其忠妻子
幸免議狼狽歸故山爪髮同坎壈厥後二百載子孫亦
昌熾嗟哉遜國時風尚惟名義其人本同出門內相吞
噬臣僕非二姓九死猶未悔何況口口分禮樂悉淪棄
我祖設在今悲憤復何似浩浩長江水小孤山獨異巉
巖如其人靈爽此高寄後死者誰子祖風得無愧

寄酬李溉林明府

南方有佳人卜居在秋經白日長苦飢上山採薇蕨當
其年少時顏色桃花若陵里爭相求不肯苟然諾欲擇
千古士始遂百年約以此竟蹉跎歲月忽已索况遭兵
火亂家室盜所掠流離山谷間依入習耕作誓以處子
終不復通媒灼使君東方來光輝燦城郭遣使與之言

願得克惟幕爲我謝使君此意諒不薄願我非盛容
華久凋落君郎不我棄寧無自愧作日暮下山路無風
吹敗箬不及雙飛燕銜泥巢君閣

石臼湖贈邢孟貞兄弟

春郊偶一出十日猶未還暖暖湖上村漠漠湖中山
水百餘家一姓居其間其間隱君子與我情相關茅堂
治難黍各言良晤艱願爲平原飲此興殊不慙試觀名
利客汲汲多愁顏誰能脫塵務如我數人間

邢孟貞復去白門予送之郊外賦此

人生如枯蓬飄飄隨風沙朝猶同一隅夕乃在天涯
別不忍發握手長吁嗟君已成雪我髮亦將華俱非
少壯年安得久無家仰視浮雲陰白日忽西斜徘徊岐
路間飛飛羨歸鴉

贈林殿

我來姑孰城側身寄蕭寺密竹富窗牖霜風動寒吹有
客在比隣閉門人罕至中夜激高歌商聲滿天地借問
歌者誰四明林給事給事先朝彥岬岬公輔器世變遭
坎壈零落東海裔我難面未覩十載有神契知爾懷舊
恩寒塞王臣義嘗以金石心發爲琅玕字梁姜及陳宮
四子乃同志哀吟互相答古歡庶無愧今我一讀之法
然輒垂淚自非至性人曷敢輕相示君復爲我言龍駒
早奄逝下夏情最傷喪明猶不置我亦抱斯痛間言心
如割乾坤既傾覆賢者合懷悵君臣父子間慘烈胡獨
衛天道不可知令人發長喟

咏史 庚寅

季主楚大夫義不臣漢皇側身長安市賣卜以自藏宋
賈同車來列坐弟子俯俛首聽其言驚顧不及詳翻爲
長者笑世怩面無光務華面絕根他日終自傷
炎漢運方隆君平乃高蹈榮祿非所求卜筮從所好與
臣言依忠與子言依孝百錢卽有餘千駟何足道優游
下廉時觀易窮安與嗟彼揚子雲美新亦何恥
吾愛管公明弱齡蘊神智學宛父象先占卜乃餘事吉
凶前民用鮮不詭靈異君言實無心聊以示趨避當時
何鄧流豈不盛權勢高人目爲鬼今古同一喟
史稱郭景純嗜酒復多欲匪不愛其生求死恐不速王
敦謀逆初焚香召君卜正言摧折之引頸受刑戮羅云

寄懷明園子

仲夏間爾病病勢亦孔亟使我心徬徨累日哽不食每
逢故鄉人輒問爾消息人言未分明我心轉回惑江生
是爾親見我浮水北開口問所思爲言行起色客懷久
不悌聽此喜欲狂買酒酌江生一飲遂百觴世事如春
華隨風各颺颺爾獨抱至性古栢經秋霜又復攻騷雅
寒梅吐孤芳宇內實罕匹豈止桐一鄉平生慕明農自
號爲明園農圃本同心風期在千古所恨遭亂離不得

聚鄉土窮困既已嗟况乃疾病苦願爾厚自愛明德永
相輔此意知者誰惟我斷事祖

重至太湖訪李明府澥林先生

有客江上來貽我八素書借問貽者誰書中復何如李
侯邦家彥二十專城居惠風扇丘園甘澤潤里閭垂念
至遠人言簡意有餘憶昔鄉舉日招我載後車自愧羽
毛短不足當吹噓雖未入網羅懷恩敢忘諸山川日以
遠音問日以疎感君情纏綿芳訊頻及子何以報相思
駕言歸故廬况逢嶽降辰乃在陽月初既提罌中酒復
採園中蔬祝君壽無疆千載垂令譽

初度書懷

子與悅聖道四十不動心不動與不惑所得誰淺深吾
幼讀其書仰以道自任進修苦不力仍與世浮湛年齒
日已邁憂患日已侵無聞先白愧後輩寧見欽往者不
可諫猶可及來今

卷一五言古

三

昔聞杜陵叟降生乃壬子厥後香山翁生年亦復爾相
去六十載英名千古峙我生幸同庚性情復相似酷嗜
二公詩詩成差可擬杜猶拜拾遺白直躋卿士我老窮
且賤曷由繼芳趾

日月一何速四時更推遷人情競趨時嫵媚者為賢我
性本迂拙世味復澹然心傷舊人老不愛新人妍所以
甘寂寞深山鉏石田奈何命淹塞力田不逢年年年早
涉并飢餓南山顛

少小負奇氣有力猛如虎偏側不得施中年盡消沮入

室嘗畏人出門焉敢怒眾口肆詆訶吾嚙不敢吐天地
既殄瘁賢人合偃僕運去力難爭殺身亦何取鳳鳥復
來儀軒軒自霞舉

精衛銜木石將以填東海力微願不薄終見桑田改愚
公徙北山子孫期有待山靈畏其誠一夜移千磊匹夫
有至性可以貫真宰况乃忠孝人九死猶未悔世眼多
情惜此理誰復解

平生好結交獨與貧士宜豈無富貴人恐非夙所期相
橘不同根地氣浸滌之習俗移本性變化安可知當時
貧賤友古道爭相持及其行富貴素質鮮不虧始終不
虧者惟有松相姿

憶昔居白門雅游不知數朝登鳳皇臺暮宿桃葉渡是
時天下平四方羣賢聚文酒無虛日青雲樂相附一從
黑風來吹折鍾陵樹髦士遷於荒望斷江東路回首問
南京傷心涕如雨

卷一五言古

三

人情寧有子莫不顧其才我既有才子中路委塵埃聞
者猶痛惜骨肉能不哀因思古賢豪功業何崔嵬千秋
萬世後子孫安在哉有子應不去無子招不來有無任
自然所屬勿勿猜

我生何不幸際茲喪亂辰逢世既寡術避世復無因置
身隱見間所愧貧民屑霄容逸韻積水藏脩飾明朝
入山去結廬在何濱耳日絕塵垢煖自冬春飲酒還
賦詩可以全吾真

四令君詩

少壯介於人既躬耕亦足自給
故鄉之門徒未履海崇福王午江府

張侯在先朝蔚然公輔器中年下世變欲隱志不遂強起授一官見人嘗有愧毘陵下車時我適游其治君聞我在茲汲汲願把臂布衣入官舍放言罔所忌豈但能

冬夜不能寐所思在潛獄潛獄有高人含章隱幽絳風
背雅相慕兵戈阻城郭雖未覩君顏神交非冥漠有客
自潛來誦詩君所作中有見懷篇古義何沉著一從乾
坤破忠孝人落落卽挺猿霍姿亦飲羊馬酪君獨抱疇
尚窮困我相若所借未謀面平生欣有托雪後梅花開
旋當具芒屨訪君萬山中言賤賜黍約新詩更唱和藏

相共斟酌願結爲弟兄西峰長采藥

鐘落

先生客游多在家經理少編籬不知法持錢僱降老入
山楊木已又伐羣篠楊木樹爲篠羣篠爲之繚周防
盜客勿使過禽鳥盡地成小園旋當好腐草明年種
豆食亦可飽愧彼山人還由胡不早

清江集

卷一 五言古

五



廬山集卷之二

皖桐方

文爾止著

黃州王澤弘吳廬定

塔繡水王

樂安節校

五言古體

廬山詩

王辰 二十六首

廬山詩 王辰 二十六首
廬山冬子客南康出北門三里望見一阜自廬山
東麓迤邐而南其高深秀色可掬門至京山
地子下京山詩分其麓詩云瞻昔來上京山
門上京山即太白詩云遙見仙人彩雲裏手把芙蓉
此是也

世傳陶徵君起家柴桑里柴桑匪江州實始隸星子當
其年少時家貧易遷徙玉京介湖山高人合樓此故宅
今有無芳風扇蘭芷 右玉京山

廬山集
又二里有真武廟即謝家山謝公配吉州刺史
將寄廬山愛其風土遂買宅於此蓋廬山少風
卷二五言古

魯公遷吉州雅好登廬山徘徊不忍去卜居此林間生
齒日繁聚故里遂不還厥孫繩乃武高風香難攀至今

南康郭山水俱姓顏 右顏家山
又上里至白鹿洞李渤與其兄涉清溪洞中
一白鹿自巖穴出南康軍即故址建書院名白鹿洞
此宋朱子知南康軍即故址建書院名白鹿洞
下大宗之先朝胡居仁卒後難以布衣來于洞事其
教大行今洞學淵田道

周朱二大儒皆為此州守文公益興學風聲樹江右陸
子金陵來權然執其手微言入無間盛事垂不朽五嶽

雖巍峨誰如此淵藪 右白鹿洞

又十里為五老峯巖崖峭壁空插天如五老人
巖其巔立真巨觀也唐李白詩登高天削出
金芙蓉九江秀色可攬結吾將此地樂雲松

廬山子萬峯五老為之最聳肩立雲表峨然有冠蓋昔
賢方與匡修真入煙霞遺跡雖莫考豈出此峯外後人
紛結難一一有深會 右五老峯

子瞻居黃州性不耐寂寞時時過江來廬山訪丘堅高
情契五老間步至白鶴間棋即欣然何必苦思索子亦
不解棋亦不惡人著 右白鶴觀

李相非端人乃生騰空女日與蔡尋真相期學耕耨當
時松栢壇今化為禾黍我來訪遺踪荒煙漫平楚五老
雲壑間髣髴有仙侶 右尋真觀

昭德在洞東尋真在洞西二女時相過到此惜分攜及
其飛昇後元生結幽栖江州亦時來嘯咏臨青溪斯人
久不作古澗煙樵迷 右相隱洞

子瞻在廬山時亦未及曉既去始聞之托黃商伯持
者亦罕 右尋真觀

瀑布山中多黃巖為獨絕誰知五老背陰崖復三折昔
人鮮得親但聞樵者說我今攜山僧直造彼巖穴恨不
隨朱公題詩咏冰雪右三香泉

由麻姑山左折上嶺十里為屏風查一日九疊雲
梯即五老之背削壁三疊泉反出其下又四里為
北澗花網嶺嶺之不能望九江太白云子行天下
有從過此者其天下之壯觀也

山下望五峯芙蓉在天半今上五峯頂置身已霄漢所
恨朔風急陰雲復瀰漫望遠若不真山川影相亂來歲
巢雲屏晴空恣遐玩右九疊雲屏

萬松坪五里至合都口合都者謂坐此嶺而望
雲見也又五里為九奇峯九奇者連山峯峯其
有九其二峯大秀如蒼玉馬耳是為上霄峯
昔秦始皇漢武帝司馬子長皆登其巔

九峯信已奇上霄尤詭特壯哉秦漢主不惜攀躋力焉
歸太史公二十遊南國亦登此山椒延頸眺八極嗟彼
山下人終身莫能陟右上霄峯

上霄之南有漢王峯大小殊壯漢武帝南巡時常
登此故名今漢王峯漢陽縣也大漢王峯為廬山最
高處雖五老上霄皆不及焉山頂有方
湖石井其中無蟹螺蚌之屬莫知所自來

帝王古不乏漢武為世雄封禪去海岱巡狩來江東
與升碧嶽翠蓋翔遙空方湖感靈異神魚產其中或疑
此山頂下與江湖通右漢王峯

漢王峯下有康王谷昔楚康王為奈翁王舅所逐
徙此谷中得免故名今人謂之鳥龍潭左右崖
巖峭有水如瀑布崖而下者三十餘派曰
谷泉泉應陸羽茶經品此為天下第一
楚子偕稱王漢陽食諸姬卒為秦所滅遺寶身幾危至
今谷名康轉令識者悲有泉掛蒼崖歷亂銀河垂臨流
試一酌陸生不吾欺右康王谷

上霄之北有天池山其下天池寺洪武中年所創
建也寺周無曲故見明太祖言願得事及任為漢
東太軍西至湖口辭去入廬山杳然絕跡矣
男入道者有未歸俗者送受云天眼尊者
人所道服之立愈問願仙何在曰在竹林寺竹林
之即製碑文并賜
廟額築坊各一

高皇建人極不樂聞說秘惟有周顒仙時時與之戲水
火莫能殺去來隨厥意竹林既窮冥天池表神異煌煌
鍾鼓靈千祀永不墜右天池寺

天池之北有昇仙臺上刻御製周顒仙人傳以
亭其東為佛手岩有盤石突出下臨絕壁深
沉正照僧云此竹林寺也有影無形神聖所居
雨中往往聞鐘磬聲昔天眼尊者與周顒仙命
師此處也

竹林在何處有影復無形蒼崖百丈餘下視青冥冥聖
僧於此居願仙亦時經軫念人主疾饋藥至明廷何以

酬酢之席溪炳日屋右竹林寺

天池之西文殊寺之南有石門洞後漢地志所
謂廬山西南雙闕是也二石峙立其狀如門泉
奔湧焉山北泉水之宗每夏霖秋潦時有
怪聲動數十里常雲連絕望但有空谷回音

廬山有雙闕漢書亦云然兩崖勢千仞中漚為長川夏
秋水泛溢遠近聲喧闐不聞樵人語但見銀河懸勝情
推謝鮑道味何翻右石門洞

山北諸峰已悉其象復由合鄒下嶺二十里至棲
雲寺寺在雲白六朝號名剎唐李太白詩其中當時
甚盛今原洞尚存尚有玉淵金井後野橋皆古跡焉
廬山前峰三峽水鳥龍潭
出五峯雲扶輿即赤泉也

昔賢李賓客兄弟擅時譽癖性嗜山水此寺嘗讀書
厥後馴白鹿還歸洞中居玉淵及金井泉壑長自如後
賢豈不多渾上誰結廬右棲雲寺

樓賢橋之西有水曰西瀾宋劉凝之隱于此自號
西瀾居士歐陽公賦廬山高以隱之李龍眠為之
繪圖作歌今南康城內有西瀾乃其墓也

劉公挺直節掛冠隱山麓嘗與寶峯僧往來騎黃犢當
時歐黃輩平生罕推轂交口贊公賢私心必誠服祇今
瀾雖荒尚想人如玉 右西瀾

西瀾之內有峯曰五乳其下為五乳寺近代慈山
師所建也五乳之上為臥龍潭朱子愛其幽勝作
詩記之今卧龍寺廢惟五乳存耳

文公與鹿洞又復求龍潭愛其巖壑幽端居結茅菴因
名思武侯繪像比屋疊歲久跡泯滅此地空澄嵐借問
五乳僧臥龍誰復採 右五乳寺

五乳寺之西南有萬杉寺故處雲菴也宋謝靈運中
書大超受如仁宗因其手植萬杉故名此寺石刻
清潭潭大寺也東也兼龍虎潭風四大字尚存

前人種萬杉今無一杉存邦國且滄桑梵刹寧復論唯
有金石字百代永弗譖山僧又瘞之何處求雲根寥寥
遺墨在剝落苔蘚痕 右萬杉寺

萬杉寺之西為開先寺南唐中主李煜初從其父
李景從陳章壽讀書鶴鳴峯下有野夫巖地曠之舊
金為書堂後即僧道舍為寺以野夫巖地為已得
名之祥故名今寺中有黃山谷手書七佛偈神王讚
明手書千手經碑宋元章手書青玉峽三字其餘
名墨不可勝數

唐主性還異萬金買民宅既貴施為寺香積累千百難
遭兵燹患今制未改昔來遊多名賢往往留遺跡吾獨
愛文成紀勲在崇石 右開先寺

開先寺後五里為黃巖巖下二石洞有屋數間曰
空生閣懸崖瀑布如千尺白練夏秋水漲懸風聲
震聒人半空尤奇南面有文殊臺登臺可以觀巖
壑有雙劍峯一指峯香爐峯俱秀太白詩云日

照香爐生紫煙遙看瀑布掛長川飛流直下三千
尺疑是銀河落九天徐凝詩云虛空落泉千仞直
雷奔入江不暫停今古長如匹練垂一絲界破青
山色子瞻詩云帝遣銀河一派垂古來惟有瀟湘
不與俗流洗惡詩

三疊泉雖佳鐵壁輝可畏不如黃石巖諸峯秀為貴飛
泉宛白龍奔走有雲氣豈但洗塵濁亦足醒聾聵我來
何匆匆徘徊復歎歎 右黃巖

陸子謝榮名修真在絕巖嘗與陶徵士東林訪惠遠三
笑偃同心歸來日已晚青天騎白鶴一去不復返貞松
千歲姿寒雲自舒卷 右黃巖

歸宗助自晉唐宋道益弘中間達世難殘破無一僧達
公偶然過耶舍乃中興雖因願力鉅良以地氣凝試看
復生松豈非鬼神憑 右歸宗寺

此寺以觀影為名因刻石於寺下石室中石室極深
幾千人皆至有石室者絕而下其室中出惟洪
夏后勳疏鑿遊歷徧九州及至敷淺原登山眺橫流刻
石古洞中雅意垂千秋代久字磨滅洞亦莫可求自非
好古者孰肯恣其搜 右紫霄峯

有水抱膝而下者曰驚溪元豐間與淨文老住
歸宗是時溪先生亦解官居廬山青山谷以告
因結青松社以擬白蓮名其寺左之木曰僧溪以
從虎溪

元公倡道學實為諸儒先初不近二氏恐其淆聖賢及
與文老遊始悔從前偏風流慕陶遠結社齊白蓮至今
猶慕其日夜猶潺湲石驚溪

此泉久湮沒後代人始知遠望始匹練近觀如細絲所
以名玉簾谷簾寧勝茲六月且陰寒况乃冰雪時小樓
暖可居他日求一枝右玉簾泉

王簾泉之西為金輪峯昔耶舍尊者在此西城要
一峯如金輪至是山如佛現故名西國勝地

耶舍爾賓人妙齡甫十九南遊至匡嶽王公為屈首施
宅紫霄峯金輪盡其右彷彿夢中山合為世尊有舍利
小如珠靈光燦星斗右金輪峯

金輪峯之下有杏林昔董奉隱廬山為人治病不
受錢令種杏一株數年成林杏熟易賣以救貧
今杏樹俱無惟杏窠在耳

童子本神仙施藥不受直人樹杏一株山中樹如織貴
令虎收穀出納誰敢忒凶歲以救荒村民飽其德祇今
杏雖凋言者猶嘆息右杏林

杏林之南為黃龍山山下有栗里昔江州刺史王
弘欲徵酒明不能致乃命酒明故人履通之黃龍
山半道栗里要之即此是也

陶令居柴桑足不履公府刺史亦名流欽慕焉得賸委

曲命所親相要到茅宇俄頃弘自至共醉亦無往栗里
宛如昨高風渺千古右栗里

又有醉石在虎爪山下相傳酒明山遊醉卧於
此故名醉石公詩云張良思報韓彭張良事新臣
擊不肯就舍生志氣猶神鳴呼陶淵明委棄為晉臣
自以公輔後每懷宗國也題詩於石云白雲黃
鳥天朱子跋云此詩雖不得其全篇然讀之者亦
可以識二公之心矣

長沙晉公輔厥孫肯仕宋托酒以自晦私衷有深痛片
石亦何取會經宿營風紛紛來遊者平原為之誦二公
本同心詩亦相伯仲右醉石

由柴桑橋三里至陶淵明又轉而之山北矣陶口
七里至西陽山山下有淵明墓代久湮沒李空同
先生來始封識之并復其地歸陶氏後九江守
馬公紀來疏請建祠日端節舊說者今與德化縣
春秋

先生自祭文葬野不封樹豈知千載後巍然祠與墓常
時晉宋交公卿莫知數生既等浮雲死即同朝露世眼
多瞻瞻誰能測其故右陶節孝祠

其祠與陶先歸宗等處漢師古謂經於此未久即
去今其地卓著主之役亦太甚寺僧氣味不相合
也昔歐陽公過此與僧俗談談達旦贈以詩論
為作夜話亭以誌之又蘇老泉嘗撰二
子寓此寺人亦作一詩二寺亭今并廢

歐公閑浮屠晚乃好緇衣偶與訥公語中宵坐林扉三
蘇本夙慧筆舌多禪機曾居此寺中寺僧知者稀所以
浪丈人一去不復歸右陶通寺

陶通寺三十里至東林寺晉慧遠禪師所居也其
右白蓮社乃遠公弟慧永所居劉道長為續之並
結白蓮社於此謂之十八高賢而淵明為辭不與
焉今虎溪三笑亭猶存梵剎荒涼不及陶通多矣

二慧皆聖僧東西結林殊遠意務廣博永性矜高孤所

以十八賢獨與遠公俱宗風既零落梵宇亦荒蕪異代有淵明過此徒悲呼

東林寺之北有大林寺十八高賢中於說所建也
白樂天嘗獨遊此序云大林窮遠人跡罕到理寺
多清涼石不熱松茂竹山高地深絕人跡絕於時
正夏和正二月天梨桃始華潤草猶短人跡罕到
與平地花始盛開客恨春歸無處不如轉入此
山中

山北多奇勝石門信悠哉豈知石門東大林復崔嵬高寒節候晚四月桃始開徑僻罕人蹤司馬城中來題詩在蘭若讀者嘗徘徊

大林寺之東即香爐峯白樂天草堂記云匡廬奇秀甲天下山山北有香爐峯清受寺介峯寺間其
遠絕南又甲廬山其見而樂之者遂行客過故鄉
總覺不忍去因面峯巒寺作爲草堂開今堂遺址
是後人常會焉之恐即太白書堂遺址爲白公事
卷二五言古

江州名宦多吾愛白司馬築室香爐峯盡室處其下當時有官守豈能越郊野黃巖遠且嶮知是後人假東林訪遺蹤將以告來者

香爐峯東北二十里有遺蹟祠本漢書堂開元
公知南康軍日嘗過清陽愛蓮花峯山水之勝遂
築書堂其下而取故里清陽之名名之期以他日
不仕歸老於此其後果定居焉先是其學鄉太君
季月往焉爲水所阻從其弟江州刺史劉先設亦
立祠於今書堂與劉祠取先生之祠公實疏諸
祠祠者今與又於道州取先生之祠公實疏諸
祠祠者今與又於道州取先生之祠公實疏諸

春陵與溢城迢遙隔江湖祇因愛廬嶽遂家此山隅高風被二魏百代永不渝我來山南遊雅欲求一區不知異代後亦有書堂無

方文曰廬山蓋分在南康九江之間緣南康上者
謂先白鹿棲賢由九江上者謂先東林天施無所
謂內外遠近也然山形南面北背游者先而後
待理亦宜然且南康有落星宮亭湖之類九江

有庚公棲隱晉亭之類昔古人遺跡而詩中不錄者誠以其地遠江湖去山稍遠故不及也予遊山時在季冬風雪江寒所經尋訪不無里瀝之嘆來之君子庶知所考焉

夢崔正誼李潁林二明府見訪談笑竟夜醒而有作

我生貧賤交強半委秋草眼前富貴人率非我所好何緣遇崔李一見遂傾倒仕隱雖殊途握手傷懷抱前年石曰湖去年司空山兩公爲地主朝夕相往還脫畧禮法外縱情詩酒間知我寡且貧厚貺無慙顏別崔乃三歲別李復一載音問雖已疎心期未曾改今夕是何夕春山臥煙靄雙雙入我夢喜見神明宰笑言宛如昨達旦猶未窮知君念我意與我思君同三月楊柳花風飛

各西東何時重會合轉似夢魂中

暑夜行

夜熱不能寐起行步南軒一庭松月小三徑槐陰繁出門何所適乃至川上原童子追及之勸我還入門山中

有猛虎時時踰人垣既啖東家犬又咋西家豚農夫相告誠夜不行空村我笑謂童子勿聽農夫言古者修真士巖居臥雲根日與猿鹿狎時見虎豹奔何曾遇侵害翻得試心魂我雖未聞道慨然立乾坤鬼神且弗疑鳥獸何足論徘徊林樹間仰首延朝暉

喜雨

長夏久不雨田家憂旱乾日夜轉枯樺陂池澤已殫早禾雖得刈僅乃供朝餐私廩尚不實公稅何以完豈知

去暑日甘霖沛雲端一夕遂霑濡百頃皆浩漫晚稻屈
指收農夫舉手慙天心本仁愛惠我亦何難

秋夜聞松聲

茅堂陰且卑喜在長松下開戶納涼風可以恣休夏
熱猶可居况乃清秋夜夜半風雨作松聲似泉瀉彷彿
廬山時聞先共僧話

噉椒堂詩

馬左四子厚作

我昔登茲堂總角六齡耳先君官司農少保尚御史老
友結重姻拜謁攜小子小子幼誦詩秋興如流水抗聲
吟席上少保驚且喜一首飲一盃八盃竟醉矣踰年我
遂孤少保去京市九載別始還我已隸博士學文雖未
成愛我筆清泚時時立堂下訓誨非一指未幾瑤廟作

噉椒堂

卷二 五言古詩

上

果見泰山圯合族田俱賣此堂幸未毀舊廬分仲季閭
閻前前美休那姚先生口不妄臧否錫名曰噉椒厥義
何確確復爲文記之秀折妙無比我好游四方數年未
歸里今秋風雨涼入城聊訪爾爾復命我文豈有加於
彼俯仰今夕間又不能自已吾鄉風俗偷所志在青紫
科名爭相炫利祿互相侈譬如井中蛙窺天不盈咫君
家兄與弟少保遺芳軌况乃直指公典刑猶在邇讀書
務沉靜脉脉求神理胸懷尚灑落慎勿習貪鄙節義良
可珍富貴何足齒嗟彼槿花紅朝榮夕已死豈若青松
勁千歲勤仰止不信視乃翁魏祠建城裏我忝少保婿
風節頗自矢雖非乘龍客亦不涸羊豕所恨當時因
尼未曾仕那知堅忍性得力反在此偶來噉椒堂把酒

笑相視吐詞樸無華信筆揮此紙

宋儒李文定祠

李種字敬于號弘齋文定

丈人相與言輒稱李夫子借問夫子誰弘齋李燔是昔
遊晦翁門心學冠多士繼起主白鹿從者如歸市以故
里中人崇祀北山趾組豆五百年焚燒自今始空餘舊
臺基其上故臺碑碣臥草間文章半泥滓問公裔頗
繁食粟踰千指胡不念先澤荒殘一至此吁嗟世運衰
人英重青史大賢且慙遺我輩何足齒

炭婦港

世傳許旌陽顯化在江楚能以大神力拔濟民生苦當
其未昇時往來鄱陽渚弟子十二人人是仙侶相隨
良有年未知果孰愈一日過修江兩雪因羈旅笑指壁

噉椒堂

卷二 五言古詩

上

間炭化爲十二女顯色妒桃花衣袂隨風舉夜就諸生
室私心實難拒詰朝驚相視面目黑如釜中惟吳猛生
體不沾纖縷以此得傳道高名並千古厥後李龍眠小
官寄茲土聽焉懷往蹟時時造南浦猶餘炭婦港去城
三里許仙蹤久寂寥仰首空延佇邑人慕其風謂足繩
乃武因有李仙亭結構傍山塢我來復訪之亭壞莫可
賂所見皆村畝涼風向誰語

大孤塘阻雪

鄱湖雨雪繁半月猶不晴皇皇西歸客滯泊南康城南
康守若令與我有平生登岸一訪之何疑惟相迎壺藥
留我飲書籍要我評推食既不倦分俸亦不輕暫釋羈
旅愁無奈鄉思繁今朝雪少霽登舟促其行行甫及孤

山狂巖復碎，句回橋趨野。岸積雪三尺，盈臥困蓬條。中
唧唧聞數聲，舟人相與說。大姑最神明，曷往一新禱。焚
香致虔誠，不望南風起。但願北風平，雙槳溯江流。三朝
抵柴荆，入門謂婦子。明歲當躬耕，嚴寒勿再出。再出非
人情。

田居雜咏 甲午

山人號明農，明農義有二。一為我朝氓，一為野老志。奈
何抱微尚，從未親厥事。祇因凶荒年，薄田都棄置。人家
重與闢，欲贖莫由致。今春彭蠡歸，故交有所遺。內外戚
相勸，始定贖田。議合浦珠復還，泗水鼎不墜。盡室處其
中，平生願甫遂。以後日明農，名實庶無愧。

翁母蕭安人，故是名閨子。若翁諸伯叔，累世家於此。厥

名蕭家園，周環四五里。其田雖瘠薄，風土自淳美。先君
以館甥，善價易諸彼。身後遺藐孤，粗足供簞簋。豈知兵
寇亂，拋荒不復理。賤鬻良可悲，徬徨非得已。今年三倍
贖，雖貴亦可喜。瘠土何足珍，先業幸不毀。

昔有陳元龍，豪氣凌九州。求田問舍人，嫉之如寇讐。我
亦負奇氣，淪視鄉里。倚俊志營四海，豈肯潛一丘。不幸
逢世變，懷璧無所投。發憤去京邑，湖山恣遨遊。雖有咏
歌樂，未免饑寒憂。何如息塵鞅，還歸舊田疇。田家力作
苦，衣食得自由。天運苟不回，已矣吾將休。

南陽諸葛君，避世隆中山。當其躬耕時，樵牧同一班。幸
而遇明主，伊呂伯仲間。苟非風雲會，泯沒隨草菅。我風
慕斯人，實絕不可攀。惟有方寸心，竊比無厚顏。吁嗟漢

祚衰，口沙藏人，囊鋒鎗，且不畏犁鉏。敢辭艱，靜觀日月
理。晝夜長，循環炎漢興，有期吾寧老柴闕。

年年江海遊，未曾郊野居。豈不愛郊野，無田復無廬。今
茲田百畝，既失還歸余。茅屋八九間，老衰所拮据。我來
借一枝，農云幸有餘。桃李蔭前門，松竹環後墟。柯條雖
未繁，仲夏亦扶疏。再擬構三楹，可以長讀書。池塘蓄鰌
鰕，離落哺鷄豬。此日尚不遑，須待收穫初。

顏子一瓢飲，原憲百結衣。所樂在道，都忘寒與饑。我
質本淺薄，安敢望前修。兢兢持名節，義不苟違往歲。
每艱食，出門千人非。今幸有菽粟，豈復求甘肥。試觀溧
陽生，爵祿非不巍。一朝黨禍作，千里與尸歸。身死何足
惜，名敗良可歎。感彼田家，與終身無禍機。

太湖詠竹題章明卿壁

我昔游熙城，借居章子屋。屋雖不甚廣，門徑頗幽曲。二
婦室相連，芭蕉映窗綠。偶見南郊外，一竿新紫竹。呼兒
刷其根，根淺斷復續。持歸手自種，於彼芭蕉傍。幹無一
指大，梢有三尺長。汲泉頻灌之，惟恐生意傷。秋來風雨
作，枝葉何蒼蒼。芭蕉到冬萎，竹獨傲嚴霜。明年子歸去，
三歲重遊此。行及舊蓬門，先問竹生死。竹母大如前兒
孫，四圍起抽梢。已過培密陰，能暗几章子。子看謂子
竹，知已竹見子。似喜我見竹，轉悲昔居此。室中小婦曾
產兒，數月兒復夭。葬葬西山陲，此竹乃生孫。我男尚無
期，感此長歎息。章子邑不怡。

秋夜吟

田居惟一室四壁皆土功冬溫夏陰涼寢處宜其中秋
天夜悄悄但聞壁間蟲蟲聲非一響亦似吟能工居人
不能寐聽之感微衷促婦起披衣門外乘涼風况有榆
柳月照見禾黍叢願言事躬耕所恨年不豐良夜無酒
飲坐惜清景空還歸土室卧竟夕蟲聲同

姑溪懷古十詠乙未

溫嶠然犀浦

溫公本天人無乃太好奇幽明理自隔何苦獨見窺
此命不延靈爽當在茲我來燃犀亭把酒一醉之

桓溫白紵山

孟嘉沈下僚目中無宣武吹帽事尋常簡脫意千古有
丘在城隅鶴妓歌白紵其山雖以名其人不足數

宋公凌敵臺

宋公移晉祚雅欲崇節儉何爲姑溪北燁然起宮殿
暑誠有之未必恣荒宴許渾詩近詆今人莫爲辨

謝眺青山

古暉有道人獨是詞伯胡辭宣城罷暮返青山宅曷
不歸故里浮生總如客嗟彼行路者役役何所迫

謝尚賞冰亭

牛渚月明夜忽聞咏史篇呼之問姓名執手情惺然後
代撫軍者勿輕信客船秋水兼葭中往往有遺賢

丁令威靈墟

遼東有仙子流寓黃山陽舉身化白鶴千載還故鄉城
郭少人民塚墓多牛羊獨立華表上惻然心暗傷

李白捉月亭

世傳李供奉捉月沈江波胡爲復有墓於彼青山阿當
是永王時畏禍脫網羅斯人竟流落命也將如何

郭祥正隱居

聖俞工詩賦平生寡所親一見郭功父歎爲青蓮身聞
有醉吟巷乃在姑水濱世遠人莫識懷古空傷神

虞允文祠

金兵四十萬風雨來江北虞公一書生挫之有餘力文
陸豈不忠那能戰則克垂淚拜荒祠斯人今安得

常遇春戰處

太祖初渡江直指姑孰城元兵守江岸險絕莫敢擾
躍上采石勇義常開平隔平久不作豺虎縱復橫

施粥行贈曹二梁父

田家望有秋所患非一端去年既水溢今歲復旱乾
雨久不降川澤涸亦殫五月禾苗焦隴畝何以安
相抱泣累日無朝餐乞食盈道傍欲行步蹢躅仲子偶
出門見之中心酸歸來視介廩尚有百斛寬慨然命浮
屠炊粥救衰殘每食三千人人與粥一盤老幼鮮不飽
性命得苟完粟里嘗叩門淮陰亦持竿古來賢達士尚
不免饑寒矧此虫氓窮餓良可嘆他人習鄙吝坐擁
金環玕誰能捐斗粟俾爾黎黎有客泊姑水臨流浩
漫漫泚筆揮此詩將以激頽瀾

惟羅天成西江不至

昔我去于湖君游南州遠今我來于湖南州猶未返于

湖多所知愛我似君鮮三年不相見懷抱何由展我家
本寒儉漂萍莫能免君猶粗自給何爲亦蓬轉乃知羈
落人今古多懷寒蟬鳳匪不奇俗眼竟誰辨昨日寄我
書其言悲以婉相期天中節歸晤當不舛葵榴花正開
曉夜露方滋此際果逢人曷敢辭沈湎

送新行各胡公嶠

淮西本山人種山亦已久樵蘇不用錢草木惟自取侵
晨持斧出刈薪向林藪童子負荷歸狼籍委園囿一遭
兵火亂山木悉無有拔宅浮江湖賣文以糊口世人罕
知者玉璫同瓦缶經旬纔舉火饑餒良可醜胡公南州
宰期月遂解綬訪我飯蘿山又復攜尊酒見我焚蒿萊
欣然惠榆柳此物豈足多感君用意厚維時天亢烈禾
苗半枯朽薪米俱騰貴誰能給升斗寄語關大夫可似
胡公否

七夕立秋飲杜杜若寓中限秋字

有客自涇渭駕言江北遊吾鄉亦何幸得以炎暑雷解
鞍歇荒祠祠接城西樓登高發長嘯驚風聲悠悠聞者
悅其音縞紵爭相投君子不苟合獨與吾黨求晨夕一
披衣風雅成獻酬今夕是何夕天漢雙星流況於露井
桐一葉零新秋客行感時序悵然懷故丘貞酒命同袍
浩歌以忘憂林端片月出空際微雲浮延頸受涼風行
見暑氣收自言三五後澄江掉扁舟嘉會不可長離別
令人愁惟應及茲月夜夜共綢繆

借王以介入山訪一尊宿

丙申

大師履歷懸屏跡深山事况當休夏時門外無一軌忽
聞空谷音亦覺遑然喜借問客爲誰方子與王子王子
金閨彥秉性慕禪理與師有神契妙悟融乳水導我入
香林芬馨被蘭芷層崖五月寒涼然四隅起日夕迷忘
歸經房乃校止茅茨新結構亭亭在山岵中有二竹牀
松蘿陳於此午夜魂夢清不復知城市駐此可延年告
歸亦何暇嗟我根器薄所役惟書史晚歲遺奇禍痛恨
入骨髓誓將斷情緣從師問生死

金陵訪王元偉先生並題其南陔詩

南中高士多元偉爲第一盛年罷公車養志不離勝人
爭慕旂裴君獨守蓬蒿致水有餘閒專心事詩律既登
鳳雅堂復入此興寧所痛惟君親其他不足述我亦詩
家流哀吟冀相質君適去吳門惆悵若有失羣言蒙南
陔李生出其軼讀之再三歎落木聲蕭瑟逾月君始歸
我復揚舫疾倉皇一過晤懷抱安得悉是時霜雪繁朔
風何凜冽寶此松栢姿以待初陽日

訪孫豹人不遇因題其壁

虞翻天下士知己無一人斯言初似激久乃識其真我
生好結交交亦半海內豈無文章伯自少同心輩同心
亦有之才藻或不如才藻即英華亦多前輩書君欲求
完人僅見一孫八秉節既堅貞其言亦多前輩書君欲求
里傾蓋如故知臭味自相合不覺欲與偕招我來蕪城
江關好流寓今春遊家難益思傷君佳處知我舟到君
復游武林門巷頗幽邃木葉空蕭瑟整冠上君堂三子

出見客委曲問而翁音書久睽隔鄧生武林返言共君
驛棧雅游不得意尚困西湖西何不遄歸來家園聊卒
歲雖乏沽酒錢鴛鴦猶未散况聞予在此晨夕相與游
知已有真樂屢空何足憂

露筋祠

揚舲明月湖有祠在岸北舟子汝且停吾欲禮前德娟
娟一弱女乃爲丈夫式嗟彼行路人胡不自努力我亦
處子身四十猶未適雖不就人宿未免就人食以此十
餘年偷生延一息仰視露筋者私心悅無極

題張虞山理琴圖

昔有汪水雲抱琴訪燕獄文山序其詩皋羽譜作曲詩
存琴不傳道覺詠難續虞山者誰子異代承芳躅詩以

金仙集

卷二 五言古

五

寫哀怨琴以慰幽獨端坐古石間神情澹而穆愛來時
一彈悲風振陵谷水雲不可見見君吾亦足

述哀

我母年七旬老健世莫敵齒無一箇毀髮無數莖白耳
目轉聰明內外都不隔子婦私相慶壽考當至百去年
三月初奇禍分頃刻大婦中風死外家搆成隙小婦橫
被戕胎前腹脹斯內人斬我後田園又見奪以此傷母
心形容頓枯瘠髮如腐草黃面似樹皮黑終朝但昏睡
不飲亦不食見心憂徬徨莫敢離門園延醫視何病皆
云憊痛亟藥餌扶至秋稍稍有起色移居向橫川村舍
楚休息母忽召見語故鄉居不得汝往江淮間處處有
安宅任意擇一枝繼室延一脈俟汝有定棲迎我我當

發早則今冬來遲不妨春月汝勿愛我老尚有幾年活
兒泣不能對中腸痛如割往歲兒好遊學家同作客母
老只思歸苦勸兒耕獲兒歸遵母命贖田種稻麥豈知
爲厲階即在此阡陌宵小覬覦久欲攘却無策一旦却
乘危得以勢相挾奪田猶自可殺人何太惡殺人而奪
田世無此狠賊故鄉不可居誠如我母說時維十月交
空林戰霜葉兒辭母出門母手爲縫袂丁寧戒僅僕寒
時時值商量居室事機緣尚未合蹉跎歲將暮山陽過
殘臘除夕風雪中孤燈暗禪榻思親兼悼亡悲歌淚盈
睫開春多噩夢神志每皇惑便欲促裝歸其奈資斧竭
俄驚家人到奔走勢勃傳言去年終阿太已奄忽在

金仙集

卷二 五言古

五

聞魂魄飛一慟肝腸割嗚呼滄浪天忍降此酷罰我罪
果添重胡不自殄滅災異起房帷侵尋及耄耄遙想屬
續時光景甚淒切兩婦先期亡獨子又遠別雖有二孫
女孤幼無知識薄棺貸親串含殮仰婢妾貧家患難後
纊布亦鮮映况值窮冬時江關阻朔雪楚州千里遠音
信何由達淡旬書始到旅次聊祖括殷憂比長淮潏泱
不可援誰人聞我訃唁者踰相接旃旌爲母位枉弔皆
賢哲釀金以致祭牲醴克庭列諒文既歎懇挽詩並悲
絕重以賻綈資賻厚踰常格感此錫類仁臨岐更悲咽
歸路出隋堤揚帆經建業采石與蕪陰高人風所慙憐
予奔喪回賻諒亦稠疊但恨石尤風江行苦不捷寒食
方抵合淝門氣蕭瑟我就入中堂二女亦號出撫棺哭

亂麻天滴成血斯時方寸心痛如攢萬戟拜罷不能
起二女前扶掖隣里爲酸辛天地亦慘戚問誰張虐賊
使我至此極追念先司徒五十始釋褐衰白嗣猶艱望
之若饑渴歷聘得吾母懿行在拙誦果兆能羅祥謬許
爲英物小子生不辰七齡司徒沒母年未及壯守貞志
不屈以母而兼父教養咸有術兒長粗能文母日望簪
紱一從滄海變借隱甘巖窟性淨不如量長齋惟誦佛
雖無鐘釜養庶盡菽水職春暉不肯待風水嗟何及人
生必有死七十非夭折所痛桑榆年轉見家蕩析無孫
已聞傷無婦又增恤婦死亦多有斯人受冤抑事姑十
二年孝謹無纖失况懷五月孕預喜孫枝茁匪因霜露
懷乃遇豺虎理會望莫能救悲憤遂成疾雖以天年終
實爲難所殺雖死茅檐下直似委溝洫誓不共戴天豈
止不共國顧慙微賤軀欲報苦無力曉夜號蒼穹鬼神
又冥默鮮民不如死偷生復何益茅堂隘且卑風雨撼
四壁母極難久停須遷就原隰大葬年未利今且治槽
室蓮池水澄泓衆峰何岑嶽信美此山阿况依先祖側
於禮合廬墓兒則未敢必身是刀俎餘尚恐嬰鋒鏑行
當辟讎去不論天南北方技知卜醫可以代耕織餘生
苟不死報恩應有日至辛莫如椒至苦莫如蓼我今走
四方椒葉甘如蜜準擬明秋還送母歸窀穸願母神靈
安九原勿勿崩迫鬱鬱蓮華山青松高百尺上有慈烏巢
夜半啼聲急聞之惜人懷殊愧彼羽翼身臨去母南夢
仍遺母膝欲記夢中言昏瞢難具述此恨抱天長

何時畢

附題後

此詩渾似北征篇母死家亡更可憐夏雪冬雷天地

合知君恨不化寒煙

梁公秋

新詩讀罷淚油然紙上啼痕染杜鵑我有父兄千載

恨對君霜血拂龍泉

宋玉叔

世間風木自堪悲孝子如何遭禍奇讀到酸心無可

似陳情表與夢我詩

孫豹人

題李三石壽冊

李生往我寓手持三石圖言是宋人本近屬盛老墓問

君曷取此取其與字符又問石安在乃在今南都年久

石湮沒不知落誰家我笑謂李生君欲見此無遠迤鳳

臺臺之西南隅昔爲徐王園今歸吾鄉吳三石儼然

存更有白松俱我曾見此石石上字非誣生聞驚且喜

要我同步趨吳園不甚遠入門路稍迂直至松石下俯

仰增嘆吁此圖卽此石向者何其愚孟夏風日佳君當

攜一壺來就此石傷痛飲復狂呼人石比堅貞異代永

不渝

嘉樹行爲閻牛叟賦

我愛飲牛叟頻過嘉樹軒嘉樹是何樹銀杏枝葉繁昔

者恭讓公手植城中閭閻爲兵所奪因移湖上村壘石

以爲山編竹以爲垣豈真愛此樹所重先澤存不知去

年冬何物傷其根枝葉漸黃落枯焦似人婦或謂宏斬

伐主人不忍言雖萎亦手澤遺愛安可讓遷延至秋初

生意忽爾著主人不勝喜召客來丘樊置酒此樹下惟
劇時一捫矚茲草木理因悟天地恩感極有時剝剝極
復還元世運苟如此吾衰何足論

將去彭城留別魏少尹竟甫

君昔令修江我曾一相訪是時天苦寒雪片大如掌短
褐尚不完敢作狐貉想荷君脫裘贈高義傳吾黨明年
官還淮徐幸接環恐為馮婦笑勿復來瞻仰今夏泊
南吳邂逅遇官道舊懽懽期益散朗問欲飲北
征彭城路非枉相期雲龍山把酒一吟賞以此七月初
黃河潮變樂豈知我舟到君車又他往知有公事累旬
日絆塵網獨憐羈旅人孤懷太蒼莽朗看河水奔暮騰
河水聲枕上悉心煩鏡中白髮長我命合地運萬事成
盧同行當掛席去機會不可強

馴鶴亭詩

自有彭城來卽有雲龍山如何宋以前名不著人間直
至張山人作亭曰放鶴蘇子記以文其名始磅礴乃知
山川秀必待文人傳設不遇文人草木空雲煙吾友魏
少尹晦昔擅風雅治河來此州登臨更瀟灑築亭官舍
中亦以馴鶴名仕隱雖殊途飲啄同一情仕者義取馴
隱者義取放其人總清遠於物等閒曠顧昔隱者亭太
守爲屬詞今也少尹亭復徵隱者詩以我似孤鶴馴放
如君意君誠蘇子贈我愧張天驥

友人吳翥之父諱汝琦死歸德之難徐州志不改
立傳予感而題此


吳公彭城彥筮仕爲司李睢陽古名魏服官數月耳是
時神京陷中原蕩如洗復聞左賢王萬馬度河水將士
迎風塵夜半城門啟直指凌公駟與公誓一死寧甘陷
白刃不肯屈其體學使蔡公鳳同日刑於市臨刑頸無
血白氣從中起觀者咸嗟嘆具棺葬以禮其子收遺骸
安穩還故里忠節昭日月江淮傳盛美胡爲修志者隱
諱不敢紀世人好嫌阿湮沒寧止此吾憤題此詩將以
裨野史

子房山

子房韓公子所痛在韓滅助漢以誅秦初非好功業其
志惟復讎讎復志已悅飄然從赤松皎如松上雪聞其
少年時吹簫此丘堙因以公名山廟祀永不絕我來拜
祠下彷彿見風烈亦有區區心人前詎能說

四女寺

朝發甲馬營晚泊四女寺不知四女誰上岸閱碑記漢
有姓傅翁田園故多利所欠惟一子四女並聰慧俱不
願適人願終孝養志親亡卽焚修出家居此寺中庭植
古槐枝葉表蒼翠竟以處子終白首乃仙逝相傳至今
日此寺遂不廢吁嗟天地間所重惟節義豈無偉男子
鮮能畢所事四女良獨難可以風士類



金山集卷之三

院桐方 文爾止著

黃州王澤弘吳廬定

七言古體

塔繡水王

樂安師較

啓一子建作連理圖贈予賦此答之

於戲我祖明善真大賢白沙舊有桑麻田迎兄伯氏居其間至性篤摯情纏綿茅屋春回讀書處誕生二木庭堦前左楓右杞本異質一朝合抱相勾連君子謂是孝德之所致小人謂是富貴福澤之幾焉我祖倡學既名世又賴吾父伯父叔父相後先簪笏浮榮等閒事所貴吾家孝友之德永不愆嗟我九孫紹不業牙籤錦字羅青瓊羣從又將三十人風流文藻何翩翩子建乃爲羣

從長靈心惠識通淵玄賦詩雅似阮嗣宗綴文不愧班孟堅有時伸紙拂絹素下筆輒作名山川今年與我重過白沙嶺栖息連枝亭之偏仰思二木發祥日到今七十有九年其下根株輪囷各十圍其上枝柯糾曲摩蒼天秋霜楓葉飽丹赤杞條積翠還蔥芊我謂子建汝作圖子建不答神悄然歸來神悟三五日須臾滿腹生雲煙既作連理圖復作連理篇大巧奪天工中聲動危絃懸之七弟高堂中清風謏謏披四筵客來罔不數奇絕君家復有唐鄭皮我從留之遺吾後俾知祖德之隆盛將與連理樹並傳於戲我祖明善真大賢我曹子孫其勉旃

寄懷齊方壺

去年楊柳花飛白與君同作江南客鷄籠山距冶山長花下一樽猶問隔今年楊柳花白飛我在江南君已歸千里家山魂夢遠三江雨雪信音稀敝裘仍返龍眠曲曲澗滄浪濯纓足賦就光搖台浦珠詩成泣抱荆山玉山中結伴有左生圖書文史何縱橫左生量弱不能飲誰將斗酒爲君傾有客東來自江滸道君念子情最苦楊雄識字惟桓譚太白知心僅杜甫可憐半載喪二親弟兄析箸家酷貧妻子嗷嗷守空屋一介不肯干求人嗟乎君才天矯如鸞鴻奈何委頓荒山中眼前碌碌少知己我輩數人西復東昨宵夢見君顏色神情憔悴面黧黑別後相思思殺人夢裏欲畱畱不得我當八月歸故山直到龍眠歎柴關預將十千沽美酒與君痛飲十日不得開庶幾登高一嘯開心顏

寄懷湯季雲

我思美人在城曲古寺遙深寄芳躅金屋千章榆柳青門前一帶蒹蒲綠美人此際愛閒居花水重陰照讀書疎簾靜捲三山雨米簞香分四夢餘兀坐馳情滌滄海毫光墨氣紛殊采荆國才華豈足多禮部風流今未改舍亦未遠奇文疑義相與求吳次尾到和宗塞子抱病江村暮欲枕胡牀盼雲樹幾欲攀條道所思長河水斷橋頭路明朝雨霽顏色開且呼小艇城中來古寺遙深恣幽討更尋羣彥登高臺

題張方伯忠節卷

□□三犯居庸關今年正薄寒山濟南名郡古侯國
一朝摧破如等閒是時方伯張公立城上戰守無兵復
無備矢將一死殉孤城頸血雖流氣猶壯其配淑人乃
吾姊高樓晏坐聞夫死盛服明妝出後園顧盼從容赴
湖水公有一姬矢報公存沒雖異忠貞同一抱巨石沉
沙如城中積骸高如山尚尋三屍歸一處逢人號泣訴
所愛人間公名亦淚流給錢買棺買布縗聊與小飲還
故丘有子若女權虎口殺戮饑寒復何有不知棄捐大
路傷母子重逢信非偶嗟乎我公之死如秋霜三婦從
之亦慨慷此婦不死非不剛借問此婦亦隨秋草萎誰
與收公之骨撫公兒公有舅氏齊重客七十八齡老詞
伯彩筆如椽紀其事一門風尚何赫赫予亦題詩附篇
末

送蕭廣九北歸

庚辰元日華陽路曉風吹散關門霧有客江城共行役
野店壺觴序情懷昔爾新從北地來是時南國羣賢聚
交游惟我最敦好往還文酒無朝暮自爾一去燕山遙
五載秋光等閒度相期南北各奮飛金門蚤獻長楊賦
我之從子爾之兄眼看白日翔天步偏我與爾好奇服
四海茫茫罕知遇冬晴懷友復南來往日緇衣今已素
長干一見喜且悲儒冠端被虛名誤回念舊游淚雙落
劉子蘇王皆物故雖有存者亦凋零耿耿離腸向誰訴
此際江南春正芳奈何又指桑乾渡男兒富貴不可期

百年壽非金石固祇須飲酒樂朋侶那堪騎馬犯霜露
蕭郎蕭郎聽我言移家且向南中住

寄懷魯孺發天門

君不見姑孰之郡天門山長江浩浩流其間東西二石
迴相望層崖斬絕難躋攀東峰月出西村暮江草芊眠
隱江樹數家籬落半漁樵中有美人託芳步美人昔住
鍾山陽韶音令音聞四方手抱瑤琴理清曲華林日夕
羣鴻翔可憐世亂遭遷次幾度上書不得志江湖常有
廟廊憂逢人好談天下事白門楊柳秋復春客思蕭條
多苦辛一朝束裝載妻子乘湖直至烏江濱故里凋殘
不可返停舟且息天門阪白沙翠竹諱西村此去江南
亦未遠嗟乎子敬大畧王佐才豈能鬱鬱棲江隈天門
雖勝苦離索勸君石城還復來無爲輒作江南哀斯言
非獨我如此次尾伯宗亦云爾

懷日牛渚

去年禊日在真州與客沽酒臨江樓今年禊日在牛渚
客亦送酒停行舟年年此際恨離別江草江花相對愁
丈夫不入承明廬何爲汗漫游滄洲滄洲汗漫已可惜
依人寄食彌足羞幸有主人賢且豪寸心相許無疑憂
淮南二月春水碧單衣匹馬從之游君不見鴻鵠一舉
自于里安能久與燕雀儔

喜馮默然歸自白門

去冬我自秋浦來君舟恰向宛水開今春君到白門裏
我復揚舲之宛水可憐鴻雁各東西羽翼差池長不齊

渚上寒雲空漠漠堤邊芳草又萋萋白門數有音書至
書中每道心中事宛陵年少多豪賢更說諸君名姓字
才思瞻藻稱聖期懷抱磊落推杓司風神延祖最冲澹
意氣維伯何恢奇寄言命我交四子豈知交好先在此
芳樽晴步響山雲蘭橈雨泛雙溪水日日思君君不歸
林陰已滿羣花飛旅次忽聞故人至科頭握手無寒衣
別後離情那可說移觴過我月初白庭生柳之與景山
邂逅同爲不速客相逢痛飲酒如泉况迎翠袖高樓邊
主人已醉客且去閉門欲擁妖姬眠

贈徐善生

古人書法各精妙我獨酷嗜顏魯公上凌魏晉下唐宋
儼如日月行太空蘇米諸家法非一何人不自此中出

卷三十七言古

五

縱能闢入公門猶終未升堂與入室我學顏書非不專
但恨落筆心茫然昭代亦少爲此法於今始見徐東田
東田宛陵貴公子弱冠學書卽學此文采風流五十年
窮神知化猶未止顏公遺跡皆小書廟碑瑱碑隨卷舒
君用其法作大字長至數尺或丈餘聞君用筆如用鐵
累黍不差果奇絕有時摹柳復摹歐錯亂古人迴無別
東田抱道含天眞功名遲暮家赤貧閉門却掃寡游侶
不肯酬酢尋常人以是書法備衆妙四海聲名仍未噪
性情亦不求人知白髮雙絲守耕釣我來訪君君病起
倒衣相對欲狂喜呼兒剪蔬留我飯言笑綿綿富清理
我爲君歌秋水章君爲我書雅南堂顏公生氣凜可見
草廬萬古生輝光

贈黃穆生

癸未

今之杭州古臨安山川冷落風景寒官斯土者皆不易
郡邑以下難復難我友黃子跼蹐才奈何屈節爲此官
吁嗟黃子爲此官令人氣短與慨歎猶喜相逢雙憲使
吹噓逸翮生羽翰聖朝用人破資格安知不冠惠文冠
黃子勞苦空努力好移花樹栽江干知君案底俸錢薄
可能沽酒飲所歡

送錢而介歸橋李

余年二十游嘉禾禾中好友良獨多其間最愛錢伯子
稱詩命酒頻相過可憐一別十三載雨散風流竟安在
寒子屈蟻歸南都君亦蟠龍卧東海東海南都千里餘
山川寥廓音問疎離情耿耿向誰訴開篋見君前日書

卷三十七言古

五

今春理檣錢塘歸重到嘉禾訪君屏君復揚舲游白下
湖橋悵望江雲飛及歸南湖春已暮人言君在桃葉渡
官雨相尋古寺中握手惓然道情懷故人握手雖足懽
懽情未了興慨歎天上歲星過一紀人間恨事盈千端
男兒立名苦不早意氣就衰顏色槁牀頭破甕有老春
且復與君共潦倒吁嗟蒼天必欲窮我身何爲突兀生
斯人但使斯人身不死安能扼抑長賤貧錢子錢子且
歸去饑寒困苦何足慮會當簪筆承明廬立馬相逢杏
花處

送陳旻昭御史徵兵廣西

崇禎癸未秋會試進士四百百名士我友二陳俱巍科
一爲旻昭一百史百史賜第承德郎旻昭注官乃職方

文學侍從讓爾汝職方治兵臣所當方今盜賊亂中土
郡縣殘破無安堵不聞官軍禦強敵獨使殷憂累明主
臣少曾游粵西東親見猛人特驍雄朝廷結之以恩義
皆能殺賊成大功以此上書與執政執政持書達天聽
至尊側席求賢良讀罷肅然起恭敬一朝召對觀德殿
太子東面上南面小臣再拜陳奇謀左右何人不稱善
上語太子此異人庶官碌碌無比倫忠勤智勇復弘辨
孟軻所謂社稷臣賜金賜服冠解牙兼節徵兵向炎海
雕題黑齒雖蠻族沐浴皇恩三百載使臣宣布天子言
諸搖威奮趨中原先期滅張後滅李羣兇授首何足論
我聞本朝書生能用兵前有襄毅後文成君今用兵亦
在廣欲與二老齊功名功名富貴非所好平生學力在
聞道晚年特達受殊恩不剪羣兇何以報君不記貧賤
時二陳一方號相知三人皆貴我獨賤鉛刀不割空自
咍願君早奏昇平畧漁海樵山任所之

惠泉歌

惠山之泉天下聞惠泉釀酒良清芬平生雅嗜惠泉酒
恨未一看惠山雲北年來往東吳路舟人不肯少亭駐
引領雲山興欲飛一水迢迢阻官渡今夏冒暑無錫過
役夫疲困南風多道傍密陰且休息因之理策登山阿
千章夏木亂崗嶺中有方亭覆二井一井泉甘一井苦
甘者行汲苦照影山水性情何瑰奇咫尺之間分淳漓
世人不識山木理但聞惠泉便云美予家乃在龍瞋山
中有清泉日潺湲其味與此正相似從不著名於人間

乃知山水亦有幸不幸所居衝僻是其命陸羽品泉亦
偶爾如謂真有第一第二吾不信

武林估沈葵菴少府飲倪玉純宅

宛溪之水東北流敬亭高齋居上頭兩人先後薄游此
多情少府何綢繆別來失職歸鄉里自傷貧賤負知己
三年苦憶敬亭雲一朝巧遇西湖水入門勞問便加餐
菱茨梨栗香滿盤爲君之故累百爵自到武林無此歡
可憐酒罷天色暮又隨少府丹陽路回首西陵欲斷腸
茫茫秋雨迷秋樹

偕蔡芹溪至宛兼贈令弟玉立

前年寒食楊柳青有客同舟歸敬亭今年長至雪霜白
歸舟又附敬亭客茅堂破壁風蕭疎苦死必欲留客居
金口玉

黃鵠白酒恣啖飲下牀上牀尊不虛方今日月失其位
風塵兵甲滿天地虎豹當關欲噬人季女何能不憔悴
君家兄弟皆賢豪大者孔融次孔褒褒愛其兄促之去
且與張儉齊遁逃

萬歲樓同潘江如作

潤州城中萬歲樓其下橋亦名千秋古人登此必勝詠
意態往往凌滄洲後之作者何太惡改其名曰月華閣
我問萬歲人不知非君自引路幾錯樓門又扁久不開
客至但登樓後臺左盼江水右城郭臨風徒倚空徘徊
因憶昔遊宛陵市此與高齋類相似高齋亦改登嶂樓
世間咄咄多怪事君何不把如椽筆重書萬歲樓三字
汾湖贈祖仲美

汾湖之水白如練左爲吳江右嘉善孤村僻遠無兵戈
夏木秋苗滿芳甸我因避亂來此里停舟悵望少知己
柴門有客憐相迎問其姓名祖仲美仲美風槩昔所聞
嗽崎磊落意不羣吾友二錢止厥室割鵲餉黍何殷勤
舍後若兄有餘屋慨然灑掃前我宿中庭桂樹吐奇香
往往提壺坐修竹史稱張翰東吳人罷官卜居此湖濱
尊羹鱸膾菰米飯至今秋氣長鮮新我欲移家安此土
荒村幸不聞鼙鼓其如□□□何所謂苛政猛如虎
吁嗟世事良悠悠烈風腥穢無時休君家士雅今何在
灑酒吳江空自流

贈別周穎侯

吳中大姓陽羨周其門冠蓋如雲浮文章雖多性情少
獨有一人曰穎侯穎侯二十舉高第上書執政忤時忌

能謫榆關春復秋稍轉一官東海濱言方行潔師古人
白玉不肯汗纖塵閩南州郡罕廉吏自古未有如君貧
甲申之變天地裂遐荒聞之慟幾絕新詩百首惟紀哀
奉表南歸淚流血臣心本不愛微官每念先皇心痛酸
況當戎馬交馳際矢事吾親終考槃一朝華夏皆□□
小臣氣激欲自盡子舍先書絕命詞毀髮偷生吾不忍
傷哉二老垂白年乃祖八十尤幡然抱持號泣互相守
解縛不得從所天君親一理那可棄且活餘生供粗糲
永棲龍畝爲頑民偶對人言還自愧予雖未仕金馬門
父祖十世承國恩幾欲捐軀勵微節亦以親故遂苟存
君不見陶公集中書甲子鄭公井底傳心史千秋萬代

親幽貞豈必首陽同餓死猶喜今時文網疎觸犯忌諱
寬誅鋤與君把酒曳履市狂歌痛飲仍自如如我兩人
性情不易得奈何同心而離居

喜遇從子子畱卽送之寧波

人言汝向南開來我聞驚絕還疑猜至性如汝且不保
世人寧復可信哉汝到南中非所志或言予亦來應試
汝問驚絕還疑猜世間那得有此事項之作客武林城
道上相逢攜手行各言前日信疑狀秋陽皎潔浮雲輕
問汝何之爾東去外舅張公官少府汝之外舅我故人
爲我寄聲道辛苦四明山水天下殊神君守此美且都
汝今遊覽得勝槩顧我落魄岐路隅憑將尺書致少府
愛人愛其屋上烏不知肯作居停無

吳門行

一年一度過吳閭腰下百金千金裝今年行李獨蕭索
布衣白袂秋風涼勝舟新到惠泉酒青錢一緡沽一斗
顧我囊空無百錢仰視秋天悶搔首可憐書劍老風塵
客路栖栖多苦辛明朝况是重陽節風雨飄搖愁殺人

疽歎

去年一疽生右肩皮膚赤腫厚且堅良醫施鍼入二寸
流血數升毒始宣今年一疽生右乳潰久不合其肉努
亦有良醫施毒藥爛腐生新肉重補二疽但屬厥陰經
肝火鬱抑氣血停內淫發於懷抱間坐臥行立各不寧
嗟乎蒼天扼我何太酷半世饑寒與憂辱人間好事一
星無貧病二字更相屬吾生貧病易足悲傷心四海大

運移牢騷憤懣結胸臆兩年疽發身幾危

樓川苦雨東李仲山孫子毅丁亥

春寒二月冰未泮苦雨淒風徹宵旦一川流水勢吞江
兩岸行人泥沒胷有客卧病江上村十日不出長掩門
小樓上漏復下濕匡牀獨坐愁思繁特喜聞人伴幽獨
強將蝦菜供餽粥不須取酒典鴛裳自解牽蘿補茅屋
遙聞二龍雲卷舒我欲移家此隱居春未湖畔泥萍滑
欲行不行空踟躕此間朋好何落落鄙夫俗士懶酬酢
屈指貧交三五人經旬阻雨亦遼廓君不見少陵老人
萬古才長安旅次生青苔當時惆悵車馬客今雨不來
舊雨來吁嗟此老尚如此何足道哉吾與子明朝雨霽
天色開共步江頭看新水

潤州訪錢取少

前年五月離潤州與君避亂吳江秋水鄉聚首二百日
艱辛歷盡還歸休去年五月毘陵路君自潤州來我寓
牀頭有酒傾數升散髮狂歌天色暮今年又是五月初
舟過潤州訪君廬美人庶幾無疾病竹窗藤几閒抄書
見我入門驚且喜素心相對如秋水潘子東歸鄒子存
故舊重逢非偶爾獨憐羽翼爾伯兄江天寥廓無鴻聲
或傳從軍入楚澤又聞替死如韓成遠道傳聞音不一
大要存亡事難必有時治海入西歸除是扶桑日東出
江上短歌

三年潤州六往還慙愧未一登焦山亦如十載住南國
未到攝山真汗顏今年六月江上歸兩山在望中心違

我欲停舟少延佇東風迅發帆如飛

阿狗行 戊子

有奴阿狗辭主人主人不語潛酸辛念汝事我三十載
性雖椎魯還真醇平生衣食在園圃歲種瓜蔬繞環堵
有時從我江海行會佐榜人美篙櫓曾將資斧數百金
付汝扁輪詠汝心久之秋毫不敢動自此財貨遂相任
汝年已壯尚無妻為汝娶妻曰青溪妻性懶惰復多病
不任驅使嘗勃谿今年烽火連致月危城坐困薪米闕
主人尚不免饑餓阿狗豈敢愛膚髮我有兄嫂聞汝賢
久欲借汝為耕田頃即持錢八十緡買汝夫婦歸欣然
阿狗此時意悽惻拜辭主人淚霑臆不言犬馬有微勞
深慙未報惟蓋德阿狗阿狗知汝忠汝與今世人不同

金口集

卷三 七言古

三

今人叛逆為亂賊汝則盡瘁能匪躬他時有錢仍可贖
往來只在吾門中

五月初九日作

弘光改元今日月北兵渡江薄天關京營一騎降書飛
宮車夜半梟門發予時流寓潤州城小艇倉皇走吳越
水鄉避亂閱秋冬艱辛終不保毛髮歸來故國復三載
眼看神州皆陷沒每逢此日心暗傷愁坐書空惟咄咄
子房既不逞博浪仲連亦未蹈溟渤所求半畝學躬耕
無處深山有巢窟浮湛末世良可羞風塵奔走空皮骨
祇應三徑掩蓬蒿敢望孤峯采薇蕨

七夕歸思

出門時與家人期七夕吾將歸東籬豈知今節彈指過

徘徊客舍中心悲客舍徘徊悲尚可驚心三月連烽火
山城欲留不得江路欲行行不果此夜西風助峭寒
星河耿耿在簷端誰家少婦高樓望一縷雙針乞巧盤
今人乞巧巧已極吾生守拙拙亦力巧拙互觀更相笑
惟有離情共悽惻何年送老入深山男解牽牛女能織

富池晚泊

富池江口甘公祠神鴉千百巢樹枝客來必迎去必送
拋與祭肉飛啄之相傳此鴉來已久族類蕃衍神所祐
江頭估客欲停船望見神鴉若親舊通來烽火亂江雲
甘公祠宇半燒焚唯有神鴉驚不去烏鳥啞啞聲相聞
聞者兵兒前殺機鴉必先覺摩天飛以此彈射不能損
橫江送客終無還我來富池拜祠下仰視羣鴉鳴古甕

雷江口

鮑照書中大雷岸李白詩中長風沙本是古人佳勝處
今人相喚各遂差長風沙爲烏沙夾大雷岸爲雷江口
不考其實訛傳訛古人佳勝復何有此地面江卽樅陽
唯我過此心徬徨若非鮑照與李白山川那得生輝光
齊介人書至云宋玉叔客吳門念予甚切感而有

作

山東才子宋玉叔滄溟以後無其人曾游江南訪諸彦

江南諸彦皆逡巡一朝京口與我遇紆衣縞帶慳如故
把酒同登萬歲樓行吟共倚三山樹亡何白日塵沙黃
與子避地專鹽鄉本期煙糧窮水國可憐病骨支匡牀
久之風雨復飄散君冒兵戈歸海畔雙魚寂寂冷春江
三星耿耿望秋漢明年六翩翔九州乘興復作江南遊
逢人輒問明農子聞我饑寒嗟未休齊生書來道君意
令予俛仰發長喙乾坤納納幾人存出處雖殊心不易
初冬擬掉吳門來君舟此際開未開虎丘霜月甚可惜
安得與子大醉生公臺

荅邢孟貞江上見懷

八月我自黃州歸不知君上彭郎磯楚江遼闊坐相失
令人轉恨情烏飛十月重來舊京室聞君返纔已旬日
亟呼奴子馳相問莫似長江又相失君持一卷楚游詩
云過樅陽多所思勸我歸耕嘗苦口往往荅以東坡辭
我謝江神非得已有田不歸如江水且將醫卜混屠沽
稍可買山卽歸矣石臼湖邊數口家門前禾黍復桑麻
主人底事亦久客三年不見東籬花

廣陵同姚仙期邵孝威飲吳園次臘梅花下

百花之長山中梅謂其能犯霜雪開梅花開時春已動
臘月梅藥方含胎不如臘梅更孤絕窮冬乃能傲霜雪
根幹雖無古松勁芬馨頗似秋蘭烈我友吳子蕪城東
獨賞此花樹庭中門還不許俗人到氣味自有賢妻同
虎丘姚師衣破衲廣陵邵生披短褐爾汝俱稱物外交
要我同行意軒豁入門呼酒復呼茶蕭然環堵類山家

他人富貴足悲歎我曹貧賤還驕奢君不見臘梅花

與治五十

君年三十七我年二十三曰杵始定交聲詩播江南君
年今五十我亦三十七世運有華除交情永無失交情
久遠良足多功名未免歎蹉跎風沙倏起箭滿眼相期
采藥西山阿西山草木鍾神秀何事苦吟人太瘦試看
山中猿鶴羣瘦骨房房反多壽勸君加餐君勿疑四十
五十未爲衰南陽若有漢司隸扶杖旁觀尚可期

石曰行贈崔正誼明府

君不見石曰湖湖村一幅桃源圖荷花到處有漁父竹
實時能來鳳雛江南山水多靈秀幽窗終當推石曰我
昔逃名隱此間欲結茅堂未成就無端浪跡逐江雲湖

山集

卷三

七

中消息嘗相聞昔年擬傍韓公子今日欣逢崔令君令
君文苑稱作者雖領簿書亦風雅尋常尚想登龍門况
受一廬樓宇下寒雲漠漠雪霏霏久客江城取道歸爲
愛湖村聊卒歲琴堂何幸瞻容輝令君雙眼如秋水自
別陽鱉與魴鯉莫疑勾漏乞丹砂匪向臨邛彈絲綺石
曰湖邊草樹香春來依舊結茅堂門前鳬雁應無數或
有王喬履一行

贈湯幼嘗之子令仔已丑

湯生有子名令仔神氣駿爽超羣兒我昔游其師塾中
見此童蒙獨稱奇今年令仔方毀齒童蒙亦覺感知已
往往見我情最親繞膝殷勤問書理而翁孝友學道人
聲光未泄莘汝身眼看駟馬復車蓋屈指而翁纔五旬

哭從子直之

吾兒死不見其死不見吾兒見猶子猶子病時我在旁
其形枯瘠不忍視聞說吾兒病篤時其形枯瘠亦如此
傷哉天乎何不仁一門喪我兩才士二子才調各不同
一者豪放一謙冲所性雖殊雅相善翹然鶴立鷄羣中
奈何俱嬰不起疾爾年三十兒十七爾曾富貴兒長貧
爾既有子兒無室吾兄昨日爲我悲我今爲兄涕交頤
明朝江口又相送死別離兼生別離

贈孟六珩明府

小孤山北江城微兵荒廿載人民稀近來却有神明宰
白叟黃童得所歸神明者誰出鄒魯大賢遺訓垂千古
夙昔文章號巨公今茲德化推慈母丙戌之歲秋闈開

山集

卷三

七

我公應聘江東來午夜焚香告天地務求磊落嶸嶸才
偶獲一卷稠人裏氣韻澄泓似秋水急呼武進張環生
此是桐城方爾止環生張令我故人乍看遂謂爾止真
兩公擊節相嘆賞交薦主者魁其倫明朝折卷非所望
兩公咨嗟復相向絕代佳人在幽谷十年不字空惆悵
公誠知我我未知逾年環生始言之野人性癖固不仕
知已恩深能勿思可憐世事同飛電聞聲相思不相見
頃來姑孰謁高僧佛座蓮花映君面彼此初未通姓名
滿堂賓客獨目成近前一語忽大笑針芥之合良非輕
須臾執手相慰勞文章有神交有道我本麋鹿合山林
君即藝龍且泥淖浪師義學天下無親拈五色摩尼珠
與君日日來聽此勝著幾冠馬上趨

宛陵雨中訪蔡四片溪

平地水深三尺渾淮西山人宛陵客終朝獨坐愁心煩
與其獨坐愁心煩何如赤脚著短襪冒雨衝泥過橋去
草堂未掩天黃昏知爾貧厨無所有新麥作醴剛一尊
即焚枯魚酌麥體中郎風味千古存今宵共醉且爲樂
明日陰晴誰復論

拾塘與寶山同宿胡允右宅醉後作

我思故人胡江去故人思我沿江來江渚相逢忽大笑
即與攜手同舟迴拾影塘邊有知已明江東去復九里
不嫌索酒叩柴門况對寒花映溪水今宵爛醉君莫辭
明朝我去天一涯歸來只恐君亦返諸山重聚知何時

君家九子芙蓉下

君家九子芙蓉下抱琴獨嘯無知者何生遠出劉公亡
冷冷哀吟向誰寫

羅溪訪詹錫卿有贈

詹生累世山中居少年豪氣歷里閭讀書不下數萬言
飲酒乃至一石餘是時天下承平久樂事何多在林藪
一朝羣盜人嶮嶺苟全性命戕兩手兩手雖戕尚能持
終日作字細如絲青瑣舊物那忍棄秋林開館教羣兒
我來訪君萬山裏幽溪彷彿桃花源水門前煙稻露華濃
籬邊橙桂香風起置酒芳園覆綠陰東鄰二子皆同心
飲一石主人竟不飲涓滴長齋事佛有深意神情無乃
太枯寂君爲我飲我爲君歌當年樂事今如何一從輶

鼓亂天下道途人少豺狼多幾家招飲有叢桂幾人聯
笑山之阿如何不飲空蹉跎

城西行

舊子五月瘞城西半年不到草已迷殘冬出郭一相視
朔風震蕩愁雲低山高墳小恐易失紙錢倒掛枯棠梨
日暮歸來慘不樂且呼二女相提攜二女平居閨哭慣
嬉笑亦復學人啼若母惡其聲不祥持竿喝止中心悽

風雷行贈雪田上人

雪公新自皖口還休夏直人飯籬山山中一夜大雷雨
天崩地裂非等閒園有古樹高千尺須臾吹倒壓我壁
孤僧倚壁正酣卧碎句奚止萬斤石此時梵刹皆欹傾
雪公閉目神不驚天明兩止掘始出恍如入定聞磬聲

我來問公額樹下

我來問公額樹下相對神情愈閒暇擊火烹泉不停手
重拈石上三生話遙指青峰天柱西故人許我田數畦
欲結茅庵寄瓢笠烈風雷雨焉能迷

張道人園居歌

今年暑熱何太酷五月中旬似三伏江邊垂柳葉欲焦
路上行人汗如浴我自姑郡來蕪關主人館舍惟一間
繩牀獨宿已偏側况復枕畔添雙鬟舍皇躡屐人山去
石上松陰可箕踞僧房一寓皆滿欲覓幽栖向何處
飯籬山下張道人曾於僻地開荆榛斬竹編蘆葦茅屋
四山迴合皆松筠我問道人借一席道人欣然迎我入
東頭正空兩三楹君來可以恣休息明朝抱枕到中林
北窗高卧松陰森但見涼颼透絺綌豈有暑氣來相侵

道人性復知愛客每日烹茶供肴核此間安樂勿思歸
且待秋涼再區畫

顧與治白下書來却寄

四年不復到舊京舊京老友嘗寄聲頗聞君受買田累
幾至破家頹其生前歲寄書到京口勸君盡拋此田否
君言急切拋與誰譬如重病須緩醫我切爲君憂此事
病重醫微恐難治百里空勞牛馬塵三載遂無鴻雁字
昨日京口寄我書上言此累已寬舒今秋可收穀千石
除却完公尚有餘七月將歸舊京矣要我重來白門裏
老友相尋豈不憐無奈歸心在皖水江畔梅花冬復春
相期命駕訪情人若使避兵白下好還思徙宅爲比隣
喜得姚休那先生書

先生高卧秋山雲

幾欲來訪慙垢氛昨日遠寄一書札

其

其中意念何殷勤勸我休買孺子妾孺子妾不如文君
寧馨阿堵兩難事斯言妙絕今始聞先生書云君買妾
管已吾馬爲子一婦人言及于已試者較易耳若趙家
姊妹恐非人種蓋美人之于寧馨猶文人之于阿堵皆
大痛焉私愛過計也

廬山訪從子密之同宿九夜臨別作歌

與爾同學十四年自丙寅至己卯寒冬夜夜抵足眠當時文章
各自負豈知窮達分天淵爾仕明時露光彩時危欲躍
游東海同心那得復同牀分攜又十有四載山已別眼
至壬辰
看二十八年過少壯幾時奈老何爾於五倫事皆畢我
無一成空蹉跎今冬訪爾廬山下重與抵足八九夜夢
中頻上紫霄峰醒來真是白蓮社

金竹坪雨雪行

城中微霰不終夕山中大雪已盈尺城中雪消半月餘
山中松樹雪猶積祗緣此地高且寒千巖萬壑埋雲端
老僧告我四時雨一月曾無幾日乾

三疊泉歌

玉川門內看三疊飛泉噴薄由層巒九雲屏前看三疊
急流奔瀉在深湍乃知世間本一物隨人上下殊所觀
我今更躡五峰頂從此眼界何如寬

龍竹歌

吳城令公廬有二株竹圍大尺五
有人下鄉湖中網得一株其神異甚入廟中
祀之越數年後有一株浮至廟門似欲上岸者
果神物也吳邑已三月十一日子通此見而愛之
自作

龍竹歌

卷三七言古

五

昔聞竹化龍今見龍化竹羣龍見尾不見首竹亦無首
尾相屬長梢夭矯勢入雲密節糾互成龍文是龍是竹
渾不辨一雌一雄如有分我夙好奇訪其處摩挲驚喜
復驚懼古廟喧闐難久留會須風雨雙飛去

左蠡行

小艇迎風發星渚未到揚湖日過午榜人貪涉不肯停
黃昏必抵都呂浦俄驚狂飈自西來水聲騰沸山崩摧
更兼雷雨助其勢榜人面色如死灰急曳半帆回左蠡
噴黑奔馳二十里依稀見岸不得近沙淺曾無盈尺水
終宵漂泊蘆葦邊風波震盪誰敢眠世間平地皆好住
何事江湖年復年

賣馬行爲祝一之賦

蘭溪視子今建昌簿書錢穀非所長性情獨嗜詩與酒
湖山花月恣徜徉一朝拂意掛冠去興味蕭然仍寒素
祇緣脚疾行不良買得一馬當徒步蠡城客久囊空垂
食指繁衆長苦饑藜羹不飽况芻秣爭欲賣馬供朝炊
主人見馬意淒楚嗟爾言黃瘦如許馬不能言對以臆
我與主人命同苦世間富貴唯科名但入仕途金滿籬
主亦登科宰百里半肩行李何其輕昔時廉吏人所羨
今時廉吏人所賤早知官罷厨絕煙何不居官少通變
主人悵惋復徘徊叱奴牽出城東來我棄一官如敝屣
區區款段何有哉君不見漢家驃騎子萬匹無端闌入
關氏室

山中休夏

野性好游四時同惟有盛夏思山中所苦衣冠見熱客
不如袒裼迎涼風今年西歸自廬岳蓮花灣頭且歇脚
柴門枕簟恣高眠雖無飽飯粥亦樂

秋日漫興

四時平分秋最佳孟秋景物尤堪誇千樹欲落不落葉
數枝將開未開花秋山著雨淨如洗秋水平湖浩無涯
菰蒲交茂聚淺渚鳬鴨鷗鷺爭晴沙山田到處收粳稻
村舍逢人話桑麻魚舟魚賤不須買酒坊酒熟頻教賒
溪山如此足娛老我獨何爲欲辭家祇緣性情好江海
八月又泛銀河查

漳湖歌贈范小范

漳湖垂釣者誰子磊落嶸崎天下士不堪牛馬走風塵

且伴鳬鷗美秋水水邊築室曰緯蕭朝爲漁人暮爲樵
煙簑雨笠自千古絳襦補襦何所驕君不見漳湖之西
大雷岸荻花楓葉荒江畔鮑昭於此寄妹書遂令僻地
聲光燦回望漳湖多白雲向來泯沒今始聞他年漢使
求遺老舟過雷江先問君

皖口行

六日凝寒雨不絕中間爲霞又爲雪天宇沈昏飛鳥無
江波洶湧行人報我來買舟向匡廬榜人勸我姑徐徐
揚舠須待雨雪止六日不敢開蓬條浙浙寒風透窗牖
重重布被蒙身首泥塗薪米尚艱難那得餘錢復沽酒
從來雪天容易晴連陰不晴愁緒繁但令卒歲有衣褐
何苦嚴寒江上行

雷江口

停舟皖口七日多淒淒無奈雨雪何行人躁急耐不得
揚帆破雪凌風波雪花飄空朔風吼江邊行者一無有
獨我孤舟冒險艱須臾已到雷江口雷江津吏把手搖
長年三老慎勿驕此番安穩乃微幸世間幸不可屢徵
建昌魏明府招飲署齋卽席作歌

三月訪君到修水君去章門百餘里荒城破寺難久留
停車一夕卽歸矣端陽星渚忽相逢舉杯慰勞情更濃
自言雲居山秀絕不讓五老香爐峰我聞此言興勃勃
重游須待新秋月秋田穫少費經營嗟昨冬仲舟始發
蠡湖雨雪何瀟瀟浹旬才得抵修江故人一見驚且喜
旋出金盤倒玉缸殷勤勸我加餐食相看俱有風塵色

只道天寒爲客苦豈知爲官更苦極前日填撫過城東
拜跪迎送雨雪中肢體凍僵陷大澤衣裳盡濕誰敢烘
今朝偷得片時暇把酒論詩竹窗下無端吏復催升堂
鞭扑誅求至中夜嗟乎方今守令靡不艱觀君風槩猶
蕭閒登臨豈礙民社事與我雪晴共上雲居山

徐園看臘梅花

菊花開罷花事窮千林萬木搖悲風臘月老梅底心性
繁英爛熳雪中可憐地僻罕人識孤僧引客尋幽叢
手折一枝歸旅舍寒香冷艷將無同

雲居訪晦山大師贈三十韻

甲申三月天地崩先皇龍馭奄上升普天率土皆怨痛
我曹悲憤情尤增東名士王元達號泣求死苦未能

書山莊

卷三十七言古

書

救斷家務辭祖廟毅然削髮爲孤僧江南山水游已徧
乃至廬峰最高層九疊雲屏居一載千巖萬壑靡不登
書法雄俊李北海詩情淹潤王右丞義學淵邃吾不知
大要能參第一乘匡廬之西雲居山體勢蜿蜒高嶙嶙
其上古有真如寺復有明月湖光澄唐宋以來三十代
代代耆宿相師承中間佛印名最著蘇黃二李爲良朋
手植黃荆樹猶活親造碧溪橋尚稱元末始有兵燹患
本朝慶曆年復弘神廟御書十四字奎章煥燁神所憑
金粟如來及三藏須自聖母信且徵近日鐘鼓雖寂寥
草木之氣猶鬱蒸何幸晦公來駐錫皆云此寺當中興
我夙與師相慕久都昌片札傳也曾歲寒那敢畏霜雪
穿雲躡磴惟枯藤招提一見懽若舊雨窗話到三更鐘

談禪談詩已快絕重論往事悲不勝欲補青天無采石
欲繫白日無長繩與其羈絆塵網中腥濁臭穢良可惜
何如埋照向幽谷身心皎潔冰壺水莫愁震旦遂長夜
天運剝復還相仍處則蹲伏頽癯象出則變化齊鵬鵬
來朝別師下山去回望山頂雲煙凝他年倘晤在京闕
紫氣重瞻十二陵

崔李行

杜詩云崔李交情心真平
李與崔各是天涯爲刺史如何不覓九江來清李
致意于崔李二君地亦與李交游何限乃交游
高淳三至太湖二公荷子之學始終無間因南
感於子美樂天二詩而咏嘆之似
先履表心者爰作崔李交游詩以紀其事

有唐詩人累千百我獨師承杜與白杜白同時入幾何
維崔與李情獨多古今風雅有神契况復俱生壬子歲
何緣崔李亦同時氣味相合長相思長相思不長相聚
會吟錦水香山句

送八弟爾孚游武昌兼寄徐幸叟

吾弟昔適楚往來斬黃州漢江去幾許未上黃鶴樓黃
鶴樓空不如昔鸚鵡洲頭芳草碧行人過此暗傷魂况
爾風騷嗜成癖野店山橋驅蹇驢言訪故人徐秘書秘
書高義鳳相洽楚江吟眺今何如醴酒雖然稱上客
零琴劍終非策無情白髮暗催顏有用黃金莫輕擲歸
曠城南數畝田妻耕子耨終殘年

跋答友人借書

古人借書例一紙及其還書亦如之世間好書難得讀

以酒酬之尚未足今人字義明昧間有書不借借不還
借書還書疑何有不借不還良可醜詩云借書一紙還

今人誤作

老姑行爲姚姊夫人七十壽

吾家先世有老姑昔年未嫁亡其夫竟以處子終漆室
壽介八旬貞不渝三百年間風未墜姚吳二姊能相繼
一姊十七守貞同次第皆登七十歲清芬才調更絕人
詩文秀潔無纖塵書法直追王子敬繪事不讓李公麟
自集宮閨詩一帙部分邪正意凜凜大書石碣表荒山
預築佳城待同穴凡稱婦職仰夫子吾姊所杖不在此
空閨寂寂老朱顏苦節煌煌照青史方今節義何浸淫
松柏衰頹蕭艾深世人雖不好松栢果見此龍誰不飲
唾如吾家老姑去已久問巷高名並山斗中間簪紱豈
不多悉與草木同腐朽吾姊操行復嘖嘖三老姑名應
不刊浮榮奕葉等閒事唯有斯人良獨難吁唯有斯人
良獨難

雙松歌爲楊嘉樹尊人壽

楊生手持一幅雙松圖言歸壽其二親六十俱問誰作
者釋無可此意便與今人殊今人所好惟富貴乞言鮮
不爭華蔚楊生轉好出世入當是若翁平日家訓有獨
異若翁高士本南州逃名亦似韓伯休偶因買藥至桐
子纔戀遂家此山陬暮年始誕一雛鳳長離五色能驚
衆欲飛不飛鳴不鳴會看東海晨曦動楊生此意人罕
知蓬門寂水聊棲遲三公五鼎有時盡千霜不改青松

枝所以既索竹關上人畫又索淮西山人詩

山谷寺短歌乙未

昔有二老天監問一錫一鶴爭此山我曾疑其爭似罔
到此方悟非等閒卓錫一峰高似笋更有浮屠在山頂
四山環抱僅餘門門外吳塘美澄影其東便是白鶴泉
左慈丹竈遙相連形勝雅不遜卓錫舒州仙觀名千年
我來三月重三日僧房道院俱蕭瑟惟有流泉似昔時
潺潺仍自溪中出

彰法山經橋公故居

古人我愛孫伯符弱冠義兵起東吳同年遂有周公瑾
奮其智勇成雄圖分則君臣義兄弟併與橋家作壻壻
二女才華談絕人何處能尋此沈沈可憐沈沈不問老
孫郎早世周郎天海邊精衛恨茫茫枝上啼鵲聲悄悄
我今彰法山下過路人猶指舊山阿雄圖霸質俱銷歇
惟有荒臺永不磨

四月四日龍河阻雨

四月一日至四日田家於此候陰晴一二三日晴則稔
今年三日俱晴明四日宜雨雨果大今秋農事端有成
吾鄉苦遭三歲旱早見說豐稔先怡情但教場圃有餘粒
客路棲遲無嘆聲宋孔毅父諫元載占雨云一日雨百
四月雨農有餘晴
不登者謂路車也

泣象行

有象有象西南來言從楚塞之燕臺縣官郊迎十里外
間巷盡閉城門開居人看象家家山道徬暗數十匹

高如屋脊色如灰形勢威猛良可休中有一象獨淚流
驅之不行屢回頭諸象亦似慘不樂強行數步還復休
借問此象何由得象奴欲語先悽惻此獸不與凡獸同
曾受本朝大官職一自兩都陵谷遷□統却在西南天
羣象當關爭禦敵戎馬不敢窺黔滇頃者將軍貴公子
輕身挑戰陷重壘將軍抵憤不勝情車輦金銀來贖取
北兵搖手不受金會須巨象始稱心將軍痛子不得已
遂驅此象來江潯豈知人情故叵測既獲其象子復賊
將軍憤極大舉兵電閃雷轟在頃刻北兵大敗不可支
水深河廣爭渡之人馬溺死凡數萬僅餘此象先驅馳
象本不願從逆節無奈爲人所羈繼象奴雖賤南方人
屈膝北人憤所切燕山楚水路漫漫晝行夜臥同辛酸

金山集

卷三 七言古

其中老象心更苦雙眼常流淚不乾我聽斯言發長喟
世間物各有忠義雀猶報德魚感恩魁然巨物何足異
君不見供奉猴跳擲欲上朱溫頭又不見舞牀馬怒視
祿山不肯下爾象有力逾千鈞何不發狂奮迅奔絕塵
任渠萬馬追莫及何爲低頭垂鼻空含辛

白門三子行贈陳翼仲張介人鄭元白

昔余授易冶山園一時英俊從者繁其中五子最傑出
臭味相洽無間言忽逢世變各分散重來白下傷余魂
蔡盛溢焉化朝露惟陳張鄭三子存三子匪獨擅文苑
更能猛力窮詞源才名藉藉震京邑皆云此出淮西門
老我因之增氣色緘口不言道已尊試問別來何所得
爭出其製和討論或如蘭若翦翠立或如碧海鯨魚翻

風塵豈合淹此物眼見六闢當高竊陳生更念客衣冷
脫裘贈我霜天溫今人君父誼且薄誰能不念師友恩
感此長吁飲一斗懷抱淒絕吟聲吞酒闌歌罷出門去
悄悄月明秋樹根

書汪五河母行狀後

汪生向我聲烏烏爲言有母嚮阿孤十六年間勤且瘁
將荼畜租良不易兒幸成立能文詞龜勉祿養自有時
豈如風水不相待菽水正歡先見背此身難報罔極恩
敢乞名言表墓門嗟乎今人所志在薰灼倫理之闕鮮
不薄汪生至性痛所親他年豈負君友人

訪林青仲不值留此兼悼令兄儲乙

瓦官閣西曾結隣與君兄弟情最親聞弟鼓我歸去

金山集

卷三 七言古

蔣山回首長酸辛八年重渡秦淮水舊交落落晨星矣
猶向城隅訪二林雁行中斷忽千里君又讀書銅井山
含悽作字付雙鬟只恐君來我欲別人生會合何其艱

揚州遇鄧孝威有作

丙申

八年前作廣陵游一時聚集皆名流君齡未壯便隱逸
賦詩贈我深相投亡何風雨各飄散我去山中君海畔
忽聞驅馬入京師定知采筆干霄漢聲名藉甚公卿間
擬取科第如等閒雖曰從軍不肯嫁木蘭仍以處子還
適我適離來水國舊友凋零空嘆息豈料君從北地歸
古寺同棲正歡劇日夜相過不厭頻狂吟豪飲任天真
殘冬且莫輕離別直待關中孫豹人

梁仲木招同鄧孝威飲瓊華觀醉後作歌兼懷令

弟公秋

梁公五十須皓白其鬚雖白心則赤少年出入戎馬場
雄文欲勒燕然石蹉跎壯歲不得志南游且作諸侯客
忽逢世變神愈傷秋水蒹葭渾浪跡君家兄弟本燕人
墳墓田園在京國其性乃如鴈鵠鳥飛必向南不向北
以此流落江淮間縱酒沈冥人不識與余相慕二十年
今朝忽喜見顏色瓊花觀中促沽酒霜天痛飲懽無極
況有鄧生同氣人話到京師淚沾臆侵晨便欲秦郵去
十日仍來邦水側令弟藏身射陽湖潛蟬不見更奇特
我欲從之煙水迷非君共艇求安得

王雷臣侍御招同沈仲連李叔則梁公秋夜集素

酒宋竟喜而作歌

卷三

卷三

卷三

淮酒何物浪得名其味重濁少輕清五加皮甜苦蒿苦
除此薄劣不足許王公燕市文章伯持斧江南遂卜宅
生憎淮酒不沾唇拒黍攜來自釀藉酒成冲澹復辛香
飲之不異醍醐漿千鍾百榼渾未惜時時召客來高堂
我謁王公霜氣肅適有三賢先在屋薄言取酒禦風寒
涓滴纔滿春滿腹况乃宋蕘形製奇古色班剝如鼎彝
衆手傳觀互相賞循環斟酌誰敢辭如此杯罌如此酒
今宵爛醉良非偶主人愛客不嫌頻尚許雪天傾數斗
淮酒救 是日竟喜而作歌

煌煌天語在其中延齡不借長生藥致治惟敦黃老風
道書千卷藏於此上有漆函函啓首春秋又復四十年
臣民曷敢輕開視今冬有客淮南游經過瀆廟聊焚香
仰首神明問童子宛見敕書居上頭再拜焚香復盥手
取敕開看咨嗟久朱文寶篆尚鮮明黃絹金泥絕塵垢
我黨俱是山澤癯每逢舊物淚沾濡鍾山松栢且凋落
此敕不動神所扶是日恰逢陽長日把臂同歸范生室
主人進酒客賦詩賦詩無如淮酒救

韓侯兒

是日陳鼎六丘李貞主社賦此

韓侯之族世所悲韓侯有兒人莫知我今痛飲淮陰市
請為君歌韓侯兒侯昔鍾室銜冤日小兒三歲誰能匿
有客毅然竊負逃密以情探蕭相國相國聞之驚且憂
為言關隴不可留作書授客使入海南粵趙佗堪與謀
趙佗風與蕭韓善養兒成人延一綫去韓之半改姓韋
子孫漸繁滿鄉縣因之世世為土官魏晉以後休隱瞞
蕭相前書趙王冊刻諸金石永不刊韓襄毅公曾有說
乍聞此事歎奇絕其客姓名雖不傳自與程嬰比風烈
釣臺之下淮水奔我來泊舟先愴魂千古英雄有本色
死生貴賤何足論要知呂亡漢亦滅韓侯血食至今存

題宋射陵疏枰卷

於陵仲子辭三公為人灌園澗水東灌園何開盛德事
千載以下飲高風鹽城宋子居澗口平生自負釣鰲手
江澗橫流那得施且作田間抱甕叟其畦歷落如枰枰
露葵霜薤長滋榮君因種蔬悟基理眼前黑白誰輸贏

獨惜世無張德遠何人記憶蘇雲卿

蓮池種竹歌

二月之晦前三日奉吾母柩歸櫬室在山阿湖水邊
舊種青松高且密祗緣東北隅少虧秋冬恐受朔風吹
欲補以松長不及皆云種竹深相宜隣村况有湘妃竹
紫點黃斑麗青玉官雨移來十數竿千枝萬葉仍相續
雨晴日出影蕭蕭又恐風吹根動搖植木爲闌結繩縛
況覓汲水時時澆我母有靈竹皆活其葉微乾根不撥
根撥帶笋未經鋤今歲還期笋當發明年竹母生孫枝
我母之孫尚無期兒今避讎出門去分付園丁好護持
既不許兒童折又不許牛羊嚙竹身多少淚痕斑盡是
孤兒眼中血

負版行

數年不到三山街今春偶到多感懷不知是何大書冊
路傍堆積如蘆柴行人紛紛來買此不論何書只秤紙
官價每斤錢七十多買少買隨人耳借問此是何版圖
答云出自名武湖天下戶口田畝籍十年一造貢皇都
名武湖心絕炊爨永無火患及鼠患洪永至今三百年
收藏不知幾千萬一從世變陵谷新此圖廢閣空埃塵
有司上言請變價聽民自取輸官銀官召吏人估其直
十四萬金可立得富民爭買入私家零賣與人取微息
有一老翁立路傍俯首見之神暗傷曾爲州掾寫此冊
一字錯誤憂徭徭豈知今日廢無用口不敢言心自痛
也買一冊負之歸看是何年何地貢其中戶口久凋殘

田畝荒蕪不忍看若逢魯國驅車叟悲賦而趨鼻更酸

二客行贈萬遐客

徐州不見萬年少山川冷落無光輝繼起者誰有二客
阿咸阿戎其庶幾大客魁岸如岳立小客溫潤亦如璧
河邊舊宅已三世架上藏書仍十尺我與年少爲故人
車過腹痛鼻酸辛先見小客意頗慰後見大客情愈親
招我夜集餅花谷香醪一甕冬所蓄惟腸不覺醉爛熳
清言况復勝絲竹我爲君飲君爲我歌昏夜焉能再渡
河書堂吟榻且借宿來朝此地還婆娑彭城酒伴諒不
乏未若萬家兄弟言且多

中秋夜吳中黃招同諸子賞月作吳郎行

戲馬臺東奎山西吳郎此地有幽棲胸中淵數世莫測

門外名儒時相攜我游彭城暑未殘與君一見如舊懽
草堂每到必露醉還訂中秋月共看是日恰逢天氣爽
晚來風月愈清朗主人移席當星漢羣公列坐皆吾黨
毛生遠來自京峴徐翁父子吳門彥萬家兄弟俱豪賢
張段風流和小阮更有紅裙李墨仙言詞辨惠慈嫣然
痛飲千鍾不辭醉嬌歌一曲尤可憐杯竿交馳疾若飛
夜深涼露濕人衣三更已盡興未盡踏月聯鑣送我歸
我寓城東大河口牀頭尚有一罌酒入門驚見龔開畫
美人與客皆稽首君問此畫不忍說且復開尊玩明月
美人醉倒喚不醒蟾墜鷄鳴客始發因憶子瞻居徐州
中秋見月懷子由舒鄭頓趙四好友一時離散中心愁
爭如我輩今日情良朋令節樂事并他年應記作佳話

爲君先賦吳郎行


道上遇陳伯璣有感而作

白門雨雪歲將暮我尚羈遲未歸去君胡復自于湖來
道上相逢太匆遽爲言旅況不如前賣書賣墨過殘年
書是平生手所閱墨亦手造精且堅割愛與人非得已
俗人見之猶不喜仍攜書墨返于湖我輩奇窮一至此
送君登舟君勿悲聞有艷妾生佳兒設令我有艷妾生
佳兒賣書賣墨甘如飴

書山集

卷三七言古

七



金山集卷之四

院桐方 文爾止著

黃州王澤弘吳廬定

塔繡水王

樂安節較

五言律

白下重訪李臨淮宮素

六代餘風雅山阿尚有人選言皆大呂關館似平津古
道已昭世新聲更入神西安吾宅長與作比鄰

送萬道吉歸涇

鷄鳴山下路日日爲君過過門戶生秋草緇衣掛女蘿憂
時心共苦失職恨偏多反覆天策其如柄鑒何

江鄉多寇盜避亂欲何之乞食游吳市招魂註楚詞方

君歸里日正我憶家時別後同王祭登樓無限思

送潘鱗長還吳門

吳門多勝槩攬勝孰如君川有雙珠婦蘭從九畹分
風流却不墜詩禮欲先聞江介秋帆穩
來看鍾阜雲

贈孟元白兼懷戴敬夫

秋水思君處芙蓉三放花名輕空有恨世亂總無家避
地占牛渚還山御鹿車相逢河畔草且止話桑麻

劉伯宗應徵北上賦此送之

九子雲深處三江龍卧時神明于象緯旌節下茅茨塞

北風何急淮南轍已遲送君秋水露華滋

霜威凝四野蕭艾滿中阿自有芳蘭在其如萎絕何漢
廷須痛哭燕市勿悲歌干仞桃花水漁郎許再過

雲間訪邢孟貞

道逢楊德祖江草寄微情獨鶴歸何暮雙魚全未烹輕
帆隨月上苦思向潮生欲抱成連瑟從君海嶠行

水閣

高林避殘暑孤閣峙遙空橘柚荒山外蒹葭細雨中投
竿拾海月把酒戲江鴻嘉會尋常事今宵更不同

朱宗遠瑟園話別

開秋三五日日日到君家雨氣迷山路荷香接稻花樓
空驚去燕林鴉惜歸鴉且盡杯中物驪歌靜勿譁

七夕舟中夢劉同人蘇武子

愁思因時積秋來倍軼軻美人委霜草往事逐江波挂
樹久無劍招魂空有歌今宵雙入夢泉下意如何

月下訪何大小心小飲期白孟新仲調不至

柴門秋水次兀坐學垂綸皎皎見明月娟娟思美人披
衣聊一往把臂即相親散步池塘畔芳風起白蘋

更尋麋鹿友二仲在河干看月復何去令人少所懼青
帘魚餌美白露葛衣寒市上判沈醉歸仍理釣竿

喜錢季水余潛心夜過小飲

良朋隨月至秉燭剪園蔬斗酒勿爲薄孤情聊不虛苔

荒吟蟋蟀風疾響柝欄三逕無人掃蓬心待爾鋤

秋雨東齊介人

晚秋長寂寞况復雨蕭蕭一水人何遠千峰葉盡凋瓜
陰猶覆屋溪澗不通潮霽色動林杪期君過石橋

聞范質公大司馬免官感賦

浮雲蔽日芳藹半凋殘鳳隱塵將去芝焚蕙自嘆
石齋先生被謫公爭之未獲民猶存直道臣豈受微官仰首辭雙闕

江天接羽翰

香舊多黃土唯公尚巨卿孔林懸碩果周甸起長城握
髮朝廷士鳴鏐夜守營機槍猶未落孤恨抱平生
昔引父兄義旋成物外知冥鴻嘗不近神駿每相期顛
倒劉黃策悲涼庾信詩人情愛工巧吾道廢何疑

金山集

卷四 五言律

三

題鄭滿字節霞閣

古坂開城曲秋暄半為君柳塘掛山雨蘿閣吐溪雲墨
妙兒能悟廚香客亦分我來坐終日鷄犬不曾聞

好靜罕客接貧交有酒徒過橋晴訪顧與治居掃徑夏

雷吳其家暖救親長健擎茶女易呼憑高一望遠

白露滿青蕪

歸里偕鄧簡之吳子遠山行得巢字

天風吹野鶴戢羽向荒郊蓬海無靈族霜林有故巢迷
名安閉戶于耜欲誅茹不服頻來往當年爾汝交

雲日漾晴色提壺出近郊菱荷香短褐橘柚佐行庖白

業聞僧梵茗亭解客嘲故人應好我許借一枝巢

答汪大年京師見懷

雪滿荆軻市雲停孫楚樓相思各千里小別已三秋酒
熟鱸魚美江空烏鵲愁何年羣盜息重返故山丘

泊紫沙洲

朔風阻前路晚泊向孤汀月吐江村白煙消漁火青牀
頭霜氣冷柁尾浪聲停借問舟中客何人寐不醒

夜泊牛渚

江水冬全緩南風晚更微我行懷李白每泊傷祠磯荒
店月初上老翁漁未歸客來爭貰酒燈火亂蘆扉

小飲不成醉繻袍聊復溫開窗玩江月積氣隱天門風
止岸邊樹沙明山下村東船與西舫終夜悄無言

喜吳駿公司成南雅

清秋遊璧沼東望正徘徊片月海邊至三峰天上來鼓

鏡揚聖澤丹漆麗羣材更渡前溪水人人咏有臺

四方嚴斥堠南國靜江波甘露分金掌祥鳳扇玉珂稱
詩毛鄭出作樂雅南多紫燕無奇羽翩翩入尉羅

送魯孺發移家天門

四海遙容膝三山且卜居逃名巾不整流水帶長紆菰
米秋充飯藤花晚覆間垂綸佐甘旨時或有嘉魚

江泉誰共語宿莽恣孤寒閒步向荒路懷人看遠天家
貧多蓄酒客過每停船預識千年後茲山為爾傳

為孫克咸三十初度兼送其移居

我友多才于君兼任俠名拙毫勤賦物聚米喜談兵壯
節忽已至雄圖猶未成佩刀閒掛壁風雨欲悲鳴

故鄉不可住同寓石城偏秋水雙橋月杳雲萬井煙何

當選草舍知爲拾花鈿欲訪丹砂術還尋葛稚川許克

送徐開公歸雲間兼寄李舒章

京國罕儔侶那堪君又歸清商發皎月白雪美靈暉淺流漸下江空樹影微明年芳草綠重與雁南飛

得邢孟貞書却寄

南方學風雅之子得善華上谷無熊館中林有兔置依人長作客取道便還家不及江門語寒泉空落霞

旱潦今年並雖農莫救貧稻梁秋後缺參木病中親稚子兩三歲高堂七十春加餐須努力憂懼恐傷神

中秋

白露滋蘭畹羣香靜者聞天陰蟾兔沒江闊雁鴈分壯

山峯

節節流水幽光隱大雲故園歸未得長愧北山文

九日

拔宅還南國今年已七年黃花清溪水白日冷廚煙貧米知秋儉忘憂覺母賢故人多釋褐閒殺舊青氈

寄懷從子密之

半年書八寄重與訴煩冤主德真難報臣情未敢言春將回黍谷人尚隔桃源時中丞江驛勞歸夢何時聚故園

送蔡湘渚之吳門

欲訪要離墓雖冬願不違曉霜舟出浦曙日水明衣入市魚應賤充庖蛤正肥錫山新酒好多載幾旄歸

除夕

少小同門友行藏各有天杏林紛試馬茅屋靜鳴絃秉燭送窮鬼持衣還酒錢教兒莫貪睡明日是明年

穀日飲從子奕于宅吳子遠亦載酒至辛巳

古巷春雲白居人晝掩門乍喧蟲出樹近夜鳥嘶村客語亂琴響林花香展痕扁舟歸海岸重與合芳尊

天門訪魯孺發不值

春江綠柳蕭芳草閉柴門忽見女衣經始知君鼓盆悼以空有咏謀食向何村寂寞歸江岸停舟無片言

舟次裕溪

士有不得志倏人成遠遊江煙春漠漠溪月晚悠悠羽檄飛金勒商歌托剡緌青真盼鴻鵠豈爲稻梁謀

肥水春望

維舟行斷岸忽聽子規聲春雨猶未降田家何以畔林中村婦出湖上水車鳴百里炊煙絕臨風傷我情

舟次繁昌待孫克成

江行愁寂寞幸與爾爲羣曉霧暗相失秋颺路各分青山西古縣白鳥下寒雲斜日兼陵外瀕歌處處聞

銅陵遇姚若侯

新亭期早發恨爾別情牽挂席因風便停橈在我前窮鄉沽酒薄密坐論文偏月色中天好秋宵不忍眠

江上望九華山

雨氣開青嶂雲端見九峰可憐江上月長掛嶺頭松乞食僧初去焚香路不封山靈如有約他日倘相從

池口晚眺

落日秋江靜何山不可憐青冥度歸鳥平楚起寒煙客
路荒城外僧居古驛邊勞人尋舊館回首十餘年

夜泊阮家埭訪族人某不遇

浮屠臨午見及浦已黃昏夜雨尋宗老年荒不啟門問
隣田犬吠求火樹鳴喧歸路逢微雨愁心對爾煩

從子奕于初度

不信才如汝中年尚輟柯巖松秋始勁籬菊晚應多紫
陌青絲騎黃門白玉珂嘉期終未遠且勿嘆流波

盧妃傳古巷新結草亭孤奕于初度名細雨生池藻涼

雲覆井梧山中龍作友花下鳳將雛此事天人樂浮名
何用沽

秋日還龍真山

樂善正清

出郭見山色我心先爽然寒花媚幽谷霜樹斂晴川石

表丘中墓蟲傷靡昨田畝屏讀書處一別動三年

始信兵猶火樵蘇斷往來麥田多不種茹屋半成灰雨

氣千峰暗泉聲萬壑哀山僧尚無恙驚喜故人回

秋浦喜遇田長康兼懷令兄孫若

六月江城破驚心怕百憂是年舊愁相逢幸無恙痛飲
復何求鄰盜秋仍逼山田晚不收懷人還北望口馬犯

幽州

夜宿孫克咸過劉伯宗齋頭言別

理棹歸南浦依依別故人草堂明燭冷霜水試茶新許
國身猶賤陳詩家不貧年華似流水無處問迷津

喜從子密之京師歸

三十始登第於君年亦遲我生何坎壈此日尚茅茨抱
甕行瓜圃披裘理釣絲牀頭有周易重語歲寒時

送爾雪中去年歸雪又繁一官辭舊省三載戀金門抗

疏明親志投荒荷主恩時三兄江天多瑞藹早晚賦梁

園密之將

送左三山先生巡按浙江

海國神明宰無人似我公棠陰山象外琴響水聲中緩
步歸天仗昌言悅聖衷平明騎馬出誰不避花廳作前

令以召對

四岳分巡行東方屬使君漢廷容傲吏禹穴訪遺文霜
簡先秋烈林鳥靜夜聞中丞餘業在連理益清芬

贈張甥晉如冠

王年

冷山春授易諸彥共登壇獨爾最年少于今始及冠謀

篇多麗藻吐氣若幽蘭清酒三升後高言客并懽

猶記爾先子名成二十餘鳳毛原有種驂耳豈無與報

國完臣節傳家寶父書翔翔天尺五勿似舅樵漁

送三兄仁植先生謫寧波

東海多奇勝山川首會稽遠峰青未了細草綠初齊禹
穴憑誰訪蘭亭許再題莫愁天路遠早晚下金鷄

柔櫓春潮外狂風艇不前江門聊信宿吾道本屯屯

起求方藥途窮乏酒錢荒鷄聞野岸同枕舊青毡

送梅則三授經白岳

白岳雲深處君行此讀書諸生迎祭酒我輩惜離居稠

嶺穿花路輕裝束筍與宛溪春水接慎勿老雙魚

場來春尚早，俛仰送春歸。年齒各已壯，功名何太微。出門江雨歇，揮手岸花飛。明月新秋好，遲君燕子磯。

送高若木游渾

文春山前路，巾車客並遊。若木謂三那堪鴻鵠志，皆爲稻梁謀。潤戶花爭發，橋門水亂流。木樨香未遠，期爾帝城秋。

送蔡大美之金陵

橋以別辭名，元北門外東風柳盡生。如何爲客者，翻送主人行。孤月浪中白，三江草際清。登壇嘗北望，小婦最

關情。大美稱長子

禾塘訪麻孟瑋村居

青郊宜信宿，止故人家爲飯新麥餘香。舊花樓

夫歸渡口林，謂禾塘

麻無易招同，張梅柳塘西。飯熟初炊黍，盤香又割雞。逃

主人貧好客，桑榆柳塘西。飯熟初炊黍，盤香又割雞。逃

名談稼事錄，別想詩題薄。暮柴門立，蛙聲滿夏畦。

詹中如招同，葛元士徐川生。令弟借一飲，

多君貧買宅，修脯百金餘。亭古全依竹，園寬儘種蔬。况

鄰徐穉園爲展，爲洪書更有連枝會。清言亦起予。

梅助三白岳，歸過訪畱宿。

客裏送君去，君歸我未歸。爲傳江上信，重啟竹間扉。嘉

月命蔬酌涼風吹，葛衣石牀聊共枕。莫使素心違。

懷三兄仁植先生浙東未歸
拂衣從遠戍，高枕臥滄溟。東壁兒雖貴，南陵母未寧。島

雲翔屨氣江，雨帶龍腥急。難人何在，低頭愧鵲鴿。

畱別彭燕又

後我一句至，先君十日歸。獨憐潯水駛，相顧囊金微。白雪上青鬢，緇塵改素衣。何如圓泖外，飽食鱖魚肥。

送田孫若憲副之浙東

舊京花月夜，錦瑟醉倡樓。彈指十年別，馳情萬樹秋。山中豺虎窟，天上鳳麟洲。相去何寥廓，凄然感昔道。

祿養能將母，那堪與弟違。寢仍同大被，飯必侍重闈。長庚月江靜月初出，孤香蟹亦肥。餘憑遠眺秋，木亂

漁磯。

聞知釋褐後，勤不異橫經。苦思就風雅，新詩樹典刑。清

雲停水白，遠岫入船青。寂寞江天裏，何人識使星。

新亭延佇久，夜雨渡龍關。載酒一相送，停橈未忍還。路

隨津樹渺，官侶海陽閒。莫問天人策，虛名可汗顏。

送姚若侯計偕

爐里饒英彥，姚生絕等。握椒吾最賞，嗜棗爾何奇。野

雀爭羅網，雲鴻振羽儀。糾匡端有屬，曹許不須疑。先里人

西陵松柏下，送爾去江湘。執手悵前路，離情空夕陽。若侯

送之秋浦，雙魚勞遠訊。六關喜高翔，縱有車徒別。丹鷄

咏不忘。

聖主憂時亂，臨軒訪直臣。徵車多倚馬，獻策少批鱗。此

事足千古，如君復幾人。明堂生氣色，吾道未全貧。

美人爲傲吏，水邊滿金華。陽月恰餘英，省親猶及瓜。春

暉娛綵服秋水泛枯槎預指相逢處孤山樹樹花尊前
今爾歸若使在子
官子亦將送武林

贈白孟新仲調移居

吾道歸淵思皆傳陋巷居古今貧不遠兄弟樂何如白
日難干祿清秋且著書高門容駟馬還有二年餘
舊居元不吉此屋久宜遷輸直亦廉其掃門何肅然畜
鷄供老母盡粥度荒年故友皆貧囊誰能送酒錢

泊燕子磯送客

石燕年年在何年燕始飛潮聲寒入寺雨氣夜侵衣坐
久燈花謝愁多酒力微明朝江口別誰與上巖磯

重過西湖

少年初適越小舍傍西冷門外車如水花前客是星僧
猶居石屋詩尚寫松屏此歲曾生女如今十二齡

錢塘江樓偕何湘來邢懋生飲

昨日西陵燕蘭橈水鏡中不如江閣峻直視海門空候
冷虛潮信臺荒開射工幾時重眺此雪浪捲天風

湖上喜遇黎美周

藝林多蔓草雅道久浮沉誰謂永嘉末猶聞正始音千
山歸匠理片月吐禪心共在天津上靈槎不用尋

關六鈴招同馮千秋何輯亦飲女蘿館

乘燭赴君約相逢狹道間美人即芳草阿閣似深山運
甕家非遠樹爭客倦還問年纔十五花事詎能閒

錢九子招同徐蘭生關六鈴陸應京吳錦雯汪魏

美丁飛濤夜集

年年勞夢想今始上君堂獨立三峰秀羣言九晚香室
雲通海氣沼月動江光況有杯中物誰能廢古狂
彈棋觀聖手默坐亦清嘉弱柳煙中樹殘梅雨後花清
鴻春有序簷鵲昭將譚歸客多惆悵揚舲問水涯

送胡豹生游白門

獻歲欲為客非君無此情寒梅衣上落細草馬頭生京
邑求龍友江沙逐雁程薄遊予亦倦歸櫂及春晴

夜集沈佩慈水閣因偕過吳錦雯

客寺愁蕭寂移琴就爾彈方塘浮古閣微雨助春寒
蟄雷初動動荒鷄夜未闌隣軒有嘉酌不惜盡餘歡

留別吳錦雯

寒食雨如絲西陵客去時麻絲歸意切未及與君辭古
道江雲厚愁心浦月遲青門有垂柳煩爾寄相思

宿句容

茅店將歸客思鄉夢不成候鷄窺樹色飼馬辨人聲微
雨路邊滑殘星天外明江城嚴啟閉仄復未休兵

寄懷邢孟貞

我行嚴子瀨君上謝公樓其跡若相避有書空自修過
江增戰壘蹈海起鄉愁處處兵戈滿何人遂雅遊

令子名黃耳今年幾尺長但培書種大勿恤研田荒壽
母餘仙藥療貧乏禁方年年謀館粲聞此亦心傷

馬倩若陽江書來却寄

驛使傳梅信開槎出嶺雲故人疎不忌廉休遠能分澗
水疑琴響林花似錦雯芳塵俱在眼且勿嘆離羣

宦游東海最况復通端溪紫石真爲寶黃流莫與齊晴

書鴈鴒潤雨酌鷓鴣低忽有江南思新詩手拔題

律身唯祖訓冰譽滿炎荒先朝爲名制史公訟開朝朝冷

民簪樹樹香親天雙鳥舞下食六龍驤仲子吾猶子寒

門亦飲光仲吾猶也

瓦官新卜築茅宇坐蕭條欲訪故人去其如客路遙冬

晴庚嶺月春漲浙江潮此興終難沮窮愁待爾消

蔡晉子攜尊見訪

抱病眠僧閣交游萬事慵何人遺藥裏唯爾破苦封况

載毘陵酒還聞于闐鍾新居燈市裏暇日始過從

楊龍友招同邢孟貞戴敬夫飲

群圖餘修竹枯槎綻早梅含霜君自傲霜酒我何猜噓

起彈龍劍貧栖倚鳳臺倦歸離下路那更向天台

舟次三山

泊泊歲將暮言歸尚未能鄉園翻是客興味果如僧峰

霽晚天雪沙明夜舫燈好風求半日便許到金陵

借陳翼仲入山

一春唯臥病二月始看山尋寺不知遠對僧相與開幽

泉鳴澗戶密竹護杉關羨爾垂竿叟溪頭日往還

金車山訪玉林禪師

林公就義學通敏世無雙舊開古香刹新開大法幢松

門備逐客竹澗許分窗日午齋鐘起塵心此頓降

秋暑轉煩酷湖陰納晚涼路逢毛女降身似藕花香姓

字知狂客余稠借竹房最憐雙玉手微笑解明璫

眠枕不成寐中宵坐夜分水光穿牖白人語隔橋聞解

渴思山雨登樓望海雲曉天呼一葉同上鄂王墳

石曰湖訪邢孟貞

貧交將一紀今始到君家飯養新春穀泉烹自焙茶

隣求板屋安隱寄漁查况有田堪典雙驅黃犢車

喜潘鱗長至自楚

爾去沅湘路江東信杳然三星望秋漢一雁下霜天兵

火身無恙饑寒骨愈堅牀頭唯宋史獨斷已成編

狂瀾翻大陸萬壑莽生哀濟世惟舟楫嗟君尚草莽

名霜後葉信史切餘灰欲紀先朝事臨風一擲成

壽姊氏姚夫人六十

開以清芬著嘉名先子題詩有清芬開集松筠元有節

霜雪詎能迷自撰良人誥無慙柳下妻哦哦千歲碣預

表魯磬西詩年十九字志謚其夫曰夏隱

結髮施繁悅幾期失所天一兒芳草露萬事古林煙簪

笏大家貴河山嫂氏賢姊夫二弟皆成進空房周甲子

青髻已幡然

宦游隨介弟賦亦擬東征曠覽山川秀高秋金石聲憂

時過漆室諫草似緹縈詩史分邪正班姑無此情

獻歲獲龍奏三貞共一堂君恩方浩蕩國事已倉皇設

酌爲男子捐軀必慨慷疾風搖落後彌見菊花黃

見自一門三節疏奉旨
下詳展以昭孝愛中止

偕朱長孺登鳳臺兼懷吳日生

三歲依隣寺開房秋讓君鐘聲猶未遠樹色許平分攜
手步霜月憑肩看沼雲荒臺無鳳鳥惆悵數鴉羣

夢想東湖勝兼葭秋水多雙魚頻有字三運不曾過野
性風騷合晴冬草木和幾年纔到此判醉北山阿

吳日生見訪瓦官有贈

孤生無嗜好微好在聲詩咏爾東湖什興予北面思前
年道尺素此日惠前綬古詩良人懷古莫道論文晚悠

悠皓首期

湖上有良匹高吟世所宗史名真老驥超漢亦雕龍並
探靈威洞先聽長樂鐘朱生才不忝揚轡躡芳蹤史勇

金山集

以文朱長孺皆吳
江人日生好友也

埋照瓦官閣登臨只古臺可憐梧竹冷重觀鳳凰來付
供有粗飯家貧無舊醕鄰翁除已許餘到即銜杯

冠蓋京華滿何人問薛蘿交游半雲雨文字總鳳波開
戶知音少哀時隕涕多客居如寂寞十日九相過

宛陵哭梅朗三兼示令弟季升

自天亡我友不忍過雙橋臨浦腹先痛看山骨已銷况
登秋水閣唐詩三讀似聽海門潮魂魄應棲此何人賦大

招

層樓吟眺處愛弟必相依夢裏池塘在琴邊鴻雁非朝
廷多密網間巷亦危機莫不變名姓吳門歌采薇梅福

吳門

孤子五齡半丰標迥出塵瑤華霜便殺琪樹種還新所
慮饑寒苦其惟叔父仁懸鵲舊僮僕相見輒悲辛

昔曾憂黨錮今果見誅鋤身後名猶忌碑中字不除冉

顏寧有此蹈跡復何如天道真難問歸來且著書

黃池訪梅約司張共之

響山居自好君尚徙黃池約司張况乃風塵際兼之難

亂時一塵謀水國三匝借隣枝夜雨聞龍鬬前湖想路

斯風路斯今宜城化為龍

東鄭元白元白讀書別處臺

孝侯千古士遺跡在山坳帝里名猶烈芳林爾作巢稱

詩求六義玩易夢三爻黑水春溪漲何人再斬蛟

寒食道中乙酉

金山集

柴車春出郭路遙蔣山西雲樹瞻新闕梅花憶故溪道中

村畔喧社鼓盤女踏香泥笑指前坡客夢勞逐

馬蹄

清明道中

令節多惆悵茲辰倍可憐家家門插柳樹樹紙為錢落
子輕千里荒丘別二年歲時誰拜掃回首一潸然

贈郭沂公

一廬雖在市采藥萬山行道似韓康貴詩如謝眺清公

姓名丁詩食貧常好客沈醉亦尊生莫怪鄰家女無端說

姓名

贈萬年少年少彭城人家于吳門

淮西戈未息居卜五湖東挾瑟吳娃嬌臨書魏傅工少年

正勞霜水思相遇酒旗風痛飲殘花下春衣片

河橋歸槳動欲別又淹留汀鷺衝煙直林鶯坐雨愁簫聲稀古市劍影冷高丘我到求吳女煩君爲裴修

甘露寺訪范小范

雅游窮勝槩小寄亦名山春樹島千里夜牀僧一關古樓傳米市新什和王灣王灣早春詩即此郭外經過少吾徒日往還

戴公園社集歸借潘江如夜話

花下就名飲宵歸侍所借出林穿廢圃看月到荒齋細雨且深坐危時多感懷生涯何太拙日與世情乖

徐徵仲博士招集戴公園并送其金永定

新羅宜避亂況乃專城居地僻民如鹿官清水見魚夢歸猶帶甲刑措止繕書何不永遺愛棠陰遂結廬

三月晦日送春江上并送史弱翁萬年少歸吳門中宵聽子規春去客心悲看曆無三十今朝是盡期出門尋我友散屨到江湄容髮總憔悴東風任意吹

芳菲九十日一日不曾懽懽酒腸猶結看花淚亦彈終年行道路何術免饑寒懷抱真愁絕吟詩強自寬

喜宋玉叔吳錦雯來京口

悔作江東客西歸又未能沐猴看傲吏外使雲鳥憶良朋二妙一時至千峰四月登明朝整游策先訪鶴林僧

哭何朝亦

可怪殘春候連宵夢見君只疑書信到豈料死生分地

下無秋水人間空暮雲西陵腸斷處山鬼嘯孤墳昨夏湖南寺攜尊送我歸月隨杯在手露似淚沾衣此別情何慘君亡覺有機前身應是鶴重向海東飛

梅墩雜咏

戰伐滿天地何方可避兵一枝唯大澤萬水即長城有舍容羈旅無人曉姓名政言身似鶴未及一毛輕震澤多良友招尋日不虛衣冠仍漢代鷄犬是秦餘對酒增新感看雲憶舊聞家人三十口間道少來書

澄湖清見底荇藻各悠閒鑑此空明水嗟予憔悴顏舊京雙鳳闕荒塚二龍山先府君夜夜歸吾夢天涯何日還

傾性鄙章句偏於漁釣親三旬一把卷十日九垂綸無

熟呼見摘茶香共客斟連牀聊信宿四海幾同心

七夕

天上佳期有人問好會無思歸腸九結望遠眼雙枯新月如舟小微雲似客孤哀情訴河漢牛女亦悲吁

贈施玉謀博士

卜居予最僻君亦到荒村左右有茅屋往來同竹門秋

花延廢圃波月引清尊賴此破愁寂都忘非故園

薄宦一朝去休錢能幾何身微家累重病起旅愁多遠

望驚烽火高飛謝網羅采薇知有未竟負首陽阿

贈錢馭少

梅墩謀共隱村小恨無盧誰料汾湖曲仍成比屋居風塵催戰鼓郡邑走降書愁殺蕭蕭人前不敢梳

伯子知幾早逃名震澤西孤帆秋欲往萬馬路長迷有
髮應全祝爲僧何寺棲盤渦浴鷗鷺羨爾羽毛齊

毘陵舍楊逢玉送米

霜風吹破寺流落借僧居盡山樽常滿宵歸盜每虞感
君多古義愛客損山儲不及首陽十糠粃亦愧子

舟次贈從子子畱

我祖昔沈家風八代傳先師中公稱餘生寧毀節至
性且迷禪林勸人爭喜章縫爾自憐同心有癡叔期不

愧前賢

細草春江岸停舟見汝過抱頭先痛哭開懷有狂歌年
少饑寒迫時危憂患多故山借隱好定卜小龍阿

贈張環生明府

舊山集

卷之五

五

有客滄江臥懷歸歸未能鳴榔辭震澤卜舍就毘陵慈
母天堪倚仁風樂可憑一廳樓水曲門巷掛魚簪

趙止安招同馬侍若周穎侯小集

委巷通場圃高人此隱居宦歸船載鶴家食釜生魚佛
閣病長臥親喪滿不除鄰軒何足寄特喜傷君廬

荆溪道中偕周穎侯

爾郡無丘壑幽奇具在茲良人舟可附逸興暑休辭湖
上數諸勝客中游幾時到城先展謁賢祖孝侯祠明孝侯宜

與人有約在

重過潤州上方寺

出郭尋香刹林僧乃舊交竹房容借榻蔬食不驚庖田
野客稀到衣冠暑盡拋東偏餘隙地吾意欲誅茆

祝髮已爲僧披緇愧未能親恩那可斷家累實堪憎浪
跡隨方住虛名戒友稱何時脫塵網長伴佛前燈

白門晤邢孟貞顧與治

孤生兄弟鮮二仲卽天親白首崇明德青山偕隱淪懷
中三歲字化下再生身東海求知已寥寥復幾人

世事付流水客踪隨所浮懷人還舊國舉酒屬新秋勸
業凋明鏡行藏愧白鷗非君念羈旅誰與問窮愁

訪林青仲兄弟暨從子子唯

早春江上別猶是舊皇都彈指市朝變歸人淚眼枯側
身望天地流血滿江湖何意荒臺畔還存竹與梧

易世一相見悲涼無限情秋林仍月色暮角似邊聲丘
壑本羸性漁樵豈爲名祗應隨蔓草霜雪了吾生

舊山集

卷之五

五

宿陳翼仲齋頭

石城尋舊侶落落日晨星行道畏人識藏詩誦爾聽山
醪乘夜醉階草望秋零不是繁霜後誰知竹栢青

舍呂霖生吏部

南澗聞芳草忽聞鷓鴣鳴過時既不採晚節復何成漫
說楚三戶聊爲魯兩生薄材甘自棄空負贈刀情呂勤

與故

鳳臺秋夜

一雨退殘暑竹房秋氣多陰蟲鳴露草暈月隱庭柯范
叔寒如此莊生夢若何無衣愁卒歲江上整漁蓑

潤州早發

纔停京口櫂又挂武林帆白露水千里青箱書一函吳

江空范蠡漢臘老陳咸子意懷農隱深秋返舊品

寄懷吳錦雲

別離曾幾日舉目異山河東海魯連少南朝江總多人情都可見君意欲如何秋水鹽橋路相尋話薛蘿

中秋日抵武陵

十載中秋節曾無一在家客行如水鳥飲啄趁晴沙望斷月中桂愁生鏡裏華歸期諒不遠婦子莫興嗟

舟過蕪湖寄懷沈崑銅

君嬰鈞黨福拔宅去章江善類悉亡命宵人果喪邦馬阮所忌避難入楚歸舟愁朔氣剪燭憶西窗魂斷三

秋水曾無尺鯉雙

客路經江縣蕭蕭風雨多故人家不遠停櫂擬相過四

海倏披髮中原誰枕戈傷時淚承睫見爾定滄沱

荻港遇戴式其

城居雖比屋同載更相親細語窮通理交憐憂患身天低鴻有字江頭樹如人野泊依漁榜蒼茫少四隣

大龍山重訪劉未沫丈兼懷白靖議師

風雪湖東路來過及早春一杯鷄黍約四座鹿門人芳草修云暮高山失所親籬英雖共把髮睇轉傷神

昔似商城老幽棲在石塘秋林餘碩果春酒湛空觴溪冷琴聲響孤劍影荒行人復聞笛疑是舊山陽

宿義津橋不及訪姚休那先生寄此

山橋冬過馬延佇想高人溪徑隔將息僕夫擔在身陟

岡投野店攤草困征塵只尺南村路依依有夢親不染腥羶俗超然海鶴姿心形雖爾汝學道乃吾師僕遠歸客匆匆年盡時早春仍過此期一醉東籬

東周穎侯相約同往錢塘

客路武林西煙塵望轉迷逢君知問道結伴走蒼溪將雨夏雲變觀人湖鳥低扁舟共來往應不負招攜聞說雙峰下曾牽五色絲待年今已長卜吉豈云遲香閣盼歸櫂啼聲撥夢思蘭陵趣駕者判醉合歡時

金山集卷之五

皖桐方 文爾止著

黃州王澤弘吳廬定

壻繡水王 槩安節較

五言律

訪吳錦雯不遇留此

東游悲失路尋舊悉凋殘
前復向隣郡人誰懷古歡
板扉深巷掩窗雨暮大寒
人一授童女歸時技淚看
自昔就風雅新詩問更多
譏彈唯我最離索奈君何
歸賣南徐卜閒披北固策
相思如問訊羣從許來過

潤州訪王望如廣文

昭質和八書徵官應登繙青
理處共冷痛飲籍爲師暑
不罷經席吟多立泮池琅
珎須示我風雅事粗知

欲買蕪陰權因君且未還
謀生何處好細語輒相關
北固江流穩南廳野艇閒
倘能爲地主載酒上焦山

甘露寺訪潘江如

君歸白海昌不忍渡錢塘
吳榜變僧服口兵占祖堂
入山知意苦多病爲神傷
珍此未虧質他時還有望

片石傳三國英雄此論兵
江山雷霸業我輩愧虛名
每到舊游處無端新恨生
況聞漢昭烈懷古倍傷情

北固山有
張石甫別名應孫仲

譚友夏集中有六賣詩予素愛之今客潤州亦有

四賣雖所賣不同其詩情一也

賣犀杯 杯似犀角而有毒其上也

十杯先賣九甌一族相隨本欲長斟酌何圖又別離宵

燈蟲似泣秋雨葉知悲割愛非吾忍村醪合用甌

賣蜜珀墜

小婦有佳玩爲子扇底懸出門猶好語作客勿輕捐
江國阻歸權震炊乏米錢授人非得已臨別意凄然

賣水晶章

毘陵春作客惠我乃門人方鈕作亭古寒光似水真
欲鐫無妙手在匣有輕塵善價歸文士知爲衆所珍

賣碧玉環

班駁質疑漢環中製必唐投雙自薛子分一贈倪郎
每用飾巾幘亡何易酒漿有錢仍可贖藏物豈知藏

贈祖心師

預知今日事創髮八年前
死似羅羅相何妨文字難
浮江路永衲挂帝城偏願
二樓居好蹉跎歲幾遷

底事欲歸去翻成無妄災
與吟寧懼死口婦解憐才
自昔書皆廢從今口莫開
人間刑與辱師視等浮埃

七夕牛渚

開平騰躍處每過必停舟
況值此佳節悵然生旅愁
古今亡國恨日夜大江流
不見機槍落何心問女牛

重過東壩訪湯仲昭兄弟時仍三白下未歸

吾友樓居接春來幾夜眠
共傾盈甌酒復贈買舟錢
歸權重過此離情倍黯然
秋鴻飛不定翹首暮雲天

石臼訪韓元長

漢有韓元長高風在潁川
古今人不遠姓字亦同然
芳渚結漁屋柴門臨水田
十年勞夢想今始到湖邊

邢翁吾至友往往誦君詩芬烈椒蘭氣蒼寒栢松懷
人秋雨夜驅馬夕陽時遙見良書閣高深微在茲
春湖名石曰風景似花源久欲從茲隱無如家累繁
冠見君子耕稼長見孫信有潛龍德滄桑誰復論
有甥賢似舅才藻更非常珠樹秋先折璫琴我獨傷
道書猶在匣至寶豈終藏金石千年事幽靈仰渭陽
子欲元長行行之

寄懷邢孟貞

欲訪故人宅知君猶未歸秋原行處好村火望中微舞
勺兒初長登塲穀正肥設令予有此必不轉蓬飛

秋夜懷湯仍三

寺從鐘後寂月向樹梢明此際思君意無人知我
金口集 卷五十五言律

雲陽羨路秋雨瓦官行每記當時別低回不舍情

初度

幼小悔能文精華衆體分行年將不惑學道尚無聞况
遠襲龍治終歸鹿豕羣餘生甘守拙筆研總堪焚
江海客程遠田園生事微春初每一出歲暮始言歸四
壁依人立片帆爭鳥飛何時脫塵網躬稼老林扉

初晴

久雨初晴候人情分外歡階除宜急掃泥濘未全乾芒
屨晒幾緇布衣堆一竿北山青在望此去路非難

潛山道中

早春行不果此日冒炎蒸策蹇愁荒道聞鷄戒風興薄
雲山雨過密葉露華凝百里人煙少疏盤就野僧

望天柱山

漢武東巡狩乘輿到此迴孤峰當衝嶽萬古憶雄才竹
箭地中立芙蓉天上開何時近山麓行路獨徘徊

太湖贈李潑林明府

城荒聞亦久不謂遂如斯古巷全封棘官齋半覆茨澤
鴻聲未定邊馬檄交馳出宰非人傑誰能耐此時
之子金閨彥飛騰正妙年因思習民社不敢擇林泉時
論或嗟若高懷殊晏然琴堂無一事終日枕書眠

寄懷子建李明府署中

世亂強爲客家貧長傍人鷄雛稱外傳明府公子馬隊
作比降館與盡理靜能悟詩情老更新時應與仙吏披
路見天真

金口集

卷五十五言律

四

聞說英山道羣峰萬仞高攀躋吾不免炎赫亦何勞躬
稼實無策浮萍隨所遭秋風偏憶汝搖落楚江皋

贈戴其懷

芭蕉山色秀戴其懷雲氣接司空結宇兵戈後潛身草
木中枯基尋野老高咏激松風他日圖相訪花源路不
窮

金井瑤宿沈瞻球宅

出郭二十里溪山已百重浮圖青嶺見小市白雲封知
近幽人屋頗要過客蹤鷄蔬分母饌亦不愧茅容
山城經亂久此日未休兵百戰家猶在三遷母不驚春
畔田自稔夜酌月微明預訪前坡路崎嶇笑雨生子與弟
入楚

寶筏禪堂贈大愚越塵二上人

山城問稿師孺子悉能知家是去年出寺從前代施古
林兵盡剪淨業爾猶持汨汨風塵客今宵借一枝
稿師何處去托鉢向岐亭露電親身世雲山路性靈以
公爲弟子其類必芬馨明日攜子往松關想不扁

喜劉藏夫

不覺幾年別兼葭遂入霜別時吾有詠今日爾猶藏亦
作佳山水長懸舊草堂音容俱在眼相思豈能忘
驅車入楚界高士訪梅劉破納惟行脚空山仍避讎間
關求一見俛仰共生愁心事渾難語西風淚暗流

劉藏夫山中送酒米至却寄

君本采薇士兼之憂患身稻梁難自給擔石乃貽人水

山食

卷五五言律

五

確聲聲雪山飄點點春泥香吾不取遲爾共沾屑

兩夜宿徐子九明府署中

荒城如古塞冷署若秋山對雨暫留客衙杯小破顏吏
人催又去戰守那能閒夜夜空樓立方知爲令艱

立秋

今宵且勿睡端坐聽秋聲雨久無三伏燈殘欲四更高
林何葉落薄砌幾蛩鳴撫枕多愁思詩成夢不成

促織有二種一形小色黔音細藏草石間卽蟋蟀

也一形大色青音急立瓜蔓上俗謂紡績娘亦
其類也秋宵客館二蟲爭鳴感而有作

體殊聲亦異幽怨感人同石砌蒼苔下藤花白露中倚
闌人不寐頻首聽無窮始覺風騷者沾沾咏此蟲

富池口

漠漠楚江遠淒淒秋日斜維舟爭舊港迎客喜神鴉無
市不殘破見人多嘆嗟棕櫚餘古木小坐啜僧茶

東流

此遊何孟浪行李竟蕭然自負囊中物新詩百二篇市
荒猶有酒魚賤亦無錢不及垂竿者微醺立水邊

歸舍舉子

萬事不如意廿年纔一雉楚江秋轉櫂越女早懸孤世
變爭相乳吾衰恥曼胡錫名曰易稱相願老田夫

夜坐

兒女啼聲寂孤燈坐夜分攤書來靜理炙酒取微醺食
力先霜薄妻慈似葉紛饑寒多許語塞耳不教聞

山食

卷五五言律

五

未至楊樹灣十里而暮

馬知投店晚雖憊撤霜歸山路晴偏滑人家近轉迷風
聲吹燒急雪意壓雲低村小猶聞犬柴門閉已齊

白下喜遇何寤明

亂後不相見逢人問所思過江遊甚好贖妓事何奇風
雪八程路香奩廿首詩同船終不苟方信是男兒

州有士人妻前身為妓常明諷于官猶金瓶

茅堂九子下同氣有劉生憂亂阻良晤寄書含遠情詩

管要客和交不似人輕江縣兵猶滿何時遂偶耕

與劉伯宗往來書及同人和韻

廣陵贈姚仙期

乾坤初翦髮我亦作頭陀恨未拋妻子憂嘗在網羅山

川君獨秀飄笠矢靡它乞食仍遊市將無達者河

韓聖秋招同紀伯紫杜于皇丁蘭生集烏龍潭

力疾赴君約應知此會難相逢皆至友不飲亦成懽瓶
供梅千藥窗移竹數竿衆芳搖落盡獨耐雪霜寒

元宵同邢氏諸子觀燈月下

漫說湖村小春遊亦有情星燈原上聚社鼓月中鳴女
伴等簪立田夫逐隊行那能不隨俗閒眺至三更

田家

出郊聊散步芳草晚晴川有客提春酒相要坐水邊林
陰何沃若雨氣忽蒼然咫尺迷歸路田家且醉眠
草堂何所有農器滿其中酒出新締白燈懸破壁紅
寶疑輝子掃榻累衰翁最是檐間雨涓涓聽不窮

湯仍三宅郎事

野寺口將沒香臺月又新歸鴉巢熟樹守犬吠生人客
訪如來理僧談過去因亂螢飛草際誰解是前身

浴罷坐林中開襟受夕風張燈驚宿鳥滅燭救飛蟲野
哭聞隣婦方言報小童夜深微雨過點點在梧桐

一帶溪流瀾千章巨木多引雛鵝試水交尾鴨沈波小
艇裝新麥低田時早禾晚涼行樹下時聽牧童歌

家人至蕪陰傳兒子嘔血之症催歸江上

荒城居不可此日况多兵游子懶歸去江鄉寄此生忽
聞兒病驚頓使客心驚縱欲拋家累能無父子情

兒年十有六癖好在文辭求仕亦何急噫心猶未知家
貧常困苦性福只憂思以此成勞瘁高人笑汝癡

五獲黃者貴不病亦須求况汝生來弱非茲誰可瘳有
人來上黨其價比南鐸敢謂予裝薄匆匆買入舟

偕稿木師至沈崑銅莊四首

芳村臨古渡聞爾此逃名朝夕欲相訪湖山笑獨行高
人今結侶小艇况來迎並坐寒潮穩西風一葉輕
幽溪生暝色帶月到君廬夜閣燭先秉秋田酒自儲隔
籬童女唱滿壁故人書四海皆兵甲孤村獨晏如

世態爭榮祿吾徒甘寂寥入山尋舊友投淚說先朝累
日應須宿浮雲任所飄何時脫塵網長飭爾漁樵

君懷經世畧意豈在漁樵道大防時忌名高避客稱閑
雖藏衆媿吟實伴孤燈莫漫愁長夜東方日漸升

呈費浪大師四首

江城遊不樂獨喜見吾師古剎霜寒夜幽窗梵語時羣
書人所誦密意有誰知却怪憧憧者機鋒敏與磁
漫言原道論作者定匡廬萬象皆同幻孤根必有初明
旦昭大易洪範蔽尚書不是蒙茲難高踪恐闕如

謝山棲未穩飛錫去江灘怪石虎猶踞荒陵龍不蟠陰
霍時且晦化雨事原難自有開宗日天人合靜觀

王生謗絕爽吾亦謂高吟信是千秋賦帥惟一語歲屋
梁終障礙天宇任侵尋義學伴山海涓埃盼自今

同客自於其美爲國手于以詩
當之而後歸若歸去其說甚妙

送紀伯紫歸舊京

寺客皆行矣惟存爾及子酒杯堪總戀江路且躊躇爾
復隨師去吾何能久居西風吹短褐愁絕挂帆初

日夕杖人側居然是兩僧有吟先獻草無語不終燈開
別忽如失訊歸難以應年年空托鉢深覺愧師承

初度日宋玉叔計部載酒見訪因借蕭尺木羅天
成登范羅山限春光二字

甲子渾忘却君猶記我辰軒車來旅舍壺榼徙江濱去
日忙如水衰年愁殺人那能同草木枯絕又逢春

古阜宜登勝臨江盡一望微雲分片白弱柳弄絲黃野
酌邀山友高吟遜省郎無才甘自棄不敢恨年光

吳震生舉子

美璋無不喜况爾是中年酒介雙親壽湯藥聚友錢小
宗分季子古學在臨川預數成名日高堂髮尚玄

送王門從軍大梁

君豈堯鑒士將無深意存驅車臨廣武立馬問巨門赤

板威原假青袍道自許平生懷亢烈勿忘主人
恩

喜左又錚見訪即送其歸里

學易元同舍研幾爾獨能至今持苦節不敢負師承兩

雪家人餒衣冠達者憎時危明且晦未可太孤棲
獻歲吳門去歸來春已殘懷人等卜肆附艇泊江干四

海同心少三年會面難亡何臨水別握手淚汎潮

明江訪胡允右有贈

吾愛此江名煙簑甚有情故人能卜宅好客喜班荆出
網罟爭薦封缸蟻待傾爲歡須信宿相對到殘更

劉遠公三十初度

君才不早達三十亦蹉跎先德傳青史
寄白波劉有江上春江魚候美家塾鶴聲和自有千秋
業浮榮何足多

送王白虹歸餘杭兼寄嚴子餐兄弟

大滌山中路盤紆可避秦且尋猿鶴伴莫逐馬牛塵寄
語問印友觀書懷古民披裘與賣卜俱是姓嚴人

雨夜宿宋玉叔署齋分韻明日將之宛陵

江潤雨冥冥孤查傍驛亭旅愁難自遣檐響且同聽樹
老先秋白燈寒入夜青非君念曉昔誰與慰飄零

官輕如社燕南北任孤飛曉千復何似窮途那得歸稻
梁謀不免鴻鵠志多違只恐君行後無人知我儀

天逸閣懷亡友朗三用蔡四韻

哦閣居然在幽園尚未荒斯人既已沒春草爲誰芳味
網先愁結烏曉引恨長晚來風送雨六月助悲涼

古劍

秦人攜古劍云自華陰來不試模糊血空生繡澹苔星

河秋氣迴風雨夜吟哀何日逢明主遯塵爲爾開

二首

孤村南畝外九載始重過世亂艱難黍門荒空雀羅埋

名同腐草托意在高柯竹柏天然翠冰霜奈爾何

仲子白驢瘦溪行迎所思果隨明月到欲上響山遜出
酒當秋漢開襟受晚颺幾年無此會痛飲復何辭

飲梅周文秋莊

每憶君攜酒酣歌疊嶂樓同人三下世孟郊三落葉
九經秋事與浮雲變心隨明月流響山雖自若無復舊時遊

山中一夜雨秋氣已蒼然古栢陰當戶香杭穫在田客
來逢徑少吾愛竹林偏有酒頻斟酌何論望與賢

鏡中初見白髮

今日窺明鏡蕭蕭鬢有絲休言人未老鬢覺爾生遲蒲
質淵原易梅英白更奇不知潘省騎三十二何悲

太湖山中訪馬瓶生兄弟

環山築壑壘云是古青城羣盜戒無犯君家賢有名冬
晴來遠客夜雨搗香杭細酌淋頭酒何人肯不醒

若翁頭未白有子丈夫三研鑿交相勗詩書還共探西
山增季塾北面啟子漸倘遂橫經約良朋快盍簪

送陳仲育博士之山陽任

時危官不易獨有廣文間况與家園近休嗟鬢髮班過
江借令子邊海閱奇山回首司空嶺依依魂夢間

初降中車日荒城盡草萊誅茅成小築伐木聚羣材此
地青楓刺吾徒絳帳開中庭蕉與橘一一記君裁

早春別蕪陰諸子

辛卯

卜居剛一載煙樾又西還良友雪中別離情江上山千
戈猶未定書劍那能閒恰似浣花叟飄零梓閬間

春日齋居雜咏

驅策來山邑人師愧不能推賢承茂宰問字悉良朋近

水借衡宇遠村遺斗升因緣隨處有踪跡類孤僧

諸生富才藻下問復謙冲學道能經國論文本在躬嘗

思革除際並話亂離中往往皆流涕猶疑河間翁宋臣

翁入元不仕後魏河間與諸生

寄跡無生產詩書是力田室雖花縣裏人似杏壇邊樹
影催春課雷聲起晝眠隣翁強解事又笑腹便便

盤壁開南隔西齋迢夕陽更添簷數尺欲取夏徵涼與

濕菌生戶椽低茅覆牀自堪容偃仰何用慕高堂

窮巷罕人跡柴扉書不扃微雲生遠岫驟雨集空庭山

色鏡中見溪聲枕上聽鬢毛黃且短羞殺柳條青

上巳同徐掌人先生藏其懷馬嘉甫呂性之東溪

散步

海濱道中

一春長閉戶今日出郊初花事雖然少芳辰不可虛美

人沙上浣高士竹間漁只恐愁心劇難將水板除

贈李德純丈

高人形似鶴恰喜鬢如霜不賣壺中藥惟傳肘後方結

茅柄委巷種玉吐奇香自有天倫樂浮榮何所望

苦熱

晝永宜高臥炎威臥不寧汲泉尋舊井散屣待初冥將

雨蟻行路似雷蛟聚庭南窗風乍起今上夜勿愁醒

夜坐

袒跽坐庭中寥寥天宇空疎星明沼水暗露濕花叢漸

老世情清愈貧詩律工吟聲何太苦不異草根蟲

立秋後一日雨

古雲生大壑殷殷有輕雷火到三庚伏秋隨一雨來高
林園秀色荒徑洗浮埃休夏惟禁酒從茲可漸開

七夕雨將訪阮睿卿山居不果

稻田方喜雨只是阻尋山期爾中林待疑千出郭還不
知牛女會長在水雲間明日褰裳往何妨涉險艱

野菊花

陶公籬下物豈是有心栽野菊天然秀寒花秋自開
香全勝橘幽韻欲爭梅可嘆無知者霜根混草萊

喜八弟爾孚見訪即送其楚游

客子似霜葉飄零隨朔風幾年千里外今夜一尊同
山冷雪將下更殘話未終離情差可慰馬首又匆匆

第六

此詩云事矣草舍寒日見心傷愛到斯
時更覺其苦矣

無酒

生來倚院性麴衷助大機在客罕遺林無錢頗典衣
沈冥心自苦蕩滌意多違獨有良朋約時時略酬歸

無米

山田荒落久筆硯代耕鉏豈有肥甘慕先無磨石儲
晚霜春細麥夜雪剪寒蔬我自貧而樂家人未讀書

無油

坐不惜膏火愁隨更漏長殘冬瓶忽罄累夜室無光
粥罷眠須早茶多寐又妨起來看月色形影獨淒涼

無鹽

鹽貴亦何甚數銖須百錢祇應甘澹泊無以制腥膻

此葉北大配補

見空中雪世說數雪空中虛疑井上煙杜詩遠煙老梅食
結子調鼎在何年

無炭

此物江鄉貴山中亦易求空囊何所恃一簣不曾收幸
有負喧樂應無執熱羞冬晴猶自可風雪令人愁

無薪

豎子元供爨秋來病欲盲依人斬蒿艾無處拾柴荆
釜粒炊難熟哇蔬噉每生連朝煙火斷便覺羽毛輕

采菁王辰

早春無所事攜女上山城到處逢沙菁收來作粗羹
味甘歲稔方古癖人盲夏月還須采林居可護生

此詩云事矣草舍寒日見心傷愛到斯
時更覺其苦矣

燕陰送錢既白遊太湖

我方來爾邑爾復去吾鄉交錯如鴻燕拚飛為稻梁
湖村求食易山開卜隣芳歸日恐猶待家書取數行

寒食江亭

客裏春將暮沙邊路獨尋休看人上塚空羨鳥歸林
木葉隨愁長江流與恨深紛紛舟楫者誰抱濟川心

清明日飲賣計部署中觀劇有感

宋玉為郎日官齊任往還別來頻節序旅泊又江關
楊柳弄春色風塵損客顏使君猶風昔高義許重攀

久不見袍笏優伶尚漢官酒多情易感曲罷漏將殘
令節驚相問中心黯自酸一生開口笑祇是傷人歡

三月二日林玉樹招問余誕北先生俞宮中陳伯

璣曹梁父夜集坐有二妓皆吳女也

士女江東俗先期即秉蘭花前作吳語船際有春山四
坐頻更燭層城欲上關雙雙飲紅袖問客恐須還

張與瞻招飲未赴寄此

東皋新柳色頻約我來看江雨雖然寒泥塗尚未乾出
城恐著履待月想憑闌應訝愆期者芳林飲不惟

重至姑蘇訪王希文

吾昔來江片分計餉我親參差未一晤離索遂三春信
自遊人得家因好客貧山中相念久聞此愈含辛

園林風雨夜驚喜故人來握手詩先出張燈變即開乾
坤方戰伐觸味且徘徊相莫漫求榮祿蟬安在哉

月下同張兆蘇王崑生飲希文園

金山集

卷五

七

有客攜壺植言過我寓樓却嫌茅宇隘仍借竹林幽月
皎夜如晝庭陰夏亦秋旅懷多不惺權作醉鄉遊

蕪江曉發

歸心亦已久苦熱入舟難直待秋颺起應知暑氣殘輕
裝辭旅舍小艇過江灘豈謂南薰阻橫鳥又屈盤

江月

漁舟停葦岸蟾影透蓬窗歸客不能寐愁城詎肯降開
襟臨曠野鼓柁詠澄江四睇俱煙靄宵鐘何處撞

泊池口弔吳次尾劉伯宗

江城蕭寂甚每過必含辛中有兩亡友俱爲千古人死
能標大節隱亦絕纖塵後起者誰子池陽空復春

彭澤懷古

古人無忌諱同郡卽爲官江路纔百里山城僅一九折
腰非所願解組亦何難最是東籬菊冰霜耐苦寒

廬山訪無可道人

即從子密之

白爾去東海神州遂陸沉詩書種漫滅廉恥道浸淫獨
秉雪霜操能堅枰栢心誰言好奇服但不愧朝簪

聞說蒼梧陷孤臣被紮維血甘塗斧鎖信反格蠻尸妻
子散仍聚雲山歸轉羈三秋纔解脫一葉下彭蠡

我夢匡廬好馳情二十年經過曾有詠登眺却無緣聞
爾歸棧此令人興勃然輕舸來遠渚曷敢憚霜天

束髮同師友心期在匪躬跡雖分顯晦道不限窮通遇
變方徵學逃禪豈慕空明朝尋栗里相與醉陶公

山行八詠

金山集

卷五

七

簡寂觀

簡寂聞名久歸宗特地來雲迷禮斗石草沒煉丹臺道
院無遊者仙風誰繼哉門前松樹古猶是晉人栽

玉簫泉

古寺雖云麗微嫌宦者風我越山澗外人語水煙中絕
壁分青霞飛泉宛白虹老僧差不俗結構在巖東

杏林

吾亦知醫術平生慕董君藥非同市價杏以當枏松山
下虎收殺溪邊龍出雲芳林伐已久到此仰餘芬

栗里

南村居不遠頻上輔山遊栗里是中道藍輿此暫休當
時成雅聚今日等浮漚豈獨無陶令王弘何處求

東古山

此峰巖嶽外乃在落星灣郡志名東古村人號比山行
船勞指顧過客罕躋攀若到開先寺居然几席間

落星石

層巒游已遍歸路及沙汀望見湖中石知為天上星僧
房元茂密佛閣近獨零欲語專城者重來構一亭

紫陽堤

文公知郡日教養亦多方更念風帆險先營石壘防榜
人紛不息惠澤禾難忘異代唯田守高名並紫陽

天寧寺

山刹疑千百城中此寺孤客來聊假寓兵過即荒蕪游
覽興偏勃竊棲歲忽徂匡廬收拾盡不敢恨窮途

金口集

卷五十五言律

七

立春日郊行

客裏才除歲愁逢又立春人情誰念舊時序屢從新
綬步出山郭微風動水濱老農冠帶古一一是遺民

清明日泊吳城

孤洲臨大澤底事口吳城水國千橋聚人家百竹盈
齋儒憂所適佳節惡其名欲析河橋柳春風處處生

旅况

旅况何蕭瑟三春黯似秋花開同葉落驚語甚猿愁芳
草長依寺斜陽獨倚樓東風日夜起偏不送歸舟

獨坐

獨坐當深夜愁懷屬暮春山中高卧者天下苦吟人花
落感時變林香悟佛因聰明無不會只是拙謀身

都昌懷古七詠

陶桓公侃

侃字公偉

清談能誤國砥柱在陶公運甓匡王室投擲奮武功小
人誣所夢哲士信其忠我里分遺愛千秋廟祀同

蘇貞君就

就字仲山

蘇君曾奉母修煉此中居一日乘白鶴如雲翔紫虛劍
池今秦鴨橋井亦生魚多少都人士仙踪誰問諸

謝康樂靈運

靈運字康樂

康樂有游癖湖山跡最多扁舟來石壁精舍立巖阿昏
旦詩尤妙登臨興興過通仙重到此懷古亦高歌

金口集

卷五十五言律

七

石季倫崇

崇字季倫

洛陽歸不得彭彭且游觀園復標金谷花皆種牡丹荒
城猶剩蹟異代每興嘆若肯終棲此應無赤族忠

劉武穆錡

錡字武穆

名將推劉岳威神震四巨妹方猶有廟故里反無祠夢
想順昌捷依稀元祐時中華復左衽感此淚雙垂

江古心萬里

萬里字古心

南渡關舟楫芝山隱獨先構亭名止水矢志必沈淵令
弟忠尤烈全家死並傳湖干訪故里延首意凄然

陳雲住澹

澹字雲住

陳雲住澹

多韻

宋室云亡日西江多隱淪春秋義已晦禮樂註重新祭
享從先哲衣冠啟後人儒風誰繼者惆悵蠡湖濱

南康重晤魏竟甫明府有贈

春風司李署邂逅一逢君握手意相洽揚鞭路各分新
詩何警策下問復殷勤遂有山城約來看製錦文

修江曾買楫正是暮春天客至主先出旅貧誰復延尺
書遺小吏飛絮促歸船立料端陽節重逢星渚邊

忠節推高邑詩歌逼盛唐珠璣今在篋梨棗欲重光
是後韓先生全集欲辨之况以鳴琴暇同升肄雅堂哀時老詞客此

事亦堪商

苦吟吾自嘆君意獨憐才把酒情如舊看山眼共開雲

居元有約秋盡始能來喚渡亭前月相攜醉幾回

居山亭

路灌溝喜遇談長益話舊

聞爾京師去真成汗漫游既非管利祿何苦向旃裘好
句西山得奇書北地收不知多少淚露灑舊陵丘

歲冬歸自北盛夏復南征飲啄依朋友湖山本性情風
江船偶值村店酒徐傾明發又千里煙波浩以盈

夏蟲四詠

蜂

山家貪釀蜜處處有蜂窠只道利堪取誰知義足多君
臣名不二生死志靡他借問乘軒者從王事若何

蟬

螢

胚胎是何物情性不相同纔出糞邊蛻旋登樹杪風苦
吟疑有怨絕食似終窮莫訝隣家叟生兒孝且忠

蛾

形質本纖細中心耿自明不嫌腐草化能助讀書聲亦
似寒微子猶知向背情鴟梟何太惡白日眼全盲

微雨

撲燈緣底事只為愛明光蹈死雖不惜捐軀實可傷人
臣皆若此吾國豈云亡欲覓護生草時時為爾防

入明

書長心力倦午睡頗宜人忽聽簷間雨偏驚夢裏身稻
苗纔潤濕竹葉已鮮新却恨須臾止炎風又起塵

玉龍峽

人人望有秋稔稻不須求八月便饅食三冬何限愁空
庭聞雀噪寒水見魚浮轉訝藥州客東屯也薄收

家山拋已久間歲始歸來古木凋傷盡荒田漸次開濕
飛千丈雪谷響萬年雷何日結茅屋松筠依舊栽

先君鍾愛此別號所由傳本欲弟兄共無如寇盜仍亂
山歸一主廢業想重興以田舊為四分繼述吾何敢為

農或可憑

贈內金鸞

小婦未三十如將四十人不應顏色老祇是別離頻望
遠易憔悴忍饑還苦辛為誰生白髮憐汝甚青春

抵建昌

四野同雲色，素雲欲雪天。林荒鴈鵲寒，波冷鷺鷥拳。人郭先尋寺，依沙且繫船。馳書聞茂宰，有客到城邊。

錦山僧舍

寒夜苦無酒，貧僧每餉茶。漫言身是客，不信寺非家。漏下鐘聲動，風來幢影斜。明朝何事喜，燈藥預開花。

舟中書懷

因亂廢農業，年年事遠征。長江無陸路，孤客任舟行。老欲歸何處，游難畢此生。山田春有屋，勉強學躬耕。

小孤洲

小孤經數過，此狀未停舟。豈料殘年過，還爲兩日留。登樓謁神女，遇客話鄉愁。旬日風兼雪，何緣不少休。

大雷岸

三年三泊此，俱避惡風清。長夏水痕溢，嚴冬冰力牢。問村無白絮，送臘况香醪。路遠人煙密，牽絲勿憚勞。

人日飲孫子穀齋頭

楓葉去猶赤，柳條歸已青。山阿尋舊友，舍右起新亭。佳節况人日，當筵俱客星。見懷詩句好，誦與老夫聽。

送史趾祥歸宜興兼寄陳定生周頴侯

江上懷君久，相逢未有期。人門先一拜，忍淚復雙垂。國破家亡日，風飄雨散時。何緣得把臂，雖喜不勝悲。

昔曾投金澗，今藏善卷山。不知誰玉曆，自分老柴關。學稼仍艱食，求人每汗顏。荒城來幾日，拂意又空還。

平生所師友，多在孝侯臺。亂後魚書闕，山中羯鼓催。素心知不易，碧血更堪哀。君去叮嚀語，須留有用才。

死子

題汪延年山樓

貧居雖不廣，有閣據高岑。詩思當山秀，禪功向壁深。詩又好，佛前引兒。果爾客坐花陰，炎夏猶堪戀。涼秋更可尋。

贈毛卓人學博

毗陵有才子，大雅壓羣英。詩似劉公幹，文如陸士衡。蛾眉衆女妬，鷄肘一官輕。不是愁思結，南蘭豈易成。

集

古熙元僻野，兵火復凋殘。燬燬序通材，少師儒化雨。難一從君鼓吹，三歲長琅玕。處處花兼實，春風爛熳看。

集

兩人相慕久，江上未相逢。傾蓋當炎夏，持盃抵雪峰。居停尤密邇，皆旦輒過從。交質平生業，譏彈莫厭重。

集

虞山汲古閣，梨棗燦春雲。欲送詩於彼，誰能好似君。偶因懷抱合，遂許俸錢分。勿謂斯言罔，丹崖翠壑聞。

集

潛龍蟠水窟，仙令禱山阿。一樓夏雲起，千畦時雨過。誠能會神呪，早不損嘉禾。况有詩題石，仁風扇薜蘿。

集

山齋曾信宿，小別動三年。斯世罕同志，如君又各天。秋懷雖抑鬱，病體已安全。尤喜川光媚，雙珠入掌圓。

集

誰將吾近什，轉誦與君聽。曩括成高咏，頻繁寄遠汀。歸途聊一訪，聖策那能停。九月偕予季，重來叩嶽靈。

孫豹人布袍成有贈

不著武靈服如今十一年逃名惟有釋製衲却無錢大
雪來山邑殘繪作水田只愁飛動意渾不似安禪
斯人衣壞色朱紫合誰新莫展擎大手聊爲持鉢人朝
陽知不遠補衲意非真簪紱登黃閣方無負此身

皖上宿小范寓樓

年年恨離索今夜得同牀江上半規月城隅萬瓦霜酒
醒愁不寐心苦話偏長欲作聞鷄舞相憐鬢髮蒼

早春移竹

是竹吾皆喜况於慈孝名葉雖經歲換笋必傷根生高
本從隣乞佳期待兩行草堂春意少竹望爾敷榮

人弟爾孚見過小飲次日于游潛山

金山

卷五十五言律

五

詩

明日之隣縣先期送我行語多天易晚世亂別非輕沽
酒出深巷攤書對短檠老年兄弟少獨爾最關情

周將軍廟

在潛山治東南五里

我愛周公瑾飛揚正妙齡山川留古廟風雨見英靈僧
種竹盈院落客墓碑到庭因思小喬嫁此地亦曾經

春日訪汪公彝村居不值因過劉芳遠小飲回遇
公彝並梨園子弟送至其舍張宴竟夕賦此贈之

訪君南郭外君適去城西假就隣家食歸逢暮雨迷芳
村伶欲散狂客路相攜乘燭重開宴歌終鷄已啼
山房新結構西北有高樓合借今宵宿還期明日留羣
兒爭下食一醉解忘憂不厭頻來往風騷恣唱酬

三月晦日立夏

芍藥送春去櫻桃迎夏來恰當三月晦那惜一尊開生
事客中度年華鏡裏催侵晨鄉思動歸騎勿徘徊

從黃俞邵借宋遺民錄感舊

有宋遺民錄求之二十年世人多不見此事竟誰傳唯
爾書能秘錄余借可憐乾坤正潏決梨棗合重鐫
海鶴先生在髮時數問奇卅年才子出萬卷舊書隨家
學既淵數神明亦鼎鑊吾將著野史安得傷冬帷

曉發板橋

茅店火猶明征途策蹇行輕霜浮細麥殘月挂枯樅銅
井高崗見慈湖野渡平遙知今夜酒定與故人傾

孔千一招同巫川南夜飲留宿各有贈

詩

卷五十五言律

五

詩

梅窗吾良友與君情亦親嘗言牛渚士頗憶龍眠
人高關來寒夜深盃送老春不須歸旅寺吟榻稱吟身

巫子年方壯于思乃二毛憂時心自苦把酒興偏豪江
縣罕知已風期在我曹蟻爵亭下路來往莫辭勞

雨夜又飲千一宅

江樓寒已甚况復雨蕭蕭盡日僧同坐將昏爾見招擁
書惟有醉過渡亦非遙半榻容吾慣應無慮此宵

雪夜泊天門

隣國浪傳兵舟師冒險行風能如客意雪不礙江程兩
岸雲峯失孤洲漁火明相呼勿貪涉戍鼓已初更

廿六日抵樅川飲子穀家

已入故鄉境猶差百里程急趨良友舍忽見旅人驚出

酒禦風色問遊傷世情明朝天不雨策衛向山城

廣陵會宋澄嵐先生見贈

移寓興嚴寺聞君先在茲舊諸金石性今觀雪霜姿把酒占星夜

詩

名家交不少更與章昌懽兵部滿眼皆春樹高人獨歲寒還山何處隱卜宅此方安子亦無枝鳥頻來問

喜龔孝升都憲至

此地昔爲別江關雨雪霏良宵聚羣彦高咏送子歸彈指八年過懷人尺素稀江關重握手雨雪又霏霏

三能

題閬牛車西堂

堂以春西名寧惟念所生榛苓長入夢禾黍最傷情金破魚誰漑岐荒鳳不鳴世人那解語漫指太原城

夜同叔則李貞飲彥遠僧舍限韻

池上風蕭瑟來尋爾寓齋瓜蔬隨意設詩酒稱人懷飛鳥書尤妙牽絲恨未諧

正月六日范虞生家試燈予與沈仲連留宿

邀我過除夕凄凉未出城酒先人日飲鎔比客星明簾外雪初霽堵前草漸生獨子愁夜永撫枕聽鷄鳴

十六夜同徐雲吉胡彥遠宿徐梁瑞家

酒是錫山白燈猶火樹紅不辭今夜醉况與故人同圓

皎月當戶疎香梅有風芳時何忍別應臥此齋中

五日謁卞忠貞祠

卞公沒已久祠墓尚巍峨一死人無異千秋道不磨都城崇伏臘祭賽擁笙歌我拜當重五何煩爭汨羅

王元倬招同周苦齋顧寧人黃帥先寧山同吳素

夫李三石雨中集

到門無熱客別坐盡遺民遠展能穿雨虛堂果絕塵令爭搜古字酒只勸愁人欲別還留戀因之宿比隣

山石室

偕閔無作孔千一甯山同登雨花臺

十年不曉此一眺轉傷魂正學祠偏圯鍾山樹盡兒牛車填盤道馬卒擁城門眼底都非昔無言聲暗吞

夜泊東昌

微月照菰蒲沙邊雁夕呼榜人貪利涉曠色問征途衛水流何急聊城勢不孤紛紛來往者猶有魯連無

文爾止著

黃州王澤弘吳庭定

塔緒水王 樂安節校

七言律

送蘇虞明金吾還朝

吳江送客夜歸燕霜滿離亭月滿船碧雲且傾十日酒

雕弧曾控百蠻烟蘇氏兩處枕戈亦負劉琨志扶策

空過賈誼年子時二北爾幾時蒙召對看君劍履聖人

前朝儀名對錄

遲魯藩發和州不至

羣燕辭歸羣雁來羣樓只在鳳凰臺砧聲夜合千門月

芳樹晴飛九辨哀江上故人期不至山中書問日相催

雲山集

登離明發天門去何處兼葭可溯洄

還山飲左子厚宅

歲暮江湖有客星故園蒲柳各飄零人從白雁歸南國

月照青霜過北庭城上鳴鏑傳朔氣尊前鼓瑟怨湘靈

知君招隱龍眠曲借問路頭幾樹青

喜張材官山中襲賦

江縣年年動鼓聲寒霜獨坐成樓西騎人翻向勞人泣

故鬼時將新鬼啼月下鷺鳥棲不定山中妖火豁全迷

怪君昨夜龍眠出寶劍紅腥戰馬嘶

答張侯生見懷

黃雲蔽日亂鴉飛斗絕孤城百道圍四野幾家餘井甕

三春無夕解寒衣只言京口樓船至豈料江南尺素稀

寄語故人勞遠念風塵滿目欲何依

范太濂先生招集鳴鳩亭

狂生挾策不得志年年鼓櫓遊江淮浮雲相去日千里

良友各在天一涯可憐明月會今夕欲展清商餘中懷

梧桐竹實亦儀鳳何須阿閣三重階

送王化卿先生歸金谿

秋陽忽散白門烟歷歷江峰青可憐久客似諸潮水性

新鴻不悞蓼花天四方多難懷安士千里長征惜暮年

好是龍谿歸隱處香林月色照漁船

喜范子明至

石城風雨送歸船回首江城又一年勞我相思明月夜

遲君不到暮雲天鄉園寇盜何時息朋好琴尊此地偏

雲山集

別後亂離猶未定秋懷負負菊花前

白門買宅梅惠連書來却寄

小卜西安門外居澗雲溪水薄吾廬秋前雨過宜栽竹

月下潮生好捕魚招隱每尋高士傳離羣不斷故人書

遙知蘭澤多芳草為寄雷聲與揚車

送吳次尾授徒梁谿

藕花蘆葉蔽江村青翰舟飛過白門夜雨啗啼元不晦

春谿灼灼更何言閒中詎覺毘陵遠亂後方知講院尊

此去談經秋水上游文忠憲道猶存前篇文忠憲

酬吳尚乾惠茶荅

溪上蓬門局不開月明常見美人來平分秋露黃山摘

更解春衣白苧裁衰風未應棲枳棘臥龍何自起風雷

且沾孫楚樓中酒痛飲還登周處臺

放懷

正是蔚荒午未炊。况兼兒女病支離。琴聲豈向愁中聽。著策翻從採後疑。世路杳然迷出處。文章端不合時宜。勞人久厭江南苦。江北無家何所之。

移尊過萬茂先兼悼蘇武子

石城西畔冷秋烟。御史祠堂客晝眠。茂先時寓華髮齋疎將腳跡知無憾。憐作爲憂天雨餘載酒窺三逕。霜際飛鴻拂五紵。欲問故人身後事。傷心墓草已芊芊。

王升如過飲小齋有懷孟元白嶺南

石橋秋雨漲秋溪。咫尺蘆花路不迷。老我門庭長寂寞。多君文酒日招攜。小山愛植劉安桂。野樹愁聞杜宇啼。

金川集

有客天南更惆悵。橫樹下鷓鴣啼。

送三兄仁植先生開府武昌

群盜縱橫莽未休。年年鄂渚戰雲愁。人龍兄向東山臥。士馬誰分北極憂。江漢祇今方秉節。沅湘何事復悲秋。羊公峴首碑無恙。更勒殊勲在上頭。

吾家十世主恩深。父祖昔懋報國心。閒秩豈能酬浩蕩。危疆從此闕崎嶇。雲沙萬騎迎強敵。露布千章懷好音。定有神姿關帝夢。還移漢水作商霖。

送金天樞侍御還朝

已所

前門春盡客初還。羣盜縱橫江漢間。是年豫京師二月。始通漢城。賊復星。

一自錦貂紛出塞。幾行驄馬半投山。夏從雲雨翔天路。曾有風雷格聖顏。杜先生外對作自驚。突職近來無開。

補廷朝封事未應開

驛樹晴連江草新。畿南名士擁車輪。遙聞禁苑呼祈父。早見徵書起諫臣。雙國有懷瞻不到。五湖雖遠夢長親。漫廷倚問凌雲賦。爲說相如是里人。

從子密之移居

阿闢重開古巷西。盈盈花水足幽棲。文魚晚度橋邊月。紫蕤晴分陌上泥。載酒客隨江雨至。定情詩歷墨林低。蔣山秀色時相望。爲許秋深縱馬蹄。

偕吳次尾陳定生梅明三泛舟秦淮因過侯朝宗

莫愁湖上蔣山青。向夕移舟倚落汀。木閣名花香暗度。倡樓豪客酒初醒。海天未捲蚩尤氣。舊壘爭歸賈索星。此際賈生惟痛哭。不堪紅袖倚新亭。

金川集

病中寄鄧東之

三秋未見菊花黃。小閣垂帷耿自傷。藥裹但隨庭艸積。學徒應共石田荒。過時不嫁羞貧女。送客將歸憶故鄉。靜關人情半雲雨。期君古道莫相忘。

送從子密之計偕

家國十載學同師。遠近人稱連理枝。茶蓼秋蟲誰最苦。蒲梢天馬爾先馳。况當冀北看花日。政是荆南露布時。三世開恩何以報。早傳新策到茅茨。

送謝孺玉計偕

美人千里贈琅玕。欲報曾無雙玉盤。夏口月明烏鵲散。湘陰酒酒鯉魚寒。晚過楓波追別侶。春到芸臺刷羽翰。自古長沙有芳躅。莫教虛負進賢冠。謝孺玉長。

甘泉山展墓

先宅新開未一年林間蒿草已凄然西風空有椎牛恨
北園曾無射雉森松栢易生知地暖舊墓亦憂新鄰賢
何時卜築從茲隱負鋤躬耕隴上田

白鷺洲訪蔡魯子

庚辰

倚橫橋門問古川雙飛白鷺晚沙前密林橋閣有人語
清簾焚香足盡眠渡口斜陽芳草色枝頭啼鳥暮雲天
中宵頗悟無生理一枕何論大小年

送沈石友歸普安

新亭小別已情傷况復君行指夜郎宇下秋聲聞蟋蟀
舟前月色盼菰蔣南雲忽斷七千里北雁初飛三兩行
漸入盤江風雨夜青谿詩話莫相忘

金仙集

卷六七言

五

送葛甫震歸洞庭

張翰風流五十年今年七十始歸田山中古屋無人掃
白下新詩到處傳預指靈巖黃橘熟重過用里紫芝鮮
白門有客能相送秋雨雲載滿船

送劉藏夫歸麻城

藏夫藏夫古劉生避仇脫走遊舊京酒酣每道十年事
腸斷不殊三峽聲筆底奇書皆鳥跡腰間寶劍是龍精
欲採芙蓉遙贈汝瀟湘南望水盈盈

送朱子葆歸嘉興

孤飛越鳥戀南枝白草黃花客去遲小閣共眠秋雨夜
危檣獨掛曉霜時狂歌一曲愁先結痛飲千鍾醉莫辭
門外江風復江水解維何處寄相思

寄懷三兄仁植先生

蕭瑟黃門北寺秋朔風吹雨入邊愁豈無小吏侵安國
幸有尚書受夏侯到上昔曾歌六月劍南今已失三州
早知占夢多靈異悔不焚香禮比丘時聞部奏請事
願經可以減罪

送白安石先生司理滇南

嘉遯湖山久息機三鱣今始集巖扉曉趨玉殿瞻宸極
夕捧銀章出鎖關吏治由來經術重昆明不似漢官徵
主恩近遠皆高厚莫歎天南少雁飛

春雨真州一繫船橫江修禊酒樓邊漢日與師飲
黃沙
北去三韓月芳草南遊六詔烟水驛輕裝偕今子星輅
絕域訪遺賢預知奏課歸朝日政是華堂百壽年時太
公九

金仙集

卷六七言

六

送杜于皇北上廷試

靈修端不異重華四岳無人在嘆嗟此日新恩盈草澤
如君體質豈匏瓜舊交強半拖青綬政府誰當壞白麻
駐輦臨軒應有問莫教痛哭長沙

懷蔡四攝山兼問朗三越遊消息

古寺談經春復秋聞身無恙日優游池邊松雨白成路
枕上竹風青滿樓稚子掃門霜葉下老僧汲水澗華浮
不知良友向東去湖海茫茫天際愁

送王升如歸旗

霜華如雪冷江藤聞道王郎欲解維萬里還鄉因嫁妹
孤舟扶母更携兒路穿風雨無魚素客送新亭有酒旗
痛飲莫辭今夜醉風帆明日是天涯

送梁平叔令宜城辛巳

東風拂面柳條青，仙令翩翩往敬亭。馬笠偶然逢舊雨，牛刀聊試新硎城。邊花發郊原種閣上，琴携父老聽。此日遺賢有梅沈，唐生其教寥寥少微星。

姜如須班荆社初集賦此

劍閣風烟日夜俱，楚江春水下連吳。何年細柳散金甲，此夕絲繩提玉壺。有客東來富文藻，側身西望多憂虞。兵荒不愁不銷歇，隆中管樂無時無。

留別宋子建徐閣公

春雨方舟海上來，雷聲長近鳳凰臺。勞人又指淮西去，旅雁應須塞北迴。佩草芬香遺所思，琴歌激烈有徐哀。亂離滿眼傷懷抱，朋酒何時得好開。

送馬倩若令陽江

君家柱後惠文冠，鐵面霜威草木寒。倩若風華初公自為御史勳舊相此日青鳬聊試宰，他年驄馬再登壇。端谿石貢唐書辨，合浦珠歸越女歡。老我傳經依幕府，淮南春水正漫漫。時在淮西署中

書事

相國臨戎賜尚方，九重親翰灑天章。豈知禦寇仍爲寇，又破襄陽與雒陽。白骨成堆周故府，青衣行酒漢諸王。江南羽檄紛紛馳，至寡婦停機欲斷腸。

許石疏園喜晤李秀升秦虞桓王燕友諸子

文園夏木晚陰陰，接葉初開黃鳥音。花下酌風公瑾譽，池邊新水伯牙心。紵衣綉帶輕相贈，玉盤金盞淺自斟。

我欲西歸仍信宿，兵荒滿眼客愁深。

左子正歸自京師

待詔公車試省門，歸來兒娶又生孫。姁修不改先臣節，世祿長沾聖主恩。匹馬秋山穿故國，群狐夜火亂荒村。高牙大纛千人指，底事臺垣無片言。

吳子遠三十初度

別館山城東復東，此心原有數人同。問年一歲予差長，下筆千言爾獨工。北走高名翔海岱，南游奇氣塞雲夢。新開草閣臨池水，枕簟涼生荷葉風。

酬何芝岳相公

片帆春雨向巢湖，載酒江亭興不孤。錦字亦傳黃閣老，明璫長繫綠羅襦。千秋物色尊知已，四海兵荒賤腐儒。

却望淮南烟樹綠，殘經空守愧生徒。

旱疫交加蠟又生，天苗人禍一時并。輟晝夜走田園廢，析骨朝炊父子輕。雖有六軍環幕府，曾無一步出江城。故鄉塗炭思霖雨，寸管春回草木榮。

奉酬范質公司馬

東風柔櫓別江沙，送我安期棹似瓜。身段那能酬水鏡，年荒無以報瓊華。左思作賦誰相識，王粲從軍祇自嗟。欲毀琴書事農畝，亂離何處有桑麻。

寄懷從兄孩未先生

時危須仗濟川才，嘆息伊人廢艸萊。簪上且尋鷗作侶，閨中不使鵲爲媒。芳菲盡脫知松節，禾黍無收飯芋魁。身在江湖憂未已，相逢笑口幾時開。

樸川遇洪慧生

陽鳥孤飛寄遠音雙魚報爾竟浮沈故山不見春雲散
往路相思秋水深四海文章空寂歷十年懷抱弄蕭森
江頭野店重携手蔓艸離離傷我心

姜先生六十雙壽如康如須尋人也

瑤草琪花春滿庭江天歷歷少微星人從東海雙騎鶴
家在南都獨采苓堂下錦衣分進酒燈前白首好談經
非熊若是磻谿老此日垂竿竹尚青

蕭先生六十 伯國典大尊人

華簪曾佐大長秋先生常為六十懸車未白頭
關山懸竊寐江南花鳥恣遨遊生申及甫皆無敵對酒當

歌不用愁韋杜去天元尺五期願仍返帝王州蕭京師名震今

鶴山集

卷六十七言

九

余先生六十 蕭心軍人

瑤島移來自八閩却依京國寄閒身書藏萬卷兒能讀
酒泛千鍾家不貧竹杖每臨溪上月桃花遙結海邊春
行看車蓋歸衡宇紫綬銀章白髮新

徐聖開社集北樓以中間小謝又請祭為韻予得

中字 壬午

小謝高齋古郡中騎鯨人去夕陽空春江客到雙谿雨
夏屋涼生五夜風合香青山浮酒盃差池紫蕤掠房櫳
亭前况有桃花水桃葉桃根相並紅時携二伎

沈詹生招集西澗

麻姑山下爾逃名每到城西不入城高館樹深疎馬跡

短牆花發時聲聲銜玉却憶十年事秉燭重論萬古情
惆悵白門歸棹晚明朝秋浦又孤征

錢九章招同麻孟璿沈景山闕集

亭午繁陰與讀書柴扉忽到故人車宿臨桂樹巢泥燕
塘滿楊花長絮魚湖海那堪歸浪跡山城吾欲買精廬
沈郎况有婚姻約他日從君此卜居

喜彭燕又至自雲間蓋訂午日之游

宛溪春水敬亭雲何處提壺不憶君羽蓋忽從天上落
商歌翻向月中闌紅垂簷樹櫻初熟綠滿汀烟艸尚蘼
明發橫江招正則筵尊重與問靈氛

雨夜借為元士宿徐川生山房

洞戶陰森翠竹烟匡牀時有故人眠况逢雷雨喧路上

金白集

似引江風到枕邊草閣三間愁隱燭綈衣六月想裝綿
荒雞不改蕭蕭節祖述劉琨事偶然

乾明寺雜咏

野寺荒涼三五間避人千此暫休閒身因小病畫猶卧
門為長貧夜不關谿上汲水老僧去松下負薪童子還
眾鳥孤雲宛如昨相看不厭敬亭山

孫直公見懷却寄

美人贈我篋中詩不數邯鄲幼婦辭出岫夏雲成五色
傷簷晴柳挂千絲江城隔水歸來晚風雨裁書欲報遲
花下一尊謀盡醉明朝岐路各相思

贈吳孟虎鴻臚吳為宋丞相潛之

狀元宰相宋時賢賜地為家五百年坊占城中無別姓

山環宅後有腴田藏書萬卷盈阿閣進酒千鍾對終
眼底兒孫三四代如何班奚未幡然

寄懷從子密之

帝城雙闕五雲邊報爾承恩侍講筵紫閣圖書翻寶軸
清江簫鼓進樓船時兄家命如妾薄空憐我家似僧貧
不怨天却喜寒籬舊栽菊花花葉葉尚依然

送齊介人計偕

故里山川百戰餘昔年朋好盡離居移家忽有數年別
開篋見君前日書天水未收西極馬秋風幾化北溟魚
子雲筆札君卿舌誰似相如奏子虛

晚過孫克咸齋中

貧巷無人盡掩扉病餘行藥過橋磯路花香送誰家酒
山集 卷六十七言律

寄張恢生明府

故人雙鯉自河汾寄我三年隴右文廉俸可沽京市酒
寒租終卧冶山雲民家樹色書中見官舍琴聲簾下聞
早晚登車持繡斧好將封事報明君

得梅朗三凶問因寄麻孟瑤沈景山

幾欲裁詩寄所憶秋風蕭瑟恨無端只言餅齏爲壽恥
豈料芝焚使蕙歎流水高山交不淺素車白馬見何難
一行書札千行淚想到君前尚未乾

寄張恢生明府

故人雙鯉自河汾寄我三年隴右文廉俸可沽京市酒
寒租終卧冶山雲民家樹色書中見官舍琴聲簾下聞
早晚登車持繡斧好將封事報明君

雷別鄭超宗并送其計偕

蕭蕭風雨泊邢關夾岸青泥斷往還憐我送兄于此別

知君嫁女未能開驅車即指雲中路立馬回看江上山
滿眼饑荒人似鶴定知收人畫關間

宿美開先行園

彌節那溝霜水清離人歸路阻重城樓前且繫青驄馬
月下還吹白玉笙瑤艸現花何處覓兔葵燕麥不勝情
條然一醉唯高枕隣婦休疑阮步兵

送劉生北征

東平劉生古俠雄爾今復走東平東馬穿孤店晚烟白
雞破群山寒日紅草莽上書非得已王侯傳食焉終窮
且臨碣石觀滄海莫就錦瑟倡樓中

陸夢明夢文招同周煥文徐維鳴集

三輔傳烽火直人開南人爭自北坐還盡生空抱林中
山集 卷六十七言律

陽月猶看湖上山桂酒宵料聊不淺蘭舟明發未應閒
臨軒正訪平邊策知有奇謀悅聖顏

菩提寺除夕偕潘孟陽

江城寒水聚歸船春酒家家對綺筵書劍獨依僧舍裏
茶瓜分坐佛燈前今宵勸爾聽寒雨明日逢人說去年
輾轉鄉心愁不寐隣雞又報五更天

留別陸夢文

西子湖花秋正芳段橋曾與爾翱翔青天鴻雁各千里
白露蒹葭已十霜阿蘭相逢重對酒楊人無賴復鳴榔
春江細柳垂垂發逝水何如別恨長

吳俗觀招子移居武林賦此

故里兵荒未可歸飄零十載寓南嶽山廚雖覺樓絲便

水驛翻嫌車馬稀，視爾寧親家宛在。令子宅與遊飛，況容隣女分華燭。避世猶東顧不違。

送繆湘芷水部北上

繆以蜀令作還

美人爲政自清嘉，江縣新栽萬樹花。地是錦官官是錦，心如巴水水如巴。堯天有宿歸郎署，虞部無錢付酒家。聞道西川曾被敵，定知秉節靜龍沙。

送徐州來讀書雋山

北固山前江雨微，輕鷗柔櫓一行飛。風雷未合魚龍臥，梧竹雖存鳳鳥飢。古寺攤書看日出，夕陽沽酒聽僧歸。將秋子亦浮東海，端在蘆中叩爾扉。

送丁仲融任高州兼寄馬倩若陽江

江畔逢君月滿樓，輕裝欲附嶺南舟。却憐夢子親薇蕨，又報兵戈阻溯游。竹影蕭然眠瓦園，梅花清絕夢羅浮。美人官况如秋水，那得琅玕慰四愁。

送蕭磨九北歸

南浦疎楊不忍攀，九年三度送君還。麻衣色似江鷗白，血淚流成竹杖斑。菱水那能扶病骨，雞豚聊以駐慈顏。黃河水漲行須早，莫待秋風路阻艱。

從子子唯園中作

文園西敞鳳臺隅，夏木陰森幾百株。勿使衡門延俗客，每將疑義問潛夫。雨中蓮葉魚相戲，月下槐陰鶴自呼。不有王家癡叔在，何人來衍伏羲圖。闌干小閣似空船，閣外新開一草亭。簾接桐華飛細雨，窗窺橘實麗繁星。興來洗硯窺鸚鵡，飯罷鋤松撥茯苓。

慰我窮愁詩四首，江天吟罷數峯青。

七夕前一日飲皮以立約次日過沈巨源

卜居爲傍瓦官幽，况有芳鄰皮日休。窮巷不聞車馬跡，荒臺猶與鳳凰遊。斜陽載酒僧歸寺，半夜裁詩月轉樓。更許明朝尋沈約，隱囊相倚看牽牛。

偕左子直飲鮑曼殊齋因過吳次過許石疏

左思門與鮑昭鄰，日日相過不厭頻。圖史滿牀知病起，茶瓜留客見情真。晚風稀髮尋吳質，夜火論詩就許詢。回首江鄉豺虎逼，眼中俱是未歸人。

吳次過瓶桂自開而舉子同人觴之

秋山叢桂本相宜，斷梗生花事亦奇。太乙想傳天馬信，長庚先產石麟兒。樽傾黃酒皆仙客，盤捧蘭湯是浴期。

金口集

卷六七言律

古

况有故人新射策，敝冠重整復奚疑。

是日聞號若侯從至

九日攜兒登高

細雨幽窗長綠苔，今朝始見一花開。村中那有故人約，門外亦無佳客來。物感驚心難閉戶，兒童扶杖且登臺。不堪囊底長差澁，頻向鄰翁乞舊醅。

盛林王閣中喜過李三石

李郎年少擅詩能，數載相思見未曾。石上偶然窺宛委，花前纔與結胡繩。秋暄鄰閣堪移酒，夜火蔬盤似飯僧。如此懽情猶不醉，明朝雲水隔千層。

初冬歸里與七弟同舟

明發江門細雨濛，江山色有無中。榜人似鯉能乘霧，岸葦如豚亦拜風。逆旅不禁鄉思苦，病顏聊借酒盃紅。

六年枕被三年冷此夕寒魂賴爾同

泊蕪湖

蕪陰衰柳掛斜暉亂後人家萬事非官稅紛紜商賈斷
戈船絡繹市廛稀片雲起似青山立巨浪高如白雪飛
何物老蠅能作祟年年祠宇占江磯

泊魯港

金錢百萬佐軍需國計多艱尚未數總爲中原無郡縣
獨令輪輓在江湖竹郎木客憂垂橐楚尾吳頭患剝膚
近日鄱陽關閉卒早傳烽火到南都

泊紫沙洲

江畔孤洲曰紫沙昔時烟靄百餘家一從射虎來池口
遂使雞豚盡水涯落日窮簷沽薄酒寒宵危堦繫枯查

宿山家

卷六七言律

五

醉餘一覺幾安枕又聽軍聲四面譁

聞陳百史及第陳旻昭投御史兼懷姚若侯

憶昔貧交有二陳十年臭味頗相親南宮一舉幾龍上

西府初冠解豸新忽捧忠書勞屈勉百史時領教伏櫪

起道迨姚生年少才尤美應許同官侍從臣

懷吳日生

松陵吳子霸文場最妙風詩逼盛唐舍北經過唯史趙

弱翁湖東唱和有那楊王貞曾將白璧投知已却少明

珠作報章先吳日生寄此日大官分筆札上林諸樹盡

會香

樵川偕七弟歸

荒江無馬復無輿何以乘之下澤車兄弟並肩車上坐

雲山滿眼望中舒村童野婦休相笑大蕪高牙恐不如
但使普天銷戰伐便應伏轡老橫漁

歸里喜遇劉未沫丈

歲晏歸來入里門相逢先賀此身存病中詩草青山秀
鏡裏容華白雪繁亂世飢寒俱不免荒城文酒復誰論
今宵且秉西窗燭莫聽岑樓鼓角喧

同王以介弟爾從登眺城上

兀坐窮簷多苦辛閑行睥睨又傷神孤城未破亦奇事
四野蕭然無一人江海最憐王粲賦池塘空想惠連春
當年同守山樓者姚馬翩翩已出塵往歲因與日子同
今並

鳳凰橋宿龍靖野家

卷六七言律

五

不到南山已四冬山靈非復舊時容子株松樹蟲蝕盡

一統神碑草亂封寒雨正愁今夜宿前谿恰與故人逢
年荒處處艱禾黍怪爾貧家酒味濃

樵川對雪有懷

江上朔風三日陰江邊夜雪三尺深農家東作有豐兆
客子面歸無好音鳬雁雙雙掠沙渚牛羊一一號山林
登樓暗想人如玉賦得蘭摧傷我心舟中作

贈劉叔及甲中

劉生任俠古來聞况爾超然意不群子舍最傷霜露隕
人琴又借雁鴻分其兄貴林西歸欲表墓門石南國先

徵御史文我亦孤兒逢世亂荒齋讀罷淚如雲

寄懷倪臣北初度

傲骨峻峭逸氣飛行年四十尚漁磯荒江避寇家仍近
愛妾生兒願不違兵火寄書常恐失神京卜宅且相依
美人勿用傷遲暮時齒青蛾寧久微

湖上戲作更文詩

班竹生陰綠滿園倦游人此避炎喧閒亭野草深眠鹿
古澗荒林亂下猿山雨入舟移外浦水雲隨客過前村
潏潏况引東溪瀑關在僧廊長閉門
空尊酒市無衣與語笑同人三客來中殿佛經翻處寂
上樓秋賦作時哀風生老栢虬枝勁露滴青梧鳳影迴
紅日挂山千戶閉綠陰遮壁四窗開

呈張揆伯中丞

舊京天關北東周濶霍山川控上游不是丈人持使節

山集

卷六十七言律

七

保無妖火犯江流帳前芳草春調馬郭外荒田夜飯牛
聞說聖朝多夢卜嘉名早已覆金甌

長蛇封豕竄咸京江左何人怒請纓獨對明光三抗疏
願歸巴夔一徵兵張四孟諸登車已作英雄氣卧轍難
忘父老情自有鼎鍾標偉伐幕中賓客亦知名時張東

贈邵東之

六御南飛江甸春孝陵烟樹一時新吾徒壯歲不得志
爾祖元侯長笑人且抱琴書依勁栢不妨名姓比勞薪
勉旃尺寸垂竹帛離離制科安足陳

過天門懷魯弼發戴敬夫

東西博望俯瞻江天門古中有高人侶亦雙魯肅肅

才猶未試戴淵奇氣詎能降寒風蕭颯吹霜葉細雨簾
纖透紙窗倚棹中流頻悵望歸時尋汝破封缸封缸

除夕詠懷

除夕年年不忍除今年除夕痛何如先皇玉曆五更盡
文祖金城九月虛至是九月江左重瞻新氣象牆東
無改舊門閭藏書遍寫崇禎字每歲開函淚滿裾

西山蕤華卽陵園此夜何人哭寢門降志但知誇衛律
渡江誰復慕劉琨現乘軒爭乞新朝寵對酒都忘故主恩
獨有野夫籬落外長號不敢暗聲吞

屈首偏冠二十霜少年才氣亦飛揚明時不仕命真薄
壯節無成心轉傷帝里棲遲文網密故園歸去石田荒
制科將罷人入賤囊筆何顏赴選場

山集

卷六十七言律

七

春水入家石臼潮桃花亦似武陵園逃名擬向此中住
拔宅將行又不徂挽處實無借隱婦飯牛空有辟兵符
名山應笑向平子婚嫁雷連非丈夫

丹陽訪開明府

乙酉

太湖州水老葉茂我從逃名此卜家不用臨卽張綠紆
且從勾漏乞丹砂軍城駐馬江雲濤鈴閣遙賓海月斜
他日漁舟何處覓靈威洞口亦桃花

贈楊總戎

介馬東馳京峴山朱旗北斗閃江關餘糧更出沙村外
蒼鶴爭歸指顧間幕府雙開鯨浪伏兵桃獨對鯉庭閒
登樓况復聞清嘯夜半嘶兒掩淚還

喜吳錦雯至

攬雲樓下我重過念爾無如貧病何昨歲過武林猶霜

水月明嘉會少湖風人去感懷多不忘加飯書中字却

喜班荆江上步北固南冷僥勝賞相逢且莫唱驪歌

寄懷史弱翁

春水漫漫營脰湖又人高咏在菰蒲河行有註三邊沒

約謀生猶愧府中趨何時賈得漁家女捕蟹撈蝦興不

孤

潘江如招同邢孟貞史弱翁徐掌文集徐曼若宅

有作

菱菱芳草潤州春破屋燒殘只爾貧何事典衣嘗召客

却無容膝轉移隣開尊且就林花下結伴將歸湖水濱

他日著書名藉改吳江二十八都人

劉子約招同吳錦雯史補公諸子譙集

惆悵春游鐵甌城貧交但覺爾多情馬從楊柳華邊駐

酒向櫻桃樹裏行張樂吳姬宵漏永傳絳楚塞旅魂驚

丹陽郭外空流水俗吏何知石曼卿舟中事

送吳錦雯沈冠東宋玉叔東行

作客春城妙所催窮途幸與爾游燈朝朝錦字花間約

夜夜明珠掌上看候報楚師盡漢口又傳戎馬逼江干

即借沈宋東歸去別路垂楊五月寒

又送宋玉叔

杜宇聲聲春可憐逢君芳艸綠楊邊雙梅客舍情懽甚

一說舟行意惘然滿地兵戈何處隱衰時鮮賦舉人傳

別張叔平

千秋橋上遇張華贈我圖書亦五車滿腹兵戈空灑淚

側身天地總浮家漫言江甸依軍府且去湖塘理釣查

願爾船樓來震澤漁人高枕臥烟霞

九日與錢取少泛舟

客子每逢佳節恨重陽寒食淚沾衣今年寒食出門去

此日重陽猶未歸往路青山烽火暗故園黃鶴信音稀

江湖滿地網羅密白鳥一雙何處飛

汾湖訪宋玉仲玉叔

潤州城外上方鐘茗碗龍盤日日供奉與宋玉叔同飲

忽來風雨散吳門遙望水雲封渡江祖述無舟楫避世

樂鴻且賃春贖野何期重握手蕭條非復舊時容

秋夜

對酒當歌且勿歌酒闌歌罷復如何不須中夜睡全覺

將到五更寒轉多林月乍昏風慘慄寒心寸折淚潸沱

曉來延首望雲間日斷銀山無斧柯

夜雨

暗風吹雨打窗聲時掃葉燒茶夜臥遲門外斷蓬驚守犬

銀燭枯桐叶寒鴉啼隔簾歎息聞隣婦當爐沈吟想舊詩

哀怨似予予更苦十年懷抱有誰知

送錢取少歸京口兼懷令兄開少及潘江如

秣轉休憐不忍看與君脫髮向蒲團殊方無奈妻孥累

間道先歸雨雪寒京峴月明僧寺古洞庭潮落木聲乾
何如二仲歸東海萬里冥鴻惜羽翰

送何元長歸興化

南徐樓上話飄蓬便指吳江東復東澤國果然爲至友
亂離無處不相同豈知萊子斑衣統況復安仁蕙帳空
新元長與父又與妻共投淚却還江北路蕭蕭秋雨暗丹楓

水月菴同盛伯含宿兼呈退谷師

伯含亦爲釋

簞花送爾別江南別後兵戈不忍談湖上相逢如夢寐
風前一笑兩瞿曇冬歸便約同舟穩客睡應知共枕酣
况有遠公持半偈此心霜月下寒潭

飲田家

稂稻離離香滿村主人收穫到家園霜田利長茨菰葉

蘇州

蘇州七言集

白

露園初肥著稻根社日客來輕酒饌水鄉兵過少難豚
白魚紫蟹紅蝦美判醉何辭老瓦盆

亂後過姑蘇驛

初夏曾經此地過雲中環珮見湘娥鱸鄉一去烟波綠
鶴市重來瓦礫多郡邑何人猶漢語漁樵幾處不悲歌
月明雙雁翔寥廓羨爾能飛脫網羅

訪齊介人寓齋

之子徵官吳縣城河山一變腐儒輕介人爲嘉定博天
親幸保圖書失故友相逢涕泗橫客舍有衣還質酒江
鄉無稼可歸耕餘生且賣韓康藥莫向人前說姓名

楊逢玉招同令兄水如夜坐

高林對酒正霜天游子將歸意可憐夢裏西山衝木石

眼中東海變桑田飛揚跋扈吾何敢歷落嶸嶸爾尚然
不信君家投閣老當時曾撰美新篇

劉旋九招集章園觀家伎

金戈鐵甲渡江來紅粉青娥化作灰香閣尚餘天上樂
華樽仍向月中開潮妃垂手穿脩竹龐女吹簫弄落梅
有客迷離疑是夢不知曾賦子山哀

里陵與何大德同舟至吳門

將歸笠澤買吳舸画舫青簾過驛橋之子恰爲滄海使
故人輕附木蘭桹金壘判飲看霜月布被同眠聽夜潮
往路却愁明日別眞娘墓上草蕭蕭

陳翼仲書來却寄

南中書問久浮沉冬至纔傳爾寸音葦菜鱸魚思尚綫

金山集

金山七言集

五

銅駝金谷怨何深楚臣未遂吹簫志趙婦離志采葛心
江畔歸舟期小立新亭一慟詎能禁

寄酬李三石

美人江上寄雙魚秋水浮沉不見書故土那能忘白下
新詩真可敵黃初烟霞秀骨長懷汝松栢徵心亦鑒予
安得湖山偕隱好子孫相約老樵漁

祀竈夜泊魯港

六日殘年卽早春江風猶阻未歸人瓣香無處迎先祖
寸草何時報老親舉國已非前代曆同舟俱是再生身
遙憐今夕茅簷下屈指天涯各怆神

江上望小青山懷倪臣北

大小雙青江上峯聞君於此寄高踪書生曷敢言矯節

經濟無如學老農東海難浮歸蕩子南村欲訪恨窮冬
明年婚嫁事粗畢布衲芒屨任所從

除夕至白鹿莊訪三兄仁植先生

維舟江岸候斜暉百里無由見母幃在客久忘新節序
入山重訪舊漁磯家亡國破身何有弟勸兄酬事已非
吾祖豈知王氏臘辛盤仍薦北山薇

石塘訪白安石師

長蛇封豕渡江來荆棘銅駝事可哀傲吏久歸滄海上
清風高枕石塘隈音書比歲誰能達懷抱今朝且暫開
欲紀新詩惟甲子門前柳亦向南栽

人日歸里飲從子爽于家

丙戌

春溪歸鴈自勾吳圓里相逢酒易呼滿地野狼人日少
禽山集

卷六十七言集

五

連天烽火客星孤耕耜共指龍眠坂漁釣還思營胆湖
南北山川膺所隱莫將蘿薜飲菰蒲

訪姚若侯山中不值留此

鴻燕差池羽不齊三年幾訪石塘西雲封薜戶人何適
雪壓梅坡路轉迷菽水自應娛野築湖山豈復夢金閨
知君秉性甘薇蕨暇日相思還杖藜

偕邵東之潘蜀藻訪雪上人

萬經千峯一寺無貧居破屋在城租罷坐聲裏市朝變
牛馬幾邊花葉劫携竹叩門春尚早煎茶留客日將曠
言歸不省今何代只似匡山送別圖

贈馬壻永公

烟糧茫茫去海東春城花信六番紅兵戈阻絕歸何晚

問巷荒涼路始通敢以羊車迎衛玠且將椎布配梁鴻
人間自有吹簫侶底事乘鸞向碧空

與從子子建感舊

故園兵火十三秋爾戀高堂不遠游縱耻餅餌無旨蓄
却憐書畫有滄洲少年同學惟青眼易世相逢已白頭
我祖沈淵家訓在徜徉林壑復何求

留別馬倩若兼訂毘陵之游

漁海樵山過此生向平兒女未忘情歸鴻正是桃夭候
賣犬聊爲遂藥行諸夏豈能銷戰鼓遺黎何事守荒城
蘭陵美酒期君醉莫誤春風聽早鶯

禽山集

卷六十七言集

五

金山集卷之七

曉桐友 文雨止著

黃州王澤弘吳廬定

增緒水王

集安節較

七言律

京口訪鄂沂公感舊 丙戌

昨歲論交江上村，鶯花不離載公園。月明芳草王孫醉，風起黃沙天地昏。一去湖山甘采藥，重來京國暗銷魂。獨憐肘後方書在，我欲從君隱市門。

贈秦臣溥兼懷潘江如

每從潘七問交游，輒語秦三第一流。慷慨信非蒲柳質，江湖常有廟廊憂。去年恨別因兵火，此日歡逢在酒樓。東海茫茫消息斷，騷人何處哭靈修。

寄懷余潛心

卷七七言律

西華橋畔昔為隣，一日花間醉幾巡。別去鳳臺三歲客，忘歸蝦菜五湖人。蘭芳過雨誰同臭，竹箭經霜始見筠。回首蔣山雲物變，青袍無數淚痕新。

舟次虎丘何元長父子來晤因造酒家

白公堤下一停桡，獨步山塘意寂寥。江客人城期自至，妖姬麗酒坐相要。重登古寺僧猶識，少憩秋林葉未凋。野日荒荒吳市冷，何人乞食解吹簫。

舟中有感

舊京宮闕已成塵，寶馬雕鞍日日新。萬劫不燒唯富貴，五倫最假是君臣。詩書無恙種先絕，仁義何知利獨親。三百年來空養士，野人痛哭大江濱。

武林喜晤吳錦雯

菩提秋寺解裝初，卽造長鬚叩爾居。聞說故人家尚在，天涯懷抱樂何如。形容憔悴殘燈下，妻子間關百戰餘。烽火隔江經放別，可憐纔返舊蓬廬。

夜集沈冠東齋頭

潤州高館送君歸，秉燭聯詩夜兩微。明日鯨鮓江上渡，三秋鴻雁客中稀。側身天地幾人在，舉目河山萬事非。頗領休文尚無恙，蒹葭霜水各依依。

贈龔孝緒

千里來尋西子湖，主人狂病不堪呼。逢君古寺歡無極，把酒秋林興未孤。仰視浮雲憐去雁，難歸江國嘆飛鳥。新詩示我多情悽，豈似人間豺與貍。

寄懷余

卷七七言律

贈嵇仲舉

君家中散抱瑤琴，古調微茫直至今。之子風流標勝槩，無言山水助清音。西陵作客同蕭寺，東海觀潮合素心。病起不堪風露冷，竹房歸臥聽秋砧。

過陳古倩陸鯨庭舊居有感

兩賢相尾自當時，此日精靈共所之。但使天人無愧怍，何論意見有參差。沈淵志決真移孝，立信性至孝至是。江嫉惡名成不負師，日死鯨庭聞之達自歸。回首昔年觴咏處，秋風淒淒岳公祠。

贈沈冠東納姬

姬姓潘故有河陽句

華堂雖未敢齊眉，琴瑟無人敵澁宜。風雨自應求絡秀，庭除不肖難鮮卑。傳家知是河陽宰，生子當為中令兒。

只恐秋來腰太瘦在風細柳不勝吹

潤州將歸與鄧沂公秦臣薄錢馭少別宿陳尊已

樓頭

晨風倦羽欲歸巢最是難忘爾汝交寂寞城中尋舊館
徘徊林下致行庖四山風雨不能去一夜柔尊誰忍拋
明發片帆天際遠知君延首立江郊

卜居樸川

殊方避亂十載餘扁舟今始歸故墟城中聲援不可往
江上鄙俚聊以居親爲負販難商賈耻事科目焚詩書
所求甘養老母牧豕畜雞還捕魚

松山曉行

沙村聞雁復聞雞起視茅簷月向西主人接漸炊未熟

客日集

客子治任裝已齊門外草枯霜似雪湖中水合路無泥
微生自許勞筋骨安步何妨逐馬蹄

至日廟祭後飲從弟聲之宅

霜落山城葉盡凋吾家祠樹未蕭條可憐綿蕞行周禮
安忍衣冠改漢朝天地難逢陽長日壺觴莫負月明宵
歸人只在牆東住春草池塘夢不遙

初度書懷

投子峯西一野人蹉跎三十五年春雲霄空負平生志
溝壑還留未死身彭澤有詩傳甲子湘潭無考問庚寅
傷心國破家何在倪仰之間述已陳

流落江湖歲晚回卜居預指射蛟臺談天都衍口須閉
賣藥韓康肆欲開但使兵戈長遠絕何妨商賈數追陪

獨憐江上鯨波惡萬古還思漢武才

贈從弟井公新婚

潘蜀漢女弟也

十年書劍歷陽城擇對梁鴻意不輕秋水兼葭還舊國
春風琴瑟譜新聲占熊定有男如舅緇虎難當妹似兄
咏雪堂前宜努力莫教天壤笑王生

三月十九日作

年年今日強登高獨立南峯北嚮號漫野玄雲大色晦
美人黃土我心勞虛疑楊柳牽愁緒不忍滄浪鑑鬢毛
前輩有誰同此恨雪庵和尚讀離騷

卽事

先王四履總沉淪湘浦仍畱社稷臣力似魯陽戈轉日
精如鄭衍笛生春昔年江左何汗濁今日湖南獨苦辛

舊日兵

卷七十七

四

一覆邦家一興覆兩人俱是貴州人

宣城麻沈貴池吳炳炳靈靈烈丈夫草莽自能標漢幟
衣冠不肯拜□□臨刑瀟灑氣吞秋日絕命英詞播海隅
多少崇蘭化蕭艾幽香畢竟在吾徒

雲間風義風標稱死難今唯夏李能陳子見人嘗愧作
彭咸遺則果師承雄文自此垂終古駿節將來表中興
却笑同袍二三子視然無耻負良朋

樸川夜雨

春江一夜雨淋鈴水閣陰寒酒易醒滿架圖書妨潤濕
半龕燈火尚青焚長貧已覺離塵網多病遺思誦道經
翔舉不須婚嫁畢囊中五岳有真形

與小范集任克家齋頭

之子湖山結考槃紅塵飛不到漁竿偶因懷友人城郭
恰喜見子增慨嘆索酒共眠任昉宅解衣誰念范睢寒
開函盡是傷心語且就燈前淚眼看

山中訪從叔夢名

山田兵燹久無廬有妹湖莊且借居學易半生仍注易
貯書滿腹不藏書聞過隣叟占豐儉臥看春雲任卷舒
松下柴扉驚客到焉知雞犬是秦餘

贈孫子穀

屋倚青峰而白沙主人年少有才華五言七字詩俱好
百榼千鍾量亦嘉草閣留賓催信宿霜林步月影橫斜
塞子脚疾愁歸路直遣籃輿送到家

寄從子明圖

卷七七言律

五

橋山龍去普天悲怪爾家庭論獨奇不信陳成爲孝子
只言張垧是佳兒茅簷困辱終成疾蓬海翱翔莫更遲
江上小舟相待久宵征須趁月明時

聞楊龍友孫克咸同日死難詩以哭之

姑蘇城外轉旌麾士馬蕭蕭我獨隨自愧江東行不果
祇因堂北養無兒周邦再造威重震漢鼎難扶死自期
况有參軍同志節臨刑慷慨復何悲

桐鄉雖小盛簪纓風俗年來頗好名却怪兩京齊改步
曾無一士肯捐生孫郎好武懷忠畧聞海勤王苦戰爭
埋骨天涯竟不返故山千古有餘榮

過吳江有懷舊遊

龍黃蒼蒼水國居前年曾寄此爲漁談兵義烈歸吳沈

日生對酒風騷傷史徐弱翁縱死光芒爭日月苟全妻
子國逢盧重過此路腸堪斷開篋猶存所惠書

五日抵武林

昨歲中秋到武林江開風雨客驚心那堪今日逢重午
又阻窮途問六壬生計蕭條全仗卜故人寥落少分金
且將白水酬佳節舊葉榴花無處尋

與張季昭同寓贈此

君醫我卜各垂簾一樹雙棲意甚恬家有玉函知是景
客來銀漢愧非嚴覆茶任與高人乞舊策難將大運占
日暮河橋芳草合儘容攜手到青帘

偕蔣穆之登金山懷龍友先生

曾上江樓閣水師鏡歌鼓吹譜新詞邊塵一起飛黃葉
蕭口集 卷七七言律 六

岸柳重攀變綠枝帆席高低遊子恨山川興廢老僧知
海天極目斜陽外暗向西風泣所思

張季昭妻妾死節詩以旌之

代馬蕭蕭鳴過江江東無地不傾降芳洲窈窕人從一
秋水澄泓死必雙血刃豈污巖下碣香魂長繞佛前幢
空山獨夜知君恨况復林風吹雨窗

潘江如歸舊居夜集有作

君去吳江此屋空客兵三載占其中牛溲馬渤庭長積
鳳舉鴻軒道已窮天造主人還故宅是年兵燹入堂
名先子邇遺風堂中作續昔年往來仍是當年侶笑
指燈前琥珀紅

賣卜潤州邸沂公談長益潘江如錢取少玉汝秦

臣溥李木仙各有詩見贈賦此答之

江市聊爲質卜行
政言踪跡類君平
所求升斗供餽粥
不向侏儒說姓名
四海同人惟道合
一生得意是詩成
何當日暮垂簾後
共奏商歌金石聲

贈薛古詒廬墓詩

吳江西北有吳山
君去華亭居此間
墓以近廬嘗得掃
門因賣藥不須關
樹護無地能借隱
采薪爲生卽大還
三伏入城緣底事
麻衣多少淚痕斑

潘江如錢馭少陳昇公張則之共集皆山樓送子
歸是日大雨子與江如借宿

送客偏多雨與風
兩年皆臥此樓中
高林暑氣先秋失
絕澗泉聲無路通
歸櫂每停京峴北
連林猶記泖湖東

深山共隱知何日
江草江花愧轉蓬

高淳晤黃叙百得楊龍友李卓如死難消息

春城授館昔同時
最覺黔入敬所師
江閣吟成楊子賞
雨窗讀罷李生知
風流一旦歸何處
名節千秋喜自持
回首舊游入盡失
湖邨見爾不勝悲

歸思

離家一百五十日
行路二千三百程
丈夫飄蕩非得已
若人悵望難爲情
來時寒食綠楊雨
歸日重陽黃菊晴
應知入門小婦笑
久游裝案何其輕

留別湯仍三

故人茅屋在胥河
一歲之間兩度過
架有圖書饒勝賞
酒雖蝦菜亦狂歌
自傷貧賤誰家久
細數年華作客多

勸我農桑歸去好
秋風無柰別離何

八月晦日自淳湖歸

預指歸期八月中
月終猶在此湖東
草間霜氣未曾白
溪上蓼花先自紅
客睡夢親兼夢子
江行愁雨復愁風
薄游那似當年好
較昨來時少不同

九日銅陵阻雨

客裏幾迴逢九日
舟中四次遇重陽
年年風雨愁相似
歷歷湖山夢不忘
前去吳江天慘慄
昨歸京口路淒涼
今朝又泊銅官縣
三處烟波一斷腸

重陽後五日歸里

十年爲客負黃花
漂泊今秋始到家
遊似石田無刈穫
貧唯詩卷足驕奢
含飴幸有孀親健
再盜難堪五女加

最是多情隣舍酒
風通未了又新賒

八弟爾孚居喪結廬子爲顏曰明發軒並系以詩
怪爾樓居對縣門
轉疑丘嫂不聞喧
身經喪亂雷書帙
手綻麻衣積淚痕
庭接半軒延客坐
香添一瓣報親恩
荒園幸散看霜月
未到烏啼已斷魂

除夕

野夫無力正乾坤
春去春來總斷魂
如此風光何足惜
任他流轉不須論
壯心磨折頻看劍
生事蕭條長掩門
却憶盛年誇守歲
林鴉極馬共爭喧

元旦書淵明集後

栗里棲遲又一年
風光不似義熙前
東籬寒盡菊歸酒
南畝春回林下田
榮木停雲舒散傲
門生兒子解憂煩

白頭猶爲飢驅出乞食何傷采蕨賢

壽姚休那先生

休那居士本天人小謫人間甫七旬妙解西方三揭諦
乍看東海一揚塵田硯不飽青精飯髮禿還飄烏角巾
自古花源無晉魏焉知石趙與苻秦

壽劉未沬先生

君年強仕我生初不覺同時廿載餘詩裏鉞磁吟最合
花前五竿勸無虛家林鳳羽隨春長源水雞聲與世疎
安得兩京還漢時也教鼂錯受尚書

小寒食山行

一百五日忽已盡春陽九十能幾何山中勝事足幽討
路上下落花先逝波舊業有田封宿莽空湍惟鷺浴盤渦

舊山集

卷七七言律

九

樵人相見嗤予拙曷不誅茅還結蘿

清明

今日何日陰復晴慘然不樂聞其名草木亦恐歲時變
人事况逢年代更懶向隣家乞新火忍從濁水浣長纓
蕭條最是雙蓬髮見插楊枝百感生

三月十九日作

鼎湖龍去再生天荆棘銅駝已四年太液有池誰飲馬
上陽無樹不啼鶯真人構造千秋業宵小嬉游一擲錢
縱使海枯還石爛不教此恨化寒烟

海會寺阻雨

幽溪屈曲似龍眠更似龍眠廿載前源水窮時雲抱寺
烟樹危處木參天馬停澗戶疑無路榻借僧扉覺有緣

多少丘荒那剩此故山回首益凄然

麻城訪稿木大師

普天披髮奈渠何我黨逃名佛國多誰似江黃大君子
居然瓢笠古頭陀探環兒挺千霜秀負郭田登萬頃禾
一切盡拋渾不染世間豪傑幾能過

憶昔琴書淮水邊孫吳孟戴日舟旋元白發大尾那堪蘭

玉三秋折况復滄桑一劫遷東海高蹤錢千躡少西山

微尚願生堅與舊游存功俱零落雨我相逢涕泫然

陸放翁集有身後人傳千首詩之句予樂而賦之

世間萬事有乘除美食難兼熊掌魚但使名高擅風雅

何妨身賤老耕粗花前且盡一杯酒盞裏曾無半石儲

千首詩傳吾願足家人窮餓豈愁予

戲贈梅希亮

卷七七言律

十

戲贈梅希亮

坡公傳內方山子正在岐亭丘經中當日後貌成古佛
子內其有至今閨閣有遺風傷哉妾命如君薄愁殺桃
花以粉紅何不扁舟隨范蠡徜徉蝦菜五湖東

酬郭師可見投之作

沅芷湘蘭昔所聞十年今始觀羣芬風流儒雅皆名士
假儻魁奇誰似君炎景况能飛白雪布衣元不羨青雲
一言贈我真知己方子詩如陳子文漢謂子詩似陳大

妙之

秋夜不寐憶吳江舊事悵然有懷

當年樂事在吳淞孤艇能穿水萬重判把酒盃傾竹葉
也將人面比芙蓉烹鮮每就漁家屋斬叛頻看烈士鋒

多少豪華長在夢小窗細雨聽秋蛩

送王涓來應試北上寄陳吏部

北風吹雨浣征塵爾去燕關秋氣新折柳正當傾蓋日
看花猶及上陽春輕肥未敢援同學醫卜長將老逸民
京雒故人如借問勿言江漢有垂綸

午睡

自笑客身如轉蓬東西南北任飄風江山到處可爲樂
詩酒助人殊不窮壯志久灰兵燹後虛名猶覺夢寬中
平生最慕邯鄲枕却恨無緣遇呂翁

客麻城六十日不及上劉同人墓深以爲歉

故人荒隴在城西我欲求之榛草迷爲訪六兒俱跡跡
每逢羣從必含悽同人有六子皆避亂山中不得多慚

未挂秋林劍猶記相呼夜雨難欲把一尊遙酌汝五華
山下白雲低其華山乃

岐亭曉發別橋師戴夫希亮

我去岐亭烟水寒三人送我到河干橋衾夜就舟中宿
我大卓錫朝從渡口看我大握手後期知遠近離情此日
最辛酸長年不解相思苦便欲揚舲下急湍

舟中漫興

湖海茫茫任所之家人生產不曾治千金在手一時盡
萬事到頭誰得知自笑疎狂終莫改人呼孟浪亦何辭
平生癖好惟三種左馬文章老杜詩

棧陽

沿江村郭盡蕭條獨說棧陽頗自饒入市魚鹽來估客

連橋米穀聚河橋地偏難覺豺狼遠俗薄還處燕雀驕
久客乍歸聊慰藉不妨沽酒月明宵

歸里

去年東歸九日後今年西歸九日前性情最是遊不厭
官貴何如詩可傳每到故園翻似客若論生計總由天
疾妻愚子懷鄉土恨不能從范蠡船

聞姚休那先生病予寄之詩與金先生得詩而亡

金報以一詩久之金復在又寄一詩並長書屬
望予予答此

莊生齊物自逍遙天上浮雲信所飄何事友朋情獨戀
更兼文字習難消纖纖豈解歸浦種種皆同鹿覆蕉
呼我財陀吾不敢他年只恐負任賢

冬晴戲爲俳體

夢在江湖身在家醒來晴日射窗紗病中忌飽惟餐粥
老至妨眠勿飲茶炭以驟寒爭長價酒因多債怯還踪
晴軒炙背融融暖安得麻姑手一爬

客有自白門歸者云陳翼仲望予甚因以寄之

我寓南京方九載爾無三日不相過滄桑以後輕離索
筆硯之間廢揣摩學不忘師知古道聲能及遠慰山阿

廣陵懷古

隋堤楊柳幾千條劫火曾經十五燒故國樓臺俱泯滅
美人香粉未全銷秋求梅閣疑何遜不賦蕪城怯鮑昭
却訝羣兒屠戮後風流猶自說前朝

與程穆情感舊

萬歲樓前司馬臺穆情友先生以與君觴咏日悠哉驚沙一起秋風亂故里重尋晚角哀湖海相逢猶歷落肝腸不語自前推南徐以後無知己薄俗誰憐憐散才

吳黃石公感舊

朱雀橋邊金粉香風流猶記少年夢雲泥相去幾千里蒲柳曾經十五霜西子有情應共載步兵不飲也須狂秦淮爾寓知非遠索笑還來梅葉傍

贈王尊素

姚生壁上見君詩絕似中唐杜牧之古道微茫羞世態美人風格軫予思販贈店裏尋孤鶴尊素寓蘇市賣酒樓頭揀一枝殘菊早梅要勝賞相看俱有雪霜姿

卷七七言律

十三

贈吳園次

秋水芙蓉夢幾年今朝纔訪古梅前乍穿鶴徑如山谷卽解羈縻當酒錢城破尚能偕婦隱家貧端不受人憐何須更覓乘鸞侶花下吹簫本自仙

贈趙友沂

長沙芳草未黃昏才子曾沾漢主恩爲訪庭閣聊改服却過京輔自傷魂賦詩能取風騷意好客頻開雨雪尊天下友朋膠漆在不知何日奏雲門

與紀伯紫約還白下

龍江歸樂約同行愁雨愁風復畏兵有客張筵送孫楚惟君佳句似陰鏗一從世變無名士古竟銷是舊京明日登壇照邢水鬚眉當不負平生

借姚仙期王尊素紀伯紫趙友沂鄂孝威吳園次

劉玉少龔半千李秀升集龔孝升寓齋爲別限韻

四海無家何處歸輕裝亦逐片帆飛月明江上空懷古雪滿人間未授衣戎馬再來芳草歇河橋一別素心違蔣山西望夕陽沒松栢凋零麋鹿稀

蔣子卿寓石城外詩以訊之

歲暮聞君客廣陵歸來垂橐冷如冰非關古道難借俗自是今人惱見僧犯雪不妨持破笠拈香僧詩續明燈城南寺寺多兵馬獨上浮屠第幾層

遲從兄坦菴廣陵不至有寄

歸櫓那關許附行無端風雨暗江城泥邊雙鯉遺蕭寺雪後孤鴻返舊京東閣早梅知有興南塘衰草亦多情雙湖酒美攜應滿索醉還來共蔣生

訪張文時王穆如有感

帝城東畔草堂偏芳沼今爲勅勒川嘗怪疎狂能免禍不知蕭寂已逃禪卜居桃葉勝秋水貪看梅花破曉烟乍喜故人來又去蔣山回首意凄然

除夕時在蘇州陳氏園宅

歲暮日歸歸未能石湖風雪且擔簪祇緣春酒故人約不意虛名茂宰稱遂有高軒迎上客依然破衲貌山僧城東古寺聊棲止今夜惟應伴佛燈故人門巷未云遙念我羈棲太寂寥要過草堂分此歲况疑風景似先朝吟邊意氣屠蘇緩鏡裏容華蠟炬消

愛爾湖村堪共隱何年徙宅傍漁樵
世外浮蹤水上槎隨方著處便爲家年來不幸遭離亂
老去何心戀歲華君父恩情皆未報妻孥窮餓豈須嗟
一肩行李長蕭瑟辜負干將與莫邪
龍眠山下雪霏霏衡宇荒涼生事微一母二妻嘗臥病
兩男四女各啼飢思歸隨畔耕無力慣客天涯信亦稀
此夜燈前遙憶我相看誰不淚沾衣

元旦試筆

誰道春王又履端四年曆日不曾看臘傳先子惟知歲
書受高人未報韓避地且容江海傲憂時寧計室家安
河邊淑氣微微動漸有光風轉蕙蘭

人日同陳汝巖吳弗如訪邢孟貞村居

詩山集

卷七七言集

十五

不到淳湖又幾秋湖村風景尚優游兵雖小掠家無恙
兒漸能文老不愁生計況添三十畝客心嘗繫一孤舟
春來酒似梅花白人日逢人可勿畱

雨後赴韓元長之招途中有作

高人家在石湖干我欲從之春雨寒折簡相迎輿亦至
微曠纔出路全乾卽依村柳行危岸又逐漁舟上淺灘
遙指層樓今夜月先判一醉五辛盤

二月廿一日爲母氏壽辰懷歸有作

高堂六十又三年三十三年別所天爭道有兒能富貴
豈知垂老更顛連家貧嗷救應難得世亂浮萍不易還
痛負吾親尤負母何時歸種北山田

送春日偕東茹吉羅天成許銓臣看牡丹分賦

一春花事不曾看今日看花春又殘却喜紅英猶未落
况聞黃鳥且爲憐煩愁祇覺少年老離亂應知好會難
信有花香亦傾國金鼎在手莫辭乾

湯仍三作茅屋成詩以訊之

君家書閣儘高閒新築茅齊復幾間荒徑乍開宜種竹
短牆不補爲看山干時懶向都門去索醉嘗從隣叟遠
要我重來今不果秋初幾許叩柴關

午日書懷示湯仍三

作客殘冬復早春青春朱夏又相因愁懷最是天中節
浪跡渾如陌上塵只以饕餮頻累友何曾甘旨遠貽親
看君兒女喧堂北愧殺飄飄江海人

漫說遊踪在五湖近來何地不窮途一年節序又過半

詩山集

卷七七言集

十六

往日風流今在無文字浮名花共落美人薄命草同枯
春淮亦稱傷心事不獨沈湘楚大夫

盡謝印度先生

子胥湖上白蘋秋杯酒相逢卽唱酬嘗想丰儀如在眼
不知七十已平頭花坪似與花源近花坪湖瑞草亭須
瑞島求一點禪燈長自照古來惟有佛無憂

兩夜宿崔明府署中言別

官閒無訟况農時獨臥南軒受晚廳湖上有人將遠別
雨中相送莫深辭今宵且就陳君榻明日誰親陶令扃
燭冷香銷猶不寐紅蕖翠篠總含思

蕪陰訪蕭尺木有贈

山川悠遠嘆離居嘗見君詩四與書四海相知惟草木

千秋不朽在樵漁偶停江上故人櫂爲訪城東處士廬
握手匆匆言不盡愁看烟水晚來疎

與羅繡銘感舊有作

年年江左問羅含比部英聲震海南去似春雲迎某日
來如秋水下寒潭投徒聊以供饒粥養志何須竭旨甘
容焉雄翺丰骨在故人相見始無慙

送五兄爾唯令粵東

孤帆渺渺向天涯山水情多路不遐去日桐溪霜在葉
到時梅嶺雪將華閒身似鶴長隨子公事將鳬豈顧家
却笑少游生計拙荒村獨臥短轅車

蕪湖訪宋玉叔計部感舊四首

丁卯橋邊芳草平櫻桃時節共君行吟聲互答如黃鳥
別緒纏綿在紫荊其時玉叔在紫荊復有佳期來笠澤不堪

多難去蓬瀛又同玉叔避兵吳江而歸乾坤納納同心少
何日能忘此際情

此年人自薊門還

道吾兄問弟顏敢望功名附霄漢
獨憐窮餓老湖山使星何意乘輅近舊雨相過鎖印閒
却笑成都賣卜者也能詞賦動江關

南方佳麗數千湖使者臨關昔甚都一自狂瀾翻大陸
遂令郎署屬危途江蘿欲采養盈室野雀群飛鳳在笮
莫是才華天所忌故教足不過門樞

宋玉才爲萬古師風流儒雅爾兼之高懷歷落人誰識
古道微茫我略知預擬登臨同嘯咏何期山水有監司
論心只好來僧舍不似南徐痛飲時

送陳伯璣歸南州兼懷徐巨源陳士業

勸君勿歸君欲歸九江日落行人稀城當破後難尋宅
田正荒時豈救饑把釣尚能供菽水乘軒未必勝柴扉
兼懷白露章門外野鶴雲鴻何處飛

喜橋木師至

聞君春到石頭城將妾和兒贈友生此事太奇終有悔
天恩難斷可無情既歸白業家何定欲返黃州路未平
江上故人多古義東郊應與結茅成

訪沈崑銅村居

雨湖雙槳動晴雲遙憶南田有隱君叔度高懷慕麟士
今之黃叔度也蕭公佐命耻休文天寒且作魚龍臥地
僻應同鹿豕群他日一枝須借我無邊風月與平分

咏木芙蓉

水芙蓉傲木芙蓉爾不經秋我耐冬籬菊共憐霜氣冷
井桃難喻露華濃托根長近幽人屋開戶頻來少女踪
最是柔纖雙玉手朝朝攀取佛前供

劉遠公有扁舟江上圖命予題之

年來江海正橫流何處輕舸任爾浮小泊歐陽湖上雨
長懷徐孺宅過秋天空倚檻吟霜葉客至投竿問酒樓
我亦無家同放浪平分汀鷺與沙鷗

蕭尺木建德千庭有道士召白鶴至迴翔久之予

與繡銘皆有賦

絳幘玄裳復縞衣羽蟲猶有漢宮威乍疑王子山頭見
又似徐卿月下歸欲傷鴻鵠終將鶴趾同鳬鴨且長饒

其論遼海千年事只恐須臾代已非

晚泊浮橋贈曹梁父

十八年前過此橋我方勝冠爾垂髫朱顏俱共河山改
白髮先隨草木凋養母且倍割股婦梁南內人曾到梁
薪應作爛柯樵應龍烟月重過此回首江城恨不消

贈袁長卿郡伯

白雲青霞謝家山吾欲逃名隱此間開龍風流賢太守
也能詩酒意相關官齋無事惟暢咏應釣何妨數往還
前輩猶傳許下耶凌波送客不曾聞

王希文招同林殿圖姚庚生于止園紀伯紫張與
瞻夜集有贈

去年此日客邢關二子乘舟江上還渺渺烟波忽分手
雲霏雨雪又開顏名園幽霽寺相接良友追隨酒不開
嘗笑姑溪非爾在何人駐點謝公山

贈倪叔遠丈

先大夫未第時曾游姑溪與倪叔遠
南先嚴寄為子言矣四十年後子遊姑溪與倪叔
遠交亦甚然不知即阿翁弟叔遠亦不知子與倪
先大夫子也一日酒間

自是孤生苦竹根未聞庭訓見遺言當年又記曹卿語
此地交惟倪叟敦只道幽期成往事豈知重醉在君門
離筵霜冷三更月淚滴深盃帶血痕

唐祖命移居

唐宛人若姑其
子孫生亦才士也
南望姑溪北宛川兩堪樓托兩無緣君家獨據湖山勝
時論同歸大小賢雪酒對人消永夜草窗留我過殘年

界枝莫漫愁衰鳳三匝鳥飛更可憐

自姑孰返吳江別王希文

凌鼓臺上惜離群古木蕭蕭挂夕曛聚散友朋如落葉
去來踪跡總浮雲買山恐被高僧笑賣卜能教天女聞
別後欲然唯一事不曾親拜二公墳

蔡芹溪見訪有哭亡兒詩賦此答之

雙溪一水權非難底事睽違六載寬舊友半凋渾涕淚
新詩相慰越悲酸早知顏路兒終天不及商瞿晚較懽
當日痛君今痛我百端交集又千端

祀竈日宿宋玉叔官舍有感

歲盡應無客不歸我何為者尚僧屏知君舊習罵人苦
入署頻牽游子衣行酒賦詩勝慰藉登高望遠莫秋歎

桃花春水浮家宅好向江頭覓釣磯

銀燭金尊照眼紅今宵且宿署齋中身如落葉飄何定
命似危途動即窮幸有故人分厚祿羞將短髮對春風
回思君在吳江日憔悴支離我亦同

元旦書懷庚寅

普天何處寄吾身且向蕪江暫隱淪卜肆尚能言孝弟
醫方猶可立君臣春山采藥休辭遠晚市垂簾不應貧
元日感懷惟自咏難尋屈子問庚寅

人日飲孫無逸齋頭有贈

月巷逶迤一草堂早春畱客看晴光酒如竹葉寒偏翠
人似梅花老更香書讀千層藏島嶼詩飄幾字挾風霜
太初以後山人少丰格如君亦雁行

送王翰明遊白下

有客懷歸歸未能殊方猶喜得良朋開春復鼓中江櫓
同舍難分此夜燈青草雨迷吳廢苑白楊風慘漢荒陵
雞籠山上空明月知爾覓釣不忍登

自題采藥圖用談長益韻

山人采藥向中陵獨撫松杉慨不勝浸酒秋收貞一子
編籬皆用忍冬藤苗分薇蕨春烟吟米聚菰蔣秋水澄
靈均好奇服製荷衣又索胡繩

寄懷梁公秋

聞說燕山舊酒徒七年垂釣射陽湖欲填東海疑精衛
不肯南雲想鷓鴣公子報韓風宜漢仙人辭漢淚霑濡
同心尚有美林葦大澤高吟調不孤

舊山集

卷七七言集

五

送吳無奇還吳陵

細雨輕烟楊柳枝魯明江上送君時十朝九見猶嫌濕
一別三秋那不思貧覺家山歸甚苦老懷勸葉樹非遲
傷覓最是新亭路悵望鍾陵幾首詩

寒食

幾年寒食不到舍有兒上塚祭先人今年兒亦歸黃土
此日憑誰薦白蘋花前強酒暗垂淚江上看雲多損神
枯木朽株生意絕逢春只當未逢春

上巳日社集梅杓司山房同社者獨濯師談長益

蔡芹溪梅季升幼龍高夢姑及子共八人

響山西舍藥平園曾及東風此地看今日又當寒食節
主人非復舊時懽衰頽短髮悲相對痛飲狂歌強自寬

莫漫移尊向流水也知修禊是無端

梅季升招飲天逸閣因弔亡友朗三孟瑤景山

八年前作宛溪遊日與騷人醉此樓過眼三良成異物
傷魂孤閣似荒丘歲逢寒食猶脩禊客到貧家復典裘
追念平生腸欲結杜康何以解吾憂

沈景山墓上作

在宣城城西之新溪

梅花千樹宛溪莊要我來時我未遑誰料死生今異路
每懷風雨昔同床亂離空負婚姻約泉石猶爭日月光
乍捧雙珠今痛絕况聞隣笛似山陽

麻孟瑤墓上

在宣城東三十里

一東生芻蕘五年今朝勸君前人須死難名方定
詩到臨刑妙始傳孟瑤遇害有忠存于大幽隨有時回

舊山集

卷七七言集

五

白日窮廬何物抵黃泉多慙佇立松門者鋒鏑餘生亦
苟延

喜王玉門見訪因偕吳無奇陳遐伯王賦西錢既

白夜集寓齋限韻

黃昏卜肆已垂簾尚有高人就我占乍觀風姿疑趙壹
重聞詞賦類江淹袖中奇石天爲篆樓上深杯月在檐
次第來過俱密友縱論心事亦何嫌

送程少月游揚州兼懷姚仙期王尊素吳園大諸

子

予湖春草刻初成從此詩壇合有名載酒正來杯渡寺
看花復作廣陵行櫻桃籠裏珊瑚色芍藥欄邊杜宇聲
逢我故人應見問爲言卜肆老君平

喜吳錦雯來自越

春江知爾欲揚舲，日日登樓數驛亭。
楊柳低垂人始至，風波吁駭事初經。
看雲豈獨郎為宿，照水應知客是星。
若話游踪愁轉劇，茫茫大海兩浮萍。
妙年能不赴春闈，此意如今識者稀。
無論君親恩可忘，只言師友訓難違。
愁中白髮三千丈，雨後霜皮四十圍。
懷我新詩情自苦，夜深讀罷淚沾衣。

卜居

卜居久已定于湖，只少城西宅一區。
借廨不妨借醜婦，應門猶幸有癡奴。
窗間山色青兼綠，架上詩篇白與蘇。
濁酒徐傾聊自慰，古來多少混屠沽。

與吳錦雯羅天戒送春

七七言

五

年年客裏換春衣，何事春歸客未歸。
半日春光殊可惜，暫時游覽莫相違。
花知我出猶含態，鳥見君來不忍飛。
聽鳥看花一杯酒，明朝難得此芳菲。

蕭尺木有詩見訊答之

明江卜宅意如何，只爲情人此地多。
刷羽且憑鷗作侶，銜泥不見燕成窠。
迎家就客風猶阻，冒雨尋芳春又過。
安得一枝長傍爾，短牆朝夕共烟蘿。

天逸閣社集懷古分得韓昌黎

韓昌黎詩集卷之七

學風

三齡失估仰賢昆，那更兄亡嫂獨存。
乞食自輕千里道，受書聊寄一家村。
當時糠粒兒童腹，此日松杉祠廟尊。
我亦孤悽逢世難，頻過宛水暗傷魂。

予去宛後家人乏食，蕭尺水羅天成胡允右張與

贈各餉米一石，歸日賦此謝之。

秋林旬日雨，寒其餅。難教小婦炊晚飯，忽春雲子白。
杜詩：飯抄故人先送救公饑。江浦早稻，釜鍾高義。今
雲子白，故人先送救公饑。江浦早稻，釜鍾高義。今
應少管鮑貧交，更有誰燈火。客窗兒女笑，老親差不怨
此離。

十年戎馬故園荒，百畝曾無億石糧。
畫室畏途同劍閣，叩門乞食類柴桑。
餐每荷青山友，飲啄猶瞻白日光。
比夜雷侯類入夢，忘詢辟穀是何方。

聞蕭伯開廢九將至姑孰，相見有期，爰賦此詩。

憶昔作客石城陰，與君兄弟交最深。
一自乾坤有及覆，七年魚鳥空浮沉。
兄臨東海信高士，弟官西秦豈本心。

何緣會合牛渚水

七七言

五

何緣會合牛渚水，預買香醪喜不禁。

中秋日張東園見枉小飲有作

西堂吹雨長苔痕，病久從無客到門。
遠展不殊空谷響，閒杯如共古人言。
相將延頸蟬蛩魄，何以克庖菜蕪根。
一種人間歡喜夜，獨教愁悴臥荒園。

寄懷邢孟貞石回

西郊小別正殘春，別後遙憐雨降辰。
世亂幾人周甲子，年華又喜遇庚寅。
至是六十一矣。山中風雅含元氣，湖上烟波絕四隣。
莫對園葵傷老大，白頭猶見日重輪。
倦游歸種石湖田，數畝那能抵一瓊。
自注：糟牀芬最烈，載過京市美爭倦，倘逢嵇阮寧論直。
只恐荆高有負錢，似我平生多酒債。
輸君酒債在人邊。

雨中東東茹吉博士

橋東日日擬相過無奈秋霖泥滓何地福菊英親酒少
官寒苔蘚上階多一生朋舊情誰篤二子詩篇義不磨
東東有雅詩 年芳老公詩 猶記早春風雨夜梅花簷下共悲歌

贈于息菴先生

宦海浮湛十九年歸來環堵尚蕭然談經復聚鄰家子
舉火惟收月俸錢垂老豈能忘戰伐長齋不忍近腥羶
江城此日驕羅綺也有霜柯萬仞巔
片帆烟雨過浮西平野孤菴且暫棲聞說蒹葭人在水
請看桃李自成蹊燕支山下牛羊關石臼湖邊猿鳥啼
極目王孫東海岸不堪春草又萋萋

李士雅江上見訪談粵中事甚詳感而有作

李士雅

李士雅

李士雅

離人歸自蒼梧北顧我茅齋牛渚西曾見六龍翔島日
又聞八駿蹶霜蹄出師尚恃劉兼魯劉兼魯殉難無過陳
與黎黎怪雨艱辛還故國不爭鵬舉慕雞棲

太湖訪戴其懷

先長戴以荻芥見寄不報

遜世惟親本草經自憐衰疾仰薄岑故人許向松根劇
使者攜來山路停隔歲音書勞遠思荒城風雨又同聽
冬暄荷鋤隨君往不必封題鳥獸形

贈馬嘉甫

荒榛蒙密路欹斜道是當年王謝家故壘那能巢玉燕
明珠猶自握靈蛇不嬰塵網門蕭寂獨坐書窗意靜嘉
投我詩文并風雅山城誰似爾才華

龜山集卷之八

院桐方 文爾止著

塔緇水王

樂大節較

黃州王澤弘吳應定

七言律

人日飲汪瑞卿宅兼別實公枚臣

辛卯

攜家避地似梁鴻感爾能為舉伯通時有雙魚餉貧旅
還將斗酒醉春風明朝欲別浮雲外今夜同眠綺閣中
最是主人情可戀江花江草思無窮

四十初度

聖代文章本自多寡余名宦獨踈眈祇應丘嫂老麋鹿
况復郊原徧路駝易世幾人雷節繁危言到處有風波
怪來兇輩輕相譴四十無聞可奈何

寄懷徐子九明府

花城羣盜正縱橫有客經過路未平日在蒿軒光旅舍
更分廉俸潤歸程別來兩載彈琴治悶說千家賣劍耕
我寓司空青嶺接可傳書札到柴荆

兔兒天王言如王詒白夏廣生見過有作

三君旅舍近吾廬底事經旬隔起居藥裏堆牀綠祇情
酒醺眼地不嬌魚自憐薄命同秋草獨坐荒園誦道書
松下柴扉聞剝啄幾番寬慰重歡欣

夏日卽事

山郭傳經生事微蕭齋長閉客來稀雨中籬倒羊群入
露下草深螢亂飛野老不堪聞仕籍學徒強半赴秋闈
晨昏獨向瓜棚立一任涼風吹葛衣

熱

我生畏熱不畏寒鴈月易過暑月難預防疾病戒飲食
少見賓客藏衣冠道途奔波幸可免房舍逼窄那能安
明年卜居山谷裏茂林脩竹恣盤桓

客有教子謹言者口占謝之

野老生來不婦人况逢世變益嶙峋詩中憤懣妻常戒
酒後顛狂客每嗔自分餘年隨運盡却無奇禍賴家貧
從今卜築深山裏朝夕漁樵一任真

中秋後一日訪章明卿羅溪山中

捫葛攀蘿路屈盤似聞雞犬在雲端山家一院田三頃
秋樹千章竹萬竿莫嫌妻能偕大隱陳遵客亦有奇儺
怪來不啻居城市何物浮名易考槃

諸生入秋闈八入念之有寄

瓊蕊羣幕等蜉蝣俗眼相看詎肯休王猛也曾投策去
許衡且為治生謀雖無冠佩光辰極亦有與臺炫里陬
却笑先生似衰柳斷烟疎雨不勝愁

夜坐贈內

秋夜張燈掩竹扉左邊開卷右縫衣空階不斷瀟瀟雨
隣舍時聞軋軋機性癖如予吟自苦家貧賴爾敬無違
雖然環堵安閒甚始悔從前游不歸

寄懷劉旭采博士

風花烟柳郡江春與子相逢卽故人永夜為懽先判醉
來朝欲別各含辛盛名豈可忘昭代薄祿惟應奉老親
猶記高言對時宰野夫白首尚書紳

劉劉家宰某詩集
忠義行手忠義句

以爲蘇武漢始
昆之於絕古今

熙城漫興

張仕之年便陸沈祇緣書癖與詩淫世間何物奪吾好
異代有人知此心霜落秋山添苦思月明寒渚縱高吟
妻孥莫恨無生產千首詩傳抵萬金

題烟波獨釣圖

一自兩京淪沒後斯人漂泊在江湖臨流高詠有時有
扁舟暗傷無處無世難且從公望隱運回應笑子陵愚
衣冠倘見劉司隸豈肯甘心老釣徒

喜馬倩若至夜話

連理堂中共明月別來二十四回聞他鄉見月時相憶
今夜街西月在天久客漸思歸老處長貧未積買山錢
書山集 卷八 七言律 三

何年始遂南湖約春雨秋霜一釣船

冬日卽事

窮簷蕭寂傷城根數日風寒懶出門自洗殘缸收臘水
頻移竹榻就朝暾肩乾把酒無餘瀝視凍蔬僅一痕
莫道山中樗櫟賤家人薪炭不曾溫

雪夜訪阮客卿齋頭小飲 阮方請飲歸清

朔風淒緊撼茅簷念兩廬居尚寂苦顏色叩門應未睡
枯腸索酒亦何嫌釀發宿火堪煨芋雪響空林似撒鹽
常怪蒸豚非禮法如今勺水不曾需

訪宋君尺山居不果並寄阮質夫

陽鳥山下有高踪路出花香復幾重地名 阮會約早春
來信宿却慙游子未從容詩情每憶宋之問酒況兼懷

阮嗣宗欲卜芳隣誰勝此他時買宅傍雲峯

爲園

作客從來是借居居停既久亦吾廬伐茅加屋何妨厚
買竹編籬勿任疎虛室豈須憂盜賊爲園儘可種瓜蔬
方春便覺土膏美頻與山妻好自鉏

壽程丈

聞說程君隱市廛雞群白鶴自超然愛吟好句來江上
不遣愁容到酒邊范蠡千金如砥礪尚平五嶽卽神仙
逍遙游復能齊物身在南華第幾篇

賦得鍾山梅下僧 壬辰

孝陵枯栢千年樹虎倒龍顛無一存只有寒梅藏絕谷
尚餘破衲守孤根月明華影聞鐘梵雨漬苔衣見淚痕
不許閒人嗅香葉春來芳草憶王孫

送曾庭園游漢中

秦川自古興王地楚蜀咽喉在漢中龍戰且收西極馬
鵬搏應待北冥風將軍名以先朝重才子文於露布雄
酒後有時還縱獵詩人爭與賦形弓

寄懷潘江如

千里蒹葭共一江白鷗何事不成便君歸海上藏烟艇
我去山中閉雪窗秋水無絲蓬石臼晨星似欲轉天杠
年來蘭畹凋零盡尚有梅花幾樹榕

雨中同唐祖命吳震生過張元毓小飲 次山韻 命

江上鷗孤正寂寥無端風雨又蕭蕭欲尋溪友愁山屐
誰念詩人送酒瓢日暮逢君來古寺春陰扶我過危橋

明朝況有將歸客先向青門折柳條

訪劉賓仲先生寓園

華亭宗伯久不作
緒山老人今尚存
自有法書垂異代
却無精舍借鄰園
詩中白傅夜猶讀
欄外絳桃春正繁
與我忘年交恨晚
佳期日日到柴門

贈湯吉翼

紛紛詞客何須數
獨爾揮毫逼古人
七字短詩寒徹骨
八分小篆瘦通神
他年倘美堪垂世
此日遺榮更絕塵
相指乾坤吾道合
相思莫厭往來頻

贈張必簡

炎風朔雪走江濱
日日周旋失意人
孔壁藏書寧與爾
孫衣遺酒不辭貧
欺霜自號冬青子
飲水能娛髮白親

其對寒窗愁永夜
來朝賜谷見重輪

贈唐嗣履授徒陽明書院

本朝理學王新建
處處山川各有祠
鼓篋便須來此地
通經方不愧人師
長懷吉顗勤王日
又想汀漳破賊時
伯仲顏曾復伊呂
世儒誰敢笑良知

懷范小范滁州不至

君泊江關正歲除
匆匆登岸訪吾廬
開春雨雪各歸里
隔縣湖山未寄書
彩筆暫雖依羣幕
青泥終不染芙蕖
相思只待滁陽返
謀入花源共捕魚

王復西以所居書室僦人感而有作

王郎年少喜藏書
一室縹緗擁萬餘
我暇輒來終日坐
君貧何至與人居
荒臺不惜移衰風
寶篋惟愁失蠹魚

知己重過三嘆息祇今天地亦蓬塵

答梅崑白兄懷並寄令兄杓司

響山村舍昔昔游
君家兄弟東西頭
林中痛飲至一月
江上小別逾三秋
裁詩相寄見深意
命駕不來生遠愁
安得暮春重過汝
碧桃紅藥再淹留

贈楊泗水丈

皓首紅顏八十翁
嬉游只與少年同
看花每出江村外
玩月頻來野寺中
酒好畱人先自醉
詩多信口不求工
漁郎莫話尋源事
封爾居然黃綺風

寄懷蔡四芹溪

三春許我到歐湖
日夕江亭望眼枯
柳絮亂飛人不見
榆錢迸落酒難沽
別來生計空倉雀
老去光陰過隙駒

借問芹溪同學者
風流還似昔年無

唐韓孫招同施孝章飲因出萬年少所寫令祖司理公像感而有贈

姑溪卜宅城南最
白紵青山皆在門
日見漁舟行葦岸
時聞漁唱出花村
傳家富有詩千首
好客貧惟酒一尊
重把先賢遺像展
君才方不愧韓孫

五日至程少月宅

曾家塘上野人居
妻子無多屋有餘
前其荒涼難寓客
昨纔倚葦似遲予
雙鬟任見何須避
一室同炊儘自如
況是離情兼令節
尊前清酒話徐徐

贈俞茗中

衣破那能歸海上
時危聊復隱江邊
欲尋舊壑三策

寂莫韓康守一廬竹版教兒新注易花枝供佛舊逃禪
如何藥裏多薑桂欲療人間滿腹癰

夜同少月過許銓臣小飲

雨歇空庭何所思故人投業在荒祠寒裳涉水路非遠
乘月叩門僧自如以葉當茶休汲井將燈照壁細看詩
牀頭况有桑椹酒淺酌深譚醉不辭

喜明園至即送其東行謁浪大師

昨夜山中夢義烏今朝游子到于湖先時子華一僧見
也殊不逃名也似棲雲驚避世寧終老必獲錢裏雪霜
頭早白望中日月眼雙枯雖然持鉢非求食自有摩尼
五色珠

明農明園本同心只合幽棲共一林流水那堪分去住

寄山集

誦詩誰與測高深江邊石路纔相訪天界松陰又獨尋
若見浪師應喜極四年延佇到如今

飯羅山休夏

一丘一壑能消暑何必千峯與萬峰吟坐最宜窗北嚮
醉眠管至日西春槐花打瓦聲疑雨松樹參雲勢似龍
睡起獨行籬落外徜徉吾自縱天慵

送史亦豹游姑孰

君是先朝侍從臣竭來江左作閒人十年懷抱無由展
一月追陪分外親長把酒杯消酷暑也同詞客和陽春
中宵且莫論心事回首燕臺淚滿巾

鶴兒山下久徘徊直到新秋權始開夜雨忽收殘暑去
江風先送早涼來謝山遊展君當發皖水歸帆我亦催

別後相逢復何日臨歧執手重興哀

七月初三日大雨

沿江赤地千餘里瞥見峰頭一縷青颯颯龍鱗疑飽墨
颯颯馬鬣似傾瓶可憐農舍三旬望且喜僧寮半日聽
雨後微涼秋水潤歸人不久即揚舲

七夕同少月既白漢侯伏朗公房即事

老僧不飲留人飲只爲詩情與衆同蔬菓况當星月下
園林俱在水烟中敢言玄度尋支遁且說離騷繼國風
七夕後一日宿羅天成寓齋別

七夕後一日宿羅天成寓齋別

天上雙星方會合人間好友欲分離今宵不盡杯中酒
明日空勞去後思風雨留人須借榻湖山何處再論詩

寄山集

自傷不及華堂燕秋去春來尚有期

別蕭尺木沈崑銅湯玄翼張東園諸子

落明江上每停舟來及春風去及秋緣有數人同苦節
渾無一事只開游詩篇妍雅交相竭家計蕭條且勿愁
東海南湖消息好豈應垂釣老滄洲

錢既白爲予書論山集成賦此謝之

故人書法師顏柳龍臥無江道已高憐我詩篇多苦思
不辭炎暑爲揮毫松風竹月長相對暮往晨來恐太勞
他日錢函藏鄭史也須名姓著同袍

自蕪陰還太湖舟中作

江渚飄零過半載今朝始得近雲巖浮屠烟外標寒寺
屬玉波中亂遠帆照水忽驚新白髮見人無改舊青衫

空囊莫問金多少但有餘山集一函

歸泊皖口

春日遲遲此繫船行吟江畔獨凄然可憐蘭秀蘅芳地
又是波生木落天變海豈泊亡國恨登壇空憶昔人賢
張公文傳不知民社今誰主腸斷孤城一水邊

中秋飲夏汝明廣文署齊兼別阮磨卿戴其懷章

明卿馬嘉甫章仲衍何九亨畢昭吉諸子

山城卜宅又回車只爲年荒之所儲草不芳時怨鴟鴞
月當圓夜恨蟾蜍故人欲別難爲別隣邑雖疎尚未疎
雁叫秋空聲響接相思莫斷數行書

江上聞雁

賓鴻本是朔方鳥尚想南方歲一遊何事人情偏向北

山人七言律

冥心邊塞不知秋風高迥出蓬婆塞露冷先歸杜若洲
持節久無燕典屬帛書誰寄隴西頭

訪任克家山中

湖上垂竿曾有約六年今始過君家青松密處山樓隱
紅蕖開時石徑斜暮雨霏微須止宿秋田荒落各興嗟
殘禾雖刈不成穫澹澹風吹蕎麥花

並除以稅無風雅作者寥寥知者稀愛爾深沈嫻古法
謂予吟咏合天機燈前細閱愁應破酒罷狂歌興欲飛
安得移居傍龍嶺相思晨夕一披衣

訪劉超宗不值留此寄懷

自恨游蹤去五湖故人捐館國生芻江城遇爾先除服
山澗招予未遂圖正擬白鷗來共狎豈知黃領又分驅

梅花開日重相訪臘酒多藏莫待沽

九日

年年九日在他鄉今歲歸來興未央怕見浮榮入城市
却依先隴住湖莊山中不識金銀氣衣上猶聞桂菊香
自買村醪破愁寂何如避地醉爲樂

松山湖中

溪淺難容一櫂行沙間徒步覺沙平魚隨木落梁空在
雁逐人飛字不成遠樹斑斑秋色迴澄潭皎潔夕陽明
今宵只得舟中睡愁聽西風颭葉聲

潘蜀藻招問陳二如夜集有贈

吾鄉詩學自紛紜古義深求在兩君註就杜陵真一絕
二如注杜吟成白傅渾無分潘蜀藻爲權傾訂花間

山人七言律

月欲別先愁江上雪問我何年歸里住三人歌笑日相

送周思皇歸麻城兼寄樞大師劉藏夫孫謀子淳

毛公實梅希亮暨令兄遠害

君自蒼梧臨桂還捐軀爲友歷開闢恢奇不減孫賓石
哀怨猶疑瘦子山思皇自粵西遠寄匡阜一瓢欣有托

楚天雙翼香難羣龍蛇此日新酣戰世外英姿且暫閒

孫魯山司馬五飲談匡廬之游甚快

門巷蕭蕭少客過月明期我到烟蘿花前說說前朝事
酒畔惟聞擊箸歌雲谷昔曾標戰壘孫魯山爲友人地特
旃裘今豈勝漁養無端忽報徵書至洗耳其如巢父何
時有童孫

春水揚舲彭蠡湖詩篇高秀比香鑪孫今春有荒墳曾
拜淵明否古寺還尋惠遠無瘴海有人歸破衲之霜
天我亦訪名區倘逢題壁應相和回首龍眠調不孤

江月

霜艇初維寒氣肅米輪湧出更高寒一天雲散了無翳
千里江流靜不瀾把酒獨斟誰共語抱衾欲睡豈能安
舟人畏冷半遮席喚我頻頻向外看

初至南康東徐伯羽太守

彭蠡湖邊孫楚歸道君相念語依依孫魯山司馬自南
雲霄得路人非少泉石國情世所稀正想開先看濕
布况聞猶子寄林扉霜江一艇來過此乞與輿人上翠

徐太守招同胡司李薛星子黃山人夜集

湖城微月復微霜秉燭來過刺史堂自有群公消暇日
也教二隱發清狂石因星化曾名縣山以人傳亦姓匡
聞說重脩白鹿洞洞中蘿薜亦含香

重過玉京山至五老峰下

前朝出郭太多匆多少林樾勝未窮此日霜晴天皎潔
小春氣暖路和融玉京山下陶徵士古武祠傍顏魯公
聞說當年俱卜宅至今過此仰遺風

白鹿洞謁文廟

廟中聖賢像如王者又有吳
廬山奇不在仙佛嶽國文公有講堂歷代規模猶赫赫
千年林樹自蒼蒼孔顏何事皆端冕郭魯從來是素王
書手更看吳道子果然絕妙動宮牆

萬松坪阻雪贈雁上人上人吾皖氏

五老峯陰寒氣重山僧長夏亦衣棉况當凜冽水霜月
又是淒淒雨雪天脫粟有情須暫住燭柴無數始成眠
何期隣衲爲同里就火烹茶話昔年

含鄱嶺至太乙峯

侵晨獨出含鄱口千里鄱湖一嶺面但使短藤窮碧巖
何妨細雨濕青衫林中憐澹高低寺霧裏微茫來去帆
不是探奇索隱者誰能踏雪上巉巖

宿棲賢寺

冒雨尋山事亦奇玉淵金井晚猶窺山僧供客惟粗飯
佛殿安單有敝帷爇火那知薪炭費攤余不憚雪風吹
五更窗外啼聲切想是林猿夜失見

間先寺

間先寺贈曹源禪丈

芒屨踏破嶽千層只見雲山不見僧惟到間先青玉峽
始達嘗住佛圖澄菰簷雨挂西峰瀑茶甌香泊北淵冰
明歲重來共兄子從師朝夕問三乘

黃巖贈山子禪丈

匡廬峯經知多少最是黃巖絕好看千尺飛泉垂洞底
三間古洞出林端幽棲合有高僧住妙義能令游子懽
他日結茅誰勝此東頭猶剩一瓢寬

間先寺阻雨同曹上人夜坐

本爲黃巖瀑布來黃巖看罷即須迴天知我意師相洽
故遣山靈霧不間日與烹茶燒敗葉夜猶煨芋撥寒灰
三更却話因緣事銷盡禪窗幾寸煤

贈麋上人

周先如客

山中緇錫能詩少反謂詩爲文字禪試問人天誰解脫
不如風雅且鑽研原公首座超羣輩愛我孤吟和一篇
雨後相携看瀑去晚來石屋共余眠

寄懷宋未有吳敬躋二孝廉

未到南康先憶君昨來端擬一相聞豈知積雪迷山路
又說高踪遠世氛亂後家園俱已破愁中筆硯未曾焚
雖然避俗難辭我我亦西山麋鹿羣

贈黃伯圓山人

黃生丹青稱妙手又能水墨寫人真一圖已盡廬山色
數筆卽傳野老神伯圓爲子作廬山圖又爲子作廬山影如何歲晏不歸去
只爲才高難救貧會當與子犁庭網去作紫霄峰頂人

官山集

李明府爲家子建構一茅亭于署中命賦

官舍三年始有齋短牆依舊覆茅柴書雅尚人誰及
水榭高風爾亦借窗外晴雲來遠岫燈前夜雨響空階
雖然陶令爲知己歲暮那能不感懷

元日星渚

癸巳

元日家家香在門野夫於此暗傷寬但聞鳥雀多新語
不見江流復舊痕閒逐東風行北郭轉從西澗望南村
玉京山下林泉美人說淵明尚有孫

匡君千百好峯樹昨歲來遊取次看日日攀躋忘却倦
霏霽雨雪不知寒春江欲去仍回首郡伯相留且授餐
白鹿有緣開講席今年長倚石闌干

贈星子薛明也

紫霄峰下星爲縣東古山前石是星鸞圖豈應棲棘里
牛刀聊雨試霜礪新年澤與陽春布大雅詩從靜夜聽
慚愧江關老詞客可堪白鹿妄談經

贈祝一之

君是湖山騷雅人豈堪屈首洞風塵一官雖改柴桑節
三黜仍安柳下貧逆旅病來誰餉藥故園歸去好垂綸
世間臭腐唯榮祿不及詩篇字字新

胡石林司理夜集郡齋談詩甚快有贈

春陰漠漠去江門十日來歸湖上村未入荒城逢暮雨
卽過隣閣倒山尊天懷秀發元風雅詩體精微更討論
佳句輒稱蘇令尹知君六義有根源胡學詩于蘇

少年曾夢入匡廬南望雲峰十載餘更隱得爲山下郡

官山集

卷八

官閒不異寺中居高吟雅好陶徵士絕學重興朱秘書
愧我無能分講席明朝理檝賦歸輿

贈王斌爲宋未有

當年卜築石城阿三徑曾開二仲過東海未歸門巷冷
西江相望水雲多情入偶遇分風浦心事全憑叩角歌
好向黃龍尋隱逸宋未有片帆明發恨如何

都昌南樓東彭明府

南樓迥出大湖邊更有南山當縣前一覽便知形勝好
千家爭說令君賢草鋪芳甸非無錦最落晴沙並是仙
慙愧主人畱客意懷歸那得久畱連

題書

山家畫永日晴和好拾遺書題書碧莎舊作文章偏愛惜

少年心力盡銷磨鴻軒鳳翥還如此風囑蟲封柰若何
自嘆一生才命蹇曾逢明聖不登科

夜半

夜半愁聞杜宇聲起來叩步月華明空山學道無人識
破寺吟詩有鬼驚天地豈應吾獨困文章難與命爭衡
年年擬作田園計底事年年計未成

再贈宋未有孝廉

與子神交十五載曾題鳳字到寒門維舟星渚元相訪
匿影匡山何處村破戒入城因友難宋未入都十年矣
感時流涕向予言勿勿那得論心曲堅約秋來尋

臨別星渚望廬山瀑布

高日矣

卷八七言律

五

鶴鳴龜背兩高峰一道飛泉似白龍曾挾老僧披石磔
便思小築臥雲松有田方遂山中約無食難安物外蹤
他日攜家終隱此楊衡李白合相從

歸樵川

霜風凜凜出門去仲夏炎蒸始入門千首詩篇傳嶽麓
半年妻女餓江村雖然竹有千霄節爭奈萍無著土根
若得能眠田二頃便應躬稼老丘園

鱖魚

家在江東春水邊楊花落後此魚鮮白于笠澤銀絲鱸
肥似襄陽縮項鰱梅雨買來風味別荻牙蒸就色香全
臨餐忽有傷心處不薦園陵已十年

水崖哭明圃子畱十首

十首

聖代遺民本不多頻年鋒鏑又銷磨衰宗尚剩農兼圃
至性同歸笠與簑只道陽春迴律管豈知長夜閉烟蘿
瑤華且受霜風折冉冉孤根柰若何

少小能文氣似蘭里人誰不信彈冠祇因喪亂身當磨
縱使沈埋性所安故國有懷唯涕淚新詩無字不悲酸
漫勞鐵匣藏枯井此日流傳血已丹

神寒骨瘦映梅花對爾長憂壽不遐也說艱難過三九
果然歲序在龍蛇同堂羣從爭榮應絕島游覓獨怨嗟
蹠跖引年顏冉天茫茫大道屬誰家

里門裘馬日紛紛鸞鶴寧同鷄鶩羣如以衣冠坐塗炭
不徒富貴等浮雲家人愚聞還相勸異類腥臊孰忍聞
十世國恩蒙者衆獨將破納報明君

前歲東遊入四明三秋臥病海邊城十歌痛絕判長逝
一息纖微喜再生子畱丁亥游山病復往象山真有
數欲朝龍舸竟無成高入自古臨東海此日天南是帝

京

憶昔相攜吳楚遊日同七箸夜同禱奇惟東壩千鍾酒
苦恨西湖一葉舟共把愁心對陵關獨將佳句播滄洲
河山猶未歸堯禹痛爾飄零先白頭子畱有月山若不

之句

去年五月過鳩茲訪我西山酷暑時僧舍且淹三夕話
佛燈盡讀十年詩離顏便覺不同昔分手那知是永辭
此後江關來往泊逢人一間淚痕滋

水崖卜築四山青竹屋茅扉儘自局何事頻游東海郡

所悲不見北辰星早知溘死先葵露只合巢居何茯苓

父母俱存兄弟好天倫樂或可延齡

鮑家山下壘香臺佛閣經房次第開曾約我來瞻鶴梵

豈知君去長新苦遺書尚有兒堪讀真宰應

無還不回只恐恩光被泉壤可憐白骨已塵埃

乾坤豈獨我同心復與吾兒氣誼深千字挽歌何太苦

玉樹埋沙恨莫禁有子有詩猶可慰天冲慧

業永銷沈

與錢幼光入山同哭子畱因有贈

高人客死海雲邊扶柩歸來已半年老我聞之心痛絕

逢君話及淚潸然生芻便約同舟往苦節應推避地賢

離在人間亦長夜那能白日照重泉

旱

山田十畝本無多縱使年豐收幾何所願人家有餘粒

隨方得酒節高歌夏雷殷收空聞經曉露微微異潤禾

却憶春江見雨夜小初霑濕蓋重簑

五兄爾唯自粵東歸寄此

故園松竹未荒蕪底事從軍瘴海隅要領得全猶慶幸

容裝雖薄勿嗟吁蚤知披髮無仙吏悔不橫經作腐儒

微祿豈應妻子飽也教易弟潤斯須

聞兄臨去嶺南時名士爭裁送別詩最喜胡生才絕艷

尚憐小弟寄相思人也送兄有詩文宦游終不如歸隱

世運方今似奕碁種林田收多釀酒秋涼遲我過東籬

立秋日從子子克歸自饒州

爾去鄱湖雨雪中歸時一葉下梧桐兒生半歲爺纔見

素有多金用已空獨買瓷甕製遺酒友更誇剗剗助文雄

草堂疏豁依先壠昏旦相過話不窮

孫子穀招同子克夜集分韻

游子初歸湖上船故交相見語纏綿洗塵正值新秋夜

把釐同看欲雨天微尚雖然分出處英詞皆可潤山川

秦人何必求源水胡亥亡秦只幾年

枕上喜雨兼柬子穀

幾月不聞簷雷聲今宵點點最分明秋花欲死根猶活

晚稻得收人再生癡女徒林愁屋漏老夫戴笠候雞鳴

來朝何處堪延賓過嶺還尋孫子荆

寄懷李泚林明府

一年書問未曾通長有慈顏入夢中老困愈知懷舊德

妻孥亦解頌仁風山田又早難安土詩卷雖多不救窮

虛岳千峯自奇絕主人那得似司空

孫振公招同戴山民道及諸子夜集談詩因懷其

叔克咸職方

南國風騷永社興孫郎年少骨嶙嶙孤軍雖陷名猶烈

羣從多才堂更升出酒聽子談往事陳詩知爾擅修能

引商刻羽還深入歷下卿卿未可憑

王定爾招飲論詩有贈

四十乞休何太早鳳凰池上客尤難祇緣書史性成癖

漸覺功名興亦闕好我苦吟頻有約出君新著儘教彈

案頭多少唐人集只論其詩不論官

馬倩若舉第五孫東此子外甥也

君年長我一歲耳六子五孫何太多可憐車笠既殊絕
又被箕裘偏折磨羊祜蔡邕終異姓孟郊賈島合悲歌
也知天意因詩罰爭奈窮工益巧何

左子兼招同蜀藻登北山作

一秋風雨不曾晴邀我看山期屢更昨夜新霜鋪屋瓦
今朝爽氣出岑城尋僧共坐沙灘竹下酒爭發離落英
不是含風咀雅者誰人白日解閒行

喜曾止山見訪

止山庭園之弟也自粵還已爲僧矣

赤錦山前送兩兄看雲憶弟不勝情南浮粵海應歸佛
西去秦關且用兵烽火一年無遠信蒲團九月到荒城

中宵細雨愁方劇况聽霜風白雁聲

送馬倩若北征

黃雞紫蟹正肥時日日看山醉不辭爭奈徵車新令甲
却教驅馬舊京師量移合與家園近強起惟應老友知
也信梅花寒徹骨贈行空有一篇詩

和陳二如同婦嘆

昨夜聞君同婦嘆歸來誦與老妻聽詩何其苦真相似
命一般窮更有刑况是貧家猶積累居然華冑轉飄零
斯言近理如何答枕上勸酌睡已冥

贈孫赤玉

少保祠堂絃誦聲吾兒與子冠諸生典衣饋藥情何篤
剪紙招魂義不輕貌類蔡邕嘗有感恨同卜夏豈能平

他時簪筆關書府可記天冲亡友名

寶將軍祠和江向若韻

將軍本是西川卒稟稟猶知忠義存不肯委蛇狗盜賊
也能就饌立乾坤太呼城下詞何壯遺廟山阿衆所尊
借問京華冠蓋者幾人追念舊朝恩

九月十六日載酒城東送曾止山還匡廬左子直

游歸德同送者陳子垣張潛之陳二如馬孔璋

左子厚也

明月不堪千里共一時遂有兩人分鄒陽正及梁園雪
惠遠終歸廬岳雪馬首朔風侵短褐杖頭秋色挂斜曛
我來故國那能久亦欲相隨鶴鶴羣

西山晚眺遇左三山先生因至其家小飲即事有

作

端居無事出城遊步履輕于沙上鷗心緒亦同霜葉赤
淚痕長共石泉流乍逢農隱情偏洽要去書堂飲不休
話到三更神轉王焉知七十四春秋

湘海茫茫未有家且將詩酒作生涯吟逸不覺狂奴態
靜處微聞長者嗟又欲匡山尋瀑布誰同寒閣問梅花
三冬望爾歸來早故里論心人莫遐

李仲山五十

李生生日少人知獨立柴門自詠詩俯仰百年過已半
經營十畝尚無資且將筆墨傳終古何用車裘炫一時
珍重江關老詞客謝榛名並濟南馳

送李仲山游六安兼寄張徐諸子

楓葉蘆花正暮秋
寒暄何事夢城游
故人有約情難負
舍弟同行路不愁
舍弟名去日詩題分野店到時書法
徧山樓此中文酒多豪士
斷不令君典敝裘

贈小孤山僧

小孤山下六回過
未及登山捫薜蘿
轉恨風帆何迅疾
亦愁石路太嵯峨
沿江乞食僧來遠
絕壁垂藤鳥聚多
烟水蒼時渾似髻
合題高閣曰青螺
僧名云

雪後順風至南康

十日凝寒雨不收
江邊行客坐生愁
霜天夜吐初弦月
風渚晴開上瀨舟
大小孤山勞指顧
東西林寺憶交游
時曾止山前東林寺
凭闌貪看廬峯雪
五老真形是白頭

建昌訪魏竟甫明府

食山真

卷八七言律

王

郡齋相見卽相親
旅舍重逢是故人
招我雅游情甚切
誦君佳句意何新
修江春水曾迴櫂
星渚寒潮復問津
忠毅遺編知所愛
携來披豁共天真
忠毅公名子有共全集今贈

君才合掌鳳皇池
百里山城豈足治
喚渡亭前視公事
青樟影裏播聲詩
恩膏已覺羣黎遍
惠澤還教野老私
莫笑西川杜工部
也從人乞草堂資

祇應風阻不關予今朝祀竈愁偏劇古縣維舟恨莫撫
只待南風吹半日蒲帆一曳到村間

小孤洪冒雪至磨盤洲

昨夜北風聲怒號朝來雨雪似鷗毛雪繁豈礙還鄉路
風息休辭盤菜勞未過芳洲逢惡浪復從深港避洪濤
今年除夕到家否臥聽江鴻心鬱陶

除夕前一日泊大雷岸

延望家無百里程寄蒼何苦妒人行微風細雪猶堪去
怒浪奔濤誰敢爭判坐寒江過節序儘沾薄酒亂鄉情
持盃先祭鮑明遠古岸因君始著名

除夕泊路灘溝

除夕常時在客邊不曾樓泊釣魚船殘冬歸自西江路
滿月無風朔雪天漸近故園猶阻隔離云逆旅尚安全

貧家母婦深相念輾轉憂疑更可憐

人日哭從子子雷

子雷以癸巳人日卒于東山

歸客逢春須縱酒酒酣何事忽沾巾魯連蹈海去不返
沈疴窮途誰與親豈少才華在桑梓那能節操比松筠
本期霜雪翻朝露人日年年愁殺人

寄懷無可道人

當年流寓石城陰正學荒祠日日尋誰料金川門又啟
可憐高座寺重臨閉關人似猿樓穴煉性詩如鶴叫林
聞說潤州鉦鼓動且將釵釧試禪心

答婦問

無食無兒衆所憂問君底事獨休休二句是問猶根花

帶罕人談鳥啄魚吞各自自由今古似惟詩不朽朝昏長
得酒何愁况予窺測天人理未必黔婁與邵攸

八弟爾早自蓼城歸子與諸子夜集其宅因得觀

許妓詩甚佳感而有作

久客還家無不憶阿連底事獨辛酸青樓錦瑟三冬醉
野店荒燈二月寒江露芙蓉詩婉婉出籠鸚鵡計艱難
尊前俱是飄零者對此誰能不慨嘆

左子兼買山而隱寄此訊之

聞爾龍眠新卜築佳名夏霽自堪稱百年便作草堂計
六月當要山友登已辦青錢沽美酒預期赤脚踏層冰
西峯況有香爐秀不羨匡廬雲臥僧

聞汪君剛先生詩集于羽年齊頭有作

少年曾侍先生側雖誦其詩妙未知新老自憐于律細
重吟始覺是吾師典型令子能相肖品醜風人誰敢醉
却恨翁山生較晚不教爾唱萬天時

馬壻永公入學有贈

今日制科原不重少年舍此復何之風塵亦有文章價
名姓先於郡國馳勸學弟兄皆益友貽謀父祖是明師
眼前釋褐何匆遽須待垂紳正笏時

姚若侯暑中見訪并有所懷賦此答之

石田今歲又饑凶蠲舍炎暄午未春忽有軒車來委巷
祇疑晴雪落長松兼金正及貧時既老友應諸物外踪
爭似昔年淮水畔草堂一日一過從

平生酷好在聲詩每向人言人少知獨爾性情偏與合

似吾吟咏恰相宜一從楊柳紛垂組那得匡衡復解頤
京夜宵判花下酒重論頗覺勝當時

重訪李太湖

一屢曾借龍崖側高樹重陰得所依豈謂年荒居不久
可憐秋雨送將歸吟身雖逐枯蓬轉鄉夢時親明月輝
却笑玉環無處覓又同羣雀傍簷飛
七年三次來相訪匪獨人嗤亦自嫌倘有因緣時節在
客爲知己感恩兼棄書況是千秋紫茶笋能無數日淹
若復錦袍情未倦恐君傷惠我傷廛

送宗兄聖羽遊宿松兼寄田孫若長康

貧交似爾今無幾疎闊那堪十五年鏡裏容顏不如昔
袖中詩却好於前義兼風雅徵天性家傍湖山絕世緣

子轉妻耕何不可區區猶戀廣文瓊

田本不多年又早春來飢困豈能支司空且貨監河粟
令尹偏逢雪祭時累夜懷人在爐水明朝驅馬向汾池
乾坤輩後音書闕客路因君寄所思

李明府龍崖禱雨余亦同泛

閒說龍崖龍有湫羅先生後少人遊羅溪會得胡百
年又見神明宰長夏偏爲禾黍憂勸向山林求雨澤携
來賓從亦風流石苔與剝傳遺跡更結雲亭在上頭

訪章明卿山中

前歲中秋叩爾關高林微雨臥看山萍踪忽去數千里
茅舍新開八九間爇老自憐燕玉美遺榮爭羨鹿門閒
明年有興還相訪竹下鷄雛五色斑明卿新

送夏汝明學博遷江寧兼寄顧與治紀伯紫余澹
心諸子

南都雖改舊皇居人物山川宛自如官是廣文兼仕隱
門當淮水足禽魚金相玉琢開中句鐵畫銀鈎昨後書
猶有遺賢在林樾花時不惜訪蓬廬

仲秋入龍眠山偶遇高除二偕往卽別賦此送之

長夏頻招子入山炎煊步履不勝艱節過白露暑纔退
人出青門身便閒自識幽棲雲樹裏况逢舊友道途閒
今宵對榻眠應好何事匆匆曳杖還

夜宿子直蜀厂感舊有作

昔余披髮始成童負笈從師在此中彈指光陰三十載
側身天地一孤蓬後生榮貴春華似故老衰貧秋葉同

只合商量借隱計我居巖北爾巖東

壽五兄癸亥六十

秋田驅策向城關特爲吾兄皇覽辰八首已傳花下句
一杯須就舉頭春兒孫羅立何妨老山水逍遙不厭貧
始悔從前過嶺誤折腰翻拜少年人

九日偕左三山先生兄鐸諸子登北山作

自是老懷長落漠不堪秋氣又蕭森花晨亦逐登高伴
海日偏傍望遠心浪說漳河千馬渡遙知粵嶠五雲深
舉杯但祝明年健天雨重瞻舊羽林

月夜過從兄臣梅小飲因出宣爐宮壺諸器感而有作

聞君秋水濯歌還月白霜寒夜叩闌酒是鄰家賒取易

器從京邑來，與宣宗御鼎金猶燦。高廟宮壺錦尚斑，對此令人腸欲絕。那堪重問舊河山。

石仲昭明府在駕草堂

柴門霜葉正紛紛，來往無非鹿豕羣。躬稼自應隨野老，式虛曷敢望邦君。誰將名姓通宮宰，先有旌麾下白雲。隣舍東西相顧語，卅年此事不曾聞。

三原孫豹人投詩三章賦此答之

冬晴正暖寒檐日，巷僻俄驚重客車。昔有詩名凌鮑謝，今知風節似嚴徐。傷心秦隴不歸去，作客淮揚遂卜居。何事少年甘委棄，三綱一綫在機漁。

關中舊友推韓李，聖朝今見孫郎更過之。采筆俱能干象緯，素心獨不受磷緇。普天長夜何時旦，東海重輪自

有期集

卷九七言律

七

有期却笑世人多，夢夢紛紛改況江蘿。

送張濬之計偕

總角期君應早達，年過三十亦何遲。箕裘聊以承先業，簪紱那能比舊時。精衛莫填海性梅花偏重向陽枝。君家兄弟勲名在，方伯中丞定似誰。

喜李仲山肥水歸

雨去淮西天正寒，重裘猶怯怯况衣單。關門一夜雪三尺，雲樹千層路百盤。尚擬使君分斗粟，豈知歲暮促歸鞍。空囊檢點殊羞澁，贏得新詩廿首看。

送陳子垣游上谷兼寄從子奕于司理乙未

除夕纔歸梁苑車，早春又跨前門驢。關關總為謀衣食，雨雪何曾畏簡書。主是賤貧交不薄，又因山水助非虛。

尊前若問淮西老，苦竹寒梅未改初。

讀戴敬夫河邨集

我友河邨沒數年，時時夢見似生前。祇愁遺稿亂兵失，稍喜承家二子賢。開道祝生歸有句，知爲張老刻成編。春宵借去寒窗讀，月落雞鳴尚未眠。戴詩次風吹客到

重訪陳襄雲山居

海內如君交不多，一年能得幾相過。過從便欲淹旬日，懷抱惟應托咏歌。況有藏書供老眼，也將快論起沉疴。雖然禁酒休辭醉，別後相思悔若何。

東鄭恪菴明府

雲峰天柱接龍眠，久欲攀躋未有緣。策喜從今日始

而即集

卷九七言律

八

山民爭道令君賢，荒蕪臺時猶千古。雅咏清陽已十篇

十景詩

若許老農相倡和，東風不負杏花天。

陳襄雲雨中送米走筆答之

故人留我六朝昏，倒度傾筐總不論。纔入荒城尋旅舍，又春白絮餽衙門。虛疑風雨愁難寐，轉覺陰寒靜少喧。只待雲晴山路暖，相携南岳訪真源。

贈潘舍仲廣文

先生風格自高寒，豈肯低頭就此官。想爲荒鄉有名岳，欲資微祿可開看。茅齋雖小談經足，茶缶無多酌客難。指點群峰挂檐隙，春晴期我上巔巔。

壽朱山人

山人工醫術，而有文學子三

天柱峯南草樹青，田居多少少微星。幽棲偶到蓬君壽

清明日偕潘會仲先生蹕青至

余善長各邀一日因拉舍仲之山谷寺

客裏佳晨難獨坐與君閒步出城河
芳郊不覺杖藜疲
老友何妨索酒過從此隣家傳食遍
祇因村落種花多
明朝更欲遊山谷借得雙驢西渡河

穀日同潘含仲陳襄雲金去的飲石牛洞

子瞻無並行吟後山寺蕭條六百年我輩登臨非偶
春風觴咏豈徒然班荆先就烏牛石策杖還尋白鶴泉
君有史才脩邑乘去時方集游遊錄小亦堪傳

山谷寺回又至的家值宿并贈其兄簡及

卷九 七言律

石澗春游興未終騎驢晚復到籍東尚餘家阻一塊白
況有山茶四樹紅訪舊之川名最著前向寶金公詩典
之川主翁之花
也論詩子美意偏工多君兄弟能留客轉望來朝雨與
風

又偕舍仲襄雲去的訪汪紫照山居

懷人三十里非遙况是春晴早見招出郭詩朋齊馬首
近村煙柳拂河橋門前鴨綠方池水田際鶯黃嫩穀苗
架有藏書尊有酒何妨夜夜復朝朝

訪陳蘭靖山居因遊石壁寺

山路經行非一廻。知君門對野塘開。恐煩雞黍未輕入。
直待鶯花今始來。古寺荒涼餘石壁。春溪香曲上香臺。
可憐樹底滋蘭地。空老凌雲聳徑才。

滕王閣詩

帝子風流何處尋章江門外閣森森朱簾畫棟有興廢
南浦西山無古今是客欲登樓縱飲唯子獨掩袂傷心
當年芳草如雲錦此日神州共陸沉

暮春感懷

柳堤才見麴塵新又見秧田似麴塵枝上黃鸝並求友
梁間紫燕亦窺人渚花汀草香偏艷園筍山茶味各珍
是物逢春皆有異如何春盡不逢春

石公子挽詞

游天柱與司空采藥千巖萬壑中正喜神君沛靈雨
俄驚孝子化長虹爲親禦寇休辭死設爾從王定作忠
關塞迢迢真真返重生應似顧非熊

金瓶梅

卷九十七言律

†

二聲詩各肖其用人事不覆請韻得聰字

山人古學號淹通明察秋毫只欠聰嘉遜全師陽冠子
得免爲許山虎耳足矣苦吟亦類浣花翁少陵有右曹
偏枯左耳聾
之杜微有守何妨仕杜微擢賢不仕字相曰君但以德
輔時不累君軍事乃開謀人夫

黃霸無緣執任公霸曰許丞廉吏尚能承得起迎送重
何輟鼓厭聞甘自廢却疑玉局是佯狂蘇子瞻答秦少
美特作贊之句

龜雖乏耳眼兼聽牛即無聞餘自通物性志龜以目聽牛以角聽指
畫也能齊二物人與龜者謂多以指畫字家翁亦可做三公社壇餘
酒年年飲本草社酒治氣故李鴻有社翁今磁石和綿
日日克綿裏磁石寒耳可治耳到底心聾醫不得列子心不涉聲謂之心聾猿

啼雀噪總成空

杜詩發鳴秋漢缺空聲聲空盡言聲也

同宗兄聖羽夜坐感舊

龍崖相過正朱明
放夜論詩有歎聲
別去風塵剛一載
坐來星月又三更
莫嗟身世同飄泊
每念交遊半死生
所愧貧家無禮數
黃雞白酒待秋成

喜孫子毅再入城因借仲山子直訂龍眠之遊

君到春城我未還
龍眠誰與共看山
探奇獨上雲峯頂
知已長懷岳寺間
柳絮飛經歸草舍
榴花開又欵柴關
相逢不許輕離別
結伴重過境主簿

滕王閣再題

乙未 滕王閣在南昌府滕王李元嬰也

聞州亭子洪州閣閣說滕王歌舞曾嫩藥濃花詩宛在
落霞孤鶩句尤稱

滕王李元嬰也 在南昌府滕王李元嬰也

巴山路

遠人難到章水臺
荒客易登况是層樓新結構
眼前詞賦更誰龍

寄懷孫豹人

霜江挂席南風正
籌爾歸于祀憲前
在路想因尋舊雨
到家聞已入新年
閨中愁殺舖糜婦
杖底橫攬買酒錢
總為龍眠詩二卷
逢人吟賞定終篇

翡翠蘭若今不少
鯨魚碧海似君無
荒鄉忽枉高人駕
下筆爭傳明月珠
况兼幽貞能出世
為求同氣最親吾
黃公祠裏晴兼雪
痛飲狂歌日夜俱

七弟南從初度招同陳爾靖小飲

去年初度客秦淮
鴻雁分飛莫汝偕
今日還家補春酒
况逢良友到高齋
海棠繁蕊先秋綻
叢桂清陰向夕佳

弟勸兄酬殊可樂
勿因貧窶重傷懷

兒時失怙最零丁
爾甫三齡我六齡
稍喜成人悟詩禮
可憐不嫁惜娉婷
野稟情性甘巖穴
子鶴聲聞入杳冥
濁世浮榮何足道
勉脩姱節慰先靈

送杜杜若遊廣陵

不是送君江上別
誰能冒暑出樅川
新秋共泛澄湖月
累日還棲野寺烟
轉借病劍須藥餌
預愁分手故雷連
射蛟臺上堪懷古
况有詞人孫李賢

懷袖已盈三歲字
茲遊又積百篇詩
裁箋作卷書非易
倩友揮毫熱不辭
歸去關中誇盛事
憑將吳下質新知

揚州亦有孫兼李
是爾鄉人我所思

寄懷從子子維

前中丞孫未先生第三子也

鳳凰臺畔昔為隣
昏旦相過不厭頻
一自園陵非舊主
也將池館屬他人
劉安山在還堪隱
梅福風微誰與親
即使浮沉勿輕仕
先公昭代大名臣

送宗兄聖羽博士訓江都

仕宦今無一可為
商量只有廣文宜
身閒不廢經書業
祿薄長稱弟子師
况是江關多秀彥
獨將詩律樹風規
問予何日來相訪
恐在黃花紫嶠時

九日黃學博士九見訪因同登西山

一官小寄盛唐山
官罷身貧竟不還
妻子也隨烟水上
生涯只在畫圖間
每因乞食遊隣縣
預擬論詩叩竹關
只尺城南望經秀
莫孤佳節共追攀

江上寄元白禪師

逢僧便問元尊宿在我青泉山寺中所愧鄉人猶未到
有何家累不能空三秋筆擬來聽法一恍然無端又挂
風寄語東林持律者明年沽酒待陶公

高座寺

昔年曾寓長千里白社青林頗自宜今日重來高座寺
碧雲黃葉總堪悲荒村猶記熟行路壞壁仍存醉寫詩
眼底僧雛俱老大如何客髩不成絲

訪星卿君屋二高士

舊主園陵馴象西寒塘衰柳不勝懷多君兄弟結茅屋
台室生涯仰葉畦都市爲僧人盡識城門戒入路全
逃相過只有同心者聲似秋鴻夜夜啼

重晤張敬生少府

卷九七言

君去汾陽十五年一官三黜命頻連素交俱老恐難見
白首仍歸信有緣家轉貧於未返日兒猶酷似乃公賢
濁醪且醉休多感腸斷鍾陵古澗邊

飲李三石兄弟宅留宿有贈

一室同居四弟昆自相師友古風存秋窗留客盤餐費
夜雨連牀枕被溫欲問孝陵先下淚莫詢貧舍最傷魂
君年少我十餘歲我尚無兒君抱孫

贈范民部正

時爲邢孟貞別遊

石向湖邊遠一老含風咀雅絕人羣生計每恨無知己
死後何圖有使君直以椒蘭同素質不辭梨棗附青雲
南中佳政人爭紀此事先教第一聞

王望如招飲談詩卽席賦此

潤州官舍姑溪寓幾夜論詩情最懽字句鍾譚今不少
沈酣杜白古來難知君淵雅曾窺奧好我狂吟每授餐
仕隱雖分本同氣綿袍猶念故人寒

去金陵前一日飲紀伯紫齋頭有贈

重來白下渾無事只爲貧交會面疎武定橋南尋顧紀
盧妃巷北訪錢余唯君未見心常恨臨發相過願始舒
露蘼霜橙不辭醉姑溪小別六年餘

姑溪哭王希文

青山舊友各爲羣冤夢相關獨有君却訝三年書問斷
豈知一旦死生分園亭曠去棲旁舍妻子寒來泣暮雲
我欲到門先腹痛妻妻風葉不堪聞

贈張洞陽

卷九七言

牛渚磯邊逢鍾師蕭蕭落木歲寒時衣冠盡作烟霞氣
容髯真成霜雪姿有興回蘭兼回菊無糧餐栢復餐芝
開春欲訪龍眠路孫老同舟正未遲

飲從兄指公民部

尺書傳自廣陵秋我去廬山恨未酬猿鶴豈無干祿意
江關只恐厭人稠猶分遠俸知垂念欲話離情待乞休
此日風臺重對酒碧梧青竹舊同遊

慈山夜坐同元尊宿王著作

丙申

谿上泉聲暮雨過庭中樹色夜涼多三人露坐成八字
百歲塵緣一刹那不設藩籬防猛虎却吹燈燭救飛蛾
餘生欲學無生理知見其如老鈍何

元尊宿賞予三人露坐成八字之句

此詩

急雨喧林暑氣燭香臺露坐不成眠觀身那解人天法
味道先來文字禪三點爲心猶有界一心是已總無邊
聞師四十了生死撒手懸崖二十年

偕金去的汪紫昭諸子訪徐亮工山居

寫蒲時節山茶館與爾連林意頗親便欲芳村來取醉
却嫌溪水漲經旬雨餘詞客相攜往酒罷愁懷難具陳
見說南中收俠骨司空義烈更無倫

訪徐次歐山居即事有感

聞君四十猶銀鬚歲晚連生三鳳雛薄宦何曾食腐鼠
高岡從此種青梧客因雨霽來相訪酒是夕裁勿用沽
勸我一杯愁轉劇不知老得似君無

揚州飲陳公獻兼贈王平格

陳公獻字平格

主

我泊江關霜冷時入城先謁董公祠徘徊庭下瞻遺像
邂逅樓頭有舊知古貌脩髯渾似鶴呼兒買酒復烹雞
况逢高士來相訪竟日淹留醉不辭

與李叔則先生感舊

宛溪孤艇犯風波與子同衾噓且歌忽動歸心去淮海
時勢遠問及巖阿霜江弭楫懼相見豈雅知音苦不多
各有詩篇三十卷頻來交質意如何

流寓揚州近十年杜門不喜見時賢酒因小病全拋却
詩到窮工反自然好我晤言疑有癖從君學道恨無緣
避嫌亦欲謀居此安得牆東受一廛

楚伊上人結茆西湖索贈

蕪城公自有精廬底事雷聲又卜居還勝應歸越山水

憑高忍見宋丘墟窗臨木末詩迥秀路接潮干友不疎
他日攀蘿來問訊肯將煨笋當燒豬

送孫無言歸新安

君歸故里尋常事作底名人俱贈詩祇爲交游遍南國
遂將風雅當東菑疎狂不識金銀氣離亂猶存冰雪姿
我夢黃山身未到寒江送客寄相思

露筋祠

邵伯湖堤三十三蘆花深處有荒菴當年祇是貧家女
異代居然彌勒龜平古不妨前路冥停舟且共老尼談
明朝漸入淮陰市漂母祠中又一探

題范蒼生小像

未見其形先見影意中彷彿有斯人年無三十鬚臞古
詩比尋常格調新幽草軒能藏衆婢如淮酒日醉遺民

來朝出郭期君面只恐良工畫不真

贈宋份臣

宋份臣人陳孔準陸丞相曾里人也

韓信城邊方作客劉伶臺下忽逢君自言老圃蔬爲業
但覺深山鹿可羣蹈海曾編德祐史愈風不草建安文
斯人斯世難多得晨夕相過莫厭勤

贈程東

程久寓杭州因陸廉京知于願志

君寓錢唐十二秋陸家兄弟最綢繆湖山淡處梅花暖
淮游歸時杜宇愁習鑿齒應多置酒妻師德且漫登舟
風江自有波恬日重與揚舲吳越游

題丘季貞西軒

美人家在洞庭四我欲從之烟水迷但使苞根存稻嘆

不須穢蕨費攀躋岐山日落鳳凰去隴口林深鸚鵡啼
余亦懷恩謝臯羽荒臺獨上重含悽

賀范翁生納姬

君年二十鄱科名風雅場中自在行正是梅花能絕俗
不妨桃葉又鍾情山非倩畫天然秀川以懷珠分外明
主社再逢陽長日客來先抱小麋生

新茶坡生日奉訪爾宿因贈

神宗三十又二年君始懸弧淮水進簪紱自應登紫閣
星霜豈合老青煙無言桃李蹊偏盛有節松筠晚愈堅
且閉柴門書甲子風光不似義熙前

南國詩人淮上多其中祭酒是茶坡寒如水澗千年石
瘦似霜林百尺柯城隅那能長共醉雪晴時或一相過
却嫌伉儷老猶驚黑夜衝泥定渡河

贈李繡波明府

歲晏驅車向北溟楚州却爲酒人停但聞道路歌仙令
未敢章縫謁訟庭蕭寺忽承芳訊及冰絃亦許寓公聽
罌花南國春無數誰似長淮柳色青

稽淑子胡天衍同日送酒詩以酬之

淮南冠蓋新如綺舊舊猶存兩孝廉白首湖山甘自廢
緇塵巾鷁不曾沾全軀亂世中庸好學道儒門疎懶兼
因念旅人同氣味時分酒脯佐蒸鹽

除夕前二日東胡彥遠程穆倩

歲暮淮陰客尚羈三人相見各興悲我無家室合如此
君近鄉園何所爲西子湖邊金谷妾瓊花臺畔石鱗

兒等閒拋却不歸去旅館寒燈一枕歎

送胡彥遠歸杭州并壽其尊公

淮柳方黃淮草青送君歸路指南屏到家知有天倫樂
邊海爭看處士星能以詩書富弓冶不須簪紱耀門庭
西冷松栢同心樹久識盤根長茯苓

題新茶坡讀書圖

石几攤書眼不觀眼中詩思浩漫漫苦吟髮任千華白
絕妙詞無一字寬辟世自應知者少傳神亦覺畫工難
安能買宅牆東住長與先生共歲寒

喜徐雲吉至

君來枚里過殘年與我相逢淚泫然家破尚能娛白首
時危安敢問蒼天姓名雖共河山改詩句仍從

唐釣傳却笑秦人開源水不如徐福是真仙

答張伯玉虞山送別之作

送我南歸各贈言君詩悽惻更傷寬兒多亦解無兒苦
想傷芳村片時分手千行淚滴在麻衣盡血痕

淮子別杜湘草徐梁瑞

游子將歸意轉哀感君折柳出城來一天風雪愁無際
十里河橋送不回停權且沽村店酒揚帆却恨楊人催
丁寧後會知何處白草黃雲郭隗臺

寶應訪梁公秋

放生池上雪華侵日與園爐坐夜深獨我歸時當歲暮
尋君隱處一開襟奔喪不忍違前約力疾猶期話此心

時公秋
細雨寒燈正愁絕麻衣句苦更沈吟公秋送予
有雨雪
未痛此
行之句

石塔寺訪介立師并謝其贈

高座論詩如昨日驚心二十八年過聞公說法名偏大
老我無家禍更多淮水停舟聊縱縱香林忍淚復滄沱
囊無一物堪供養反損兼金愧若何

大龍潭訪劉超宗

其父白林先生是于老友

一自秋山梁木摧八年未到草堂來也知樹蕙滋蘭地
又長凌雲經楚材芳徑重過須止宿濁醪相對各與哀
雨窗話久不成寐銷盡春燈幾寸煤

蕪陰訪沈崑銅飲其山閣

限題詩二字

舊館重開江縣西新增阿閣與雲齊路穿石徑層層上

檐接藤花朵朵低春酒釀成醉客醉士苔摩處待人題
逃名何必求巖穴只此真堪處士棲

却怪年來受禍奇故人相見各興悲君當九死一生後
我正千愁萬恨時磊塊欲澆難止酒家園雖破未拋詩
坐中忽誦虞山句此道應推此老知錢牧齋先生有詩
沈詩甚佳沈謂之

飲楊泗水丈

自古難逢七十人君今八十更精神年來酷好龔山句
別去長懷憂慮身江口維舟聊一訪牀頭沽酒不辭貧
期予三月重過此正是先生岳降辰

喜杜于皇見訪因過袁令昭小飲

城北城西路未長虛疑牛女限河梁經時疎濶因霖雨
此日過從趁早涼萬里東裝知我恨五詩題盡斷人腸

欲攻愁壘須憑酒索醉袁翁也不妨

哭李六出林

文定諸孫我所親六郎孝友過於人祇疑貌是山林相
不信年無四十春夾巷驅車先抱腹對牀聞雨更傷神
嗟千骨肉偏多難見爾遺孤淚滿巾

重至揚州過孫無言值于一豹人小飲兼懷公秋
江關纔泊訪君齋不惜青泥汚我鞵舊和詩篇猶在壁
新抽蘭箭忽盈階雨涼便就花間醉愛劇難將地下埋
二子明朝應有約獨憐通客老天涯

題朱方伯鐵橋志

名身俗揚州人

黔陽萬里通朝貢一水盤江渡不能險絕爭容銅作柱
先生始以鐵爲繩瀾滄舊制傳諸葛古惟諸葛武侯桂
通江作鐵橋

竹新猷

卷九七言律

自廣慶度索尋檀何足道見漢書
巨川舟楫至
今稱

同豹人聖羽飲朱卓月總戎宅

吾友李孫風雅士每於客坐誦君詩沈雄自負幽燕氣
秀脫仍標河朔姿解組十年多勝侶鮮民一見即深知
恍然亭上香兼茗竟日淹留醉不辭沈沈然
字名

答俞允定見訪

池陽九子九芙蓉君在美蓉第幾峰爲省親聞來古郡
且依官舍寄游蹤林中絃誦無三伏紙上烟雲有萬重
訪我揚州木蘭院午時閒話到昏鐘

贈貢鹿田學博

千古腐儒同一酸先生風雅獨殊觀吟成香澤有餘態

客至盡觴必盡歡况出奇謀務幕府也分薄俸及漁竿
蕭蕭春雨那堪別六月重來問講壇

送許松牖令粵東

蠻方此日正兵戈君去蒼梧意若何猶喜長江無險阻
不妨沿路且婆娑舟中秋色青山好水上吟聲白雪多
到日彈琴有餘暇也將書札寄烟蘿

過杜生之小飲

瓦官一別十三年家計蕭條不似前飲量尚能盈斗酒
生涯只有賃房錢却嫌冠帶為隣里日與漁樵共醉眠
况是故人情更篤等閒相見即陶然

題范翁生烟艇圖

無復威儀似漢官不如裸體學垂竿小舟斜倚綠楊樹
遠岫正當紅蕖灘興至且沽村酒醉龍來還把道書看

憑他世上風波惡一枕月明夏夢安

題趙天醉荷鉏圖

家園經亂已無餘那得閒田任爾鉏祇有一區隨筆硯
卽逢凶歲也苗畝耕隴畔由人笑采藥山中雅自如
若是南陽高臥者此時風雨正茅廬

皂河

未至皂河八九里北風暴作天冥冥奔濤怒流不敢上
荒洲野岸誰能停與客抱衾投古剎從僧乞席臥中庭
須臾雨止雲亦散仰視秋空無數星

徐州秋夜

北征底事滯黃河只爲燕齊此路過况有故人情婉變

却教游子意蹉跎城邊浙浙秋風起門外蕭蕭夜雨多
一醉僅能延一覺三更酒醒奈愁何

寄懷陳簡菴處士

昔年書問自梁園期我淮西一晤言今到雲龍程不遠
欲驅風馬病愁翻若能枉駕來羈旅合與連牀恣討論
十載神交相望久莫孤秋月冷彭門

黃茅岡與陳善長萬選客吳中黃段聚五張楚村

徐石林吳用九萬壘客諸子爲別

雲龍山下夕陽明石狗湖邊秋草平望遠獨憐游子去
想高因見古人情醜詩惡字紛題壁剩水殘山故遶城
自是愁懷重多感况聞新雁有離聲

魏少尹竟甫以三裘見贈走筆謝之

金日集

卷九七言律

三

北方寒與南方異九月霜華滿地生縱有重裘猶覺冷
不知敗絮爭能行先貽睡貉毛溫厚後賜羔裘質較輕
此去幽燕終日煖逢人便說使君情

濟寧謠

清河七十有二閘天井兩開行獨難憑誰買船要淹坐
必待糧艘始放關下水疾如馬下坂上水難於車上山
南船但過分水廟揚船直至張家灣

山集卷之十

統祠方 文爾止著

黃州王澤弘吳廬定

增補水王

樂安館

五言排律

贈青陽何寤明

寤明有雙柑圖其母死于亂寤明哀之而相生之

客居雖在寺雲臥乃無菴薄俸分僧粥寒燈共佛龕

新詩齊趙假奇字服桓譚瘦骨貧非病狂歌樂且耽一

朝聞叛卒萬馬渡江南老母依鄉井經時關旨甘倉皇

奔絕澗慘烈墜深潭拋骨憑誰拾呼天痛不堪荒園餘

半畝嘉樹挺雙柑灑淚凝成碧抽絲若似當那能酬恩

極長此奉僊臺古岳華開九新步吐三

哀所致即謂瑞何慙予欲收佳詠他年作美談

左子厚書室落成贈此

九原不可作關舍與祠隣季子服其訓諸孫宗所親稱

詩求麗雅拔草步清真忠義公著惟火無虛夜書聲豈

輟晨蓬蒿長閉戶藜藿自安貧大被容兒臥幽窗厭客

頻狂歌偏好我古悟每起人况乃逢離亂相將學隱淪

故山餘洲島荒徑長松筠樵牧猶思漢衣冠肯帝秦且

同田舍更共作草萊臣詎勉崇先德棲遲敬此身遙知

靈爽在不羨錦衣新

寄懷邢孟貞

孟夏訪君邑君先去秣陵故園求近狀芳訊得良朋館

俸百金積隣田十畝增凶年飢可免肥壤殺長登石罔

堪終隱蒲輪豈望微出門聊自遣荷鋪本難勝况復懸

兒異將來驟足騰誦聲喧草舍烟水挂魚骨滄海客高

蹈詩歌擅絕能離居觀察署只似苦吟僧墨汁金盤露

淵心玉井冰世人希鑒別唯我幼師承舊好堅膠漆新

裁奉準繩名山傳必承雅道許同稱所惜老將至其書

布未曾盡謀梨棗事歲月其因仍

霜風吹古寺一夜雪平階有客不能寐登樓多所懷故人張綺席嘉召悉吾情况以山為壽是日孝應知酒似淮南仁年正少絡秀隱能借柳色黃金佩蘭香白玉釵江南盛泉石塞北遠風霜宅宅雷聲畔揚舲邢水涯惟歸未得還許過高齋

太湖壽李溉林明府百韻

瑞日迎長至仁君撫壯圖山城疑畏壘與誦比康衢父老迎階舞兒童塞巷呼如崩爭以祝降嶽信非諛有客寄茲土蒙恩與眾俱廣言那敢獻善禱合先驅仙種蟠根大清芬奕葉敷葳蕤天府圖密邇帝王都皇考府榮祿名家本碩儒功名留劍閣銘戒在盤盂和氏連城璧隋侯月明珠挺生非偶爾內美實紛吾材是千霄竹文成出水美方思賈叢不待棄終繡適與興朝會旋將善價沽蜚英翔轍轂榮仕得山嶠下邑遭羣盜原田失上腴園闢惟瓦礫阡陌悉榛蕪芳草空題鳩愁聲但蟬蛄君來動撫字民始荷昭昭慈簞簞身先啟茅茨手自誅

飯疏常不飽酌水更何需豈弟由天性溫良協聖模心
誠求保赤務急請獨租稠瘠繞回喘漂流漸返通遺棄
欣有托慈母竟忘物儉德昭魚釜仁風被堆難鳴如蓬
夏蔭網不犯秋茶既起轍中餅兼推屋上烏我方諮稼
穡降復囑荏苒威用風雷合恩同雨露濡黃巾胥感悟
青句免憂虞實創還驅憤承偉弗獲踰相教安龍社慎
勿負徵輪考績三年最論才一代殊中牟無以過單父
孰能迥尤善文章士先操聖哲符審音作季札辨色勝
離婁南國升諸查西方懷彼殊秋河澄水鏡鏡網取璣
瑚品臨皆元凱甄收盡顧野人初入楚蹇足適過湖
一見性情愜重遊氣誼孚香塵沾蝶翅花葉上峰巒知
有神明契難將禮法拘布衣頻人座醇酒飯傾壺開
驚濤海稱詩愧小巫夜談天拂曙書語日將哺天地風
沙晦水霜草木枯薄材甘自棄知已獨長吁徐子嘗懸
榻姬公必吐哺舉盃浮綠蟻解囊贈青蚨遺母懷雙橘
留賓剝束芻欲歸仍繡絕臨別幾踟躕忽憶年來事韶
光日已徂世途多枳棘何處有松楸明月飛三匝深山
想一區願言依名杜於此聚生徒虎拙猶能繡龍希莫
漫屠青犢元故物白社本潛夫假館城南曲橫纒舍北
隅義堪窮線馬疑可釋冰狐投業鄉名鄭藏機谷號愚
樹蘭畦綠繞穿竹路盤紆釣罷溪烟冷樵歸懼月孤所
居峯巖崇弗避鬼揶揄底事憎多口無端辱厚誣雄鳩
言挑巧貝錦色橫糊積毀愁銷骨微瑕懼掩瑜幸君能
察識諒我不睚眦此意真憂絕終身可刻膚豈惟今世

少只恐古人無踪跡巢枝鳥年華過隙駒銜恩空抱影
酬德未捐軀頃者逢初度居人慶大醕未能羞累爵何
以壽懸弧淑氣萌霞管台星燦斗樞享年當萬億奏課
在須臾行矣新驄馬歸哉舊鳥兒驕蹄終躡景鵬翼必
搏扶內殿含香侍中朝疎劍趨觸邪承密勿持法定計
謨統馭王綱肅端揆帝命俞普天霑化蘭庶類仰洪爐
盛德高彌下貧交久不渝雪香勞寤寐丘經念崎嶇砥
志長餐蕨薇車敢望蒲真心隨鹿豕僻地遠豺獫疑
知無分風騷祇自娛曹王相激發陶謝不枝梧驛賞前
曾受弘標後更須困龍資尺水壩雁借微蘆一字膏華
爽千秋匪濫竿但教延令譽曷敢怨窮途預訂他年約
應喧野老迂才與猶未渴百韻豈能鋪

夏露山房訪左子兼作
訪君期六月我復去司空夢寐時相近山川路不通纔
歸白露後便往碧溪中知有故人在行將令弟同千峯
何窮窺萬壑更玲瓏古剎僧留飯秋田農獻功門堆禾
黍實陂夾菱荷叢舊屋三間小新詩百首工見予來甚
喜留客意偏隆旋倒鉢頭瓊爭披林下風烹鮮倩鄰父
打栗促兒童桑柘影初沒雲帶話未終過橋愁冥冥割
席恨匆匆直待重陽節還尋夏露中

戲贈左子直納妾詩
月二十集名
今夜天仙子當歸白玉堂銀屏列雪母錦幔綴流黃重
疊合歡被網緝沈水香華燈照粉面明月弄珠光竹葉
杯中酒松花額上妝含嬌尚紅蓮結實定青箱馬齒休

嫌老蜂窠一任任天門竟蕩蕩地平水汪汪似風連翅
足非猿續斷腸只愁蒼草嫩無計避淫羊

贈閻百詩續娶詩內申

彼美淮南士誰如大小閭家庭良可樂作述况能兼之
子年方少耽書性更潛腹如經笥飽才比劍鋒結錦字
隨時綴瑤華信手拈皆能中律呂從未覺棄纖以此予
相洽頻過爾不嫌漫求鷗鷺侶重叶鳳皇占舊恨拋炊
回新權且織綠春山臨寶鏡晴雪映珠簾野老來應慣
高齋坐必淹飲仍當合卷詩不會香奩所願維熊早含
飴慰爾嚴

金陵雷別從兄繡山計部丁酉

自君釋褐後雲水各西東間有連枝會那能大被同今
歲山集

年來白下一月臥齋中書卷時相對空齋夜不空微涼
庭樹綠絕艷海樞紅楚簾能消暑吳飲且課童因之披
樂府將以奏嘉風商羽聲聲細陰陽字字工不嫌疑義
析况有偃師通余亦忝詞客問茲愜素衷懽懽情幾款
別緒又匆匆失侶悲梁燕長征逐塞鴻餘生是孤竹局
敢怨飄蓬折柳當重午新蒲到幾叢歸期猶未定惆悵
意何窮

揚州石塔寺宿介立禪師房

是古木蘭院曾為王播棲孟空鐘後飯紗護壁間題
閣任攀躋香供餐餐飽新詩首批炎天難以去京夜
必相携露坐當星漢京泉取澗溪閒論三世事轉覺寸

心懷明日之河朔中秋到薊西冤親不平等笑我太癡
迷

七言排律

秋日歸里飲潘蜀藻茅堂談香山詩甚快有贈并
示從弟井公

野老攻詩二十年詩中警句亦流傳貪看酷嗜無如爾
短韻長吟不論篇自是性情真契合豈因朋好故周旋
往時刻畫杜工部近日沈酣白樂天異地何曾相告語
同心不覺自鑽研君才通敏寡多似我筆粗疎恨未全
別去乾坤誰解此歸來閭里特惓然乍窺草舍三閭小
重觀芳詞七字妍欲展客懷須命酒忙分母饌已烹鮮
客非陶侃客堪比母較茅容母更賢况有方于為妹婿
也借潘岳共雷連今宵偶聚黃花下古調高歌翠竹邊
長慶風光俱在眼香山胎骨本來仙三人詠歎知非苟
百遍過從期莫愆只恐浮踪猶未定明朝又泛五湖船
長女錄予詩成快因題十韻

吾女生來靈異姿垂髫即誦老夫詩數行一目覽俱下
百首經年記不遺匪獨性根元有種其中義蘊頗能窺
自于歸後應忘却乃抱孫時亦咏之每向龔山求副本
昨從皖水寄新詞使歸與壻抄謄讀皆亦因妻感化奇
夢寐思親兼悼弟榮書付女豈殊兒蔡文姬慧非吾願
班大姑賢是汝師汝子類吾皆可教吾詩非汝亦當垂
他年漫想甥如舅有舅如甥已自怡

金山集卷之十一

皖桐方 文雨止著

黃州王澤弘吳應定

婿繡水王 樂安節較

五言絕句

春日即事 丁亥

橋東挂酒帘橋西焚紙錢生離與死別都在綠楊邊

姑孰有和尚港蕪陽有道士洪王元美先生以爲

絕對紀以詩予往來姑孰舊矣今過蕪陽亦有

作 戊子

和尚名不著道士姓不傳惟留一片石長峙大江邊

竹醉日湯仍三種竹於庭戲贈四絕 已

種竹元宜兩茲辰晴不妨醉中離故國醒已在他鄉

金山集 卷十一 五言絕 一

竹亦有時醉霑濡何況人只宜沉瀝露不似火燒春

一年剛一醉諒不至沈寢影立西窗外爲君座右銘

南枝須勿誤故土必多雷只此數竿活明年滿院秋

題寺壁畫蕉 庚寅

金粉俱零落如何墨未銷可憐舒卷意長日對僧寮

贈宛陵僧

海畔杯來遠江皋錫去孤敬亭山色好此處結茅無

品魚四十首 水魚惟魚極多予所得食者計其味之

美惡有上中下三品定其位次而系以詩至

載之若夫河穴江瑤之名雖素聞下耳而未嘗

上品

鯢 鯢河豚其體圓而腹似素故名

莫妙西施乳凝人不敢食東坡有格言河豚一死直

鯢 鯢魚色也此魚白質黑章故名

張翰江東思千古真名貴可惜一方出沽濁苦不廣

鯢 此魚出于初夏月則無故名

銀鱗不耐烹蒸用筍與荻自非江東人那得家家吃

鯢 鯢魚石首魚屬中有二石子每歲四月從海上

來歸江東里其聲若雷漁人以淡水酒之即

市人薦以冰旬月尚不腐想其出水時冲淡復何許

鯢 此魚性溫服中有便刺刺人故名吳人

養以石首佳勑魚味更妙下酒不須多方寸遂居要

鯢 鯢魚黃魚人肥而不善游有進道之象故名

玉版浸金膏允爲盤中最吾郡四時有饌餘還作膾

金山集 卷十一 五言絕 二

鯢 鯢魚其形長而面有餘故名

月令薦王鮪鬼神亦飲之至今皖江鮪嘉名四方馳

鮪 鮪魚冬月藏泥中大小以類相附故名

諸魚動屬火惟爾靜屬土治疾有多方恒食豈小補

鮪 鮪魚其形方而扁故名

詩人比齊美所貴出河洛樣頭縮項鮪是處美相若

鮪 鮪魚其形如鮪行故名

鮪美在腹厥美尤在首首大如瓜者鮮食不容口

中品

鮪 鮪魚其皮如沙可作刀鞘腹下有翅長數

翅若黃金絲肥者厚如掌庖人薦薺肩味不下白齋

鮪 鮪刀鮪魚其形如刀故名

暮春海上來風味迥然別江陰烘子鱗冲淡尤可悅

鱸此魚鱗色而多子故名

厥子皆凝脂精膏為至美獨能辨諸魚食此必有以

鱸即白魚其色白頭尾俱向上故名

肥潔雅可烹精食味尤妙當年曾入舟月下今猶跳

鱸即青魚其鱗似蟹而背青色而方多以作魚生

五侯不可作鮓縷至今傳枕骨如琥珀仍以製杯棬

鱸音杜俗名鮓其體不能屈伸如僵蠶也

彷彿松江鱸風味少不及劉憑嗜食之仙人知有益

鱸即銀魚細如銀條也

白小羣分命鮮新可作羹致遠須曝乾浸潤還如生

鱸此魚有鱗無鱗皆以影漫于鱗魚其子皆用

舊口供

脂膏易饕人况能療痔瘻久食殺勞蟲不見金山女

鱸即鮓魚其鱗似蟹而小頭通口能發病疾故可

柔滑無鱗暑平人皆食之口腹恣飽咳痰疾非所知

鱸此魚二三月發背自文理故名

鯉為諸魚長謂其能飛變品味在中下大者稍食善

下品

鯉即鯉頭此魚之類常供諸食者故名

精華在一首烹鮮可伴鯉除此不足食鮑之舊材暨

鮑魚以鮑為名其鱗如蚌而力者故名

獨力能破網所畏惟九設苟非赤目異與鯉幾莫識

鮑音惠即鮑魚其鱗如蚌故名

池塘畜易繁在水惟食草羹腥殊無味南人用作蔬

鰕即鰕魚有鱗無鱗皆供諸食者故名

詩人咏鮓鰕何以得並稱今作鮓與丸筵豆亦可登

鮓即鮓魚其鱗似蟹而背青色而方多以作魚生

狀與蛟蛇同道家所厭忌除久煮浴兒稀豆頗為貴

鮓即鮓魚其鱗似蟹而背青色而方多以作魚生

有齒復有門無腮復無鱗性寒而味薄多食能害人

鮓即鮓魚其鱗似蟹而背青色而方多以作魚生

鰕能逐風邪多食動風氣白點蛇所化殺人亦可畏

鰕即此口魚一名鮓魚其鱗似蟹而背青色而方多以作魚生

東方有比目二體合始行此意良可憐胡為定遭烹

鰕即此口魚一名鮓魚其鱗似蟹而背青色而方多以作魚生

肉翅全如鵝能飛上石頭厥尾有大毒食之懷隱憂

鰕即此口魚一名鮓魚其鱗似蟹而背青色而方多以作魚生

吐墨以白衛翻為人所漁厥骨治諸病功載軒轅書

外品

霜後黃昏滿花前白酒香况能除內熱縱啖十餘匡

蛤蜊

盛饌悉肥濃此味獨清絕宿醒苟未解一啜如冰雪

海蚌

精力衰少人早晚最宜食其形雖不雅食之大補益

海蛇

水母蠢然物運動由羣蝦割食當園蔬下酒味亦佳

石蚶

蟪蛄石上蟲其狀亦何惡煮食類繁裙允宜作羹臠

蟪蛄音喚

海畔種煙田甘鮮味可啜曝乾貨四方尚能逐和熱

蚶

堅者瓦墜子大者盈數寸小者如芡實糟藏味亦勝

蚶仰土錄

扁蛤性苦寒生食非所宜南人醃作醬佐酒惟一厄

鼈

少食能滋陰多食反寒中去醃載禮經忌與猪鼠同

蝦

蝦菜本鮮潔惟宜作羹湯性熱能動火多食恐非良

題書四首 壬辰

金日集 卷十一 五言絕 五

桃花春水渡楊柳美人樓何處客狂烟波一葉舟

陰經收涼雨晴峰卷暮雲幽人正無賴把酒送斜曛

疎樹不遮山斜陽透寒碧野曠無行人溪橋獨歸客

茅屋閉空林孤舟載風雪蕩滄不知寒千峰吐奇絕

夜坐

殘暑不成眠一夜長數起山深月色高坐看松陰徙

盤溪

我思廬山賢陶公與周子虎溪復幾溪千年流不止

空山閑

戢戢鶴鳴峰其上一茆宇好我惟老僧繩牀對揮塵

除夕歸思

冉冉歲將除歸帆滿天末此時樓中人望斷江烟濶

阻風諸癸巳

上水愁南風下水愁北風一生才命塞無處不途窮

英雄才絕世亦似濟川舟時危風不利只得坐沙頭

甲午

前日雪中去今日雪中歸渾身俱是雪不認舊時衣

陶母老猶健鴻妻貧亦甘只是衡茅下蕭條太不堪

彭城古蹟十二詠 下首

州以錢鏐著相傳觀井闕若年猶畏死無乃太癡愚

孔觀樓

江河爭入海晝夜無停時此理誰能會惟應尼父知

挂劍臺

我日集 卷十一 五言絕 六

季子賢公子徐君亦賢君所以三尺劍不挂諸侯墳

桓山 在城東北十七里宋司馬作石標于此

三年成一郁司馬愚且勢白骨今何在秋山處處蒿

子房山

海邊太索日潛匿此山中使其一輩中豈復臣沛公

亞父塚

此老苟不死重瞳豈遽亡後人高其義塚比黃茅岡

劉向墓

更生雖儒術所重惟節義厥子匪不文葬處人莫記

龔勝墓

新蔡移漢鼎舉世罕臣節龔生義獨全古墓今爲烈

戲馬臺

宋公起彭城誅伐符高祖九日譙茲臺風流亦千古

燕子樓 在城內門內張定封故宅

樓居十二年風節自青史無端白舍人一詩迫之死

黃樓 即東門城樓蘇子瞻以土望之原河水

河決城幾陷非公孰能禦後世守土者請頌黃樓賦

放鶴亭 在城南二里雲龍山張山人處居

山人有高致實藉太守賢微彼賢太守後世誰能傳



名山集卷之十二

院桐方 文爾止著

黃州王澤弘吳處定 壻繡水王 樂安節較

七言絕句

雲間別邢孟貞 庚寅

江樹東連海岸香思君千里一相望如何又逐秋風去

白草黃花總斷腸

楊龍友歲次癸酉中雷別朱宗遠

爲爾千巖萬壑秋歸人十日此淹留西風臨發江門棹

猶向玄亭飲未休宗遠爲子器千巖萬壑十日乃成

七夕爲朱觀以悼亡

烏啼衰柳白門烟暮雨瀟瀟送客船此夜不知荀奉倩

金日朱 庚寅

滿懷冰雪爲誰憐

江上西風水葉寒素琴零落不勝彈黃姑織女猶相見

獨使羈人掩淚看

水鏡閣漫興 庚辰

春池一夜雨潏潏萬木重陰滿院班獨立小橋看水漲

白鷗何事綠波間

贈漁者

白鷺洲頭別有津偶然逢著捕魚人問他名字居何處

是我城西舊比隣

春愁

高樓微雨作春寒病起三盃強自寬酒醒微風香暗度

不知何處有幽蘭

過吳氏舊園

公子西園昔所誇秋風今已屬誰家上公朝松石無人問

落盡池塘白藕花

許石疏園留別歌者 辛巳

密樹重陰覆草堂清歌一曲夜雲涼可憐明日河橋別

白袷秋衣粉黛香

送蔡大美携妾歸里用梅朗二舊韻

霜木揚舲破曉空錦衾人起夜啼紅莫愁南野無樛木

縞帶新吹葛蕩風

送到長倩歸蜀 壬午

王孫歸路指臨邛家在巫山第幾峰惆悵相逢又相別

開元寺裏一聲鐘

送梅朗三東游

送君出郭向江村馬在橋邊僕在門朋好不期先後至

留連樽酒到黃昏

兩夜宿吳聖水池閣有贈

池塘風雨助春寒草閣鳴琴且共懽曲罷捲簾看夜色

不知新月上闌干

皓齒朱顏春可憐宵深被酒更芳妍低惟不許吹銀燭

戲引餘光到枕邊

無題

宛水抽蓮二月餘客窗半與爾同居不知雲雨爲何事

只似良朋共讀書

維揚舟中喜遇姜汝穎李萊馭汪霏王飲

邢關風雨畫蕭蕭獨坐簾窗閑寂寥恰喜鄰舟逢舊侶
且沽淮酒過浮橋

卽事 癸未

漢武雄才迥出塵經營四海未全貧可憐河間中山貴
不及當年衛霍親

從兄浣叟令昌化又攝臨安將還餘杭賦此贈之
紫艸春水百花開盡是吾兄今後裁昨日武林橋上過
吏人皆惹衆香來

龍潭千頃似明湖嘉樹奇芬永不枯聞說許由居尚在
至今猶有逸人無

鳴琴訟閣水潺潺便攝降封亦自閒借問富春天目勝
何如淮水八公山

遙聞新命授縣宰三邑紅旂斷復連我欲移家爲避寇
他時不慮買山錢

寒食舟中雜咏

客裏春光總未知愁心如草草如絲尋常小節猶添恨
况是清明寒食時

不到吳門十二年虎丘山月冷晴烟今朝重向城邊過
回首當時意惘然

紛紛縞帶與茶巾盡是村中展墓人有客停舟雙淚落
寸腸悽絕爲亡親

越水吳山千里餘豚兒頻寄數行書書中字義無多少
只道金陵不可居

故人分俸贈南金勸我移家向武林勝友如雲良足樂

况兼兵火不驚心

偕盛林玉張介人陳元錫過訪陳翼仲山莊

爲訪靈泉到古庵泉源尺五少人探一星松火權消受

酒冽茶香飯亦甘

手把僧鋤新竹孫白盤初供妙香存人間葷食都如此
但願長齋不茹葷

老僧戒律最精嚴盛暑袈裟食不嫌未捧鉢孟先施食
紛紛鳥雀下茅簷

過水草菴

黃元功先生過寄處 丙戌

汨汨河流聲向東聞君此地化長虹山僧指點行刑處
落日寒原望不窮

八月十八日錢塘觀潮

臨安風俗重觀潮士女喧闐江上橋江岸祇今唯牧馬
圍人廐卒亦蕭條

錢塘七日無潮信白下傳言恐未真東海田橫猶有客
海神何事不如人

一水平分路幾何經年塞馬不能過蔡州雖破朱張死
此意寥寥亦足多

東壩行

丁亥 朱未菴張王司雨 公同天全華之題

一帆春水到胥河楊柳千條夾岸多流水不關人事
往來舟楫自烟波

京口卽事

航麟乾坤利此身曾將彩筆賦星辰于今東海揚塵日
來作江湖賣卜人

日出開簾午下簾
路人爭道有奇占
不論杖底錢千百
多少惟應付酒帘

冬日

欲雪不雪天色昏
朔風怒號江沙奔
敝裘獨擁寒侵骨
買酒無錢空閉門

山行

路達西峰石磴斜
竹籬深處有人家
門前一樹寒梅古
未見東風已著花

七夕

秋河如練月如鈞
天上雙星潛欲流
隣女尚陳瓜果會
人間巧盡復何求

過黃州

卷二十七

長江如帶水盈盈
多少英雄此戰爭
陣馬風檣俱已矣
雪堂零落尚知名

白頭舟子是知津
問彼山川語却真
嘉魚黃鵠兩赤鮮
老坡猶誤況他人

舟人自潯陽回奉報稿師

岐亭船送九江還
爲寄音書八里灘
地名江上平安無
險阻不妨飛錫渡雲山

過彭澤

小孤山畔彈丸城
獨擅長江萬里名
滄海不知經幾變
春風五柳尚含情

馬當

年少才高王子安
片帆千里上江灘
天吳亦愛文章好

何事時人白眼看

中秋

江南秋色已平分
底事排空雁未聞
到處風塵如塞北
三年不用往來勤

夜半

夜半神清好構思
每於秋夜必爲詩
紙窗竹屋蕭條甚
况復斜風細雨時

一夜無眠數首成
山妻勸我少經營
試聽窗外芭蕉雨
不是平聲便是聲

客路

霜風刮面冷如冰
身著重棉且不勝
憐爾執鞭從我者
布衣才得兩三層

江上吟

下水一帆如一鷗
上水一篙如九牛
南風漸止北風發
牛亦能飛鷗不浮

春晴借東茹吉廣文郊行

年年不少看花興
今歲看花興獨無
祇向荒溪送流水
此身孤外此舟孤

紛紛遊女踏春沙
笑指紅林是妾家
只許桃花笑人耳
路人誰敢笑桃花

送濁師遊苑

年年夢想敬亭雲
舊友存亡久不聞
君去陵陽山頂望
白楊衰草幾人墳

題徐翁小像

家在滄東俠少場，羽翬裘馬意飛揚。如今白髮游江左，竹笠芒鞋道者裝。

送徐翁游越

南來欲上剡溪船，北去仍耕隴畝田。却笑秦皇求大藥，不如徐福是真仙。

題書寄馬倚若

解組歸來好讀書，萬山黃葉正冬初。閒騎款段過隣舍，銅柱珠崖恐不如。

咏並蒂蘭戲贈蔡芹溪

不知蔡四年來興，且看窗前並蒂蘭。小婦紅顏差比得，老奴白髮並應難。

三月晦前一日江樓贈妓

桃花雨後桃花水，燕子樓中燕子飛。今夜祇應畱客醉，明朝無奈送春歸。

梅崑白齋頭看秋海棠

芍藥開時我未來，來時正值海棠開。秋花更比春花好，莫惜當筵酒一盃。

江上望九華山雪

雪後江南見九峰，九峰皆作玉芙蓉。何年始踐山僧約，掃雪烹茶過一冬。

舟中聞鵲

三春三月子規鳴，一夜千聲與萬聲。江上同聽多少客，誰人能解子規情。

周善承園中咏竹

數畝琅玕粉籜新，一杯畱客坐青氍。不及王郎興看竹，還須待主人。

過蔡義微故居傷之

自是乾坤一腐儒，著書直欲擬陰符。山城破後遺文失，借問中郎女亦無。

書法詩篇皆可觀，當時同邑等閒看。如今文獻凋零盡，始覺斯人博雅難。

曾挾奇謀叫紫宸，自矜終賈更無倫。豈知屠狗椎牛者，翻害犁庭掃穴人。

東北城隅一小山，路人猶指是柴關。千竿紫竹今何在，惆悵黃茅白蕚間。

咏章明卿山中瀑布

今年長夏苦炎蒸，想到幽巖恨未能。勸爾林中作亭子，明年六月我重登。

六聲猿

六聲猿，昔徐文大作四聲猿，後有六聲猿，蓋原宋末遺臣六和詩，後有六聲猿，蓋原宋末遺臣六和詩，後有六聲猿，蓋原宋末遺臣六和詩。

謝侍郎建陽賣卜

航僊乾坤八尺軀，且將卜肆涸屠沽。當時猶解欽風節，今日程劉輩亦無。

家參政河間談經

平生志業在春秋，說與諸生涕泗流。吳楚風詩猶不采，那堪戎索遍神州。

唐玉潛冬青記骨

鳳巢龍穴不成棲玉匣珠襦踏作泥唯有年年寒食節
冬青樹下杜鵑啼

鄭所南鐵函藏書

吳門春草綠參差枯井藏書那得知三百餘年書始出
中原又似壽蘭時

王炎午生祭文相

文相精忠泣鬼神當年猶有見疑人可知盡節惟應死
才說權宜便不真

謝泉羽勸哭西臺

嚴子灘頭風雪飄生芻一束前門造傷心豈獨悲柴市
萬古崖山恨不銷

病鶴

自是徐卿月下身何當鍛羽隨青曼也知臂血能醫爾
只恐今無三世人

蟾子湖

蟾子湖邊欲雪天歸人策蹇犯寒烟遙知小婦羅幃上
亦有雙雙蟾子懸

夢吳錦雯

秋夜何爲頻夢君二年詩句不相聞世間酷好吾詩者
除却約司卽錦雯

上廬山絕頂

從來履險足凌兢捫葛攀蘿恐未能到此不知身轉健
前身合是此山僧

題陶靖節先生小像

誰畫淵明采菊圖柴桑橋畔獨躊躇廬山百藥般般有
只是傷心劉寄奴

脩江行

楊柳津邊楊柳花春風春水櫓咿啞晚來細雨衣裳濕
若箇行人不憶家

江行十咏

左蠡山

左蠡山前險不同幾番過此遇狂風停舟一謁龍王廟
聖祖題詩在廟中

分風浦

宮亭廟舊有神明能使分風送客行今日廟荒神亦去
分風浦在不知名

蝦蟆石

大孤塘上蝦蟆石獨立長風巨浪同堪笑舟人避此草
間渠只喚狗頭山

女兒港

嶽客心隨江鳥飛無端風雨妒人歸今宵又宿女兒港
何日才過太子磯

石鐘山

怪石驚濤江水濱老坡遊後更無人畫師偏愛噉噉色
絕似倪黃斧劈皴

彭郎磯

大小孤爲大小姑山祠果有女神無長年三老誇多識
爭說彭郎是妹夫

馬當山

馬當山至滕王閣六六江程一信風不是天吳愛文字
任他才藻爲誰雄

磨盤洲

章江春水勢悠悠底事前軍此逗畱痛恨當時肉食者
不爭南國守南州

大雷岸

鮑生游宦適匡廬此地曾傳寄妹書寂寂荒洲誰復問
有人懷古獨躊躇

長風沙

白門女子面如花直欲迎夫到此沙念我歸人無百里
風波不渡重興嗟

孫子穀宅嘗新有感

憔悴江湖托鉢人今年才食故園新山田磽确收禾晚
又復嘗新在比隣

代內答

家計蕭條吾不怨良人飄蕩實堪嗟一年十二回明月
十一回明不在家

修水

修水曾游花未殘游人重到雪漫漫光陰最是无情物
纔覺春風又歲寒

雪舟

大雪壓舟舟不勝時時拂掃已成冰三重阿閣猶嫌冷
何況簷條僅一層

舟小惟憑一竊簷任他密霰與狂風曉來篷上雪三尺
方悟埋身雪窖中

雪風吹面最辛酸擁褐微吟強自寬不長生來松柏性
誰人耐得此嚴寒

梳頭漫作

醒卽吟哦醉卽眠詩中神聖酒中仙梳頭莫訝銀絲出
已過潘安十一年

護節菴

西城頻出無他事護節菴中好看山况是老僧能愛客
烹茶獻果不曾慳

茅花

江上蘆花秋可憐山中夏日景依然茅花亦似蘆花白
四月渾如八月天

田間夜坐

野夫憂旱不成眠中夜頻頻起看天忽見浮雲遮北斗
定知微雨潤東田

僧話

愛此琉璃佛面光與僧閒坐竹開房紛紛辨取無他語
爭道茶芽某處香

咏友人杖

盧岳茶芽歲歲生茶條百歲始能成砍來作杖堅於竹
絕經屑繒任意行

題山僧補衲圖

年老心閒腹不飢霜天捫蝨對晴輝莫將舊衲添新線

新線仍非壞色衣

羅溪道中

山雨朝來已浸溪溪流深處忽平臍沙邊久立無船渡
赤脚騎驢過水西

章明卿山房遇雨

野外三旬無雨澤山中間日有滂沱故人家在青崖麓
轉放溪流入大河

寥翠

寥峰秀出白雲堆恰似芙蓉朵未間驢背垂鞭幾回首
問誰曾上此峰來

題畫寄劉十二爾仁

龍眠山下往來頻萬壑千峰意未申歸去臥游何不可

送君一幅李公麟

有客西報恩寺塔者索予題之

白下城南路屈盤浮屠高出五雲端河山非復當時舊
烟樹愁從畫裏看

題汪大年小像

十載漂零瘴海涯容顏未改岳初華問君可是徐鴻客
又見楊花變李花

孫豹人寓中贈妓霞標

雲行巫峽偏生妙霞起天台分外鮮當時若不逢孫宋
雖有雲霞那得傳

贈歌者宛鸞

野性差同雞鶩居霜天偏喜傷樵漁雪衣皎潔應相似

只恐東音驚不如

潛山道中

數間茅屋倚高岡一樹梅花出短牆有客下驢偷眼看
徘徊不覺至斜陽

舒王臺

志云王介甫玩月于此因得名

茲臺千古峙城東玩月何私拘相公借問傳巖亭在否
逢迎莫是李師中

舒王臺恐亦
臨中所命耶

山谷寺

黃公本是西江秀都渚廬峰豈不多却占此山爲別號
亦如蘇老號東城

汪紫照山房戲贈

桃花潭水訪汪倫萬壑千峰百畝春人有此巢堪白首
君何不隱尚紅塵

石壁寺懷從子子建

子建有莊在焉

數畝山田十里溪阿咸此處有幽棲如何轉作熙城客
空谷無聲猿鳥啼

長松偃蹇勢如虬怪石彭亨狀似牛松石之間作亭子
他年吾與爾來游

題硯板

弓有韞兮矢有韞況于嘉石受丹鉛從今削木爲方蓋
不使纖塵入硯田

沙河

百里山城一日還何爲五日尚同關沙河水深没人乳

欲渡其如老馬羣

挂車河

三國英雄到此多奇兵皆出挂車河如今山溪無人物祇有漁樵解唱歌

過朱司農墓

漢朝陵墓有誰存丞相通侯不足論惟有喬夫筆翰在年年父老薦難豚

悶

橋東賣酒兩三家只取青錢不肯賒唐人詩見懷我囊無阿堵物動人愁有石榴花

賦得魚戲新荷動

魚戲田田荷葉東陂池十里來香同紅藥自展芳顏卷十二 七言絕 五

翠蓋頻翻不是風

魚戲田田荷葉西芙蓉菡萏不沾泥葉心珠露圓仍破水面紅妝亂復齊

魚戲田田荷葉南金鑊兩兩又三三任教作隊游香國不怕垂綸到碧潭

魚戲田田荷葉北素鮓花飭非一色尾掠茄根撥刺鳴口迎花片吮明食

魚戲田田荷葉間虛疑蓮女盪舟還驚起鴛鴦不成睡雙雙飛去白蘋灣

三王問

司馬曾官計部郎九原何以見先皇先皇相見憑他說只是無言對潞王

御史中丞撫浙江九原何以見弘光弘光相見憑他說只是無言對惠王

方伯賢兄姓字香九原何以見鍾陽鍾陽相見憑他說只是無言對汝王

秋雨

秋夜頻聞雨過溪晚禾才見水盈畦農夫相謂不勝喜昨日一鉏今一犁

戲贈賣藥者

客舍老翁何太癡自誇仙藥染霜髭世間黑白天然好何必鴟鵂勝鸞鷖

題友人墨竹

無實無花是此君高人鍾愛意何殷祇緣苦節天生直風韻蕭疏更不羣

一枝烟雨出毫端挂在書窗夏也寒借問湖州文與可胸中成竹幾多竿

此韻

此韻相隨二十年何曾一日離吾前如今爛熟不須看汝亦葳蕤覺可憐

催租

卜居深巷似山村偏有人來秋樹根酒債詩逋全未了如何租吏又敲門

左夏子書室有牧羊圖索予題之

左生壁間挂此圖一見使我長嗟吁今人豈但無此事肯挂此圖人亦無

飢寒一日耐不得蘇武如何十九年應笑此翁太癡絕
李陵衛律是豪賢

五言古體由君始四首皆於出塞時海上年年多雁足
何爲不寄一行詩

詩人酒人子所愛也然惡步韻與熱飲者口占刺
之

醉醺冷飲有三益步韻從來無好詩況是炎天呼熱酒
與他步韻一般癡

題李生小像

摩詰前身是畫師輞川圖更妙于詩龍眼丘壑重歸汝
夙慧將無李伯時

送范小范歸漳湖

卷十二七言絕

山城何幸美人來一日三家共酒杯爭奈病軀難久坐
畧營茗粥却空迴

肩輿卅里到沙頭月白潮平好放舟臨出東門更惆悵
龍眠在眼不曾游

殺賊

頻年苦旱今年稔百事支分盡在田豈料秋成農更苦
一擔新穀羅三錢

偕張水持李屹瞻飲寇白門齋頭有贈

我別秦淮十二霜六朝金粉不問香舊人猶有白門在
燈下相逢欲斷腸

一到南中便問君知君越俗遠塵氛此番不見幽人去
慚愧秋江與暮雲

張生國語甚艱難此夕相期分外催只當論詩良友宅
不應與作女郎看

孝陵棉金陵市上有賣木棉者大者孝陵棉四月
字千門子見而志之因成一絕

眼中久不見此字但見此山空嘆嗟舊日王侯多第宅
只今誰似賣棉家

題錢孚公小像

褐衣蔬食未全貧山水逍遙自在身上界神仙求不得
輪君平地作仙人

題露筋祠碑上丙申

斷臂妻猶傳姓名露筋女不記平生往來多少馮長樂
試使看碑作底情

壽朱翁

卷十二七言絕

隆萬遺民世漸稀君如穆漢官威不知南極星何意
偏照淮陽老布衣

湖嶠漫興湖嶠在淮安新城外友人多家于此

久客長淮莫怨嗟尚餘詩酒作生涯狂吟痛飲之何處
不是闌家卽范家

簪西堂棠棣人過幽草軒能召客多最是難忘可憐夜
紅兒歌罷雪兒歌關有春西堂范有曲
平軒紅雪二妓名

孫無言廣陵移居王于一孫豹人邀予過訪指壁

間九韻各賦詩二首贈之

兩歲之間三卜居一童以外再無餘鄰家不省誰來住
夜夜惟聞人讀書

梅妻鶴子昔曾聞紙帳藤牀又見君吟苦不妨頭似雪

酒酣那羨女如雲

是客來遊淮海間有詩皆送爾還山如何不舍形溝去
轉向春江送客還

又用前韻述懷三首

我亦飄零無定居田園都是劫灰餘誰家官借梁鴻廬
與爾同搜李泌書

蘇城車馬日相聞僻巷何人訊隱君但有漁樵通姓字
紛紛冠蓋等浮雲

作客何爲戀此間祇緣良友與佳山三人若得長相聚
便住揚州老不還

池口阻風

湖上青山尖似螺江中白浪大如驚楊人停權向予說
雲山集

四月魚苗風正多

金陵喜遇雪田上人

一鉢飄然去海南疊方頂禮作瞿曇重歸故國緣何事
欲向鍾山結草庵

舊友相逢江上村終宵勸我入空門逃禪須待十年後
說與如來亦斷冤

贈扶漢鼎山人

運移漢祚興難扶江上逢君不忍呼水鏡但存司馬在
南陽還有臥龍無

懸顏鼻鼻老風塵四十二年富貴身此語祇應調蔡澤
魯連不是帝秦人

留別宗兄聖羽學博

世間官是廣文貧又有分甘肯藉人總爲平生難泰重
不然肝胆向誰親

邢溝來去兩三番倒度傾筐每盡權送我北征還損俸
一錢應當百錢看

臨別殷勤復致詞到京少飲少吟詩詩中忌諱防人見
酒後牢騷不自知

老友園情自可憐此身漂泊聽于天回頭却望揚州月
冷署微官亦是仙

題梵伊上人像

遠公過午脣不沾尚能沽酒待陶潛何如彌勒同龜坐
米汁醍醐一樣甜

予北征日張虞山趙天醉圖百詩枉送至清江浦

因訪談長益不遇宿其僧舍次日而長益來

賦詩七首

我去淮陰暑未消故人相送至河橋三千里路不爲遠
三十里亭纔是遙

渡頭且莫問行船暫借僧房一夕眠淮水東流正愁絕
黃河北岸更悽然

關內茅菴談叟棲予將籠卷就君題豈知烟權偏相左
手挽垂楊落日低

張君新以四愁名終日吟哦有嘆聲况是別離情更苦
雖無愁者亦愁生

阿咸初自下邳還岐路相逢喜動顏一北一南渾浪迹
且沽村酒慰閒關

南方最苦蚊蚋膚一到清江半個無只此游人宜向北
塵沙霜雪勿嗟吁

明日東風權欲開談翁追送出城來河干佇立同三子
帆影微茫尚不迴

宿遷

白洋河北一孤城聞說重瞻此地生我欲停舟詢往事
斜陽衰草不勝情

將近徐州

大河西風十日連小舟上水如上天榜人忽報彭城近
望見雲龍山爽然

贈妓墨仙

彭城懷古悵悠悠不見當年燕子樓只有長堤一校柳
十二七言

引人慙笑破人愁

昨夜河南遊賞月今朝河北又看花頻頻來往誰爲主

吳萬陳張段五家

從吳用九乞炭

前日移尊旅舍中香爐只有一星紅許分槽櫪添茶竈
不翅琅玕滿竹籠

李康侯水部索題其嘯園詩

君子堂

梭山自古鄭公鄉又有高人此堂階下草猶似書帶
泥中婢亦解詩章

喬木軒

何以知君世澤遙請看門外樹千霄黍離麥秀偏多感

只有霜皮永不凋

海巖樓

萬里蓬萊水上山秦人何苦費躋攀朝來捲幔樓頭坐
圓嶠方壺只尺間

來霞閣

阿閣三重水末平餘霞一片日還明居人疑在天台路
青石橋邊望赤城

愛蓮亭

長夏偏宜菡萏風醉眠人起立亭中此身安得如游鯉
蓮葉西迤蓮葉東

花閣

楊柳枝間羣鳥啼櫻桃花下曲欄低雨餘水長渾無理
十二七言

只恐漁郎到亦迷

余於戊子秋來京師道經岐亭與桐城方爾止先生邂逅相遇綰帶定交因得窺其篋中詩藁心甚悅之以爲高老渾脫有少陵風今世所自命爲詩家者皆不及也是年余北征不果而方先生亦倦游南還余又於甲午冬再至燕居此者且四載餘每從諸友人所論詩輒謂不得方爾止先生此道幾無可告語者蓋將俟異日南歸之後相約爲世外交不圖與先生復相見於京邸也先生詩自甲申起至丁酉止分體編年凡三十卷曰念山集已付吳司理錦雯往梓於吳門矣茲則丁酉冬至戊戌秋京邸所作諸詩另爲一卷曰北游草以念山續集

續念山集之後行將歸白下梓行之於其歸也命余一言綴於篇端余觀先生此詩較岐亭所示諸詩漸老漸熟漸造平淡正如少陵夔州以後香山洛陽東坡海外之作天機爛熳幾於神化不當以聲色臭味求之而不知先生者舍其詩弗論謂先生以處士而與公卿大夫游又入其名詩題中以此爲詬議余謂處士與公卿大夫果有異乎哉先生雖與諸公卿大夫游其所贈答詩無一嫌阿之語自負甚高寄托甚遠與昌黎所上宰相書等不爲公卿大夫所忌諱亦幸矣其肯以此取悅乎况所謂公卿大夫皆先生向時風雨霖霖數十年不渝之交如以其仕隱殊途遂欲與數十年朋友之交絕其於詩人忠厚和平之意遠矣余幸不爲先生所絕時時

過余寓齋連林接席動經旬日而余對先生亦不覺其爲處士也先生且進而教余以事公卿大夫者之道與素所論詩相表裏則今日長安邸中又何以異於同游岐亭時耶知此意者始可與讀先生詩矣

舊京王

漢撰

詩本人情該物理其大者可薦郊廟感鬼神而南七五國風多塗歌巷謳田夫游女之作要以直任自然無取雕飾故古詩十九首情真景真事真意真遂開至極鍾參軍之評詩也曰詩以吟詠性情為主亦何貴於故實如思君若流水高臺多悲風清晨登隴首明月照積雪之類何其妙也昔人稱白香山廣大教化主其為詩率令老嫗讀之豈非本人情該物理深有得於風人之旨歟吾友方爾止以詩名家者三十年大都獨寫性靈直抒胸臆蓋銘鏤經史取其精液即景以會情因事以達意故不必艱深險澁如江河之行順流善下及其觸

金山集

王元

●

山赴各風物散然後滂沱湧以盡變出奇要自成爾止一家之詩然與香山異曲同工填唱而茂和矣吾獨怪香山當元和長慶間其直聲亮節震煒宇內至於篇章流布繕寫摹刻街衢市肆甚者雖林賈人自云其國宰相每以百金易一篇其偽者宰相輒能辨之自著作以來未有如是流傳之廣者而爾止顧獨鬱鬱不得志於時又遭家難漂泊江淮間渡河踰濟直走幽薊與燕市酒人悲歌飲泣已而短衫破帽策蹇驅出入關塞尋虛龍之故壘弔首陽之荒墟發為詩歌以洩其沈頓無聊慨鬱不平之氣卒乃垂翼而歸吾未嘗不惜其才而悲其遇也雖然詩人多蹇又云詩非窮不工果如李杜文章光焰萬丈雖坎壈終身正復何恨識者讀爾止

詩益信其人自此傳矣蓋爾止沉酣此道已三十年年輒有集其篇帙之富不減香山他日必有辦百萬錢為戴逵起宅如邾邾起其人者當盡付剗剗俾長慶集不得獨有千古但予僅同白家老嫗媿匪微之其安能為香山序也耶

金山集

王元

●

吾友方子爾止取其甲申以後十四年之詩侯體編次
曰念山集余既已序而傳之矣過此以往其詩日繁大
要每歲自爲一卷以附於前集之後曰念山續集此則
續集中之一種也蓋方子北游於燕薊覽金臺山川之
勝徘徊於宮闕之下長揖公卿飲酒賦詩又策蹇塞上
東臨碣石以觀滄海寄托蕭遠感興雜出於是其詩益
以豪天下之知方子者益以衆夫雲間之陸入洛而宦
瀾陵之梁顧京而噫士固有志不可強同方子之介介
於念山豈其無故而然歟懷故鄉者仁之道思先聖者
厚之風且其人燕趙悲歌慷慨之域易於淒涼激壯難
於和平溫雅非有樂天知命幾於見道之懷其志其辭
惡能和平溫雅至是哉方子與余交最久余知其詩之
要領感時懷古根於性情卽不免於贈答皆直書其交
情不爲虛譽不爲諛曲斯亦異於人之爲詩者矣方子
以爲譽而論者其志卑其初皆迫於有所求求之而不
得則怨誹生焉吾不爲富貴折節肯以貧賤子人乎若
方子者可謂詩人之有守者矣嗟夫念山在鍾離郡固
萬國玉帛之遺蹤也於昔爲新豐於今則荒墟方子果
何所求而取以名其集哉人將以爾止爲愚矣夫爾止
古君子也而可以謂之愚乎

金山續集

皖桐方 文爾止

嚴 沆子餐

同學 陳台孫階六 宋 琬玉叔 定

吳百朋錦雯

五言古體 三十二首

都門懷古十六詠 以下一百零作

黃金臺 在易州燕昭王築

燕齊壤相接秦世受侵伐昭王不勝忿關館似宮闕求
賢為復營郭隗充駿骨果得樂將軍一戰傾旗勒千古
快斯舉高臺永不沒

易水 在開安燕太子送荆軻處

荆卿固烈士謀畧亦太疎其意有所待何不稍躊躇丹
既促之行高生合同車乃用黃口見事憤志不舒至今
易水上行旅仍悲歎

黍谷 在懷柔齊師伐燕處

鄒生善談天稷下人士驚雅游至劇北道路爭相迎有
谷故陰寒四月草不生一為吹黃鐘陽氣遂滿盈種黍
實離離千秋垂令名

北平城 在薊州漢李廣守為太守

赫赫飛將軍分符守疆場單于畏其名不敢踰沙磧昏
夜行草間射虎乃中石此石遂千古觀者咸嘆惜灤河
亦有碣附會非真跡

軍都山 在昌平漢幽州刺史處

董卓亂天紀舉朝皆側目強哉盧子幹抗議獨不屈權
臣欲殺之問道走上谷匿影此山中談經坐茅屋先主
龍潛時亦在弟子屬

棲桑村 在涿州漢昭烈帝所生處

炎漢運方終魏吳皆僭竊中山隆準後此地生人傑有
桑如葆蓋已兆飛龍業高光獲再興正統賴不絕至今
西南隅民猶奉昭烈

徐無山 在豐潤漢末田疇隱此

昔有田子春逃名隱山嶼魏軍征烏桓秋水迷失道君
因父兄警躬請為之導警復志已愜爵祿非所好我今
適盧龍臨風一憑吊

桑乾河 在見縣晉張華所居

史稱張司空博物妙天下卜居此河上闕林定瀟灑不
圓慕容亂使化為平野悠悠桑乾水南北通車馬借問
車中人誰是讀書者

鄴亭 在永年北魏鄴通元所居

鄴生有故宅亦在桑乾東閉戶注水經江海靡不通豈
惟考據確兼之文詞工我今渡河水停車遡遺風斯人
不可見落日鳴孤鴻

賈峪 在易山唐賈島所居

浪仙始為僧中歲成進士當其年少日讀書乃在此其
詩好幽峭其人亦相似薄宦游長江竟以窮死但令
篇什有何必賡應仕

寶莊 在蘇州五代寶鼎釣所居

恒情愛其子孰不望繁殖至於多且貴天也非人力實
老五男兒次第登顯職雖云積善慶其幸意其淵落陽
司馬公平生作何愿

柴市 在都城內宋文文山遇害處

大宋文相國浩氣塞乾坤一朝赴柴市日月爲之昏秉
彝有同好立廟太學門崇祀四百年凜然忠義存此道
今寂寞誰與薦蘋蘩

閔忠寺 在外城宋謝靈運山後死處

侍郎隱名姓賣卜建陽橋行省忌其忠劫之來北朝寧
甘首陽餓不折彭澤屢舉命此寺中千古魂未招我來
訪陳迹霜樹空蕭條

天壽山 在昌平有十三陵在上

我我天壽山海嶽鍾靈秀長陵位中央列聖分左
右萬古所傷心思陵禮未就社稷旣已移松栢豈長
茂遙瞻一再拜潺湲淚沾袖

西山 在都城西麓有松栢十餘株相傳金人所植

西山富林泉出郭未云遠試問京華客幾人曾策蹇先
朝屢行幸諸利藏琬琰侍從多名臣高吟摩碧嶽老僧
顧我笑來游亦何晚

報國寺 在外城有古松十餘株相傳金人所植

人事易衰謝天運亦禪代如何此寺松五百年猶在風
沙霜雪裏見者無不愛但惜勢倉皇閑吟得幾輩惟有
素心人時來一相對

十月一日入都過米山人西長

朔風吹黃沙白晝爲之黑有客騎破曉衝寒入京國道
上所遇人不知幾萬億嗟我山澤癯曾無一相識忽有
長髯公披褐立路側望見遙呼名驚喜動顏色問我何
時來行李何處息牽衣造其廬咄嗟治朝食因及去年
事停餐淚霑臆世人游京師鮮不求官職爾我本無營
奚取游向北西山松栢存天晴共登陟

王秘書消來齋頭夜集

昔游麻姑城邂逅如故知忽忽不忍舍中路遺我詩一
別倏十年西望長相思所恨道里遙山川又隔之尺書
且莫寄重違定何時今我有家難飄零到京師爾官
著作讀書先在茲倉皇求一晤彼此皆夢夢是朝暮

書目觀集

蘇詩集

四

來連我過鳳池獨手各典歎非復當年焚香坐秘閣
酒饌多華滋日晚不令歸宿宿爲取醉上林春萬樹而
我無一枝燕雀且雙飛而我無雄雉當貴固有命貧賤
良可嗤倘許時相過盤餐卽恩私

程詹事其相齋頭夜集

神京本宦海來者不知數上而至政府下而至郎署一
落縉塵中鮮不渝其素我里程太史蚤歲翔天路入爲
侍從臣經術家眷顧出爲多士師機輔歸陶鑄名位日
以崇盛德了無預斯夕惟閉門讀書窮四部墨妙宗平
原菰菹稱獨步守已最矜嚴接物轉謙恕豈惟今所無
古人亦罕遇時當一陽復霜月掛庭樹有客夜相遇蕭
然兩芒屨東燭開西軒凄冷如澗戶自言新窮熱可以

恣長聯族舍何必道且留話親故帝鄉非吾願所樂山水趣回思龍眠間峯壑有佳處行將脫簪組道遠賦歸去木義其相即請告矣

奉酬魏都憲石生

夙齡甘澹落乘未爲農夫城市且不入敢望遊京都山鄉風土惡昨人有豺驅迫我出巖谷遙遙涉江湖行吟至禁下冠蓋盈九衢誰肯過一顧恤此山澤癯魏公立臺端高義雲天俱忘其簪紱貴榮交布衣徒賢昆守江淮先生與我情最孚因訪遺佚士謬稱微賤躬頃者謁公門延納不須吏假館憇我裝授餐供我餽期我以潔夜飲我以醖酬下問無別詞孔顏暨程朱窮理極淵藪味道皆膏腴旁通及風雅六義非殊途始知鄉相內尚有真師儒小子故狂簡向學多艱虞所願終此身奉公爲楷模女蘿本柔條免絰亦平蕪得附松栢枝千歲永不枯

永平訪宋副憲玉叔以下戊戌春作

君昔官司農弭節蕪江邊是時我賣卜逃名隱市廛故人候初遇執手情歡然飲我以酒漿和我以詩篇更念旅食艱分俸至萬錢感此不能報胸臆長拳拳明年江上別歸種山中田山中有猛虎嚇人無豪賢巖穴難久居辟營走幽燕京師冠蓋地豈無綈紱綠誰可告心曲急難相周全聞君奉朝命保護京東偏道里未爲遠曷敢憚山川况有談更偕策衛風雪天流觀山海勝追思嘉隆年與君賦新詩塞上他日傳豈直爲升斗區區乞

入憐

謁夷齊廟二首

驅馬出城西悠悠涉灤水問客何所之言尋孤竹里孤竹已千年高丘尚餘址砌石以爲城築臺以爲時中有二聖人儼然具冠履我來謁祠下徘徊復徒倚因登祠後亭蒼松四圍起崖削臨深潭沙明見游鯉雖有重門在年久勢將圯敢告郡大夫修葺胡不美

仲尼生周宋尚曰子殷人何況墨台氏九世爲商臣孤竹雖小國安忍忘所親寧餓首陽山必不會孟津或謂微箕比孔子稱三仁三仁本同氣矢死良有因君乃夏后裔二子又逸民不仕則已矣何爲殞厥身此語雖中和恐以僞亂真無寧守臣節庶幾完天倫

贈盧龍李明府公治

漢儒經學多吾愛鄭高密易數既淵玄詩箋又切實其人不可見其地猶可卽山川阻且長憑軾知何日頃者游盧龍茂宰聲洋溢於公爲同鄉繼起通經術性復好風雅已入高岑室我歡往從之素履恐未悉不知誰語君枉駕先達草結交何必舊傾蓋成膠漆公退輒見相書堂擁千帙宛如通德里疑義互相質

贈華州東雲羅

東子舉孝廉乃在思陵初其時運全盛雅不慕簪裾結茅華山下飽讀萬卷書學成名亦隨二十三年餘今春來華轍下第游肥如縣與我聚旬月氣誼良非疎贈君以一言幸勿吐事予予鄉有高士王湯及姚徐

王元仲君性嗜丘壑從不對公車君既負耆舊
雅合山中居富貴是何物肯以易樵漁所願攻文詞異
代垂令譽

聞吳錦雯投蘇州司理喜而有寄

山人好結交亦半天下其中最愛我莫若吳君者我
每一詩成君必手自寫古人嗜芟聚其癖信非假君嘗
語同輩吾但不爲官苟微一命榮安忍忘所懼念山三
十卷誓必爲之刊感此知已言朝夕望澤冠豈料十餘
年君尚困林藪妻子未免饑焉能顧朋友今春赴禮闈
射策復不偶天壇同我宿中夜咨嗟久亡何試銓曹首
選得司理除授乃吳郡通貴無與比時我在北平聞之
躍然起此方削劇工吾集得成矣明日還都門知君未
歸

出都把酒先一酌前言諒不渝吾詩若果傳君名亦與
俱千秋萬歲事豈直瀾微軀

宋副憲王叔見惠蘭袍謝之

杜公居薊州客遺細織段逡巡不敢受惡其太美煥白
公居江州客寄輕絳布愛其樸而文受之製重袴我今
居營州故入爲監司惠我山蘭袍古色如松脂既非織
段華又比輕絳貴雅稱山人服服之有道氣憶昔潤州
城與君兄弟居衣我以萊葛一着六年餘此蘭亦萊產
視葛尤渾堅願言服無數奚止十餘年

無題

幽州白日寒孟夏芳草綠士女尚春游牛草遙相續車
中八九女美者顏如玉春山隱翠眉秋水凝曼睞其俗

喜豐肥雖肥不傷肉耻作漢宮粧偏稱閭氏服何必高
高髻玄髮盤豐曲何必纖纖趾青靴自平東下車聊緩
步道路咸以目始知人妍媸不在頭與足

夜泊張秋

夜泊張秋河皓月盈沙渚大小無幾舟歷歷可指數
船有寡婦又携一孤女婦年三十餘女年十四五鵲衣
立舵樓風度疑仙侶遠視雖不其月光照如許夜半聞
哭聲其聲亦何苦嗚咽滴下泉悽悽江上雨聽者不
寐觸引愁千縷借同誰家婦癖開在何所良人幾時
何事來窮旅母女暗吞聲踟躕終不語

夏鎮贈顧水部見山

去秋客彭城曾見之帝鄉策蹇遊遼東舟中
同顧使君弭節此關梁懷刺欲往謁秋雨霑衣愛懷
余生書未獲手自將舟師苦相促蒲帆去隨風揚四首
念伊人兼賤被新霜其後宛溪友過此登公堂垂問及
愚賤高誼焉能忘今秋薊門歸又至泗水傍停橈冀一
晤不似前茫茫憶昔游雲間所交俱老蒼陳李彭宋輩
既見心則喜話言豈尋常幸不吝杯酒飲我秋夜涼四
始與六義或可共商量

淮上遇姜侍御其源兼送其入都

我有四老友漂泊江淮間梁大寓寶城杜二隱鍾山王
二與孫八結伴棲邦關四千高蹈人况復工騷雅孤情
迥自立濁世罕知者至于富貴中落落交益寡惟有姜

使君巡歷蒞揚州折節與之友唱和多綢繆飢則飭其
粟寒則衣以裘四子懷君惠時時向人述我雖未識君
同類感則一苦吟三十卷道遠無繇質昨從京師回遇
君於淮陰兩夜接杯竿傾倒意何深演行貽我詩不翅
雙南金秋風公路浦揚帆待明發黃河日夜流離情頓
飛越歸見杜王孫相思共明月是時仲木物故惟
于皇于一物人在

揚州訪柳鳳庵中丞感舊

神宗癸丑年先子舉進士維官尚書郎文名著燕市是
時柳太公作令於涑水謬與先子交氣味若蘭正中丞
甫弱冠從游在宦邸遂以文相質擊節贊其美并授以
古法私心感知已遂結為師弟恩義金石比所惜吳興
蜀山川阻且長哲人先秋葵道孤口尚黃耒及關庭訓

金口親集

北齊書

平生事茫茫中丞懷舊恩四十年不忘一朝遇吾季先
為道其詳贈詩情凄切讀之裂中腸又贈隨中書當路
為游揚此道真古人今人曷敢望小子仰高風恨未見
顏色昨歲來廣陵公已入京國及于游至燕公又返江
北參差不得晤惆悵意何極頃者候公門側屢如舊識
垂問及生死執手多歎息無奈行忽忽不復長侍側旅
次撰此詩聊以述明德

七言古體十三首

武林行贈陳毓倩處士

以下戊戌春夏作

我年三十游武林與君伯氏交最深前詩解衣是時君
先生年甫二十許身已比雙南金嗟蛇一別十餘載日月遷
流陵谷改賢兄衣繡懷國恩合室捐軀蹈東海鴈行中
斷不勝情甘隱湖山絕世榮乾坤我亦同心者千里相
思空月明去冬偶游至幾何聞君在此尋不見豈意元
宵燈火殘太僕堂中共懷燕當年君尚未生髮只今于
思復于思我長十年更憂患那能雙鬢不成絲來朝策
蹇訪我寓手持一卷都門句淚眼愁看北海一作雲傷
心多咏西山樹因憶賢兄使大梁迴車見狂花盡凋
于龍江一作又寄一書札至今展看猶飛揚彭廬

均自千古補漏江總何足數匹夫有志名亦傳况兼風
雅才如許所愧先朝老逸民無端奔走瀾風塵桃花水
起合歸去湖海烟波作比鄰

空同行贈韓子新處士

盛明一作朝詩人李空同刻畫少陵英魄雄雖產北地家
東維卒葬禹州深山中百二十年封且樹子孫零落東
西去羣盜焉知世所宗伐其塚墓衣冠露是時盧龍有
韓生道經山下魂暗驚手拾遺骸入舊柳重壘亂石成
高塋我聞此事足千古欲見其人異鄉土今歲驅車來
北平先問韓生何處所韓生兄弟俱偉人與我一見情
自親胸懷淵邃莫可測風期亢與無比倫况能避世辭
榮祿其節彌堅志彌篤管寧寧甘遼東臥田疇不受烏

桓辱以此傾蓋如舊權草堂置酒春燈寒坐中偶及禹
州事平生風義良可觀此方祇竹古城在二公子祠亦
類敗明朝西隱雪初晴策衛隨君往一拜

射虎石歌

北平太守飛將軍復臂善射天下聞霜郊曠遠喜出獵
歸時冥黑路不分草間驚見一猛虎拔箭射之深沒羽
詰朝尋訪知是石此石巍然遂千古後人經此必徘徊
摩娑歎息思悠哉安得將軍起泉下百騎仍馳射雕者
天台圖歌爲遷安劉明府初度

君不見列仙傳王喬飛鳬臨葉縣又不見養生家葛洪
勾漏求丹砂二公本是猿鶴侶東帶折腰亦何取從來
傲吏多神仙能以神明爲父母我昔揚舲東海游聞說
金仙集

北平集

十一

仙人阮與劉方春采藥入山去胡麻一飯遂相留及歸
已是百千載眼底人民城郭改悔別天孫出石泉重尋
荷路還烟霽今年復游北海濱令支山下停車輪乍達
茂宰有仙骨梁園修竹無纖塵對商丘人招我琴臺飲春酒
正值降嶽懸弧辰始知今日栽花者便是當年采藥人

高麗二馬歌

我來京師六月餘出門無馬又無輿侵晨徒步走燕市
風沙滿面塵滿裾羣歸旅舍肢體乏中心惻愴聲欲歇
孟夏偶游樂亭邑賢侯贈我金三十諸人已市馬俱
編觀馬羣意不入駿者踰騰駕御難駕者頑鈍行步遲
以此佇立多徘徊忽逢賈人邊外來驅逐霜蹄十數匹
云自潯陽征戰回其中三五高麗馬形雖短小精悍哉

有一純黑一純白骨法權奇類合格况是疎牝性柔順
腹又懷駒鮮疾厄借問其價價不多二十四金可雙獲
我愛此馬寧惜錢傾囊買之意欣然東市西市買雙頭
南市北市買鞍轡青絲織帶爲之韁紫竹結韁爲之轡
呼兒剪拂去塵屑濯以流水毛光潔厚其易豆勿使饑
黑者如鐵白如雪來朝騎回長安道不似從前欺販賸
仲夏屈指歸南方有此豈憂道路長况乃生兒果汗血
他年連轡從戎行古來馬亦威知已我懷公惠焉能忘

劉生行爲樂亭劉臥子作

劉生劉生古俠雄深夜飲我書堂中兩人意氣自相合
况乃先世年譜同樽前復有高公子梁州高文采風流
亦相似聽我論詩齊擊節俗眼誰能察識此我來北

北平集

十二

三月過關塞交游豈不多幾人風雅可共語懷抱鬱
將如何今夜爲權與泉興把酒休辭爛熳醉騎馬出門
鷄已鳴明朝更約東郊行

柳枝詞友人寄去而不允者戲贈此作

白家柳枝道不去韓家柳枝留不住連不去者借難忘
留不住者有何趣可笑當年韓退之馬頭明月尚相思
昌黎此意既癡絕君比昌黎應更癡

學在行書

韓生置酒城下園送我南歸去都門設坐正當兩芍藥
行廳復有三婢娛撥阮梅等聲激楚齊唱南枝更憂苦
是秦聲雖非雅樂音韻清纖展宛轉似無力狂態掩香

疑有情主人勸客且進酒此舞江南所未有今宵把酒
不盡惜明日登車重回首聞說賢兄寓會稽秋風相訪
若耶溪子任之兄子有高士也避是時我正客窮飢共
聽吳歎山月低

古藤歌爲兄子子詒此部作

四坐且勿喧聽我古藤歌古藤之壽如金石金石有時
而銷磨古藤之壽如松栢松栢有時而斧柯却訝此藤
本柔木結根永傍幽人屋紀年不識定金元生成擁腫
更奉曲密葉繁枝覆亭院藤花開日香如棟綠陰青靄
不受暑赤日黃塵從未見吾家郎官做此居藤軒半間
長讀書客來便與飲藤下涼風習習吹人裾獨憐旅舍
難久住三年又欲還官去京師都無一可戀所不能忘
惟此樹

贈馬行雷別王消來秘書

我游樂亭買二馬一黑一白高麗種其形雖小性馴良
任渠馳驟可無恐北平刺史宋使君乍見此馬欲平分
古人讓國且不惜區區小駟何足云遂贈使君以白者
自騎黑者來都下偶訪故人王秘書秘書亦復愛此馬
我念京城難久居行將買棹歸淮徐龍媒正苦無寄托
得充君廐幸何如良由鄙性在山水竹杖芒鞋心所喜
即使車前列五駒終不如欵乃一聲烟雨裏

炎風行雷別兄子子詒

炎風吹沙白日昏千騎萬騎如螳奔秋冬居此已不樂
况乃長夏氣如燔路傍候與爾相見握手歎歎塵滿面

因訪天壇通院中短簷局促如旅店回憶風臺臺下居
貧當數畝雜芙蓉年年三伏不知暑高枕北牕惟讀書
奈何舍此歸江北風景蕭條憂患逼一官鷄肋未能拋
五月驅車入京國屈指分携十四年衰顏短髮不如前
猶喜神明未凋落長句贈我情依然來朝我欲江淮去
他年聚首知何處青門折柳不勝愁買酒旗亭且猶豫

安陵行

安陵在景州西南十八里吾家祖塋在安陵故生景
州人前歲伯仲舍今秋于自北歸過安陵故生景
無由訪問憐憫不勝其哀其墓在州之東村落中
往年張子令毗陵東吳四郡推廉能典利除害非一事
常州至今人猶稱是特我來自吳越寄居宇下羞干謁
邂逅豪君國士知贈金十鎰情未竭明歲別君歸江南

雖有謠言不信謠達人便問明農子招我重游我苦
族開考最入吏部山公藻鏡懸當路共道高名必授
豈料盛年遂物故我過安陵懷舊恩東鄉方欲勸君門
舟行那得隨人便佇立河干自愴魂

金龍四大王歌有序

金龍四大王者宋處士謝緒也緒嘗爲人祈雨
諸生爲之立祠謝緒之金龍山宋亡後緒歸隱
於石曰立志平口向未雨莫言心事付東流
蓋天下之志平口向未雨莫言心事付東流
丹心誠口其後破秦一死千年恨不修通塞
以何爲口其後破秦一死千年恨不修通塞
忠義雲中其後破秦一死千年恨不修通塞
帝也雲中其後破秦一死千年恨不修通塞
伯也雲中其後破秦一死千年恨不修通塞
四大王蓋緒兄弟四人祀歙統緒緒少又

千金龍山故名今清江浦廟中有記甚詳于其

行人舟至黃河濱無不祭黃河神但知金龍四大王
不知大王何如人我來淮右天妃開廟中歌舞尤難
巡觀壁間有石刻蔣生作傳董公跋上言金龍乃山名
處士謝緒懷忠貞心傷德神移宋祚慷慨憤激遂捐生
身雖沈淵志不改石上題詩英爽在上帝命為河濱神
西至崑崙東至海後逢真主起中原與敵大戰於彭門
鞭驅風雷暗相助河水逆流敵敗奔是夕見夢於帝所
自言姓名及肺腑因而勅封大王號沿河立廟為河主
後人舟行大河邊生死仗神神赫然舟子往往見靈異
史不勝書民爭傳吁嗟草莽一逢掖精誠乃能貫金石
太平血食三百年忍見滄桑又如昔我亦由老布衣

與君異代同斯歸香勺酒拜祠下預為處士生光輝

露筋祠歌書梁公狄樞部詩後

覽社湖邊露筋祠小艇來過必拜之拜罷低徊不忍去
佇觀壁間無數詩其詩雖多佳者少獨愛梁生長句好
祇緣胸中有定識以故下筆能了了梁生道號曰鶴民
射波菰蘆隱此身老死南方不歸北分明亦是露筋人

五言律體五十五首

通州道中遇丘季貞文學

我自淮南至君從薊北歸揚鞭驚老眼下馬揮斜暉
索情偏久倉皇語轉希僕夫催又別揮手各依依

初寓天壇作

匝地馬牛塵園丘慰此身尚餘松蓋古况復井泉新
雪風號夜無眠醒到晨擁衾猶覺冷愁殺早朝人

虎坊橋訪吳見末郎中

吾友本高士雖官仍素心驅車芳草遠閉戶白雲深
雖別人妻子無餘祿生涯只苦吟天街塵漠漠半點不

曾侵
故舊多零落憐予到朔方若停筆不題長久得相從

客先儒詩論詩合對林間游集在手傳香荔枝香

報國寺訪曹淮瀾大行

官閒棲古剎蕭寂似山村托病且辭客讀書長閉門每
於霜月夜一到雪松根此意真幽絕難為動者言

星軺來下邑曾一訪樵漁風雪淹旬日郵亭肅起居
報淮瀾奉使至楓此方重握手相見即烹蔬京國人何
限沾沾獨愛予

王燕友銀臺招同兄子吉偶與三敦四夜集

淮南為別日握手重沈吟贈我高深句勞君山水心
見期有朝山萬我心勞兵戈長阻絕歲月忽侵尋豈料

風塵裏良朋又盡瘳

精廬藏僻巷特為故人開酒是梁谿載歌同易水哀歌

生無倚著羣從足追陪不厭吟聲苦霜天還復來

趙友沂中翰招飲感舊兼呈王治來秘書

大雪蕪江夜輕舸擁妓行與君偕作達奇絕冠平生

話到天明

三楚多時疹無如王趙賢書窮苦問字筆彙御爐烟泛

受容疎放高齋任醉眠定知歌舞者必不避彭宣

從兄坦菴詹事有贈謝之

殘年頻送酒除夕又分金篤念羈孤者方知友愛深

人愁猛虎急難愧微禽此際誠何際區區尚在心

一身堆百福不省世間愁太滿能無藥酒者始有真

生元介立當寧建苛求獻歲東風暖西山携我游

元日借談長益處士宿吳岱觀孝廉寓中限春寒

二字

十四年前別三千里外人過塗猶識面把臂各傷神相

訪期元日借行有逸民盤中細生菜不異故園春

北地風沙苦兼之冰雪寒土林先着火歲酒且為權被

少從鄰借燈孤與夜殘他時又離索方信此宵難

東吳錦雯孝廉時寓天壇

七年不相見屈指聚燕山誰謂若停遠翻令會晤艱

人防靜業謝客掩玄關只有二王子朝昏數往還

苦吟三十卷君許為吾刊以此望通籍勝於身得官

花春苑曉燈火夜應寒好養追風力天街一日看

二月四日同談長益出都門

筆下三冬過愁中一事無欲尋邊塞去其奈客身孤老

友欣同往春風好並驅流觀山海勢絕勝在京都

通州

侵曉出重城潺潺水聲潞河水始泮遼海雪初晴利

涉無官渡凶人乃橫征更欺南客儒盡取意猶輕

永平

北平猶古郡風景未全消二水合灤漆一關分薊遼地

維鄰絕塞人尚說先朝借問虎頭石城南七里遙

盧龍

盧龍原上路千古說田疇欲壓烏桓勢聊借魏武游未

能舒國難且借報家讐自有傷心處辭金不拜侯

灤河

灤河通北海市日有鮮煙旅食何須肉盤餐定作羹願

生一飽足撫事百憂并且勿傷流落殘春過此城

贈劉聲玉司理

郡齋何處是孤竹古城東未午吏皆散先秋獄盡空分

符聊下邑行野總春風勿謂催和苦文人自不同

漂泊江淮客驅車前北過素書來楚曉芳訊及灤河

如何

同李非文登孤竹山因悼其友徐大拙

客舍正愁寂君來破我顏貽詩酒俗色驅策自秦關此

嶺雙松樹當年孤竹山游人重懷古携手一躋攀
青州有徐叟風雅隱江淮百首君能記千秋名不埋獨
憐奄逆旅誰與殯枯骸今夜聞遺詠因之一愴懷

送嚴天行吳平露還都寄懷兄子蛟峯

塞上苦無友那堪君又還一尊臨漆水雙騎走盤山懷
古多新句千人每厚顏都門還小阮爲道此游觀
吾友蔣民部君家住幾年本同薇蕨性頗耐雪霜天底
事來燕市相逢在朔邊唱酬樓正劇言別又凄然

憶江南四首

江南春事蚤口腹最難忘白膩河鮑乳澄鮮蛤蜊湯鱸
蓴初出水樓笋正盈筐何必秋風起吳人始憶鄉
江南長夏日處處有鱖魚石首隨水至楊梅帶雨初

荊辭

北游集

其

荊辭比荔還藕藕如龍香著風前動何愁暑不除
江南饒美饌收獲况逢秋出觀子驚燕堆盤毋嫌稠
紅與茭白菱角復難頌佐以黃花酒人間何所求
江南冬氣暖卒歲易優哉鮑自深泥出鳧從曠野來白
菰消酒渴青果點茶盃况有行根笋霜鋤掘即開

還安寓程生園有贈

朔方山氣冷三月尚無花立馬令支音連邑開樽公子
家櫻桃將破蓋芍藥始抽芽便覺春風程園林鳥雀譁
山城兵燹後下榻少僧廬只此餘高館欣然借我居近
邊多黍酒出水有深魚日日憑軒酌何須更曳裾

誄長益永平書來却寄

燕山冬復春無日不相親前北同舉馬逢西偏問津古

人重高士今世賤遺民故舊且如此新知曷敢嘆
聞君寓已移旅食就僧炊怕熱應眠榻防偷更揮籬既
爲修郡志且勿算歸期幸有韓公子時來一展眉

會試榜發久不得報有懷同社諸子

諸子皆耆舊亡何試禮闈便應驥首去未許卷懷歸
下新朝服山中老布衣高鵬與低鷁各自一行飛

宋玉叔憲使署中臺成招同長益雲雜諸子醺集

其上各賦二詩

宦游難免俗性不改林泉雄在邊城裏仍爲臺館偏栽
花循節序嗜古輯名賢退食來深坐休論晴雨天
勿謂使星遠客星相傍明戟門憑吏散畫壁見雲生愛
此臺上酌居然林下情那堪同調者旦夕又南征

食山齋集

北游集

其

飲張友鴻進士寓兼懷吳六益東鹿未回

京國推名飲冬春知不開待君聞事畢子亦塞垣還永
浸盤中果雲生畫裏山遙憐彈鋏者蘆背正間關

飲程張章進士寓因有三洲之約

嚴城多委巷良友惜離羣獨爾居相近與子情最殷書
憑汚白練酒任漬紅裙時有二還訂初陽月雲間訪陸

雲

東章翌茲許天玉姚瞻子陸漢東四孝廉此俱未

會試今始

之子登科日 先皇全盛年錄於西華章丙子高文傳

海內晚節老江邊有過重來此雖官亦可憐不如鵲鳩
鳥奮翅向南天

宋其武學士枉過爲竟日之談關於展待答此

終日侍仙班曾無片刻間故人雖未見知爾甚相關何

一作暇暇來荒寓聊淹看遠山僧厨乏杯酒惆悵又空還

龔孝升總憲以古色輕絳祿見惠謝之

客路虛休夏還山且過冬祇應擁敗絮曷敢藉輕絳佳

貺意何厚深辭懼不恭南屏霜雪裏披此看巖松

嚴子餐給諫以七言長歌送予歸率爾奉答

君是夔龍侶偏於巢許親燕山憐遠別越調送歸人對

此長疑面相思各損神爭如陳處士朝夕傍音一作塵

時陳龍倩

兄子吉偶員外爲余題李伯時畫謝之

龍眠吾里人繪事妙如神塞上獲真蹟都中誇異珍雖

禽口續集

緣風格古亦賴品題新非汝擅三絕誰能信得真

王貽上進士携其全集見示答此

王郎方弱冠山左擅詩名到處聞新作居然見老成知

予吟最苦相視眼偏明獨恨南歸促難爲縞紵情

胡東旣明府書至

上谷有知己相要出塞游思君當命駕倦客已歸舟芳

草江南暮黃雲漠北秋何時重會合書到轉添愁

谷程北海進士送別之作

前往北平道園丘爲舉杯今歸南國日麗藻又新裁愧

乏錦衾報爭推羽獵才孟冬還白下家醞許重開

留別丘曙戒秘書

昨夜才分俸今朝又贈詩還來馬首別忽動鴈行思家

室高堂戚心期老友知丁寧非一語到卽致君詞

秋水盈淮甸吾將此卜居良朋盡風雅生計在樵漁獨

爾畱中秘焉能返舊閭前門多驛使幸勿斷音書

滄州飲馬倩若參軍

暮秋曾過此轉眼又新秋兩宿署齊冷三年官况愁酒

深難易唱風急鴈難留借問高常侍如今有後不唐詩

人州

七夕泊故城

殘暑不曾退新秋猶未交川原正浩淼風日又炎歊晚

見初弦月一作古樹梢微涼思一飲佳節莫輕拋

臨清道中立秋

老懷逢夏減詩思入秋多况是飄零者其如捩落何關

山增感慨風月助悲歌向夕船頭立茫茫空還渡

分水廟

汶水同源出中流兩道分天心成漕舫運神道勒奎文

兩中有永樂三小艇北來客輕颿南去雲榜人歌且舞

從此息勞筋

魚臺道中

白晝雨冥冥舟師未肯停斜風難掛席順水好揚舠市

小人烟冷魚多水氣腥老夫唯恐睡竟日不曾醒

七言律體 五十六首

入都訪兄子子治中翰

寒驢破帽入京華將到前門問爾家官舍蕭寒如野寺
古藤盤錯對秋花一肩行李聊棲托八載鄉園總歎嗟
欲解離憂唯雪酒暫時忘却任天涯

送李溉林憲使之任徐州

皖江分手恨如何屈指都門共獻歌豈料冰霜之紫塞
又逢旌節去黃河彭城自古山川勝鄒伯從來雨露多
明歲南歸淮泗路雲龍放鶴許重過

東兄子子建山人

我來京國寓天壇泉石雖幽見客難稍喜中丞能假館
况鄰羣從且爲權風沙又作彭城別枕被那禁雪夜寒

金山集

欲向青門餞游子可無紅袖拂征鞍

贈丘曙戒秘書

去年風雪淮陰市吟榻長同令弟眠今弟奉今歲薄游
來朔漠乃兄高義復雲天過從百遍休辭客傾倒千鍾
不論錢况欲爲千覓人種風塵何處有嬋娟

贈王渭來秘書

王子前身是微僧偶然觀化下凌嶒渭來自吉甯浮榮
總似春冰薄慧業還如秋水澄獨喜貧交來遠道每同
深話到殘燈更憐老冷尋燕玉此事今人能不能杜詩

嚴子餐給諫爲題西陵女子傳感而有作

我到燕山行李無所携只有抱鶴圖隨時展看千行淚

小傳裁成雙眼枯但遇詞入皆惋惜忽承佳句更悲吁
藻亭尚藉王忱力豈獨含情弔綠珠

陳階六給諫餞金謝之

眼底公卿多少年輕裝快馬朔風前掃門客尚斟杯酒
臥聞人誰損俸錢歸隱十霜微一出補官數月諫三篇
高情又似顏光祿所愧予非栗里賢

飲方千霄郎中邸

飯羅山下昔爲鄰日日招携不厭煩服闋君應還輦轂
飢驅我亦向風塵潛郎館舍偏相近異地宗祊重與親
對酒何妨到深夜燈前俱是有歸人

喜晤劉石帆太學

猶記秋霖宿爾家粉屏題句字欹斜草廬一別十年久

金山集

梅屋重開幾樹花正欲逢人詢楚澤豈知握手在京華

青樓去我無多地夜夜相尋酒可賒

與魏辨若涵一兩孝廉談易有合兼呈令兄石生

都憲

老生讀書鄙章句玩易直窺文象先但與人言多不省
雖明聖道將誰傳知君家學本儒者聽我坐論殊豁然
閒時更就難兄問御史中丞令鄭玄

寄懷吳素夫處士

莫愁湖上送征人蒲葉榴花亦愴神自是友朋情眷戀
况兼兒女意酸辛孤悵忍使離吾膝慈愛應知似所親
雖不煩憂終不舍時將書札慰風塵

韓六一員外招同方千霄郎中小集

朔風吹雪滿燕山旅舍重陰但閉關忽有仙郎要我飲
也知朝士讓君閒嚴寒不惜披裘往深夜何辭著屐還
咫尺慈仁松樹古天晴相約更追攀

于慧男博士招同王山長孝廉小集

邀我偏於風雪日不辭寒洹向東來馬頭輕颺如飛絮
墻脚平舖似落梅白酒正溫堪共醉黃昏無路欲先迴
主人惆悵客留戀臨別重斟八九杯

歲暮宿王秘書邸見其早朝甚苦戲為此詩

鄰雞初唱勃然興繡幙香衾戀不能燈下重裘猶戰栗
風前瘦馬自凌兢千官侍立足如鐵九陌馳驅頻有冰
始美南廬方處士蒙頭高臥日東升

人日吳園次中秘招集興誠寺古槐下

蕭條旅况惜芳晨折柬欣逢吳舍人野寺雙槐龍爪舊
晴沙一族馬蹄新坐依佛閣何妨久酒取鄰家不厭頻
借問長安冠蓋者春來幾個是閒身

元宵步月

朔方燈市從來盛南部烟花總不如老我正當三五夜
游人但說啟禪初歌樓舞榭惟聞鼓田婦村姑盡跨驢
間有碧紗籠可玩一枝動索萬錢餘

正月十九日與孝升都憲社集觀燈

京師勝日誇燕九遠近黃冠會白雲
詩人偏聚此如今仙長合歸君酒斟玉竿葡萄色燭晃

銀屏翡翠文漫道馬牛塵壇裏尚容鸞鶴自爲羣

玉虛觀與李條侯夜話

昨歲淮南兩度游逢人便問李條侯參差蹤跡不相見
俯仰河山無限愁豈料高鴻雁網罟翻從逆旅結綢繆
匆匆杯酒那能盡爛醉彭城待早秋

正月晦日同談長益吳六益陳龍倩集報國寺松

南歸未買尋源櫓北走仍馳出塞車只有高松情繾綣
况兼良友意縈紆金疊且慙重陰下鐵幹曾經百戰餘
回首蔣山多涕淚不知天壽近何如

新根傳自金人種問盡年華四百餘幾見疎狂如我輩
頻來鷓鴣鳴春初風沙撲面休辭坐冰雪同心合與居

悔不從前長寓此朝昏相對一牀書

贈還安劉明府含輝

有客騎驢東出關今支南界見春山路入爭說神明宰
脣雨長沾隴畝間正擬歸時尋赤縣那知郡邸議朱顏
景忠峯壑多奇勝肯與提壺一往還

韓子新兄弟招同長益夜集

雲樹蒼蒼古北平君家兄弟最知名花時正想班荆語
月夜先期折柬迎吳越山川曾在目
不勝情我思碣石觀滄海何日連鑣出塞行

趙獻清招飲開邊曲有感

置酒高堂春夜深忽聞絲竹動哀吟當年抵是邊關調
一作今日都爲吳越音坐上有誰能顧曲天涯無處不

傷心知君好客難辭酒一任胡姬取次斟

戲題北平寓壁

半生作客總南方不是僧房即道房今出塞垣無可寓
暫棲民舍亦何妨雙雙健婦持門戶頓頓重魚佐酒漿
深河出魚重臂夫婿漫勞斜倚盼水清石尾在中央
土人謂之魚重臂夫婿漫勞斜倚盼水清石尾在中央
語和且勿盼水清石尾在中央

隆教寺贈壽上人

上人歸棹自南都買得經文廿四樹雖則中丞酬夙願
難於遶地起浮屠上人重修此寺恭飯僧尚覺資糧少
欸客偏多茶笋俱幾欲出城繙貝葉只愁無以助伊蒲

送笑上人出關兼懷祖心師

白岳雲峯好坐禪如何北走薊門烟祗疑古德山

不情麻鞋雪裏穿

既以塵緣應解脫翻於朋好故纏綿
瀋陽今有高人在更過遼西始息肩

秧日飲田家

今年上巳客邊隅風氣陰寒花柳無管出梁河觀逝水
忽逢湯老薦新詩重脣魚美鯽相似雙尾鯉鮮蛤不殊
醉眼朦朧是江左勿因佳節憶粉榆

宋憲使署中鸚鵡能言索贈二首

河隴驅車到朔方携來鸚鵡掛雕梁人雄側耳憐嬌語
鳥自低頭憶故鄉豈望誦經成舍利漫勞作賦動詞場
酸辛最是關山路繞樹聲聲問上皇

勸君巧語莫多端語巧人憐放蓋難香稻滿瓶隨飲啄
浮塵着羽易凋殘方今爭尚惟鷹犬惜此奇毛似鳳鸞

若是漢禽秦吉了東飛定不過三韓

三月十九日

年年此日淚沾纓况是今年寓北平雙關曉鐘還似舊
千官春仗不勝情緒淵王溥蒙恩澤哀榮韓通失姓名
猶有野夫肝膽在空山相對暗吞聲

答徐玉海借書

久客邊城春事殘退方無處借書觀勞君自送并州集
開卷重生紫海濶并州自咏其詩云七絕更加升岱學
一瓶何以報琅玕古詩借書一瓶牙籤錦標知盈室明日
還來次第看

偶過玉海小飲

雨歇終日對琅玕北地滄溟未足誇自覺鍾情向誰語

不坊索酒到君家

火燒玉露色香減蜜浸人淺風味嘉
塞上春歸莫惆悵杏花纔放又桃花

贈北平楊太守九章

邊塵漠漠寒雲黃極目平原草樹荒一自棠陰來召伯
頓教麥秀似漁陽率惟行野春風徧臥閣彈碁夏日長
猿臂將軍猶有廟歲時幸勿廢椒漿

送王西山明府之任閩中

君行萬里莫凄然自古文人多左遷官舍况當榕樹綠
王程正及荔枝鮮從軍瘴海知無事送客榆關悵各天
他日量移吳興越相逢重在水雲邊

徐月鹿水部奉使杭州與予有同舟之約今羈北
平不得遣往遙寄此詩

君家兄弟本天人與我神交各有因京邸相道如舊識
仙舟許附此閒身無端出塞淹山谷不及囊書候水濱
猶喜秋冬會稽去江關判醉玉壺春

登韓侍御釣臺

四首

鐵崖千仞俯青谿上有孤峯似卓圭因石爲臺供客釣
傍松結屋借僧棲中列岫芙蓉亂檻外羣鯨舴舺齊
此景江南亦希有漫言薊北與遼西

聞說韓公仕聖朝黑頭蚤已慕松喬一竿烟水長爲主
七道徵書枉見招勝地生前管窺窺高風死後在嘯曉
當年極盛猶甘隱未審如今肯折腰

東去遼陽海上山羣峯往往絕躋攀不如近郭林巒秀
自有親人魚鳥閑松栢千章圍墓道滄浪一派洗塵顏

傷心天香

北齊書

傷心天香諸陵樹惹愁焉能似此間

身縑文孫老布衣標持風節繼前徽三公不易青山樂
一艇長隨白鳥飛瀚海愁聞新戰伐深河久別舊漁磯
故園丘壑今如此胡不携家自雅歸

樂亭遇雨宿曹位之宅

倦游人自海城歸纔出關雨濕衣遙指前村有高士
不妨下馬炊柴扉倉皇治具留予宿邊塞多聞似爾稀
今夜醉眠難再得他時回首思依依

留別宋大奎

王叔兒下也

日日思歸尚未歸故交情重莫能違囊空客與花爭笑
暑吟君同鶴不飛幸有露臺長對酒怕言家難各霑衣
何時拔宅真江去也買漁舟傍釣磯

新茶坡入都寄張虞山范廩生同百詩三首

濟水東來得鯉魚烹魚忽見故人書上言薊北無知己
相勸淮南且卜居采藥尚須游茂苑結茅終欲傍精廬
何時轉棹天津去紅蓼花開七月初

西苑同茶坡閒步

十里芳湖抱一丘相傳遼后有桃樓聖朝寬大何曾廢
文士蕭閒並得游今與胡僧營白塔爭客仙侶泛蘭舟
我來橋畔空延佇細柳新蒲無限愁

韓聖秋中秘招同許天玉白仲調諸子小集

我隨陽鳥到燕臺君去虔州尚未回屢向城南僧舍問
預知天上使星來月如鵲浦深深夜酒似龍潭漸漸杯
聖秋詩無數新知在京國舊人相見眼偏開

李生挾策對春闈一日聲華滿帝畿自念高堂開壽域

還期采華播芳徽重來定致千鍾養此去先裁五色衣
眼底新人非不衆名家才子似君稀

哭從子訥

二首

翻翻書記客彭城賓主交懽甚有情分俸雖微聊佐讀
唱心太苦遂捐生初聞浪說疑傳誤果見鄉音慟失聲

前年淮右同作客意氣飛揚篋尚空去歲黃河偶相遇
形容肥澤裝亦豐正喜歸家有菽水豈知客死如霜蓬
九原應見天冲子携手悲啼話阿翁

六月望日陳階六黃門社集分韻

同集者同中韓

王粲東歸別量湖南趙友沂潘承倪王純陳微
陸雲同張友鴻吳六益朱紹九淮上新茶坡廟
自什別死城徐次李

父老相傳隆萬時李王名著白雲司高吟自負千秋業
薄海人歸七子詩此日風流俱泯滅我曹出處又參差
何緣共對燕山月俯仰之間多所思

明農只合老蓬蒿旅食京華感二毛今夜就君非俗飲
主人與客並風騷月中槐影光偏亂露下芳尊興轉豪
侵曉獨憐子欲別三秋離思在江皋

七月一日出都門

山中猛虎嘯豪賢獨流吟成北走燕交有良朋空歎息
手無利劍合憂情因思故里尋漁父又想皋橋買釣船
兩地未知何處好且歸南國看機緣

臨清追吳錦雲司理不及

都下相期一路回舟中每夜得銜杯我因病痾行姑緩
君爲之官衆所催尚擬修途可追及其如輕舫只前開
計程應在張秋道也泊河干望客來

東昌贈劉太守定宇

春風策衛古深城父老猶稱舊守名今自北平還建業
又聞東郡有賢聲停舟欲識眞黃面好客偏多箕穎情
無奈歸心似流水揚帆恐不待雞鳴

濟寧贈王別駕石公

慈仁寺裏雙松下忽漫相逢悲喜俱秋浦論文成往代
長沙作令是危途量移山左官雖小鄰接江南地頗腴
歸棹爲君停一晷不知還有酒錢無

夏陽贈郭明府摩菴

屈指彭城訪故人道經豐沛也相親豈知河上逢仙令
先任舟中視逸民卓魯高風今尚在蕭曹遺蹟未全湮
清江贈任計部崧翰

長淮風雪苦寒時曾與驕樓困不支轉眼使星臨海嶠
笑看游子泊河湄春陰畫省長同醉秋色江關自有期
我欲卜居枚叔里從容來乞草堂資

贈胡水部階平

有客新從北道歸停橈淮口立斜暉使君枉駕情何篤
舟子鳴榔與秋飛暫去劉伶臺下月重來袁術浦邊磯
頻頻索酒難辭醉紫螺紅鱗秋正肥

題范廉生齋草軒

扁舟淮上往來頻無數詩人與酒人獨爾高齋多眼日
留于堅臥動經旬布衣不作青雲夢醉眼長看滄海塵
莫向秋林悲落葉年年芳草自逢春

又題廉生樂志堂

堂名樂志義何如良曰先人此故處世配無心慕軒冕
才高得力在詩書田園尚欠仲長統賓客偏多箕聖子
丘季貞西軒社集分韻

卜居久已定長淮此日機緣又不諧且繫孤舟尋舊侶
况逢羣彥聚高齋歌聲清脫悅人耳詩句蒼涼感我懷

三宿西軒莫輕別飛蓬明日又天涯

一蒲菴訪閨百詩夜話

殘荷細雨響秋池曾宿茅菴序爾詩暫去燕山成隔歲
重來淮海又斯時月中鼓棹驚相訪燈下開樽喜共持
坐到天明方解纜只愁病體不能支

揚州飲王于一孫豹人齋頭偕宗兄聖羽學博

蕪城好友苦不多一二寓公藏烟羅雄文麗句世莫敵
深巷短垣人少遇見予拊掌忽大笑呼童貰酒且狂歌
廣文先生官雖冷也騎瘦馬來婆娑

邗關西別諸駿男

我去蕪城秋水寒故人送我至河干解衣質酒高樓醉
冒雨尋花夾巷看隋花久荒猶有恨雲英重見且爲憐

金日叢書

龍江北岸阻雨

佳期更指西陵路豐樂橋邊問考槃

龍江北岸阻雨

真州揚帆遇北風準擬今宵石城中秋江倏忽雷雨作
野航蕩漾蘆葦叢燕磯咫尺不得渡鳳臺消息焉能通
遙憐小女問阿母連日燈花何太紅

五言絕句 十三首

故宮燕

昔日昭陽燕今日巢河濱豈不愛華屋傷哉舊主人

故宮鶯

上林雖百轉魂夢在江南一自蒼鷹負黃鸝賤不堪

故宮鴉

城闕高千尺鴉羣依舊棲秋來何所恨夜夜似人啼

題酒家壁

青帘隨處有我愛黃公家有錢自醉飲無錢亦肯賒

眼底人皆醉吾何能獨醒補糟餒者尚不至沈冥

問我來何數非關飲興豪風塵燕市裏或恐有荆高
飲罷登樓望春城烟樹重西山當落日萬朵青芙蓉

金日叢書

三月晦日

春歸人未去花下一沾衣也覺人歸好無家何所歸

人莫惜春殘春先笑人老有家自合歸無家歸亦好

五日

年年逢此日醞酒弔湘娥腸斷爲湖水餘生恨轉多

蘭摧猶自激玉碎是人殘怕見葵榴色猶疑血未乾

七夕

天上佳期有人間好會無馬嵬何足道痛絕是鴛湖
不分雙星合空憐片月明舟中思往事獨坐對孤檠

七言絕句 五十四首

王燕友銀臺以四萼盃見惠云出自宮中者賦此謝之

旅舍苦無盛酒物故人遺我四宮盃
盃文五采成龍鳳或恐先皇飲過來

密非宣德御嘉靖繪是丹砂與石青山澤遠民何忍用藏於笥篋見儀型

天壇同劉杜三王山長吳岱觀稻淑子吳錦雯王白虹黃向先諸子飲局余爲卜關事皆不利戲

三十年間老孝廉也隨兒輩闢毫尖看來俱是過時者不待君平仔細占

無奈山中餓餒何便應謁選勿蹉跎殘年但得推知職今世誰論甲乙科

淮干折柳正新秋勸我京師勿浪游屈指別來纔五月如何君亦到幽州

君到幽州有所爲盧龍曾與故人期故人亦我平生友便與同車向海涯

塞北惟聞羯鼓聲那知南曲細如鶯不并蔡琰終沙漠且作何哉唱渭城

旗是廂紅復正紅曠身何日返吳中莫愁京國無知己現有黃州太史公

除夕感懷 六首

去年除夕哭吾妾淮海愁雲慘不開今年除夕哭吾母燕市悲風響更哀

南島無巢寄北枝中間木主供先慈一從家破積薪缺敬學長江自祭詩

亂世元多失意人貧家婦子也相親那堪骨肉銷亡盡四海茫茫剩一身

嶺南英魂萬古傳抱爲人豈與重泉憑教東海風濤惡自有西山木石填

潤州談叟老詞場下第劉生亦楚狂憐我客中多涕淚特來燈下共淒涼

北地士林寬且溫垂簾擁絮不開門今宵睡法同八字

三處家鄉一夢魂詩伊州內典王維詩三點爲伊看早春爲陳階六給諫初度四首

燕市栖栖冬復春簪裾無數懶相親今朝楊柳爲君壽知是淮南舊酒人

衣上黃塵鮮不細惟君素質似當時都門何物堪持贈報國霜松一兩枝

東山鮮爲蒼生起北闕其如補袞勞回首劉伶臺下月漁舟臥穩不驚濤

南方福地推淮甸雞犬桑麻似武陵他日卜居應在此看君白首杖青藤

喜晤陳亂倩處士兼懷陸鹿京悌霞
廬陵自古溪山好尚有梅花冷似珠手似錢塘陳與陸

枝枝葉葉是林逋

豐潤阻雪

江南二月草萋萋柳密花繁鶯亂啼
豐潤道中猶阻雪春風未到北平西

馬蟻阪

齊侯經此伐山戎日暮途窮水又窮
師蟻得泉馬得路聰明幾與伏羲同

早耳溪

田疇不賣盧龍塞管仲曾臨早耳溪
今日偷兒何處覓烏桓牧馬過遼西

灤河

灤河春水雪消初舉網雙雙得鯉魚
欲買魚歸是何意

腹中恐有故人書

書白學博夢母詩後

人皆有母母皆慈幾見人吟夢母詩
白首尚懷孺子慕青毡不愧秀民師

四十年來心力窮板輿長入夢魂中
我今衣上線猶在對爾如何淚不紅

清明

薊北春深雪未消城南望遠思無聊
忽聽人說清明字一日何堪是兩朝

昌黎

絕代文章韓吏部中興事業李司後
兩賢俱是昌黎產我欲從之今已無

遷安

莫言邊今好催科縣小民稀奈若何
一自投充與國占漢人田地剩無多

偏涼汀

灤河東去海天空白草黃沙一望同
惟有偏涼汀數里兩邊山色似吳中

玉河

海岱門前車碾塵玉河橋畔柳提春
春來幾個閒行者千萬億人無一人

西苑

西華門裏御湖澄澄后粧樓背可登
今日樓空惟白塔豐碑新賜喇嘛僧

金魚池納涼

池上茅庵松下身老僧相對話前因
倦時坦腹南廳臥不羨天街騎馬人

城南觀別者

離亭送客有雙娥迢指前山暮雨多
也學蠻方鵲鴝語低聲行不得哥哥

王涓來齊頭觀李吧瞻書

長安六月苦炎蒸夢想江南歸未能
今日對君揮翰墨泠然濯我玉壺冰

題友人垂釣圖

江海橫流十五年蘆洲何處可停船
算來淮甸粗安穩且把漁竿釣晚烟

都下竹枝詞二十首

金縷烟是草中妖天下何人喙不焦
開說內廷新有禁微醺不敢刷官條

都門本是利名關來去紛紛各不閒
亦有京官十數載從無偷眼看西山

前朝熱戚戚如雲後裔同歸廐養羣
莫向瀟陵真醉尉何人猶議故將軍

十謁朱門九不逢所期杯酒話情悰
無端醺會俱裁革四字紅單密密封

投認師生法不輕其初只爲杜逢迎
因而場屋真知己懷刺無他止姓名

新法逃人律最嚴如何逃者轉多添
一家客隱九家坐

初次鞭笞二次點本司三院舊鶯花
此日飄零無一家惟有西河沿上柳

年年春色解裁鴉侵晨旅舍降嬋始
便脫紅裙上炕眠傍晚起身纔勸酒

一回小曲一筒煙牛車無數塞天街
俱是兵兒運草柴科道相逢誰敢喝

欠身立馬任擠排詞林相見首言貧
欲結等處未有因借債先尋保債者

無如戶部點差人自昔旃裘與酪漿
而今吸茗又焚香雄心盡向蛾眉老

爭肯捐軀入戰場東戌榆關西渡河
今人不及古人多風吹草底牛羊見

更有誰能勸勒歌

滿梳羣婢聚無夫鉞線傭工立路隅
每日百錢持送主無錢罰俄使焦蘇

老婦焦蘇力已衰日尋牛馬糞盈箕
晚來頭戴箕歸舍小雨淅淅萬淚垂

南海降王欽北庭路人爭擁看其形
紫貂白馬蒼顏者會提中原是殺星

青袍下第各沾巾謁選遲遲十五春
年少兒郎猶可待壯夫惟有髯如銀

故老田居好是閑無端薦起列薦班
一朝謫去上陽堡始悔從前驟出山

自古長安似弈棋一番客到一番悲
許多大老休官去

幾個名娼又嫁誰蘆中貧士亦何愚
燕市來尋舊酒徒漫說荆高冷落盡

卽令相見酒錢無有客慈仁古寺中
蒼龍麟眸泣春風布衣自有布衣語

不與簪紳朝士同



六經皆序事之文也易以道陰陽書以道治亂禮樂以道中和其所序者即陰陽治亂中和之事也至於春秋以道名分不言善惡據事直書而褒貶自見尤為聖人序事之至文焉豈獨詩以道性情為當序事哉說者曰詩本人情該物理以雅頌與比賦六義俱存豈獨序事乎余曰不然詩三百篇皆忠臣孝子怨女征夫流連絕絳感懷而作其間無非直寫意中之事而情與景皆在其中豈如後人之為詩者置自己之性情而拾他人之糟粕生吞活剝徒模求詩之謂耶故謂之曰序事非誣也六經而後善言文者莫如司馬子長善言詩者莫如

杜子美今觀其文與詩有一非序事者乎八書十二年表七十諸紀傳篇篇序事至鄜州同谷遊東西川客梓州次雲安移夔州入湖南以及寓居耒陽而事其集六十卷首首序事但人不及詳察耳自嚴羽高棅論詩以為風雅不用議論不必序事不知三代以來凡詩之或有非議論序事者乎今之作古文者止坐此病間有議論而不能序事故文遜前賢若詩則尤不能序事以致勦襲堆砌無一字可觀反號於人曰我能詩我能詩嗚呼陋莫甚矣夫其所以不能序事之故則以胸中原無定見特因一時登臨贈答不得已而有詩耳不知詩在人性情骨體裏不在皮膚口舌之間故惟忠孝人能作忠孝語也今試取陶謝王孟錢劉元白郊島諸人

之詩一一細心讀之議論中有非序事者乎特人以風雅二字蔽創沈初自見性靈不能發見陷入尋常案白中遂至老死不得出頭耳今何幸得方子爾止一洗此陋乎爾止自朋冠即以詩名世將三十年其平生所作不下五六千首今刪去其半猶存二十四卷曰龔山集亦可謂富於詩者矣世人讀爾止詩或稱其氣格雄渾或稱其音節和暢或稱其用意曲折種種不一而吾以一言蔽之曰妙於序事而已往從吾家叔則處見爾止北遊草即驚喜曰今日詩人中安得有此人乎恨吾老不及見耳踰年爾止來邦溝訪余於舟次余喜欲狂而爾止即出其徐杭遊草屬余序余觀其遊徐詩不獨有戲馬放鶴等字而知其為徐州作也其道杭詩不獨有六橋三竺等字而知其為杭州作也徐杭間山水又朋並皆佳勝其登臨詩必序其山川之興廢贈答詩必序其交情之新故一字不肯虛設蓋天下之景多同而情各異情或同而事各異爾止妙於序事故其詩千態萬狀無一字相同良有以也余往見人送詩輒閉目不觀曰此中原無物何必拾人殘唾獨見爾止詩不覺神魂夢想如在蓬閣間然後知其詩自在人間我自無緣恨相見之晚耳爾止爾止幸善自愛文之神妙莫先於詩一戰作氣再而衰三而竭余之文正當衰竭之時而以序爾止方張作氣之詩能無汗顏然生平愛此等詩慕此等人恨不得見今既見其詩矣見其人矣安能默然已於言耶兄爾止把筆為我訂詩不特推敲中波數

字而已今而後吾願以風雅一席專奉爾止他人不得而攘臂焉故拈出序事一說以爲詩家之標準至其命山命集之意則有叔則兩序及諸公序在且非論詩之要故不書

徐杭遊草序

錢塘吳百朋撰

予讀爾止先生遊草而歎爲有遊之士也今落道將矣貪吏攫金肥家不念綈袍故人而客子發怨憤之言廉吏潔已遠害不能佛法以徇私交而客子亦發怨憤之言爾止工於詩車轍所到逢迎固多然劇纒落落亦復不少及觀爾止詩多相成之言無相怨之語雖其友窮困屈辱樂之而勿去非以窮困屈辱爲樂也窮困屈辱不足以動爾止之心爲可樂也爾止非有道之士乎哉今人平居握手相慕悅酒食遊戲相徵逐徵青松指白水以示信一旦臨小利害輒去之且乘其危急加排擠焉爾止不然方予待罪吳門爾止投一紙詩辱以二卷爲念無他爾止及予對簿石城偶居平漏淡隱之地爾止造門急欲一見又諄諄以喪明爲念無他詞也人之無良不問貪廉樂學罵詈爾止之風亦可以少愧矣蓋爾止爲人脫畧坦夷蕭疎恬退世不能用其材爾止亦不屈以求合無所忤其意則往往從酒人俠客旗亭蕭寺以及名山大川春樹暮雲酣嬉流連而不厭故遊展所至無論達官貴人高僧貧士賦詩贈答咸得其歡心卽後生小子寸長足採亦欣然獎進不倦爾止非有道之士乎哉予嬰沉疾纔作吏卽中蠶語平生故舊無一引手者且加謗焉獨爾止相見歡好加甘謂人生壽令幾何富貴利造皆朝露耳且飲酒且作詩因勸予梓其近什而予亦序其徐杭遊草云

語云：山自少言詩，立意便能堅定，獨以大雅爲宗，以自然爲妙。一切纖巧華麗，破裂字句，從不泚其筆端。垂三十年，守其學不變，而日造堅老，純熟衝口而出，如父老話桑麻，不離平實，却自精微，他人視之，乃在千仞岡頭可望而不可即。蓋學與年俱進，詩益以至焉。非一日之故也。竊歎爲詩者，初關新奇，或爭險詣，硬語盤空，愛句靡制，及其幡然改轍，求風人平易之旨，而從前工力置之無用之地。詩雖近人力，不敵矣。龔山三十年晦明風雨，山水友朋，朝夕斯飲，食燕樂於斯，憂愁應難於斯。如行遠者，無岐路之號玩，禪定者，絕外緣之紛擾，雖欲不登岸，造極胡可得也。龔山詩可易言，誠除歌謠外，定龔山詩外矣。而奔走南北，苦不暇一日，示余徐杭遊草遂書其後云。

江寧紀映鍾書

耐止詩，天真爛漫，觸手成妙。近代無此詩人，觀者但賞其流利圓美，不知耐止錙鍊甚工，但不使人見錙鍊之痕耳。昔人收得白傅詩，豪改竄塗抹，有數易稿而成者，豈但逢迎老嫗耶？余比之天親之註華嚴龍樹之論般若，誦之使人樂聞讀之惟愛，句盡益於此事中，悟一乘圓機，得無與智慧視世間雕鏤色象，皆辟支果也。彼但以流利圓美相賞者，慎勿以知詩許之。

海寧范驥書

院桐方 文爾止著

顧有孝茂倫

同學 胡介彥遠定

李枝翹係侯

五言古體

和東坡先生除夕三首 同和者安福康小庵曹月

兒開公是為

饒歲

貧家集所親鄰里亦相佔殘年室屢空居積無一貨才

入有好懷愧遺不在大隻難離下縛雙魚盤中既與

易忍建留之供客坐荒厨開宿醒細麥出新磨可以恣

飲啖諒無醉飽過叩門者誰子吟詩索予和

別歲

去年遊北塞迢遞歸來避風塵徒自苦悔咎莫可追今

年返南園卜居淮水涯娶婦得推布宛如賃春時飢寒

願相守不敢慕輕肥仕宦 不樂 謫良可悲有酒且

召客爛醉君勿辭請看明鏡裏容髮爭先衰

守歲

少小雙瞳子閃閃如金蛇行年未五十倏有薄霧遮精

力未應老其如憂患何今夜燈燭前妻女慎勿諱聽我

寡戚歌復作福衡提仰視中庭星參鼎忽西斜聞雞尚

欲舞壯節恐蹉蛇惟有篋中詩與代猶可誇

彭城訪李觀察澥林先生

古人重戚思一飯且不忘何況被明德沾濡十年強使
君昔為令乃在我鄉鄰寧秋扇仁風草木皆春陽顧慙
葵藿質何足當寵光猥蒙君矜睇禮遇非尋常飢則餉
之果寒則衣以裳齒年免溝壑實荷君壺漿六載君考
績微為尚書郎相送皖江口惜別情徬徨明歲至都門
一見喜欲狂煖酒濯我塵假館息我裝聞我有家難憫
焉心暗傷聚首未旬日旌旆復南翔彭城我舊遊山水
風所詳恨未遊覽遍從茲得津梁我畏放鶴亭鬱鬱黃
茅岡摧殘燕予樓寂寞逍遙堂願得陪公譔附名於篇
章勿謂隨陽鳥年年為稻粱

贈徐州守王吉士

昔者蘇長公曾為此邦牧膏雨潤賦賦惠風吹草木是
時漚淵決河水蕩平陸懷襄實可憂公親操版築城郭
賴以全生民食其福又有張山人卜居南山麓公樂隱
者風時時造菲屋至今放鶴亭高文尚華煥公去五百
年乾坤幾翻覆豈無循良吏誰能繼芳躅賢哉王刺史
物望冠羣族昨歲來綰符善政不一足河伯為安流兆
民咸悅服我適遊彭城目昧未敢賈君出吾兄門師友
義最篤不忘知已思推愛及骨肉飲我逍遙堂夜雨聽
絲竹重吟二蘇詩古道宛在目

從楊士佳索四賢詩

每上雲龍山先謁四賢祠四賢者為誰唐則韓退之曾
參武寧幕表為州節推宋則蘇子瞻出守熙寧時是時

黃河夾衝哭城幾危賴公捍禦力至今黃樓垂其友陳
后山抱道隱弗茨公薦為教授儀然儒者師又有楊龜
山理學宗源伊始仕郡法曹小官亦不卑四賢本殊產
俱官遊于茲徐人高其風崇祀永不衰楊生千載後懷
古興遐思既輯四賢文又輯四賢詩合梓成一編可用
為羽儀我昔遊彭門頗搜山川奇見此欣欲得君遠去
江涓今年訪君庭握手如故知連朝飲我酒杯筆何淋
漓借問四賢詩云胡不見貽

錢佛寺僧題募疏

有客式彭城苦無棲泊處旅舍豈不多喧卑難以住
南門元寺鐵佛名最著其地甚弘敞其僧皆淡素况
雲龍山可以恣閒步但恨禪室少客來僧即赴東偏
五楹廊潔似荒署若以屏間之審小轉多趣僧云食尚
乏那得修飾具所願諸檀越各捐少許助左右分兩間
相對為門戶更設几與榻事事得所措向後嘉賓來皆
可送此寓幸勿吝涓滴合之成雨露

武林呈范僉憲正

范公昔為郎奉使來舊京秉性好風雅又復好友聲所
以衣冠士望之如蓬瀛我友顧與張與治衰年困柴荆
方春逢雨露草木含滋榮石湖有邢叟六義研頗精
其詩數百篇散落同野草公為表章之遂成千載名是
時我南來聞此肝膽傾懷刺一往謁辱公倒屣迎且謂
予宜序所愧人言輕明且即北轅遙遙抗前旌枉駕過
羈旅厚貺無吝情古道今寂寥此義何堪嘆厥後二三

年分司越王城峻比南峰高潔比西湖清外臺寧久淹
立召為孤卿我適遜越州涉江采芳術與公咫尺間安
忍忽然行停舟叩幕府乞酒澆塵纓

題鬱林石

友人吳錦雯理吳郡連其專公節贈先
生來落石三字於石上其時陸君亦在
地諸勝者為令以廉清定死此石有同心焉

此作

東吳有前賢姓陸字公紀嘗為鬱林守東介著青史
時患舟輕載石充行李及其抵吳郡石棄於淺水吳人
重風節樹石表公里猶恐他石涸鐫刻使不毀迄今千
餘年此石竟湮矣我友武林生除授吳司理迎親至官
舍羣花爛如綺散步行花間低頭摘芳蕊偶然得片石
德隱筆端起其上有三字雄雌猶可指當年陸公詩
載恐即此誰移郡齋中想亦大君子若翁會令尋來野
嶺不滓郎君筮仕初亦以廉自矢此石久淪落遇合非
偶爾吳陸古並稱賦詩張厥美

留別諸駿男文學

臨安風俗儉好客者殊少即有同心人禮數仍草草正
如杜陵詩一飯跡便掃諸君本貧士滿腹富文藻曾遊
江淮間果得各舉早前日聞我來盤餐遽傾倒今朝聞
我去又復集朋好此意獨慙慙欲別傷懷抱秋風何謾
謾秋月何杲杲把酒送歸人相思白門道

蔡子虛員外月下招飲賦此謝之

孟冬天氣晴霜葉下羣樹貧家罕人事炙背當軒戶忽
聞叩門聲云自蔡水部貽我詩一卷其名曰郎署辟如

秋水澄不受纖塵汚更妙是篇首耻借達人序自題三
五行樓直見真趣詩後有尺書要我今夕聚皓月懸中
天流光勿虛度薄暮杖藜往壺榼已先具所約皆名彥
討論惟詞賦不似宦遊人酬酢拘禮數臨別謂今夕安
可無佳句歸來與勃然聊以學君步

荅沈方鄴見訪

憶與若翁交乃在廿年前曾遊敬亭山館舍欣相連一
日一過從情分何纏綿是時爾總角風骨秀且妍喜與
豚犬子同生癸酉年我笑謂若翁兩世俱豪賢匪獨結
弟昆還結爲姻緣亡何逢世難陵谷倏已遷烈士誓捐
軀不肯命苟延至今宛溪上麻沈名並傳聞爾年既長
文采果翩翩吾兒亦能文蚤歲歸黃泉念此肝腸摧
忍通寸箋今冬爾南來訪我秦淮邊授我以新詩賀我
以舊篇曠代無此才鷗鷺獨高鶩因之出南郊僧舍聊
周旋累日恣討論中夜猶未眠乍見不勝喜臨別忽凄
然俯仰今昔間痛憤何由宣

七言古體

黃樓歌爲鄭少府竟甫先生作

宋公戲馬臺已荒張公燕子樓亦亡不如蘇公此樓在
五百年後形猶黃憶昔公爲徐州守芳春處處栽花柳
一城幾陷埋現隱見蛟龍走惟公憂患與民同
因思黃樓東北角水土相制義誠確厥弟緬濟爲之賦
太虛后山皆有作城頭樓勢鬱崔嵬河上望之如蓬萊
公每賦詩寄朝士自矜其伐雄矣哉吾州下邑生劉季
何况區區張與李重瞻遺跡已塵埃惟有黃樓臨泗水
此四句吁嗟公去數百年黃樓推頽不如前接踵豈無
賢太守登高覽曉心茫然相鄉魏侯天不士受命始
來守此緬懷古跡不勝情中間最愛二蘇子二蘇題咏
滿黃樓安忍廢置如荒丘行歷城東得舊址慨然捐俸
爲之修未及一年樓突兀恍疑金闕臨淇渤河中百神
俱效順河上千艘任超忽層城刻木像二蘇四時禋祀
羣黎趨豈直遊人恣玩賞實爲守令存師模是時我來
自淮甸與君登樓日惟譙徐人知我是君客磨石鐫文
待子撰我親世間陵谷多遷移惟有文章政事永不衰
斯民直道尚三代頌公明德非吾欺預知異代登樓者
蘇魏齊名萬古垂

寒食日吳臨垣明府招同來伯中黃諸子登放鶴

亭

去年寒食客榆關苦憶江南不得還今年幸已返南國

阿爲又客徐淮間徐州自古名勝地出城卽有雲龍山
山頭放鶴亭尚在昔人題咏苦辭班吳君竹林雅好事
提壺邀我同騎犢是日恰逢禁火節紛紛上塚人不聞
忽憶故鄉千里外墓門荆棘誰爲剔祇緣里巷有豺虎
遊子欲歸險且艱風塵南北豈得已臨水自照傷心顏

贈吳木伯別駕

彭城主人好客多美醞獨數吳寧波寧波釀法既有異
封藏又復三年過尋常譙集變不閉開時必待嘉賓來
我非嘉賓亦上座眼看琥珀盈金杯初一過唇香味足
三杯四杯春滿腹十杯已醉勿復斟扶杖出門身不子
主人謂客酒何如有暇時復來吾廬紅鱗紫蟹諒不乏
况乃樂生多奇書書任我觀酒任酌作客無如此間樂
但恐此客東去繁主人瓶空亦杜門

贈李孝乾孝廉

李先生年六十餘鄉舉乃在嘉廟初七上公車未釋
褐歸來閉門惟讀書昔猶不仕况今代所以白首甘樵
漁我到彭城訪耆舊先生家在雲龍後乍睹風儀日淳
古重覽詩篇更蒼秀詰朝相約過君廬啖我香蔬飲我
耐我開漢之羹勝此州人宰死不肯臣莽新先生與龔
同志操又能用晦全其身異時登騰雲龍者爭指山阿
問逸民

飲萬羅客樊桐堂感舊作歌

前年上君堂曾賦二客行今年上君堂一客分死生死
者返其宅生者難爲情感此不能飲不飲空吞聲強起

移尊花下酌垂絲海棠半開落花落那能再上枝人老
應無再少時君今妙齡宜努力莫將塵務嬰胸期世人
汨沒塵中死若兄雖賢未免此何以洗處多讀書能似
若翁卽才子

七夕飲李笠鴻齋頭

憶昔芝田劉伯子與客西湖弄秋水遙望東南五色雲
征呼大叫烟波裏明年淮甸遇其人還尋帷帳如有神
儒生裂土自君始至今子孫處海濱寒子亦客西湖畔
遙聞鞀鼓喧江岸畫船不許放中流藕花蒲葉空零亂
野酌偏逢乞巧時坐當星漢露華滋主人醺酒更相勸
朗詠犁眉數首詩

中秋日雨留別宗人衆虔

六月我來湖上遊屬指歸期在新秋豈知京口經殺氣
江程阻絕空懷憂假寓招提近城北滿城兵馬紛如織
一月不出錢塘門獨坐僧房暗悵惻忽聞爾自黃山來
移寓就我何快哉朝朝暮暮共尊酒佛前燈火雙徘徊
因循遂至中秋節道路漸通吾欲別蕭蕭風雨惜離羣
別後相思看明月

捉船行

吳間一路兵捉船榜人奔竄蘆葦邊三日五日不敢出
夜夜驚呼那得眠歸客蹉跎情自苦况復秋風亂秋雨
荒洲無處覓飲食紫芋紅薑嗽少許來朝風止雨亦晴
大舟畏怯應難行急買小舸似鳬馬問道溧陽趨石城
石城用兵已兩月道途梗塞音書闕此行但保平安歸

以後遊踪勿輕發

喜陳伯璣移居相近贈此

我客江淮廿餘年，年年稅人居。可憐今年始買白下宅，
桃葉渡口青谿側。其廬雖敝巷雖陋，水光山色當門前。
我友陳君數過此，深羨此地多林泉。亦欲卜居鄰左右，
恰有鄭老餘一廛。不惜兼金至十鎰，今朝買得明朝遷。
牆外澄泓一陂水，樓上宵窗千家烟。望衡對宇半高士，
與我草舍尤相連。有暇卽過過卽飲，不論雪月風花天。
勸君且勿歸章江，我亦不用歸相川。丈夫飄蕩逢世亂，
苟全性命遂終焉。何必定種漢陰圃，何必定耕南陽田。
閉戶著書各努力，千秋萬歲各爭傳。

題載花船短歌為張璠書作

自昔美人多不壽

則紅顏漸衰

不如年少

化芳塵

蛾眉千載尚如新。我友張君本仙吏，買得如花人並蒂。
秦川粵嶠遠相從，蘭舟共載雙芙蓉。那知樂事天所妬，
霜風一夜凋瓊樹。人生有情誰能堪，譜入新詞遍江南。
時時招客來羈旅，一聽哀音淚如雨。子平子肅各必傳，
不信但看載花船。

五言今體

從兄繡山新居

城南又卜宅，不離鳳凰臺。自有山林趣，何煩車馬松。
筠多舊植梅，菊尤新栽。春水盈池沼，軒窗面面開。
梅作都門客，風塵湖一年。息肩來白下，做舍亦淮邊。
願衡郭接長教，枕被連秋成。催釀酒相見，卽陶然。
淮上遇潘江如有贈

舊遊如昨日，彈指十三年。只有兼葭思，渾無蔓草緣。
那知仲春月，相遇大河邊。喜極翻多感，臨風一喟然。
曾聞江上信，舉幕去南州。性拙難千祿，家貧易白頭。
一棹兵又占八口，餓堪憂所幸兒婚畢，徐國五岳游。
不記金閨日，烽烟白晝昏。高樓起處，女小艇迴湖村。

難惟君共文游

獨我存抱

爲人已矣

更傷魂

我欲彭城去，心隨陽鳥飛。故人忽相見，行李詎能違。
借榻淹春夜，停觴送夕暉。淮南多好友，且住勿言歸。
補壽范用生三十步天辭

長淮風雅地，小范最知名。九月逢初度，扁舟往潤城。
江山供睇笑，賓從喜將迎。何物觴君好，吟詩和趙生。
同輩多衰白，惟君正妙年。讀書千卷破，管句萬人傳。
復有養生術，能知樂志篇。虛名羞李郭，終選范滂賢。
飲師先少伯，姻族四時宜。底事翳花日，都爲粉黛羈。
高秋來故國，狹巷擁新姬。處處沾香澤，何須嘆遠離。
服藥非開病，憂時感萬端。逢場休戒酒，捫腹且加餐。
獨世求榮易，閑居免禍難。祇應梅與竹，不畏朔風寒。

交態今時薄誰能久弗謾一人牧古處四海想成言偏
愛念山客相留幽草軒雖然闌開裏渾不異郊原

淮水通南北三年三度過停舟尋我友下榻宛烟蘿枕
上吟聲熱樽前樂事多征途非不急爲爾故蹉跎

丘季貞社集西軒分韻

同集者潘江如張伯玉
蘇東坡山程東坡天

天章

故人離索久淮上忽相逢不忍倉皇別且淹來去踈
齊良燕會羣彥悉過從莫問河南北烟波路幾重
數年前有願釣浦結茆葺得與同心友長爲竟夜談
緣終不偶離別意何堪稍喜經過此停舟一再探

題倪天章一草亭

赤齋手自開幽曠若秋山淮甸且爲客清源何處還

人良朋

來海內

名酒出

花間知

爾輕華屋貧居好是閒

彭城喜李條侯至

都門風雪夜古刹忽逢君片語成膠漆孤蹤各水雲黃
樓期再晤碧澗許相聞明旦果驅策來尋猿鹿羣

城南鐵佛寺荒僻似山中僧舍我先寓驛樓爾亦同晝
行雙馬出夜話一燈終此會非容易他年思不窮

英公山下路烟樹是君家前此未停櫂後來當看花吳
兒解絲管楚水足魚蝦到日拚沉醉囊空莫漫嗟

陳善長五十初度

陳生天下士五十尚青袍世亂休言祿身閒雅自棄其
義承祖德鉛槧教兒曹却笑朱翁子千時何太勞

淹博徐人少惟君腹笥便燭知師曠乘相似管寧穿好

客多藏浦謀生且種田不須求大藥高枕是延年

曉渡燕子磯

殘月四更出城中人未知可憐江上客正是渡江時風
小波初靜天空露亦滋娟娟一片影幾日令人思

送汪我生內兄北征

高義輕榮祿閒居十五年俄驚公府檄又上孝廉船道
在何妨仕時危且任天此心長炯炯不必蹈前賢

昨歲遊燕薊風光異昔時羣公多戚戚外吏轉怡怡但
得鄉間近休嫌官職卑先人在慈水芳澤至今垂

石城曉發

淮南歸未久又作浙西遊客路雖嫌暑悲心不待秋閒
身同野鶴小艇逐江鷗况值風帆駛須臾到湖州

晚泊京口

不得上岸問談長益潘江如消息

談叟遊燕塞三年尚未歸潘生逢楚澤數日又相逢妻
子山中餓音書江上稀停舟不及問翹首悵依依

丹陽道中

離家幾幾日兩度夢柴荆自是老人態非關兒女情卜
居今有宅賣藥可爲生便作終焉計來年罷遠行

立秋日范允憲招集西湖

江上羽書急羣公相對愁使君何整暇召客飲新秋越
國山川秀吳兒絲管悠曲終懽懽未已暮角起城樓

立秋前一日與熊孝緒泛舟湖上

秋水一孤艇夏雲千萬山涼生樓樹底香動藕花間江
雨忽然至岑城未可還君家分半榻重與醉柴關

靈隱寺喜遇願雲禪兄是日即其五十初度

雲居山頂宿彈指七年餘都清難重權門人數寄青雲
鴻飛不定靈鷲忽相於僅劇那能別香林且飯蔬
問年剛半百嶽降是茲辰夙慧開天眼名儒轉法輪漫
勞分孔墨持此報君親只恐秋陽縣終非補衲人

飛來峯

島嶼若憑空雲根到處通何年來海上獨戀此山中黑
白二猿在陰晴萬樹同所嗟塵世客遊覽太匆匆

今泉亭

天竺下山路皆從靈隱過此亭臨澗壑之子任安松
檜夏偏密樵蘇晚更多當年白少傅高咏意如何

泉亭

泉亭

泉亭

六月廿六日內人初度予不及歸寄此

今日是何日細君懸枕辰無端來海嶠不及返江濱孤
權偏留客雙魚也笑人早知爲客苦何似在家貧
外家親不少此日定相過只恐驚烽火無心訪薜蘿同
居有娣姒小酌且婆娑歸路元非遠其如阻絕何
忽報南都外沿江列戰船移家才帖息逢亂又頻連汝
是聞中子猶知醉後天他家願富貴妾願老林泉
青溪桃葉渡新買一精廬合與汝偕隱雅堪著青池
塘收粟水園圍植嘉蔬便作於陵子長貧亦晏如

贈張卿子先生

誰謂張公老修髯白未勻著書垂異代采藥賦民道體
忙愈健詩篇瘦有神春秋七十六還似少年人

名園藏委巷小閣對芳塘靜聽兒孫讀微聞草木香客
來留一醉運去感繁霜况復明朝別悠悠江水長

贈劉望之

劉生絕嗜慾又復斷羶腥祗合歸禪悅何緣屏佛經風
騷多解注湖海任楓零古道今如土斯人見典型
聞君棲破寺僮僕亦蕭然密邇惟諸陸淹留已數年我
來秋雨夜得與對牀眠茗粥差堪飽何勞費酒錢

太湖避兵

將近楓橋路惟聞人語喧北來兵肆掠東去艇皆奔震
澤烟波迥高秋風雨繁此時期免患艱苦復何論
痛此一區木吳盧會用兵風期豈不烈氣數莫能爭霜
樹先朝事雲峯異代名可憐懷舊者夢裏見平生

喜胡逸菴見訪感舊

喜胡逸菴見訪感舊

塔影塘邊路當年幾度過傾杯情不淺指腹貺尤多秋
樹飄黃葉春江冷白波九人才一晤欣慨意如何
風雅蕪陰盛君才亦斐然故人千里夢今夜一牀眠語
不離詩外愁應破酒前阿戎吾所畏家法自能傳

牛首雜咏

不上牛頭寺蹉跎十九年本家無住者何事亦拘牽密
久少閒日冬晴趁好天相將出南郭驢背意欣然
行行剛數里恰遇在山僧迴駕爲吾導攀蘿知爾能風
光刺南畝松栢宛西陵不似丹陽路牛車層復層
策蹇到山麓西峯正夕陽路緣危磴上寺比昔年荒倦
且憇僧闍明當禮覺皇厨人供脫粟蔬荷味偏香

吾兄輕仕宦五十便懸車出世意雖切遊山興轉疎
宵臥雲壑將晚聽鐘魚始悟昆尼理塵襟頓掃除

山從兄同

林端日初出徐步躡山椒登嶂名天閣與雲拱聖朝

山猶在眼紫氣未全消愁殺朔風急松根葉亂飄

文殊古洞後石壁最嶙峋開士新藏骨愚夫妄捨身

山曾有約問法已無因半偈題遺像依稀見此人

招予上牛首不果
今亡又年舍身能

散步出門外雲梯百人重緇衣引幽輕黃葉沒行蹤

潤桃花潤鵲臨獅子峯古藤更奇絕纏殺數株松

花潤其下
為神下

空林聞犬吠二客啟柴門指畫山州夢摩挲松檜根

谷口莊集

報佛恩 暗隨窺塔影枯井汲泉源若粥非容易將何

胡雲龍補

宗風傳懶祖地以祖堂名相去路非遠焉能罷此行

聞耆舊在益起具瞻情明夜高峯宿焚香心更清

春前融師也伯觀室
山今楚船石溪寓此

石公跌坐處萬念總銷磨几上烟雲起胸中丘壑多

應長待此無奈欲歸何山路往來熟非時取次過

雪後杜蒼客吳素夫父子見過限韻

卜居雖不廣小閣俯秦淮幾夜雪平岸初晴泥滿街

人肯相訪之子况能偕無事且深坐高吟慨我懷

貧家無旨蓄何以禦殘冬幸有杯中物還看江上峯

情惟故舊乘興每過從莫慮歸途暝城隅寺未鐘

七言今體

元旦誌筆

北遊已作無家別不意南歸又有家匝地霜風俱落葉
傍巖寒木始生花故鄉未可容漁釣新婦猶堪挽鹿車
但使熊羆來入夢商瞿五十復何嗟

早春三日沈仲連移尊顧與治宅招同陳伯璣曾

止山諸子各賦一詩

前年霜雪寓淮陰除夕相過感慨深今又江南逢改歲
特來花下散愁心飄零俱是四方客衰白何堪兩鬢侵
屈指長子春色好松風木末再招尋

送方子霄兵憲之任粵東

使君乘傳向南溟取道京江機暫停桃葉渡頭尋驛使

金剛藏集

雨花臺畔得娉婷酒如寒水千重碧眉似春山一縷青

到日明珠還合浦定知懷抱有軍容

容族都門風雪天與君館舍恰相連隨時痛飲雖云樂

別臥空房亦可憐官轉外臺同執法香添侍女定神仙

故人不得來分俸白葛丹砂寄估船

估人便一
寄錦官城

上巳宿房村懷吳八中黃

二月揚舠過楚州豫知修禊在黃樓那堪中道逢陰雨

空惜佳辰逐水流曉背吟身無依着橋頭村店且歸休

重至彭城訪魏竟甫少府

前年驅策上皇州取道彭城一暫留顧我嚴寒猶短褐

荷君高義贈重裘雲龍山下吟聲壯騁鶴亭中禮數優

及到都門逢令弟三人推分亦綢繆今弟石乙二弟康

羣從伶仃劇可憐得爲書記意翩翩豈知弱質先朝露

未報弘恩已下泉紫塞乍聞心痛絕黃河重渡淚潸然

公庭一謝雲霄詔不似修江乞酒錢父子公叔云

哭萬二退客

曾爲秋王堂中客攜酒南山送遠人此日交遊俱在眼

惟君奄逝獨傷神黃河慘澹疑無色鴻雁呼號失所親

衣袖隴西痕未滅又添多少淚痕新萬年少別號隴西

送徐二克任歸吳門

彭城賓客盛如雲文采風流誰似君書裏烟墨偏秀發

向中蘭龍亦清芬提壺只合陪春水折柳那堪對夕曛

期我新秋到吳市山塘歌吹日相聞

喜馬三嘉甫至

我入都門君出都風塵相識在須臾長懷舊侶應難見

不意茲遊得與俱石狗湖邊尋古蹟雲龍山下訪潛夫

閒身且莫傷流落回首京華是長途

答李司直見贈兼懷于息菴先生

新詩贈我似瑤琴欲報慙無珥瑁簪且喜彭門爲酒伴

忽聞杜宇動歸心風塵奔走何時息烟水蒼茫此處尋

借問高人在巖穴十年懷思到於今

奉別李觀察沆林先生

二十年來江海遊交情誰似使君相曾於熱水分因果

又向彭城贈麥舟黃爵有知猶解賦玄駒無力那能酬

南歸定買青溪宅懷瀝名堂在上頭

將去彭城前一日別韋佩二

黃菲岡下草萋萋我去君來路不迷旅次相逢聊聚集

貧交未忍遽分離新詩出篋清如綺別酒傾壺醉似泥

明日南歸仍見訪鳳臺東畔雀橋西

聞百詩送于至平河橋兼示剝道人句

前過平河赴順風未曾登岸恨匆匆歸時竹巷先相訪

翌日蘭舟許暫同况有新詩來塞上誰傳真寶到南中

冰池雪窖心猶熱始信彌天一剎公

李研齋太史杜蒼畧山人暑中見過限韻

雞鳴山下美人家我欲從之道路賒短棹忽過桃葉渡

小園先看石榴花一飄冷飲煩襟襟衆街渡陰長日斜

安得青溪同買宅草堂朝夕對茶灰

周伯衡副憲招同康小范陳伯璣倪開公諸子小集

石城歸棹自虔州千里江山一瞬收詩思高於天際鶴

宦清閒似水中鷗星船長暑停南閣梅雨遶賓聚北樓

塔下素馨花爛熳可能分惠一枝不

姑蘇東吳司理錦安

吳生本是采薇人捧檄之官只爲親祿養早知無半載

幾棲何不竟終身舍身解組師陶令寂寞懷芳類楚臣

獨惜龔山詩句苦臨當割剝又因循錦安方爲于別詩

贈徐松之兼悼亡友史弱翁徐掌文

八年前見懷音集聞氣英靈總不如懷音集松之所輯也

吳江訪顧茂倫
垂虹橋畔日初斜有客停舟問爾家鄉里皆知是舊

詩篇誰不誦英華茂倫方刻唐詩英華行世門臨流水仍環樹月上

空庭且醉茶廿載離思今始慰明朝烟艇又嗟呀

武林訪徐月鹿水鄉

使者乘輅出舊京遊蹤先去北平城蘭舟共載虛前約

菲店相思有夢聲隔歲才能來水國過期又欲轉王程

湖山深處堪延賞赤日炎風且慢行

訪李笠鴻

秋初歸自莫愁湖又買西陵宅一區僻地重開浣花徑

深閨雙產夜光珠琴書有托何妨老賓從相過合與娛

我亦明年四十九不知能步後塵無

訪胡彥遠

未到西陵先問君幽棲不使世人聞城隅野徑尋三日

樹裏炊烟識五雲修聽叩門聲自喜忙呼除酒意何殷

旅堂且坐消炎暑蕭寺言歸待夕曛

西湖廣化寺前樓崇祀近代死難諸公一日與客

停舟登此徘徊久之蓋忠毅左公浮丘先生文

烈汪公長源先生皆子外舅也因題一詩於壁

危樓迴出聖湖西上有羣賢木主齊弘正以前猶徘徊

為采薇妻身賤敢言米與玉位宗或不愧攀躋

壽吳靜肅先生七十

神廟初年君賦生當時四海樂昇平豈知白首偏蓬

猶喜青山未輟耕家有機雲傳舊業才如卓魯著專城

鷹揚若是瞻溪叟此際垂竿竹尚輕

飲陸麗京齋賦因與劉望之留宿

寶藥長年在海濱偶因廢錄入城闕布袍不與羣公

中宵風雨聲淅淅俱是蕭蕭被城人

錢塘幕明府雨中見過

有客懷歸歸未能接連荒利似孤僧新秋况值蕭蕭雨

長夜誰便點點燈忽報軒車來北郭也知恩澤徧西陵

時危不敢勞分俸乞與京江一筆乘

留別范文白

陸大行家共酒厄與君深夜細論詩滄桑十七年如夢

對髮數千莖已絲東海難尋招飲處兩冷相遇解維時

袖中短冊勞題贈別後依稀見所思

中秋後一日飲沈冠東學博齋頭

茲辰準擬去西湖出郭聞兵又稍須兄有故人邀賞月

不嫌遊子慎歸途中庭白桂花初放鄰舍黃公酒易沽

愁殺軍城鳴夜柝當筵欲別幾踟躕

贈沈御冷宏度

沈家兄弟雙鳳雛生逢世難羞爲儒宰甘黃髮屋齒老
弗肯躍馬乘軒趨同心兄復有錢陸少年相約歌農虞
願爾努力事風雅不然無異山澤癯

白下逢朱子葆威舊

青溪烟雨憶昔遊與君醉臥溪上樓神州倏忽變滄海
故人強半歸荒丘謂吳次尾晨星落落二三子霜水茫
茫十五秋今夜雨聽重對酒蔣山一望淚雙流

李三石自京口至

君去南徐一月回江山流覽興悠哉况逢處士清錢在
如如又憶詩人范趙宋居士永菊定尋甘露寺觀潮

上妙高臺愁予未及同舟往旅次寒燈獨舉杯

牛首山頂望南村

曾聞白下父老語至寶莫如南鄉田近水土膏最腴澤
傍山村路多半眠兵戈不見離亂苦丘隴同剩侯王阡
何年得買三十畝茅茨自結松筠邊

祖堂待月

尋山不及望舒時蟾兔何妨四五遲隱外千峯如水墨
佛前一點是琉璃微茫漸見東林白皎潔先從上界窺
此際下方人睡熟霜華月色有誰知

沈子還五十初度招同張扇筱孫阿漚紀伯紫集

與善庵

初度如何不在家家人介壽覺喧譁霜江盪槳來京國

野寺焚香誦法華况有良朋同嘯咏莫將市酒涸茶瓜
餘年若肯師高遠從此攻詩力正賒

顧與治齋頭話舊

屈指貧交三十年少時相愛老相憐江邊置產渾無計
門外求書尚有錢腰痛那能還客拜朋來只可對牀眠
新詩珍重休拋却留與千秋人共傳

張古岳侍御見過張乃先司農之門人也

卜居深巷似山村歲暮無營獨掩門忽有中車來菜園
正如晴雪落松根青毡不忘先人義白首猶懷知己恩
顧我荒廚終日冷可能推食飯王孫

冬日種花

年來漂泊總無家雖借人居亦種花今有一屋餘隙地

肯教三徑委泥沙開春桃杏當應秀入夏葵榴滿院連
幽意獨憐梅與竹霜天雪月更堪誇

李雲田見訪並攜談長益書至

抱甕丘園久息機忽聞楚客叩柴扉袖中詩有烟霞氣
語次風生薜荔衣遠道爲傳吾友信奇蹤真覺世人稀
涪州城破家家哭此老如何竟不歸

五言排律

移居宋家園三十韻

宋公吾父執門信號鳴天少小曾遊此園林正蔚然配
更三四主別至廿餘年門巷雖仍舊風光迥異前偶而
來一問居者又將遷善價歸予手幽棲絕世緣圖哇聊
自種蔬菜不須錢墻破憑籬補牖稀賴竹編杏榴開可
玩榆柳伐堪憐從此加培植奚難再鬱芊仲冬陽始復
幾望月初圓徙自城南廡家於巷北屋孤踪有寄托盡
室得安全夜讀眉樓下朝行曲岸邊鐘聲殷古寺草色
媚晴川仰首蔣山近傷心淮水偏比鄰多隱逸隨分與
周旋墨妙家家有詩神處處傳老猶貪酒醜貧不斷炊
烟况賣嚴京卜兼通素難篇細君催釀黍小婢解烹泉

客到管留醉吟成每共眠胸中自浩落身外曷憂煎所
願熊羆夢惟期豚犬牽衰顏才足慰書種但能延便人
金陵籍長耕建業田春波桃葉渡秋浦藕花船白首恣
行樂芳塵繼昔賢懷刑知免矣抱道合終焉敢望宋公
子鳴珂侍講筵

宋公如國先生也與先司農齊郭同門
公于其武方為經筵學士

七言絕句

金陵感懷十首

崇禎初年予應京兆試南都風景居然全盛也
甲戌乙亥遊宦冠之亂後家於此凡十一年故
自下山水游覽頗熟乙酉世變予即歸桐戍戍
冬重來此城郭人民大抵如舊惟蔣山雀廟等
處井復當年舊蹟今述

蔣山

鬱鬱葱葱數百年千尋枯柏上參天不知何事凋零盡
惟有春風泣杜鵑

燕雀湖

我祖填湖作禁城九重宮闕儼咸京黃扉碧瓦今何在
依舊白波青草生

玄武湖

官家築室後湖中三百年來版籍充故紙幾何渾賣盡
鯽魚菱藕一時空

孝陵衛

當年軍衛百千家此日離披似落花猶有兩般人未改
孝陵樹與孝陵紗

觀象臺

自古占星重此臺玗璠一旦委蒿萊古銅欲賣無人售
拋却城隅見者哀

國子監

太學師儒體統尊往年多士擁橋門如今祭酒為司訓
官舍不如原上村

大功坊

開國分封異姓王中山獨建大功坊何年改作藩司署
公子流離泣路傍

正學祠

正學先生十族墳祠堂軒豁樹如雪可憐樹伐祠因廢
每夜啼鳥不忍聞

表臣祠

表忠祠與治山鄰崇祀方黃一輩人多少開房偏折此
世情元不愛忠臣

舊院

文德橋邊亭館幽六朝風韻未全收那堪蕩析爲平地
白草黃花無限愁

雪後渡黃河

雪後渡黃河
作客偏逢雨雪天衝寒又上大河船聞人此日還相憶
只道紅樓擁妓眠

寒食

河北從來節候遲春歸才是看花時今年况復閏三月
寒食全無花一枝

李孝乾家賞白牡丹

客中桃李亦堪觀况是芳亭白牡丹兩日頻來君莫厭
只愁風雨易摧殘

送張楚材之陽山

芒碭山中草樹春聞君欲去又因循當年五色雲何在
只恐今無隱遁人

臨行曉曉正夕陽路人猶指斬蛇岡頭買酒憑君醉

劉四朱三總斷腸漢高帝行四朱
三皆係人

贈徐生生妙于音律

竟蒙仙樂自誰傳老去猶能被管絃莫話開元天寶事
令人腸斷李龜年

短笛橫吹最有情况於溪上月華明祇宜楊柳梅花曲
莫作摩訶兜勒聲

湖上復劇

誰譜新詞忌諱無優伶傳播到西湖驚心最是張方伯
不敢重看鐵冠圖

與韓公坐三生石

侵曉尋山露氣新三生石上話前因不須身後才相見
猶是歸來寺裏人公與子曾住
此山歸宗寺

別龔二孝緒

秋來兵卒阻重城孤負湖山一月晴今日樓頭聊騁望
西風又欲送人行

題問旭上人畫

千尋絕壁俯溪流有客揚舲自泳游日暮碧雲天際合
無邊詩思屬湯休

寄蔡四芹溪

十年不見蔡芹溪溪上浮萍東復西今日逢君鄉里客
一行書信數行啼

裁書何事淚潸然我老君尤長幾年身賤家貧聊自遣
不應詩禮尚無傳

跋龔山續集後

有明著作最權奇熙甫文章爾止詩子常謂太僕古文

淡處儼教耐思索太羹元酒少人知

龍眠風雅廣餐羅惜載龔山詩不多倘得盡刊前後集

流傳遠近更如何

李錦唐駭委蠹虫一朝傳播始江東元來思肖無佳塔

祇合沉埋晉井中

附

龔山先生以已酉之秋歿于蕪陰客有為占卜之

術者先生降焉曰吾淮西山人方某也叩以冥府

事不答題詩曰平生詩酒是生涯老死江干不憶

家自入黃泉無所見冥官猶戴舊烏紗題罷驚

而連一特江南北傳誦以為詞致閒適襟懷瀟灑

非先生必不能為此詩予為吟歎累日援筆和之

浪迹踪跡絕天涯客死江湖即我家知爾心憎武靈服

喜從冥府見烏紗

王子安節以龔山續集見貽即效龔山體賦以志

感

吏部上書燒佛骨拾遺廷諍却沉香唐李漢宇南紀少

船買獻沉香亭村漫錄却之意歿漢為表其文其行世

當時風義成冰玉歿後詩文賴表章每惜龔山無嗣子

誰知天壤有王郎捐貲更欲刊前集李漢焉能傳遺稿

水屋潘江蜀藻氏題



李供奉蜀人也蜀山水之奇供奉詩不及焉杜工部在蜀亦惟瞿唐劔閣有詩耳以峨眉之奇而工部不及焉供奉則有峨眉詩然僅一絕句其游山東也有泰山詩五首而孔廟不及焉工部則俱不及其在任城止望嶽一首耳古之人於詩其思力之所至則爲之其不爲者想亦其思力有所未至也爾止先生游山東盡覽泰山孔廟之勝無不有詩予訪之哺雛軒出以示予予懷歸得讀竟日大約爽爽朗朗不煩鈎索自然工妙然則其思與力殆有過於古之人者耶楚人杜于皇與子言詩最洽因並讀爾止詩各爲之序蓋天下之知爾止者以爲山景集

詩知爾止之詩者不止於此而讀此詩者亦可以知爾止矣

三十年以前余至金陵交游多老蒼相與唱和長游騁上下其議論者有龍眠數子而余與爾止尤傲視其間是時畧未聞道徒以年少負才逞奇好辯必屈伏人而後已諸老蒼顧益重之以爲此人旦晚公卿耳無何變亂接踵十數年來諸老蒼消磨殆盡而余與爾止公卿夢絕亦居然老蒼焉蓋前後之脉中斷識吾兩人者已解吾遂頽然順之加以飢寒憂患骨肉之痛百念灰冷噤不敢發聲而爾止獨不然剛正之氣百折不回往往譙讓余之委靡雖中間亦構奇禍然驟而復起前年北走燕今年又東游齊魯以爲詩人不登泰山則不爲詩

眼界終不寬題目終不大也於是賦詩數百篇滄海出闌里風規盡收筆底歸以示余余讀一過覺已灰之心怦怦欲動因書此數語于篇首蓋欲使覽者涉流尋源俛仰今昔足以知爾止之可敬而余之可感也夫

萬曆丙辰子與鍾伯敬吳康虞同登泰山各有詩發石
今四十五年矣庚子秋吾友方爾止從泰山歸言從荒
荆蔓草中重爲摹榻持以贈予予展視欷歔恍如隔世
既爲詩以酬之而爾止又出其燕游魯游二草屬予序
序曰今天下不可游矣若爾止之游似又未嘗不可也
蓋天下人之游游於利名場中仰面屈膝于人而人莫
應此非人塞其游先自覺其游之不廣故多怨悵而無
所適從焉爾止挾三尺劍一囊書北游燕趙東游齊魯
弔古於金臺盧龍望先朝之宮闕潺湲出涕已又登岱
衆謁孔林恭敬肅將因而長吟短詠發其胸臆雖有
一主款曲流連酣歌豪飲論說雅皆是其生平
舊交攀留不舍者非懷刺彈鋏妄爲干謁以取厭棄者
此也故其北都東郡之詩浩浩落落寄托蕭遠不怨不
怒使人讀之如少陵奉先北征諸作當年情事歷歷如
在目前然則爾止之游直如未嘗游者矣且爾止雄心
壯氣年五十而不衰正如高適之學詩商瞿之生子卜
居雨花桃葉間予雖老耄猶得奉周旋於晨夕側觀其
著書教子俾承家學永遠勿替是集也豈非爾止之墨
莊也耶

晚桐方 文爾止著

汪 觀我生

同學 康范生小范 定

梅 磊杓司

五言古體

初至兗州贈趙五絃司理

卜居石城南草閣臨長陂引水灌園圃可以種藝葵我
老閒無事荷鋤手自治方春微雨後綠葉含榮滋忽有
故人書云自山東來上言別離後魯國為士師郡齋頗
閒暇雅欲窮聲詩六義誰與研惟爾長相思平昔好

游惠我來何遲先寄雙南金以為道途資感此意真摯
雖遠曷敢辭明旦即東裝揚鞭向東馳渡江而涉淮又
至大河涯陶丘具雞黍聊以息我疲是時君在濟遣使
來相期僧舍一握手狂喜不自持遂命後車載前路相
追隨臭味既已合形骸復何疑辟彼葛與蘿得附松栢
枝左右相纏綿歲寒終不移

恭謁聖廟

兒時讀魯論即知慕孔子尼防與龜蒙私心長仰止所
恨南北睽無由一瞻視今年東兗郡本意實為此郡齋
甫稅駕汲汲問洙水侵晨出東郭周道手如砥驅車曲
阜城乃是古闕里宮牆儼王居數仞昂是擬我從掖門
入直至殿廷裏怵惕拜階下仰首見簠簋杏壇猶有亭

兩觀亦有址古檜乃手植霜根歷千祀因念古帝王宗
廟誰不修當時炫金碧易代生荆棘萬古巍然存莫與
尼父比賢於堯舜遠斯言非溢美

恭謁聖林

昨日謁孔廟今日謁孔林孔林在何所乃在魯城陰出
城二里餘松栢鬱森森千章夾輦路宋帝曾來臨樓觀
似京闕翁仲何峙嶽其後泗水遠其前洙水深上有古
石橋俯聽潺湲音仰瞻宣聖墓蔚然一高岑伯魚莖其
東子思莖其南于上莖其西喬木皆十尋一廬存墓側
定見御居心所植檜已枯三十年至今地下無荆棘樹
上無巢禽子孫世守之兵寇誰敢侵我來拜林下感
聖冲襟徘徊不忍去日暮聊誦吟

詠檜

夫子所植檜乃在杏壇前其始為兩樹屹立上參天左
者文左紐右者文右旋一丁永嘉亂生意遂索然義寧
後再榮左右不復全及至女真初俱化為煨燼元末根
重生實開有明先如何弘治間又為野火延道傍有古
碑序其榮枯年枯必兆禍亂榮必產聖賢晉唐宋以來
歷歷可考焉檜既開世運振古期不愆何時再鬱蔥真
宰意難宣

詠檜

三十一
年
大
修
四
尺
弘
治
十
二
年
聖
廟
焚
後
其
後
又
毀
惟
檜
身
存

子貢所植楷乃在孔林側當時哲人萎天地間無色其徒七十子心喪俱不忒中間端木氏哀思更悽惻祭于墓傍六年面猶墨樹楷沐水橋將以表明德楷不如楷壽那有千年力况彼二千年曾爲人所賊百歲根重生理氣有消息楷已三千年尚存亦奇極其怪其根枯不枯安可得

曲阜城樓望尼山作

散步上魯城迢遙見尼山相去六十里欲往從之艱依人成遠遊鞍馬仰驛傳雖有山水心那得隨吾便憶昔叔梁父九女而一男其男形貌豐隆承祀恐不堪顏氏有三女將欲求爲偶幼女自請行不嫌其白首既嫁懷隱憂禱于尼山神英靈聚河岳誕生大聖人聖人生不幸

三歲喪厥考顏母抱幽貞守之以終老聖學既成立二十持母喪先殯五父衢後合塋于防防與尼相連皆在魯境內如何不一探坐失此機會茲行太促迫重遊擬今冬不獨登尼防更上龜蒙峰

嵎山尋歷下亭故址

昔有李太和字分符守此州其書故雄傑其人亦風流子美方弱冠初爲河濟遊布衣謁見蓋意氣欣相授開燕歷下亭賦詩成獻酬濟南名士多此語光千秋今我來歷下吊古無弗搜騎馬出東門逶迤至華不因而上嵎山古亭不可求嵎湖水亦涸漫衍爲平曠山川今昔異何况東諸侯回轡百感集世事良悠悠音亦名嵎

音作詩

華不注

歷城東北隅故有華不注晉師還齊侯三周卽此處其山拔地起四面無依附孤峰秀挿天娟娟入雲霧我來恣游覽艱險殊不顧礫硯于萬石上下無一樹遠望如芙蓉菡萏未開露所以名華不古人亦善喻今人罕識字相呼失其故趙李乃詞宗如何音亦誤不音美化明之不同今讀如字非趙李昂詩雲齊魯華不注故清聲矣大明湖李千騎詩我自能滿華不注推窓若試雪

泰安道中望岱

向平五嶽遊是子夙所好但恨貧賤身獨力未能到今年客齊魯乃在東海微岱宗咫尺間安忍不一造仲夏發歷城策蹇泰安道先見徂徠山羣松迎夕照仰首正

封臺危巒挿晴昊青天既歷歷白雲何浩浩我甫及山麓已覺開懷抱况當凌絕頂千峰恣遐眺

日觀峰

有客嶽頂宿夜半聞鳴鐘舍皇起披衣言登日觀峰是時五月交薄寒似初冬剛風吹屋瓦僮僕莫敢從我獨奮身往扶危仗孤筇猶喜殘月在崎嶇辨微蹤端坐雙石間待旦且從客東方色漸白稍稍明巖松滄海不可見但見雲霞重日車露一綫紅赫如火龍照人衣洞赤萬壑光溶溶仰天發長嘯豁然開心胸尋常望朝曦那得比岱宗始知秦漢主歷險來登封

登封臺

泰山一何高登封爲之最日月兩觀峰左右手相對泰

觀以爲肩丈人以爲背天門以爲腹石屋以爲胸東望
海如杯西望河如帶封中白雲起百里亦爾窮吳閭二
千里目力豈能屈孔顏窮練馬後人所附會始皇無字
碑蠢然一石塊相去無幾何李斯篆又在或云中有物
此石冒其外亦如漢石室金泥藏其內吾欲并發之看
取是何態舉世多庸人安能有此輩

石經略

吾愛唐玄宗隸書泰山銘磨崖數千尺炳煥同日星厥
後宋真宗御帳列郊坰其書雖稍遜亦足存典型昨遊
水簾洞巨石如翠屏未知誰氏子隸書金剛經其字大
於斗勢欲凌滄溟惜乎在谿壑漫漶虧全形又有萬司
馬臨流造石亭自書石亭記削壁鏤空青合觀四家書

泰山集

清游草

卷之六

允足光山靈至于李斯篆十字九凋零其餘瑣瑣輩
耀同秋螢

馬上偶然作

少陵年少時省親來濟水任城去泰山不及二百里望
嶽空有詩登嶽竟已矣中歲官華州三峰在州門長夏
苦炎熱未暇探真源清秋涼後亦復托空言晚歲出
三峽扁舟下湘潭曾遊道林寺乃在南嶽南咫尺視
峰如何竟不探有人譏少陵風好在巖壑五嶽歷其三
終未登一嶽公誠風雅宗此事太關畧我因泰山歸馬
上偶然作

兖州古南樓

兖州古南樓今化爲荒臺臺名曰杜甫昔人何謬哉豈

有先賢名呼斥同嬰孩我來臺上遊傍徨復徘徊因謂
守土者何不剪蒹葭重構堂三楹以祀千古才易名曰
工部勒石垂將來此事亦風流羣公互相推總之劫火
後古蹟多成灰任彼天壤名輕視如浮埃

魯酒吟

昔聞魯酒薄此語殊不然我今客東魯夜夜醉始眠
問是何酒云沽自市廛其地故多黍四境有甘泉居人
善釀之封藏一二年黃者似滄州白者更退焉彼何以
得名此酒遂不傳吾欲表章之賦詩告後賢只是價太
貴一瓢三百錢

開陳階六給事丘曙戒編修俱外轉悵然有作

淮上多良朋壯仕者有二陳君掌諫垣丘君讀中秘
泰山集

清游草

卷之六

髮雖不同性情則相類予在都門時坦率成深笑日日
飲其酒間亦分其惠臨別愈流連贈詩見真意感此不
能忘相勸惟勇退昨日見除目同時補外吏陳猶官憲
使闕海亦善地道里未甚遠糧儲乃重寄丘何爲郡佐
咄咄殊可異瓊州在海外此行良不易君雖少年人體
弱容亦悴况有二親老安忍便遺棄五月出都門六月
抵淮裔恨我羈東究未得一把臂後會知何年臨風發
長嘯

聞談長益至徐州久而未歸詩以促之

談叟吾故人氣味最相得酉戌之冬春同遊在京國連
鑄出塞外聚首凡五日夜則對牀眠晝則對案食我性
好苦吟君吟苦更力每日三四篇奇與不可測是秋我

南歸君尚留荆北自言冬亦返相期會吳越豈知我歸後君竟不肯發依人往衛州又欲去彰德三年猶未歸萍蹤太超忽昨歲潤城破人民半成賊君有八齡兒奔竄荒江側傍人且憂虞君胡不記憶近聞至徐州理合歸去亟那有閒心情逍遙事干謁或者先已歸布置又復出叶我因思君甚寄書相切責年齒五旬外雖貧亦未極何苦老風塵還家稍休息

書陶石簣先生放生詩後

先生集中有詩十首以命為韻字字痛切非他賦者比于微注而解之

偶閱欽菴集有此十首詩沉痛入骨髓真是太導師今人好善者戒殺亦有詞其言多鄙猥祇可訓愚蠢聰明才智人一覽輒棄之惟此詩淵古細玩方得知苟有觸于中敬信而奉持不戒者亦戒感悟當在茲古之養親者雞豚以為貴祭祀與賓客三牲曷可廢市上有鬻者錢粟皆可易何必自宰割傷我好生意至于自奉養蔬食原有味必欲下酒物枯魚或乾肺斷無特殺生以供已啖噬斯言極平恕將以勸同類

憶內

老我歸金陵卜居傍秦淮前為桃葉渡後為鈔庫街草堂雖不寬蕭散稱人懷細君名家子甘與隱者偕羅布以為衣苦竹以為簟課奴種園圃嘉蔬各成排日市錢百餘可充爨下柴况復植翠樹花葉盈空堦無事綠牕下相對如朋儕奈何舍茲去遠涉天一涯徐冤逾千里屢月音信乖雖有賢主人懷抱終不佳明年誓勿出環

粥樓茅齋

憂旱

今年寒食後九十日不雨江南水亦涸何況爾東土農人仰麥秋收未及四五猶覩五月內一雨種禾黍豈知節候過小暑復大暑縱使甘澤垂恐遲亦無補民生不自保安望輪官府眼見秋冬間山東羣盜舉八月吾旱歸研田收少許且向清溪傍努力事園圃

苦蠅

南方夏苦蚊北方夏苦蠅避蚊猶有帳避蠅竟無憑晨先甫熹微百萬來飛騰衣冠與書籍遺穢臭不勝最是飲食時堆案尤可憎撲之不易撲仍之實難仍何方避蠅患惟有一法能向南充土室懸縹紗層層先期懸掛

汶上贈呂孝芝明府

故司馬忠節公康石先生之

先公大司馬夙昔官南都子以猶子義兼奉為師模辱公矜睠恩名予曰鳳雛感此意真摯時時至坐隅公歸五載後仗節遂捐軀忠貞昭日月萬古永不渝諸昆紹丕業接踵月天衢君為中都宰膏澤何敷腴吟輒偶過此下馬立斯須握手返新懷懷舊仍悲吁

濟寧贈陳斗山州守

斗山朔方士溫粹如南人三年守濟州恩澤遍斯民斯

民感其義嬉樂無冬春我昨來南池僧房寄吟身與子
邂逅間披豁見天真七月我南歸君送河之潯九月我
重來內詔催朱輪尋當送君去六翻翔秋旻

答楊聖喻處士

浮榮世所慕嘉遊古亦稀况在河濟間此意今已微楊
生本華門棟莠爭光輝獨不喜干祿臥疾棲林扉素心
嗜風雅采筆時一揮思如夏泉湧氣若秋雲飛昔我寓
燕江相訪至漁磯烟簑偶相失悵望心依依今我來任
城東園接芳椒願言結綰紵所恨勿勿歸四詩先見投
欲別還牽衣佳期訂九月鵬詠無乖違

書張孝烈先生傳後

先生字子玉
我友陳襄雲抱道隱潛棲往歲時相遇詩篇共關雎

言其鄉人死難者鑿鑿中開孝且烈莫張玉楚若厥父

病在牀羣盜肆殺掠寧甘蹈白刃弗忍去惟慕幼子十

六齡奮身前往奪傷哉三世人頃刻同溝壑我聞襄雲

事倣歐陽生氣宛如昨傳後書此詩以寄通州博長子

青照現為
通判廣文

東阿贈吳雨蒼明府

客從任城來為言之洛河仲冬河已冰取道經東阿東

阿古巖邑今亦荒殘多美人妙為政樂易獨煩苛其民

爭戴之四野皆謳歌我馬憇城外訪君入城裏尋常頗

厭客聞我到轉喜一揖未及終汲汲呼酒餽我深且下

榻不令還旅邸感此意良厚况復潤行李明旦我當發

君尚欲強留歲暮風雪寒焉能久夷猶開春江水綠君
又之涪州已蜀數千里音書杳難求後會知何年握手
悵悠悠

永年贈余中台明府

昔別是何處西子湖之東秋颼吹落木秋渚鳴征鴻旅
舍一握手形勢各忽忽別來十五年書札無繇通君
官趙邵舉望日以崇外吏寧久淹立見乘花聽我適遊
濟上咫尺欽仁風安忍貧賤交棄置如飛蓬揚鞭一相
訪索酒話深衷不久言旋歸繞絕意無窮

君與吾兄子早歲為婚姻兄子先朝露遺孤罹百屯賴
有新婦賢綢衣佐清貧實維各家女盡能得其真前年

君伯氏枉駕相水濱朝夕過我廬鴈跡歷冬春奇聲凱

茂宰離索難具陳今我自南來道途多艱辛既以車筮

義又為骨肉悵不比廣川上悠悠行路人

贈申臬盟處士

往歲客都門館於魏栢鄉栢鄉時與言申子才莫當出

其贈答詩展誦聲琅琅風格似老杜田父泥飲章我心

寶企慕懷抱無繇將今年客山東策蹇來滄陽侵晨入

君里未午升君堂一見如舊惟把酒傾肝腸明日枉我

寓手携詩一囊古體擬漢魏近體宗初唐其詞雄弘博

其意甚悲涼君家節愍公竭忠事先皇所痛甲申變

致命同沉湘君能守其訓不復蹈名場自稱老布衣戢

影南山岡此義尤可欽豈止詩人行我亦抱微尚攻詩

三十霜詩信能窮人飲食羈殊方風雪難久留屈若歸

定康及此未歸日數數來相望

七言古體

白下留別梅杓司

梅生抱病長干寺兩耳雖聾有奇致不憂妻子餓經旬
只想詩篇傳後世昨歸典却響山田百金盡作梨棗錢
刻成詩集十餘卷含風咀雅追前賢少年詞采本華潤
中年氣格更超峻茲編已足傳千秋况乃餘年再精進
方春送我去河東貽詩數本行箇中故人施趙應相見
擊節高歌賞鑒同梅杓司舊友也

北道行

長淮以北往來熟日未曉磁投店宿主人請客進上房
其馬即繫東西屋白麵調水烙為餅黃黍雜豆炊為粥
北方最少是粳米南人祇得隨風俗縱橫土炕任客眠

濟寧道中短歌

有客從南來獨行無與偕初日渡大江四日渡長淮十
日渡黃河十五日至濟水涯世間險阻稱四瀆我今半
月走過意未足明朝更上秦山頂東海西邊觀日出

春歸歎

三月晦日送春歸楊花點點沾人衣春正歸時人轉出
此身也似楊花飛前年三月北平路去年三月彭城寓
只道今年春在家那知又入兗州署春光在舊道途艱
底事年年不得閒人生少壯已可惜况我將衰鬢髮頽
酌哭泉歌

山東諸郡濟南大音齊州自古稱都會中有名泉七十

二尤以酌矣泉為最酌突發源王屋山伏流千里來河
間歷城西南始湧出平地三穴如輪輻雪濤噴薄高數
尺又如瀑布衝激石散為濺水人清河委輸東海無朝
夕泉上嵯峨樓復亭香龕繡幙供仙靈道人茗待游
客自向波心汲一餅

大明湖歌

濟南城中大明湖乃在貢院西北隅其南即為藩司署
牆脚不許通樵蘇七十二泉匯于此嚴冬大旱水不枯
湖中菱荷雜葭莢夏月望之如蓬壺往時官府好事者
小舸載酒邀且娛民間采蓮亦不禁所以此地稱名區
崇禎戊寅十二月遼海萬騎來燕都前鋒直抵濟南郡
濟南防備甚疎虞是時山東大方伯張公鍾陽者

公諱秉文字舍之福城人率彼羣吏嬰城守辛苦半月
猶枝梧已卯元旦城竟破公中一矢身先殂吾姊聞難
且不哭立召二妾來客謀命為大臣我命婦一死以外
無他國嗟汝二姬各有子長兒雖歸幼兒俱於義猶可
以緩死抱兒且往民家遁小婦抗言吾弗活願與母氏
同捐軀兩人縫紉其衣帶欣然奮身投此湖中婦年已
過四十本欲殉難還踟躕腹中正懷五月孕膝下又有
雙鳳雛私念吾家大小悉赴水安忍此輩為鰥組泣拜
忠謹二老婢一婢一孩負之趨倘遇白刃斯已矣僥倖
不殺還至此處來尋吾大明湖邊有深澗上用柴草雜
亂鋪蒙首潛身匿其下六日不食氣息無兵來見是濟
泇水水面浮屍如聚鳧匆匆亦不暇搜索此婦性命遂

免屠六日以後番兵去鄉民次第來闔城殺戮十餘萬家骨肉哀號呼中婦聞聲匍匐出自言我是張老姑張公平日多惠政百姓聞者爭前驅因導此婦尋公尸尸在城樓色不渝又倩一人入湖水撈尋大婦小婦於寒蘆俄頃二尸得昇出遂與張公之尸並陳於路衢殘黎助錢買薄板草草殯殮何所需異哉二婢亦未殺被擄為兵劉馬芻各言此子是已子仍以殘餅為之舖兵去婢留尋阿母同日抱還其兩孤一孤乃是已所出一孤乃是小婦所遺珠未幾復產遺腹子與前二子同煦濡扶棺望兒返故里親戚見者咸嗟吁此雖張公盛德之所致亦由此婦才智與人殊聖朝褒忠務聚實公府贈典良非誣二十年後我遊濟大明湖邊立斯頌

追惟往事不勝痛臨風雪涕霑平蕪忠臣烈婦分自盡豈必求人知之乎第恐年久事湮沒因作此詩告吾徒

濟水歌

濟南故以濟水名濟水今由地中行所謂大小清河非濟水乃是汶灤二水相合併汶水發源泰安州行五百里始入漕河流灤水發源趵突泉行十八里即與汶水連二水合為大清河夏秋水漲多風波我來清河之傍旅店宿偶遇老生張無頗為予分疏甚明悉酒酣遂作濟水歌獨怪濟水既伏不可見仍與五嶽四瀆並稱謂之何

嶽廟歌

昨者上泰山頂聖母之祠甚華整青帝宮為野火焚

東嶽廟中香燭冷因念五嶽東嶽尊帝王封禪典禮存里出凡民縱不識紛紛儒者何無言今朝下山入州治始知另有嶽廟供祭祀魏魏宮殿似皇居不比仙壇與佛寺七十二君封禪時乘輿警蹕威在茲中有古柏漢武植盤根錯節水霜安復有古槐在柏後唐玄手植背猶茂如今年久生氣奄奄從來槐不如柏壽其餘巨木數十株陰森疑有鬼神扶開道此州屢殘破此廟安穩獨無虞自非天子諸侯不得祭小民焉得而矯誣却笑民間但知有聖母歲輸金錢百萬何其愚

岱宗密雪圖歌

洪武初年王參政明如泰安州州後有後正司泰山收廟張顯于堂作岱宗圖三百年後其子孫傳之為雪景圖

不勝可製小方二粉筆于上張漸解之定如雪態叔明呼絕以爲神奇即題爲雪景圖以事今教奉安署中忽憶此事故作歌
黃鶴山樵松雪甥學易書易成共人共詩更超出所以元季大得各國初曾為泰安守有樓印在廳事後朝朝暮暮對諸峰欲貌諸峰不敢荷橫張絹素當廳扉偶然典到時一揮掃摩三年圖始畢山靈頓覺增光輝陳生適為濟南幕歲終相訪來東嶽正登此樓觀此畫滿天無數梨花落陳生看盡題道工回首看山在雪中若使此圖是雪景方與眼前泰岱同王云幸而未設色改作雪景改亦得只是精神在墨氣若粉未免掩我墨陳云著粉亦不難矯竹為弓向上彈定似半空飛舞態兩人大笑真奇觀急呼香醪與客飲夜深醉即樓頭寢

明朝叔明紀其事并揭此圖贈惟允惟允他日携歸吳
倪迂黃癡皆嗟吁山樵平生多墨妙此圖妙絕天下無
我雖未見聞此事今日偶來泰安治酒間含笑語州守
如此主賓良不易

題徐文長先生水墨真蹟并正五絃司理

天池山人有四絕筆底寒空動烟雪詩詞舉世解流傳
書畫無多恐磨滅趙子衡齋東郡東高懸一軸中堂中
書法古健類章草超然不與時賢同我初入門見此軸
瞻顧久之看未足君言吾家不止此尚有天池書數幅
我聞驚喜乞借觀頃刻蕭蕭風雨寒禿毫淡墨偏有態
奇山怪樹形不完最妙花間一處子撫石彈琴露纖指
却疑點綴似塗脂轉覺姿容媚無比其餘梅菊豈能

但取其意不取其譬如吸露餐霞者豈是人間食肉人

我謂趙子此墨寶吳綾蜀錦收藏好每日公餘退食時

展開如入山陰道

六月初三夜夢與蕭尺木談詩竟日且以其居典

子庭中秋花爛熳覺而具之因記以詩

四年不見赭山翁昨夜宛然來夢中手持一詩七言體

命筆校閱何其工更推居室與予住庭際秋蘭花幾叢

思君半百方有後老夫暮景將無同

夜坐納涼有感

中庭古槐大十圍中夜好月流光輝槐陰食坐不肯睡
靜念往事多乖違在家日久思作客在客日久又思歸
正如猢猻見此樹一上一下無停機半生蹤跡類如此

袁公善喻何其微袁石公云我輩性情大槩似猿在樹
上一下終
無定識也

李溉林副憲書來却寄

七月我歸自濟水塵途落落少知己何人為寄尺書來
云是彭城使君李使君昔宰司空山好與山人共往還
六年厚貺不知倦千古高風莫可攀昨歲分司淮泗路
雲龍山前與我遇又為誅構草堂資因買一屋桃葉渡
草堂遂以懷旼名沒齒難忘使君情獨惜江南河北遠
那得聚首如平生今年潦倒客東郡徐充二州相接近
偶逢驛吏通寸音使君遂爾垂芳訊開城字字是離棕
讀罷沉吟意萬重尤喜星輶來歷下預期嘉會在今冬
題張大風山人松石閣

泰山上有百尺松可借曾受秦時封蔣山下有一片石

亦受陳時封可惜世間上木本無情且以微寵累其名

士人守身若處子豈肯輕受微塵滓張翁贈我松石圖

筆意瀟灑形高孤自言此是唐宋物不足陳卿秦大夫

夢初行

秋夜夢一大人道于鶴語上言四字

神人寶劍光陸離夢中錫沃何所為我本山中採樵者

乍捧此劍心先疑一自狼足射天府中原處處聞鞞鼓

書生有志勒燕然大將誰能斬溫禹

濟寧署中喜遇潘蜀藻

潘生才大今詩伯豈肯寄客守田宅所以去年客彭城
今年又作任城客霜鴻利羽凌高秋不為區區利已求

平生雅尚在山水關里借宗尋勝遊獨憐官舍關防好
那能率意恣幽討吟鞭直待杏花時南歸方刻徐克章

廣平謁申節愍公祠

甲申之變古所無千載而下猶嗟吁何爲當時立朝者
強半濡忍全其軀庸人偷生莫肯死死者二十四君子
吳橋范與永年中名姓煌煌著青史有客來遊洛洛河
道經節愍祠下過繫馬入祠一展謁蒼松翠柏英靈多
聞公三子皆人傑長子涵光更風烈布衣不染京洛塵
詩篇盡作峨嵋雪我亦江東老逸民與爾傾蓋情自親
况子婦翁汪文烈亦與節愍同致身今人仕宦愛便益
反云死難爲矯激試令禮拜諸公祠亦知感歎聲實噴
蔡中郎八分書歌

金川集

廣平有清干長夏承碑乃蔡邕書其末已久
嘉靖間石工取以修城遂失所在今重修于石

漢隸石經碑第一孔廟禮器碑第二苦縣老子碑第三
隴西曹全碑第四四碑俱是蔡邕書後却注名字
我昔聞諸長老言訪求其本不易致前年北平宋使君
惠我曹全志墓文我乍獲此如重寶筆法高簡更出羣
因而臨摹百餘日僅能髣髴其半分觀者但見漢隸少
遂謂此足張吾軍今年冬月游洛水聞有漢隸在城裏
欣然往觀碑果在其傍小字序原委中郎初本不可得
此是後人重摹擬八分瘦硬方道神此書稍肥未盡美
雖未盡美典型存觀者溯流而窮源李恭實爲篆隸祖
片石隻字皆瑤琨寄語邦君覆以屋勿令風雨生苔痕
至于修城石千萬曷忍取此埋城根

五言今體

將之兗州留別內子

舊京新卜築偕隱正悠悠家食無長策囊書復遠遊出
門方上已歸舍必中秋不是輕離別依人可自尋

漢日渡江宿烏衣鎮

江介雨初晴揚帆過浦城晝長便客路馬壯促人行
白水遶芳甸烏衣垂令名當年王謝子或有此中耕

滁州

馮公官太僕郭仙風雅扇江淮往歲曾相訪佳遊輒與
偕探梅尋古洞品菊醉高齋此事俱陳跡誰能不感懷

清流關

南簾城以北極目見羣山擁塞疑無路崎嶇上有關古
人爭要害今日任騎驎馬橫戈者紛紛往復還

臨淮

長淮將次近仰首望中都城闕規模在陵園氣色無萬
松誰剪伐寸草未昭蘇野店逢遺老相看淚眼俱

濠梁

莊惠居非遠觀魚亦偶然其人良足重此地故應傳破
驛臨春水潛鱗動夕烟道傍車馬客誰解慕前賢

塗山

塗山吾自命却未到塗山驅馬始今日與龍在此間乾
坤方正位日月又循環俯首淚承睫因之懷袖斑

宿州

鍾離繞昨日今又至符離野曠山應少途長客易饒郵

亭秣馬候鄰舍飯牛時寧戚今何在伊人良可思州有

永城

一入中州界年荒饑者多近郊雖賑恤在野復催科客
愁惟增歎墮疲不受駝前村逢店歇莫問飯如何州北

太丘祠

永城官道側猶有太丘祠漢陳實為太丘下馬一長揖
高風宛在茲壞垣鄰亂塚枯薛沒殘碑今世循良少春
應薦者誰

鄧陽

功如蕭利國食邑僅鄧切左何侯村落居然在封疆是也
不小人猶保聚巨室每誅求嘆息丁司馬家無鄧陽

前司馬丁敬康家于鄧以族誅其宅沒官

曹縣

知是古曹國逢人問漆園莊生曾作吏遺跡豈無存漆園
凡數處以曹州為正兵馬盈官路風沙掩店門負羈妻
已朽誰與進壺餐

定陶

地僻無山水民貧少積儲不知范少伯何取此中居宋
三致千金兵火失堯廟堯始封于陶故有村烟剩戚墟
成此處人定陶故人投我轄弔古且徐徐時馬備若為陶

鉅野

岐山鳳不至鉅野麟何來西狩獲麟所以魯中叟逢之
掩袂哀生初曾繫紱經後尚餘臺客過偏多感兼悲王

梁才王仲宣鉅野人

嘉祥

嘉祥舊武城既以子游名况復三賢里晉書史子游
當為千古榮驛亭有高阜題句見深情亭中有范公
當年號何人刺傷哉歲月更詩後崇祿其年俱為人

濟寧

四明有狂客相遇謫仙人傾倒酒樓上徘徊濟水濱
南池句停驂寄我神杜詩與在城許士薄遊南池亦在

兗州

出門十五日今始到嶽陽東郡幾經破南樓先已亡趨
庭懷杜老工部父開為任城令公廢址惜靈光且就賢

司李槐陰一舉觴兗州李署有槐其大

寧陽

取丘方稅駕又復歷山行不惜馳驅苦因多遊覽情大
風知歲旱微雨覺塵輕晚渡寧陽水堪嗟魚尾賴

禹廟

禹廟鬱嵯峨中庭古栢多當年淪濟渌此地想經過崇
碣迥相對高文永不磨廟中有商公格乍看殊簡畧無
奈僕夫何

肥城

肥子城南路迢迢百里餘昨猶聞冠盜今始見村墟田
婦項多瘦山民才用驅此方風俗古疑有范公居肥山
公乃肥之陶山非定陶也

長清

草色凋殘甚斯城稍可觀人家烟火密使客驛亭寬塔影
隱中見松陰枕上看靈巖何處寺欲往路艱難長清方山佛國道所著林泉紀勝

濟南

山海一都會富強無喻茲可憐兵燹後非復太平時酌
笑泉仍冽華不注故奇看山與飲水且勿定歸期

歷城

繫馬歷城東題詩野店中峭華當盛世在濟南東北名
李振聲風送廷甫詞賦大名在鄉國舊業空兩家尋後
裔蕭颯等秋蓬

曲阜

昔人游詠處每過必沈吟况是聖賢里能無恭敬心魯
城仍故國洙水盡高林檜與楷兼齊三千午至今

汶上

三家分魯日此地號中都先聖曾為宰遺風永不渝羣
黎凋亂後一水剩城隅幸有循良者窮簷稍稍蘇是時

東平

齊魯邊隅地荒殘不記年獨餘梁太素坊表尚巍然東平
狀元坊仍在科第是何物老翁殊可憐一身經五代猶
戀舊青毡

東阿

一水界城中長橋兩岸通斯民安樂土茂宰布仁風東阿

雨蒼為無窮被眠官舍張燈飲寓公三歸臺在否懷古意

東昌

策蹇東昌道聊城仍舊名遶西為趙郡直北是燕京車
馬紛如織舟船凍不行射書何處所空憶魯連生

堂邑

清曉通聊攝黃昏到發干戰塲今已沒戎馬未經殘清曉
巨室有張老尚書是漢官沾沾誇爵里無乃太顯預

館陶

館陶猶漢邑南北兩城分田舍各相保兵戈如不聞家
家種梨棗歲歲樂耕耘奔走道傍者輸他樵牧羣

曲周

先朝陳少傅曾令我桐川恩澤亦何遠詎敢今尚傳游
人來德里下馬問名賢故老猶能說風流未百年陳公

廣平

兩歲客徐兗今冬又冀州遠行雖不厭老至亦含愁大
雪投荒寺微廬暴傲裘主人情意篤旬日且淹留余中

大名

汨汨歲將暮言歸自廣平長途經魏郡沃野羨元城風
雲催征騎雲山動旅情當年吾伯叔父老尚知名父伯

七言今體

早春寄懷馮情若定陶

二十年前老荆將重徵為今太蹉跎時危不敢言修飾
官小猶能免窮愁舊友全羽餘白髮新春欲往奈黃河
遲知甘雨霑農畝亦有微濟及涸阿

清明日家祭因懷先隴

久矣無心戀故鄉獨於丘壠不能忘風橋松栢千章茂
蛟渚蓮華一帶香先人墓處雖有諸君見輪拜掃弗
堪三歲關椒栗客中伏臘空回首但驚溪毛欲斷腸

將之兗州留別草堂

昨歲棲居淮水西門前蔬菜兩畦畦灌園且學於陵子
位臥無憂真快事柳眼逢春青未了將牙縫雨絲初弄

如何舍此山東去僕僕黃塵踐馬蹄

劉宋口渡河劉宋口馬蹄

少小從來輕遠遊如今千里亦含愁先經夏邑纔陶邑
更過曹州是兗州馬首渡河爭北向客心隨水只東流
殘春未免思鄉切預卜歸期在早秋

定陶署中與馬情若夜話

二月江東寄爾書濁河風浪正愁予豈知花落仍過此
只是萍蹤無定居久客自諳遊道苦高人亦覺宦情疎
年來仕隱皆羈絆那得逍遙賦遂初

三月十九日鉅野道中

啼鵲又過一年春每到今朝倍愴神南詔也歸新負版
西山誰問舊遺民冀開未免為寒乞唐王亡何作館賓

鞭策小驂來鉅野始知尼艾泣麒麟

魯故宮

碧瓦朱甍東都東都人猶說魯王宮當年睥睨山河壯
此日果思戶闕空不毀靈光疑有數兗州歷代名臣欲師延壽恨無窮王延壽作珊瑚寶玦今何在滌海蒼
茫夕照中

司理署有三鹿五鶴時時至予坐隅似欲相親者
因贈以詩

鶴棲海澨鹿山阿闌入官齋可奈何拂性自應憐羽角
俟人聯以免虞羅似知詞客渾無忌每到吟時定一過
昨夜月明槐樹下幾行清影共婆娑

寄懷萊州守鄧叔奇

于湖小別十經秋苦雨酸風憶昔遊老我一竿歸下澤
聞君千騎領諸侯李邕不惜新亭燕楊震難為故友謀

李邕俱為方物從來誇爾為且分尋尺寄瑕丘

戲題釣突泉詩

歷下城南釣突泉散為溧水入長川雪濤翻處真奇絕
玉盤盛來自灑然海內遊觀知不少壁間鐫刻倩誰傳
吳興老子詩尤劣底事人人有和篇趙子昂詩手鐫

七忠祠讀施尚白使君碑記祠在濟南西門內

宛陵才子任山東較士能與齊魯風方浚泉源標勝槩
宛陵才子任山東較士能與齊魯風方浚泉源標勝槩
宛陵才子任山東較士能與齊魯風方浚泉源標勝槩

宜城梅氏全沈君與肯
歲月異時人只道天崇
文擬歐會製亦工最是碑砥無

登岱十首

年少長懷五岳遊獨憐身賤老滄洲濟陽千里依人至
社首兼程得日孫初夏不妨炎景逼開心先共白雲浮
攀蘿捫葛吾猶喜况有肩輿上上頭

不為元君謁岱宗山人意在日觀峰黃昏且就齊魯宿
子夜誰撞岳廟鐘更上巉巖迎旭采欲窺滄海浣塵容
虛空彷彿聞天語足踏高雲第幾重

峰頭片石領朝曦道是秦皇無字碑中別有藏人真蹟
重來作頌意何為李斯有頌二金泥玉簡封函固

鐵畫銀鈎制作奇唐玄七十二君皆駐蹕李斯有頌二金泥玉簡封函固

今疑

吳觀峰與趙觀連極目淮徐一點烟豈有孔顏窮練馬
但聞孫石隱林泉石中名儒寂寞空遺跡聖母荒唐

失紀年可笑愚民好祈福妄輸金幣不論錢

石屋高寒絕四鄰相傳玉女此修真却疑上古飛昇去
豈愛如今祀禱頻監稅有官防羽士施財惟媿倍他人

洗頃盆在華山頂未審東西是一種

朝雲飛出暮飛還古洞藏雲霄雷間觸石便為天下雨
流膏豈獨海邊山往時祝史誠能格今歲祈求澤尚慳

二麥焦枯麻豆死東皇事不念民艱平上聲

南天門外石巉峨俯瞰諸山培塿多梁父纖微何足禪
徂徠蒼秀尚堪摩盛胸真有雲千疊決皆全無鳥一過

可惜少陵平地望若登絕頂更如何

屢日攀躋興未闌輿僮促駕阻人歡磨崖想樹千餘字

下磴休愁十八盤空有九州來展謁曾無一客解游觀

雞鳴上頂須更返滿眼雲峰總不看

山遊未許避峻峭索隱探奇我獨能上界似無峰不歷

下方猶有典堪來村氓遇險偏生怯俗吏逢幽亦懶登

借問往來冠蓋者水簾石峪見何曾

華道全憑竊帝開五松疑是後人栽片雲輕瀉微微雨

萬壑長聞隱隱雷攬勝自宜隨路歇思歸無奈僕夫催

殷勤寄語山靈道今歲秋冬還復來

午日寄懷從兄繡山

去年長夏借兄園酒脫詩歌樂事繁蕭鼓書船桃葉渡

池塘芳草杏花村無端驅策來青嶽幾度思歸夢白門

羣從分携賓客少佳辰誰與泛蒲根

歸思

草堂三樹石榴花五月開時爛似霞夜夜殘紅滿堦砌

朝朝新綠上櫻紗細細君曾釀葡萄酒小婢能煎茉莉茶

况有胡牀鋪楚簟主人何事不歸家

休夏

年年暑月觸炎威奔走風塵生事微今歲遺遊依郡閭

且如結制閉僧扉葦簾簾暫戒惟蔬食巾襪都除剩葛衣

高枕北牕良足樂只愁江左信音稀

六月十五日夜見月有懷

去年今日客蘇州記與良朋醉虎丘蘇州期前月萬木

叢中無暑氣千人石上有名謳歸時皓月隨蓮舫臥處涼風滿竹樓隔歲相思不相見吳江烟水夢悠悠

聞從子蛟峰補濟寧兵憲寄此

旅食京華方十暑栖遲邸署亦三霜杜詩十暑賦山無三霜楚戶秋無炊每日從鄰借有酒隨時喚客嘗薄祿那能供嘯咏外臺聊以寄徜徉却愁汶水通南北迎送紛紛又不遑

喜撲面到

自別金陵五月餘鱗鴻不見一行書長淮奔走惟憑汝盡室平安且慰予池上綠波添幾尺門前白板賃誰居為言新徙閩丁好豆架瓜棚滿敝廬

七夕宿趙無損進士村居兼晤姚山人冬只

鄭齋相見即相親邀我來遊汶水濱正擬中都尋茂宰

合從南郭訪高人風騷况有黃山客田舍全無紫陌塵

且與閒尋秋樹下今宵牛女亦逡巡

嘉祥贈張護木明府

春去秋來過武城城中瓦礫未全平當年學道知何處此日絃歌尚有聲吟暑懸魚欽苦節荒郊繫馬愧深情委蛇退食猶難飽那得壺觴餉友生

雨中過淮不及上岸有懷范眉生丘季貞聞百詩

諸子

漂母祠前數往來故人相見必徘徊無如河北歸心急又值城西暮雨催傾天泥塗難得上倉皇懷抱那能開菊花時節重過此定就晴軒一舉杯

重至兗州贈李顯公

客路相逢正夕陽到來同寓復同牀論詩夜坐孤燈上携手朝行泗水傍杜老城樓猶有慨魯王官殿更堪傷君家淮右多娛樂何苦披裘犯雪霜

送趙五紘之任南安

期君定着惠文冠此日南遷非所懼但念趨朝多險阻不如佐郡且偷安三江舟楫隨潮上一路雲山撫柁看想到看齊無畏物蠻花千本繞朱闌

廣平贈許復菴太守許先守曹州

東郡曾聞刺史賢南華山下頌聲偏祇今舉策來洛水又見流膏被滏川投簡况容詞賦客開尊不長雪霜天獨憐歲暮歸心劇那得頻頻待綺筵

至日飲申允盟齋頭同今弟觀仲隨叔

薄遊魯郡亦云遠底事侵尋赴郡來總為懷人在洛水

兼之弔古上臺臺歸途只恐歲華盡旅舍俄驚春氣回不是君家兄弟好佳辰誰與泛樽壺

婺源汪策以出其尊人青岩傳索于題之

滏陽河上遇汪生霜夜持杯對短檠為語先人曾守義至今江國尚傳聲腐儒殉難如無益忠憤填胸自不手我友二吳同一死聞君說罷淚霑纓二吳日生大尾也

寄懷麻城劉石帆

都門風雪歲將殘旅館蕭條客被單幸有故人來抵足從茲長夜不愁寒石帆同寓三年魚腹疎音問萬里鴻遠別羽翰石帆新吾欲扁舟游赤壁可能車馬會江子

明年子將楚游

五言絕句

三月晦日

客裏春歸去誰能不憶家可憐桃葉渡無數牡丹花

書寢

長夏觀書倦隨時就枕翻身猶藉倚北窗已過江南

夜坐

夜久竟忘寐一燈昏復明那知鄰舍子愁殺讀書聲

泰山道中賦得尼父昔於此三首

尼父昔於此心傷寡婦哀寧爲猛虎食不向城中來

尼父昔於此遶山訝轉姑何必泰山下此聲無處無

尼父昔於此道逢榮啟期自言有三樂世人知者誰

太白酒樓

蜀客酒一杯高樓名千古多少後來人紛紛委黃土

陵各有時壞此樓長若新須知賀與李只是兩詩人

南池

自古有南池如何唐始著秋雨冷菰蒲是憶青蓮處

當年許主簿附驥亦不朽底事宦游人不飲詩人酒

遇鄉人

君從石城來曾過青溪否我家傍青溪門前數株柳

得家書

旅舍正愁人忽報家書至未省書中言先看平安字

黃河

朝發崑山湖暮宿黃河岸舉首望黃河一望一腸斷

七言絕句

上巳渡江

倦遊纔返石城阿又被飢驅奈若何路北淮南山更遠

愁如江北草偏多

臨淮道中

長淮西望錢鄆山仁祖皇陵咫尺間欲去城南一稽

首只愁痛絕未能還

旅店贈歌者

胡姬十五弄琵琶名喚青萍亦可嗟誰解公孫大娘舞

前身只恐是楊花

兗州

一郡人家兵火殘舊王宮殿獨平安遺民莫上城頭望

芳草萋萋不忍看

五日有懷

朱雀橋邊駐轉蓬茅茨判作灌園翁那知今日菖蒲酒

又在齊州官舍中

五月十五夜夢孫豹人

旅魂終夜繞天涯又過三原處士來似說揚州明月好

暮靄觀渠看藕花

夜坐

酒少愁多夢不成起來閒步候雞鳴滿天星露涼如水

寒鳥無聲鶴一聲

焚香

晝長夜短睡不足童子晨興熱黃熟醒來如對香爐峰

一樓晴雲散空谷

試茶

幽巖嫩蕊產巖阿亦有旗鎗形若何應憤昔人奴事略
結成兵象不爲過一作

柳隱

南牕北牕紙屑屑莫使飛蟲一隙乘借問炎天何苦
不愁煩暑只愁蠅

立秋

郡齋木葉報秋聲客被單寒夢不成睡起秋聲無處
刺桐花下月微明

苦吟

吟聲切切似秋蟲每到秋來吟更工最是夜深人靜後
清增槐影月明中

贈卜者

贈卜者

河向先生口底懸閉門端坐有餘錢羅中不及君平樂
賈誼方知季主賢

七月十五日悼亡

今宵見月忽凄然茅舍同居憶往年菱藕塘邊楊樹下
胡牀露坐不成眠

八月初七日抵舍

三月辭家八月歸柴門楊柳尚依依秋來不比春來路
渡口潮痕漫釣磯

蘇軾詩集卷之三
蘇軾詩集卷之三
蘇軾詩集卷之三

新建陳弘緒撰

吾友方爾止言語文章妙天下而尤長於詩所著詩
言古近體類皆登峯造極一時稱詩者咸以集大成相
推吾無以擬議其妙大約如龔聖予之贊方韶卿者曰
由本論之在人倫不在人事等而上之在天地不在古
今持此二十二字差足以囊括爾止全詩耳歲辛丑九
月爾止從蘇門而上直抵潯陽已又涉彭蠡越章
門過十八灘至庾州歲暮回權復停蕭水春初始歸合
四郡所作之詩題曰西江遊草卽其春夏白門所作不
盡出於西江者而統以遊草名之蓋詩未有不借資於
遊者自屈原賦遠遊宋玉賈誼應事增華他若謝靈運
之於曲阿謝康樂之於晨暮杜少陵之於夔府皆彰明
較著者爾止足跡幾半天下當其盛時馳騁舊都優游
上國指閱閭閻而詠風雲觀文物而歌玉帛固屬丈夫快
意事會幾何時而陵谷遷移舟車所至無非澤葵依井
荒葛骨塗之戚爾止之詩因之遂成變風矣可勝歎哉
江以西自昔多臨觀之美其爲海內所低徊而想慕者
固不獨一滕王閣戊巳兵燹以後靡不蕩爲冷烟推爲
殘礫爾止俯仰其間未免怵惕於中而躊躇於手口其
淋漓而載之泓穎也以視少陵夔府諸篇豈有異哉世
無採詩之官則已設有採而陳之者則此數十百篇固
江以西安上門之圖繪也爾止之有造於吾土不其偉
與爾止固與韶卿同氏族其生平履蹈又同所著念山

集二十四卷忠臣孝子之思悲天憫人之意往往歔歔
嗚咽而出所謂在人倫不在人事者吾今於爾止見之
矣茲編特五鼎中一鐫耳然已足以傳不朽况其餘乎
吾老且病底幾得附韶卿月泉之社以耗餘年知爾止
富不我拒也

念山方先生爾止以詩名世者三十年而與余別不相見者幾二十年始一聚於秦淮酒樓酒罷復別去至是有西江之役自九江而南昌而贛州所適皆賢主人歲暮歸自贛取道臨江而余適官於此爾止艤舟留十餘日余兩人別既久思甚深故相見甚歡已出其所爲西江遊草屬余序余受而讀之匪獨其詩工也西江之時地人事樂見於斯矣夫時有古今風有正變雖沿古製體必繇衷遺情近之論詩者唯喜聲調會吟氣象軒朗取官制典故圖經勝蹟補綴爲工稍涉情語則皆以降格於是前可移後甲可贈乙外貌雄雄中實沈鬱猶村童觀劇但取華冠彩服提金撻鼓作轟雷裂石之聲日爲高調而賞音之士如吳越間善歌者必於江清月白羣賴俱寂時哀絃細管按拍成聲或疾或徐髮樂各極涕笑無端是之謂能移人情爾止爲詩多主此論雖民謠里諺金巷瑣事皆可引用與會所屬銜口成篇人或疑爲率易不知其慷慨經營一字未安苦吟移日故其詩真至渾融從肺腑中流出絕無斧鑿之痕殆老杜所謂漸於詩律細者而豫章當洞察之餘師行絡繹供億煩苦民不堪命其感時事則悽愴傷心敘騷愁則鬱紆承歎登臨則望古而奮發交遊則慕美而繼緇後之觀者必有感於斯言余尤惟世人多薄視香山而爾止酷好之輒以爲爾止病今試取香山詩沉吟三復清

其如話飄然欲仙卽其雜文短記杆杓已懷寓目流連
愁疾自解不煩藥石豈可以白俗二字蔽之哉嗟乎此
固未易爲耳食者道也爾止有念山全集數十卷藏於
家此後每歲出遊必成一帙故有北遊魯遊諸刻而余
獨序其西江遊草云

伯牙學琴于成連至蓬萊之山刺船而去伯牙心悲但聞海水蕩滴羣鳥悲號仰天歎曰先生將移我情康崑崙學琵琶于段師段師曰本領何難又曰使崑崙不近樂器十年忘其本領然後可教夫詩者忠臣孝子之怨慕壯夫烈士之悲吟山川今昔友朋聚散之感慨其中有所激發不得不形諸咏歌尤情之深者也古之善言情者莫如陶彭澤杜少陵白香山其詞淡樸真至使人無不可解而卒不可到其所以然非一日之積也彼先有孤超曠絕之懷渾灝靜深之力忠孝憤發魂福不可自抑之性沉潛于中隨所遇而取之人不能至而致至焉此所謂本領也本領先劣而後于聲響字句之間敲易以求一當非艱則妙而情鬱矣或故張以憂鬱烈極之言而情乃益遜此一藝之士所卑笑者而欲自命為詩古無是也吾友方爾止以文名天下有年其于詩獨好彭澤少陵香山而摹擬之予嘗讀其燕遊魯集淡樸其至居然一香山也近又集其辛丑一歲所作為西江遊草約二百首夫爾止之于吾江所遊者惟南九臨頓四郡耳何詩之多如此既而思之吾江之下諸省際變同而受既異其斬艾燔灼垂十數年始定而枯瘠之遺推殘憔悴尚未已也捫滕王之故墟骨餘白焉吊潯江之崩流血餘赤焉溯十八灘之峭嶺嶽峙山餘青而水餘綠焉此之遶海此亦宿冥汨沒鳥號心悲之

候也爾止以其新孤落拓之身忠孝壯烈之性遇友朋而纏綿過山川而愴嘆其于情之移亦已至矣二百篇猶奇也顧疑其多乎夫其不能不詩者情也其詩之所嗟乎爾止以斯耽不釋之才使其龜勉于世功業可立就爾止自放廢百折不回雖作為文章其致止足自娛而已此歐陽公序梅聖俞詩所云世徒喜其工不知其窮之久而將老也而爾止浩浩焉若將終身者蓋天將縱爾止以詩使與少陵香山諸賢爭千古也復何恨哉爾止為予同籍密之諸父行密之戊戌冬訪予山中爾止盱眙間當爾止西棹時予以拜馬素修先生墓往錫山不克情今歸有日矣密之且與予有結茅蕭曲之約爾止能重往乎入三峽而探紅泉石磴之遺登麻姑壇尋魯公碑坐方平話滄桑處其于移情當更有進于江上琵琶閣中帝子者予將懸江遊續草之目待爾止矣

西江遊草序

前門周體觀撰

夫學者有志於當世之務鬱而未發形於詩歌持以自慰
名翹然以才自見讀者感焉若夫遊世無悶之士獨行
高尚外無所慕一彈一咏性情自幾而已苟其中有幾
微未平而太上無徒間雜風刺閉門木榻絕俗而立君
子亦病其用意之未廣也念山方子爾止少有重名傳
通六籍多所著述而尤篤好風雅富於辭翰氣岸軒昂
議論縱橫不可謂非有志於當世之務者迨中更不造
貌貌神傷毅然息焉十餘年來確乎不投雄古石隱之
士未有果於此者然於朋友之情江湖之興固未衰也
每一出遊其所為詩動盈卷軸要皆標舉典會陶寫性

念山讀集

明倫彙編

靈怡然順理渙然冰釋絕無哀怨激楚之意而一歸於
潛德之音善乎其自處夫才與遇也戊戌冬自燕薊歸
有北遊草以續於念山集之後論者比於少陵夔州香
山洛下之作庶幾近之矣已亥春客彭城秋客西陵則
有徐杭遊草庚子之兗州則有魯遊草辛丑之豫章則
又有西江遊草會是時予官南昌爾止見訪留予署者
旬月遊覽贈答之作曲盡其妙已又去蕭灘入虔州與
施少參周司理輩互相唱和其詩益多機而不率豪而
不轟悲而不傷怨而不怒真得風人遺意予讀之不獨
歎其詩之工更歎其作詩之指為不可及也因題數言
於其簡端

西江遊草序

大梁周亮工撰

古人為詩未有舍性情而專言格調者今人解稱格調
而反畧于性情此詩之所以不古也夫詩以言性情也
山澤之子不可與論廟堂華曼之詞不可與言頽頽其
情殊也今無與于頽述而補叙其貌本無所感慨而涕
泗從之以不情之悲喜為應酬之章句所謂輕鐸之不
中于音也而挾其行卷翹然曰我盛唐我六朝也余痛
惟之而世俗之見鮮與余同惟吾友方子爾止其論詩
與余最合蓋余聞爾止之言曰三百篇尚矣屈宋而後
足以追踪繼響者惟漢人樂府今觀其戰城南陌上桑
孤兒病婦諸行以及焦仲卿妻等篇指事屬詞微言托

念山讀集

明倫彙編

諷為後代高會之規矩而少陵香山其源皆出于此雖
氣格聲響不能盡一而風旨所歸先後同揆期于聞者
足以感動而後止即有善析者不能岐兩家而使之異
轍也而耳食之士遂以少陵獨步非香山所可幾豈足
為通論乎今使世之為詩者苟能推白之坦途以合于
杜之雄渾開闢頓挫自為一氣方足雄據作者之壇若
夫摘裂字句補湊成章至於前後易置不可致詰卑卑
不足道也爾止之論與余合若此爾止之詩初出猶為
人所驚恠越數年而漸習又數年而玉叔尚白與余輩
後先倡導之而爾止之教述大著於天下茲西江遊草
出其為海內所尊信而誦服無疑矣固無俟余贅獨異
爾止根蒂前古發之詩歌為于舉世未為之日而一旦

翕然從之苟非有深識定力當羣議而不撓烏能卓然自立成一家言乎余故舉其所論少陵香山之合者如此以見詩人之卓然自立能成一家言者中必有所挾持非泛然而爲之也

皖相方 文爾止著

孫枝蔚約人

同學 紀映鍾伯紫 潘 陸江如 定

范 良慶生

五言古體

寄懷濟寧楊聖喻兼寄令弟聖美聖企

我歸自洛州取道於涉陽是時任城外雪深三尺強下

馬不能立手足凍已僵且莫入官署是時從子岐假寓

山僧房此地雖寡文素心有二三楊相送來河干各賦詩

一章其言悽以惻其氣慨以慷稱我老詩人斷愧何

當明且即分手揮鞭去江鄉驢背吟此詩春風動微茫

因思平生友各在天一方山川逾千里安得同匡牀不

如荷泥燕歲歲巢君堂

題王望如白雲書屋圖屋在荆都獄中

白雲是何所乃有讀書屋良以素心人為學恐不足少

年游莠苑明敏冠羣族中年官士師平恕緩百福豈知

慎刑者反自罹刑獄私心本無愧何患手桎梏隨地結

茅茨當應種花竹中藏書百卷曉夜時時讀生死了不

關神情澹而穆一朝筮雷雨解網還山谷翻憐此屋空

誰可繼芳躅黃生為作圖清風景長在目從此青溪畔

高齋肆遐矚只恐鸞鳳安焉能久離伏

施尚白少叅社集秦淮分得來字即送其之任臨

長夏久無雨缺澹生黃埃何况都市中車馬轟如雷惟

有古青溪一水尚淙淙使君適遊此俯仰懷抱開向夕

乘涼風嘉會羅羣才放艇八中流已復登岸臺謂言金

夕聚明且吾將回八月泛星查直至彭蠡隈把酒不須

吏行矣舟人催洪都未云遠秋盡千亦來東湖與南浦

或可相追陪良晤雖有期惜別仍徘徊

江行卽事

我從白門來買舟一葉輕微風牽百文頗愛秋江晴夜

半雷雨作危濤使人驚岸傍有巨艦所載鹽萬窰因乞

附其中柁樓寬且平無風既不動風小亦不行留居竟

江邊五日難為情回看諸小艇揚帆各前往彼處

力日進百餘程我何取買船務大徒虛名仍呼小艇去

早至潯陽城

過彭澤有懷董澹園明府

吾與董明府手生未謀面不知何因緣彼此情縈結往

歲舍弟思江阜偶相見隔口即問予并問予所撰自言

金墓久無緣共芳醺最愛龔山詩手錄成一卷每日訟

庭間高吟十餘遍是時我北遊孤蓬隨風轉此語絕未

聞星霜凡幾變今秋晤舍弟始道君深眷雙鳬既已歸

尺鯉何繇薦江行至彭澤是君所治縣遺惠在人口堤

堤談不倦我矚感知已臨流淚如霰

南昌訪周伯衡觀察二首

方春理桂楫江上雲陰陰一夕風雨作兩岸泥塗深迥

送已不及馳思勞我心仲夏倪生歸傳聞多好音宣
齊無俗事坐臥惟高吟水雪淨君懷豈肯同塵襟平生
敬愛客風雅道自任所以老布衣千里來相尋
前年桃葉渡贈我蠻花詩中有南州句共醉且勿辭
見南州之句今果至南州斯言若先知况復施與宋
其伯同官俱在茲才力各強健三人必有師所願出各
酒痛飲黃花時或登滕王閣或訪滌臺祠但恐俸錢少
延賞無其資

寄藥地上人即從子寄之

自公去肝江三年音信斷今春徐子來云在廩山半
學道既已深著書復無算所借山中陋罕與質疑難長
江二千里烟帆影相亂我欲往從之遠遊每難歡

來彭蠡即問肝江船不國章門外忽逢僧塔然自
言藥地徒本師將南旋廬山歸宗寺後有玉簾泉向陽
一小樓可以終餘年審爾宜趣駕不必更遲延

廬陵趙園子讀李太虛先生召對錄悲其言之
不用作五言排律百韻弘瑋瑰異洵詩史也予
欲取而注之并刻以行世先成三十韻書其詩

後

甲申三月中妖星犯辰極司馬不知兵 天子憂形色
獨有李中允抗言利遯國 祖宗建皇居原不限南北
六御如飛龍兩京為羽翼况乎親征事歷代有典則
赫怒整王師小醜咸始食詭迹 二祖風慎勿拘繩墨
是時、聖心動翠華將南陟一日三召對安危在頃刻

商儒昧通變封章反見効卒致都城陷 國君徇社稷
漢祚遂中移追悔不可得假使用其言奚至有改華當
時左右史簪筆侍 上側記其召對語詳盡頗不忒虛
陵草莽臣讀之深歎息奮筆作長句忠憤吐胸臆自古
亡國者往往多失德豈有堯舜君反困於盜賊人心恨
難平天意育其測始悟中允言展矣萬夫特詩成累百
韻序次得其寔音韻復和諧比偶亦修飾苟非曠世才
焉有此鉅力但其義精與淺學罕能識我欲為之註觀
者庶免惑尋當授梓人永為詞家式即此一篇詩足以
傳趙疑詩云克岐克嶽

贈章聖慈司理二首

天崇聖方蓋文事日已靡聰明才辨人波謫復雲龍
潛章先生曠代自興起能以古文法揮斥聖賢理圭方
而壁國妙絕無與比後生誦其文往往稱青紫君獨困
林泉陸沈遠二紀頃乃迫功令一官授司李維曰國風
歷此志白於水天下同心人諒其不得已

神交二十載金墓非一端所以燕市中一見如舊懽為
題抱驚四字字青琅玕但恨馬蹄促不得久盤桓聞君
遊敝里我先去河干漁樵屨垂問傳聲至江端今我遊
南州失路多噴沔偶於宗伯坐李太虛相逢話艱艱願
念無衣客朔風淒以寒豈不望緜袍欲語心悲酸

贈趙千門司理

昔我遊京師出塞訪吾友吾友宋使君廷昕久共杯酒
為言趙千門才調世罕有風期復散朗稱贊不離口我

心儀其人恨未獲聚首豈知趙子來卽在我行後風塵
暗相失惆悵爲之久今年客南州君適官江右班荆話
舊昔神交諒非偶不知詩酒興能如使君否

十八灘

昨歲遊泰山曾上十八盤今歲遊虔州又上十八灘盤
險侍與夫輕雲度危巖離險侍舟師亂石壅奔瀾二百
四十里如行戈劒端舟師稍不慎大小皆摧殘以此懷
戒心寢食弗敢安順風亦三日乃始至儲端一作齊在
二十回思所歷處尚令毛骨寒牲酒謝神明同舟人盡
權

留別周計百司理二十韻

我來章貢城作客二十日日飲君酒言笑何歡客官

舍櫟重門不辭不得出此地良足懽無奈歸去疾君聞
我歸去惆悵若有失華堂夕開燕所召皆吾匹吹笙復
鼓篳彈琴又弄瑟未忍輕別離離離鳴燕始畢嗟我蓬蒿
人少小富文術結交半海內虛名過其實老大竟無成
懽愧江淹筆世情慕榮顯誰肯敬隱逸今秋南浦游飢
困人莫恤邂逅遇君子傾蓋成膠漆邀我來虔陽同舟
且促膝縱談詩與史契合諒非一更念客遊苦分金至
四鎰勸我勿孟浪還家置側室晚歲生佳兒庶可失衡
泌感此高厚情揮涕難具述

生米潭寄懷尚白少參

蕭灘分手時期晤章江渚我辭歸櫂急恐不能待汝豈
知沙洲外春水纔尺許舟重易膠淺累日空延佇聞君

官舫來相望不得語推挽借舉力帆檣始一舉私喜且
晚間可以慰羈旅及至生米潭又被風濤阻去年君過
此云亦遇風雨懷我作長句其言與以楚我今吟此詩
篤念同心侶安得似田家長年共雞黍

江上晤劉遠修卽送其遊山東

憶昔檣木師送我楚江上同行者二千遠修與希亮也
余宿舟中未別先惆悵感此深厚情十餘年不忘舊師
旣已寂二千幸無恙思君老且食孤蹤獨飄蕩江干多
相遇驚喜殊過望世亂何所依主人最高曠獨將去海
州海嶽恣所向南池秋色佳我來共酣暢

將近橫陽舟中遺興

孟秋江右去仲春江右還客行四千里始見橫陽

陽無我居居在泰淮間過此復五百方能抵樂開年
日已邁曷歸日已班何爲食遠遊所歷多險巖今歸衡
茅下身倦且休閒蒔蔬與種藥聊以駐衰顏

浦口過江

虔州去金陵二千三百里涉江難云遠順流亦易爾但
遇西南風旬日卽歸矣我歸自章江歲暮朔風起况聞
章門外兵馬多如蠧私心懷百憂行行復止止因循至
春仲始泊烏江浹此地屬和陽還家路無幾半日波浪
平可以見妻子那知春雨作北風吹不已舍舟而登陸
揮鞭逐長耳浦口又逢兵洶洶行李江船莫敢渡假
寓茅菴裏中宵憂轉劇輕裝四五徙雞鳴趁漁舸曉渡
空江水

七言古體

文德橋步月

青溪夜半涼風發獨步溪橋看明月月下何人吹玉簫
含悽吐怨聲初歇憶昔年少來金陵兩岸樓臺千百層
瑤笙錦瑟家家曲盡舫舫珠簾夜夜燈如今未及三十載
城市蕭條風俗改居人對岸情無譚月色波光似烟海

東林茂之先生

八十二翁筋未衰往來都市如童兒尋常過我草堂慣
今年暑月何悠期祗因雨課患創癰出門徒步多艱危
周公勸用楮桃葉不識此方宜不宜附元亮司農以楮
葉治癰云有奇效
答施尚白少參見訪之作

去年我向歷城遊華仁山沈樂仁木末恣冥搜到處見

君所題石高風逸韻垂千秋今人仕宦惟干祿山水詩
文意不屬即今迷隊憇林泉那有篇章實嚴谷使君風
負天下才睥睨一官如浮埃平生篤好在山水但聞名
勝心頗開前年視學來東土星輅歷遍齊與魯瞻懷古
人求遺蹟廢者興闕者補及登秦岱觀滄溟夜半日
出光熒熒登州張市更奇絕老坡未許誇仙嶽以此新
詩數百首登臨贈答無不有橄欖藉以生光輝豈止芳
腴膾人口我讀君文誦君詩停雲千里長相思春鴻秋
燕每不值曾託芹溪蔡四為致詞今年君自武林返訪
我衡茅不辭遠賁交本是廿年前此日重逢猶恨晚明
朝便欲去匡廬聚散勿勿意不舒二孤五老昔所賞茲
行游詠當何如我有故人權淹洛欲往從之罕儔侶樓

船倚肯附遺民一路雲山供笑語事詳前正館
方集九江閣

烟水亭歌為崔正館計部作

九江城北江水濱九江城西湖水平湖中央有古臺在
臺之四面烟波縈昔賢於此構亭子遠眺廬山近淦水
羣公暇日攜賓客置酒遊觀信為美左帥兵從武昌來
千萬人家化劫灰此亭隔水幸未燬棟半摧殘亦可哀
又十六年壞已極仕宦何人肯修飭推關使者崔大夫
過此停車三嘆息慨然捐俸百金餘立召工師來拮据
旬月頓還其舊制秋晴開燕臨前除我往南州泊江渚
訪君官舍淹行旅詰朝與客登茲事石門雲屏咫尺許
是時江上紛捉船使君開賦虧不全高情豈肯同俗吏
龜勉從事湖山邊假令充祿如嚙肯定知到處搜遺蹟

香爐草堂久凋落庀材重建君健情直建草堂事誠難

琵琶亭址在江干但能修葺如烟水長與詩人來往看

東湖行

南州古蹟非一處惟有滕王閣最著滕王唐祖之從子
其性驕淫虐庶民庶當時建閣亦偶然豈知輪奐垂千年
祗因王勃一開燕遂使閣與詩並傳金聲桓桓變遭回祿
撫軍蔡公重修復章門遊者誇勝槩獨我來觀意不屬
南昌城內有東湖湖水澄泓似畫圖昔賢徐子暨蘇子
皆於此地稱潛夫二子高風峙千古舊宅依稀莫可親
湖心曾構孺子亭湖干又築雲卿閣先是仕客來南州
鮮不攜酒東湖遊一從兵燹亭園廢因循十載無人修
郡縣有司既葺葺邦人好事者亦少高樓廣廈諒難成

種樹編籬寧不好豈有下陳養楊之徐孺子却張浚幣
之蘇雲卿反不如奪典錢妻之李元嬰新唐書王元
州時聞人笑美則以犯命召而逼之典錢妻
則與氏不受辱其面被王懸旬月不封

霜蟹行

少年嗜蟹有奇癖每啖能兼五六十當時癯腹酒亦多
日日高朋紛燕集中年世變心憂前食量漸減不如前
恣啖猶能二三十所恨囊空無酒錢即今五十平頭遇
脾弱僅能啖十箇其價日增錢日少老饕不厭愁無那
况復移居石頭城此方所產瘦而輕暮秋時亦供七箸
稍稍添指難為情今年九月客江右水鄉鱗族多無數
中間紫蟹大而肥漁人誇是經霜後青錢三百買十匡
剝取脂膏丹且黃左手持蟹右手飲三焦積熱為膏涼

陳士業讀書樓歌

只是平生惱獨酌一杯亦喜人酬酢南昌俗儉交又寡
所以賓主長落落寄語故人倪閣公莫將官舍此樊籠
秋清步趾來吾寓判把霜蟹對菊叢

章江門外江水流上有二閣凌高秋二閣之間復有閣

是為陳子讀書樓陳子先世家城裏嵯峨甲第連雲起
一從世亂化為烽別構茅堂傍江水數年始建此樓居
軒豁寬平好讀書春雨秋雲憑眺望水光山色浮瞻眺
我來訪君上樓坐無數烟帆眼中過須臾酒饌出貧厨
竟日淹留相唱和方今世路多險艱幾人環堵得安閒
君家有此即仙窟不必更羨蓬萊山

李太虛宗伯招同黎左巖學憲飲陳士業徵君讀

書樓用王子安體限樓字各賦詩三章

南州何處堪游泳滕王鈞天二閣並二閣高華雖可觀
無如扇鑰兵為政中間別有讀書樓萬壑千峯在上頭
主人好客時招集不必重尋二閣遊

陳子結交遍海內同鄉轉少同心輩蘇萬劉徐俱不存
蘇武子萬俊先李黎二老猶相對我到章門訪舊遊因
之攜手登茲樓莫道閒吟是偶爾他年邑乘垂千秋

李先生是文章伯黎先生亦神仙客鳴珂不忍話當年
舉杯且共延今夕江上漁人弄小舟烟簑雨笠自風流
憑他斗大黃金印不換元龍百尺樓

新塗訪施尚白少參

九月送君蕭水去期我十月來樟樹地我來君又往金
川馬首相逢太勿違猶喜黃昏入署中張燈把酒話飄
蓬雄然分俸無多少古意慙慙自不同

南風歌

天道難明有如此冬月南風發不止我溯章江入贛州
八日纔行三百里間說前途更險難此時不到何時還
若能轉棹隨風去千里金陵咫尺間

初至虔州遇黃伯圓即送其歸南昌

憶昔玄冬客番湖與君除夕醉屠蘇開春三日即分手
曾為我作廬山圖筆精墨妙今尚在但恨離居將十載
忽漫相逢章貢間年髮雖衰顏未改奈何我到君又歸
携酒江頭送落暉臨行留戀不忍別重寫廬山老布衣

足日伯國馬
下作若吟

贈高淑觀明府

高君釋褐十五年兩宰大邑聞與皮同章紛紛至公輔
君猶贈履久不還東帶何慚見鄉里且看南方山水
幾番欲賦歸去來文法拘牽不歸已一朝騎馬章貢城
與我乍見肝膽傾自言夙昔有神契况兼累世多交情
是時歲暮天雨雪忽忽聚散愁堪絕稍晴期上鬱孤臺
痛飲狂歌莫輕別

就亭歌爲尚白少參作

湖西分司使君署乃在城東最高處俯瞰蕭江水上雲
遙望閩山州裏樹使星東是少微星雖居官舍風冷冷
既倚芙蓉結爲屋又取簣簣作亭世人鮮不愛華嚴

高日臺

上

高人視之同糞土石崇金谷祇須臾葛亮草廬自千古
厥名就亭意云何取其簡易不煩苛使君爲政亦如此
日日亭中聞嘯歌

題半山禪客卷

前題者爲潘又木環駁人出子
詩天王王路上陳伯機贊牛十

羣公一卷水雪辭持贈者誰半山師半山往往向人歎
此中獨少方生詩何意蕭灘與我遇僧房茶笋日相聚
江淹無以擬湯休想別聊爲碧雲句

除夕歎

去年除夕歸自北行幸到門天已黑今年除夕客南方
江路逢兵歸不得山嶽凝望眼將穿只道今年似去年
高樹夕陽鴉影亂尚尙小女泣門前

五言今體

和龔孝升都憲送周元亮司農南歸韻十首

白門春尚早新柳未藏烏地僻朋儕少年衰意興孤懷
人在釋綬何日返江湖仰首雲中鴈歸心托寸蘆
柴荆微雨遇有客道君還我正愁臨水聞之喜動顏好
風吹馬首計日到龍關江上春陰久初晴見遠山
秦淮曾卜築來往盡詩人自人燕山去鶯花寂不春
知今袂日忽返舊吟身家破仍餘酒酣歌勿慮貧
釋褐年方壯俄驚頌白時宦遊多瘴海助伐著蠻旗節
與松筠並讓從貝錦爲累匪心不懼自有鬼神知
聞君廷獻日天眼劃然開匣地狂風起迎春淑氣迴始
明投杆誤爭歎濟川才只恐微書促難客隱釣臺

舊山興

西江胡

上

草閣臨桃渡迷名學灌同與君居密邇無事日過存難
茶花間酌風騷燭下論藏書千萬卷對客任掀翻
杖藜南郭外一徑入山斜古寺尋高座香臺傍雨花
人偏化鶴風樹每啼鴉寂寂禪房裏猶停度柳車
孟夏初弦月先期張矢懸思親惟禮佛謝客且迴船無
計長溫清過時尚粥飯節哀聊自慰祿養已多年
憶昔庚辰歲文章聲價饒腐儒曾月旦良晤各風飄萬
事餘衰鬢重逢話舊朝問年俱半百春酒不須邀
君出都門日誰無遠送情河梁詩十首高唱自龔生精
衛心元苦馮夷氣不平南歸多和者俗眼漫相驚

贈羅原村

原村何處是乃在黃山西君昔家於此終身懷故鄉王

維詩裏書羅隱客中棲草樹年年長歸時路恐迫
原上之句

秋至橫川

六年江海客今始到山家望曉知松樹穿池見蓼花遊
蹤仍未定詩思浩無涯笑指雲開處青峯是九華

八弟退谷開余歸枉步湖上留別

四首

昨爾來江國先期我去淮不能同桂棹獨使寓茅齋及
往濟州署又遊洛水涯所差俱一日處處惱人懷

今秋歸故里不喜入山城相約出郊野欣然冒雨行六
年添老態一夕慰離情絮語那能盡村醪緩緩傾

枕被雖同宿明朝奈別何却憐時促迫轉望雨滂沱
亂田園少飄零感歎多白頭老兄弟安得聚烟蘿

金日義集

西江雜興

四首

彭蠡吾將去蒼溪爾亦游橋鳥風上下江屬信沈浮作
客誰先返千人勿久留歸時過草舍重與醉新菊

中秋夜泊望江

屈指今宵月溥陽官舍中故人應對酒客路尚飄蓬江
水浮蟾兔雲沙落鴈鴻不知崔計部清譔與誰同

九江訪崔正誼員外

四首

昔弭淳湖樵曾遊仙今門高文獨相契新脫一何繁始
至情偏篤重來義更敦自慚魚與雀猶未報人恩

小別十餘載無因寄片鴻每懷香漢上長入夢魂中奉
使江州遠揚帆楚澤通相過一相問豈直爲途窮

東南山水窟奇絕是匡廬下有郎官署真成島嶼居平
生與不淺登眺意何如果里吾遊恨還期覓笋與

往年聞使者會計不須愁此日商民國能無稅飲憂濟
川才自裕垂釣客何求心事憑尊酒秋江卽溯游

九日飲周伯衡憲副署中同倪閣公作

八首

四時分節序九日最含辛况是飄零者兼之風雨晨登
高難着屐獨坐欲沾巾幸有周觀察連朝作主人

主人能愛客客亦竟忘歸設酒多無算談詩妙入微
雖牽吏事夜必造書幃坐久不知倦霜寒但授衣

倪子富文藻讀書官舍中人師真不忝老友况能同
足話深夜驚心聽朔風西江有歸夢一路向江東

白門逢九月無處不黃花此地菊偏少當簷種也嘉
齊聊過目失路倍思來既有東維在何爲天一涯

歲稔猶無食那經年又荒南州米價賤遊子轉歌長
金日義集

西江雜興

四首

今如鴻鴈謀生只稻粱九江來幾日又欲去虔陽
十月陽生後聞君亦渡河此時寒已甚去日雪尤多

轉盤方玉仍愁宦海波不如外臺使江上聽漁歌
年事至重九如人漸老時霜前催木葉菊後少花枝

晴原催猶減陰寒愁可知祗應對風雨獨醉復吟詩
詩思入秋好佳辰安可無但能吟蟋蟀不必佩茱萸

自顧癡狂態渾忘貧賤軀非君敦古義誰與慰窮途
旅夜

客舍已凄苦况聞風雨聲一杯消永夜孤燭坐深更
飢鼠分行出寒雞失次鳴此時心眼靜歷歷悟浮生

信至

家人書信至望我早歸來尚欲雙江去
重寶二水合于虔州謂之雙江

那能十月過廬無終歲果要有治生才門外多疏圃辛
勤刈且栽

新淦訪施尚白使君一宿而去

白門曾折柳相約至蕭灘不料催科急空令病旅愁
杯仍燒旋書札亦琅玕足時向白使君各屬微通賦更向
虔州去歸來歲已殘

纔收那頭淚王貞白又滴蔡生墳挽句舟中補哀聲外間詩事大補史人驚愕蕭絲看入微蕭絲看入微蕭絲看入微
宛雅許鐫文文今以蔡作蕭人此事今人少

高風併在君

哭蔡芹溪四首新淦尚白韻

老友十年別去秋來白門樓惟先下我記前各情

訝見遺句渾如永訣言壘間詩果誠重讀暗聲吞

仲夏暮山至符傳君臥在牀老猶食楚藥病不廢詩章

有室妬偏壽無兒繼亦殤梅餘三歲女提抱哭身傍

憶昔辛壬歲辛壬年已嘗同宛水舟梅徐相唱和三麻沈

亦淹留景山四子俱黃壤唯君到白頭那堪又凋謝妻

絕敬亭秋

平生肝膽重世態總浮雲一死交情見無如施使君衣

酬吳子劍書報鄂人斤况是吟聲苦悲涼不忍聞

過十八灘

正愁舟楫險又復上危灘霜月水初落災方冬不寒家

貧惟仗友世亂敢求安况有同心客村醪夜夜催

贈畢仲青郡丞

郡齊兵燹後零落似荒村君到始重開樓成復有囑一
亭明月小千本素華繁日日招賓佐香光撲酒尊自謂

南方珍林麗宋荆一名林麗謂嘉種聚於斯偶入舉香

國惜非三伏時高堂名暖雪室名痛飲對華滋水本

金陵少歸舟乞一枝

答曾庭聞孝廉見贈

魯江曾載酒送爾去西秦本是茹芝者今為折桂人貧
難安龍臥亂且淵風塵名易心無改庭聞舊名齊相逢

感歎頻

別後同漂泊傷情是悼亡贈子詩人首對爾淚千行別後同漂泊傷情是悼亡贈子詩人首對爾淚千行

惆悵又鳴榔

施尚白使君書來却寄

江開風雨夜正是憶君時忽有雙魚至其中數首詩霜

天傳隻影歲暮促歸期感此纏綿意增予伉儷思見前

度州將轉權蕭水必經過小泊入官舍新詩與和歌既

知時脫晚不敢恨踉跄加惠無窮已貧婪愧若何

壬寅初度奉酬尚白使君起皆用律句

元日到人日栖栖官舍中稱詩懷抱合望古詠歌同律

細頭應白更深燭尚紅來朝置春酒又欲壽衰翁

百年已過半萬事總辛酸酸酸非吾分箕裘何獨難食

貧勤婦女畏既忍飢寒但得熊羆養餘生稍自寬

歲暮遠爲客開春猶未歸
羣應兵馬阻遂使室家違短
棹停新水華筵愧舞衣對人
維強飲飲罷却獻歡

淮內文章伯聲詩妙絕倫
識途憐老馬琢玉恕工人
來道從來厚名言只是真
他年君不朽吾亦附千春

正月晦日守風生米潭

久客潭無賴言歸及早春
那知入正月又復過三旬
沈漫膠舟易風狂鼓浪頻
年來多失意處處有遺屯

南浦歸思

章門三十里欲往尚艱難
何況異鄉國焉能生羽翰
我家桃葉渡此日杏花殘
芳徑無人掃停杯飲不慚

寒食泊東流

江上朔風急孤舟不敢移
况逢寒食雨更覺客心悲
國經年別家人待米炊歸
途偏阻滯安得救朝飢

送沈治先歸宛兼寄令兄眉生

秋江同作客春水又同歸
何事栖遲久仍嗟生計微
對林聽夜雨把酒問漁磯
坐惜沙邊鳥乘風忽背飛

賢兄真處士抱道隱深山
人世空相憶雲鴻不可攀
舊交多白骨辛苦老朱顏
獨有鴿原好今年又出關

泊西梁山有懷舊遊

江北多奇士無如戴敬夫
詞源運屈賈書法擅歐虞
家與天門近身隨國運徂
平生交不淺感動獨長吁

故人曾孺發早歲隱天門
一命去荆楚終身復園恩
專征曾秉鉞垂死復歸園
澤畔行吟處重過欲斷魂

七言今體

苦雨家蕭伯蘭孝廉

積雨經旬土銼荒因思頭
白老蕭郎時懷不肯干人
祿落俗誰能餉爾糧一老
殘書消永夜數竿修竹倚
斜陽

送陸漢東孝廉歸粵并謝其贈研

當年東海受殊恩此日無
端走薊門一到黃河催轉
轡重來白下暗傷魂江樓
送客逢春雨石硯遺千帶
墨痕

蕭伯蘭家移竹

小園修篁數十竿兵兒一
過總摧殘情知此物生元
易偏到吾家養豈亦難粉
籜又從鄰友乞霜鋤須趁
雨

寒明年便有龍孫長索酒來將竹母看

荅黃波民見訪之作

一月春陰黯不開蕭條三
徑長莓苔墻東始見朝曦
出竹裏俄驚道友來破戒
有詩真妙絕近見自詩失不作
留惟無酒却空題碧桃紅
杏垂垂發期與林翁共舉
杯

生齋頌

南中舊友存亡半餘我秋
人皆老蒼却惟經年纔一
晤不知終日爲何忙桐陰
偶聚當初夏茗酌相留到
夕陽

壽盛茂開山人八十

潤州城外柳條新客舍同棲意甚親轉眼廿年如夢寐
平頭八十尚精神書成近巨方無愧黃子久文莫論此時論後世貴人終
不及山人

內子初度前此初度者二子

細君歸我甫三秋我去杭州復寬州兩地遙憐懸悅日
一詩先附渡江舟今年何幸免爲客盡室維貧亦不愁
手杜似身賜將數子野塘朝夕共沉浮

七月初三夜過周元亮先生小飲有贈是時江雨

今年奇熱往年無下溪田乾井亦枯獨臥茅簷客懶攪
欲尋芳徑幾踟躕新飲見月纔相訪涼夜開尊不待歸

多少蒼生望霖雨蟠龍未許戀江湖

宦海浮湛二十秋暫歸林壑亦悠悠吟時撫枕風生席
醉後窺簾月轉樓有客和歌良足慰無錢買宅不須愁
回思燕市驕孤日此際真如蓬島遊

與王燕友銀臺感舊有贈

車笠相逢易水濱每攜羣從古偶則醉蕭晨鴨江一去
皆還客鳥巷重來少故人寓正當秋開迥放懷偏與酒徒親別時贈我楚壘楚壘友會以索飲封缸不服

頻封紅酒名

釋褐離疏未幾年歷官禁近似登仙致身野貳亦何早
軫念漁樵各有天世上風波多險絕山中松桂獨蒼然
勸君且莫催征騎也向青溪買釣船

喜錢牧齋先生惠書復寄

少年曾作虞山客親見先生半百時稍長服膺初學集
近來心醉列朝詩琴川不遠難重到鍾阜相望一寄詞
何物腐儒蒙記憶漫勞千里報瓊枝

屈指今秋是人旬先朝耆哲更無倫擬同詞客來爲壽
却訝長書謝所親實有羣言思就正肯當吾世失斯人
相遇定在明希夏猶及磻溪垂釣辰

喜張繡虎卜居相近贈此

六朝風景在青溪烟水蒼茫路不迷我學灌園郊古利
君來稅宅傍秋畦袖中詩卷交相賀郭外游筇每共攜
倦鳥投林隨處好湖山那定浙江西

李研齋舊史遷居秦淮過訪有贈

初開瞿塘歸未能廿年蹤跡滯金陵居郊十廟嘗雖遠
步出三山孫德爭勝恰喜新秋移水檻預知窮巷有
詩朋相過百遍休嫌數買酒無錢感又增

東李岷瞻進士

仲夏相期訪薜蘿藍輿無奈赤輪何只言伏盡暑當退
豈料秋來熱更多久旱必須時雨降小園端望故人過
知君節飲遵嚴訓自汲山泉淪茗柯

張僧持賣藥南都詩以贈之

僧持前世必高僧母腹間厯已不勝合室長齋饒慧業
早年博物擅修能倉公文以醫方著韓伯名隨市女稱
但惜今人多嗜乳囊中寶桂日頻增

采石訪孔千一不遇

蛾眉亭下請仙祠會寓其中人少知獨有孔融頻載酒
每懷謝朓一題詩比年離索無由見此日殷勤問所思
君又出門空悵望西江烟艇欲開時

蕪陰訪羅原村

昔隱于湖三四秋與君情分極綢繆居停不遠過從慣
飲啄隨時笑語稠萬里風塵憐我別重來霜雪上人頭
江關握手何忽遽烟水茫茫無限愁

九江送周園客南歸兼懷元亮先生

淒淒風雨暗江關咫尺蘆峯不可攀彭蠡濤聲憐我去
秣陵秋色羨君還家書煩寄荒陂上樽酒難分逆旅間
暇日趨庭如見問爲言衰鬢一時斑元亮與子同庚云

周觀察署中喜晤倪開公

五月君從江右還手攜吟卷扣柴關詩情澹永陶兼謝
書法精嚴歐與顏如此才華淹草澤是何年少立朝班
遵時且莫傷貧賤自有名垂宇宙間

小艇沿江上下輕南歸幾日又西行湖山一路皆詩料
綈旅終年無歎聲期我高秋來幕府就君深夜話離情
重陽作賦元嬰閣莫使王郎獨擅名

章門訪陳士業徵君

南州耆舊近蕭然碩果惟君亦可憐典冊高文傳海內
短牆破屋住江邊白頭不忍聞時事皂帽相過說往年
欲訪故人埋骨處或先亂山孤塚沒寒烟
正擬裁詩一贈君先投盤句與鴻文仍攜斗酒山中醺
又送爐香客裏焚歲儉不應煩地主樓高或可望江雲

菊花時節多風雨稍霽還來坐夕曛

九日雨李太虛先生以詩見招未赴

先生文筆似江河集有弁州四部多曾向隋堤窺象緯
又從蘇園訪烟蘿談深不覺日將夕調合欣然和且歌
最是燕遊十六首篇篇吟賞愧如何

重陽風雨客心哀嘉召先期有外臺忽觀新詩同折柬
因憐叢菊許銜杯泥塗此日庭難往芳徑初晴我自來
更約陳翁計爲酒伴花前襟抱一時開

重九後二日同陳士業飲李太虛先生齋頭

江城風雨悵重陽着屐難登綠野堂此日林端明霽色
特來花下就壺漿年臻大耋身猶健吟到真詩喜欲狂
聞有翠眉工度曲何時纔一奏笙簧

周亮臣還白下

三秋同作章門客秋盡君歸我未歸下水揚舫元自穩
好風掛席更如飛江東歲儉多收米湖上霜寒蚤製衣
莫歎遯遊分潤少此方半百事全稀

喜遇趙五絃少府

章江南望思悠悠欲寄雙魚路阻修鼓枻忽從天上至
班荆先破客中愁故人情重那能別小酌更殘尚未休
且與馬融同帳臥馬長源來朝風起又開舟

贈周計百司理

洪都久客正艱辛邂逅逢君得所親累夜相攜爲痛飲
扁舟許附此閒身欽崎歷落真名士憔悴支離老逸民
邀我虔州遊自好獨憐歲暮未歸人

贈劉興父兼懷伯宗先生

二十年来音韻疎
泰山梁木痛何如
生芻未束心長愧
遺草重刊願豈虛

予作飲述伯宗詩不果

南國偶逢烟水上
東湖

同眺雪霜初可憐
杯酒忽忽別相約
明春訪弊廬

寄懷海山同

山同以冠服小異其邑令將而之法

聞君山郭遇窮奇
刑戮雖逃事亦危
此日虞羅盈草澤

其教鸞鶴逞威儀
三書寄我無繇答
千里千人祇自悲

獻歲剡生來白下
可能攜手醉東籬

贈陳元夫別駕

元夫池州人方司贛州開稅見其

江鄉九子九芙蓉
君在芙蓉第幾峯
不似頑仙隱空谷

却爲傲吏騎遊龍
關迎嶺北雙溪水
樓對度陽百尺松

客到正逢初度日
梅花撲鼻酒香醺

贈賈曜南總戎

酒莊總戎

五

度州旅懷

漁陽老將舊知名
六十懸草罷請纓
戰勝雙江因寄籍

閒收百卉自怡情
頻來嘉客壺餐具
話到先朝感歎生

邊塞實繇連帥死
向來浮議賴君明

鬱孤臺下雨霏霏

有客晨騎歸未歸兵過江胡舟楫少

秋來京國信音稀
故人分祿情雖厚
同計百除夕還家

願已違最是高樓相望久
幾迴霜雪淚沾衣

祀寇日泊豐城之曲江胡悅之在顧舟中一宿而

別張然有作

朔風無賴上度離
汲汲歸與歲已殘
野泊豐城逢節序

情知老友在林巒
遣書往問山家晚
攜酒來過霜氣寒

話到雞鳴催解纜
渡頭分手各辛酸

臨江天寧寺同半山上人守歲

歲暮歸心逐水流
道逢兵馬奪吾舟
蕭蕭轉櫓候官金

破寺客寓佛樓
况有高僧同作客
雖然除夕亦忘憂

素瓷茗飲塵襟
不用悵鄉歎遺遊

早春歸思

以下王寅春作

秦淮卜宅近林塘
自種畦蔬滿院香
無奈絕炊逢僉庶

敢辭乞食向侏方
鬱孤臺下沾膏潤
新喻溪邊買稻粱

歸去江南免餓餒
故人高義最難忘

春日集

五言排律

壽徐子星給諫母夫人

栢府家聲舊梧垣氣象新祖孫誠繼美鞠養是何人有
母能兼父非時失所賓孤鴻心慘烈能鳳乳艱辛授受
惟班史遷移與孟鄰文背成綺殺仕郎掌絲給欲作調
羹老先為補袞臣情軒歸子舍修施奉慈親介壽當朱
夏承恩自紫宸杯中天露酒墜下彩衣身章服年年易
庭幃日日春不須頭盡白看爾畫麒麟

五言絕句

虔州

虔州將近粵臘日已如春忽見東園裏梅花朵朵新
才看梅蕊白又見來花黃自是冬無雪何曾草不芳

茉莉謠

章貢交流處種花如種田家家千百本爭附下江船
炎方霜雪少花葉四時青一過江東去交秋葉即零
藤本多而賤木本少而貴朱夏花偏繁玄冬葉不替
風寒是所忌乾燥亦非宜三冬藏密室隔日記洗期
井泉令葉爛壞穴令根傷秋分須換土烏豆汁為良

秋蘭謠

江上逢閩僧授我種蘭法老人恐易忘書之於白紵
春喜溫畏寒夏喜陰畏熱秋喜潤畏風冬喜暖畏雪
喜雨又惡濕喜晴又惡炎久陰與烈日急徙真深穽
灌溉取江河慎勿沾井水井水糞溺同一勺花皆死
位置尤宜高勿近蠟與蚓二蟲傾其根治以麻油併

七言絕句

春日漫興

新水乍生江雨後老夫徐步野橋邊柳條無力東風起
閒看羣兒放紙鸞

洛江如自楚歸過白門訪于不值留札而去

端居旬月不窺園偏是君來我出門千里橋人坐相失
數年離思向誰言

黃昏歸自雨花臺汲汲尋君船已開底事不留茅舍宿
具餐稍待德公回

閏七夕

秋空咫尺是銀河一歲曾無兩度過今夜鵲橋人盡墜
不知天上意如何

題梅約司藏卷

卷中乃瀨北湖侯昆錫伯宗完生

乍聞此卷即沾巾多是當年死難人浩氣尚能凝碧血
遺言終不化青燐

余公亢烈首捐軀周沈同心亦與俱莫美陳劉考終命
肝腸寸折服全枯

梅生海內結交繁架上郵筒無數存獨寶數公殘翰墨
欲留香種在乾坤

贈陳未典醫士

君是龍眠一老儒近來遊藝向南都會箋仲景傷寒論
又註銅人指掌圖

卜居偏傍藏經橋過我茅齋路不遠但遇鸞花頻有約
豈因藥餌始相邀

偶向隣史得斑竹數竿手植小閣西隅相訂筵
生招飲

斑竹從君乞數竿小窗風雨共高寒明年便有兒孫長
索酒來將竹母看

乍涼

門外秋風吹葛裳燈前夜雨灑藤牀回思前日熱如飢
豈料今猶有此涼

樅川夜集送從孫董次就婚六合

今夜張筵對雨廳來朝挂席下秋江不知新婦子歸後
可許人言有阿雙阿雙姓名是時董次所聘者

淦浦訪琵琶亭

九江烟月轉琵琶千古風流此岸沙亭址尚存亭已廢

愁看楓葉與蘆花

贈胡悅之處士是時悅之驚文字于市

我到南昌即問君相傳孤鶴隱雞羣夢洲一帶皆鹽估

此地垂簾亦異聞

賣文爲活本儒風也與君平卜肆同只是俗人知者少

龍門反選免園翁

興生書馬鄭生蘭不救當年饑與寒今古遺民同志操

一波三碣有誰看

眼前書法王于一地下詩情萬茂先君實能兼二子勝

名場不著更堪憐

屈指明年是七旬髭髯未白眼無塵秋宵尚作蠅頭字

他日終爲鶴背人

乍見新詩即起予從客來讀等身書莫嗟回壁貧無賴
須信千秋當有餘

夜讀白詩

門巷秋陰斷往來堦除曉霽獨徘徊消愁唯有香山集
夜夜燈前當酒杯

豐城

喜鵲灣頭泊野航仰看星漢落無光張華當煥今何在
雖有龍精氣亦藏

新淦

陶公曾有外家親此日全無姓湛人試出東門聊聘望
讀書臺已歷千春陶桓公母湛氏本淦人公嶺陶其孫讀書于淦至今有陶公讀書臺存

空江逢雨又逢兵野泊孤洲已二更喜見人家隔溪語

愁聞風鼓打蓬聲

峽江

冬月南風分外多舟師買客款蹉跎峽江數里猶難上
十八灘頭奈爾何

吉水

西江山好是匡廬除却匡廬盡不如吉水城邊多秀色
千峯亦似畫屏舒

百家村

上下章江千里遙舟人到此必停橈家家俱有妻孥在
任急須淹一兩宵

惶恐灘

十八灘頭第一灘 灘名惶恐先寒臨流忽憶文山句
千古忠臣淚不乾

題劉紫涼山人品泉閣

甘泉香茗勝醍醐 不信前人喚酪奴 試問天街騎馬客
一生曾飲一杯無

題周計百司理二影

一訪張道遠 一訪古雪庵

道遠辟穀隱西山 與虎同居石洞間 不是君身有仙骨
誰能扶策扣柴關

焚香相對欲忘言 髣髴坡公與了元 他日重遊翠巖寺
也須玉帶鎖山門

去歲州日會青黎 趙國子携酒舟中相送且留余

次日看春口占謝之

度陽歲暮有歸人 二仲提壺到水濱 此地交遊非不衆
布衣獨與布衣親

酒醉臨別又徘徊 勸我舟師且勿開 明日迎春風俗好
相期重上鬱孤臺

題半山道人畫冊

白嶽高僧有浙江 丹青妙手世無雙 宛溪復有半山子
畫苑新開兩法幢

一着袈裟絕萬緣 獨餘破研習難捐 江山本是無情物
寫到荒殘亦可憐

題尚白所藏徐青藤畫冊

山陰高士謫仙人 書畫詩詞並絕塵 不是使君誰解此
朝朝相對墨痕新

壽宛陵李翁

以下壬寅春作

元日蕭灘過本翁 髯髯如雪貌如童 問君導引遊何術
家在陵陽古洞中

問說仙人寶子明 釣竿曾掣白龍行 此溪泉冽今爲酒
飲酌能令兒齒生

題郭生卷

敬亭山下有芳村 誰錫嘉名畫水園 正羨主人能石隱
却疑歲暮向江門

昔人畫水須十日 半公渲染不須更 何年買棹來尋汝
僥倖將身入此西

題就亭圖

亭在南山 乃半山

官舍爲亭小不妨 城中城外兩相望 異時墨蹟傳千古

便是黃州舊雪堂

章江曉發

春水未生天氣寒 愁風愁雨復愁灘 打頭風雨晴猶易
聞溪沙洲活最難

舟中望廬山有懷舊遊

番湖掛席見匡山 來去匆匆俱不開 却羨當年多送與
冬春長住落星灣

聞李宗伯家伎並道傷之

霓裳一部本羣仙 祗合文人與結緣 底事同歸所養卒
酸風腥雨哭嬋娟

聞說登壇涕淚頻 烟波起雪更悲辛 章江遊子腸先斷
况是虔州納采人

相流題雪二使名虔州友人曾以手金贈相流下可得

竹枝詞 十首

尚自方選刻西遊竹枝詞數千作于西蜀不惟舟中遇有所思遂書以應之不必切西蜀也

送郎江上藕花開
說道還家看早梅
如今桃李俱飄落
柳絮將飛郎未回

妾家住在大江東
妾似船桅郎似蓬
船桅一心在蓬裏
蓬無定向只隨風

樓上春風吹小牕
愁人獨坐俯晴江
沙鷗汀鷺皆成匹
豈獨鴛鴦是一雙

春水新添幾尺波
泛舟小婦解吳歌
笑指儂如江上月
團圓時少缺時多

愁損朱顏瘦損肌
多時明鏡懶相窺
香奩拋却青螺黛
不是郎歸不畫眉


貧家親食兒年荒
升斗于人亦可傷
若是妾飢寧自忍
不教郎獨去他鄉

聞郎歲裏在江門
詩酒奚囊酒滿樽
主人留客情雖厚
畢竟難如仇僮恩

二月揚帆載水濱
攜來茉莉未全貧
郎歸豈獨儂心喜
贏得羣花香四鄰

十日順風郎到家
香杭百斛更堪誇
山廚從此饒餽甯
誰復飄零楚水涯

杯酒洗塵三月三
不須修禊向江潭
手種萱花無限好
忘憂已足况宜男



昔人有言文章以氣為主夫詩與文一也而合言詩家往往較短長爭工拙於句字聲之明以爲苟能是是亦可以無憾矣試問其中之所以勃然而來沛然而往嗥然而鐘呂鳴淒然而風雨至如怨如慕欲泣欲歌而不能自己者誰爲之曰不知也此之不知而自附於能詩吾不知於古宜風宜雅之行何若也蓋孟子所云不得於言勿求於心不得於心勿求於氣此天下之通患也而於今之號能詩者爲甚金山先生少以詩名天下篇什既衆類焉自放若絕無意爲詩者及一再讀之乃知其以真至醇樸之氣發之爲優柔平中之聲悠然

與古太治之音無相遠蓋先生之才自有過人者而其氣足以達之且夫古之能詩者其初皆非有意於爲詩也其氣積乎其中而溢乎其外悲愉感憤浩歌淋漓有不知其所以然而然者辟之空山絕壑本非有聲忽而大風鼓之怒號洶洶陵谷爲之動搖草木爲之吟嘯豈非氣之所至聲亦隨之而彼所爲不得而勿求之氣者果何說之遵而若是歟先生爲人拓落有大志既與世寡所合遂耽其好於詩詩目冬而家日以落意甚得也已而負笈行游千里命駕歷齊魯吳越燕趙中州之墟其所經閱山川偉麗雲樹蒼茫風物之變遷賢豪之晉接騷人思婦之愁歎酒徒劍客之慷慨有槩於中一皆於詩發之故其爲詩疎疎莽莽不拘一格而景象萬千

余固知先生之詩不以才勝而以氣勝也噫亦雄矣余亦素有詩癖者然委靡慵惰不敢以望風雅之末班故於序先生詩而原其得於養氣者如是且因以自勉也

題金山先生續集

三言北燕枝蔚

看似尋常最奇崛成如容易却艱難金山詩合荆公體輕薄兒曹莫浪彈

京口談允謙

因誦荆公憶白公歎君命與古人同不教才展休明代為詩爭造化工

陽羨陳維崧

字字精工費剪裁篇篇陶冶極悲哀白家老氣休輕誦曾兄元和藁本來

春雨春陰又幾朝他鄉寒食總無聊把君丙午詩千卷

吟過城南丁卯橋

蘭陵鄭祇漢

懸知杜老是前身待與香山作後塵平放盡從攻苦得時賢未許關清新

看詩字字到空靈易解寧煩老婢聽自有太羹元酒味何曾珍重五侯鯖

梁溪錢陸燾

壬子同年作者同陶公杜公更白公若修歲譜兼詩譜又記金山江以東

陶公冲澹杜公雄白傅天然造化工此筆千年誰伯仲還將半格問方公

讀君已午兩年詩澹直悲涼信有之不是苦吟爭得到

晚年須惜數莖髭

意盡言窮是至言誰干言外意猶存知君妙解文章味掩卷如聞仔細論

近來詩卷拉千秋襟下官高雨止遊何事同生壬子歲竟無一字學崔劉

新安方熊

念山夫子擅風騷丙午詩篇體更高正是蘇公絢爛極勿因平淡妄訾謗

遊蹤新返自南徐購得先民龜鑑書今古丙丁應不錯隆中抱膝意何如

金山先生詩集

山人一葉書明眼理應面又是為年少才知不處無生處心似後湖松嶺身自合聖果下鄉世道知無與龍說從從覺龍其父臨諸行酒倘



金田集

院方文爾止著

增補水王樂安詩

五言古體

送吳錦雯歸杭州

我友官吳門數月即解組良以性高岸不事僣僂

之病風眩復不耐勞苦去官意甚適如鹿歸林藪只有一

恨事才子奄羈旅旁人且辛酸何況爾慈父哀痛幾

失明三年不出戶今夏稍瘳揚舠至江清訪我哺哺

軒累夜共談語花前酒一盃銕下愁千縷每為詞息憂

欲取金陵女女頗有機緣君却無資斧悵然空歸去

去又延佇云當八月初干謁往南浦雖有賢主人其地

甚貧窶所願未必諧奔波亦何取勸君早入都一官猶

可補此番須折節力疾趨公府小有三徑資汲汲返園

圖著書與生兒允矣傳千古

送從兄水厓歸里

吾兄有才子明年少挺風節不受纖塵汚皎皎如

冰雪興文復高妙吐詞多激烈其詩數百篇盡是茂弘

血斯世豈能容爾爾先秋折海內同心人聞之皆痛絕

何況白頭親焉能免嗚咽屏跡溪山中年將躋大壘仲

夏渡江來了不畏炎熱精力尚強健神明更聰哲觸事

成誦吟夜分猶未輟孟秋復歸去留戀意難別相約冬

春間重來話淒切幸搜明園詩吾當授剗庶爾父子

名異代永不減

徐月鹿水部署中喜遇八翁退谷

秋田分手時汝云去苔雲便道往西陵地主頗不乏豈

知吳興返卽至天如牖中路逢使車交情風所洽遂邀

入官舍清江過殘臘春州旣暮暮秋風又颯颯良以膠

漆堅故有水乳合我來自金凌賓客一瓢初念汝暫停

舟卽欲之濟潔使君聞我來倒屣爲延納推關事紛紜

夜夜共盡精淮水多嘉魚兼之有鱉蛤每飲必需醉笑

謔忘其狎君言黃河邊兵馬正駁還須待其船過慎勿

與之雜莫愁資斧微區畫自有法前年到浙東曾分金

一匣今歲到淮陰其意更周匝感此未忍行况與汝同

榻且坐竹窗間吟聲互相答

賦得萬里一歸人贈張虞山

虞山老詩人秉性和而介雖貧惟出門從未入都會

湖萬里游直至炎海外爲有同袍者謫居非其罪安忍

孱弱驅孤征獨狼狽欣然別妻子長途共行邁問歸未

有期北風吹衣帶豈知往與還只在二年內瘡痍不能

侵兵戈不能害所歷多險艱身心竟安泰各有詩百篇

清音發天籟却笑揚子雲終年守閨閤

贈劉山雁學憲

吾友愚山子往歲官山東自詞場擅風雅六藝能兼

通以此訓多士聿興鄒魯風接踵良不易乃有山雁公

率芳自楚澤藻鑑應秋空所以海岱間二老稱宗工今

我來歷下試事君已終是誰道姓名枉駕先蒿蓬文章

鳳相慕臭味欣然同明旦卽嘉招醉眠官舍中出其五

鳳雛一一爲世雄家學既淵藪問道于顓蒙野人何所

知感歎意無窮

贈于念劬右藩

有客江東來道逢徐拾遺徐子停舟飲我酒問我何所
之我行指泰山泊舟于南池因往歷下亭故人曾與期
君言于使君宣化乃在茲欲寄尺素書輕裝安敢辭使
君雅好客久已聞鋒思此去得握手傾倒非一厄歷城
富山川約矣泉尤奇羣公多暇日或可相追隨

重登岱作

昔我游泰山山南無不歷惟餘黃花洞僻遠未搜剔今
我重來游先訪山北石越嶺十五里果見千仞壁其下
有溪洞陰冷泉欲滴危樓擣萬松霜柯闢寒碧始覺玉
女祠背面分喧寂詩人林與鍾鍾題詠猶有贖其他
登岱者此屢罕能規我輩獨流連回嶺日將夕尚想雞
鳴時東峯觀海赤那知天色改寒威侵枕席曉起視階
除大雪已盈尺

投書礪

先儒胡安定篤好此山水結廬在南礪讀書信爲美下
帷將十年竟不歸鄉里家人寄書來投之于礪底恐亂
我心曲勿使聞于耳所以學既成天下稱夫子我來訪
遺跡高山勤仰止南礪宛然存書堂久已毀重建表師
儒責在州刺史

贈曲憲章州守

岱宗五嶽長諸山無比倫其中青帝居穆穆朝百神凡
民得游者夙世皆有因何況守茲土定爲列仙人前歲

我來此曾與刺史親開尊屬初夏菡萏何鮮新今年重
來此雲凝當秋旻刺史念舊交深夜飲我醇行將乘五
馬作郡東海濱邀我臨淄游不辭分俸頻曲是縣

贈孔輔垣上公

前年謁孔林乃偕趙司李停車僅一日游觀未盡美欲
見衍聖公倉皇無暇甚至今以爲愧馳思曷能已頃自
歷城歸迂道來闕里仰瞻尼防山俯瞰洙泗水因得觀
明公私心頗自喜聞公嗜風雅下筆煙雲起遠近咸稱
之簪綬莫與比予亦老詩人所願執鞭弭

早春喜程崑崙別駕見訪即送其還潤州

霽靄青溪雲濛濛白門雨老夫方荷鋤努力事閭閻忽
聞車馬聲衝泥至環堵借問客爲誰潤州程少府少府

我所知海內稱豪賢風昔誦其文詞交十餘年頃者官

南徐欲見尚無緣何期先任領握手情歡然旦日剪畦
蔬相約梅花下荷君不遐遺日中催命駕高懷頗豁阮
新詩凌鮑謝所恨春雨繁把酒未終夜江干雨初歇君
卽放扁舟我有虞山期暮春亦東游取道于京口言登
萬歲樓索酒來官齋與君重唱酬

和鼎寶刺史渡江見訪賦此送之

和子官彭城數月以憂去尚未歸朔方先問江南路江
南何所爲有友夙相慕鼓棹一訪之握手懽如故我愧
非其倫高情焉敢負明旦治杯酒與君話情係君復趁
江船汲汲返瓜步此意竟蕭條何年得重晤服闋仍補
官領州來近處尊酒細論文搜期當不誤

癸卯三月十九日潤州客舍同潘江如小飲述懷
四十韻

與君定交初乃在乙酉春是時楊費竹開府京江濱其
性頗好客客來多俊民史刑暨萬宋才華更清新日夕
造君廬披豁任天真君尤篤愛我相對但含釀私憂南
國亂汲汲謀隱淪造指鸞脰湖水鄉風俗淳從無兵燹
患樂彼漁樵人三月十九日先皇之忌辰同登北顧山
仰首號蒼旻野老或見憐朝士反見嗔俄而江北岸鼓
角聲振振君先挈妻子湖邨依所親我亦攜小婦追隨
爲此鄰此地既幽僻可以長垂綰君復有遺囑舍我游
越閩三歲始歸來道路罹百屯我適無所爲費卜潤城
園一見喜欲狂茅屋共宵晨會將賣卜錢買酒醉千巡
無何江上別東西各屬屬屬十二年矣若與與春已
亥黃河邊邂逅疑有神因過范生宅連牀話經旬贈答
非一篇相期係松筠別後又五載聞君家益貧田園被
侵奪賦稅猶在身寄居荒山中妻子行負薪癸卯春三
月京江重問津維舟卽相訪奇窮果無倫頗毛種植白
顏面黑且皺破帽與敝衣何減百結鶉況當十九日言
之鼻酸辛仍往北顧山亂石迷荆榛旅人不敢上一櫺
何繇申是夕返我寓呼童采江蘋取酒醉燈前心曲難
具陳回思廿年事惘如夢中因夜半作此詩龍鍾淚沾
巾

訪談長益村居見其子太平因寄此詩
六年不相見時時夢魂魂此番客京口準擬傾一尊豈

知我未來君先去都門相思仍相訪直至城南村有子
才八歲眉目秀且溫正與鄰舍兒從師讀魯論是誰教
養之皆其嫡母恩乃翁好遠游北風吹蓬根年老筋力
衰何苦道路奔勸君早歸來妻孥共朝昏

萬歲樓送春詩

同集者南昌彭躬庵仁和周兼三吳江顧茂倫
長洲程杓石施又王江寧陳翼仲皮以立寶應
朱監師金增高芝侯丹徒潘江如吳襄宗張李
昭陳尊已李木仙諸子是爲癸卯三月晦日
潤州富山水靈異鍾江過金焦與北固三峰秀媚娟其
間諸梵刹古跡何紛然俯視城中山月華當西偏上有
萬歲樓創自東晉年軒窗甚弘敞登眺多名賢王孟嘉
皇甫三子詩尤傳王詩云萬歲樓頭望遠處五湖烟
雨上思我今來潤州假館得一椽朝夕坐樓頭滿目皆
雲烟故人攜斗酒就我開芳筵所招無俗客風雅相攀
緣不忍送春歸爛醉東風前薄暮下樓去執手仍流連
謂言今日聚局可無詩篇子偕爲首唱羣公屬和焉
喜遇顧茂倫程杓石施又王卽送又王入燕
揚帆石頭城弭轍京江口偶言之吳門入山訪我友我
友翩然來不先亦不後中道忽相遇驚喜爲之久各言
懷思淡安忍便分乎此間暫延佇河橋折新柳金焦北
固山一一可覽取日暮還寓齋千錢沽美酒爛醉曷敢
辭良晤似非偶試看明鏡中次第皆白首施君與獨豪
結束將北走未知燕昭盛果有知已否朔風吹黃沙滿

面多塵垢不如早歸來逍遙事南畝

再遊焦山

匡山以續著嚴州以光名二公皆寒士千古垂英聲乃知山水性弗以人爵榮我今登焦山緬懷焦先生蠲廬僅容膝獨往棲柴荆鄰火延其居露處了不驚斯人胸臆間寧復有世情所以京江上名與匡嚴併

周鼎製甚古傳自成康時其中史籀文與異人不知或言嘉靖初曾有盜竊之將以獻權相卒為吏所持仍歸此寺中常有神明司至寶不可名撫摩惟嗟咨

前日游茲山先從西北始仰首三詔巖遺蹤乃在此下尋瘞瘵銘一牛沈江水其字久剝蝕隱隱猶可指程君雅好事重刻使不毀是以今日游此到東林裏既讀全

銘文然後觀水底書法與文詞庶幾盡厥美

山形如伏龜昂首向東北勢欲浮滄海大沙為之塞松寥二小山似為所卵翼招提百間屋乃隱其肩側古木覆重陰炎暑無日色不登絕頂處焉知在水國

常州護國寺

昔者蘇玉局雅愛陽羨居積錢四十緡城南買一廬夜聞老婦哭立地焚券書子身還毘陵囊篋了無餘假館顧氏園浩氣歸太虛相傳護國寺往來亦停車山門三大字筆法何蕭疎俗工屢刻畫神情失其初斯人不可見百世垂令譽我今寓此寺懷古增欷歔

贈趙止安先生

往歲南顧城卜居斜橋側與君為比鄰一見如舊識君

乃巖上松霜根自天植我亦澗下泉涓涓有寒色氣類本相同所以交不忒別後十餘載髣髴毛各已斑聞君中越語賣卜江淮間又聞謁孔林因之登泰山君去我適來無絲共躋攀音韻雖云疎魂夢時相關今年往吳會泊舟西郭外入城即訪君且喜身猶在閉戶授生徒聊以供粗糲對食常不飽沈憂結肝肺苦節良足珍其餘復何慨

訪王雙白太平寺

夙昔游三吳與君僅一面雖未結綢繆脈脈荷凌春白下遇剩公首問吳中彥為言松栢姿可以做霜霰及公東游時果與君交善別來十七年世事百千變何幸白

本同心好我情不倦無事即過從村醪佐蔬饌

贈陳其年

君年十四五讀書來南國假館宋氏園乃在青溪側若翁好結交車馬紛如織金沙與秋浦月神吳左右為羽翼我隨三子後勉崇令德未幾神京陷天運遂改華周吳俱死難遠近為悽惻若翁亦履險幸免于戍賊與我丹陽路相逢淚沾臆奈何老遺民中壽不可得使我魂夢勞夜夜見顏色君少挺英姿才名震南北踰此二十春所遇何寒塞今秋逐隊來青溪訪舊識宋園即我居入門增歎息常時讀書處羣樹是誰植柯葉久凋零惟碩果不食感此鼻酸辛沉吟詎能默

贈董文友

昔我游里陵與君先子好是時君未弁英風絢奇藻
見其詩文濃歎爲國寶以此稱賞音問業非草草別後
十餘年君名日以噪若翁官楚澤謝世亦何蚤掛劍空
有期思心怒如擣今夏始相過君壯我已老持盃敬父
執痛飲開懷抱茲秋來省試訪我青溪道僦舍爲比鄰
晨昏恣幽討况有陽羨生壺觴共傾倒所願羽毛齊雙
飛向晴昊

贈孫無言

我友王于一客死于錢塘其子方總角伶仃寓維揚
殯且不給焉能治親喪賴有貧賤交念此心彷徨爲文
告同志募金得數囊送其妻子歸輕舟抵南昌孤櫓免
流落附葬先隴旁又搜其遺文以托周侍郎託侍郎爲
山翁集
梓也俊如白日光吁嗟晚士交情逐炎涼生時或歎
將死後鮮不忘誰能似無言高風激寄蒼我昔與王孫
研人唱和八九章合錄一長卷付君爲收藏今來重展
讀雪涕沾衣裳卷末書此詩書罷多感傷

贈孫懷澄

若翁與我友不異親弟兄性情同恬和氣味如蘭蓀所
以久彌篤白首永不謾二老好爲詩各有千萬言其音
凄以苦聽之傷心魂祇合淡山中鐵函埋雲根世人多
忌諱此意誰復論若翁有才子接踵通詞源行將振六
翩凌風上天門慨堂得表章自然貴且尊
有命山艸亦付爾收存敬父及其執不辭契與煩庶幾
讀書種長畱在乾坤斯言爾識之高義古所敦

喜晤吳賓賢郝羽吉汪舟次三子有贈
三子我所思相見盼今日各言良晤艱安忍交臂失明
且荷嘉招薄暮期促膝因偕同心者步趾過蘭室
把酒無別言羣疑互相質次第出其詩氣韻溫而栗始
知三子才今代故罕匹結交何必舊所貴膠投漆秋雨
吾欲歸晴冬還復出以後過邦關尋君定非一

書房兵曹儀凡先生傳後兼贈令嗣典公進士

漢有義大夫義不臣莽新玄纒賁其廬僵臥于林茵力
疾拒朝命餓死以成仁宋有謝侍郎賣卜東海濱被脅
入燕市上書聊自陳餓死僧舍中不冒稍遂邇今聞房
司馬亦與龔謝倫羣盜竊社稷至尊以身殉豈有烈士
夫偷生尚爲人寧甘餓而死不欲留此身伯子負奇才
精蹄躍風塵與我邦澤土邂逅情獨親因述其先世
淚濕沾巾命作表忠詩持歸勸貞環

題劍南集

歐蘇文自佳詩却有宋氣不如陸放翁高古同漢魏妙
語發天然止偶亦華蔚所以五百年芬芳猶未既予夙
愛其詩全稿不易得頃從汪我生借觀喜動色我生因
謂予任意施朱墨他日遺子孫學詩取爲則予攜至艸
堂點閱凡兩遍還其絕妙者手錄成長卷朝夕諷詠之
宛如翁對面還書送一紙曷足酬淡卷

大水歎

癸卯九月中大水來江右陪京常未流汎濫如海口既
漲入石城秦淮乃涸數更穿金陵關直至我門首牆垣

悉已頽哇荒復何有翠樹淹且死不死惟楊柳始猶犯
堦庭漸乃逼戶牖牀閣不自保何論井與臼幸有兩小
樓可以容我婦盡室徙其上譬如升培塿俯觀鄰舍人
負戴東西走江南多水田泮沒已八九眼見今冬荒無
處求升斗飽粥且艱辛安望得杯酒臨觴忽不豫嗟歎
爲之久

縱筆

平生無所好寓意詩酒中酒多令人病詩多令人窮
者惑斯言智者意能通凡病以酒治詩窮而後工即使
有小害莫敵其大功况我老詩人對客飲亦雄沈酣無
肺疾嘯詠有和風竊比白香山自號醉吟翁

題王元倬先生藥齋

古有馬義巷鄭和玉所居馬義何足道因之成令譽我
友南陔子亦于此結廬東偏曰娛齋乃宋比玉書朝夕
處其中享年七十餘奈何逢世難老輩來侵予欲爭
不敵欲徙還躊躇却有劉生宅與君同里間君既棄捐
此善賈而沽諸相去不數步雖徙猶歸與仍取舊娛齋
高懸千庭除問君何所樂貴不忘其初昇哉輓近士所
志惟舊裾君獨抱微尚白首甘樵漁勿言老且貧生氣
長潔如嗟彼壯盛者奄奄類曹蜍

喜遇沈仲連先生即送其南游

往歲客淮陰與君最相狎性情脫畧同言笑莊諧雜所
遇皆酒徒爲歡頗不乏及我游交州君亦來濟漂方期
入官舍忽復去八關扁舟溯江蘇府居三臘是時同

門友正爲廩山納無道荒年粥飯無幸賴君護法勸君
亦出家君嚙未敢答南游不得意北歸意稍洽那知燕
趙間田園盡間匪妻子長苦飢無處求升合命駕復南
轅珠履向誰跋陶丘有故人便道叩鈴閣適逢我在茲
握手笑盈頰夜燭爛燭醉因之共木榻明日便分攜何
時再會合臨別贈此詩霜風氣蕭颯篇中二合字

曹州贈何六淮重前司空大

以下甲辰年作

小小客舊京得交君先公先公謬稱我才氣爲士雄是
時君兄弟孩提未成童曾隨太夫人枉駕荒園中別來
三十載音問無繇通今春至曹南訪君蘭桂叢若兄新
計偕驅車上南宮令弟出迎客居然有父風北堂七十
餘眼耳明且聰歷歷記往事垂問及微躬母妻處在
久矣歸嚮蓬張燈飲我酒感歡意無窮詰朝我欲別相
送出城東浮雲各千里聚散何匆匆留詩屏展間真如
雪中鴻

曹南懷古六首

我來古曹國特爲南華山南華不可見何處客躋攀憶
昔蒙莊子著書于此間取名南華經定知非等閒如何
千載後零落同艸菅侵晨行曠野日暮車空還
衛女嫁諸侯飲餞于福水福水在何方曹南三十里我
今問曹人咸莫知所以祇因年代遠陵谷多遷徙南華
且削平濟亦伏地底何況此小川墮廢誰復理
史稱晉公子出亡至曹國曹君不爲禮且觀其駢脅傷
負羈不平厭妻更多識勸夫早自貳盤餐饋之食文公

既已霸伐曹敢忘德斯人今所無停車三嘆息
范公方新遠脫身遊五湖五湖尚嫌近涉遠爲陶朱胸
在河濟開荒荒但平蕪何以致千金畜牧爲良圖我今
訪遺跡不復存斯須惟餘一陂水曾照夷光無
漢祖起豐沛匹夫爲帝王當其卽位初乃在汜水陽
水今何處曹州西南鄉當時必繁盛異代遂荒涼潯
無復水村路惟煙雨我欲往游視白艸何茫茫
戚姬小家女歌舞昭令儀既承天子寵復產如意兒設
令早之國呂后忌稍衰空爲鴻鵠歌終不免誅夷至今
定陶縣姓戚有遺祭問渠往昔事惻焉中心悲

爲從兄緒山六十壽

吾家羣從多雁行踰千指中間賢且貴願願三人耳中

丞晚學易又象竊元始世間隱空山慷慨不復起居事
好爲詩風雅自矜喜垂老猶選閨往還萬餘里何如小
司徒丞成富文史能遊老氏訓知足復知止五十卽縣
車卜居長千里閉戶謝交游六經教兒子自傷兄弟鮮
愛我同胞似昏旦任過從把酒笑相視今年介軒壽壽
者紛如市君獨游棲霞超然出塵滓我亦攜短篠追陪
君杖履仰登攝山顛延望大江水流芳佐稱觴爛醉雲
松裏因念羣從中親瞻吾與爾但願長結鄰雀髮生覲
齒向後四十年年醉于此

憶昔行贈湖州守何元長

憶昔戎馬初避兵于笠澤其中隱君子一一皆仙客招
我入煙蘿謂與塵世隔我方攜家至君先已卜宅因之

結比鄰談笑無朝夕正溪投木歎俄而翁易簪知君抱
沈痛麻衣淚痕赤又復夢炊臼空房餘四壁風雨凄寒
時惟我共蕭然明年亂稍定東西各有役我歸狎漁竿
君行登仕籍一命授秦關再命出沙磧別離十七載無
繇重接席今君來吳興饒然二千石我適游虞山相去
路咫尺安忍貧賤交富貴遂拋擲仲夏乘輕舸苕溪泛
空碧就君十日飲斗酒當不惜回思笠澤澤似俯仰俱陳
陳幸有白頭人挑燈話曠昔

贈程姜若別駕

魏氏好兄弟與我交廿年龍安太守歸盛稱使君賢是
時我游濟亦欲游苕川聞君方佐郡綽綽無因緣相鄰
寄尺書遙道情縹緲最之懷袖中經歲不得前五月來

海虞始棹吳興船藕花共藉葉別有滄浪天所願說使
君文酒相周旋勿謂隨陽鳥沾沾爲稻田

喜遇張明之感舊

昔游潤州城所友皆名彥談何覿潘張四子交尤善一
從兵燹後十餘年不見昨歲過京口準擬君會面豈知
居無廬寄跡丹陽縣猶煩惠書札脈脈荷淺春今歲來
苕溪邂逅同公醺驚喜殊過望握手情留戀自言有六
宅五宅兵燹占僅剩一小園不足蔽風雨舉室常苦飢
乞米向親由我謂君勿憂世事百千變大都富貴者總
不如貧賤況有好兒郎恢奇人所羨仲子年十五秀色
更蔥蒨慧業本詩書閉心及筆研示我雲峰圖老眼爲
之眩苕霅富山水煙波滿芳甸與君約同舟游覽興不

倦先上道場山層巒訪僧院

飲李望之齋頭有贈同集者貴州人王微宜葉伯如張子張

吳興古名郡乃在水中央左右皆與雲處處通舟航最妙東南隅所謂蓮花莊紅蕖間綠蒲密柳兼修篁家家有亭榭參差不成行李三本臨安卜居愛此鄉自構室三楹開軒面滄浪擁書子百卷坐臥于藤牀平生四好友費葉暨王張所居亦不遠俱在溪橋旁昏旦輒來過倡和多篇章我今訪君宅四友先在堂因而畱竟日酒脯皆精良不覺爛熳醉歸時路茫茫炎夏寡所適此地寬且涼況有五君子臭味同芬芳以後月明夜小艇還相望茶笋可供客不必謀膏粱或更出城外澗經露宿

祥卽事賦新詩懷情記龍忘

錢霏玉孝廉招游白溪朱翁園有贈

大曆十才子乃有錢仲文仲文家簪水故宅城西雲嘉隆七才子乃有徐子與子與亦著人幽樓鄰顧渚我今來此邑論交得錢郎自言仲文後才華亦相當明旦荷嘉招揚舫白溪去朱翁丈人行有園在溪處芙蓉被曲沼竹篠環疎籬器具皆天然霜楓一何奇更上竹間樓開軒恣遐矚素餐傳雪界金盞泛醅醪惜哉老夫病對酒不能豪況聞雷雨作舟師促歸舫主人既多情林泉復多趣欲別還躊躇安得萍長聚新秋涼雨過又買丹陽船雷詩牆壁間後會期他年

壽蕭伯闇孝廉六十

昔有趙子固隱居震澤滄乘志師柴桑白首臣義熙厥弟于昂氏自莒來訪之君不樂與見杜門使人辟阿幾啟後戶乃得覩容儀相對無片言仰視浮雲馳子昂有慙色遂巡出茅茨君亦不相送大聲呼童兒汲水洗其坐勿令汚我帷此事雖大刻高風激羣靡今有蕭伯闇亦復類于斯家世輩殺下少小文名垂三十舉于鄉孝友人共推及其遭世變飛遞東海涯十載還南都不復歸京師二弟並榮顯鴻雁翔雲遙一官粵郡守一官晉分司俗服爭羨慕君若罔聞知寧甘飢與寒不受其粒絲敝居窮巷中讀書以自怡古道今罕覲非君孰能爲他年高士傳傳君復何疑孟秋介眉壽令子謀徵詩我與君老友曷敢爲庸詞竊比于子固信美豈阿私當經歎此章請君浮一卮

贈黃子威

世人講學者強半皆腐儒智識既已平言詞亦已腐所以才辨士往往笑其迂孝感黃先生內美何紛吾少小擅文術高名播荆吳兄弟兩三人人稱三鳳雛中年逢世難遺榮不須與學道入淡山却與他人殊易簡陸子靜通博邵堯夫曾作致知解陽明無以逾今秋來南國問翁與之俱假館市隱園几席纖塵無我數至園中花前傾一壺贈我芙蓉篇題我壬子聞惜我老詞客進我聖人徒自慚年力衰願奉爲師模奈何正總緒忽欲歸都湖江上朔風寒相思各天隅何時還會合握手增悲吁安得共茅檐白首歌農虞

送宗彥實臣歸新安

吾宗有二彥乃自黃山來其兄富文術阿弟兼詩才
好金山什詠詠心顏開平居費摩擬下筆皆瓊瑰乳山
暨虞山二老爭相推錫以皇甫序俗眼徒驚猜數年游
江東一旦告我廻自言父王父白首棲蒿萊春秋闕省
待未獲持一杯况有所生兒三歲已成孩客久尚未見
私心亦潏河歲莫促裝歸不待家人催知爾入門時僅
聲定知雷四代聚斗室此福真奇哉天倫且爲樂勿復
趨塵埃早春若懷人寄我山中梅

喜龔半千題金陵

君本將山人久客邦水上上居近蕃釐古屋隱窮巷閉
門何所爲筆墨寄嘲嘲霜柯插雲表晴江走夢嶂粲粲

徐天漁取意不取象更妙是詩篇渾樸復雄放素質絕
華藻英姿挺奇狀俗眼豈易識眾口肆誹謗獨予格調
同脈脈心相向所恨隔江水不得共酬唱今年君忽歸
閭里息塵鞅我聞則私喜從此獲親傍汲汲訪君廬握
手道無恙南國昔多賢輒近日荆喪顧張水已拱紀余
又飄蕩幸有之子存居然丈人行老我棲舊京苦吟聲
激壯非子誰與言故欲傾家釀石城路雖遠來往憑挂
杖勿似廣陵時相思但惆悵

夢樂地道人

昔爾高座寺吾僑居里門迢遙隔江水不得共朝昏及
我來南都爾復去江右睽離七八年相思成白首昨歲
寄我詩詩意何纏綿昨夜人我夢夢中更流連少小同

師承老大同志節奈何不同結天涯各風雪

彗星紀異

冬夜讀書罷起行步中庭仰視天宇曠星漢俱杳冥有
彗不能寐因之啓柴扉忽聞野夫語東方吐異星其大
似葵感其光白且青其尾長二丈其兆主兵刑分野在
翼軫三楚恐未寧憶昔戊午歲小子纔七齡曾見婦畢
間白氣如刀形占者謂兵象黎元果凋零屈指五十載
又見此精靈野夫妄倚度我老難爲聰

送李太虛先生還南昌

昔我遊南州正值黃花節日涉園翁園談詩真快絕花
前一瓢酒淹留至冰雪因共溯蕭灘變其江上別別後
逾三載引領長相思不圖翁南來亦在黃花時市隱古

名園燕集恒在茲風雅猶連連城此諸疑阿私先生云今
直隸南河日新則仲冬去真州又指婁江路邀我
同舟行我辭以寒江翁去尋復還蹉跎歲云暮歸棹返
彭蠡焉能久停住馳書告我別明旦吾將歸相送出河
干思心悵依依仰視雲間鴻東西各分飛願言享遐壽
著作垂芳徽

元旦讀陶詩以下乙巳年作

獻歲發春日發香坐茅茨手探架上書先得陶公詩讀
其命子作弄璋亦何遲顧漸華髮被負影隻立時俯念
罪三千莫大於無兒始聞呱呱泣名儼字求思似此大
公夫人過五十雙髮始華衰是時才舉子遲莫良可嘆
得一已爲幸安望其繁滋厥後五男兒紛如瓊樹枝如

願登及此祚胤有期五男既成立皆不好文詞匪真性拙劣乃翁故機之設令好文墨勢必官形埤殊乖乃翁意故任其愚癡寥寥千載間此意吾獨知昔有四豚大淵喪無復遺行年至六九尚未夢熊羆歲朝拜祖廟顧影中心悲誰知古人中亦有類于斯往年登泰山占夢固已奇今誦此詩篇欣然為解頤

惜陰篇

古人有格言寸陰競尺璧我少殊不知歲月輕拋擲在再五旬外始知陰可惜努力惟著書彙錄尋古蹟其中類編文搜考窮日夕向晦復焚膏膏盡卷不釋家人咸勸予得無太勞役此中有真味雋永勝膾炙汝輩安足知吾性取自適世間熱鬧事百損無一益有益而無損

靜坐觀羣籍况我所著書亦可垂金石此時雖冷淡異代當翫奕易敢懷晏安蹉跎似嚼昔

題湯巖夫千文策冊

我年過半百始知策隸書匪獨宗秦漢直欲窮古初史韻與史竊精妙無以逾李斯變小篆遵古則不誣間有更造者其義便覺膚譬如天地人三字深淺殊我欲取古篆比勘為發摭撰成一家言功需十年餘所限曹偶中字學知者無羣疑莫可問拊卷獨長吁遙想宣歙間老友湯巖夫此道甚明察安得同里居冬春君忽來白下授生徒閒時過草堂辨難開我愚一朝出此冊數卷銀鈞知近則文衡山遠則李當塗借歸閱十日歎絕非阿諛但君所學者以秦為師模尚期參頤簡通博為名

儒鄒見正如此勿笑其狂迂

寒食日宿掃公房

城西有古寺乃在石頭山南唐李後主避居於其間所以名清涼遺蹟猶班班左右兩小阜高樓出塵寰老僧蓮葉者白首棲禪關厥徒字掃葉詩律夙所嫻世事了不問意態長蕭閒邀我寒食日策杖來躋攀春雨喜初晴不辭行路艱入門見羣樹海棠花正殷花下一杯茗頓覺開襟顏先是文與興_叔坐久尋復還我老怯行步借榻依草菅燈下開君詩警句誰能刪

天界寺書懷

老懶惟好睡睡美不可言所恨居城中無端俗事繁侵晨日未出便聞叩柴門被衣起見客客至如雲屯嘗有遠來者恐不聞一尊還延過亭午神氣先已昏况復於他招主人強囑食夜闌始歸舍醉臥喃喃軒假寐不須更又聞鄰雞喧喧旦復如此歲月空流奔頃乃出南郭古寺尋松根其中笠山老與我同鄉園借其樓半間先有黃生存_子竹榻許相連笑語情尤溫爛熳睡終夜頓覺清心魂詩思如湧泉朕舌誰能捫

攝山紀游六十韻

同王叔子

往歲游攝山皆在苦寒時同行者促迫未盡茲山奇今年夏五月我友王君來相約為勝游雖熱易敢辭侵晨出北郭陰雲蔽炎曦道里三十餘輿夫疾如馳攜手入山門先謁唐宗碑我聞唐以前更有江總持諸碑取次開然後瞻仁祠古杏數百年交柯立階墀東偏舍利塔

隋帝之所治兵燹缺其角塔身尚未虧天界浪杖人藏
蛻亦在茲塔院與並峙信美非阿私徐觀品外泉涓涓
出淡池接寬入禪堂可以供衆炊煖巍三石佛雕鏤自
梁隋佛身逾四丈光采何陸離因上千佛嶺大小皆毘
尼中間明月臺平廣如埤塹昔賢明徵君舍宅爲寺基
屢召不出山千古高風垂今爲白雲菴竹樹猶繁滋白
鹿與白乳二泉皆得窺獨惜無高閣爲君表風規振策
上中峰鉅石何纍纍蜿蜒行石上一步一傾欹曉入般
若菴飯蔬聊克飢君愛西澗好臨流張其帷向夕雷雨
作颯颯涼風吹昧爽雨色霽東方吐微熹鼓勇匝山腹
石徑多險巇道經天開巖禹築鉅者誰徐緒諸題名埋
沒無人知旣乃造絕頂彷彿升雲蓬西南見鍾阜東北
見瓜儀俯瞰黃天蕩烟波浩無涯當時韓斬王此地陳
軍麾兀術乃大困脫身竄山陂成敗各有天懷古今人
悲日中下山去頓忘筋力疲重登紫峰閣纖毫不可遺
門外六朝松天矯虬龍姿造船幾斬伐保全荷仰慈樓
隱合歸此驅車又何之遙指寶華山言訪大律師說戒
最精嚴爲人復平夷是夜宿其廬話言同鍼磁曉起謁
銅殿聖母之所貽山頂有龍湫龍子形委蛇試以手掬
取馴掇了不疑古者秦龍氏想亦類于斯日中又欲別
相送江之滄君舟去淮甸我馬返茅茨浮雲各千里引
領長相思回念金陵游累日得追隨南北凡五峰尋訪
慨幽期觀君作游記序次如列眉持以贈同心不異瓊
樹枝我何以爲報倚欄吟此詩

立秋日汪叔定季角招同張韞仲飲愛園
江城風雅盛唱和非一人君家好兄弟臭味尤相親况
我所寓居適與芳園鄰園中多竹樹密蔭絕羣塵今日
是何日秋氣方鮮新置酒北樓下嘉招無雜賓射陂隱
君于苦節同松筠與我別離久此會怡心神愛園名甚
佳四時皆陽春春暉被連理懽樂難具陳先是采風者
歌詠何紛紛我老無飾詞鄙樸道其真
贈趙五絃
白君宦嶺表迢遙數千里常憂會晤艱相思隔江水豈
知章門外停棹不須更出城遂邂逅狂喜無以逾明年
過金陵馳書桃葉渡我方載酒來君卽揚帆去未幾游
東魯聞君在蕪城水閣一握手勿迫仍會情今秋奉使
歸蕪城又相見知我滯窮途分金荷淡春尋當過江國
白下仍停舟艸堂一樽酒重與話離愁昔憂會晤艱今
覺遭逢易始知同心人不限時與地
別吳野人
我歸白下日君返安豐時安豐大海邊以昔家于斯今
秋洪水漲白波浩無涯高原數尺淡浸淫及茅茨病妻
臥在牀羣兒復啼飢鄰舍寄書來望君歸勿遲此事甚
危急君懷曠若爽反念我窮途買舟無其資力與汪仲
子期勉相扶持送別出城外握手中心悲天地旣不
塞吾徒合流離寶此風雅身千秋以爲期
喜左又鈞見訪有贈
君去青原山言訪炮莊老
淹留歷冬春禪學

其探討當機忽開悟曾中竟淵源便應裂儒冠相從
猶好何爲復還家塵緣惹煩惱君言山中僧癡癡常不
飽終年肉食無形容日枯槁不如授生徒談經弄文藻
吁嗟世變來師道賤如艸欲求賢主人奚啻升蓬島我
夙慕空門脫身恨不早轉多妻女累苦趣逾茶蓼君今
婚嫁罪室又無基縞青原有同心白合歸三寶性命事
非輕口腹何足道

臘八前一日訪張瑞星松風閣小飲因至報恩寺
訪楊嘉樹復飲遂旦即事得三十韻

今日是何日傾都出城南風俗尚熏塔羣聚伽藍燈
光北星月香氣成煙嵐經行雜繡素稠密如春蠶我雖
不好勝事亦在探况有張隱君讀書松風庵月未

相見中懷期共談先登石子岡山徑吾素諳昔者萬松
初盡爲兵所戕僅餘孤榦在其下栽石構隱君棲此閣
彌勒與同龕風義既高潔學道尤淵涵富貴非其時窮
賤寧自甘平生嗜米汁雅量容十飯山中未易得終歲
無一酣凌儀周公子欲傲儒稱奇男許以梅花酒醉我
遺民三及子也一尊方見餉索候涼非合君復烹魚
是間以橋與柑樹酌迷忘歸夕陽千嶺含遙迤下山路
始至浮屠陰叶道逢諸子來王左軍方學士齊集各攜
食一盤云當宿僧舍造塔行相參忽見八九層光輝碧
潭潭皆言舍利子如睹真羅曇因扣楊生戶驚喜朋盍
符又復治酒饌寒宵供客候好事故應爾貧旅何能堪
秉燭待雞鳴言笑樂且耽侵晨各歸去此會知無慙

即事

古人使癡奴吾嘗疑其矯癡者力有餘才智固短小不
如稍才智百事猶可了吾今有三奴二癡而一狡癡者
安其愚狡者恃其巧不肖爲人下輒欲凌物表間以法
繩之偏偏頭不掉始信古人言世故能通曉作詩告後
人畜奴如秦烏焉鴨勝勝勝勝取其易馴擾

早春寄鄧明府以下兩首年作

少賤好遊游蹤蹤老未歇南征歷江楚東泛窮吳越北
走燕齊間頻登岱與碣所以十年內竟未歸林樾仰首
神明宰流光似秋月照我桑梓墟鑑不遺毛髮衆庶被
膏雨奚翅需雲漢獨有念山人無緣得趨謁今聞請纓
歸脂車待明發暫復向潘生垂問及巖窟潘莊百韻詩

銅序詳而嚴辭言無以加况我歸拙所願引指頃重
欲向京闕取道鍾山下停舟訪薇蕨嘉會應有期中懷
爲君竭

京口投吳少府

今人讀書者在往往不識字字學雖多端莫妙形與意諧
聲叩音律轉注音已備韻藻最精微小篆亦淡至迨夫
分隸變古道始失陸東漢許叔重著書明其義獨惜所
著者尚有未純粹宋元諸君子接踵多擬議遺編數十
種探討良不易勝子自垂髫六書性所嗜磨礱三十年
稍知其一二世無賞音人孰肯爲鼓吹頃游潤州城韓
翁過旅次爲言吳少府此道甚淵遠曷往與公談必
能辨同異顧我山澤臃腫非素志倘公清燕暇不吝

咫尺地飲以酒三升從容發吾秘

襖日風雨孫豹人陳其年相約登金山不果是夜

有作

春游錢蕺城旅況甚蕭索頗有故人來懷抱差不惡孫
子關中豪操氣勁礪陳子吳中彥才華雲錦若與我
風同心所恨居客廬今年喜相聚詩酒共醅醕醉况
逢春氣和羣花開未落預期三月三攜手出城郭修禊
大江邊更上金山閣題詩錢石壁似欲掩前作不謂及
茲辰狂風震林樾細雨復霏霏江天何漠漠舟師未敢
渡僧舍仍棲泊新詩互相賞高言雜諧謔但愧囊篋空
無錢具杯杓晷黑始言歸意慙慙不樂天生英傑才必
使用庸庸如何我三人終歲長寂寂下謂良可羞飄零

竟無者不如各歸去空山事耕鑿

寄懷潘江如山中

君昔客淮陰臥病殊胡勿范生篤友誼生日夜憂皇皇
醫藥費不貲然後保安康相邀入都門馳騁風雅場豈
知范生死君翻治其喪執紼親送歸中心愈悲傷以此
病復作三年臥江鄉舌蹇不能語知爲痰飲妨雖有三
男兒莫敢離匡牀生計日以促研田日以荒蔬食且艱
窘藥餌焉能良我今來潤州思君欲相望山淡七十里
路不通舟航輿馬又無力私心實難忘擬借談與孫徒
步躡山岡訪君茅簷下勸君寬愁腸愁思竟何益天地
終茫茫不如飲村酒權樂殊未央

題丙丁龜鑑

來三衢柴望作丙丁龜鑑謂丙午丁未天之厄
運也自周末至宋末歷歷有徵今年丙午欲考
其書不可得偶於京口書肆中得之以示談長
益談作歌予亦題此
少小見此書三十年于茲上言丙丁歲天運有大災
屈指期尚遠我心忽忽之不謂瞬息間歲運倏已來
開春與人言世俗咸驚疑此書藏者少徧覓不得窺項
從京口市典籍棄如遺忽睹此書名亟收易敢遲持歸
示談要展讀共嗟咨斯言倘不謬三復能無悲
何雍南爲其先人乞詩因題此作
何生手一卷嗚咽前致詞若翁古君子懿熾入共知不
幸捐館舍未遂爲鳥私欲乞諸名賢歌詠表章之我故
與君善片言曷敢辭聞翁在堂日經史無不窺晚篤好
內典歸心于毘尼所以屬稿辰香霽盈庭惟教子當戒
殺輩腥亦非宜何生既受教齋食遂堅持即此事一端
已足徵孝思他年顯厥親況不止于斯
夏日楊嘉樹同從孫田伯見過感時有作
炎風扇六合川澤生黃埃老夫臥茅茨日午門未開忽
聞剝啄聲言有二客來一自都湖歸一自濟水回念我
不能忘徒步青谿隈艸堂雖云隘梧柳覆蒼苔其下綠
陰繁披襟何快哉况有茗與酒隨意飲一杯觸熱且未
行直至驕陽頽二子年正富拔涼皆奇才却愁文網密
纖悉成禍胎以此懷殷憂功名念俱灰不如返林壑放
浪無嫌猜

是時新創科場修舍嚴甚

合肥投贈龔之麓尚書

往昔郭林宗葬母于介休送者數千人冠蓋如雲浮獨
有徐孺子步趾來南州負局以自隨絮酒升高丘主人
發溪歎此事遂千秋今年龔司冠葬母肥水阪送者亦
千百執紼皆名流我耀自江東後期緣石尤所愧磨鏡
客不足當獻酬猶記燕京日荷公膠漆投小別八九年
依依懷舊游轉借一杯酒聊以舒離憂

贈紀伯宗

君家孝侯臺我家桃葉渡相去不盈咫時時得良晤一
從徙真州明月隱江樹把酒輒思君中懷向誰語隔江
猶歎遠况復燕關去三歲始歸來黑頭今已素傷哉貧
賤身漂泊隨所遇但得賢主人何須悲道路願念長干

里父祖有主清山錢仍回舊京住

贈山曉師

我昔從旅堂胡齊見公奏對錄其言雖禪宗其意在啟
沃宸眷一何隆賜承凡幾麓南歸臥茅茨了不驚龍辱
私心嚮往之無由遂瞻賜今秋客金斗公亦游太蜀
仙相過獨人中隱隱意相屬清晨人荒剝爲我具茗粥
縱談六合外頗不厭更僕懷袖出新詩氣味淡如菊
詠至篇終幽香滿幾谷因言平生友旅堂交最篤姓名
達天聽徵召期可卜斯人寧餓死不願沾微祿獨于易
簣時待公始瞑目公收其遺艸亟謀壽諸木虛名賴以
傳高風諒難續我今與公交亦不同流俗所恨旦晚歸
聚散何迫促明歲過吳門攜囊就公宿

題杜蒼略冊子兼寄徐莘叟

有客從江東揚舲涉肥水肥水不久停又入溧山襄園
君何所之皋城訪知已知已者爲誰編修徐太史大史
雖貴人智懷絕塵滓三十登館閣四十歸田里縣車尚
黑頭屢召不復起世人慕榮祿貪進弗知止勇退誰似
公誠哉人君子平生好結交強半皆貧士簡傲如杜生
臭味同蘭茝昨歲公五十欲往觀行李今秋始來書
文燦如綺客窗持示我拊節歎其美我雖未見公神交
亦久矣州郡本鄰接恨不隨步履借筆題此詩聊以寄
聲耳他年會相遇投贈不止此

月夜過巢湖同張公上

前日湖上雨風氣何淒淒天永勢相會風帆但隨風
月夜過巢湖同張公上
誰領略詩人在舟中有酒斟酌之歡嘯驚秋鴻夜半猶
不寐直抵居巢東嗟彼往來者足與焉能同

嘉興贈項瞻雪

我友頗與治嘗言項瞻雪裏穀之曾孫似儻爲人傑平
生重意氣取友腸最熱贈重雖小事亦可觀一節中年
宦荆楚元非意所屑數月解組歸高義師前哲從此益
攻時詩情何皎潔秋水滙鵝湖不受纖塵涅我心嚮往
之山川路阻絕今歲游嘉禾相訪意殊切君臥聞我來
倒屣不及曳亦言相慕久此日懋勞結因出願翁詩十
年字未減珍重詩篋中開函尚悲咽冬青一尊酒山茶
花下設同心有一朱談笑共愉悅縱飲期終宵入夜安

忍別留宿其書齋聲四鄰徹天明始還寓清興猶最
辭疾書二百言聊以盡曲折

讀書樓詩爲周櫟園憲使作 以下丁未年作

周公書癖遠近無不搜升其累千百一皆名流擇
其最精者手自成較讎裝潢十餘帙林經煙光浮置之
屏几間可以當臥游往歲逢世難家破身羈囚一切諸
玩好散逸如鳬鷖念此心不釋篋中長獨留辟彼趙子
固簪路風壞舟手持蘭亭本笑立蘆花洲至寶幸勿失
其它復何求今年官南國署齋有高樓四面環青山居
然見皇州因取向所癖貯之樓上頭錫名曰讀書退食
時稍休讀書如讀書其義淵且幽苟非真博雅妙緒誰
能抽况公擅著作詩文垂千秋千秋果自命睥睨輕王
侯

石埭訪姚六康明府

朝發冶城南暮宿牛渚西從此含大江扁舟涉山谿
流四百里迅疾過奔驥節節是危灘上灘如梯舟人
各努力曳牽聲酸嘶青山四面合綠篠千重迷不聞雞
犬聲但聞子規啼崎嶇行八日乃始見村畦知爲古陵
陽仙令於此棲鳴琴臥高閣熏風被羣黎方春懷舊雨
寄我以尺牋上言縣僻小訟庭艸萋萋官閒無俗慮仰
首雲峰齊安得故人來永日同攀躋感此勳予念言尋
桃李蹊長灘險却穩孤棹隨高低况我所著書亦欲君
品題持入署齋中開卷相與稽林樾信多美游賞惟君
攜仕隱迹雖殊素心終不睨

贈陳益受茂才

我來古陵陽山水清且麗假館臨谿流羣峰恣近眺獨
惜城市中交罕無所詣聞有五大姓陳沈蘇湯桂散處
各村墟欲往路迢遞諸陳宅稍近益受才更銳策杖造
其廬一見如舊契欣然命杯酌邀我坐檐際相對無俗
言藝藝愛談藝問君昔所師芭山之高弟揮金助梨棗
動以千百計其書竟未行君家日以替此事古人難况
乃衰晚世老夫多著述白首窮篆隸恨不蚤遇君因緣
附剡剡古道今寂寥風流復誰繼

題周寶鐙夫人坐月浣花圖

秋月何皎皎照我庭中蘭蘭英四時苗香葉秋尤攢美
人臥空房深夜起長嘆見月愈增悽折花強爲催呼兒
盥山泉集 卷之一 五言古 手

不歸花月司誰看
月之勿令華葉乾月亦有時晦花亦有時殘良人久

謁蘇岡卿祠兼贈其嗣君凝之

有客來舒谿停舟入山城城東見祠宇棧桺何崢嶸借
問祠者誰先朝蘇岡卿曾爲瀘州守抗賊遂捐生厥配
亦殉難巴微稱雙清 聖明方議恤國事逢變更易代
雖改步不戢惟忠貞此祠許里建邑宰供案盛令子守
先志田居老躬耕好文復好客客至寒裳迎相對談往
事浪浪淚霑纓我來拜祠下懷古空傷情古人重節義
今人重科名科名何足道節義良非輕前有丁公黼後
有蘇公瓊兩公祠並垂千載流英聲

登陵陽山望黃山作

往聞陵陽山上有天柱峰天柱今不見但見雲巒重引
頂望黃山巒若青芙蓉相去僅百里何為阻遊節朗吟
太白詩惆悵倚孤松彼有韓侍御尚云未從容我今無
地主欲往將焉從却美寶子明絳霄騎白龍李太白有
遊陵陽山詩

青陽道中見山家園林甚多有感而作

夙性慕巖壑欲卜山中居一從羣盜亂山中竟無處流
離三十年蹉跎五旬餘每於道路間見人好丘墟歎美
不容已繼之以歎歎天生英絕才必期多讀書讀書既
萬卷不獲乘軒車所願田數畝結伴惟樵漁此願亦易
遂胡為獨斲子仰首問穹蒼悠悠意何如

贈吳山翁高士

山翁集

卷之五

五

棲山既已沒秋嶧桐亦云亡詩從此秋浦郡閣淡無
光繼起有山賓獨步風雅揚才華若雲錦志趣同雪霜
當其國變時年未三十強甘心廢仕進散髮歸農桑鍵
戶仍讀書經史靡不詳尤工古篆猶老筆凌漢唐李斯
及許慎剖析爭豪芒此道知者少鄰邑惟蕭湯吳大木未
審其所學與君誰短長我亦酷好此相思阻河梁今歲
陵陽遊因之到池陽入城先問君授徒招提旁披帷一
相見容髮各已蒼未暇敘寒溫高言破鴻荒如飢餐玉
粒如渴飲瓊漿晨夕數相過懽樂未遽央

齊山

振策上齊山秋草被荒徑巖壑雖玲瓏聲辭却平正名
義當在茲匪由刺史姓况乎刺池者齊照非齊映厥誤

訪周史公傳謫入邑乘司馬據為實公我獨不敢信樊
川九日詩聲意亦凡近和者何太多汨汨自靈性不如
岳鄂公矢口成高詠我少嘗遊此亭臺頗繁盛一從左
帥過毀折無復剩九頂及驪蓋二洞尚虛靜我來坐洞
中不覺日將暝歸路涉長隄湖光淨如鏡

西廟

昭明梁太子嗜學稱文人如何千載後赫赫為明神相
傳至秋浦食魚美而珍遂以貴名池惠愛及斯民斯民
咸其義立廟湖之濱廟貌甚弘敞四山多松筠水旱必
祈禱其餘亦咨詢里社號土主崇祀永不湮我夙慕
軌今始出城闔取道乾明寺曲欄通江津所愧羈旅中
蘊藻難具陳仰首若應識臭味遙相親當年駐文選
佑有六臣胡不列其殉配享垂千春

送高念祖游涇縣兼懷萬道吉

歲暮風雪寒高生來自越假館青谿初棲遲未旬月又
欲溯大江孤帆待明發言過牛渚西桃花潭始歇先公
昔為宰思澤沁入骨至今四賢祠俎豆猶馨醇君往拜
其下仰首瞻崇碣父老咸來觀進酒供肴核新令荷賢
者感動念有歿分金潤行李諒不忍輕忽况君富才藻
逸氣凌溟渤雅游在山水匪直事干謁舊交有萬叟屢
居采薇族冒雪尋訪之松窗燭榻拙為我寄相思數年
音問闕

戊申正月初四日恭謁

孝陵感懷六百字

下戊申年作

洪武改元初是爲戊申歲正月初四日始卽 皇帝位
定鼎于江東幸土歸平治文德武功全漢唐宋莫企瞻
彼鍾山阿佳哉鬱蔥氣其上爲 孝陵其下 孝陵衛
松柏千萬株盡作此龍勢高竊紱繞之守以中常侍春
秋祭有期非時孰敢詣吁嗟崇禎末羣盜起涇渭殺戮
遍中原民生日傾頌妖氛向 京闕 宗社遂顛墜野
人算天運甲子凡五易曆數僅三百問短二十四每逢
履端日仰天必長明矧茲戊申年安能免悲涕開正第
四朝策蹇出通濟直指朝陽門 陵寢須臾至延頸望
鍾山萬松失蒼翠雖有翁仲石冠劍已破碎猶喜享殿
存黃瓦幸未毀 陵中閣楠木柱斧鑿痕如織寶城雖堅
固龍樓已變替守 陵仍有官乃荷 新朝賜獨惜白

山園集

卷一 五言古

還

頭監僅供灑掃事樵蘇那得禁閑人任游戲方春風日
和展局雜車騎兒童皆惜惜父老或賦秋追憶卅年前
陪京富盛世臣兄方孔昭適官尚寶司八月秋祭辰兼
攝太常寺許携子弟入臣文臣以智相隨至齋宮終夜
不遑寐散步御河橋明月吐松際忽見羣鹿來觸人了
不忌項下懸金牌上綬永樂字以手探取看併仰隨所
飼雞鳴鐘鼓動千官立階次拜舞各分行咫尺禦天威
野臣行殿中屏息觀禮器祭品悉從儉深歎 祖
宗意所恨貧賤身青雲不自致尚云齊刀剛鉛刀終一
試豈知轉盼間朔方舉烽燧江南成土崩勿復有防備
皇都且不保 皇陵復誰庇松柏斬爲薪樂鹿射作
戲遂令燕雀湖荒殘似邈地在佐百君子鮮不戀富貴

一二草莽臣稍知顧名義戢影巖穴中餓死亦不悔每
逢履端日仰天必長喟矧茲戊申年安能免悲涕所以
謁 孝陵問人少同志嘉興朱茂昉率輔之後裔世受
國恩渡不敢忘所自今春偶游此與我約連轡出城同
一慨未拜先酸鼻拜罷不能起沈瀾淚沾袂因作此詩
篇姓名得附記

酬徐子能見贈之作并柬吳公令

徐子來舊都假館吳邸宅吳邸好風雅亦復好賓客矧
君同里人海內稱詞伯其家故善釀鼎食如山積麴米
氣薰蒸中間有芳澤所謂筍香樓琅玕色波碧下榻恒
有 君書讀自適因取近代詩排比供彈射能以汝南
評直奪鍾嶸席我雖未見君神交本夙昔今春春極早
懽欣成其逆贈我初度吟歌聲出金石欲置一尊酒相
邀共晨夕奈 思風痺乃有皇甫尼足不過門樞焉能
著屢屐惟持所著書數數來請益爲我語吳邸斗酒應
不惜

鄧木上招同諸子集萬竹園看牡丹得十六韻

今之鳳凰臺乃是古瓦官我聞離陵替香林未凋殘瓦
官西南隅有竹千萬竿隆冬色深碧炎夏亦陰寒鄧公
關爲園結構弘且寬疏泉作方沼壘石成危巒種植皆
名花絕艷惟牡丹年年暮春月無數雲錦團公子方妙
齡吐氣如芳蘭興言花開日賞詠恣游觀所招悉耆舊
緝御供盤餐移尊就花下縱飲靡不懽因思卅年前南
都盛詞壇一從世變後嘉會何其難主人敬愛客向夕

情未殫笑指紅藥開乘興還來看

齒有欲落不落者因作此詩

人生血氣衰往往齒先落譬如中庭樹逢秋葉自脫欲落則已在口亦不惡何爲動搖時其筋尚聯絡發言微室礙食肉費咀嚼用力拔除之堅固復如昨因思世間物根柢各有託去留任天運非人力可著吾老好讀書聰明年少若飲量亦未減涼宵且斟酌

送石谿師還武陵兼寄劉山臞先生

城南三十里有古幽棲寺懶禪曾居此百鳥銜花至四祖遠相訪石上書佛字片言領衆妙遂了因緣事貞觀到於今千年復誰嗣大師來自楚愛此巖壑遂掛瓢經十霜二老同定慧獨惜山中僧無一知此意師今下山

去山靈亦抱愧所願還復來重瞻花鳥異

今之談禪者多不解詩書反謂文字障一切當掃除及攷其胸中嬉淺而熾疎吾最厭此輩佛法何關渠師本吾儒氏中年學浮屠稟性寡所諾不喜徒衆居閒情寓筆墨天矯虬龍如其妙誠難言觀者惟欲獻昔贈我長卷疊嶂千里餘藏之笥篋中後代垂今譽

三楚皆中兵湖南地更苦昔日桃花源如今盡豺虎師有二親喪葬于淺土未免蟲水患聞之淚如雨今秋歸故園兆宅遷林塢城荒難久留仍棲此巖戶六朝遺梵剎所在窠石古士夫好禪悅奉師教化主吾見忝前臧子亦承法乳趨駕向江東相依老林藪

武陵山水秀往往生奇人我友劉憲使高義無比倫避

迨歷山下權若平生親出其五男兒俱爲席上珍因言量移後倘得南都鄰東帛迎我往經義相咨詢感此意良厚佇望來江濱奈何六七載其官尚迥迥俗云客妨主斯語豈無因爲我寄尺書離懷難具陳

喜湯荆峴使君見訪即書其母恭人節烈傳後

古木挺窮巷青蘿覆荒廬商飈亦已至落葉聲疎疎有客扣我門云是湯秘書秘書風所慕握手中裏舒因言母氏賢昔在危城居一朝遇羣盜白刃臨階除罵賊嬰其鋒生氣猶凜凜如當路以上聞恩綸表君閭至今睢水上節烈名非虛有子負奇才弱冠登石渠出使潼關鎮仁風被焦漁性不愛簪組荷衣返其初往來江淮間遺民樂相於時時爲阿母乞文揚令譽投我孫翁傳讀罷

增欽欽敬賦此詩篇所愧非瓊琚

縣懷古二百字

老我來縣城旅况甚蕭索閒思探古跡古跡亦寥落惟有薛公井云是薛稷鑿穰穰嘗爲縣令九井皆所作居人反不知一笑付冥漠城北有碧山云是李白棲太白碧山詩不言其在縣我今訪遺宅文獻無可稽流水清且淺安得桃花谿其地恐非真四顧煙雲迷公昔游涇宛湖洄至長林曾陟陵陽巔還望黃山岑寄詩韓侍御多謝相招尋借問新安水見底千尺深似未到縣欽延頭惟高吟後來縣欽問云公蒞茲土采掇其詩篇囚之黃林欽可見賢哲士片言重千古當時盡夢夢誰可作地主異代始攀援失與亦何取

桃嶺道中

興夫行半百躊躇欲弛肩我亦安忍坐徒步輕且便况
有青藤杖扶我上山巔山巔至山麓足繭履亦穿與夫
相告語此老仁而賢彼既惜我力我力尚未愈奈何使
彼困勇猛兒之前前村十餘里遠望見炊烟野店可以
宿村酒當墟邊我亦安忍飲多與與夫錢上下取微醺
一夜駒駒眠來朝陵陽郭始上舒谿船

百川姚六康明府三首

仲冬石門游取道陵陽麓陵陽何其高石門何其促人
品相懸絕亦似巖與谷谷冷不可留巖溫會當復
君本王佐才屈身為做吏自云家處足不屑營祿利俸
錢隨所得悉以貺同志斯言今亦無豈但無此事

金山續集

卷一五言古

七

窮老甘閉門著書垂不朽無如飢寒迫東西口奔走俗
眼多夢夢玉石誰能剖稍可具饘粥亦不累吾友

張夢敦庶常見訪有作賦此酬之

以下已酉年作

與君離別久音問亦復疎稍喜木垕子

清野時時寄

我書道君相念深詩格常推余感此意良厚恨不同室

居今春渡江來枉駕先蓬廬新詩出懷袖投贈情非虛

貧家無所有斗酒及園蔬所願重相過小酌中懷舒

惠山游秦園作

同月于叔湯雨七顧茂倫吳弘人

穀旦屬初夏輕舟出城河言尋秦氏園乃在惠山阿其
中水渟泓四面皆盤渦喬木既輪囷樓臺復嵯峨主人
前有約載酒同來過今晨以疾辭奈此風日何我友動
高興攜手穿烟蘿豈必主人在所得亦已多獨惜子將

歸焉能久婆娑相送立河干林風吹夕波

贈湯雨七

湯君淵雅士遜跡具區東所志在千古弗與時人同其
詩似中唐柔婉而多風其書倣章艸矯健如飛鴻更奇
是繪事匠心妙無窮曾作百幅水大巧奪天工君不求
人知衆人亦夢夢所以年半百聲名猶未崇今偶游落
上與我意潛通我箚有巨冊圖書四老翁請君一寓目
延佇睨秋空因之作四石屹立波濤中以比四壬子嵯
峨爲世雄感此未能報言歸復匆匆安得鸞腹湖從君
結幽蓬

金山續集

卷一五言古

七

金山園集

院桐方文爾止著

塔繡水王榮安節訂

七言古體

市隱園歌贈朱石者少翁

南都名園八九區此園絕勝他所無出水芙蓉香十畝
參天楊柳青千株板橋曲折行水上東西樓閣紛相望
四時風景靡不佳長夏披襟更休暢憶昔姚生居此中
仙我時來就池上風含曉變後主人換十年不見蓮花
紅今日偶然行至此主人好客因留止新秋林壑澹
歸况復登餐多且青醉即褫衣掛絳蘿夜涼露樂如
何蚤知主人意能爾悔不盛夏煩相過

學山神廬歌贈周牛叟

學山在何所乃在淮郡東南隅大小巒嶽數十丘形如
衆星落平蕪中有一丘最靈異四時樹長青翠閭子
下葬其先人茲山信是耶斗星更向山邊結神廬春秋
伏臘來此居夜間啼鳥必哀朝聞風木惟增歎古人
原有終身喪不因服盡哀思念今人親死多不葬反笑
廬墓爲荒唐閭子孝思天所篤復有才子爲之續少年
文采類鸞鷟指日飛騰邁鴻鵠神廬良足多棘人
高枕臥煙蘿上有厥父下厥子俯仰之間樂如何徐生
爲作學山神廬圖方生爲作學山神廬歌

送徐石林還彭城兼懷李孝乾陳善長吳中黃萬

壘客諸子

昔年我作彭城游彭城好友爭相留君本吳人亦家此

含風咀雅無其儔所以邂逅便傾倒况是若翁廿年好
雲龍山上醉春醪戲馬臺前踏秋艸別來消息不相聞
但見名流必道君宋萊陽與李東鹿皆因我故情殷勤
今年重往山東路停舟淮水忽相遇索飲先過閭叟家
傷離又乞僦山句是時八月天微涼小舸欲返黃茅岡
岡下故人如見問爲言吟鬢已蒼蒼

書吳晦之詩後歸其兄子公綽

休寧處士吳晦之一生好作中晚詩孤情冷韻似郊島
老死巖穴無人知君從之中有公綽搜其遺稿半凋落
八卷惟餘四卷存律體甚多古體略以示吾友潘江如
江如賞玩復歛歛選其精要二百首錄成字字皆瓊瑤
子謂公綽此鴻寶關幽函宜付梨棗古詩尋得誠大觀

金山園集

即無古詩律亦好

濟寧遇五兄凝齋卽送其南歸

我來任城日兄去任城時離羣鴻雁旣已久安忍接翼
還參差今宵且莫登舟去枕被同眠觀察署燈前酒盡
話偏長窓外雞鳴天欲曙榜人催上大河船又是蕭蕭
風雨天約略囊金無二十往來客路有三千到家資斧
能餘幾勿復謀居向城裏望鉏耜合種山田經傳尤宜
教孫子我年五十亦蹉跎故園無家作客多爭得衙茅
共林壑白頭兄弟時相過

送姚彥昭還里兼懷陳二如都下

里門通籍者不少孰若姚生陳生才才高轉不得科第
同時鄉貢良可哀今春驅馬入京國過我艸堂傾一杯

我疑二子貌魁岸必有奇遇黃金臺那知資格不肯破
艸艸廷試仍歸來泊舟濟水忽相遇面上驚黑多塵埃
問我何之往歷下函亦南歸舟師催今宵暫宿分司署
主人初度羅縉帶遠客裏資斧盡且喜花前笑口開
獨惜陳生在都下泥塗潦倒何時迴

李溉林參知九日招飲謝之

去年九月南昌城觀察署中聞雨聲調也今年九月濟
南郡又向藩司看月明兩年晴雨各異候孤客蕭騷同
一情所幸主人皆夙好相逢杯盤先傾倒使君高義更
嶙峋推食授衣非艸艸堦前秋菊幾經黃頭上霜華行
漸老我老祇合棲柴關底事風塵往復還平生癖好在
山水不因知已難躊躇使君若有登高興明日追陪上
嶧山集

嶧山

東姜真源憲副

行歲停舟淮北路使君一見歡如故公譙相從十日飲
昨行贈我三絕句感此意氣未能忘尚冀從容展良晤
昨歲南遊豫章城我到使君已先去惟聞僚友說風流
每對黃花惜遲暮今年東遊至歷下使君又復悲風樹
行將讀禮返田園不暇留賓問詩賦稍喜張諸兩詞伯
又上華不注畢竟囊空乏酒錢索醉還來使君署

同張祖望諸駿男遊歷山歸飲酒家醉後作歌

歷下當年有邊李先後詞壇執牛耳山川靈氣盡於斯
無復才華能繼起我今求友來山東但覺歷城風俗鄙

客居愁寂偶閒行忽遇舊交驚且喜因而連轡出西門
釣突亭邊訪灤源南望歷山路非遠其中子佛巖尚存
策杖登高氣清爽馳馬下坂天黃昏今朝安忍遽離別
須向酒家謀一罇諸君自言將北走張翁又欲之淮右
我雖乍到亦思歸趁此秋晴頻聚首邊李詩篇何足奇
嶧華風景還依舊只是岱宗咫尺間二子不登應罰酒

同黃愚長遊石經峪

泰山之北黃花洞泰山之南石經峪是爲岱宗絕勝處
泉壑雲松看不足可笑世人來遊者千百曾無一寓目
聞人黃生好探奇山頭名勝無不窺下山獨未到石峪
忽聞我說心神馳來朝僕馬催歸去且爲迴觀覓山路
邀我同行我不辭崎嶇廿里須徒步石上何人書此經

嶧山

贈嚴水子山人

挂我艸堂垂不朽

歷陽高士陳章侯丹青天下無與儔中間人物更奇古
不摹唐宋摹商周絕技何人能紹此及門乃有嚴水子
慧心盡得其神妙人歎章侯爲不死偶然作客齊魯間
五載蹉跎尚未還山東好事者極少筆精墨妙如等閒
仕宦誰能愛風雅前有宣城後大冶余從前兩公賞鑒
最相知所以淹留於歷下我昔魯遊曾識君今冬相遇
情慙慙雪中送酒來僧舍燈下圍爐坐夜分却愁明日
子歸促別意傍霜氣肅特寫詩人劉長卿老抱雙珠

爲我祝感君此意不能忘兼之紛事超倪黃開春若返
山陰悼便道青溪問艸堂

贈戴絲如明府

歷下栖遲將兩月邊李風流竟銷歇塊然獨處無友生
歲暮思歸待明發道旁偶遇臨邑侯傾蓋一語情相投
黃昏見訪城西寺便約我爲花縣遊今人仕宦惟趨勢
山水詩文都棄置平生夙好亦浮雲豈有新交反招致
我自不宜妄干人感君此義何嶙峋朔風吹雪重裘冷
不待持盃先飲醉劉將軍家有美酒與君借過傾一斗
今宵痛飲定交期他日相逢成故友

元且以下癸卯年作

先君四十始成名又過十年兒始生五十生兒猶恨晚

我今五十有二仍孤婢每逢冬盡春初節家廟拈香像

不悅祖宗諸系延相承忍至吾身中道絕開春祭即更
悽然正是先君鄉舉年富貴功名非所望惟祈書種種
書田

王元偉先生七十

君生萬曆之癸巳鄉舉崇禎之丙子眼見國家全盛時
抱道含章猶不仕何况暮年逢亂離柴桑安忍改義熙
且酌寒泉拾香艸南陔戒養中心怡昨歲初冬介爵壽
江國人人問耆舊我去山東今始歸欲補一觴君不受
春來兩雪梅花寒花下提壺強自寬莫學康浪怨長夜
礪溪此日正垂竿

送兄子象山遊姑孰兼寄唐祖命張兆蘇曹梁父

吹臺孔千一諸子

爾來鶯峰甫兩月新詩百首猶未歇我亦天下苦吟人
那能似爾才超越少年工爲制舉文思如泉湧如風發
心血嘔盡名不成仰首雲霄空咄咄四十以後正詩篇
閉戶揣摩同少年始猶蘭若集翡翠近乃鴻鵠摩蒼天
今春懷友到白下因之訪舊遊姑川此中謝李風流在
爾去逢迎合有緣

喜孫豹人見訪予爲稍遲虞山之行因作歌

三月八日天氣晴方子將作虞山行虞山老人八十二
郵書期晤情非輕吳初已買泊江口却有王郎飲我酒
牽衣不忍遽離別初八改期於初九故人孫老廣陵來
知我欲行船未開黃昏策蹇入城市馳書告我且徘徊

詰朝見枉桃葉渡

地二北詩話

我

詰朝見枉桃葉渡預勸山妻手治具五年魂夢只思君
豈有君來我翻去信信宿宿爲君留十五始上江口舟
不教虛此數日夜日日痛飲青溪樓昔王百穀將之越
簾櫳開門待明發忽逢元美兄弟來復返蘇臺醉旬月
我今情事正相同又是鶯花二月中只合持杯共傾倒
那堪分手各西來

山史

櫻桃行答周兼三見遺

京口櫻桃天下無開勻一似珊瑚珠始摘嘗新更珍異
土膏露氣方涸濡所以古人南遊者櫻桃時節偏風雅
我今與爾客京江何幸春殘又初夏恰逢野老送櫻時
君復分甘遺所思莫愁內熱須寒蔗只當蠻鄉啖荔枝
常州顯慶寺訪楊遂玉留飲作歌

鼎湖龍去二十年志士強半歸黃泉雖有存者窮且老
力以思難多憂前屈指惟君天所祐家人生產還依舊
二子俱爲偉丈夫諸孫又挺山川秀君意超然遠絕塵
荒郊破寺藏此身父子自相爲師友衣食粗足何憂貧
况乃中年能絕慾布被繩牀甘獨宿形容肥澤髭未霜
意氣飛騰量猶濟架上偏多理學書胸中見道長炯如
性命之事既了了世間文字皆蠹蝕我昔與君稱好友
會日苦稀離日久今來東郭訪幽棲自摘園蔬飲我酒
酒闌感歎復悲歌天運茫茫可奈何高士如君世應少
窮人似我亦無多

與惲仲升感舊并呈正雙白楊逢玉

憶昔癸酉京兆試與君定交高座寺是時君年五十五
奮自廣美 卷二十七言古

我方二十稱同志論文爭尚先輩風自謂咫尺銀河通
豈知盛壯俱落魄况經離亂各飄蓬今年重晤毗陵邑
君過六十我五十乍看鬚鬢已成絲話到滄桑惟飲泣
此間舊友王與楊寒花幸不萎雪霜安得移家伴三老
禪牀飄袖日相望

常熟訪錢牧齋先生

賤子童年性超忽特地辭家泛滄渤曾向虞山訪鉅公
絳雲樓上瞻風骨是時姍姍無所知莫測高深惟歎咨
及壯始窺初學集朝吟夕誦勞吾思厥後爲儒逢世難
衣冠文物皆塗炭歸然獨有魯靈光顛頓支離東海岸
每愁風雅道紛綸品定列朝諸詩人不辭好辨爲訕訕
遂令莠莠開荆榛前歲磻溪介眉壽遠近爭趨如恐後

欲借林叟來持觴先遣長書謝親舊却寄念山詩一章
謬稱國手何敢當私喜平生說詩意與公符合爭微茫
去年九日期相訪作客山東紳塵網今年仲夏身蕭閒
始到涇川擊雙槳三十年來臭味同好將疑義質宗工
忽聞鄒市焚書令鐵篋惟應真并中

錢牧齋先生招飲荔枝酒後作歌

有客來自五羊城手攜荔枝酒一罍云是荔枝漿所釀
以餉虞山錢先生先生安置牀頭久欲飲還須待良友
忽聞我到意欣然亟喚侍兒開此酒我從未啖鮮荔枝
今茹此味方知之色如五露初寒日香似輕紅乍擘時
古薏頻勸不肯止先生愛我乃如此何以報之惟藥方
社酒治瘳加鐵矢

答錢公感舊之作

我年二十君加三相遇虎丘碧雲庵意氣飛揚才調合
扁舟直至虞山南別後兵戈不相見三十三春倏如電
垂白重登君子堂眼看莫識當時面追憶舊交多死
長洲華亭爲國殤楊維禪死於法者殊可惜司馬史
死於盜者尤堪傷錢謙益爾我餘生且喜在努力
著書期有待但使詩卷長留天地間窮老焉愁復何慨
揚州訪王貽上司理并爲其三十初度

源洋山人王阮亭號上吐詞璀璨如華星世人疑爾
必者艾誰道今年始壯齡廣陵八月逢初度郡齋瑤艸
圓瓊樹五鼎雙承堂上權連枝又獻山東賦錢謙益君家介福何其多野先奈拙言詞何舉杯朗詠惟君句

萬歲千秋定不磨

去年七夕客蕪城與君一見遂北征賦詩送我追不及
歸來把玩知君情今年九月日蕪城客與君相見又忽迫
佳晨且盡黃花盃高秋卽有青州役青州迢遞海西頭
東馬將行還復休商風吹折隋堤柳試問遊人愁不愁
枕上聞風雨聲

秋雨打窓天未曙狂風威發吹庭樹遙憐江上泊船多
此際驚憂奈若何小灣聯絡猶自可極浦飄搖愁殺我
老夫年年好遠行每聞風雨最關情

魏崑林家宰與芝麓總憲同時惠書感贈

江城苦雨連昏旦秋水平谿淹雨听委巷泥濘人少過
小樓獨坐興愁歎忽聞有客欵柴扉言自北來情依依

懷中探出雙魚素一爲相鄉一合肥二子致身霄漢上
俯念貧交猶不忘招我燕山問嘯歌何事江淮日飄蕩
身賤年年輕遠遊來朝便欲具扁舟丈夫海內存知己
妻子饑寒何足憂

哭靳茶坡先生

時與潘江如張
歲山同拜其祭

八年之內六過淮每一停舟訪君齊君問我到必狂喜
相攜縱飲中心諾今年過淮君已死寒風慘慄傷子懷
急尋其子問其墓墓在城東石塘涯明晨欲往呼小艇
恰有潘張二老偕出城十里見高塚知君於此藏形骸
去冬執紼阻江水此日又難陳上塔仰天一慟不能止
潺湲雪涕沾沾鞋憶君稱詩霸淮右雅音登奏無淫哇
晚就翅葉故頽放餘波亦足風吾儕賢嗣收輯三十卷

其身雖死名不埋獨惜平生重意氣舊交零落音塵乖
白楊從此聲蕭蕭黃鳥無復鳴啾啾暮歸僧舍擁衾臥
庶幾魂夢來相依不叶換古詩君復見
爲張虞山作

柳冠道人歌

柳冠者誰張四愁萬里歸來自瓊州海濱拾得小椰子
巧製爲冠加白頭問君如何學此欵朔風蕭蕭髮毛短
金盞筮與編撮魯叟無庸嘆微管

元旦

以下甲辰年作

正月上旬逢甲千農家爭道是豐年今年甲子爲元旦
更覺農家笑語偏我有山田在江北身在江南收不得
祇應賣却江北田自種江南田始食

去歲冬晴無雨雪草根蝗蝻恐未滅上旬甲子農家年

先春合有水花結是日午餘天色黃夜渡寒氣侵人牀
曉來瑞雪已盈尺秋稼如雲定可望

百歲翁歌贈趙謙謙先生

弱齡好神仙頭白無所遇豈惟神仙無耄耋亦罕赴良
以世運促人命修短同何圖來濟上得見趙仙翁翁生
嘉靖之乙丑開盡滄桑何太久今年甲辰正百歲正月
下旬介壽自言家世本閩人卜居寧陽沈水濱祖年
百三父百二皆以學道全其真道家往往往煉黃白或言
客成御女術翁斥此輩爲妖妄惟實精神戒母失蚤歲
連生十二男孫與曾玄三十三忽逢世難遭殺戮子身
逃劫漳河南八十以後重娶婦復生十男十二女長男
成立幼成童不學神仙學商賈翁今百歲春秋高雙瞳

炯炯察纖毫耳雖微聾不妨聽手足便利身堅牢飲啖兼人殊不覺知翁腸胃有靈驚若非相火保龍雷焉能上壽倬龜鶴況翁相地術尤奇理數洞徹心無疑不待登山暨臨宅披圖禍福先知之我聞荆楚間亦有彭仙翁其年百餘歲其道與翁同只是彭翁好逃劫頻改姓字輕遠涉翁言明夏是劫年亦欲預逃之建業翁若來建業訪我青溪邊我願爲弟子杖屨相周旋自知根器薄曷敢求神仙但所導引却病延餘年

畫松行答王東郭見貽之作

新安郭原名

莫愁湖邊雲物青有翁四十兒廿齡讀書萬卷不求仕却於窮巷甘沈冥厥子生來更奇絕學詩學畫意全別胸中蕩滌無纖塵筆底蕭爽似晴雪一朝過我草堂來

主人偶出失趨陪壁石梅竹影嘉賓坐久心頗開君歸便作古松樹矯若蒼龍出雲霧上枝挿漢下拂淵高者扶疎低屈注貽我草堂縣正中臭味恰與梅竹同吾衰愧此歲寒友客至但聞巖壑風復題長句古松旁主人吟翫喜欲狂何以報之惟橋酒待爾父子重過倘一斗

京口與陳翼仲飲酒家作歌

潤州故人談興滿一往歷下一桑乾時談長安在山東老夫過此無可語扁舟小泊京江灘是時定海將軍宅江寧陳生爲上客乍聞我到出城來從者攜錢數千百楊彭山下寺新開翠竹青桐絕點埃僧厨不惜供茶笋梵律未許移尊疊笑指河橋幙非遠沽酒送行

情繞繚酒罷子登蒼水舟汝亦入城天色晚

雪溪觀水歌

十日黃梅雨不歇千山萬山水爭發青桐門外勢滔滔白石橋邊聲汨汨今朝天氣喜初晴有客相邀出郭行行人試聽潺湲水不足若聲是雪聲

贈張禹邨

古人有慕蔭相如或慕顏曾伍子胥取其姓名作名姓因而百世垂令譽今人嚮慕古人少況乃命名從幼小前賢且不解師承近代風流復誰紹潤州張子始成童作詩作畫靡不工厥名曰念是何意云慕念山期與同老夫薄劣安足數縱有詩篇盡愁苦妙年底事獨相親良以若翁謬稱許若翁風雅自翩翩毓秀鍾靈非偶然丹青已人倪黃室詩法還從杜白傳

贈喬孚五

先朝詩人喬白巖曾官司馬來江南品題山水好刻石至今遺跡諸伽藍公有從孫曰孚五能以風騷繼其祖筆端皎潔無纖塵胸次寬平絕城府長夏偶爲蒼雪游與予邂逅情相投僧房咫尺頻來往雅詠三篇足獻酬少年才調知君少更望苦心窮窮究他時鼓柁過邗溝定向君家憩亭治

南潯歎

南潯一邨當一縣財貨雲屯商賈便中間鉅富者誰子擁貨百萬人所羨百萬金錢是禍胎片時飛威如浮埃匹夫無罪懷璧罪盡室誅夷亦可哀

送湯官若歸南豐

興與六月逢湯生其年正少才正英爾寓鴻禧我鐵佛
時晨夕往還無送迎手持書義三百首錄下閱之老眼
明以此進取必高第何難黑頭加餐饒爾獨甘爲布衣
士讀書所志非科名良由若翁泊若祖國恩深厚難忘
情此邦名士趙孟頫懷祿貪勢慚其兄是何年少遠能
爾令人感歎中心傾八月我歸自蒼水九月爾亦來南
京停舟見訪桃葉渡促裝便欲盱江行自言客久當省
侍明歲重來石頭城長齋斷葷復止酒何以致款待
蕪江邊相送無他語莫犯風波莫遇兵

王左車兄訪不值却寄

前日訪君湖上村君先探菊江東門今日訪我溪上宅

我亦看松市隱園來往迢迢十里遠兩番不遇人空返
霜晴重與訂佳期手摘寒蔬婦炊飯

胡靜夫兄訪草堂有贈

老我卜居青溪里爲傍詩人顧與紀顧翁謝世歸山丘
紀叟移家涉江水草堂冷落柴門秋行吟澤畔思悠悠
此間詞客甚鮮少雖有佳篇誰倡酬胡郎父子故風雅
君更登壇稱作者一居城北一城南客易何能其五
冬晴步趾向南來手攜吟卷皆新裁牀頭濁酒聊堪語
林際斜陽却又迴稍閒便欲尋君去只愁道遠難相遇
安得青溪作比鄰往來觴咏無朝莫

贈湯巖夫

今人讀書不識字下筆滄謬十三四許徐訓詁自分明

爭奈人都不省視昔者吾友戴敬夫磨窮字學天下無
子少竊聞其緒論雖知梗概心猶蠹中年奉教蕭尺木
尺木篆隸精且熟每與子言輒終夜字學稍知其節目
平生結交多俊民此道茫昧恒失真何期晚遇湯玄真
奄有二子成三人猶記舊工司作客頃頃微言恨匆迫
別來十載夢魂勞老去重逢鬢髮白閒時緩步過吾廬
相對惟應話六書秦漢晉唐多變那能貫穿爲發
當時戴蕭所來悉今日詢君得其實我亦著書曰蒙求
乞君釐正方成帙

贈吳子班

樓山先生死秋浦浩氣英聲自千古巢破巢論黃口兒
天遺孤雛脫豺虎藏匿溪山二十年苟全性命非徒然
博覽羣書頭角異連生三子宗支延記爾小時曾一見
二十年來未謀面今冬兩雪到南都訪我草堂情眷戀
若翁曩亦居此園陳生其年方及門我借朋輩日過此
文義詩篇悉討論朋輩如今皆物故惟餘白髮傷遲莫
昨歲陳生飲草堂俯仰歡歡作長句爾今來此復含辛
把酒沈吟淚滿巾投我短章亦凄苦異時精進伴先人
樓山先生古文好聞說重編付梨棗明春幸寄一函來
老眼摩挲以爲寶

施愚山少弟加惠乳山林翁不一而足詩以紀之
林翁八十有六年敝袍遮體冬無綿衣之眼昏復便秘
欲求藥餌囊無錢其家雖有丈夫子貪劇僅能供菽水
亦有良朋共倡酬杯酒殷勤而已矣施公奉使過長干

枉駕衡茅興慨歎曾貽亭帳防炎夏又製綿袍禦苦寒
更憐翁病日衰老對酌醫方何藥好捐金爲市地黃丸
潤臟平肝以爲寶翁言使君義誠高老夫貧病猶可熬
薄田預徵明歲稅縣吏追呼命莫逃公聞斯言客憐感
倒簾傾囊渾不惜代輸田賦免憂煎且得逍遙過除夕
吁嗟古道今已稀使君高義何巍巍佇看廣廈勢突兀
大庇天下寒士皆春暉

西府海棠歌 以下乙巳年作

白下城南多古樹昂霄聳壑無其數一自官司造海船
紛紛斬伐誰能護松栢凋零既可傷因之花竹皆罹殃
往時叢卉家家有今日名園處處荒惟餘天界老僧室
俗語權際海棠猶茂密二月花開似落霞三春客到無
虛日老僧作歌與客看追思往昔興慨歎趁此春晴不
游賞莫教風雨又摧殘

東園杏花歌

長板橋頭春水平魏公東園最知名其中文杏千百本
二月花開似錦城世事滄桑主人換東園入官良可歎
墻垣雖毀杏猶存每到青春仍賞玩游人日日來園中
花下提壺歌笑同不知誰觸主人怒斬伐爲薪一旦空
此地犁鋤種蔬菜遠人只道花猶在晴明携酒來看花
忽見朝畦發長慨我家正與東園鄰醉臥花間秋復春
今朝對此增惆悵回首鍾山益愴神

贈文及先

先朝篆刻誰第一文翁三橋故無匹其法全師李陽冰

意態巖毫不相失今人好奇務詭秘反謂此翁爲平實
六書譌謬良可嘆古道陵夷非一日三橋從孫曰及先
家法升堂兼入室胸中體勢最嚴謹腕底風神更超軼
曾携所作游京師孤卿以下皆屈膝年過七旬神轉王
不肯輕爲人捉筆愛我獨貽三五章寶持不翅金千鎰
何以報之惟短歌歌聲亦若金石出

爲彭旦今母夫人壽

瀕上彭君別十年暑中訪我青谿邊形容較衰興亦減
獨有故舊情依然問君何之指江縣俯就一官差滿面
自言有母七旬餘家貧無以供珍饌且喜朱方是比鄰
扁舟迎養不艱辛三牲五鼎尋常事爭似湖山魚笋春
題王阮亭儀部像

嘉隆年間詩得名七子尤推歷下生其聲碎轟氣森

雖有音格少性情當時人奉爲山斗李亦自誇燕許手
百年以後虞山翁引繩披根發其醜辟如陌上桑一篇
改竄古句多拘牽其詞猥鄙殊可笑劣得盛名吾感焉
山東風雅誰第一新城王家故無匹季木開先稱作者
貽上後來更挺出昔君弱冠通籍時都門一見如故知
會窺行笈皆鴻寶竊歎詞林是總持明年佐郡來邦上
詩思益勤懷益曠每逢山水必搜尋但遇良朋恣酬唱
哀成巨集曰漁洋開卷無非明月光前人白頭尚未到
君方綠髮蓬萊長今轉潛郎入禮署過江別友行將去
手持一卷抱琴圖顧我茅堂索題句武林戴生工寫真
頰上三毛信有神戴生繪圖諒非一風雅何曾得此人

世俗所好榮名耳畫圖亦復施金紫知君所重不在茲
但論其詩餘不齒濟南既有王阮亭山東無復李滄濱
屈指何人堪比擬萊陽宋與諸城丁宋嘉慶丁未

金陵五峰行送王阮亭祠部北上

阮亭先生官揚州江淮山水無不搜最愛舊京多古蹟
公餘輒作金陵游燕子磯邊每停櫂鳳凰臺上幾登眺
雨花木末恣扶筇桃葉青谿仍垂釣城南牛首與獻花
城北攝山復寶華皆因僻遠不曾到見人惆悵還咨嗟
今年五月還官去重訪金陵舊游處拾遺補闕諸素心
捫葛探蘿何足慮先尋佛窟次幽棲邀我同行路不遠
曉曉雙闕雲生岫夜臥層樓月滿谿明日驅車帝城北
攝山幽秀宵難測獨向溪林探石泉更上危峰望京國

贈戴山人葭沚

前年冬月涉卅水並相祠邊訪知已武林戴生居隔垣
爲我曾圖四壬子柴桑絕度本天人杜白風標並絕塵
何幸置我於其側意態相關若有神因持此圖示同調
人人歎息誇精妙先是曾鯨與謝彬兩公心法惟君紹
今年夏月復來茲何以報君惟此詩西園雅集成千古
全賴龍眠李伯時

汪左嚴招同孫約人汪秋澗及令兄舟次叔定季

角泛舟紅橋作

蕪城之東河水漲浮查直出隋堤上主人好客移尊俎
畫舸乘風人清曉須臾打槳過紅橋浦潏平分十里湖
楊柳菰蒲皆浸沒藕花蓮葉未飄搖暫憩重陰法海寺
無數蘭橈先後至朱簾乍捲見青娥赤日當空下秋翠
老夫豪飲興悠哉倏忽狂飈自北來却笑秦翁憂且懼
便令舟子放舟回君不見主人情縫總欲去平山中道
返稍涼再作蜀岡遊小艇沿谿莫辭遠

楊東子宅題九龍山樵卷

九龍山樵孟季良元末隱居惠山陽中遺飲亂走四方
晚歲歸來鬢已霜重向山阿葺茅堂躬耕乃在先塋旁
孟家兄弟皆冠裳君獨不仕安農桑此意孤高不可量
我復詩書能養長自寫惠山圖一張題詩其上猶芬芳
此圖筆墨雖珍貴成都公干人姓楊廣陵七月秋氣涼
公子燕客傾壺觴因展此圖發奇光摩挲吟咏喜欲狂
我曹志節遙相望對之愈覺增感傷卷尾重題三五行
九龍山樵曷敢忘

贈吳仁趾

孫約人家見爾篆汪聽人家見爾詩詩稱妙品篆神品
是何年少能兼之恥人云爾茅山去旬月還當來此處
江上風濤多險難過期不來良可慮新秋大水通江淮
爾忽停舟到悔齋我同孫老衝泥往夜話鐙前心事諧
尋取篋中詩相質皎如秋水芙蓉出詩雖雅調猶可企
篆則絕技無其匹仁趾仁趾善自珍文人慧業皆前因

年齒漸加學益進大名字宙垂千春區區富貴何足陳
送徐子九歸雲間

昔游江楚經亭州與君一見深相投既維我馬授我館
復酌我酒承我裘是時羣盜山中起日夕攻城樹軍壘
主人才智有餘關櫓客城頭看秋水羈遲旬月自懷歸
中夜揚鞭出重關分金雖少情則厚臨別河橋淚欲揮
別後相思不相見逢人輒問及愚賤也知解組歸湖山
欲訴離情隔鄉縣今秋相遇青谿邊屈指睽違十八年
顧我吟髭已衰白輪君青鬢尚依然尋呼小艇過茅宇
舍梓村沽佐雞黍本期聚首再盤桓無奈歸帆又延佇
明年八月秋花開送兒歸舉還復來艸堂咫尺舊峯寺
一日相過定後回

喜關中王幼華見訪艸堂

廣陵城西木蘭院與君情舍初相見是日偏逢嶽降辰
肯酒嘉魚聚羣身我年是長居上頭衰談詩夜未休
坐中欣賞君第一從此心期膠漆投來朝復飲注生處
盡日流連不忍去刻燭爲題壬子關筆端疑有神靈助
別後東西各一天韶光彈指歛三年雖無尺素過音問
聞說麻衣守墓田老夫結交獨海內風雅如君得幾輩
朝邑三原與邵陽文采風流果佳對霜天寥廓雁聲哀
夜夜秋燈花葉關私心必有良朋到僻巷俄驚之子來
秦關吳苑三千里匹馬單車渡江水君言南國多交游
獨有金山是知己手持哭母詩一編其音凄楚情纏綿
小人有母尚未葬讀此傷心淚泫然又言明歲服將闋

投官微倖吳與越欲取秦中先輩詩選選成書付剞劂
並取金山所著書分金刊布垂令譽感君高義諒不與
顧我薄福如何如白下青谿桃葉渡豆架瓜棚於此住
但閒徒步即來過莫怪貧家無禮數况兼令節是重陽
攜手同登石子岡方景祠堂一杯酒他年竟夢不能忘

吳平露齋頭小飲作歌

秋雪不雪天氣寒子山萬山風葉殘茅堂書閉罕人事
日暮杖藜尋所憐會稽吳郎江海客假館遶東太守宅
門前狗馬縣懸塵樓上琴書自香澤論文之暇喜攻詩
贈我長篇絕妙辭等閒一見必呼酒况是霜寒木落時
憶昔驅軍過塞遠逆旅相逢情縈結南歸何幸復銜杯
獨惜談麈猶未短

寄蕭尺木先生七十

國朝書苑誰集成啟南徵仲垂大名兩翁年皆至耄耋
天生人瑞常昇手後來繼起者誰子子湖遺民尺木氏
書在兩翁伯仲間風義孤高亦相似獨惜君生離亂時
中懷抑鬱人少知讀書萬卷詩千首自晦寧稱老書師
我昔羈棲緒山日從君問字膠漆投來去江干十四霜
羣疑滿腹無由質屈指今年是古稀雲山相望情依依
定知對酒同文沈他日重過願不違

哀翁嫁女行

金陵高士史癡翁有女及笄其婿窮阿婆誅求行六禮
六禮不備媒不送以此蹉跎年歲久歸妹愆期尚未偶
癡翁苦勸非一朝阿婆堅執但搖手適逢元夕放花燈

天街男婦聲沸騰阿婆亦欲攜女往阿翁陽為好語囑
是日趨往婿家去告汝與永為治具夜深妻女行燈回
引過其門聊歇步須臾果燭羅酒漿阿婆驚顧不及詳
翁謂其女同齊拜今宵合卺時日良飲罷夫妻白歸舍
向平從此完婚嫁次日喧傳都市中癡翁嫁女成嘉話
我今嫁女亦類茲納幣催粧皆省之親朋問者多相笑
試想癡翁癡不癡

京口喜遇孫豹人
豹人去年冬與舍弟四谷同游和
州遇谷歸中豹人為之治酒

我欲渡江去君先渡江來江城忽相見攜手登高臺為
言昨歲歷陽事霜天白雁毛羽摧同舍非君旬旬教旅
意飄揚焉能遇感此益重友朋義在原急難何有哉人

生壽命等胡靈

修二北詩帖

生

逢知已無疑猜天晴散步出南郭郭外樓桃花正開

送韓叔夜歸鄂陵

韓翁五十兒治生兒生四月翁遠行阿姆抱兒立門外
看翁上馬難為情此去京都因謁選分符遂得永嘉縣
是時海畔多兵烽憂危不敢攜家眷那知南方作令艱
十官九罷於其間罷官猶可仍降罰編糾糾紛豈易還
今春始得歸鄉里問兒長成十歲矣道途勿復再淹留
入門相見應狂喜

贈陳廷喜

君年長我剛一歲白頭滿瀟風塵際有子姓然三丈夫
朝暮色養羅甘我家人生產了不聞提壺挈榼常醺醺

醒來但寫花前句吟罷還看江上雲人間樂事誰如此
濁世浮名安足齒我過半百尚無兒升斗千人應愧死

春日同孫豹人陳廷喜楊襟海呂又薛飲酒家

潤州城南多酒家四山無數櫻桃花小園水竹有幽致
海蛤河豚風味嘉我因陳翁交呂子意氣蕭爽兼聚華
是日千錢杖頭掛指點銀瓶安用賒獨我冷飲眾驚異
方出本紳無疑差歡笑移時爛熳醉歸來山經皆次斜
主人好客情未已更期明日游江涯

二周行贈周建西子常

二十年前客京口抵掌論詩多好友與徐四子已黃泉

宋書能讀詩學唐風志不移今春我到三山下見君佳
句何妍程君尤篤好念山詩借我全編悉抄寫以此念
年稱賞音朝昏相對惟長吟他時京口論詩者屈指當
推君竹林

修二北詩帖

生

磨斧山下酒家同孫豹人陳其年談長益何雍南
程千一小飲作歌

無端作客來潤州轉因匱乏成淹留賴有同人日相狎

征歌痛飲能消憂談翁塞上十年別此地重過頭似雪
繼起誰登風雅場何程二子俱魁傑客舍論詩見訪頻
況逢詞伯來江濱關中孫老才華健陽羨陳生格調新
六人相聚緣非偶屢出城南看花柳地主青蚨頗不慳
山家綠蟻惟吾取底事停杯忽改顏陳生明早渡江關

子借孫老亦將去他日難忘戴女山

程豈崙別駕招飲潘園賦謝

東南雅

京口新屯數萬兵民雜處多喧爭誰其治之郡司馬
彈心調劑人稱平所以旦旦趨公府案牘如山意良苦
飢時暫餐還不能那得閒情到園園使君才智綽有餘
賓客來過日不虛開樽每在夜初靜抵掌無非詩與書
獨惜春光隨逝水雙眼何曾見花蕊偷閒載酒出城來
召客看花盡知已竹裏行廚傍水邊桃花雖落李花妍
莫愁郭外兵兒折但恐來朝花朶蕪况復東風吹柳絮
坐中客亦東西去今朝對酒不盡歡他年會合知何處

王給白廣文

司空山下初逢君準擬六翮翔春雪豈知贈賸不得意
白露青氍猶廣文人道廣文官獨冷我覺比官兼吏隱
回首金沙諸貴人一朝奇禍皆顛隕君去昭陽萬水間
故鄉憂患了不關稍轉思陵亦善地頻宮松竹何悠閒
我夙與君稱莫逆同心離居愁思積都門一別成九年
京口重來淹數夕無端又欲泛苕溪聞說登舺意悵悵
城外杜鵑花正發花前痛飲惜分攜

桃葉渡歌

青谿女子王家妾一喚桃根一桃葉王郎曾作桃葉歌
此地相迎不用櫂自晉迄今千餘年渡名桃葉情依然
經過才子及才女佇立樓邊復水邊乙酉丙戌何人者
改渡爲橋便於馬徒梁之制本不堅利涉之名亦不雅

二十年間橋屢摧更有俗僧何處來募金樹石雖能久
渡口煙波安在哉人言此橋不易致我道此僧實多事
淮水澄泓渡自佳問名猶不忘所自無端改作何太癡
風光應不似當時老夫尚記承平日汝輩少年焉得知

題孫無言新居

梓菴往歲移居時予與軫石澥堂同贈詩
石合書一長卷囑爾什襲珍藏之未幾玉樹委黃土予
與澥堂俱白髮間取此卷復展看光焰萬丈何陸離固
知人無百年壽惟有筆精墨妙千古垂爾數移居不勝
賀我又不善爲祝詞所願爾子爾孫寶此卷傳之異代
永不磨

蘇羽吉宅同孫無言約人汪舟次夜集兼懷吳賓

賢

三年不見郝山漁每過蕪城訪君廬聞君負米
去江縣引領南望空躊躇今歲重來主人在留客盤餐
如有待病夫脾弱忌飲啖懼劇遂忘登所戒况逢老友
二孫來汪子比鄰不用催獨念吳郎東海畔安能涼夜
共銜杯

江上短歌

南風正烈北風微江水奔流蕩炎暉江買舟向京國
二夕纔能抵蕪磯不如策蹇行江岸無論陰晴一日歸
秋夜幾同汪舟次程飛濤周雪客潘蜀藻王安節
泰淮小泛作歌

今年三伏苦無雨七月終旬猶酷暑柴門倉猝來舊交
艸舍炎蒸愧難悉因呼野艇泛青谿恰喜涼風生遠渚
雖無蘇小凭紅欄尚有何哉歌白紵興懷往事不勝情
欲展愁眉向誰語我甘瓢笠老漁磯君望烟霄合鵝舉

合肥贈秦虞桓

與君定交時丙子是時藉藉稱名士睥睨青雲足下生
不信中途困泥滓如今丙午三十年白頭相見情依然
君有丘園志高臥鴻妻驥子真神仙我老無家更多難
百事輸君自悲歎惟餘詞賦畧相當索酒狂吟至夜半
故人聚集情正懽來朝又欲去江子折柳河橋重回首
巢湖秋水夕漫漫

贈孫秋我

少年策蹇走華陽與君旅舍傾壺漿別來歲月幾幾變
俛仰之間三十霜今歲偶來筆浦秦子齋頭共雞黍
嗟子短髮已成絲怪爾長髯黑如許新詩見贈似瑤琴
欲報無玳瑁簪聞有芳園栽萬柳垂條拂水長陰森
堂名爲取題應字嫩葉初黃更賞心

贈閻古古丈

我年弱冠家南京雅慕沛縣閻先生是時先生亦知我
各賦一詩遙寄聲十載相思不相見幸擬驅車涉淮甸
始愁兵火道途艱尋痛京師滄海變先生意氣慨以慷
報韓欲效張子房上書時宰屬忌諱隱匿姓名之四方
踏遍西南好山水二十年間頭白矣司寇龔公念舊交

特疏令君還故里今秋鼓枻肥水來與我邂逅襟期開
容髯雖衰氣猶壯新詩骨格何崔嵬握手經旬又分手
欲展離情惟有酒城頭明月正高寒一日相過飲一斗

九十九翁歌

和州城南五六里有坊八尺高林起旌表州民沈伯端
大字誰書州刺史沈翁行年九十九妻年減二同白首
亂世遐齡豈易臻偕老尤爲世稀有我今騎馬此地過
下馬訪翁入烟蘿問翁何修得此壽翁慘不樂淚滂沱
自言家道昔頗足有子三人耕且讀一朝寇至俱被戮
二老潛身匿山谷敝廬既燬田又荒改禾種竹爲資糧
在時妻在猶有伴不幸去冬妻病亡子身勞瘁無所倚
朝夕艱辛是菽水三旬九食長苦飢殘喘難生不知死

幸蒙刺史仁且賢賜我坊表光餘年豈知多壽都多辱
陳自孤婢實可憐我聞斯言長門素期自古有人焉
安忍頑祥委溝壑歸語使君重作詩

送姚六康之任石埭

昨歲君從嶺表來停舟訪我青谿隈八年分手離情苦
一夕談心笑口開問君別後何所事君言困辱不得志
與其避俗常畏人何如服官且玩世以此謁選入莢關
循例當遣一命還江南山水風所愛安得分符宜欲間
仲夏偶然見除目知授專城九華麓其地雖僻田賦輕
况是頻年禾黍熟君發新硎刃有餘彈琴之外讀羣書
甘心淡薄應無取分潤貧交諒不虛八月之官先過此
我適渡江涉肥水艸堂不獲迎軒車芳訊猶然寄知己

明年春水漲青溪期我扁舟秋浦西九朵芙蓉插銀漢
合從仙令共攀躋

嘉興贈曹中峽

我來醉李天正寒寄書石門期所惟君問我來即命駕
不辭風雪過湖灘霜晨見訪榜嚴寺握手慙慙感同志
黃昏置酒臨前除挑燈却話金陵事金陵王侯才縱橫
君之彌甥我館甥飛揚跋扈人所羨酷似其舅非虛名
答陳堯夫見贈

朔風深冽號空林香臺夜雪三尺深旅人坐困不得意
擁爐且作寒蟲吟叩門相訪者誰子贈我長歌書滿紙
客窗展讀未終篇頓覺春光放梅蕊我昔游木交若翁
見君總角方成童三十餘年重至此君才卓犖士雄
壯世九名非所好獨于風雅有深造處山樂與君所師
歷下鄒鄉何足道

吳興贈嚴修人進士

前歲我來苕霅間與君杯酒時往還不知君有贈我序
古義高深真可攀今歲重來舊游處劉生出此延吾興
問君何以不見投君言文成客已去詩文妙處惟一真
真之至者能通神俗眼塵昏那解此但誇藻績爲鮮新
老夫攻詩四十載堅持此說終不改世人疑信何足憑
千秋自有賞音在誰知吾世便逢君不待求請舒鴻文
既非勢利相要結便是交情無此慙良由肺腑有深契
感此龍鍾淚沾袂因君遂想異代賢豈無知已如君輩
詩篇而外古文詞羊公鹿門我所師鹿門之後君繼起

菰城長有雙蓮枝老夫苦吟同飲帚何幸附君名不朽
開篋還傾所著書更乞片言垂永久

訪李望之山人兼懷王後宜孝廉

梅華千樹沈家園欲開未開香氣繁李生借此作書屋
早春似臥羅浮村我來相訪孟陬月東風晴暖花初發
知君垂橐無酒錢待客攜樽坐林樾王郎咫尺今與多
歲杪驅車北渡河尚有良朋費張葉幾時花下一笑逢
贈劉民長茂才

老夫好友宜城多輩半下世今如何獨有臨江使君在
同心難居亦可慨今歲偶游苕水東與爾邂逅欲蒲中
爾才甚高年甚少出處詩文並佳妙不嫌老馬猶問津
此意淋漓更絕人他時努力爲詞伯莫忘吳興同作客
老葛子失意行爲漢陽李雲田作

人年不見漢川老今日相逢秋浦道其容蕭蕭齒削零
却有詩篇字字好君詩古健霜柯撐獨於閑閑多柔情
牀頭一冊更珍異乃老葛子失意行誰其作者葉司馬
麗藻妍詞妙天下吳詹事與曹侍郎亦復魚魚而雅雅
從此聯作皆豪賢長歌短詠何紛然李生大笑向予說
此册待君將十年風聞君有寶劍氏懸賞蘭心稱女士
豈甘通德符恰玄誤學文君歸犬子斯人才色斯世無
寒酸覆得今已迫便應舉長相守安忍舟航又在途
飢驅出門猶可忍再娶及陵天所惡莫怪聞人含怒與
尚莫狂夫當悔悟那知野性同飛花南非飄搖不憶家
曾游燕塞迷倡女又向蘄臺買俊娃黃金用盡轉多累

雖云得意終失意所以名為老蕩子蕩子伶仃何足異
獨憐思婦守空房春日遲遲秋夜長吟成繞扇先垂淚
寄到雙魚每斷腸羣公題贈詩非一大約勸君歸去疾
人生半百成老翁愚夫亦解謀家室何況君家有異人
合師梁孟敬如賓舖糜啜茗天然樂絕勝窮途多苦辛
張司業有傷心句但願在家相對貧不願天涯金縷身

泉酒行東姚六康明府

有客來從惠山南餉君泉酒三十甌君于常醉一切戒
獨不戒酒取微爾却訝此間村沽薄雖有醇醪亦不堪
安得惠泉日在手其味清冽而旨甘譬如荔枝出嶺表
梨桃李不背懷慙勸君留此自斟酌或與詩友供研談
月明之夜入清暑索飲一斗諒非貪只愁渴吻不能待

先乞三升瘵我僮

送盧升卿孝廉兼壽其母太夫人

仲夏偶來陵陽城恰逢東莞盧升卿文章冠嶺海
十年前已聞高名山城一見惟如故且喜為鄰路上寓
誦君新詠濯水壺贈我奇文同寶璐何事匆匆促駕歸
自言累夜夢親闈八歲孤兒承母訓兒將五十尚依依
母氏修齡八十一人間景福應無匹君猶祈壽九華山
孝子存心惟愛日屈指中秋才到家堂前蘭桂正開花
三牲五鼎尋常事菽水承歡樂未涯

劉興父挽歌

崇禎癸酉秋浦行始交嶧村劉先生先生長我十五歲
猥蒙折節稱弟兄是時君年已二十少予兩歲才挺立

却因親故自貶損往往見推如弗及從此游君父子間
行衣綈帶時往邀忽逢世變峽川隱龍蟄鴻飛莫可攀
仍愁雲壑難安臥強君出試為免禍辛丑相逢都渚邊
中夜談心淚交墮壬寅捧檄之都門仰首故宮聲暗吞
壯游不憚居庸遠歸路還瞻岱岳尊乙巳維舟石城外
遣使相邀聊一會見君半體患風淫藥餌無資飯粗糲
感懷為送一篇詩勸爾度年哩釣絲那如一病遂不趨
屬嶺正當炎暑時去秋間計生芻闕直到于今棹始發
乍逢令嗣觸哀情欲哭荒郊待涼月吁嗟乎人生壽命
無百年惟有文章節義子古傳君家父子名不朽況復
兒孫才且賢

吳山賓見贈八分歌賦此答之

今人字學總茫昧分隸二體亦不明既以八分誤為隸
因而和詩為真行秦觀洪适且如此餘于理安足爭
八分者何兼篆隸篆取六分隸取二漢碑瘦硬能通神
唐碑肥軟少古意前人學者多唐碑漢碑寥寥不易致
我愛八分曾究心手摹四碑於孔林韓勑乙瑛書最妙
史晨孔宙亦可欽其一曹全購自陝五帖不啻千黃金
描歸草堂日展讀誦讀之餘聊染翰臨池僅得其形似
精微尚恐隔河漢獨惜世人知者稀每將良平比絳灌
今歲偶來秋浦城故交喜見吳先生先生腹笥破萬卷
字學尤詳剖析精見我八分謬稱賞長歌投贈情非輕
歷序先朝諸舊德朗如列眉人罕識大小二篆生八分
白懸書篆腕無力丞相中郎法並傳從茲願以君為式

題吳平露所藏倪雲林畫

以下戊申年作

人愛雲林畫我愛雲林詩其詩沖淡有味味其人高潔
良可思吳郎好古生來癖珍藏此幅同圭璧每逢嘉客
索題句焚香相對供朝夕客有持卷裝潢齊爲言松雪
畫且題吳郎掉頭不肯顧百趙焉能望一倪

送王噉文學博之官京口

潤州城西天下無三山奇絕如蓬壺城南諸剎亦靈異
碧澗青峰總盡閱我游江淮間已老諸郡無如潤州好
眷茲山水每流連况有詩朋共幽討爲客猶喜官如何
守令糾紛俗務多廣文先生最閒暇隨時可以尋煙蘿
王君夙昔耽風雅此地爲言更蕭灑羣山次第歸品題
他日停舟問杯竿

金山續集

卷二北諸詩

送

胡母節壽詩

世變節義如輕塵男子猶然况婦人母能秉操植遺腹
子爲家寶孫國珍設令斯人是男子托孤寄命何足齒
古來伊周稱大臣稽其勲績不過此今年八十壽且康
善頌壽婦人滿堂有客歌詩立堂下將以風世讀書者

送黎愧曾之任永新兼寄青原長老

靈山七十有二峰望中朶朶青芙蓉問君佐郡官此地
會上靈巖歷幾重今年量移吉州去先問秋山在何處
其峰亦有七十二白雲朝夕來琴署兩山作吏意如何
自是君身仙骨多青原古剎相隣近高興還期訪薜蘿
黎以廣信司理改補永新今廣信有靈山
七十二峰永新亦有秋山七十二峰故云

送沈方鄰遊惠州

三年前欲之嶺海萬事糾紛期屢改今秋始附贛州船
上客言尋海豐宰海豐宰是君婦翁厚贈不與朋儕同
歲晚看山過南越開春趨駕還江東江東山水宛陵好
絡上梅花雜芳草抵應高臥讀羣書安用艱辛涉遠道
况今天地災異多將來身世知如何陸賈千金裝不易
丁寧歸路慎風波

爲姚寒玉六十壽

我聞秋澗姚先生當年南國垂大名文采風流未銷歇
曾孫寒玉嗣英聲寒玉才如不羈馬詩情酒態狂兩野
有時噴發胸中奇千樹梅花任揮灑大者合抱小折枝
風晴雪月無不宜更出新意采真樸點綴筆端奇復奇
曾爲我題四壬子鍾山花蕊供驛使又爲我塗草堂壁

橫柯宛在空山裏乃祖秋澗雖云殘廢孫寒玉才更高
一生盛世一亂世顯晦窮通隨所遭今秋六十介眉壽
芳經提壺皆我友莫嗟貧賤百年身翰墨流傳已不朽
喜白孟新錢季水見過小飲作歌

三十年前客舊京傲居石橋近雞鳴是時朝夕往還者
白生錢生及余生數子才華皆絕世反手青雲能自致
豈知陵谷遽遷移相期簪組渾閒事錢余蚤歲擢儒冠
與我同心終考槃白家兄弟有老母祿養未敢輕微官
小白公車入京雜傳食諸侯賤藜藿大白尚困諸生間
每逢舊友悲離索回憶當時俱少年如今霜雪已盈顙
所居南北又修阻累歲不得同栢棹草堂十月朔風冷
獨立寒塘看波影二子偶從路上來急取村醪語蓬梗

一瓶未罄童催歸相送河橋雨溼衣幾時再約余生至
竟日淡談願不違

桃花潭短歌

桃花潭中春水淡桃花潭上春雲陰雲陰不見古人面
水淡曾照古人心如何李白汪倫後雲水荒涼直至今
重至石埭訪姚六康明府

去年長夏之秋浦取道陵陽過重五時賓客盛如雲
私念至人酬酢苦君聞我到轉開顏詩酒流連日不閒
昔人所貴謝仁祖豈在區區升斗間今年又涉新安道
路出長林踐霜草漫勞投轄滯遊蹤但乞與夫向晴昊
官舍蕭蕭退食時相期杯酒話離思文人作吏先風雅
剗爾無忘杜彥之

三月三日邀孫魯山侍郎飲李笠翁園卽事作歌

老我卜居近秦淮性情蕭直無與偕終日攤書閉門坐
等閒不涉淮水涯今歲春光已過半海棠木筆俱零亂
眼底何曾見一花鏡中白髮空嗟嘆我友孫公渡江來
持地扣門門始開爲言老興須鼓舞不應枯寂同寒灰
因問園亭誰氏好城南李生富詞藻其家小園有幽趣
紫石爲山種香草兩三秦女善吳音又善吹簫與弄琴
曼聲細曲腸堪斷急管繁絃亦賞心公聞我言意超忽
便欲相攜訪林樾來朝修禊是佳辰我爲沽酒供肴核
是日恰逢天氣晴羣花雖落猶滋榮莫嗟芳樹紅英少
且聽紗窓黃鳥鳴始似雛鶯出山谷漸覺悲風振林木

送鄧水上赴北雍

南詞北調各有情四坐悄然重舉燭孫公此際朱顏能
謂我人生能幾何莫因衰白風情減更欲看花與聽歌
去年花時君召客芍藥園邊浮大白今年花時客送君
牡丹亭畔惜離羣君今驅馬燕臺去金門蚤獻長楊賦
我亦扁舟吳苑行白髮飄零光景暮九月秋高聞好音
且偕師弟返開林東籬黃菊應無數重把香醪細細斟
送吳平露黔遊

南中正苦良朋少山陰吳郎交最好不分昏旦輒過從
各有詩篇共揆討花時把酒興悠悠底事依人作遠遊
黔陽道路六千里遄歸亦已經三秋知君遊策不辭遠
曾去粵東西復返主賓膠漆詎能離歲月崢嶸猶未晚
年來詩律已清新更欲精研似古人歸時買宅秦淮畔
期與俞山長結鄰

王雲從招飲大觀樓感舊有作

君年三十與我友又三十年重握手世間好友多別離
未有似君離別久君才瑰瑋本天人屈指當爲社稷臣
豈知困頓老場屋一官小就江之濱我來訪君頻官裏
形容憔悴非昔比歷數交游各死已爾我尚存差可喜
來朝置酒大觀樓開牕四望延新秋忽聞哭聲慘不樂
知君伉儷情綢繆伉儷情淡那忍別招魂况近中元節
願留老淚養餘齡莫使眼枯空見血

橫江短歌


去年十月來橫江柿葉楓林猶未脫今年十月來橫江

白草黃茅氣蕭索天時賔冷何太殊亦覺人情分厚薄
人情厚薄何足怪仰面干人吾自錯莫愁風浪峭帆行
歸臥金陵瓦官閣

梁爾礪母夫人五十

母即吾友與治女也

余去母家僅咫尺羣紀論交共晨夕稔識節操凜冰霜
真使鬚眉媿巾幗梅花正放羅壽杯身亦寒盡逢煥回
訓迪遺孤盛文藻且看孫子成驚才母也始無忝厥祖
併歷艱辛詎言苦我友顧叟老詩人自稱奇女適卽婦
顧叟早歲悲斷絃有女事父甘旨全匪特紅餘嫺女史
父詩滾滾能誦焉貞風既向詩中得兩家賴母盡生色
惟其素不慕浮榮自召三旌爲表德



名山續集

三 院桐方文爾止著

五言今體

五言今體

泊西梁山有懷舊游

以下子寅年作

江北多奇士無如戴敬夫詞源通屈賈書法擅歐虞家
與天門近身隨國運但平生交不淺感動獨長吁
故人魯孺發早歲隱天門一命去荆楚終身懷國恩專
征曾秉鉞垂死復歸閬澤畔行吟處重過欲斷冤

送張肩令歸永城

青溪有水閣亂後與人居欲售今無主為時昔不如新
秋思故國逆旅刺殘書滿上田園好君歸且荷鋤

清江訪徐月鹿水部

三 山續集

曾有西陵約來時歲已更荷君指解佩歸客正逢兵彈

指三年別懷人百感生那知公路浦又傷使星明
舍弟辭家久相依官舍中稱詩歸櫓鑑把酒慰飄蓬老
我仍狂態因君多古風寒花傲霜雪不與東芳同

贈嚴水子胡雪漁

歷下交游少客中愁思多何期逢二妙無日不相過
酒惟杭米北方道酒烹泉得茗柯醉醒復醉夜

夜共婆娑

歲老丹青聖胡郎篆隸工勝情俱不朽逸興況能同
雪舜祠外觀魚深水中殊方有知己且勿歎途窮

贈魏竟甫使君

君去川南日人皆惜遠離淵懷獨恬曠棧道失艱危竟

展文翁化爭傳幼婦詞三年果遷擢又得奉光儀

猶記彭城署西偏馴鶴亭遠堦芳艸碧當戶遠山青退

食開書卷閒吟倒酒餅九皋相唱和父子並仙靈

河上黃樓廢鐵然復舊觀濁流無泛溢山郭獲平安古

賦二蘇在新碑萬姓看鄒生曾授簡功蹟表城端

孟夏問君信懸知八月來濠源頻恨望珂里却徘徊雪

後驅車至樽前笑口開明朝吾欲別那得久追陪

初度 以下癸卯年作

五十又加二頽然成老翁髮因愁半白頗借酒微紅米

帛新年少咍桑傳業空生來骨相薄不獨坐詩窮

沈方鄰同王山史杜蒼畧黃俞邵詩子集報恩寺

分韻兼送其歸宛

三 山續集

去家三百里除夕不曾歸君意憐然得世人知者稀萬

移城外寺客滿竹間扉春囊多美酒流連至落暉

節候近寒食能無上塚思買書從白下挂席過黃池好

友難為別輕杯且暫持高秋重命駕拚醉桂花時

題畫為田雪崖司理壽

自公來白下甘雨被郊圻雞犬晝長靜牛羊夜不歸遠

山青歷歷新柳綠依依况有吹笙客閒時一欸扉

丹徒曉發與吳襄宗同舟

京口又開船船人報好天潮生殺雨後風緊麥秋前為

客何時了論交此地偏且聽吳季子與廢話當年

武進訪岳尋國有贈

城南新卜宅密竹隱花關三逕艸長綠雙觀樹未斑鼎

亭猶待仕杯水且怡顏況復神仙侶晨昏足往還

宿縣方渡遊王雨中留飲

高齋交聽雨不必待烹招梧柳落空翠軒檻排占密武
茶塵盪洗勸酒旅愁消似坐千峯旋寧惟遠市將

君家東嶠老屋自共婆娑東嶠先生自羣從有才子新
詩亦和歌祇應長聚此無奈欲歸何既醉猶餘酒來朝
許再過

毘陵遇潘蜀藻一宿而別

思君頻入夢此地忽相逢離樽沽村酒挑燈聽梵鐘青
溪有三徑明月待孤筇何處居停好惟應定舊峯

老覺

老覺光陰速偏于夏日長平明先覺曉向晦不生涼看

曆喜秋近聞車憂歲荒幾時霖雨降甘澤沛池塘

白下

白下知交少貧居况又偏從無問字酒那有作碑錢生
計仰爲客詩人與作緣經營惟一飽蕭灑送餘年

猛雨

猛雨驟殘暑涼風送早秋閉門猶謝客乘興獨登樓芳
樹葉遲落平川水漫流晚來天氣好步履出城游

雨後

雨後閒無事溪橋試一憑夕陽晴始穩秋水漲偏澄東
園行看菊西園又訪僧暮歸筋力倦把酒對青燈

獨坐

獨坐深秋夜凄涼百感生夢熊猶未卜買酒尚無成

陷人間事蒼茫身後名放懷能有酒高咏雜蟲聲

真州

真州六十里北去向蕪城過客憑窗黑舟人慣夜行擁
衾纔一覺泊岸甫三更津路皆如此何愁風浪驚

石塔寺懷僧介立

城南石塔寺曾寓六年前夙好僧何在重來客黯然經
房塵暗積講席月一作空縣獨有江行舫廬山爲爾傳

秋霖

江漲已如此秋霖更奈何小園成巨浸窮巷起層波旬
日居難出比鄰客不過祇應與童子赤脚弄漁蓑

溪水高于閭溝幾何處消千家耳相聞一夜浪花黑羅

夫樓無地魚龍氣甚驕潮痕纔稍退雨過又生潮

買宅清溪上柴扉喜向南曾栽數叢竹又種幾株樹不
意今秋澇都將衆樹淹音惟餘楊柳活黃葉亦能乾

貧家元寂寞况復雨經旬縱有餅中粟無處下薪減
餐聊過日半開日容身只是牆背倒重修却苦人

十月十九日爲邵陽王幼華初度係豹人房與公
吳寶賢郝羽吉汪舟次咸集共寫于後至因贈

二詩

古寺訪詩人偏逢初度辰相知何必待至樂莫如新風
雅客先集疎狂意自親因之借杯酒爲爾壽千春

屈指關中友王郎獨少年科名方藉甚風骨更嶄然一
見遂相洽三生或有緣那堪淮水駛明日又開船

自王家營至濟寧雜詠

遠游當歲暮初意覓舟師雪冷愁河凍霜晴策蹇馳道
途因老熟筋力較前衰向晚投村店吟身分外疲
老人宜晏起况是苦寒天此日起前路中宵不暇眠難
鳴尾惜下驢林上林邊蹊蹊尚昏黑征夫已著鞭
漸入古滕薛當時亦附庸却疑方域小難稱子男封岱
色望非遠鳬山歷幾重路旁盤古廟欲訪未從容
廬畏高難御驢欺小易乘那知性蹄留亦復效奔騰解
石驢傷墮崖幾折肱開春理歸轡一水至金陵

癸卯除夕定陶署中寫懷六首並呈正誼明府

野性貪爲客尋常不憶家驚心惟令節對酒亦長嗟五
十人稱艾風塵幾已華明年除夜起勿復滯天涯

回思十年內四歲客中除淮水樓荒寺清江雜錄云蕭子雲書燕

山跨寒驢丁酉歲暮蕭子雲書燕蕭蕭難續續日暮江清澤又

停車初即至陶似較前番好言歸總不如

故人投我轄官舍頗優游肉食多憂免陶子雲書燕山珍足

柿新州出列朝詩觀在三十日六法字

冥搜子雲書燕只是訟庭簡將何具寧舟

石城雖卜築終不喜城中山莫妙雙關牛首山因思買

十弓荷鋤良足集儲畝况能同只在明年定從茲息轉

鐘

估廟曾占夢熊羆在巳年懸弧應有日降嶽且由天王

女可人嬌

年年當此夕俯仰獨含悽老覺愛端少心知物理齊忍
冬藤不死豈旦鳥猶啼瞬息春回轉東風花滿路

月下飲王左車以下甲辰年作

維舟當落日登舫訪幽人巷僻風塵少庭寬月色新舉
家修淨業藏酒待嘉賓感此流連意歸時想結鄰大日

夜泊里陵

客路偏逢雨維舟夜已殘江城千戶閉野店一燈寒酒
薄沽猶易愁多掃却難昔年借隱處重話與李酸

贈劉爾符明府

何事烏程縣樓遲十載餘罷官無長物樂水且閒居
豈是歸途遠惟應生計疎當時詩父老猶酌米漿饋

城西鐵佛寺鄭道有空園盡室家于此非僧與與言揆

梅行雪洞淪茗訪泉源却笑分符者朝昏俗務繁

風芹鄧章句將詩寫性情三唐無定格五字果畏城看

我吟疑白蓮君老眼明但開來共語知不吝錢器

長春宮柳暗此邑富豪賢舊識李翁好新懷劉子偏高

文渠獨絕芳詠爾尤妍茗雪雖名勝難如華岳蓮官在

李叔則先生亦同邑故云

蟬

僧窗淡樹裏終日有蟬鳴不似陰蟲語能爲高詠聲晚

來常靜默秋至轉淒清何物螳蟬者偏懷害汝情

蚊

水鄉多白鳥欺我竹惟穿自解乘虛入何曾待客厭扇

驅逐聚集余覆亦鑽研惟有火攻法雖慈不汝憐

長興道中

殘暑亦何酷溪行晝不能晚天呼小艇昏黑源長興信
有空囊滿知無暴客乘憫人惟一事白鳥太侵陵

吳江訪顧茂倫卽別

秋水魚梁路孤舟柳外維欲尋窮巷去夙與故人期會
面何勿遠消竟是別離安能似京口杖履日相隨

京口道中

江行秋色好風浪却愁予不敢催蘭櫂從茲稅筭與平
安登岸後惟喜到家初童僕將行李扁舟穩自如

過鍾山下

鍾山千萬樹底事一朝無斬伐霜根盡凄凉玉殿孤何
人薦薪煮牧馬任丘徒猶有遺事在吞聲泣向隅

八月十二日自茗歸

在家思作客作客又思家本日黃梅雨歸時紅蓼花細
君藏臘酒嬌女進秋瓜夜夜高樓上團圓看月華

偶集成語二句爲門聯曰真作野人居請迴俗士
駕復係以詩

茅舍荒寒北柴門烏巷西栽花數十本種菜兩三畦山
月迎窗出江雲入戶低誰知城市裏吾自有幽棲

鄙性好交結往來人亦多却無俗士駕曾向小園過三
徑雄黃葉雙溪冷白波祇應風雅客相見共婆娑

李國翁寓市隱園招同黃子威陳俞公小集

名園久寂莫今日始聞歌一老池邊立羣公雨後過秋

花臨水艷古樹間人多屈指金陵勝無如此潤阿

九日周雪客招飲觀劇

九日渾無賴三年不在家南州使君署李王游南州東
省故人新李王游南州東又作蕪城客王昭上招飲誰看

簾落花今秋才返舍采掇復何嗟

正擬登山去周郎復見招惜娛過此節歌管遂終宵
却離遊菊空餘花下瓢老妻私嘆息寂寞又今朝

雪後偕杜湘艸宿烏龍潭卽事四首

凄清潭上路不到十餘年恨我移居遠輪君發興偏
據山水窟忘却雪霜天小塞衝泥溼新晴意豁然

龍潭絕勝地別墅有丁何蕭生嚙昔往來熟如今感嘆

多圖書皆散失樓閣亦清磨落落幾家在詞人無復

唐翁七十二之奉佛起高樓一自幡幢去空餘菡萏秋

屠沽粉入官居里亦生愁況爾傳經者相

韓子曾居此聖徐生亦寓茲來常信宿世變各分

離奄忽歸黃土衰殘剩白髭還將數行淚一灑舊荷池

歲暮哭友

數年以來亡友日多然未有若今歲之甚者殘

冬蕭瑟感念殊深人哭一首

錢秋齋宗伯

八十三齡更何勞淚滿襟獨憐投分晚頗覺受知懷筆

札猶盈笥聲詩最賞音許爲吾集序醞釀轉浮湛

必國之文侯可謂若片影矣

康小范孝廉

金陵流寓好一旦別予歸博物能知命還山且息機
精于五言自今內星終不免雅子欲何依只有經生

胡彥遠高士

詩文既著秀書法更無倫曾為子題冊藏之果異珍
素
械春尚寄良友意偏親物化同尸解前知易簪晨
預知死則是日遊山中舊

范麋生太學

富而好禮者宜聖以為難之子真豪俠揮金若羽翰盛
年誰料死逆旅更凄寒執友逾子里驚聞摧肺肝

鄭掌和太學

龔山續集

卷二五言律

九

若翁蒙難後門戶費撐持老不善生息貧翻甚昔時才
華雖有異口過亦難辭近日江南北爭傳戲謔詩

笠山師枉駕草堂奉贈二首

以下乙巳年作

結制依香刹三冬獨閉門蚤春纔一出徐步向孤村義
學吾無解詩篇且共論荒廚有蔬笋隨意撰盤餐
鄙性不諧俗偏多物外交况師同里閑特地訪衡茅日
暮難畱客春晴再出郊萬松菴最好欲借一枝巢

靜鑑上人招同文及先湯岳夫龔半子王左車安

節諸子為謝公墩之游淹畱竟日賦此

寒食家家雨登山期屢更春晴纔一往詩侶况同行入
室蘭英馥克庖茵味清先鐘發溪省悅惚記前生
主人真靜者書畫亦通禪葦屋藏丘經為屏學水田昔

賢道墨聚我輩賞心偏白壁爭畱句他時賴爾傳

謝傳園基處嘉名今尚稱古松誰翦伐新塚忽憑陵世
事都如此山阿慨不勝獨疑煙樹裏猶有六朝僧
大雅久零落良朋甚寂寥惟餘數人在又惜所居遙雅
集歸蘭若春光遍柳條莫愁湖上月重訂不須招

王左車四十初度

壽母神明王佳兒著作新君年方不惑奇福果無倫夙
世應禪客全家悟佛因何須募鐘鼎蔡菽白千春
左車
八年七十餘長子安節詩書
並妙舉家胎亦奇事也

初度懶迎客先期去蔣山欲將功德水一浣道人顏禮

塔欽真覺餐芝抵大還獨憐弓劍地絕頂未能攀
是日

避客雲谷寺寺有入功德水

龔山續集

卷三五言律

十

我亦思靈谷山門不見松今朝君在此介壽合相從興
阻谿邊雨心馳雲外峰天晴仍出郭徐步躡芳蹤

午日泛舟

喧喧桃葉渡鑿舫聚其間城關分今古笙歌尚往還少
年誰解恨故老獨悽顏把酒不成醉停杯望蔣山

哭葉御濤廣文

獻歲華陽去歸時必造予暫離猶不吝永別意何如官
小同雲水兒才大里問獨憐詞賦手著作未成書

寶華山訪見月師

亂山回合處中有律師存授戒不期悟勤修豈待言先
朝銅作殿終古法為門古刹多荒落惟茲報佛恩

揚州訪孫豹人汪舟次即飲舟次宅令兄左巖季

自續至

江關纔繫艇先訪故人家
董子祠邊柳於人易轉甚圍
公巷裏花舟次姑相逢那忍別有酒不須賒坐待炎曦

匿歸林數線鴉

重陰覆庭院終日閉烟蘿不許纖塵入惟聞二仲過弟
兄風雅並山水唱酬多雨後期同載芳洲采芡荷

雨夜同豹人宿舟次館

連朝頻接席今夜復同牀雨漬琴書潤風生枕簟涼肥
軀妨並寢鉅息撼鄰牆曉起窺明鏡先秋鬢已霜

期劉黎先游蔣山

十載鍾山下山陵恨未登白頭宮監在碧瓦護持能開
爾舊相識吾徒得所憑秋晴期一往策蹇意飛騰

論山續集

卷三五言律

七

夙有尋山癖其如儔侶無劉生爲我導王子亦同驅石
上冬青樹門前白項鳥像知登眺日懷袖欲沾濡

吳平露四十初度

昔出盧龍塞逢君旅舍中言詩懷抱合把酒詠歌同浪
跡隨牛馬離情關雁鴻誰知七年後重晤冶城東

居停亦未遠晨夕得相過問法尋山寺搜泉入澗阿交
唯詞客好錢付酒家多况是稱觴日歡呼更若何

君才似鸞雀六翻久應飛豈謂登強仕猶然困布衣簪
纓今不重瓢筭未全非吾慕嚴陵老滄江且釣磯

獻歲將歸去山陰道上行談庭既愉悅蘭砌復崢嶸卽
此已遐福還期著大名慙予過半百詩外一無成

歲暮哭友五首

附哭弟一首

林茂之國老

昔際休明代今逢喪亂年天生真處士入望若神仙好
我情何篤臨終語可憐遺詩將萬首精選白應傳

梁公狄兵部

射陽流寓久家世本燕畿感憤緣何事蹉跎竟不歸
心成痼疾直道是危機猶記淮南夜相持淚滿衣

陳士業徵君

去冬君物故今夏始聞知相去路千里無由寄一詞高
樓長在念上壽復何悲獨惜古文手西江繼者誰

梅杓司隱君

多病緣多慾吾嘗爲爾箴君言生此日速死是初心向
子識誠卓陶公恨轉淡響山遺集在終古有知音

論山續集

卷三五言律

七

陳簡菴貢士

相思逾廿載濟上始相逢負俗吾同調工書人所宗近
來多橫逆老去不從容撒手辭塵世青天騎白龍

從弟退谷文學

同堂兄弟九爾我最情親野性不諧俗詩才果絕塵盛
年名始大逆旅死何因痛殺黃河畔同牀話到晨

王渭來侍講書至

附下四年作

正欲寄君書君書忽寄予平生一知己契濶九年餘大
海萍難遇寒江棹又虛重尋期楚澤或恐是冬初

吳超士見訪同至雨花臺小飲而別

三十年前友睽違二十年江城重見訪涕淚各潸然老
景貧相似靈巖隱獨偏看君髯鬚黑絕勝我華顛

愁殺新正雨忻逢晦日晴故人何忍別攜手一同行出
郭沽春酒登臺望帝京河山增百感豈直爲離情

燕子磯阻風

早春多雨雪二月始微晴及此扁舟去仍無百里程雲
垂江岸黑風起客心驚野泊依漁港磯頭不可行

少年輕遠涉全不畏風波老大方知慎轉危歷已多從
人笑迂澗局敢恨蹉跎杖策登山頂臨風一浩歌

同諸君游竹林寺歸至雀林寺飲米元章墓栢下
夾山餘古剎三徑是新開騎馬入空翠登樓絕點埃故

人將遠別歸路且遲迴海嶽今何在墳前酹一杯
題華龍齋新居

春草名堂久今春堂始真華龍齋刻春地偏疑澗戶不到

總詩人投轄元多酒張筵不似貧秋山桂花發先報白
頭親

羅公偉招同長益豹人其年諸子小集有贈

淳安解組後白首臥江村淳安縣令城市不輕入交游誰
與言冲懷慕詞客設酒借鄰軒此意真風雅何辭步履

煩

二月訪君鶴林頭傾一瓢鶯花過來食魚笋又嘉招滿

眼告兵革回心向寂寥將無任處士假托避徵輶後避

故云

將去潤州別孫豹人

二月來京口行舟未擬停逢君高興發踏遍衆山青忽

忍春將暮蕭蕭鬢已星無何又分手身世總浮萍

夏寒

朱夏寒如此皆云時令愆老夫仍衣衾布被復裝棉前
苦尤賜甚今愁陰雨偏誰爲龜鑑者厄在丙丁年宋人

雨中

潤州歸未久又欲去蕪城長夏偏多雨經旬不冒晴水
從萍沼漫魚向槿籬行莫遣兒童捕貧家釜自生

晝寢

老人多好睡夏日更相宜飯飽脾應倦神昏眼自垂手
中書墮地窗外雨侵肌信有羲皇樂陶公不我欺

夜步

茅宇夜初靜瓜疇人獨行雨涼無六月露濕已三更寂

念山齋集

實悲身世遙遙念友生仰觀箕與斗天亦尚虛名

寄壽嚴顯亭母夫人七十

登堂曾拜母二十四年前眼見縫衣日心知判薦賢聞
門元禮法烟火亦神仙豈必兒孫貴方令彤管傳

昔從邊塞返大諫送予詩念舊亦何篤微言易敢辭獨

憐延頸處不及介眉時明歲來湖上當筵補一卮

夜集汪舟次齋頭有贈

南邨讀書處萬事不聞喧因我來江國入城期晴窗茶
瓜香滿室梧竹影遮園但覺情人好焉知暑氣煩

風帆去江介省試入南都雖不藉科目養親安可無經

綸酬壯志潤澤及潛夫三十已遲暮乘時勿再需

七夕立秋

時寓水月菴

夏末苦炎蒸衰年更不勝忽逢江岸雨疑濯玉壺水此夕天何曠方秋氣已澄香林無所事茗粥對山僧

中秋前二日龔孝緒招集稻香樓

江城百戰後臺榭總凋殘獨爾建高閣令人懷古懽客隨微雨至衣似暮秋寒賴有纖纖手傳杯夜未闌

有妓若西

中秋日龔公芝麓復集稻香樓

日日醉君家聽歌與看花可憐明月夜卻被片雲遮移酒出山郭張鐙就水涯同舟并仙侶應不羨浮查

袁穰菴寓中小飲限韻

君年將大耋渾不似頽齡笑語發天籟歌詞見典型客中羣彥集露下一鐙焚屈指平生友真同欲曙星

論山續集

卷三十五言律

五

秦處桓招同諸公集潭影堂限韻

爛醉螺園後重來二十秋死生成契濶仕宦亦湛浮此今石梁久沒燕友官歸空故六獨爾開芳徑相逢

歎白頭霏霏池上柳似欲助人愁

板扉溪巷裏世事不曾聞高樹團秋靄空庭卷暮雲尊疊長在眼耆舊自爲羣好我頻來此那堪手又分

李二則職方招同兄子洞差廣文夜集

君自越東歸巢湖隱釣磯雖無城裏宅難與故人違雪酒開秋爽山廚動夕扉廿年爲別久握手尚依依

草從強爲官元非意所權持盃懷往事拊几發長飲老去同心少憂來欲語難今宵無忌諱傾倒一鐙殘

答李述蓮見贈

邢江風雪夜攜酒送子歸詩向鐙前出書從別後稀年衰重會面邨遠未開扉豈必勞難黍高吟慰渴饑

巢縣卽事

小邑巢湖畔無關忽有開捉船官藉口抽稅客淒顏野艇空留帶行人斷往還始知爲政者絕勝虎斑斑

和州贈林孝州

蚤歲上公車猶然茅舍居對門營小圃健戶讀羣書芳徑少來客冲懷獨昵子秋窗談古字杯酒不教虛

贈馬堯都

輦下匆匆別重逢八年論交敦古義把酒話霜天又欲之燕市先期過濟川

楚都與從子

去秋鴻雁影回首

各悽然

舍弟退谷以

秋半和州

論山續集

卷三十五言律

十六

贈苟與適

君年才半百有五丈夫兒福是人間少家從江上移歸樓供遠眺朋酒待佳期卻笑陶徵士茅檐白髮垂

陶公

始生五子而家又貧有白髮數兩鬢之句

贈葉鳧仲

論交君最久三十又三年水閣青谿上山窗翠竹邊昔游無一在二老尚依然况有園亭好霜林合醉眠

贈林斯遠

寥落江鄉客黃花何處尋城西有芳逕意外得諸林滿院堆秋色言詩懷素心忽忽爲貰酒但覺爾情深

訪楊惺一先生邨居

高人棲隱處其地曰孤洲訪舊不辭遠論心無限愁世

情爭野馬吾道狎江鷗有借牆東宅從茲罷遠游

飲夏又新山莊同李二則孫曼倩

邨居不遠城邀客趁冬晴孤閣當門迴千峰入望明晚
田多釀酒少婦解調羹只此堪終隱何為薊北行

歷陽道中送龔司寇

告假僅三月歸期已過三還朝須叱馭江路勿停驂台

鼎望誠重林泉味亦甘倩子謀綠野當在石城南

過張于湖讀書處因懷張文昌

占郡求前哲人知有二張于湖碑尚在司業墓全荒俗

眼矜科目狀元吾徒頌樂章文昌墓在城中多隙地祠祀易能忘

念山續集

卷三五詩律

七

襄城伯李公墓上作

披衣西郊外襄城有舊碑公侯何足貴節義始為奇死
在崇禎日賢于永樂時松楸尚無恙偏惜向南枝

周侯廟

侯諱虎臨淮人宋末為和合而元末為十廟

欲謁周侯廟先觀謝令文孤城經血戰雙碣表奇勛歲
久碑垣壞秋潦葭莢紛荒殘費修葺其責在諸君

鎮淮樓

臨去和陽日方知上此樓高吟懷 太祖鎮淮樓在集賢

遠望情神州采石當年事烏江萬古愁朔風吹正急誰

作濟川舟

答曼影上人

古寺近城西寒鴉日夜啼此時愁作客幸與爾同棲待
月常沽酒看雲或杖藜那堪吾又別江州正淒迷

送李武會之上谷

匹馬游燕薊西行更出關故人官上谷名嶽禮恒山弔
古多吟興衝寒特壯顏邊城為客苦秋盡亦須還

畱別項嶠雪

感君多古誼畱我過殘年良友誠難別窮途豈易延雁
鴻謀飲啄霜雪去湖天後會知何日言之意愴然

天寧寺贈涵蒼上人

寺從前代寓軒為老僧題三十六年後重來路不迷緇
流公尚健白髮我含悽借問當年字猶懸丈室西

歲暮哭友五首

念山續集

卷三五詩律

六

潘江如處士

君病臥荒村三春瘡不言我來難命駕詩去已傷魂霜
月聞凶信淒風哭寢門平生師友義痛絕向誰論

劉輿父貢士

新從燕代返右臂患風淫只道體猶壯那知病已深受
官非得已抒憤有孤吟不讀梅根集誰能諒爾心

崔正誼戶部

昔汎淳湖權逢君結古懽分金渾不惜知已最為難正
擬山濤貴能祛范叔寒如何歸冥漠延望獨悲酸

余中台兵部

大雪來洛水欣然贈我袍中宵共燈燭私語發牢騷
俗為王猛存心實謝翺可憐松栢志寂寞委蓬蒿

盛茂開山人山人以詩名家共子伯含林正光妙而早世

八十五齡嬰闔棺何用悲所嗟雙玉樹未及早秋萎老筆流傳在高風繼起誰他年修志者名與仲交垂

丁未初度以下丁未年作

五十又加六居然成老翁身猶無子息壽已過先公司先農終于五十五短髯何辭白餘生不諱窮祇應勤著述懷抱古人同

贈葉伯如

陋巷訪君廬蕭然一榻書妻賢猶釀酒客到每烹魚自是雲霄器寧甘巖穴居江東有故舊今且曳長裾

贈李望之

舊寓園亭好新遷宅舍寬對門桑滿野畱客非盈盤寄金口續集卷三十五言律五

託有詩卷生涯只釣竿乘軒非不貴世路日巔峴

贈戴季默

季布重然諾風期海內聞浮家來潛水把釣狎鴈羣蓬梗偏憐我壺餐每累君久淹無意緒歸權及春分

王無異書來却寄

君去華山陰三年勞我心誰傳芳信至意與春豁濺尚有白門與重聞黃鳥音掃花人未老回首一沾襟無異與陵明有所謂作掃花圖以歸

石埭道中

谿行三百里節節是危灘水急黃河似山溪白晝寒逆流何足恨延眺且爲懽想到陵陽麓雲峰更好看
姚六康明府署中同李雲田姜鐵夫夜坐各賦三

詩

美人爲政處秋浦萬山中種秫家家雨栽花樹樹風官閒無訟牒客到有詩筒冷署憑來往淡杯話不窮

誰謂陵陽小仙人作吏曾高風未冥漠之子復撐弘子明爲陵陽令以仙去和今石埭也況愛同慈母長齋似老僧俸錢餘幾

許悉以貽來朋

姜生東海彥文采動京華驛路君爲主琴軒客是家昔曾窺宛委今始對茶瓜笑語渾忘倦城西月已斜

喜姚彥昭至

沛州官舍裏送爾去江關忽復五年別都無一日閒山城重把臂市酒且開顏况有雲田老朝昏數往還

寓樓遣懷

金口續集

卷三十五言律

二十

谿上千峰雨樓頭五月寒欲歸仍未遂望遠不成懽賈客乘輕筏奔流下急湍倘能隨汝去三日到長干

文廟納涼

同王名仲時與蔡君聯作

何處堪逃暑披襟入頻宮松根無畏日蓮葉有香風禮法聖賢恕窮酸客子同解煩宜薄酒不是爲囊空

任崧翰寓齊小飲兼懷令弟克家

日日擬相過無如毒熱何涼颺生雨後假館似巖阿客至盤殮易情親笑語多早秋來雁影佇立望江波

留別郭昆冶太守

古郡多良牧包何名最都公來成鼎足民誦匪阿諛問俗求遺老流光及腐儒未知前二守曾有此風無

夜泊清谿同潘崑生

少年嘗泊此烟火近千家亂世遭兵燹秋江剩蓼花蟻
多蘆盡蝕賦重額頻加觸目增新感同舟客亦嗟

從川訪聖羽兄

同學凋零盡惟君七十餘白頭仍健飯清夜亦鈔書老
友長相憶荒江無定居酌予歸隱好何處有田廬
維揚曾薄宦畜酒待嘉賓好我更分俸言歸則作隣時
艱願不遂吟苦老逾新上月毘陵去清谿訪故人

人

為愛黃花節先期出郭行秋山沿路好谿月半輪明苔
上客初返僧持方自竹間僧有情相留過寒夜高枕聽
鐘聲

論山續集

卷三十五言律

五

施愚山枉駕艸堂闕于展待因訂尋山之約

荒園來我友一飯未能留知爾肥甘厭翻為雞黍愁攝
山烟外寺高座竹間樓或有前年興追陪出郭游

至日

至日長為客今冬客始還那知家室苦轉覺道途閒祀
祖禮從殺謀生粒亦艱淚慙袁處士忍餓閉柴關

寒食有感

以下庚申年作

京國重來寓蹉跎又十年故山餘吉壤母氏得新阡正
值禁烟節難歸上水船遙知塋兆側芳草正縣縣

酬戴其懷學博見訪之作

聞爾官江縣真成吏隱兼松風吹講席花月照書籤薄
祿何須問閒身且暫淹只愁豪舉性渾不耐蓬鹽

前歲來京國和陽客未還相思虛命駕重到喜聞
率牀頭酒晴明郭外山歸期如尚緩排日共追攀

上巳東王塔安節

何處堪修禊芳湖西復東侵晨期命駕細雨濕花叢泥
滑應難往尊開誰與同陪城遙憶汝亦開小樓中

城南留粟園看花

三首

今年花事少稍喜鄧家園倏忽春光盡何為愁緒繁聞
知有南園力疾去東門恰恰輕陰好全無日色暄

小園方數畝但足麗春花勿謂村莊老翻憐富貴家樹
陰多設席客至必擎茶題詠還須酒無錢亦可賒

爭誇紅紫艷誰解白芙蓉意態神仙立肌膚冰雪重與
梅同素性惟稿並高蹤莫道栽培易滴濡秋復冬

論山續集

卷三十五言律

五

喜徐仲光雨中見過因留宿各賦二詩

還山五六載又復向陪京知已逢苗令藏書賴梓成
苗苗為仲光青谿尋舊友白髮話前生猶記瞿公語

楞伽石慧明

神告曰汝欲還像在南嶺石慧明阿在僧

問慧明為誰神曰即樓中與汝同

貧居無俗客一飯不輕留斗酒期君醉徒行冒雨愁衡
茅堪下榻笑語且忘憂枕畔餘羣籍三更閒未休

午日喜周仲宣胡逸菴汪少室見過

不問秦淮渡寧同楚客吟懷沙猶有恨邀笛亦何心薄
酒浮昌歎荒廚愧金齏三問遺集在披豁當登臨

樓居對雨

冥冥江雨至汨汨野塘流密竹涼侵坐遙山翠入樓經

時愁酷暑此日似新秋高枕還思酒無錢何處求

友人齋頭看竹

種竹自何日抽梢已出牆北風疑作雨西照亦生涼江月隨人至山杯引興長渾忘在城郭只擬對瀟湘

李笠翁齋頭同王左車雨宿

故人新買宅忽漫改爲園壘石巖當戶看山樓在門客來塵事少雨過瀑聲喧今夜那能別連牀共笑言

七夕送徐子能歸吳門

休夏同蕭寺過從不厭頻可憐今夜月偏照白頭人久客無佳况將歸守舊貧安能似牛女歲歲會河濱

七月十五夜宿鄧木上齋頭同錢相靈作

春華開似錦曾一醉南園秋月明如鏡重來臥北軒窺

歸山續集

卷三五詩作

三五

窗叢竹影親枕候蟲喧况復蘭英吐幽香入夢魂

同黃仙裳飲周湘芷宅兼懷顧與治先生

旗亭淮水上曾解杖頭錢明日又嘉會涼秋正好天盤

發無俗客詩律本前賢酒隱堂何在臨風思惘然

贈邢命石

臨邑邢子嗣先生之孫也

太僕書名大來禽集亦傳文孫能接武繪事復爭妍游

覽秋江外居停古渡邊客窗惟翰墨揮灑過霜天

知我閨人病先貽上黨箋結交何必舊邂逅即同心秋

水平朱檻涼風吹素蕪衡茅亦不遠無事日相尋

次韻黃仙裳見過小飲

貧居人事少蕭寂類山僧有客來蓬徑呼兒摘豆棚

餘前夕酒譚盡小窗鐙亡友遺言在重書感慨增

仙裳有正

貞贈詩命子
代書入冊

石埭道中

客行期五日十日尚遲迴小艇逢灘淺長年下水推亂山多猛虎激湍似奔雷艱險明知此何爲數往來

遇沈方鄴

送爾嶺南去秋蘭花正芳如何仲冬月尚在古陵陽白計營資斧重裘犯雪霜相逢驚且喜把酒話偏長

宏潭過姚彥昭

聞爾來游此吾今得與俱那堪中路側下馬立斯須客久裝猶薄天寒歲欲徂陵陽有丹溜歸櫂必沾濡

石埭遇汪少室即送其還里

汨汨歲將暮悠悠客未歸不知誰纔纔相對各歎歎爾

歸山續集

卷三五詩作

三五

少才華富吾衰筋力微愁看路上鳥南北又分飛

題屈翁山詩集

周南存漢廣誰謂楚無風爾祖離騷賦人言小雅同本支猶未墜莠死復稱雄千古沅湘意今歸五嶺東

除夕前三日騷人質此詩謂子年已老吟事稍能知碧

海鯨魚力蘭茗翡翠姿想君攜嬌婉驅馬塞垣時

潤州訪王幾亭學博

以下已酉年作

廣文兼吏隱况復得名州繞郭江山麗傳經弟子優官貧無長物客至有新筭老友情愈篤因之兩日留

喜晤錢馭少高士

二十三年別重逢似隔生積懷言不盡客路又將行離黍片時事河山萬古情君顏猶未老或可見昇平

初至梁谿訪顧修遠適周子叔徐原一諸君皆至

因畱飲至夜爲贈此詩兼贈令嗣天石

論交三十載今始上君堂恰有羣賢在先聞春酒香妍
談至深夜痛飲發清狂意氣渾如昨相看鬢已霜
故人才力健重注杜陵詩吐納兼風雅蒐羅歷歲時
書無不有問字復何之安得牆東隱朝昏餉一紙
階庭多玉樹大者更凌雲自是鸞鷟侶非同麋鹿羣
詩篇還質我福澤總輸君客舍蕭條甚頻過莫厭勤

贈吳伯成明府

一水梁谿道頻年數往還聞聲思茂宰延首咏高山
芳草無由合喬松今始攀澗泉新汲好先欲浣塵顏

丹陽訪吳襄宗同至姜子恂園小飲復回襄宗宅

詩山續集

卷三十五

五

談讌竟日紀以二詩

醉李逢除夕同君古寺樓擁爐談韻學看雪步村畦客
舍聚還散游蹤東復西三年勞夢想及此手重攜

言尋姜子宅倒屣至門前會面始今日傾心自昔賢

貞與治並稱濃陰先設几高館復開筵向夕猶難別提

燈送上船

上河曉發

東吳歸未久又欲去荆南身世惟孤艇乘書共一擔江
寒猶可耐炎熱最難堪何日山林裏巖居結草菴

同姚開仲夜坐因憶其兄玄長

故人豪傑士謝世已多年聞說大兒好今逢令弟賢丰
姿猶彷彿意緒亦纏綿夜坐高林下青鐙爲黯然

立秋夜獨酌

炎夏酒長戒涼秋思一杯素交無處去窮巷少人來
露坐依修竹鄰醅得舊醅微醺宜臥簾吟咏復遲迴

秋浦善慶庵訪孫臥公

寒食來江縣侵尋及早秋自耽山水趣非直稻粱謀
竹院吾相訪松風客易留因之具雞黍一話十年愁

攝山絕頂

下方惟見石不信有柴荆仄徑盤空上危峯到頂千
夕陽千嶺秀春水一江明愁絕浮雲外蒼莽舊帝京

七言今體

文爾止著

壻籍水王樂安節

寄懷江翁生徵君

以下壬寅年作

君去蘭江十幾春歸來疑是爛柯人
龐公足不履城市陶令兒皆習隱淪
往事傷心歌黍稷今秋屈指訪松筠
雖然避客難辭我我亦淮西老逸民

宋其武少參枉顧舟中兼送酒資謝之

先公先子同門友詩酒流連氣誼淡
我復與君齊齒髮才難如命各升沉
昔游燕市曾題句今泊龍河又惠音
分俸難微情自篤結交元不在黃金

送陳二如歸貢北

虔州歸艇泊江灘老友相逢分外懽
今夜西窗重剪燭來朝南浦即登鞍
文辭瑰異人爭識狀貌魁梧亦好看
此去金臺有奇遇知君定不是微官

李條侯尊人雙壽

人間估待罕雙全况是同登大耋年
偕隱允為希世瑞延齡不藉養生篇
慣邀鄰曲斟春酒閒看兒孫種水田
安得移家傍吾友時時地上接真仙

丘曙戒侍講招飲話舊贈此

歷城聞爾謫瓊州瘴雨蠻煙天盡頭
只道微官淹海嶠那知隔歲返田疇
新詩絕勝綠經險舊友重過勤乞休
頽仰之間多樂事垂竿淮浦復何求

留別徐子星給諫

菰蒲風冷雁初飛我去長淮君正歸
故舊相逢情自篤關河有酒願無違
頻年盡省多封事此日青山暫息機
野老卜居桃葉渡平安煩與寄柴扉

送從孫有懷歸江南

汝向洛州省婦翁歸船恰與外家同
停橈且醉南池酒策蹇仍觀闕里風
遂有詩篇超物外為將書信寄山中
汪生欲訪幽棲處到日相攜問桂叢

內姪汪策以與有懷同舟

登岱不得觀日悵然有作

前年曾上日觀峯夜半披衣見赤龍
隔歲重來梁父道罡風先折大夫松
補尋石屋雲偏晦再躡天門雪已封
可見勝游元不易必須旬月始從容

謁魯兩先生祠

一為孫明復一為石守道石乃孫弟子故側坐

念山續集

霜晨徐步入荒祠魯兩先生儼在茲
高坐抗顏如講學欽容侍側為尊師
白頭纔著春秋論青史猶傳慶曆詩
却訝當年何坎壈豐碑讀罷繫人思

祠中有施愚山碑文

送兄子竹西歸里

幕府相依十五年論交誰似此纏綿
雲天高義應難別烏鳥私情汝自牽
霜月暫須歸子舍花時又可促征鞭
白頭健飯休多慮羣從爭推負米賢

竹西為施林字先

我老移居向白門山田無以繼餐餐
囊書每赴故人約刻骨難忘知已恩
謂施也與爾燕齊頻聚首言歸淮泗各
傷寬餘年安得同巖壑朝夕婆娑松桂根

題劉永錫將軍畫冊

官舍何當入畫圖主人情況自高孤登壇耻作糾桓態
閉戶寧為博雅儒焦葉題詩書亦妙槐陰西客酒頻酬
眼中多少乘軒者得似劉郎更有無

贈岳鎮九進士兼懷趙無損

前年曾過汶陽城特地城南訪趙生同舍有緣多載酒
思君未見最含情相逢關里飲如故却望長河凍欲平
僕馬催人容易別今宵痛飲至鷄鳴

寄懷陳襄雲處士

六年書札不相聞但遇同鄉必問君傳說病身羸轉健
算知賢子長能文高情玩世歸巖壑浪跡憐予逐水雲
乞寫一枝蘭菊影草堂朝夕對清芬

宿遷晚泊

金口續集

卷四七言律

三

有客南歸遇順風黃河北岸駐征篷孤城隱隱寒原外
三戶蕭蕭秋水中獨把閒杯對舟子憑將往事問漁翁
伍胥項羽今何在落日長淮望不窮

送郭鞏之歸山右

何物微官絆此身六年流滯大江濱曾經刑獄幾爲鬼
歷盡風波始是人歸路獨攜黃髮子倚門猶有白頭親
秋田釀黍堪娛老莫向燕臺再問津

贈鄭梅龔

兄弟同心世所難君家獨有古人歡卅年養母不分產
兩室生兒無異觀負米自能炊玉粒藏書亦可抵金丹
相期共作牆東隱慎勿蒼茫憶築壇

送周元亮使君之任青州

鄭方應

少年出宰古瀕城一劍曾當百萬兵遂有蘭臺膺帝
簡至今蓬海誦公名星軺重指穆陵路畫舸將爲春水
行獨惜山東風景異憑高望遠不勝情

寄任玉成御史

以下癸卯年作

舊京人物凋零盡江北猶餘解豸冠肥遯自應藏土室
浮榮未必勝漁竿梅花詩索山僧和竹葉杯從野叟乾
却笑門前來往客不辭風雪跨征鞍

贈智劍大師

金口續集

卷四七言律

四

槁師出世大英雄萬家學道故云師與同鄉道亦同
少學兵書三府辟老歸佛法萬緣空蕭蕭白髮秋霜後
黯黯青燈夜雨中回首江淮渾似夢圍城屢次建奇功

雪後東從子象山

時寓寶峯寺

春雨霏微已不禁那堪積雪蔽園林遙知荒寺擁爐客
定學寒蟬抱葉吟病取杜詩爲藥餌閒看文冊當登臨
來朝挈伴衝泥出溪上梅花試一尋

答王無異辛卯見懷四首

十二年前客舊京曾將嘉句寄山城尺書無便酬知己
千里相思望月明昨歲渡江纔會面開春移寓更多情
旃檀咫尺通桃葉日日溪邊攜手行

東園往昔杏千株樓閣陂塘似畫圖亂後可憐成廢圃
花時不忍再提壺尋春且向長干道縱酒何妨野店沽
正學祠堂堪痛飲忽瞻遺像又嗟吁草堂地近東園與
日杏花故繁于與

六朝名蹟徧江東牛首棲霞更不同遊覽人皆嫌遠道
追攀君欲赴和風攝山窈窕神仙窟天閣嵯峨造化功
結伴便應乘興往暮春臨別復怱怱相訂有天閣攝山
之游昔以事阻未

玉女頭盆山下居亭名獨窅意何如雲霄紙合仙人馭
石戶休勞徵士書且與蘇耽同避世豈惟支遁解憐渠
老夫他日遊西嶽定訪胎禽到爾廬

龔山續集

卷四七言律

五

送何第五之任廣州兼懷施尚白周計百

東風駘蕩柳條新君去番禺作逐臣雖入蠻鄉猶少瘴
况司鹽稅未全貧江干一路山如畫蓬底孤吟句絕塵
想過蕭灘與章貢憑將尺素報情人

夜坐

破屋寒燈昏復明紙窗獨坐到更深一杯濁酒有妙理
四野荒雞非惡聲少日功名空自許老年勛業竟無成
灰心只合歸禪悅莫向人間歎不平

潤州訪張季昭陳尊已李木仙諸子

不到京江十五年江城朋好尚依然屢經兵火家皆破
盡改鬚眉意可憐握手但增新涕淚賞心猶記舊詩篇
山游幸喜爲同伴僧舍何勞費酒錢

偕周兼三潘江如吳襄宗皮以立游焦山

丁卯橋邊花正紅看花日日與君同天晴便有焦山約
寺古猶餘桂樹叢龍鼎自周年更遠崔銘疑晉字何工
嘉游亦覺江神喜朝送南風暮北風

姑蘇道中

平生最愛吳江水狹港斜橋處處通漁艇載妻兼載子
艸衣禁雨又禁風湖梢密樹知農屋林際高旂識梵宮
安得攜家來此隱時將煙棹入空濛

登虞山

客居卑溼又塵氛獨上山椒望海雲亂草久荒虞仲墓
高松還覆子游墳土中埋沒尋殘碣石上依稀識舊文
老子祠堂最高曠流連不覺至斜曛

龔山續集

卷四七言律

六

別錢牧齋先生

我客虞山暑正煩十朝九扣先生門持杯不惜荔枝酒
穿徑如入桃花源古人命駕輕千里烈士酬知重一言
臨別依依更回首相期冬月再過存

休夏

家在青溪古寺東閉門休夏與僧同參差水竹不愁暑
爛熳園蔬未覺窮况有閒書消永日因之高枕御涼風
一盃冷飲猶嫌熱繩繫銅餅墜井中

喜鄰人見訪

園叟溪翁比屋居葵邊抱甕柳邊漁顛毛有雪雖衰矣
土銕無煙常晏如從未開門延俗客偶扶杖過吾廬
濁醪麤飯休推却仍是君家魚與蔬

艸堂

艸堂何處避炎威堂背新開兩扇扉南北氣通風力大
東西樹接日光微簾紋似水容高枕鼻息如雷撼薄幃
夢裏忽驚山雨至晚涼纔著一絺衣

白屋

白屋三楹覆白茅青溪一帶似青郊門前種圃多蔬甲
牆外編籬長竹梢守拙白無塵事擾遺榮猶有俗人嘲
鄰翁善數通河洛筮得山風第六爻河洛數以人年命
上九曰不事王

侯尚其事

立秋日紀伯紫見訪草堂

是年伯紫
遷居儀興

昔去真州五月餘江鄉雖好歎離居交游已倦惟偏戶
父子相依更讀書舅病關心來故國雨涼徒步到荒廬
念口續集卷四七言律

不勝吳潤憑杯酒況是西風落葉初

送吳不官還六合

君家震澤兩山中招隱無非桂樹叢何事往來如社燕
可憐飲啄類江鴻頻游故國秋多感間出新詩老更工
自笑幽蓬能飲性白頭猶未就幽蓬不官賦性喜幽
蓬詩道人索和

喜從子還青少府見訪感舊

筮仕無端去極邊關西佐郡又三年程書只是多吟卷
飲水何曾問伴錢家轉貧于未選日老仍歸種故山田
等閒不官游城市高臥楊灣意迥然還山官後甚貧官
揚灣適還青舊居

南畝也

羣從誰如爾一心却為烟亞更情淡時危每歎孤生竹
道遠猶分數餅金此日青溪重命駕方秋白雪已盈簪

安能二老居鄰接晨夕披衣共苦吟

聞張子千捷音有贈

桃葉溪南秋水生荒園積雨喜初晴老夫懶問門前事
童子喧傳榜上名鄉里推君才獨絕尋常好我意非輕
若令天路皆如此無復崎嶇嘆不平

與紀伯紫同舟至儀真而別

詩成愛與爾商量所恨離居各一方何幸秋江同道路
不嫌寒雨滯舟航連宵始盡篋中集明日重登君子堂
無柰真州又分手淮南煙樹鬱相望

揚州九日同王貽上司理登蜀岡觀音閣

卽迷樓
故址

蕪城西北有高丘當日繁華逐水流月下游龜來煬帝
塚邊衰艸失迷樓山川只是僧長在風雨何曾客不愁
念山續集卷四七言律

恰喜新晴逢令節憑欄一望思悠悠

送黃心甫游青州兼懷周元亮使君

何事殘秋客廣陵與君同寓意飛騰連朝赴飲鳴雙屐
每夜攤書閱一燈白髮雖多身轉健青州獨往興堪乘
侍郎亦有山東約我欲相從恨未能

從兄坦菴先生招飲寓齋看菊率成二首

白髮新從紫塞還淮南處處是家山高秋濟水先停櫂
長夏蕪城又掩關自有真詩娛老眼不須多酒破愁顏
此邦雖好兒孫遠歸去青溪明月灣兄客荆溝而子庭
皆家白門故欲其

也歸

猶記霜天人舊都時時酒脯慰窮途偷關一去腸堪斷
棘萼相望眼欲枯舟泊黃河驚會而盆移白菊喜提壺

從來小謝論詩合為我重題壬子圖子與陶杜白三公皆壬子生有四子

白母八十壽詩孟新仲訓之母也

二十年前客舊京與君兄弟定平生登堂曾拜茅容母
到薦能成陶侃名佛閣誦經持殺戒孫窗拄杖聽書聲
世人不識滄桑理獨有麻姑眼最明

漫興

半世飄零東復西白頭歸隱舊青谿功名盡付一盃酒
祿命仍餘百幾齋饑不能齋惟戒殺客無可饌又烹雞
時時勸我中廚婦何必盤餐定整齊

與吳賓賢同宿汪舟次齋頭有贈

秋窗曾讀陋軒詩海岸遙憐冰雪姿趙壹頗為鄉里笑
金山續集卷四七言律

虞翻猶有一人知今宵同夢何其愜明日離羣重所思
肺病三年無藥餌苦吟切忌苦寒時

章縫村夜宿

又去南池向竟西路經嘉鉅夕陽低章縫自覺村名古
稼圃當為儒者棲逆旅雖荒聊繫馬勞人方寢便聞雞
來朝想見陶丘宰索飲先拚醉似泥

贈韓五仲連前太史片城先生之弟也

家難如君不忍陳江鄉何處可垂綸欲游洱海艱資斧
先向陶丘訪故人官舍相逢霜氣冷旅愁又見歲華新
天南萬里終嫌遠酒島詩聲且卜鄰酒島詩聲在潛山

初度有感定陶馬正誼署中令以下甲辰年作

竹馬嬉游如昨日俄驚五十又三年井泉不食吾無恨

滄海橫流劇可憐東魯近來頻作客南都歸去始求田
家人此日遙相憶知在風塵何處邊

臨叩待客情雖厚司馬子人願未諧開歲尚期之竟樂
歸心無夜不秦淮也知學稼山山稔爭奈謀生事事乖
況對崔嵬好兒子當筵尤愴侍中懷李侍中神儒云非後宋第一我獨無此令人傷懷

得馬壻永公書

片札傳來自蚤春勸子歸隱意何真祗緣牛首買山計
敢惜馬蹄行路頻乞食且從謝仁祖起廬還待却嘉賓
今秋倘遂田居願誓不出門干謁人

送孔士崇之任宣平

黃河南岸雪初融君渡黃河便不同一路山川如畫裏
金山續集卷四七言律

三春花鳥在舟中蠻鄉只合彈琴治家法仍傳平準風
我有故人方佐郡憑將尺素寄甌東時歸叔子為溫州司理

雷別母曹州承乾

刺史風流天下聞春城畱客意慙慙香醪不借千鍾醉
廉俸何當兩鑑分野性疎狂應恕我窮途沾潤敢忘君
他年五馬來南國漁釣重披江上雲

送趙月潭太史歸無錫兼懷牧齋先生

桃葉渡頭鉏小圃鶯聲寺裏寓高人幾回相訪無多路
忽漫言歸各損神江國風濤渾朔氣家園花鳥正陽春
開尊若見虞山老為說新秋再問津

出太平門望後湖

玄武湖邊風日悽行人策蹇舊長隄刑曹散後兵添塚

圖籍空來作畦畝有荷花隨水長尚餘蒲艸入煙迷
春游至此腸堪斷况復頻聞杜宇啼

棲霞寺訪竺菴禪師覺浪大師

蕪江相遇共登臺曾誦葡萄好句來十六七年流水過
兩三四處道場開攝山重建本師塔弘法爭推絕世才
我亦遠公門下士自慚白髮老塵埃

吳饒州見末枉駕艸堂出其近詩相質因及孟貞

與治有感而作

老友新歸自粵東重過南國訪幽蓬十年仕宦頭應白
手首詩歌興不窮昔好風華猶習氣今知淵雅是宗工
傷哉刑額俱搖落花下提壺誰與同

喜晤岳聲國進士

龔山續集

卷四七言律

十一

季子祠前樹拂雲停舟相訪寂無聞那知茗水先為客
纔入菰城便遇君篤念舊交勞夢想流觀新句絕塵氛
麒麟況有烏程酒百遍過從不厭勤

嚴蔚宗孝廉招飲有贈

潮音橋畔水鄉鄰畫掩柴扉迴絕塵何事嘉招無別客
祇緣微尚獨相親頻年破產休嗟嘆此日全軀合隱淪
不見披裘與賣卜古來俱是姓嚴人

送張則之歸京口

漂泊茗溪四五旬老懷偏與故交親不辭酒醖過從數
況有詩篇唱和頻忽漫言歸當盛暑雖非得意亦逢春
若翁壽考兒英妙自是人間介福人

王徵宣孝廉招集遙青書屋并送其游福州

先後淮陽作寓公詩篇流布意潛通班荆直至七年外
招飲渾忘六月舟中舟過雲溪尋古巷窗臨射圃納涼風

浮瓜沉李堪畱客炮鼈烹魚何太豐

聞說清秋游八閩同舟恰喜有詩人敬堂與奇山川奇
絕吟逾壯故舊歆然旅不貧節過荔枝休悵望霜迎客
橋更鮮新獨憐好友難為別白雀黃龍且問津湖州西

葉明府紫羽招游卷壽溪

陽羨餘干兩壽溪此溪清絕著湖西宜興亦有卷壽溪
會無復千尋木孤閣猶殘百尺梯況有神仙為令尹不
辭賓客共攀躋賦詩行酒淹長晝歸太河橋日已低

喜從弟漢士見訪

龔山續集

卷四七言律

十二

久客茗川黯自悲場來羣從稍開眉日年過半同吾老
二子連生覺汝奇秋橋冬燈應有候霜髭雪鬢不須疑
江鄉歸艇催人急也是藍田種玉期

戒酒

酒以忘憂昔所聞况逢名酒味清芬興來每不論升斗
病劇方知是斧斤從此暮年裁痛飲即當寒夜亦微醺
操持漸久渾忘却便可長齋不茹葷

題周計百看山樓

鬱孤臺下水交流霜月曾經此地游病飲難忘司理署
高吟重起看山樓開尊醺集誰能賦佳郡廉平百不變
只有些些惆悵事煙波未遂五湖舟時或與女各計百

名勝集

寄懷王涓來侍講

都門別後少音聞無限交游獨憶君
準疑越來成會面那知兵過使離羣
還鄉定出龍江路枉駕期看鵲雲
不則吾當相就語霜人波月白紛紛

送王望如補官北上

王郎弱冠逢仙客手授丹書理數兼
自信功名當遠大無端禍患亦安恬
年華雖艾仍如少時論方推寧久淹
努力驅車向京國蘭臺芸閣不須占

送周雪客省侍之青州

將與望如同行

春去齊州秋始還冬晴又指穆陵關
思親敢謂征途遠結伴偏逢老友閒
月下同舟渡江水沙邊立馬看雲山
知君行李無多物只有新衣五色斑

歸口續集

卷四七言律

十三

喜從孫董大見訪艸堂

爾去靈巖結好因村居雖僻遠器座身閒努力爲詩伯
年少甘心學逸民交有紫河真莫逆紫河吳越士也才與董大相忘也
如明園更無倫明園舊次觀叔子舊也詩最妙過江每念龔山老把酒

看花日幾巡

哭程少月山人

日中猶向艸堂來月下還同野衲盃
是夕三更忽奄逝何曾一念稍徘徊
可憐知命能安命程氏下五況負詩才與辨才
不有死于妻子手故將冤鬼傷通臺程氏是程家姑

思子逢辛

往歲江淮賣卜行布衣端坐傲公卿
年來獨喜長千寺都下爭推李主名
日有千錢惟縱酒家無斗粟亦忘情

兒年正少書能讀只恐孤寒難治生

與子貧交十六年白頭相對更惓然
談言微中真奇術義利分明亦大賢
方擬入山謀共隱那知撒手遽游仙
達生順處應無恨獨使良朋涕淚縣

爲陳俞公五十初度

雞籠山下是君家手種東籬十畝花
性烈也同霜不畏客來那惜酒頻賒
昔忝幕府多兵畧今返丘園收歲華
駟馬軒車易傾覆何如野老話桑麻

曹平顧秘書見訪感舊

猶記當年偕盛生飲君谿閣話三更
別來萬事滄桑改老去重逢鬢雪盈
却訝田居蒙吏議也知兒戲是榮名
雨花桃葉堪游賞買酒無錢空復情

歸口續集

卷四七言律

十四

寄懷五兄凝齋七十

任城官舍話終宵來日登艸意寂寥
白髮那能事干謁青山應不負漁樵
歸偕令子田園穩醉吐新詩壘塊消
翁壽定齊猿與雀獨憐鴻雁碧天遙

寄懷許韻遠

二十餘年契闊情不圖茲上得班荆
乍看容鬢非當日回想京華似隔生
握手那能淹野寺揚帆便欲去江城
惟期厭歲來南國斗酒雙柑聽早鶯

去京口之前一日杜蒼畧見過送以詩答此

沍寒只合臥溪山底事長江往復還
豐歲絕炊殊可異殘冬乞食亦何顏
交游見爾貧逾甚歎息千入老未閒
獨有平生詞賦在歌聲金石動江關

爲梅杓司悼亡

自爾驅車入薊門，閨中思婦獨傷魂。盛年夭折雖由命，平日乖離亦少恩。角枕尚餘雙淚漬，紙窗空對一燈昏。外家兒女方孤幼，莫便先歸湖上邨。

喜施愚山使君至印訂棲霞之游

十月星輅過舊都，江亭一宿便馳驅。懷人不見書空寄，奉使才歸歲已徂。迫尚思游古剎，追陪必欲待潛夫。非君逸興誰能爾，忙裏偷閒世所無。

同愚山登攝山頂

薄葺聽泉憩石橋，侵晨披霧蹶山椒。長江一綫水初落，老樹千章葉盡凋。且就高僧談上乘，更尋殘碣認前朝。却嫌輿馬催人急，白日黃塵去路遙。

念山續集

卷四七言律

上五

立春日何第五招同愚山夜集兼呈令兄次德

卜築青溪少四鄰，君家兄弟獨相親。每逢好月思良晤，况復寒江來故人。雪酒不辭今夜醉，風花又見一年新。烏衣巷口多芳草，明日重過是早春。

除夕戲爲數詩自一二至億兆共十九字

五十三年過半生，人間萬事一無成。孤懷只有詩千首，雙闕何曾見兩京。四海八荒同戰伐，二儀七曜也縱橫。運移百六兼陽九，億兆同心想太平。

人日飲從子邵村宅以下乙巳年作

前年人日草堂中，別後關河路不同。炎暑獨馳汾水北，本卯六月邵村往山右沅寒猶阻嶧山東。是年于客舍歸舍復何恨竟夕持杯莫，放空酒罷忽聞私。歎息燕城留滯白。

頭翁

天界寺訪笠山師

早春猶未出城南，聞說梅開試一探。不見嚴遵居卜肆，程山人少月獨尋惠通到伽藍。看花無復當年興，喫茗聊爲半日談。爭得離家拋俗累，香燈從此奉瞿曇。

元宵書王元倬先生詩後

開春風雨雪全無，列炬張燈徧九衢。老我柴門何冷落，誦君詩句足懽娛。才華豈獨高楊並，謝鄭符卿所南高李馳心事惟同。今年元夕不空徂。

哺雛軒獨坐

谿邊小圃竹間樓，且喜今春未出游。七字苦吟宜暫輟，六書精義恣冥搜。飢寒何足關人慮，著述真能解我憂。

念山續集

卷四七言律

上六

却憶去年正月裏定陶騎馬到曹州

正月晦日喜姚六康孝廉見訪
老大偏逢節候驚，三春花鳥倍關情。嘉辰安忍閉門坐，野衲相邀出郭行。忽報良朋來嶺海，况攜仙藥饋柴荆。一杯且共今宵話，明日江頭送遠征。

送姚六康謁選北上

浮雲游子各天隅，十載重過悲喜俱。聞說溪山多猛虎，何如強仕得飛鳬。長齋豈復營家計，薄祿惟應散酒徒。但願江淮名勝處，故人舟楫不艱虞。

二月初五日雨

自冬徂春一百日，上天不雨下民咨。薄田既累那禁旱，公稅猶逋敢望私。夜聽茅檐聲滴瀝，曉看花檻色榮滋。

再添三尺陂塘滿直到農家浸種時

倪閣公四十初度

倪生弱冠佩瓊瑤屈指爲郎典石棠豈料壯懷猶寂寞
每逢初度却歛歛古人學道尊無比亂世安貧富不如
况爾才名已流布王維詩句李邕書

施愚山書來却寄

寒風蕭瑟去江涯除夕蒼黃始抵家春酒人爭浮柏葉
閒情君獨咏梅花兒婚已畢向平願期迫難淹博望查
想到署齋新誥展鳳冠魚帔更堪誇愚山新受封爵爲其夫人製冠帔

吳弘人見訪草堂

經過笠澤正拏船欲訪良朋興索然稍喜芳春重聚集
生憎俗事又拘牽偶閒便約來谿舍屢空何繇得酒錢

俞山續集

卷四七言律

十七

惟有新詩共欣賞夕陽相送短籬邊

上巳日湯巖夫王左車黃俞邵程子介馬永公王

安節次第見過因畱小飲賦此

春色三分減二分無端風雨歎離羣忽聞好友來晴圃
且坐荒齋看水雲研究六書良足樂縱橫衆說未前聞
蘭亭修禊尋常事莫羨當年王右軍

雨後閒步

城居最喜是春陰風雨全無俗事侵把酒量從中歲減
著書識到老年淡貪看細字頻傷目閒步荒園一散心
忽見柳塘新水漫興來不覺又微吟

三月十九日作

年年此日有詩篇篇什雖多不敢傳鵲亦知時宜閉口

寓因沈痛必呼天銜哀只似髯初斷迸淚其如眼欲穿
江上春陰更淒苦蒼茫白水浩無邊

過水草庵弔黃海岸先生

靈谷西邊銅井東昔賢於此化長虹平生修證方成道
大事因緣豈是空野老題詩紛滿壁行人下馬仰禪風
從今水草菴前路直與燕山柴市同

三月晦日送黃子捷歸建昌

芳晨出郭送春歸又送歸人指落暉旅食飭僧惟有粥
窮年作客尚無衣世情誰恤忠臣胤吾道寧安季女饑
努力山中勤稼圃不嫌葵菽奉慈闈

送竺庵禪丈還南嶽

攝山溪處好煙蘿正藉談經奈別何雲樹不忘衡嶽寺
俞山續集 卷四七言律 七

風帆直溯洞庭波五峯當戶塵氛絕六月休糧著作多
回首江東師塔在明年春水復來過

王左車招同湯巖夫龔半千楊古度程子介飲莫

愁湖上

郊居雖僻近名湖自與城中闔閭殊飽食一生惟笋蕨
出門數武卽菰蒲客來治具何其盛酒罷登樓不用扶
聞說盧家多好女至今還有莫愁無

同王阮亭祠部游牛首山

舊京山水探將徧佛窟幽棲尚未曾牛首山古佛窟寺臨
去江關時迫促不辭炎暑與飛騰曉穿石徑瞻雙闕夜
坐松樓對一鐙却訝前人碑碣少待君游記勒高層

有金陵山水
游記十篇

送彭旦分之任丹陽

仕宦今無一可爲商量只有廣文宜身閒不廢尚書業
彭旦分以書祿薄長稱秀彥師况近家園將壽母每來江郡得新詩故人舟楫頻來往方物從君取料絲丹陽送

寄懷陳襄雲

聞有詩篇寄林陵三年夢想見何曾偶來舊友傳山信
似坐秋窗對雨燈愧我風塵猶祗藏多君林篴絕炎蒸
欲遊滄浦當經院爭得江樓一共憑

揚州東李長文使君

其太翁方病謝客

廣陵城外菊花時高館張燈聚所知汎愛能容霜鬢客
多情不吝草堂資重來此地炎威熾三過君門典謁辭
稍待白頭翁健飯新秋芳徑一論詩

念山續集

卷四七言律

九

六月十七夜社集王仔園齋頭賦得聽詩靜夜分

舊京風雅蕭條甚忽視蕪城氣象新日水邊多勝事
家家樓上有詩人客來長夏尊偏滿話到中宵意轉親
敢謂知言似匡鼎羣公亦覺解頤頻

壽郝羽吉母

男兒志節且艱辛况是閨房孱弱人州郡同時皆遇敵
兵戈滿地獨全身養雛成鳳文章著到薦爲芻名譽新
眼底滄桑何足算麻姑重見海揚塵

送劉興父歸秋浦

爾去都門歎四年一官雖授尚屯遘閒游直出河汾外
沃野還思慶曆前久客邊城身小病將歸故里橐空縣
江干相見銜杯好愁殺秋宵又放船

訪蕭伯闇新居

客裏移居最苦辛七年三徙更愁人此番水閣纔安穩
合與山妻共隱淪檻俯秦淮宜過夏樓瞻漢時不知春
同心獨有南陔老咫尺何妨索酒頻別王元仲先生

九日登木末亭飲景公祠

同游者邵陽王幼華鹿新安方寶臣程子介

九日年年不冒晴今年九日最晴明兒童相率登高去
老子何妨挈伴行萬木全凋因世難雙祠重構見民情
皇圖霸業俱荒艸不朽仍歸烈士名時方景二公祠新成

王壻安節以九日詩見貽走筆答之

見爾來詩喜欲狂開情冷韻獨蒼蒼祇疑寒瘦同郊島
不似公卿立廟堂亂世科名雖可厭少年富貴亦難忘

念山續集

卷四七言律

十

老夫自悔吟聲苦五十奇窮兩鬢霜

九月十五夜卽事
一年月色今宵好偏是囊空乏酒錢霜氣初寒猶未肅
秋亭獨步不成眠醉鄉久曠因游懶織室長勤賴婦賢
幾欲拔釵吾又止來朝畱以繼炊煙

贈彭鍊師

昔年相遇狂禪客今日重逢老鍊師高議能通仙與佛
奇懷不廢酒兼詩久游河北多丹竈暫返江南尚黑髭
遂有門人爭館粲三冬且住莫溪辭

送谷語師游武夷

琢鍊堆邊秋海棠繁花亂藥贊公房天界寺有琢鍊堆處公林與堆近海案最多抵宜獨坐攤書好何事扁舟涉水長山指

武夷尋舊塔路經吳會履新霜明年亦有離支約共入
興泉得飽嘗易枝亦作澤支出

酬胡吉甫先生見贈之作

八十六翁猶未老新詩警策似中年黃昏更作蠅頭字
蕭灑渾如雀背仙望我生兒延祖澤知君學道本師傳
先生受業於今冬果遂商瞿願買酒何辭賈賦錢

哭林茂之先生

隆萬遺民今已盡尚餘一老在山隈年登耄耋復何限
晚際滄桑實可哀病眼應昏雖似霧壯心火熱未成灰
重生定作名家子不待垂髫景運回

笠山禪師初度

霜晴徐步出城來為訪高僧鍊堆講罷雲封窗外竹
論山續集卷四七言律

吟成香沁雪中梅原山書間時相接公與無通天界宗

風永不類浪師久居天二十餘年了死生靈樞龜雀總

浮埃莊子真大

除夕

光陰本似箭離弦此日光陰更可憐馬商俄驚六九歲
龍蟠已墜廿三年虛疑景運來天上獨有愁心到酒邊
看曆一回腸一斷山妻知不為無錢

丙午初度

平居初度感千端老大大心情轉自寬滿地兵戈誰得免
苟全性命即為歡餘生但使貧而壽向學何論饑與寒
努力著書傳異代一年一部是奇觀丙午以來詩以歲

紛紛朋輩委塵埃我獨歸然亦壯哉身似忍冬藤不死
詩如曷旦鳥偏哀集成已得三千首興發猶能四十杯
但遇好花思痛飲茲辰况值早梅開

元宵雨集汪西京寓齋觀妓

鐙時小雨亦愁人况復滂沱夜及晨好事如君難閉戶
衝泥為客盡閒身花邊更覺紅顏媚酒畔渾忘白髮新
二十年來相憶苦春遊排日莫辭頻

春雪飲鸞峰寺

三冬無雪長憂旱稍喜初春大雪飛密似楊花鋪野徑
閒將竹杖欵僧扉白鬚雅與吟肩稱采筆難教凍研揮
欲敵嚴寒多貴酒囊空不惜典緇衣

雪中東彭寄菴

鷺峰西畔小樓孤晴雨皆宜雪更殊一派寒林真玉樹
半灣春水即珠湖垂簾况有高人座躡屐何妨童子扶
聞說鄰家多美酒君平肯破百錢無

雨後訪吳平露汪西京不值

經旬風雨不停聲咫尺河橋似隔城今日杖藜纔一往
誰家開燕已先行私疑粉面聞香澤各擁紅兒喚小名
如此春光偷背我來朝須罰酒盈觥

上河訪王汾仲

二月龍江春水生一屋漁屋曉窗明高人獨擁葉書坐
客至猶聞絃誦聲前約屢愆因久雨羣公咸集喜初晴
欲攄離抱憑尊酒又趁斜陽策蹇行

閱鄭所南詩

應對頭白尚無家流落吳門老歲華心史雖然藏井穴
猶誠終不隱泥沙生憎地走人形獸也覺春開鬼面花
斯語至今猶妙絕一回吟咏一長嗟

二月二日平露西京置酒舟中送余行

早春欲往京江去風雨日多晴日希新水暴生聲濺濺
故人送別情依依乘舟且泛此溪好把酒先問何時歸
歸期五月未爲遠相約重登燕子磯

京口訪談長益

君去燕齊八九年歸來鬢髩已皤然階庭喜見嬰兒長
鄰里爭推大婦賢邈世豈應樓郭外買山自合遠江邊
詩文雖富未成集汲汲謀爲萬古傳

妙高臺看月

論山續集

卷四七言律

五

空江明月是奇觀况在金山絕頂看入夜魚龍潛水底
親人蟾兔落雲端煙波咫尺連滄海城郭微茫似彈丸
欲待鷄鳴猶不寐其如風露客衣單

贈李雲士

李生賣卜潤城中不與尋常日者同學本圖書兼象數
言依忠孝畧窮通百錢豈屑君平意二客長瞻季主風
好我論詩來夜夜短檠相對一鐙紅

談長益移尊過予招同韓叔夜吳乾行何雍南程

千一小集各賦一詩

東風無賴走江沙吹落城南萬樹花我欲探梅空悵望
君雖載酒亦咨嗟飄零俱是四方客在舟能教兩鬢華
更有鄢陵韓叔子十年薄宦未歸家

同吳園次登多景樓兼送其之任吳興

春江二月柳條青画舸之官此暫經爲念南徐多古蹟
重登北固望滄溟舊交已是十年別高興何妨兩日停
遙指櫻桃花爛熳來朝連轡出郊坰

寒食日飲酒家

同集者關中孫豹人中州彭士報京口談長益陳廷嘉張李昭何雍南程千一潘雙南張子韻

江東又是禁煙節郭北無非上塚人久客未歸緣世難
舊交相見獨情親水邊亭榭多春酒花下衣冠剩逸民
不分青青垂柳色欺吾斑髩漸如銀

清明日程崑崙司馬招同豹人其年小飲

客中正苦懽場少江上俄驚勝友來是日其節序關心
吾老矣雲山滿眼興悠哉使君况有緇衣好公醺偏容

論山續集

卷四七言律

五

擣散才今夜燈前須痛飲不然懷抱向誰開

王詒白廣文招同董文友陳宸明游青山莊

蘭舟載酒出西門言訪名園近北村水樹重重藏島嶼
亭臺處處著琴尊經營空有萬金費題詠曾無一句存
五十年間三易主其他陵谷復何論

端午後一日得施尚白少叅書是日適聞周元亮

轉江寧糧憲

舊交風雅幾人存屈指愚山與櫟園稍喜官遷來建業
恰逢書寄自章門起廬欲待嘉賓至乞米先從仁祖言
秋月揚帆過蕭水賡酬知不厭頻繁

喜湯宮若見訪即送其歸江右

維舟江岸正黃昏先扣青谿竹下門脫粟那能克旅食

感懷無復報師恩時訪其弟公別來精進詩篇富歸去
倉皇暑氣煩知有白頭重慶在舞衣應不羨乘軒是年父母六十

答曹州何惟重兄寄

誰傳書札自南華中有新詩字字嘉尚憶壺觴吟雪際
獨憐漁釣老江涯春將壽母娛雙綵夜共賢兄讀五車
安得重來桃葉渡茅茨咫尺是君家維重兄弟幼時曾居青溪其別居在

露坐

日迫崦嵫尚未冥呼兒汲水洗堦庭艸根暑氣先秋失
樹杪風聲入夜聽病榻且宜三伏過書窗空負一燈青
閒中每憶平生友落葉真同欲曙星

金口續集

卷四七言律

五

揚州晤顧云美感舊

論交三十六年前曾共秋林一醉眠此日才華方藉甚
如今容鬢各蒼然新詩既得江山助古篆還從金石傳
知爾心期似皋羽西臺拊節有誰憐云美出徐勿齋門孫軒兩公之門

答支山上人見訪之作

支公冒雪上匡廬攬勝探奇日不虛六月揚帆向江左
三山枉駕正秋初滿囊詩有烟霞氣近市庵非水竹居
琢鍊堆邊好師友謂望山雪坡亟移瓢笠勿躊躇

夜過七弟爾從寓中小飲

青谿稅宅近茅茨散屣相過不論時却恨新秋猶毒熱
直需淡夜有涼颺京江重到霍林寺石壁長吟馬素詩
卯角弟兄今白首濁醪頻勸復何辭

合肥贈唐祖命丈

六年不見唐耕塢老友常思聚會難何幸江城同旅舍
每千秋夜得盤桓銀鈎鐵畫簽前字金谷銅駝酒後歡
卻憶當時游泳處青谿明月幾人看

答龔木公見貽之作

聞君卜築近方山水樹千重抱竹關圖史尚存先世業
亂離無改昔時顏貧交乍見情猶篤佳句雖投話未閒
我欲相尋棲隱地巖阿叢桂許誰攀

和州贈戴無忝兼懷令兄務旃

會隱淳湖共若翁見君兄弟始成童既經浩劫畱書種
卻訝辭家逐轉蓬往歲游仙奇太甚今春歸娶道方中
秋林把臂不勝喜矯首還憐白雁風

金口續集

卷四七言律

五

姚作哲招飲話舊

記爾維舟桃葉時催妝曾和戴邢詩戴夫故人宿艸那堪問賤子漂萍亦可啞獨有林園娛老眼常將杯竿召新知况逢舊雨情偏洽日日相過醉不辭

孫曼倩齋頭看菊

孫翁書屋蔭黃花花萼雖平意態嘉囊本無錢偏好客
鄰皆有酒却難賒僻間古篆旁能注嶺外游蹤近可誇
山水故知閩越好明年吾亦去天涯孫是年從閩歸

孫敏克鑿池得泉屬題

君家小築傍城隅密樹高岑景物殊天道山泉出階砌
客來茶飲當卮醕楊雄從不憂生產劉毅何妨渴博徒
如此聰明如此水焉知人世有潢污

嘉興重訪陳子木

三十年前禾水客白頭重到自傷悲
舊交艸木凋同盡之子靈光歸獨存
城市無家空瓦礫階庭有實是瓊瑤
杜門不與時賢接爲我同心創一尊

飲朱子孫山樓

鴛鴦湖上雪霏霏老我重游心事違
夾巷尚餘新戰壘高人無改舊漁磯
山樓荒落多幽致玉樹繽紛勝錦衣
况有芳樽能醉客河橋昏黑竟忘歸

贈大輿上人

客舍屢遷來古寺居停何幸得高僧
殘冬閉戶寂無語終日攤書知有憑
榻近茶烟融凍研庭餘梅雪灑寒鈴
此時出我焚香坐頓覺勞人百念澄

論口續集

卷四七言律

三七

早春游弁山法華寺

同游者寺都曾山山李歐劉

子常錢塘間勿善宣武劉氏

幾度尋山水漲谿輕舸直至寺門西
梅花時節難猶淺桑樹人家徑不迷
老興渾忘筋力倦歸途又越夕陽低
紅塵白髮空流浪安得長年此地棲

韻

嚴修人招同劉民長李望之葉伯如諸子夜集限

二月陰寒不似春霏微雨雪更傷神
燭爐兀坐無人問雞黍相期獨爾親
坐上羣賢皆博雅酒邊奇字鬪清新
道場浮玉東風暖尚欲懷梅醉幾巡

羅鏡菴招同曾止山諸子夜集有贈

作客攜家不當游居停况有看山樓
窗間獨樹梅花發

郭外千峯雨氣浮楊柳擁奇書多揆索酒逢窮士倍綢繆
牆東咫尺爲吾寓春夜頻過一散愁

送曾止山之吳門

歲晏來游碧浪湖主人韓賸不堪呼獨攜破笠尋山寺
且喜貧交得酒徒快意那能如百粵吳山其地早春端
合去三吳停舟先問靈巖路鄧尉梅花天下無

三月三日飲程弘執寓兼贈令兄在茲去疑

無端作客向茗谿花下愁聞春鳥嘯嶺有良朋相慰語
每逢佳節自含悽賢兄好事情偏爲憐日臨流手重攜
對酒不辭今夜醉來朝風雨各東西

清明日丹徒道中

日歸端在杏花時又見桃花紅滿枝尚想家園過寒食
歸山續集 卷四七言律 天

却嫌風雨故羈遲丹陽路北江關近白髮人慳輿馬資
借問同舟爲客者茲辰誰不動鄉思

喜晤宋荔裳觀察四首

孤竹城南送客歸蒙將山繭製春衣方期列宿三台近
豈料嚴霜六月飛猿雀勢難通遠問鳳慶天遣脫危機
滄江白髮重相見痛飲狂歌定不違子與荔裳蒙別自木

天

頻年憂患兩寅同庚寅壬寅荔却訝詩文轉更工名世
那能兼厚祿著書元不諱奇窮况逢溫玉來吳下遂有
明珠入掌中宋五十未有子至此事呼噪良足慰從前
縷綫總成空吳納姬逾年即生此

計

文流工項以所著安雅堂前後諸集屬于

握手相看涕淚滋故交應不比新知惟君多難髮猶黑
愧我長貧鬢已絲對酒飛揚如昨日登山履錄異當時
棲霞天關南中勝努力追攀未許延由等榮十無謝

濱海山林豺虎多惡哉同姓又操戈丈夫豈必懷鄉土
仕宦尤宜慎網羅鶴市南頭好花月燕磯東畔少風波
此方卜築堪娛老買宅無錢奈若何

午日石埭姚六康明府招同諸子燕集各賦一詩

同集者粵東盧升卿王仁仙蔡大仲龔含五漢
陽李雲田舍翁吳大慈鄒周九蓮烏程陳宗
孫廣若吾里杜彭瑞

谿雨縣縣不住聲恰逢嘉節四山晴荒樓正擬羣公聚
綺席俄傳茂宰迎觴有蒲榴隨俗泛盤惟荷蕸見君清
谿山續集 卷四七 詩律

平生故舊多仙侶誰似陵陽賓子明

題寓樓壁

將衰筋力厭樓居却喜茲樓曠有餘檻外雲峯宛圖畫
門前歌唱總樵漁青谿雨過空看水白日窗明好著書
只是山廚愁旅食主人貧儉客何如

青陽訪霽山同不值

小別俄驚十二年相思惟有尺書傳特來九子求良晤
豈料孤雲又各天我到江城尚留滯君歸山館勿遷延
此番若不舒離抱向後佳期更杳然

秋浦立秋喜吳山賓見過

酷暑經旬戶未窺兼之跣足病瘡痍從僧看曆知秋近
厭客敲門獨爾空莫出高文箋石鼓瓢傾濁酒潤詩脾

來朝相約青谿去勝事先尋白筇屐大白有秋浦
白筇屐詩

送孫臥公歸里

秋浦逢秋返舊谿琴書以外不多攜為憐巧語謀鵬
更愛長年養鹿麋才似禰衡休浪擲山如李渤合幽棲
祇愁林壑難容汝仍想天街逐馬蹏

六月廿六日為內人四十初度寄之

自爾歸子便食貧不辭麻泉佐松筠年年作客輕離別
事事持家多苦辛二女雖然娛老眼一兒還想繼吟身
莫言小姓求人種畢竟藍田玉足珍

七夕喜霽山同至

九華山下訪君廬君去蕪陰兩月餘寄語還家到池口
果然命駕及秋初蕭瑟容髭都非昔激楚詩歌迥自如
谿山續集 卷四七 詩律

欲話離情惟有酒豈應空曬郝隆書

贈石開上人

善庵庵故劉徵君讀書處梅
花甚多為兵所伐今施作庵

梅花書屋想徵君梧竹交柯似碧雲悍卒摧殘何太虐
老僧培植不辭勤炎歊謝客偏留我緇素能詩更出羣
淪茗焚香常夜坐絺衣蘿月白紛紛

王郁雨少府見過謝之

百牙山後小庵孤竹樹陰濃暑氣無客借僧房同結夏
蔭分邦伯宛棲梧忽聞車蓋來荒徑乍觀風儀識壯圖
四海蒼生望霖雨豈應佐郡獨沾濡

陳碧涵學博招飲有贈

鱸口停舟暑未殘城中何處得林巒荒園稍喜鄰文廟
芳徑時來問講壇好客故為河朔飲張筵不似腐儒餐

北窗古樹高千尺坐久能令六月寒

送從子處厚返瀟山兼寄令岳陳襄雲

天柱高人汝婦翁幽棲真有上皇風得爲佳婿身何幸
況是孤兒命正窮祇合相依如父子無緣長住各西東
殷勤寄語龍河壩明歲重來訪桂叢

魯江訪胡逸庵不遇因補悼亡之作

不到于湖十六年今秋重泊過江船故人遠出柴門閉
健婦新亡總帳縣治具舍皇頌令子遺懷曠達讓前賢
君雖半百猶青鬢可許花枝笑獨眠

吳素夫六十初度

君際淞桑未四旬甘辭榮祿慕遺民逐禽那及棋枰樂
桐馬何如茗盞新東里有詩惟紀晉桃源無路可通秦

翁山續集

卷四七言律

三

翁年耄妻兒才智豈獨高人又福人

卜仲璿移居

舊居桃葉渡西偏爾我爲鄰五六年別去城南非遠甚
重來巷北更惓然琴書有暇頻相訪酒脯能賒不計錢
況是兩家綦綯熟花時閒步短籬邊

歷陽留別龍天士

江縣重過不似初得逢之子興蕭疎西窗月冷爭浮蟻
南窗霜晴看打魚歲暮獨憐吾欲別官遷亦恐客難居
相期春暖來姑韻白紵青山信所如

同轉中峽飲王左車宅

隔江風雪去還來甥舅同舟笑口開左車之子中峽之甥也
況有香醪足斟酌兼之良友得追陪西窗剪燭聊談

坐南浦歸帆且漫催不記去冬長水客楞嚴寺裏撥寒灰

臘雪吟

江東今歲苦蝗蝻蘆葉未苗總不堪正畏催租如猛虎
更愁遣種似春蠶連朝大雪驅除盡四野嚴寒凍餓甘
我有高樓供遠眺典衣聊復取微酣

丁未除夕喜顧云美曾止山見過守歲

青谿溪處艸堂開榆柳逢春淑氣回遂有故人千里至
不辭除夜一燈來閒身且寄隣僧榻快意唯憑濁酒杯
却望蔣山雲物變野夫白首重興哀

戊申元旦蘇州顧云美嘉興朱子孫贛州曾止山

紹興吳平露同集哺雛軒分賦以下戊申年作

翁山續集

卷四七言律

三

我所懷人各一方今春何幸得同堂虎丘公讌年猶少
虎丘公讌年猶少
寒出盧龍成舊雨近至白門往來甚密
分茗雪感新霜止山亦二十年之交去萍踪會合非容易
易日日相過醉不妨

虎踞關訪半千新居有贈

移居不喜近長干俗客來多應接難路出清涼臺更遠
宅如書畫舫猶窺梅花竹葉充庭際萬壑千峯繞筆端
只是吾徒太寥廓新詩吟罷與誰看

爲顧云美六十壽

年少相逢古劍池亭亭玉樹吐華滋那堪甲子須臾過
偏在乾坤板蕩時老人舊京歌黍稷冷棲荒剎近茅茨

莫言後輩無知已爭誦先生六十詩

旅食僧廚不自供蕭然瓢笠與孤筇周秦繆篆人爭乞
韓蔡分書衆所宗靈谷援梅尋斷碣生綃畫鶴上高松
雖云戶小難勝酒初度無能買一餐

得錢湘靈書却寄

開君長夏病侵陵幾欲過從恨未能久雨泥途難著屐
炎天火日畏擔簦相思空有三秋詠同老何堪百慮增
忽捧來書身已健權如赤脚踏轉冰

鄧元昭太史招飲中林堂因訪前輩市隱園詩予

有六卷遂舉以贈并係長句

秋澗爲園淮水東三吳名士聚其中
年來易主真成俗此日開顏合在公
芳樹綠波生

論山續集

卷四七言律

三

氣色青尊白髮想流風吾家舊有羣賢什相贈還期好事同

三藏殿避暑題七淨師壁

長夏城居熱不堪更愁俗客每停驂
竹院新涼睡易酣肺病食蔬元有益
詩通文債俱完却持與鄰翁共笑譚

紀災

戊申六月多災異太白光芒與日爭
動似舟行巨浪大震民舍多傾雨翻如瀑下
亂惟思入林經山中何處有柴荆

立秋後二日王望如明府席飲印事

傲吏將之嶺海官預愁炎暑歷噴噴新秋漸爽車當發
老友頻過興未關但對酒杯笑樂漫言時事總艱難
如君十七年科目尚屈絃歌亦可歎

月夜過吳平露寓樓小飲限韻

莫春歸渡浙江潮徂暑重來白下橋自有閒心似冰雪
何妨假館近塵囂樓頭好景書千卷雨後新涼酒一瓢
恰喜老夫乘月至狂吟差不負今宵

重晤黃仙裳因造酒家小飲懷舊有作

江關爲別正黃昏堅約明年過白門及至草堂余又出
見懷詩句爾猶存秋溪何幸來雙槳野店相期倒一尊
聞說曾澆亡友墓萬松溪處獨傷魂

題徐仲光荷山艸堂卷

論山續集

卷四七言律

五

嶺海歸來重歎嗟荷山溪處老煙霞漫言此地堪終隱
底事頻年不在家玩世且同華表鶴維舟先聽白門鴉
問君可是徐鴻客行見楊花變李花

荅林二史見訪之作

聞君秋到冶城山幾欲相過步履艱却枉高軒來委巷
更投佳句慰離顏江村飢餓髭全白邊塞馳驅髣髴斑
獨惜連枝易顛顛下浮橋畔水潺潺

鷺峯寺前閒步

此地舊爲江令宅如今俱是種園人水邊籬落數間屋
野外花枝八月春羊豆馬芹何處亂雁紅雞絳亦鮮新
其中更覺秋葵好朵朵微黃似麴塵

藏本草綱目

送孔吉人遊宣城

孟夏馳驅來舊京，新秋又作宛谿行。敬亭山好孤雲在，夢嶂樓空片月明。未向河橋折楊柳，先攜酒脯過柴荆。歸時只恐余它往，送別江頭無限情。

東魏惟度

清涼臺畔鄭公祠，千古高風永在茲。密樹能留長夏客，閒窗重訂列朝詩。殷璠元結人爭慕，陸放倪迂我自嗤。封非何堪供採掇，愧無瓊玖報相知。

爲鈕翁六十壽

家近江東春水邊，秦淮夏屋又新遷。一生不涉波濤險，萬里爭輸食貨錢。蘭秀菊芳多樂事，童顏鶴髮宛神仙。逍遙游復能齊物，身在南華第幾篇。

論山續集

卷四七古律

三五

中秋日支山上人林二史黃僊裳曹无咎沈方鄰

同集艸堂限懷字

客中見月應多感，況是秋風更愴懷。載酒何勞出山郭，仙裳欲攜上譚詩。聊以就茅齋風塵舞，走年俱老孤神。歸休願未諧，且與良朋醉今夕。江颿明發各天涯。時二史將歸，余亦有石埭之行。

九日飲邢命石水閣有感

野塘秋水浸籬根，欺我黃花無一存。猶有寒蔬生廢圃，不堪衰柳映衡門。沿谿偶過良朋寓，把酒閒將舊事論。昨日紅顏今白鬢，每逢嘉節暗聲吞。

贈趙伯良孝廉

伯良別號頌嶺，廣東新會縣人。

頑蘇本是宋王孫，千古崖山一綫存。每到臨安先隕涕，

重來建業亦傷魂。囊詩但就遺民語，看劍難忘國士恩。更有同心命猶石，幾時朋酒醉荒郊。是時亦在江寧。

送西圃雪坡二納游天目

是夜月宿。

莫愁湖上霜寒夜，孫楚樓邊葉落時。二子言尋天目路，千峰獨禮玉林師。時玉林師居天目殷勤參學，惟聞道閒暇看山不廢詩雲雀雙飛隨所適，定于何處覓禪枝。

寄祁門何令

晴冬客過石門山，南望琴堂咫尺間。幾欲看花來作賦，却憐飛鳥倦思還。尊罍曾泛河亭月，冰雪如親仙令顏。暫借雙鳬傳錦字，可無芳訊及江關。

贈趙子正

子正工八分書，乃爲歲暮來游石埭山，聞君風雅意相關，祇緣入郡交何晚。

歲暮來游石埭山，聞君風雅意相關。祇緣入郡交何晚，

論山續集

卷四七古律

三五

緣得持杯我又還，書擅八分能瘦硬。硬學從二篆亦溪澗，斯人位置宜天祿。豈合理名絳灌間，

初春送屈翁山返番禺

以下已酉年作。

歲晏君從絕塞歸，遠攜新婦覲庭闈。梅花開日催征櫂，荔子香時著舞衣。私念炎方多戰壘，每懷白下隱漁磯。明春倘奉高堂至，卜宅牆東願不違。

再送翁山

詩名輪輿擅東南，爾却推予子自慙。千里外猶勞遠信，一燈前始盡深譚。心懸十艸歸難緩，雪凍柔條折不堪。知有故人爲傲吏，陵陽丹溜必須援。

同屈翁山飲周雨邨齋畱宿

周生買宅傍城隅，中有方塘似鑑湖。新築長隄種楊柳，

重開精舍面孤蒲稱詩雅與騷人合索酒因借野老俱
春雨凄寒歸不得紙窗吟榻共氍毹

兄子邵邨五十

十年多難走風塵此日還家樂事真亭沼重開將詩母
頃茂合奏燕嘉賓夢回紫塞山川險興發青谿艸樹新
併入王維詩畫裏流傳人代亦千春

送林二史歸莆田

薄宦迢迢出雁門所期祿養逮親存那知風木翻多恨
欲返鄉關豈易言身繫十年容鬢改手扶三櫬淚聲吞
貧交無物堪持贈送別江頭亦斷魂

送葉亨立歸漳州兼懷令叔伯俞先生

三月桃花雪正寒江亭送客意辛酸情知湖上游當壯
翁山續集

卷四七言律

想到閩中春已殘家有高人眠土室吾將尺素寄漁竿
明年初更回來此把酒論詩覺更慳

三月十九日作

野老難忘故國恩年年慟哭向江門南徐郭外三停櫂
北固山頭獨愴冤乙酉年已酉三月十九日流水滔滔何日返
遺民洛洛幾人存錢生未死重相見雙袖能鍾盡血痕

吳伯成

吳伯成明府招同秦雷仙太史周子似顧脩遠徐

原一龔介齋孝廉黃漢臣高士嚴蓀友徐安士

顧天石馬雲翎茂才社集限韻次日伯成去吳

門子亦歸矣

相逢恨不數年前每過梁谿輿勃然今夜始當仙令酒

來朝又泛洞庭船羣公咸集成高會孤懼難停是別筵
碧澗青峯芳艸令傍人回省重流連

三月晦日秦雷仙太史招同諸子燕集有贈

欲談名園人惠山連朝風雨阻躋攀天香閣上書千卷
金匱墩前水一灣入香閣金匱墩皆雷仙所居行酒賦詩羣彥集落
花飛絮寸心閒獨憐白髮逢春暮坐到鷄鳴且未還

贈別崑山徐原一

九龍山下柳如絲正是河橋送別時老我風塵無所遇
感君意氣獨相知連宵拚醉賢人酒他日還吟國雅詩

爲鄭母七十壽

東園小築結比鄰歲久方知孝友真且必舞衣娛壽母
翁山續集

卷四七言律

老猶劉蕡待聞人生資萬卷術何慎酒泛千鍾家不貧
色養漫勞誇五鼎輪君魚笋及時新

送錢湘霽北游時干亦將之楚

蚤春卽擬去燕山仲夏猶然臥竹關薊北風塵難作客
江南花鳥且怡顏稍能薄粥供朝夕何苦長途數往還
勸爾勿遊吾轉出蒼江煙艇適荆蠻

將之皖口別吳明方著作

長夏園居臥北窗那堪觸熱去風江寧袞擬作沅湘客
停櫂先經父母邦老我征衫塵僕懷君寓閣水淙淙
司空山下逢仙令珍重爲傳鯉一雙

喜趙國子見訪即別

鬱孤臺下歲將殘與爾言詩意甚懽一公嶺南音寂寂

重遊薊北路漫漫停舟爲訪幽人宅開卷如翻大海關
正好追陪向林筵却愁予又別江干

古上菴喜七弟爾從至

同氣離居二十年何曾一夕對牀眠不圖江岸炎蒸日
却有山窗信宿綠露坐且酣樅市酒曉風又逐漢陽船
來朝把袂應難別重泛龍湖醉鹿田

白鹿山莊書懷兼示從孫有懷

山房曾共阿咸居一歲中完兩漢書本擬名成光史冊
那知世變老樵漁故鄉久別歸來晚芳徑重過感慨初
愛爾能承王父業荷衣應不羨簪裾

皖上訪程崑崙試守

鐵甃城邊春水波使君高義獨差巽三年客過三停擢

念山續集

卷四十七

五九

一度花開一放歌復有棠陰移皖口時傳芳訊及巖阿
相思今始舒懷抱正好追隨奈別何

東陳裴雲兼寄豫字爾靖元的

年年相約會江樓底事蹉跎春復秋逐源正當三伏日
飢驅未及萬山游石湖新月期君至塔寺涼颼散客愁
借問巖栖諸老友誰能高興亦同舟

贈蔣素書兼送其應舉白下

老我新從建業還聞君詞賦動江關停舟先訪城南路
開卷如登雨後山橘酒蘭香頗有贈琪花瓊樹定須攀
他年吾郡推風雅名在任張伯仲間

在克家
張子十

七夕飲成二鴻先生三劍閣

九龍山下大寒樓舊舊端居百不憂底事江城猶買宅

滾知天地亦虛舟車中雲嶺千重出枕畔香塵盡日浮
梧井陰濃容避暑况逢佳節又新秋

五言排律

問旭上人三十初度 以下癸卯年作

南國多才士名家得幾人顧翁書入聖朱老耆通神二
妙專前美惟公繼後座上人字學爾與治聰明應獨絕
筆墨遂兼臻雖在喧囂寺偏于冷淡親垢氛渾不染修
潔果無倫頃者年方壯居然學已醇虛懷加鼠勉老氣
更嶙峋况復攻詩律從茲悟佛因若全如滿壽必龜巨
然鄰玉塵王夷甫金龜賀季真宰官非不善終愧比丘
身

七夕書懷

長夏熱無比交秋氣稍平涼風吹戶隔細雨溼柴荆况
是雙星節能令四體輕中庭容偃仰北斗正崢嶸河漢
水方淺關山月未盈杯盤風俗舊兒女笑言情乞巧心
何切穿針眼倍明爾曹焉用此吾拙自天生抱甕安窮
老乘槎憶遠征去年今夜酒薄醉廣陵城

次韻題吳不官詩卷

昔有論詩者如參大小禪圓通由妙悟積索在多年豈
許空賦輩能耕兩莽田吳生家震澤逸興寓林泉恥作
鍾譚語全師葛顧篇不官字東山人詩愛前注以詩
與視身同老耄於世總浮煙湖海憑孤往胸懷自廓然
白頭歸故里丹竈慕前賢茅宇堪休息藤牀合醉眠奈
何霜雪裏又上過江船

飲朱四均園中漫成二十韻

何處堪休夏城南半水園當年名市隱嘉客若雲屯秋
澗開東閣此園名最著分州稅北轅王會州其地其餘焦
顧輩初詩亦多不憚往來煩易世主人換空庭喬木
存春秋希譙賞冷落類江村幸有朱公子來遊白下門
阿翁官憲臬買宅得丘樊文筆本森秀虛衷更討論性
情詩最捷師友義尤敦此日除芳徑相招坐竹軒芟荷
香氣遠槐柳綠陰繁高棟全無暑崇朝直至昏野航浮
沼面涼几列雲根茗果隨時供壺觴弗強吞問途親老
馬舒采齊雞鵠加以沈酣力當為瑋堦尊竹看園復盛
莫訝客長喧予昔曾題句君今尚詠言可知懷抱合風
雅許重騫

念山續集

卷五五言排律

魚龍洞紀遊二十六韻

正想魚龍勝無從得主入逢君兄弟好贈我詠言新偶
爾商遊事欣然往問津涼風初過雨沙路不生塵未覺
豁行遠來尋洞口春小舸穿竇穴列炬照嶙峋海島層
層似鮫宮面面真奇花多蒨萼古木盡松筠鐘鼓皆成
響鯨鯢亦舛鱗仙翁矚目具老鶴羽毛馴最妙婆羅樹
全遮金粟身水簾飛蝙蝠石澗立麒麟平坦高坡上依
稀淺渚濱方臺客客坐冷飲不妨醇野興重更燭清謳
一啟層祇疑聽仙樂笑止避狂秦往路仍溪遠舟師怯
鬼神石門誰敢入險地不須臻舴艋催迴去蛟螭恐怒
噴順流休蕩槳急瀨可垂緝冥黑如過夜熒微漸及晨

茲遊嘆奇絕前此更無倫理策歸村店礙不臥草茵山
家還送酒爛醉莫辭頻四美元難遣孤懷豈易陳惟應
卜居此長與爾爲鄰

胡君渥先生七十壽

以下戊申年作

國初助興威富貴亦多人及至滄桑後何無社稷臣開
平猶有喬蒼谷獨潛身餘子皆庸錄孤高誰比倫多君
兄弟好奕世至家親不忍趙王服寧甘嚴子緡茸茅先
隴側種菜大河濱破帽隨禪侶方袍遠俗塵言詞常激
烈膽氣特輪囷自命誠千古安驅至七旬前年兄介壽
今歲弟同春鄉里稱人瑞吾徒重逸民畫松雙幹老醺
系一栢新夕問今何代惟知醉此辰尋常福祿語對爾
不堪陳

命山續集

卷五十五言絕句

三

命山續集

皖桐方文爾止著

塔繡水王槩安節訂

五言絕句

青溪歎

白下青溪路倡樓楊柳枝可憐生此日不見盛明時

白髮歎

老夫年五十白髮猶未生何事三年內千莖復萬莖

春日漫興

莫種章臺柳長條空復情何曾繫郎馬只是送人行

暑夜聞歌

涼風吹夕渚明月漾秋波不見采蓮女但聞采蓮歌

秋花雜詠

以下戊申年作

命山續集

卷五十五言絕句

一

秋夜風雨環堵皆傾而秋花無恙子願而樂之

忌其貧窶也各賦一詩

秋蘭

寧作幽人佩羞稱王者香眼中看不厭吾鼻轉相忌

秋葵

紅紫皆俗花鵝黃獨風韻亦有向陽心今人復誰問

秋海棠

春華吾不喜冷豔獨推君秀色嬌娥似微香靜者聞

茉莉

花向夜分開蕊白初昏摘山妻插滿頭香亦被牀簪

玉簪

玉簪時不尚何況玉簪花白向牆陰老休教樹葉遮

鷄冠

絳幘人已非翰音猶未改花雖無鳥聲其意亦有待

雁來紅

莫漫誇霜葉先霜葉已紅天邊聞塞雁根下響秋蟲

金山續集

卷五五言絕句

金山續集

皖桐方文爾止著 塔繡水王槩安節訂

七言絕句

和丘季貞燈夕詩 以下王寅年作

月明曾聽廣陵簫別後相思淮水遙七字吟成腸欲斷
人間從此廢元宵

落馬湖

落馬湖邊蘆荻秋白波無岸榜人愁何期天與東風便
三日揚帆到濟州

中秋泊夏鎮

乍寒無客不思家況是中秋見月華且買村醪自斟酌
莫因羈旅重咨嗟

金山續集

卷五七言絕句

明月青溪一草堂幽蘭叢桂葉爭香主人何事命為客
昨歲潯陽今汶陽

題樊會公小像

以下癸卯年作

此是樊生廿載前風標中島似神仙如今漸老容非昔
破屋埋頭野寺邊

繪事江東有八家君工人物更修姱奈何不把青銅鏡
自寫真形對雨花

買花

三日春陰一日晴街頭忽聽賣花聲紛紛桃李渾閒事
楊柳梧桐最有情

與天寄上人感舊

三十年前此讀經 纔角出家初如今重到回光寺

公已二毛何況子

狹斜門巷舊逶迤化作荒園長兔葵惟有禪林終不改
佛前仍點舊琉璃同光字在舊院後故云

贈歌者韻郎

三月江南草樹芳鶯歌一曲斷人腸牡丹亭畔柳花下
何處重尋杜麗娘

西秦才子客東吳蕭寺過從興不孤像恐春殘欲分手
倩人先作掃花圖謝竹溪爲王無則作掃花圖後語于其側

竹林寺

竹裏高樓遠見江山僧白日臥西窓惟愁松鼠偷新笋
時向東籬白擊梆

午日楊靜山太史招看龍舟因出北門看竹

金山續集

卷五七言絕句

二

片片龍舟下急湍水邊觀者萬人歡老夫別有怡情處
嘉樹園中竹萬竿

贈錢二郎

牧齋先生之孫也先生爲子字之曰龍先

錢郎十歲五經通鄉里皆知是聖童自合玉堂繩祖武
不應金鏡被塵蒙

松圓詩老擅風騷乃祖推尊義更高我有遺烟剛四笏
殷勤贈爾助揮毫松圓詩老程孟陽也手製墨係佳子以四笏贈二郎

吳越稱王志未申耳孫英絕悟前因霸先字汝非無意
莫忘當年取字人錢乃吳越王後故云

贈滕鍊師

仙觀仍從大宋開道衣不學至元裁問君可是林靈素
曾見奎星奏事來

紅豆詩有小序

虞山之東三十里有芙蓉莊乃牧齋先生讀書處也莊前紅豆樹一株高數丈圍數尺枝葉蒼翠不花者二十年矣辛丑三月忽開花是年九月爲先生八十初度枝頭又結一子似特爲先生壽者先生暨諸同志各爲詩以張之踰年癸卯予至虞山聞其事亦補八首

秋來紅豆生南國恰遇仙翁大醉時樂府重翻新製曲
莫教仍唱右丞詩

花似揚州玉藥開實如南海紺珠來祇因五百年前樹
曾作君家錦綉堆

猶記木樓出上關寢園薦罷賜千官誰將一粒相思子
論山續集

卷五七言絕句

三

依舊雙拳赤玉盤
狂風吹屋捲衡茅一點腥紅綴樹梢莫是天公有淡意

萬年枝上葉重苞
天寶開元迹已陳閒思往事淚沾巾秋風南國吹禾黍

愁殺當筵唱曲人
荆棘銅駝絕可憐江村瑤樹尚依然從今逆數花開日

正是崇禎十七年
二十年來始一花
花開結子類丹砂憑誰記曲屏風後

自有仙人萼綠華
昔家遠祖年八百應見枝頭四十紅八十老人凡四見

再回便是百齡翁
夜泊

風吹湖面菱荷香夜泊橋頭枕簟涼天與詩人送詩料
一鈎殘月挂垂楊

丹陽

江行無奈逆風何上岸驢羣不受馱欲覓肩輿資斧少
丹陽郭外跨青驪

晝寢

休夏無如睡味長却嫌人事苦相妨今朝雨氣能迴客
竟日齁聲欲撼牀

夜坐

晝長夜短惜勞生早晚貪眠差可平江雨過門山月出
池邊露坐又三更

煮瓠

念山續集 卷五七言絕句 四

曉出柴扉雨氣新家園瓜瓠驟輪囷摘來爛熳如蒸鴨
熊掌駝峰未足珍

贈老僧

山陰人自言少時爲毛師健兒

鞋韜曾從遼海軍袈裟歸臥剡溪雲可憐射虎屠蛟手
今日揮蠅與拍蚊

題倪閣公近稿

詩篇直出元和上書法全從淳化來與治不生于死
眼前誰似爾通才

題葉九來小像

石上松濤雜磬聲看間喜動是詩成世人但道金門好
驃騎何如第五名

龍江關雨泊

九來之兄諒庵方在館閣

平生睡美向舟中况是秋江雨滴篷久客自諳行路法
閉身不恨石尤風

廣陵一貴家

識客伶人呈劇日首坐者點萬年歡
千大呼曰不可豈有使祖宗立於堂下而我輩
坐觀者乎主人重遺客意予即奮袖而起曰吾
寧先去留此一綫於天地間王貽上拊几曰壯

哉遺民也遂改他劇

黍離麥秀尚消魂何況威儀儼至尊莫道人心盡漸滅
也留一綫在乾坤

雖然游戲事非真優孟衣冠亦感人却訝先朝曾扮此
當筵未見有人嗔

客至

念山續集 卷五七言絕句 五

山家酒熟不須沽况有瓜疇與芋區爭道主人貧好客
誰知囊底一錢無

上元月蝕

爲雲所隱以下甲辰年作

他鄉又見歲華新元夕偏傷客子神若對月明愁轉劇
不如無月免愁人

頻年日食不爲災月食何妨閨又來獨憐今夜雲遮却
依舊團圓十二回

牛首山密公房

兜率崖前萬樹松文殊洞口一聲鐘雨窓睡起憑欄立
疑是匡廬五老峰

題王元倬先生小像

神廟遺民世所稀斯人髣髴漢官威可憐諸葛真名士

竟作南陽老布衣

題張則之小像

二十年前曾識君風流文采冠人羣如今勲業窺明鏡
獨坐蒲團禮白雲

蒼溪作客夏偏長每食無餘亦可傷幸有故人來慰籍
佛前私語詎能忘

秋艇將遊明聖湖自慚囊底一錢無窮魚敢望西江水
百斛能令渴者蘇

二十年前患難交知君雅意未全拋獨憐咫尺同千里
筮得雲雷第五爻

莫言托鉢是閒身到此棲遲已六旬明日我當歸故國
昔年君亦作遊人

念山續集

卷五七言絕句

六

東王汾仲

草閣藤牀竹火爐三冬月俸仰生徒故人有疾憑君養
古道如今久已無

雪後懷林茂之先生

凍雪初晴鳥曬毛閒攜幼女出林臯家人莫道兒衣薄
八十五翁猶溫袍

溪行遇牛首僧

雪後柴門暴背時起行溪畔看流澌山僧相見私相語
此老胸中無數詩

杜湘草有蘆笛製甚工其聲亦異爲贈此詩

截蘆爲笛世應無吹氣如蘭雨獨殊但遇知音桓子野
不愁入破李君墓

題友人蛺蝶圖

學畫無如畫蝶難蝶身文采百千般花間撲取生蝴蝶
夾在書中仔細看

題張大風畫四首

梅花開後杏花開酒伴騎驢邨店來不惜千錢沽一斗
當壚笑指玉山頽

漁翁小艇繫槎枒楊柳陰中賣酒家取醉北窗消永日
階庭況有石榴花

亂山淡處白雲屯幾箇人家晝掩門野老杖藜時一出
蕭蕭黃葉滿前邨

萬壑千峰一雪埋山家羣樹總枯柴早梅獨綻寒崖下
踏破閒僧舊草鞋

念山續集

卷五七言絕句

七

霜月

曉啟柴扉霜似雪夜歸蓮徑月如霜老夫不畏寒侵骨
貪看霜天明月光

答王左車父子以詩見寄

琴公騎馬朝回日大賈停船貨殖時爭上似王家三父
子雪窗燈火共吟詩

半嶺庵看花戲題其壁

以下乙巳年作

石頭城裏花無數絕艷誰如半嶺菴一座錦山堆院落
三春麗日占江南

梅蕊蘭英雖可愛嬌紅終遜海棠花白公有句非輕薄
惱得山僧悔出家

同龔半千訪掃葉上人

乍觀丰姿山澤臞徐看題詠雪霜鋪不知付拂開堂者
曾道斯人牛句無

二月十二日作

老至貪杯不厭頻况逢桃李鬪芳春今朝病酒難重醉
孤負百花初度辰

又題王貽上看花圖

水部梅花事已非法曹吟閣尚依稀新年聞說蕃釐觀
芍藥重開金帶圍

祖堂訪石谿師不遇

冬春相約訪山屏風雨蹉跎心事違今日我來公又出
短垣修竹映斜暉

題吳子班一草亭冊

翁山續集

卷五七言絕句

八

燕雀湖邊風雨冥黃扉碧瓦總飄零如何秋浦溪山裏
尚剩乾坤一草亭

浩氣爲雲入太虛傳家祇有數行書竹籬茅舍堪棲隱
絕勝蘭臺芸閣居

題姚伯輔小像

仙居山下呂徽之米桶盛妻凍不辭今日姚生重隱處
高風寧復異當時

題江天際畫

平山堂下遇江生曾寫雲峰送我行今日重來已陳迹
紅橋秋柳不勝情

憶予十歲時初學爲詩清明日隨塾師出郭至丁
翁家有絳桃綠梅二本翁言手自種果三四年

便開花師因命子作絕句予應聲云云翁大喜

爲書屏間今四十餘載翁之子某過予話舊因

誦前詩附錄

龍眠山下野人家一片寒香覆白沙聞說當年種梅子
如今梅子復梅花

龍眠山下野人家一簇繁英似赤霞聞說當年種桃子
如今桃子復桃花

題汪西京像卷以下兩午年作

若翁殉難廣陵城義烈能齊史相名賢子豈容通仕籍
風簷雪澗了餘生

邦上遇沈方鄴卽送其歸宛

蕪城相遇太匆匆却喜歌筵此暫同歌罷出門天色曙
翁山續集

卷五七言絕句

九

渡頭雙艇各西東

垂垂新柳裊江關愁殺行人不共攀最是難忘舊游處
孤雲衆鳥敬亭山

潤州卽事

高閣平臨鐵甕城城頭朝夕海螺鳴聲聲淒切已如此
况復笳聲與角聲

與諸公遊鶴林寺飲米元章墓柏下

載酒尋芳去復來南宮祠墓獨徘徊無花亦合醉於此
况有櫻桃千樹開

鶴林寺懷古

青春重到鶴林寺白首長吟李涉詩竹院閒猶似當日
逢僧話亦不多時

李涉此句

黃鶴山頭黃鶴棲杜鵑花下杜鵑啼仙蹤一去無消息

只有僧樓面舊谿唐殷七七令杜鵑九

元章死墓此山根誓作伽藍護法門游客到來皆酹酒

何須上塚定兒孫宋米芾有墓在寺前市客發願為鵲林寺伽藍後果然

馬素塏前多古松相傳此老是禪宗即如同氣連枝句

已作人間夜半鐘宋禪師馬素菲此其詩云一回相見一回老能得幾時為弟兄

八公巖題一微上人壁

石澗涓涓聽不窮況多竹韻與松風山頭亦有淮南桂

無復仙人似八公

焦山絕頂

百尺高樓四面江山僧終日坐晴窗客來何物供茶具

指點園丁摘露雙本草紅豆雙名露雙

餘山續集

中冷泉

百排山下有三澗惟有中澗著水經可惜江波沒泉眼

非時那得注銅餅

卽事贈周建西子常

月華山畔雨蕭蕭賴爾勤過破寂寥貧士那能長得酒

花村茶舍日相邀

牙落

鏡裏客衰甚不平酒邊牙落更堪驚也知髮白難重黑

敢望他年兒齒生

山木逢秋葉自辭篋中何用強收之封題尚記今年月

丙午常州立夏時

旅食數

初夏將爲閩粵遊南薰恐不利行舟早知五月多陰雨

汲汲揚帆豈待秋

自愧饑驅來往頻祇因升斗因風塵女兒年少不知事

只道天無餓死人

門戶全憑健婦持朝朝簾下劈青絲織成衣帶輕如許

不斷炊煙幸在茲

本草相傳辟穀方麻仁黑豆最爲良良方豈必凶年試

大藥應從此日嘗

人世皆爲口腹營濁醪麤飯了吾生來朝米盡將何食

且把園蔬煮作羹

謾說青門五色瓜庾郎三韭亦豪華爛蒸去毛勿拗頸

充盤瓠子更堪誇

餘山續集

六月

卷五七言絕句

十一

六月重衾更著綿陰寒渾似莫秋天我生半百何曾見

記是康熙丙午年

題笠山師詩卷

兩窗閉靜聞公詩風格高寒繫我思彷彿當年無相寺

杖人同聽瀑泉時笠公爲溪杖人首座

夢與施愚山論詩醒而有作

我所懷人各一方惟君譚藝最難忘其中妙訣無多語

只有銷魂與斷腸

屏間題句

著書每日有功程客至能無輟筆迎笑語多時妨正業

樵蘇不爨豈人情

題郝羽吉振衣千仞圖

梧竹荒涼鳳鳥饑沙鷗汀鷺一羣飛誰知此老胸中異
千仞岡頭獨振衣

從弟既平以詩草就正題此

愛汝文心秋水明近來詩律更多情卽如倒影中流句
一幅元人畫不成向江頭立不惜全身影側垂

過西華門

碧瓦曾無一片遺黃扉猶有舊時基河干野叟低頭立
知是周人咏黍離

題友人瘦馬圖

天寒遠放雁爲伴日莫不收烏啄瘡杜陵此句真淒絕
見爾沈吟亦自傷

金山續集

卷五七言絕句

七

桃花村戲答閻古古

桃花村口路三叉雙塚新阡司冠家只許桃花笑人耳
遊人誰敢笑桃花

雨中漫興

節近重陽多雨天荒厨似欲斷炊煙客中何物加餐飯
茭白蕪青幾箇錢

題鍾廣漢詩冊

惠我新詩見一班雄才麗藻動人顏他年漸老歸平淡
知在高岑伯仲間

題雨凡上人像

吟咏久無洪覺老丹青尚有巨然師空林抱膝知何事
正是經營慘澹時

法華寺古蹟以下丁未年作

顏公千祿書全廢獨有山中四字存稍減神情因刻畫
不磨風格自高騫

蘇公作郡才三月山水間詩苦不多曾上此山觀震澤

僧寮猶有七言歌

寄懷葉子羽長興

名酒無如下箸多也曾露醉不重過雙鳧何日來茗上
山月湖風雜棹歌

送曾止山登舟

日日河干買去舟知君未去不曾愁今朝解纜真成別
腸斷茗溪春水流

荅程弘執送葛粉

衰年病肺酒爲魔止酒其如愁思何多謝情人饋仙藥
解醒仍不廢微醺

羅鏡菴歸舟有巨魚躍入載至太湖放之乞詩

滿地江湖多釣船遊魚那得保重淵知君慈愛能生物
特地投身意可憐

李雲田乞姚氏女畫竹寄其室寶鑑并屬予爲題

小詩

楚客懷歸歸路難先將墨竹報平安君如粉籜隨風遠
妾似霜根抱石寒

度陽山三絕句

黃鶴池邊黃鶴去白龍潭上白龍飛遊人何處尋仙跡
只有丹臺與釣磯

是日燕饗之招月王各仲時與桂次白姚氏路共遊

只有丹臺與釣磯

賣公遺像居然在道院惟餘一跛僧不是蘇軾有仙骨
誰能領客上嵯嶒

茗飲先烹石罈泉陵陽丹瀆古來傳何當汲取三千斛
一洗令人滿腹義

友人席上戲爲俳體

魚龍鵝鳳萊靈芝旅食將何饗桑隕猶喜山中豚肉賤
家家解作叔和醫俗傳王叔和縣訣左心小腸肝膽腎右肺大腸脾胃命石城諸客強半是

石埭紀遊十二首各有序

猷州城○石埭在秦以前爲古猷州其城近陵陽

東麓隋唐間江東大亂衆推左難當爲山岩總
管據猷州城保障一方則唐時古城尚在今廢

金山續集

卷五七言絕句

十四

矣基址周遭隱隱可見居民耕者常得古銅鐵
云

陵陽山下稻花秋南陌東阡自一丘聞道沈沙多折戟
老農知是古猷州

陵陽山○秦始立郡縣茲邑爲陵陽以其近陵陽

山而得名也山在縣治之北一里外漢元封間

沛人竇子明作令於此嘗釣於澗谿得白魚似

龍剖其腹有方書子明喜曰此吾志也遂登茲

山結茅以居修煉如法三年丹成有白龍下降

負之而去

鸞鶴齊飛向碧空如何作吏人樊籠古人亦有同心者

梅福王喬與葛洪

丹泉○陵陽山之中峯有仙壇宮宮上一里有丹

臺丹竈卽子明修煉處陰晦之夜嘗見火光燭

天疑丹之餘輝也臺下有丹泉從石罈涓涓流

出雖大水旱不盈涸其味甘冽迥異他泉郭璞

遊仙詩云陵陽挹丹瀆卽指此

丹竈千年尚有神子明而後夏無人天生丹瀆誰來飲

飲者還推郭景純

舒谿○古名澗谿其義未詳東漢有舒氏三女從

其父采薪谿上忽見大桃自澗流出三女剖而

分食之俄傾坐化父奔告於家再來則三女冉

冉雲端矣遂改澗谿爲舒谿舊有舒姑廟在谿

上今尚存

金山續集

卷五七言絕句

五

一灣春水漾晴沙兩岸居人數十家谿上重尋仙女廟
門前依舊碧桃花

白龍潭○在舒谿之東一里許下有淺潭其色凝

碧礚石巖然獨出潭上卽子明垂釣處也李太

白詩杜鵑花開春色闌人歸陵陽釣魚晚是時

石埭屬涇縣故太白此詩在涇縣東亭作

上下山谿俱涉灘惟餘此地獨深寒其中或有龍孫在

無復仙人把釣竿

黃鶴池○在陵陽中峰之麓方廣一畝四時不涸

相傳子明之弟子安亦仙也曾騎黃鶴來訪其

兄暫棲於此故名李太白詩白龍降陵陽黃鶴

呼子安卽用此事或云子安葬於山下有黃鶴

巢其塚樹非也池上有黃鶴墩當因池得名俗稱白鶴墩亦非

黃鶴池邊黃鶴墩誰騎黃鶴下松根仙人一去無消息只有羣鴉噪晚村

長林。在舒谿之東南一里古有長林街唐杜牧守秋浦有妾程氏不爲其妻所容遣嫁於長林杜筠甫六月而生子卽杜荀鶴也少攻詩舉景福二年進士第世爲長林人不復歸京兆矣牧之集有示阿宜詩云一子崑崙跨相門宣乎須記若而人長林管領閒風月曾有佳兒屬杜筠蓋阿宜牧之長子欲其知有此派在長林也

文采風流杜牧之桃花曾誤十年期桃根又屬他人手

龔山續集

卷五七言絕句

十六

稍喜還生姓杜兒

牧鴨湖。在縣西十五里之四都相傳荀鶴少時寒微曾牧鴨於此故名

荀鶴詩名冠晚唐小時牧鴨意淒涼乘軒何不歸京兆想是依依戀北堂

迴驢嶺。在牧鴨池之東一里相傳羅隱聞荀鶴能詩騎驢訪之至嶺而遇荀鶴相與定交不復至湖上故名

江東羅隱本豪賢却肯窮鄉訪少年可見詩人難再得騎驢牧鴨總堪傳

魚龍洞。在縣西三十里之六都有魚龍山山下有溪洞流水出焉遊人操小舟秉燭而入其上

爲石屋左右皆石巖千年石乳纍纍下垂有如柱如屏如牀如水簾者有如鐘如鼓如磬者如松如桂如荔支如娑羅樹者如鰲如鯨如馬如鸚鵡者奇形怪狀酷似其真相傳其水發源於青陽之梅宕山伏地行十餘里始出今且人行三四里則有石坡石臺可以環坐飲酒前有石門僅容小舢舨內則峭壁深潭杳不可測遊者懼不敢復入

古洞逶迤十里餘深潭疑有老龍居天工亦解兒童戲幻出真形畫不如

轆轤石。在城南儀鳳門外危灘急流之處相傳

邑有賢人出則夜聞轆轤之聲以爲先兆宋丁

龔山續集

卷五七言絕句

十七

公輔王公鑑明李公廷璋吳公必顯畢公鏘蘇公瓊桂公伸釋褐之年皆有此兆邑人於路上作轆轤亭歲賓興則祭之亭今廢而址猶存危灘靜夜轆轤聲知有英賢此地生可惜世人勤禱祀沾沾只是爲科名

三埭石。在縣西一百六十里之十三都有三巨石橫亘路上以塞瓊谿鴻谿之水曰上埭中埭下埭中埭之石方廣五丈可坐百人三國時特作石埭塲於此以屯鹽梁大同元年改爲石埭縣自是不復名陵陽矣

縣名石埭義如何三石爲梁永不磨我欲往看愁路遠居人老亦未曾過

九華道中

雲峰咫尺與飛騰炎暑攀躋恨未能直待秋涼重命駕
吟身須躡最高層

題石開上人所藏無道人畫

秋浦曾來藥地禪爲公禿筆寫林泉暫時不肯輕拋却
掛在松窗十二年

東龔仲震

時寓河房與吳庭發隣

青谿僑寓已三遷垂橐仍無買酒錢幸有吳郎共晨夕
閒看秋水過霜天

送行脚僧

開堂付拂渾無賴不借軍持自有情極目江天路空濶
方知孤鶴是前生

金山續集

卷五七言絕句

九

上巳東王左車

以下庚申年作

莫愁湖上水初平孫楚樓邊草漸生幾欲出城修禊事
却嫌風雨太無情

哭胡吉甫先生

行年八十八春秋於世儵然無一愛獨惜白頭逢喪亂
黍離麥秀不勝愁

三藏菴見陳百史遺墨有感

茲見僧房大幅懸回思三十五年前斯人雅志千秋事
僅僉科名亦可憐

崇禎癸酉予與百史結盟此菴故云

張玉書橫潭冊子

聞說橫潭別業存桃花流水自成村明年倘發西泠櫂
定欲停舟扣爾門

題徐子能小像

何幸同生壬子年苦吟端不讓前輩子與徐皆壬子
生也

題畫寄桃源令魏公

淮河交處少山林花縣新彈宓子琴爲寄郭熙圖一幅
千巖萬壑助琴心

贈汪少室四絕句

櫻桃時節雨偏多陋巷柴扉客不過條有素冠亡友子
矯如白鶴下庭柯

絕世聰明管輅年懷中詩草更翩翩自言酷好龔山老
衝口能吟數十篇

爾祖司農受國恩先朝廟諱合知尊如何輕犯 光宗

龔山續集

卷五七言絕句

七

諱想是髫年未討論

嵩高三十六峰齊太室居東少室西汝字重更應取此
白頭猶記在青谿

少室各處舊字悉公子以

訪王子言秘書畱飲竟日有贈

朱雀橋邊谿水平畫船簫鼓雜歌聲不知何處金閨客
高咏臨流聽者驚

曾去天都陟翠微重來京國玩芳菲眼前冠蓋應無數
獨念龔山老布衣

野夫白首臥江村懶慢經年未出門今日杖藜來水閣
惺然談藝到黃昏

題高翁小像

家在秦淮水閣居蘭花蓮葉滿階除捲簾時看人垂釣

欲枕夜聽兒讀書

贈江天章

傳神自昔推曾老被妙手如今讓戴生復有江郎工此技三人異代合齊名

趙山子齋頭看沈石田畫

質賸無非沈石田此圖山水是真傳王人欲售我欲買安得青銅三萬錢

重題採藥圖

白柄長鑱手自持花籃盛藥步行遲船端尚有英雄氣二十年前四十時

秋夜示內

竹院風聲吹破壁紙窗鐙影照空罈今宵愁絕應難寐

念山續集 卷五七言絕句 下

欲飲借卿頭上簪

汪我生家有婢肥白而眇年二十餘尚無偶一日有眇丈夫見而悅之持厚幣取去予適逢吉期

戲爲俳體

昔有人就一目妓翻嫌兩目是多餘情知今夜銀鐙下合香真成比目魚

重陽後一日徐仲光送酒

斗酒雙鳬誰餉君君還餉我意殷勤獨憐不及重陽節把盞同看路上雲

偶過朱槐里齋頭因題其小像

論交三十二年前對酒吟詩壁尚縣我望六旬君望八白頭相遇更歡然

破冊繚緹誰爲真品題俱是宋遺民傳之異代同心者想見西臺慟哭人

爲張僧持五十初度

南邨五十負詩名詩似梨花徹骨清借問天街騎馬客幾人能作苦吟聲

自小長齋繡佛前獨餘米汁未能捐城南四百八十寺一寺畱君住一年

上河守風邂逅江天申懽如故舊邀飲江樓而張南邨適至遂成大醉詩以紀之

小艇初維江岸沙忽逢年少有才華問予可是念山老不惜千錢付酒家

欲挂風帆恨石尤借君杯酒可忘憂無心又遇南邨子

念山續集

卷五七言絕句

王

爛醉旗亭即勝遊

桃花潭懷古

太白常遊涇水濱交遊寧止一汪倫歸時獨爾來相送千古令人思此人

題龔半千畫贈曹明府

龔生墨妙冠江東曾寫雲山艸閣中今日石門尋茂宰林巒真與畫圖同

黔縣夜酌

石孟山下雪花飄旅舍將何破寂寥惟有城南雙料酒一瓶差可度寒宵

黔縣所沽佳酒

雙料者佳

將之無錫別王壻安節

以下已酉年作

春風挂席向梁谿今夜維舟泊水西惜別漫勞畱我宿

榜人恐不待聞鷄

過弘濟寺不得上岸訪蒲菴師寄此

言登江岸訪蒲公却恨舟師趁好風纔得過江風又息
幾回搔首夕陽中

江上觀水勢因憶程孟陽有三月春愁水不如之

句遂用其語作起

三月春愁水不如眼看春水更愁予何年飽食無遊事
堅臥茅齋老著書

錢湘霽屈翁山鄉評士霽山同古白上人見過艸

堂小飲因至晏家橋看罌粟花得七絕句

長板橋頭春水波舞衣歌扇總消磨餘野園閒花艸

勾引東風蛺蝶多

翁山續集

卷五七言絕句

五

玫瑰芍藥本妖嬈罌粟花開色更嬌古寺舊爲江令宅

小園今在晏家橋

笑指城南富貴家朱門寂寂鎖煙霞不如老圃多幽趣

常許閒人來看花

艸堂臨水淨無塵菜甲盈畦別有春閒戶不曾延俗客

看花時復過比鄰

自歎貧家召客難客來寧不薦杯盤典衣沽酒亦成醉

甜笋香芹未覺酸

花落鶯啼春可憐酒徒相遇發狂顛諸君莫笑予頭白

我是花中老少年

水閣紛紛颺酒旗山厨往往斷朝炊枝頭無數米囊子

戲語錢翁轉自悲

胡君頤山人七十壽

腰鎌曾上爛柯山又逐成連海嶠還升龍不嫌生白髮

緇塵未易改紅顏

母九十節壽詩

到薦高風自古推未聞船壽及期頤千秋重見陶家母

苦節還齡覺更奇

翁山續集

卷五七言絕句

五

跋念山續集後

念山先生余外舅也歿既二十一年槩始克檢鑲遺詩實慚蹉跎歲月然蹉跎之故有難言者焉往宛陵愚山施先生與蛟門汪子之爲舍人時曾以剗劂力請之北平金公公力囑某盡謂北平顯官也某雄賈也得此兩君全集唾手可成槩竊言念某既無生平驪外舅外和中介從不輕以知已許人詩若文何事而可委之於不知已之人成之以謾曼與渫之物加以生前所斷斷不爲者而苟且爲之於身後祭非其人尚吐弗茹何況遺帙遂寢弗舉時先君听然曰寢弗舉良是爾小子當自勉勿借爲捕鳥罔也又東淘吳野人書來曰念山遺集久未流傳余當首率同人伙助夫槩固貧窶野人尤貧

念山續集

跋

竊于槩顧念野人素厚遇先外舅乙巳秋先外舅客邢野人家濱海海水暴至廬舍蕩沒榻有病婦啼繞飢兒野人猶戀戀郡城與汪仲子舟次通勉扶持買舟相送氣誼之篤用是淺信弗疑時先君復听然曰信弗疑良是爾小子當自勉可借爲駕馬策也野人既數謀厥緒弗就心殊鬱鬱旋亦溢逝而愚山蛟門兩公之卒又後先相繼嗚呼此道茫茫無復過問者矣今年春槩臥疾旬月重念先君墜言迺質衣減食竭蹶從事先梓壬寅以訖已酉之詩行將次舉全集是則遵其舊標曰念山續集續集成酌酒以告因及愚山蛟門野人之舉離中輟誼實可感附記之千後已已六月朔堦王槩拜手識

此葉北大配補

又跋

李太虛先生曰念山詩長於序事是足鑒括先外舅全集木厓潘子曰先生詩陶冶性靈流連物態不屑屑爲章綈句繪間有徑率之句頗爲承學口實然先生實苦吟含咀宮商日鍛月鍊凡人所輕忽視之者皆其嘔心刻肺而出之者也又好改人詩與人辯論至面赤背汗不少休人亦以此喋之而先生已語罷輒忘不復省記矣木厓之言尤中窾竅槩憶先外舅往與楊子商賢論詩未合楊子奮衣出然居僅隔垣也楊子夜則升屋騎危操刃詬訕嗽嗽不止及先外舅卒楊子聞之踉蹌奔至以手俯而頭觸地慟哭失聲曰自此老友中求一直道不少迎合之人不可得矣先外舅品誼詩歌於人始

念山續集

跋

雖齟齬卒能使其回心惛慮類如此木厓龍眠風雅之選爲先外舅衰然採入數十百首用專一弓極相推重吳廬宮詹與先外舅素稱石交最喜誦其詩致手錄遺句延友經歲罄抄全集置之凡案曰見此如對故友是皆古人之誼不可以不記槩又識

此葉北大配補

方俞山先生傳

宿松朱書

卷八

方文字爾止一名一未字明農桐城人方氏世以忠孝節義名其家自四川斷事官法死靖難之禍數傳至學漸講學稱明善先生學漸生大鉉以進士仕戶部主事立氣節能文章即文父也年五十生文文七歲父卒京邸其母王氏年二十餘苦節無成之文年少有才名思振其家聲與諸名士貴池吳應箕輩及復社幾社諸君子相厚善崇禎十五年大荒乏食宣城令梁應奇以五百金贈之乙酉後輒放廢不自繩檢避兵吳江尋病困白下武進令張國樞高淳令崔掄奇濟其急既而太湖令李世洽延為生徒師遂徙家焉文為人猥狹又任放好嫖馬刻意為詩輒嫉憤舉世世無當其意者以故多

俞山續集

傳

齟齬四人獨能終始禮之無間也間登廬山南望痛哭還居樅陽會妻中風暴死妻家構釁移禍其妾圻妾腦隨胎死時母年七十矣命文出遊繼室龔生子延宗祀文依母不肯去母嚴命之乃之淮安已聞母卒奔還厝之淺土事竣遊徐州入燕北探孤竹諸貴人多折節交之文顧時時任罵曰龔龔毋近牀汗我逾年復命棹歸卜居淮上娶故殉難汪公偉女為婦時李世洽觀察徐州復往從之已乃南入杭州縱遊西湖還居金陵以醫卜自活尋遊兗州謁曲阜林廟去之濟南上泰山西赴廣平大名還金陵未幾泝江入豫章至贛州還有四遊詩集壬寅益憤激若蹙蹙不能一日生者過清江浦讀洪武所封河伯廟碑慨然酹酒呼謝處士緒吾與爾為

此葉北大配補

後起不孤也痛哭去謝處士緒者宋會稽諸生居金龍山入元以忠憤自沉即洪武所封河伯者也事詳廟碑

文去復上泰山還客常州或出或居戊申謁孝陵先是文從兄孔昭為南尚寶司攝太常寺秋祭攜文及其子以智同至齋宮夜有羣鹿來觸人項懸金牌銀永樂字其上蓋成祖所放也取餅餌飲之即馴擾攸伏雞鳴鼓鐘百官鵠立拜舞文因縱觀其盛心樂之遍陳禮樂器物復嘆其朴儉謂聖制不可及至此忽三十年都非往日見聞文曰戊申高皇帝登極之年也嗟乎哀哉伏地大哭不能起久乃去明年歿于蕪湖客舍有為箕仙之術者或傳箕曰平生詩酒是生涯老死江干不憶家自入黃泉無所見冥官猶是舊烏紗遠近傳之以為文也

俞山續集

傳

文無子其婿安節王槩為刻俞山詩若干卷俞山在懷遠縣城外周世宗望之謂濠州有王者氣文以自號不忘濠也

朱書曰吾聞之吳人汪揆曰陳溧陽以假歸乞俞山定其詩執禮甚恭俞山反復讀之曰甚善但須改三字即必傳無疑耳陳以為隱也曰寧止是顧三字者何也俞山厲聲曰但須改陳名更三字時坐客滿阜錯愕不能出聲陳亦厲聲曰爾謂我不能殺爾耶適代巡來謁陳拂衣去客咸咎俞山俞山笑曰吾自辨頭來耳公等何愛頃之陳復入執俞山手涕流被而曰子貴我良是獨不能諒我乎竟相好如初

此葉北大配補